

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

# 四庫全書存目叢書

集部  
第二五五冊





責任編輯：孫言誠 賀 偉

ISBN 7-5333-0615-5



EB48/07

## 四庫全書存目叢書·集部二五五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第二五五冊目次

## 集部·別集類

匡山集六卷

〔清〕王沛恂撰  
吉林大學圖書館藏清雍正刻本

一

綺樹閣賦稿一卷詩稿一卷青社先賢詠一卷

〔清〕安箕撰  
南開大學圖書館藏清康熙刻本（青社先賢詠配鈔本）

六七

汪伯子菁菴遺稿一卷

〔清〕汪筠撰  
天津圖書館藏清康熙刻鈍翁全集附刻本

八九

學古堂詩集六卷

〔清〕沈季友撰  
南京圖書館藏清乾隆刻本

一〇一

六瑩堂集九卷二集八卷詞評一卷附錄一卷

〔清〕梁佩蘭撰  
首都圖書館藏清道光二十年南海伍氏詩雪軒刻粵十三家集本

一七六

紺寒亭文集四卷詩別集一卷詩集十卷

〔清〕趙俞撰  
首都圖書館藏清康熙刻本

四一〇



匡山集六卷

〔清〕王沛恂撰

吉林大學圖書館藏清雍正刻本

附《四庫全書總目·匡山集六

卷》提要

匡山文集序

王君書巖君子人也家世  
貴顯多間人其長兄中允  
公第五兄總憲公並以取  
卿尹知名於時君獨馴謹  
好學如寒素與人言動引  
古義或頗諄諄稟潤不變也  
舉進士不第太為海城令  
用古循吏法民服而親之  
雖正元年予佐兵部君來  
為主事喜稟檄將藉以  
助予既予以知茲舉入鎔

匡山集序

院再浹旬始出則尚書以  
怠緩劾罷官矣予訝君所  
司無廢事烏乎怠君笑曰  
不能趨走側媚以事長官  
亦怠也予憤甚即繕疏留  
君詰旦將上君兄總憲公

匡山集序

二

方為通政使夜趨余邸舍  
力勸止謂公誠為

國家歲惜人材然旁觀且  
以吾弟為有所祈請是於  
吾弟無益而有損也乃不  
果上君遂歸益攻苦讀書

為詩古文又十稔君之子  
相集君所仕為四冊屬余  
序之予受而覽焉其文筆  
頗近明嘉靖以後風格然  
皆本真樸茂之寔意以出  
之其叙繆孝子可以教孝

匡山集序

三

上朱總憲書可以佐士氣  
坐於寄劉布政書則生民  
元氣賴焉近世書尺所未  
見也夫古人立言務期有  
益於世而已今君所仕如  
是誠刻而傳之必有補於



政教而君之未竟所用者  
亦可以少慰然則區區文  
筆之格律又豈足多論哉  
維正癸丑夏五臨川李紱  
書



匡山集序

四

匡山集目錄

第一卷 文

九邊錄自序

贈繆孝子序

新建明倫堂碑記

三義廟記

遊攔河山記

厝石書院記

匡山集目錄

紀山蠶

總制郭公崇祀鄉賢祠說

自問篇

祭九弟汝平文

上朱總憲書

與劉青岑先生書

與滑縣令書

答郭虞翔書

與元直表兄書

題王魯珍江城圖

題冷吉臣畫冊

題李函谷雲山圖

松石居銘并序

小匡山靜室銘并序

書巖小隱跋

助居跋

匡山集目錄

茶浦詩跋

仿長者言二則

疏稿代

詳文

第二卷 詩 閒居草

還山吟四首

還山詠四首

山居古意

山居八首

山村晚興二首

入山倣古四首

九日遊孫子書院二首

秋行

題新城昆季倡和圖

夜月聞鐘用蘇長公韻

戊秋偕霍文若擬登五蓮後東遊琅

匡山集目錄

邪阻風雨有感

山房即事

戊秋登五蓮山偕兩上人挑燈看月

夜吟而罷

戊秋偕霍子文若入山久而送歸賦

此贈別

書齋即事

題霍文若小照



九日登高後遠臺雪音歸自齊東迂  
道過訪出其相憶詩索和依韻答  
之

季秋看紅葉不遇題於玉林山房

野望行三首

登超然臺二首

超然臺懷古二首

偕羅邑侯登眺超然臺時方重修賦

匡山集目錄

四

此以贈

超然臺古意

戌秋入匡山

匡山十二景 存四

釣臺烟溪

葉石安眠

渭流洗耳

石人挿漢

觀畫詠懷二首

上溝看花

遊翠屏巘

洗甲池

觀海

營山居

題春江雪霽圖

雨後出郭遊薄學士園亭

匡山集目錄

五

雨後送別家五兄

羅邑侯寄詩相憶依韻奉答二首

丙午暮春病後入山作二首

竹杖三首

扁竹杖

題晚香居

丙午小春搆得盆封高尺許古幹離

奇質堅如石雜之英德靈璧佳品

中其皴透瘦當必無辨而生意勃  
勃頭角鱗毛鳥伸而蜩集尤堪置  
諸几上以供清玩目題於壁

悟言四首

第三卷 南遊草

田家春望二首

舟發廣陵渡京口潮落江平旭日初

上中流望金山烟爍如爐冶成盱

匡山集目錄

六

目良久不覺舟抵鎮江城矣

扁舟夜行

姑蘇

錢塘

雨霽春望

登大觀閣

湖上雜詠四首

偕僉憲大兄遊西湖用竹枝體

翁園背山臨水雅秀為湖莊第一子

寄居湖樓相去里許行有日矣主

人康貽先生過訪兼遺蓴羹作詩

二首索和依韻立答二首

江村梅

舟中歸思

江山行

病後二首

匡山集目錄

七

第四卷 哀吟草

秋草吟

詠秋

詠懷

感懷二首

自悔

感懷

秋夜



青州道上積雪有感

過十里鋪和陸武園先生辟間韻

發雲門次日渡孝水有感

過山頭店

積寒

壽安靜子先生七十

送尤雪浦南歸

甲戌春北上公車和陸武園先生辟

匡山集目錄

八

間韻

庚辰下第歸里

悲鴻

春遊南郊

輓楊公含先生

第五卷 居山草

張子石民入山過訪緣其往來乏資

乃割田以贈賦此為券四首

山居樂四首

化谷

五蓮

匡山書屋

小閣山霧

山溪道上

山中四時歌四首

雪中懷石民先生

匡山集目錄

九

初晴

丁亥季春還山仲秋再入都門賦以

誌別

韓信灞弔古二首

第六卷 出山草

出山圖自跋並寄張子同人

秋橋晚泊

秋雁感懷八首

偕同鄉諸公祝勞銀臺夫子壽盡歡

而罷賦以紀事

代少京兆大兄贈別吳總憲歸里

題梅花圖

題落花引蝶圖

市花歌

春柳

九日偕龔別駕登攔河山並遊繡嶺

匡山集目錄

十

寒泉寺和韻二首

海署雜詠二首

閒衙即事

寒夜飲富州牧世兄衙齋

和王星若明經喜雨原韻

和蕭居士喜雨原韻

需次都門擬於八月東歸

匡山集卷一

琅邪王沛洵書巖氏著

九邊錄自序

人謂邊防之設始皇肇之然非獨始皇也  
秦昭王已於隴西北地上郡築長城自固  
矣亦非獨秦也趙自代并陰山下至高關  
燕自遼陽至襄平各築以為塞厥後若魏  
若北齊若隋無不因險隘之關相形勢之

匡山集卷一

一

便補築邊牆以限中外此亦王公設險守  
國之意明太祖渾一字內逐元人於古會  
州之地設大寧都司及所屬營州等衛以  
為外藩籬復內修山海關喜峰口古北口  
黃花鎮潮河川一帶以為內藩籬起遼海  
盡酒泉延袤萬里其中漁陽上谷雲中朔  
代以至上郡北地靈武鞏蘭河西山川聯  
絡列鎮屯戍據險以杜外患可謂思深慮

遠矣成祖建都北平東則薊州為左翼極之而至於遼東西則宣府為右臂極之而至於大同榆林固原寧夏甘肅北則以黃花鎮為後門極之而至於古北口潮河川非不揣山川要害立營堡修城塹嚴斥埃思以扼出入之吭然自大寧都司之內徙而左輔寒自遼陽舊城之外棄而守望費開平移而上谷之烽火逼東勝廢而三關

匡山集卷一

二

之設脩嚴偏頭不守河套失利哈密折入土魯番河西孤懸譬如居室者弛門戶而抱筐篋欲宴然高枕其可得乎弘治以下無論獨怪文皇靖難後劫大寧兵招兀良哈神謀遠略超絕千古即欲以功徙寧王何至以三衛賞別部厥後遼東宣府聲援隔絕而關左失守則大寧之棄為失算也明矣豈禍敗之來出於智所不及誠如蘇

長公所云哉抑將有應運而興者早為聖人驅除難耶康熙戊子余綰綬海城道出山海關東俯溟渤西望邊城峰巒斷續堆堞橫亘古人所謂天險也貔貅之衆星佈棋置廟謨宏遠不駕出有明諸君萬萬哉抑又聞吳起之對文侯曰在德不在險是言也尤為萬世設險者之明鑑云作九邊

錄

匡山集卷一

三

贈繆孝子序

人苟可以風勵人心不論權位之大小有無皆足以發其所同好而運吾轉移之機雖處僻陋龐雜之地而亦莫不然余之蒞茲土也人多僑居俗各異好性剛喜獵直率而少文思有以移易之相與激發其天性如通志所載遼陽郭全事繼母若父哀弭廬墓廣寧程琪拊母棺呼天風滅鄰火

匡山集卷一

四

開原王斌寧遠宮守禮割股以活親白雀巢於廬非不彰彰可考足以興起教化而海城一邑獨缺焉無傳者此余之所以掩卷太息而有信目不信耳之歎也戊子秋偶遇繆子德普於繡嶺寒泉同遊者皆華服而繆子緼袍與立自若也吾以是而有味乎繆子也聽其言穆然以遠觀其面若秋山之葉淡黃而悽然殆似乎有所思也

者越數日其弟彛鼎邀余飲坐客甚夥而德普以病不得與詢其由或曰其先大人仲昌公捐館舍繆子既哀毀葬而廬於墓側者三年矣能勿病余感歎而就其榻執其手而為之泣一座愕然繆子養病於其先人之墓年餘歸與余結友遊攔河山登臨憑眺臨風而懷想余不禁南嚮作孺子泣繆子亦流涕而北望焉衆復愕然為之

匡山集卷一

五

不樂者以余歛悲飲泣而言曰今之與繆子遊也能知夫繆子之心哉不知其心而識其面未足以與繆子遊也人子之思其親也寧獨劍佩琴書栴檀服御以及疾痛慘怛患難死生憂虞然後動於心耶山巔水涯鳶飛魚躍草木華實音樂歌舞星辰雲漢雨露雷霆極天地間可驚可喜者一寓於目而即觸於親蓋真能憂吾憂而樂

吾樂者莫如親即兄弟妻孥子女戚黨朋友之共吾憂樂相去不亦遠哉余之序吾哀吟集也謂人生父母歿哀固哀樂亦哀故以余之心會乎繆子之心而竊有合也非但余之心與繆子合凡與繆子遊者亦何獨不合特無有人焉從而激發之耳用是刺期舉事旌其閭曰孝子之門且更其字曰永思贈以聯曰眼前孝栢偉元淚庭

外慈烏希逸心於是乎邑之人莫不歡欣鼓舞相率而拜登於其堂且為索序於余嗟乎猶是海邑也猶是繆子也何前之讓善於鄰封者今且後先比美而無慙前之羣不知有孝子者今且好義醵金而賀其室乃知化導之微權不擇人不擇地在乎風勵之者得其機耳抑聞繆子之先家江南故明彈劾魏璫繆諭德其鼻祖也今雖

以隸旗籍尚能抒其至性耽於學刮磨豪習殆盡蓋勁竹之後仍生筠孫其由來遠矣是為序



新建明倫堂碑記

明珠照乘白璧夜光寃其用不過適觀當前至與日往月來普天畢照者較量廣狹曾不足當其一隙乃人每忘其晝夜滋息所由來而爭珍夫隋珠和璧不寧惟是即如今之人得以安居樂業而不至弱肉強食下同於禽獸者誰之力與有聖人焉水火以驅毒螫金刃以制爪牙去其害夫人

匡山集卷一

八

者而後立君臣親父子別夫婦序長幼決朋友固性而利導之以全其人而不相戕賊以迄於今人之賴有倫也猶日月之經於天可使一日不明於天下哉宜其家祀戶禱以頌聖人之功於不衰乃世教不脩民失所據猷切近而趨虛無竭其力以事佛老神鬼恍惚與遊萍斷縷同其飄沒烏從而知夫本源之所在耶斯弊也世多有

之而海邑為甚余嘗見通志所載忠孝節義之著於鄰封者夥矣獨海邑無傳者心竊怪之及下車謁廟多士聚於庭既成禮周視廟貌面牆而立又僻處西南隅明倫堂缺焉余建議造之而眾不應寢其事者年餘熟見夫邑之內某寺某觀會首某糾眾醵金興造之餘廟有會會必演劇奔走男婦若狂士農工賈罷其業而從事嗟乎

匡山集卷一

九

此風俗人心所由救又何怪乎忠孝節義之無傳人與余亟欲挽之而恐其不吾信也述前聖立教之功大聲疾呼幾於舌敝而信我者僅千百之什一迨法言與語浸潤者又年餘而信我者什且二三焉余曰可矣乃擇地鳩工建明倫堂於厝石之陽旗民之助脩者若而人鐫書忠孝節義大字四取邑人之可風者分類書之事竣設

進集邑之父子弟於堂而告之曰余之作此堂也衆知之乎諸君子皆會中人也事佛老鬼神如此其誠且敬也苟能舉其誠且敬者而奉吾先聖之教則吾將書之於壁如某而今尚有待焉姑從余舉酒致敬以奉某某孝子也是有合於先聖之教者今試問邑之人有能忠於君孝於親恭於兄篤於夫婦朋友者乎雖未奉夫佛老

匡山集卷一

十

鬼神而天降之祥否則雖日奉夫佛老鬼神而天降之殃是人也吾不忍書之於壁而心非之不妨面折之吾願邑之人登斯堂也見夫書於壁者之可樂而至性油然而誠於中形於外是吾邑多一忠孝節義之人也見夫不書於壁者之可恥而迺身自省報於顏悔於中是吾邑少一不忠不孝不節不義之人也非獨以教邑人也余之

偕諸君子以蒙此堂講明此道也倘余行之有虧諸君子之所共見共聞也傳曰十目視十手指而況今之指視乎余者又不止十目十手乎哉諸君子勉焉余更滋懼矣余滋懼而兢兢乎奉先聖之教則成乎余之為人所謂倫明於上也諸君子知所勉而不敢背乎先聖之教則各成乎其為人所謂民親於下也而謂堂可不作耶堂

匡山集卷一

十一

作而倫明倫明而教立斯道也人道也反是則上人羽士之道也諸君子急自迺焉則風俗人心之不墜在此舉矣若夫不求其有裨而惟蹈襲故常以取名要譽即片瓦一椽亦屬虛糜天下豈少明倫堂哉乃作記勒石以告

三義廟記

茲地喜事浮屠老子及諸不經之神結會演劇奔走士婦而觀之相率以為樂自秦徂秋無虛日浪擲其金錢不顧也余蒞任年餘每與父老議改革而未果以民之溺於習俗而難與更始也預為昌言以曉之者數矣會有以三義廟碑文請者恐余之拒之也方啟齒而不欲盡其辭余叩之而

匡山集卷一

七

慨諾焉或曰公方謀革舊習乃亦逐流耶余曰此正吾之所以與民更始也夫見所可欲而趨恒情也一旦革其平日之所欲而驟以從我則群然疑今就其平日所欲之中而示以若者所宜趨則其所不宜趨者不言而思已過半庶幾乎半釋其疑而乍信之機萌焉此吾所以樂乘其機而冀轉移也邑人所祠祀者多矣而吾獨取於

此者蓋將舉其人之惑於虛無誕渺畏陰譴而諂求利益者反而求諸人倫切近有裨於世教人心之實事則茲三義廟者循名以核實可不深長思哉昭烈關張之友道昭千古也以義始以義終也人咸稱為三義也而吾謂其君臣之誼兄弟之情直與其友道並昭而為三何也當漢末瓜分昭烈無投足之地而寄於小沛散於徐州敗新野走當陽依江夏若飄絮遊萍不知何所底止而關張獨患難相從視曹之盛孫之強直鼠竊耳乃險阻備嘗卒成鼎足至其居同寢食出侍左右帶劍而危立此馬孟起所以一見折服而消其慢易之心也厥後荊州失足舉國興師在昭烈豈不知脩小信而忘社稷之仇後世有譏之者而兄弟急難志同生死直有為同胞所羞

匡山集卷一

七

對者嗟乎古之君子砥行立志終其身於  
三綱五常之內而告無過焉斯足矣即或  
履困而見節義其流傳不過一二事求其  
三義卓然若日月五星之經於天無智愚  
賢不肖仰奉而俎豆之抑又鮮矣邑人之  
奉之也以為感則靈求則應幾與佛老諸  
神以禍福趨避狂走愚民者一視無別今  
思其所以廟食者不過三大倫之克合於

匡山集卷一

十四

義焉孔子曰務民之義敬鬼神而遠之人  
誠秉其虔奉三義之心而力行以自勉上  
可以與聖賢爭輝下亦不失為鄉里善人  
此誠民之可欲而宜趨者以視夫空虛誕  
渺之聲惑人心竭蹶趨奉而迄無實效者  
相去不亦遠哉用是不辭固陋而援筆以  
記之是役也經始於康熙乙酉之盍春落  
成於丙戌之季夏法得備書

遊攔河山記

康熙庚寅王孝廉軼萬讀書於攔河山歲  
云秋矣具東招客孝廉之猶子會一邀余  
及賓子公岐姚子騰霄羅子人章王子星  
若丁子子雋偕行李廣文九畹從間道策  
馬先至與主人斜倚山麓遥望而佇候指  
顧大歡笑曰客來矣客來矣山僧採梔子  
供客客食桃余登山而四顧來龍自東北

匡山集卷一

五

迤邐十餘里回首而昂立水之隨龍而來  
者至此則盤為巨浸山底怪石鱗立橫截  
水面波洄容與淙碧可沒人因思山名攔  
河不虛也客有舉網而漁者無所獲皆解  
衣礪礪而浴浴已登岬或行或坐或卧公  
岐與人章奕大敗而逃主人收碁命酒甫  
三行飛雨驟至山沉烟烟化水簷溜淙淙  
頃刻而過萬木如洗山容蒼翠若破雲之

露碧天主人飯客畢踏亂峰閒步輾萬騰  
霄登危石之巔立而嘯余與諸客不能從  
仰視而骨慄須臾天風起衣微涼童子輩  
穿豐草採榛盈掬諸客尋大石列坐下臨  
淺沚平沙看白鷺捕魚食卧者牛馳者馬  
飛者燕歸者鴉有一人擔而過水水及肩  
兩手舉擔高於頂一草一木色色入畫主  
人呼酒復酌採野花作酒籌命童子擊羯

匡山集卷一

六

鼓催客觥籌交錯幾不知身在人間世矣  
未幾而日光欲暮山影在東牧童驅牛馬  
晚歸主人留客待月不可得乃振衣高岡  
注目西向而送之客亦依依回顧信馬關  
珊太矣歸來獨坐無聊向之嘉筵映水雅  
集臨風者轉瞬而成夢幻矣因念人生三  
萬六千場快聚有幾大率未遇則思身歷  
則樂既散則悲蘭亭盛蹟非文與字不幾

與荒烟野草同其汨沒哉余故不辭弁鄙  
而叙其時書其人寫其境非敢謂地以人  
傳當佳況不再事過追傷時出而閱之恍  
然如在目中耳

匡山集卷一

七

厝石書院記

余宰茲邑三歷年所矣安其官署之陋而居之一瓦一椽未增焉嘗出而與邑之人講道論德地湫隘無攸止不禁慨然曰古人之為學也息有養晦有存言彪事易之地非所以震士也乃度地築室去縣署而東百餘步鑿石倚山翼然立於厝石之陽階邑人誦論其間按茲地於前明為衛當

匡山集卷一

大

其廢郡縣置衛所屯田養士以脩邊也豈知人亡政息天命有歸哉我太祖神武天縱師出無敵奄有遼左以其地南濱海西距河為遼瀋蓋復錦寧出入之要區也乃環山為城憑高望遠鋤頑梗而置善良神謀秘策有出於武功赫濯之外者相傳為亭於山今雖蕩然無存按其舊址前烈遠矣故老述其事而不知其所以然余從

而曉之曰不觀夫作樂者乎固天地之和也而五音之內則有商七者西方之聲於時則為秋於卦則為兌秋肅而兌悅不肅則不悅也義以裁之正仁以育之也所以成天地之大德也今吾與邑人登斯山講學斯地也穆然見夫水淙而山高太平之象碩而樂之莫不稱頌功德仰思聖天子生聚教養涵煦於百年之久且深也又孰

匡山集卷一

九

知夫櫛風沐雨經營開創之勞有若此哉今上光大前業復立郡縣設學校隆制科以文治責有司倘不能勸學興行草舊習以日新則有司之罪亦多士之羞也譬苗之鋤勿使莠亂譬徑之通勿使茅塞言其專也莫謂寸短直尋者是莫謂粒小盈倉者是言其積也山溜穿石墨漬凹硯言其久也專焉積而久焉猶卵翼之鳥不見

其習有時而飛矣猶觸石之雲不見其出  
有時而高矣反是而言學焉則不入半信  
而言學焉則不成恐諸生之反吾言而半  
信也擇立教之地而示以肄業之功俾邑  
之人學古通經覩昇平之可樂而勿忘夫  
創始之至難則心以有所惕而入業以有  
所幸而成此厝石書院所以作也是為記

紀山蠶

吾鄉山中多不落樹以其葉經霜雪不墮  
落得名一名櫛葉大如掌其長而尖者名  
柞總而名之曰不落皆山桑類山蠶之所  
食也蠶作繭視家繭較大禹貢萊夷作牧  
厥篚縈絲顏師古註縈山桑也作牧言可  
畜牧以為生也蘇氏曰惟東萊有此絲以  
為繒堅韌異常雖樸質無文然穿著多歷  
歲時故南北人通服之人食其力習為業  
其勤苦殆有倍於力田者初春買蛾下子  
出蠶蠶形如蟻採柞枝之嫩葉初放不及  
麥大者置蠶其上捆枝成把植淺水中不  
溢不涸方不為蠶患看守不問昏曉謂之  
養蟻保護如法蠶長指許納筐篋中肩負  
上山計樹置蠶場大者安放三四十千次  
則二十餘千或十餘千不等狐狸狼鼠罵

鴟鳥雀蛙蟆蟲蟻無巨細皆嗜蠶防禦踈則飽無獸之腹以故晝則持竿張網夜則執火鳴金蹕呼喊叫之聲殷殷盈山谷極其力以與異類爭如此者兩閱月鳥獸昆蟲之所餘者十纔四五顧又有人力不得而爭者早則蠶枯澇則蠶濡雖經歲勤動而妻啼兒啼不免矣嘻四民莫苦於農而蠶夫則又加甚記之以誌感焉

總制郭公崇祀鄉賢祠說

某年月日故總督湖廣兵部右侍郎都察院右副都御史華野郭公崇祀鄉賢祠鄉人藉藉謂足以重公王子曰唯唯猶有說何也一鄉之中有賢人焉其鄉人臚其行實白有司有司聞於上許得設木主祔學舍旁歲時有司祭大成殿餘祭及之此途一開為人子孫者誰不欲榮其父祖而為人之父祖者又誰能果有可傳以貽厥子孫無如子若孫之必欲榮其父祖也並不計其乃父乃祖之果賢與否挾其祿位重臺之勢輒能使人叩頌其父祖之功與德而席豐履厚者亦不愛其力爭效焉於是乎士庶白於有司曰賢有司聞於上官亦曰賢則遂以為賢而祀之當其入祠之先也投刺邀客屆期集祠下肅瞻拜無論憑



高牙建大纛者八騶在前列騎擁後揚揚  
入祠堂下此者亦次第鋪張金鼓載道炫  
耀於鄉曲居然見德星而呈人瑞矣而顧  
瞻徘徊咨嗟道左者或曰某稱是或曰某  
不稱是或則曰某也吾不敢面詰之而心  
非之某也吾不忍明指之而竊笑之非但  
如此也即令前之列狀稱賢者事過追思  
未嘗不面熟而內慙今公之子長未弱冠

匡山集卷一

雷

幼纔孩提非若有勢與利者之足以驅使  
俗情而衆議僉同官民齊心必欲奉公而  
俎豆之吾謂斯舉也適足以增重乎即墨  
之鄉賢祠而未足以重公也公立身行已  
不立異以為高及其事上使民也為人之  
所不敢為言人之所不敢言舉矜高好異  
者望而魄落舌橋謂駝敗不旋踵公掉臂  
於刀山劍樹中坦若康莊然卒能來上官

之知邀聖主之眷聲施洋溢遍乎中國此  
固際遇之隆亦公之精誠所致也故挺擊  
將軍親丁械繫巡撫用人不足為公懼竊  
立臺班掌握揔憲不足為公威未半歲而  
五遷自七品至九列不足為公榮朋謀置  
之死地誣讒追回前封不足為公危博采  
而用輿論再起而揔封疆不足為公賀豈  
區區一鄉一邑之祀饗足以重公哉然則

匡山集卷一

雷

足以重公者何不見夫元聖之去國曾子  
之受謗乎流言興而賢主不能白其臣衆  
口囂而慈母不能保其子況欲以是非之  
公出諸豪士橫議匹夫匹婦悠悠無定之  
口難矣乃公之居言路也彈章傳諸國門  
不脛而走四方雖窮陬荒徼黃童白叟未  
有不驚歎者公之總制荆楚也救車就道  
所至則傾其市人扶老携幼相聚觀往徃

擁馬首不得前公之逮質江南也仇公者  
以嚴刑囑南中人士數千百蜂擁至法堂  
駢肩累跡後來者不得入則手握石瓦塊  
登屋巔耽耽作虎視狀承審者懼廢刑訊  
迨公之家居也名日益烈四方人士至即  
墨者以不得見顏色為憾即墨人遣他邦  
問鄉貫必及公聞公之起居以為快余嘗  
之燕之遼之楚之吳越親見野史稗官編

輯歌曲擊筑彈絲而唱之甚至以公所未  
為之事擬之包孝肅海忠介一流嗟乎自  
必聖賢不能必排擠陷害之不來未有如  
公之投以危地而千萬人共直之且排解  
之向之仇我害我者適足以助公而成其  
名何哉此殆有天焉非獨人緣也不然名  
者鬼神所忌而何獨厚於公公之負盛名  
也猶地之蓄水也公之名無處不在地之

水無處不有掘地而得泉謂地之水盡在  
是不可謂地之水不在是亦不可今公之  
名滿天下而乃以鄉賢名即墨何以異是  
故從而為之說

自問篇

丁未中秋檢案頭得傳簡牘列若而人醵金製錦將於月之念八日祝吾七十壽乃遣兒輩踵門叩而辭念人之勇怯氣也而志率之壽夭數也而天主之昔勇如宮黜得所養以隨其志也豈壽若彭鏗無所養而操之天哉氣與數似異而不相離觀人之氣弱則病氣竭則死可以知其不相離

匡山集卷一

二十六

而相為用者也故言長生者曰父視言立命者曰脩身蓋人生天地間以天地之氣為吐納即以吐納之氣驗死生苟能以志帥氣愛養樽節無一念或與天違無一息不與天通如人子脫於父母之懷而仰承父母之歡以此事天天必佑以此祈壽壽必增在乎人之為與不為耳今吾之所為其或入於壽域也雖遭不欲壽我者呪之

詛之而未必不壽其或近於不壽耶雖聚極欲壽我之人共祝共禱是夏進爐而冬奏扇明知其無益而誣之也此吾所以謝乎愛我壽我者迺而問諸已也嘗聞夫能壽者不貪不痴其心定其性靜勿役我神勿鑿我真也而且春溫之氣多秋肅之氣少也以此借鑒人之知我必不如我之自知故自訟則明自斷則公吾行年七十非

匡山集卷一

二十九

日之將入於虞淵乎即祿列鍾鼎富甲陶朱喫著幾何矧吾不富不貴溫飽自足此貪得之心可不戒而消矣吾性愛邱山常懷五岳之遊婚嫁未畢老病交集無論力不從心即盡四海內外名山大川仰瞻高妙不過快一時之目而於身何裨如人之嗜書畫者雖不同於財虜然不謂之為清淨貪痴不可今則並清淨貪痴都無有矣

經云仁者靜又云仁者樂山吾雖不敢言  
仁而性靜樂山頗覺皮相至待物無機心  
豪事無刻念此鬼神所共見親知所共聞  
也然聞人善則信之從而揚之其或不善  
則不能隱而好為盡言忤世情而累厚德  
此吾氣量之褊學力未足以化之也抑且  
名根未剪檢書燒燭老而未改不衣而心  
織不田而心畊將毋勞而神劬而形乎楊

匡山集卷一

三十

用脩先生云縱使藝文志書目家傳人誦  
盡屬我製何益於靈臺何補於真我哉更  
可慮者客氣未除有以橫逆加者不能三  
自反而蘊念於中經云懲忿不懲則怒矇  
而火生焉木生火而死於火盖星火燎原  
不戢將自焚也且未有母怒而子怒不更  
烈者烈則炎上鑠金不能下而生水於人  
則為心腎不交於卦則為坎離未濟不交

未濟養生之大忌也綜覈生平吾之近於  
壽而未敢以自信者三不宜於壽而不敢  
以自疑者二可壽不壽而有信無疑者一  
此吾之自訟自斷而不敢自欺欺人以欺  
天也若欲指事陳詞以效華祝古稀老人  
惟欲空諸所有若百谷之虛上通於天以  
延餘年不能為僕僕也或曰金集矣錦製  
矣衆意不可却矣恂不得已頓首再拜受

匡山集卷一

三十一

錦酬金而書以自問之篇

祭九弟汝平文

歲在辛未辜月之十有八日吾弟汝平死  
彌月矣從兄恂悼汝之歿想汝之生平因  
染舊疾數日來幾不可支汝知之耶吾群  
從兄弟十汝居九生而俊邁世父宦江左  
病且劇猶撫汝言曰此兒若成立足了吾  
家事言已遂卒泊汝稍長神采秀發舉止  
安詳若成人偕吾共燈火十年嘗與汝道

匡山集卷一

三

世父臨終語未嘗不流涕丁卯余獲售燕  
臺汝亦幸捷東省余與弟交相勉謂前途  
方賒析薪可荷而汝平死矣年才二十有  
八耳以汝平負性明決言笑不苟動止必  
以度是則可與入學問者寧應死以汝平  
定省慈幃承歡色笑雖造次不改是則可  
與幾純孝者寧應死以汝平情文兼篤事  
叔父猶父事庶母猶母是則可與敦至性

者寧應死以汝平之曷子姪以勤御僕婢

以法寬而不縱嚴而有禮是則可以望克  
家者寧應死以汝平之尊師重友善體孤  
寒捐貲助不給是則可與言君子之交者  
寧應死嗚呼汝平氣未吐抱未抒堅忍讀  
書之志與負荷先人之願未俱遂而奈之  
何其死也且夫更不可以死者上有六十  
四歲之老母苦節二十餘年曾以婦蕪子

匡山集卷一

三十三

事吾大母於生前哭吾大母於死後又曾  
以母蕪父教吾三兄及汝又曾以母兼祖  
含飴弄幼孫今又以祖母兼父以教子者  
教若孫有如此之萱堂而慈恩未報決然  
長逝豈不痛哉汝嘗思世父音容恨不及  
見哀慕飲泣至弗能言今者其得早從於  
地下遂所願乎乃吾伯母以母蕪父哭以  
子吾三兄以兄蕪父哭愛弟汝對父從兄

以父兄兼師友哭賢子弟而且汝之遺息他日之追思汝而不得見者如汝之思吾世父也汝其知也耶其不知也耶汝丈夫子四長楷年十一次桓六歲次棣四歲次杼生纔三閱月女子一僅十齡撫育諸子女以及於成吾三兄之所能為至於考課諸子三兄之所不及吾當輔之以力力所或窮吾竭之以心所可慮者弟婦陳氏一

匡山集卷一

三十四

病經年近日以來益非人境今茲諸子女無父而悲父正恐他日之有母而無母耳嗚呼天而不欲篤生斯人也不如勿生既生之復成之既成之而又不終於成之使之生死啣恨迄於無涯此何故哉王氏之不造耶造物之無常耶子淵早夭終軍少亡從古如斯其奈之何

布列君側而已矣夫端人吉士其行必方其詞必寡劉毅本訥聖人謂之近仁而謂巧言令色者鮮矣仁又曰惡利口之覆邦家者今則以巧令為能以口給為才而反以劉毅本訥為不才嗟乎始則輕俊自喜者一二人倡之繼則千百人羣起而爭趨之勢必使巧令口給之人塞乎部院達諸郡省長計遠慮者可不杜其微而防其漸

匡山集卷一

三十五

哉且各部之司官朝廷之臣子也即即官之上應列宿者也舊例叅堂朝上三揖而已舊例說堂座褥列坐而已今則長跪請命一不當意罵詈隨之曾奴隸之不若帶星而入迎堂官也帶星而出送堂官也奔走逢迎日不暇給而公事輕假令朝堂之上盡變而為奴顏婢膝寡廉鮮耻之輩與共天下事則將惟上官之所欲而莫之敢

違其弊尚忍言哉凡此者去國之人非不知不當復言即言亦未必有濟而猶必懇切上陳者世道人心恐成江河不得不望中流之柱冀回欲倒之瀾倘束手坐聽其所謂賢者非賢所謂不賢者非真不賢則貽害於國計民生豈淺鮮哉故敢為出位之謀而忘其身之在局外也更有請者聖上求賢若渴求治如不及正大君子正

色立朝致君澤民時也況執事之得君可謂專矣執事之人望可謂重矣朝野內外咸以執事為具瞻一言一動稍不盡善則將以春秋之義責備賢者恂以為大君子任事當是非邪正之既分不可少為瞻顧少瞻顧則從違失正害利害得失之交會不可過為計較過計較則趨避失宜先民云施為欲似千鈞弩磨礪當如百鍊金執

事之磨礪有年必能見明守定毅然有為使人謂讀書種子真足以當天下事則山澤之間人一邱一壑一琴一書優游於明良之世而慶吾道之有人豈不樂哉故恂之所言者出於愛君謀國之公而非一人一家之私也惟執事察之臨啓悚切

與劉青岑先生書

判袂數年纔得兩通音問種種睽違悠悠  
遠道能不悵離群也恂以家居無聊浪跡  
於浙原擬假道豫章一親謦咳昨閱邸抄  
先生已榮擢蜀藩矣論者咸謂非善地恂  
竊獨喜非謂開府指日富貴逼人實深幸  
此地之可有為也念蜀自明季之亂焚殺  
剽掠慘於他土雖國家休養生息數十年

匡山集卷一

三十九

於茲而瘡痍未盡復彫瘵未盡起此猶病  
者之危而始甦方且補救不暇而當事者  
紛紛今日議增稅明日議加賦是攻伐之  
劑也微獨受者不支亦且施者何忍先生  
之藩斯地也豈造物者之有意乎我輩平  
居論議恨不得為得為矣又恨不遇其事  
今得為而遇其事先先生其無意乎恂雖不  
得為未嘗不存此心而更望人之行其事

在遼左時為民請命甚至垂涕泣而道自  
忘其為下僚也今游浙又往往為出位之  
謀有心者不以為迂狂而棄之先生分屬  
尊親誼同良友故敢敬抒愚衷聊效一得  
惟智者垂察焉臨池惶悚

匡山集卷一

四



與滑縣令書

側聞政聲大慰鄙懷滑邑素有臙名官斯地者鮮不濡首而吾弟獨能脫然此兄所以喜也兄嘗謂今之為吏者不能廉矣詎必刻意求廉堅忍以得名是貪名也堅忍以得位是貪位也貪名貪位終亦必敗但當和平樂易常以不忍人為心不得已而有所取人諒之鬼神諒之故從來為良吏

匡山集卷一

聖

者未有不安其身及其子孫者也此吾弟素所優為兄故樂得而道之

與郭虞翔札

某自為諸生時即蒙尊翁先生引為知己後復重以婚姻今雖典型云謝而鄙意耿耿猶恐淪於俗情有負先達之知况善為繼述如親家者乎來書云云乃時賢所趨而吾謂萬萬不可者非蹈邁俗之虛名恐賈慢藏之實禍也清白吏子孫如何緣此途進身獨不思耽耽虎視之父仇布滿當路耶揆之以義決之於利害不宜躁進一步惟有杜門謝客勵志讀書可以答親心即可以邀帝眷水到渠成時至事起方不愧為名臣之子

匡山集卷一

聖

與元直表兄書

從前居山未久率被家累寧回今信術家  
言屏棄一切避山欲深但見門外青峰連  
雲接漢面前綠水流石穿林憑眺一過獨  
憂忘疾靜坐久久形神俱定即妻孥田廬  
同隔世矣若厥功無間冀可長年或能如  
姑母九十不衰行登百齡因憶夏初老表  
兄曾以壽文相囑避喧之餘勉強執筆輒

匡山集卷一

留

自忘其陋也

題王魯珍江城圖

王子魯珍倜儻自負不屑蹈常人蹊徑間  
一吐其奇於畫畫則寫邊境趣得荒城古  
戍塞外少春之意蓋王子遊於居庸松亭  
間數矣余搆得其小幅喜影人物大如米  
皆勃勃有生氣持以諄示同志率攫之而  
去今止存江城一圖朝夕披閱譬猶愛龍  
者覩其一鱗一角便足想其滅沒風雨之  
態而或以杜撰少之昔韓幹善畫馬帝問  
何師對曰內廐之馬皆臣師也須知善畫  
者師於天就天之所產而觸於目會於心  
故得入妙今王子就所見而寫其神宛然  
天成是真幹之能自得師也贅數言以俟  
後之賞鑒者

匡山集卷一

留

題冷吉臣畫冊

辛酉之秋余赴試北闈於先中允兄坐間  
得晤冷子吉臣年弱冠聰慧絕倫問所業  
先皇帝選入內庭習繪事後聞南巡圖  
多出其手會乙酉夏余入都謁選人遇諸  
僧舍壁懸人物畫甚夥皆意在筆先生氣  
勃勃欲動云鬻以自給也余素嗜丹青從  
未見寫生若斯之工者問南巡圖乃出其

匡山集卷一

墨

稿以相示 至尊服御左右趨侍者各得  
其體人馬部曲嚴整過行陣豈吳道子大  
小李將軍復生耶昔楊諱善繪鄭法士求  
諱畫本諱指市門人物車馬衣服曰此畫  
本也夫不師乎筆墨之畫而師乎天之所  
產得之心而應之手諱殆自道其所已經  
豈欺我哉吉臣入畫院有年其得力當必  
有如諱者不然何其寫人面皆豐起有骨

有肉而精神現今觀者不但作画看也余  
浼寫出山圖一臨董文敏山水一仙人圖  
大小二草畫花卉稱是客有借觀者攫其  
一以去裝潢成冊藏為枕中之秘焉

匡山集卷一

墨

題李函谷雲山圖

米氏元章居京口看北固諸山與海門連  
亘取其意作瀟湘白雲卷世稱妙品余結  
廬九仙山雲氣變滅朝夕萬狀恨未工畫  
耳適筭中檢得雲山圖乃李生函谷客吞  
玉林山房時寫其所見者迄今十餘年李  
生業已物故而此畫雲烟空濛儼然米家  
潑墨法也

匡山集卷一

墨

松石居銘并序

僕骨東土有康子河授松入水久則化石  
青色而松紋東坡偕李伯時作松石圖寄  
柳仲遠本諸此張雨若衙齋有松化石大  
小五松理而石質大是奇觀雨若畫圖而  
以詩屬和者甚夥余所隱匡山植松萬本  
奇石即羅布其下未知松為將化之石耶  
石為已化之松耶恨不得坡仙龍眠輩妙

匡山集卷一

墨

手作圖耳乃以松石顏吾居而系之銘曰  
山名小匡形勢非隘二水環山九仙分派  
有松則奇有石則怪松赤石黃孺子百拜  
長青子質堅永劫子不壞大患子為有身  
虛靜子吾何憊少而買山子愜素心老而  
歸山子償夙債松化為石子誰傳其真我  
愛松石子不在圖畫造室子告成書額子  
稱快松石與居子美名胎骨俱換子仙界

小匡山靜室銘并序

晉僧法潛隱郊山或問勝友為誰指松曰  
此蒼顏叟張存明隱居有古松十餘株謂  
人曰余人中之仙此松木中之仙也今吾  
買山學隱垂四十年矣匡山之隈勝友林  
立群仙雲停正當結茅其下養素和神以  
樂吾天不知松子之落於前也何必收杜  
陵詩寫愁寄圖然後為快無何靜室成乃

匡山集卷一

四无

援筆而銘之曰

友道從繩山顏不改觸目清心錯過空悔  
惜寸惜分歲不我待

書巖小隱跋

先民云大隱城市小隱山盖山居則不見  
可欲使心不亂未若通都巨邑見紛華而  
不悅者定力大也愚謂人當朝市雜還之  
地雖應接不暇然動極思靜若倦鳥投林  
栖息惟恐不速乃入山愈深靜極而動當  
脫帽披襟坐卧白雲紅葉中而心頭害馬  
力遣不去吾儒靜存工夫較難於動察者  
此也誰謂山栖之定力不與城市等隱何  
分於大小哉余結茅於書巖下因以為氏  
即以小隱顏吾廬奚不可者

匡山集卷一

五

助居跋

昔徐文長為胡中丞公作鎮海樓記公酬以一字一金歸而築室名曰酬多公賜而自憐其才也高生采雲喜讀書學孫過庭草法臻其妙以故文人墨士樂與遊性喜植花更愛菊惟取其繁盛亦不蹈時人養花法余於菊月涉其園在五蓮九仙之陰曠然想見晉霞士高風輒為吟采菊東籬

匡山集卷一

五十一

下悠然見南山之句但家貧無書舍凡造其門者各解囊助脩造室既成索額於余余念高生之雅而又不欲沒衆君子之意因仿文長之所以名室者而顏之曰助居

茶浦詩跋

敕居在九仙五朶間觸耳寓目助我詩思今來燕歲餘乃為一官所縛帶星出入未嘗一動吟興疑是江淹才盡及讀茶浦詩清新俊逸三復之恍如身在舊遊俄而高山俄而流水盈耳目間無非清響不覺故態復生矣

匡山集卷一

五十二

仿長者言 二則

人心不可縱放亦不可閒散一縱放則視天下無不可為之事而事日多一閒散則視天下無一可為之事而事日廢多事固為身害廢事亦為身累士莫貴乎立志也對險人不可語人之陰私對奸人不可說人之機械言者無心聽者有意一旦變起倉猝對面而成敵國險者發其陰私而訐之奸者用其機械而破之資寇兵而齎盜糧者誰也

匡山集卷一

五十三

疏稿 代廖大京北勝塋

為敬陳一得仰報

聖恩事 臣一介寒儒疊蒙

皇恩由縣令拔置臺班歷陞今職夙夜自思無可報稱惟以留心地方知無不言為已責況奉天乃根本重地

皇上不以臣為不才而命作府尹敢不顧名思義勉盡厥職 臣自蒞任以來熟察地

匡山集卷一

五十四

方之利莫大於積粟而變通以盡利亦莫急於積粟蓋聖謨深遠因地制宜為民備荒之計無有大於積粟者但倉米至八九年後地氣上蒸倉如覆甕氣結於米而米即為蟲米蟲之多寡視積米之年數為多寡雖嚴飭有司加意收貯非若廚空浥爛可以人力補救也恐一旦而米盡為蟲縱竭有司之身家莫能賠償是奉天之積貯

久則可慮也或慮及於此而為存七借三之說然此法可以行於關內而不可行於關外關內州縣大者人丁數十萬口小者亦數萬口所積米穀較丁口纔十之二三故存者少而借者多一轉移而陳即為新今查承德等積米七州縣共計戶口不過二萬零五百九十六丁而所積歷年米共二十七萬九千七百石有餘所積歷年豆

匡山集卷一

五

共一十一萬三百一十六石有餘其積穀尚不在此數米豆之多二十倍於丁口即按戶給米歲出米不過二三萬石計非十餘年後不能盡易為新臣竊慮十年內之積米新者陳而陳者爛是奉天之積貯循乎存七借三之說而不能救也且奉天係發祥之區賴

聖德動天五風十雨連年豐收民間多以

粟喂犬豕每出示禁約而不能止及諭以借粟則交口力辭以借非所需之民而加以必欲借用之官勢必丁少米多受少予多強其所不能迫以所甚怨不至敲朴從事而不已是奉天之積貯循乎存七借三之說無救於粟而適以擾民也以臣愚見似當令沿海州縣運陳米至天津登萊等處回時糶賣或招致天津等商船來糶仍

匡山集卷一

五

著地方官照所糶陳米原數購買新米還倉且計算兩處時價除運費外加息存庫雖承德等四州縣離海少遠亦可由遼河太子河運至三岔河口入海務令有司實力奉行以易陳而新為止倘遇年歲稍歉不妨佐以存借之法但當量力而予不可強以所難庶幾十餘年將爛之米變而為新數十萬日新之米積而待用此臣一得



之愚未必有當於權宜但既在其位宜謀其政使身歷焉而委於不知或知之而緘口不言則將視此官為傳舍而以目循苟且為安以遷轉脫離為幸非臣所忍為也臣年近七十矣方慮有生之餘年莫報聖恩於萬一倘坐棄國家有用之粟而貽地方以無窮之累當前既曠厥官去後亦懷內慚是以直陳所見仰冀採擇臣謹題

匡山集卷一

五

之地久之而賠累莫支則前之典房賣產者今且典妻賣子矣至於典無可典賣無可賣拖累之民勢不能不為逃亡之民其丁徭官稅欲究買田之家而律以糧從地起之說則從前不許典賣之遵依昭然在人耳目有司雖欲相強豈能自為條例而一口兩舌勢必因逃亡之民而累及其父兄倘因循不改將並其父兄而亦拖累逃亡則國課懸卑職自蒞任以來見有現在拖累者見有已經逃亡者目擊而心傷所以痛哭流涕為民請命也伏願憲臺大地前禁自茲以往凡窮民之典賣房產者除不許典賣於不應納糧之旗人外其民賣民買必用印契防關內稅契之法而不必取其稅隨時典賣隨時印契地隨契更糧隨地出賣者過割買者承納此百世不易

匡山集卷一

五

之法永遵而無弊者也至從前已典已賣之房產限三月以內同原業主持契到官用印更名其原主或死絕逃亡許同其親族到官用印更名否則以違例治罪倘原主告發則立斷給主庶民田之已鬻者不致拖累而國課之耽懸有所歸著不特公私兩全抑且情理兼得如可見諸施行仰祈遍飭屬著為定例一體遵依則憲臺

匡山集卷一

六十

之德澤無量矣

子壻即墨郭廷俞敬書

匡山集卷二

琅邪王沛伯書巖氏著

閒居草

還山吟

平生泉石性如何趨軒冕綠蕉豈無心素綵原在繭引展當何人棄置恐不免願同倦鳥歸羽翮任舒卷溝壑險而深怪石誰能轉擴我居山心到處皆平衍

匡山集卷二

其二

邱山吾所愛民社吾所司迴翔上林鳥未能借一枝放魚歸聚藻愛蜨破粘絲秋光磨水面雪色凌松姿同人憐我到贈我規齋詩出山今五載不異居山時其詩曰規齋不帶些兒官樣回

其三

脫簪之象谷息心問石田瞻彼荷鋤者晚

歸村舍前壠上耕雲去草深徑欲穿高步  
千仞岡下視隔人烟撫懷念往事塵網縛  
十年可憐傲吏骨能從塞外還

其四

閉戶攤書坐轍跡屏車輦人世論升沉君  
恩無晦顯况吾願息肩食德良非淺山田  
橫半腰村犢列層巘夜釣澤中魚晴收枝  
上繭盱目指浮雲馬耳雙峰剪

匡山集卷二

二

還山詠

九仙招我入我亦趣開身不見山容久相  
逢人意新三年關外吏兩地海南春遼水  
東西夢相將話四鄰

其二

曳筇幽壑去何處覓孤踪寒暑花開謝陰  
晴樹淡濃楓橋紅葉覆石室白雲封夜半  
披衣坐淙山遠寺鐘

其三

高棲寧學隱傲骨自嶙峋愛竹培君子看  
山揖丈人清風穿敕袖寒月照孤身欲向  
烟霞老微臣非逐臣

其四

去國非吾志遊雲返故岑石泉鳴夜雨沙  
雁譜秋琴竹密冬猶夏林深霽亦陰凌霜  
松栢茂獨對歲寒心

匡山集卷二

三

山居古意

雲外數峰高澗底一溪曲䟽石通小徑林  
深覆茅屋空谷不知春但看山頂綠中有  
避喧人何榮復何辱

山居

屏跡畏城市到山顏色舒漱流尋洗耳探  
穴間藏書雨脚雲根出烟鬟石髮梳天泉  
如有意蕩漾繞吾廬

山西麓有書庫

其二

晴軒垂暗柳山色碍朝曦  
弓影禽移樹人聲犬吠籬  
輕風扶燕羽細雨發春犁  
去住隨吾意忘名任索居

其三

輿谷春回早輕烟沒馬蹄  
閑居延月坐高卧入雲棲  
捲幔通花氣開窓納燕泥  
山中新得句難對故人題

其四

閒牕凭晚對高鳥結雲巢  
戶屢無人滿柴門待月敲  
雨晴山色潔石亂水聲交  
谷口躬畊者經綸在草茅

其五

性懶依山靜非關與世違  
榻懸過客少網缺躍魚肥  
心向春風醉髮隨秋葉稀  
行年逾半百富貴豈生機

其六

高峰簷外落秋水到門停  
院靜苔長綠雨餘竹更青  
壯心添酒譜清興適茶經  
有子書能讀雙雙喜過庭

其七

綠對清波裏白雲紅葉村  
有山皆到目何吏見登門  
鳥篆堦前跡蟲書壁上痕  
垂簾終日坐偶看竹生孫

其八

雲水江南好林巒五岳幽  
登峰宜謝屐訪雪少吳舟  
雨後千山瀑堦前亂壑流  
小樓先得月疑是在湖頭

山村晚興

買山直與九仙鄰鷄犬桑  
麻世外春雲封巢邊鳴宿  
鳥烟巖影裏見歸人眼前  
有景皆成句詩內無陳不  
出新欲寫魚箋通故

舊恐來雁足帶紅塵

其二

水繞西山山繞鄰依山傍水一間身竹樓  
晚照青欺榻梅屋寒香夜襲人俯仰有詩  
皆拾唾乾坤無地可翻新柴門靜掩惟看  
月玉宇難容半點塵

入山傲古

身入世局三十春眼前汨汨十丈塵水落

匡山集卷二

六

於今看石出掉背且作山中人鼓瑟齊門  
須改調垂老共姜羞獻笑客星杳矣子陵  
臺我來投餌學垂釣裹足君莫哂山翁求  
進不已鮮克終爰詞三百八十四人事未  
見以退幽君不見青牛滌上有孫子則足  
緣何幾欲死故人還操同室戈立見囊錫  
不知止人生無辱在知足垂項沒肩塵網  
縮逍遙幸成事外身老至關懷夜秉燭夜

月虛牕松弄影雨霽林深封色冷百城坐  
對青眼開山靜日長書味永

其二

老來漸能解世味過去纔驚白日費上林  
有枝不欲栖十載誰知張廷尉逴迴即署  
寧久存骭髀不掃相國門積薪自古悲汲  
黯開閣無復思公孫時賢富貴齊山岳涇  
渭並行自清濁濯流萬里想真源士在蓬

匡山集卷二

七

門玉在璞真寶雜陳市五都自秦而後璧  
與珠看破璣珉皆凡品連城夜照何處沽  
一著形器便改革天地生材日減色人生  
更如壁上蝸涎將枯時無止息何如憑眺  
楓門晚山盡雲連路又轉日夕天泉活水  
來兀坐元潭聽束練

其三

故山不改舊時青青山五朶一草亭草際

淙烟連雲起雲擁風捲山失形塵鞅盡解  
萬山裏雨積蒼苔謝知已窮巷救帚享干  
金悔索長安如珠米寧數違時癖好爵木  
槿花開暮即落耽福倚伏少人知失馬塞  
翁未為錯而今老作壁上觀射鵰走馬心  
猶歎自從學種先生柳誰復學步遊邯鄲  
萬壽峰頭雲如絮云是蘇氏登仙處當年  
羽化九弟兄今者何人能飛去飛去飛來

匡山集卷二

八

何處津桃花流水憶秦人不羨魯連蹈東  
海名山四大乞閒身

其四

仙山欲雨雲樹變五朵蓮峰忽不見獨坐  
烟鬟石髮垂劈開兩山天一線空谷不來  
戶外屨午炊纔餘盤中米夕陽雨歇看晚  
晴行雲歸來萬山裏烟嵐踴遍不知還較  
輸老衲一味閒悔我鋤經荒尺宅治生何

苦向人寰君不見峻宇雕牆古來人王侯  
將相如飛塵采芝猶傳鹿門老高懷每憶  
葛天民虛縻塵緣已半世鬢繞二毛歲月  
逝涼焚絺綌暑當頭采葛為衣亦拙計隨  
風前已同糠粃山窮坐看白雲起區區寸  
田可存身海外三峰如劍倚

九日遊孫子書院

丹楓射日染猩血醉舞重陽登高節山勢

匡山集卷二

九

崔嵬碍鳥飛山畔遊人對杪歇

其二

樹底霜清茅屋露云是孫子藏書處月照  
岩扉長不開惟有白雲自來去

秋行

十里灘頭信馬歸秋風野水雁南飛霜清  
月白蘆將老葉落花黃菊正肥恠石支撐  
山有骨停雲繚繞對添衣足音自此留空

谷今日方知昨日非

題新城昆季倡和圖

海航信指南百體尊主腦大雅無宗盟楚  
漢恣征討新城詩伯興草竊橫欲掃詞源  
萬壑分狂瀾回旣倒輞川詩蕪畫難弟夏  
卿好酬唱不在多新意發春草感時念往  
蹤丰標不可考檢點漁洋集一字一珠寶  
傳神資墨妙非但寫文藻把卷陟琅邪展

匡山集卷二

十

看得二老一老舊時容其一悲枯橐滄波  
淺且清白雲歸瑤島海外浮三山望洋空  
浩浩

夜月聞鐘用蘇長公韻

夜靜孤村少吠彪開捫山月續殘缸半生  
已覺邯鄲夢不待晨鐘入曉牕

戊秋偕霍文若擬登五蓮後東遊琅

邪阻風雨有感

秦碑夢斷失高臺五朵蓮峰雲未開雨後  
霜隨黃葉落風前客逐白藏來一從北地  
春花艷六見南山秋草哀眼底枯榮成過  
隙與君扶醉蹋蒼苔

山房即事

良時耻貧賤何為事政漁市朝名利藪山  
澤無贏餘養安在陋室藏拙惟閒居少壯  
不如人老景憐桑榆臨流非釣國問舍詎

匡山集卷二

十一

愛廬冥鴻寄遠心高翼自卷舒

戊秋登五蓮山偕兩上人挑燈看月

夜分而罷

振衣千仞躡蒼苔五朵蓮花天際開客續  
殘燈和月照僧縫破納帶雲裁白藏已卷  
繁華去曙色初回與谷來疑是九仙伸一  
指遙從海外撥秦灰

戊秋偕霍子文若入山以而送歸賦

此贈別

東海少年喜高步放眼乾坤識所務白雲  
紅葉入淞山經邱尋壑不知還忽聞鷄鵲  
傷秋草怕對秋月歌陽關離酌送行人未  
遠玉笛吹殘秋聲晚騎馬雲山鞭落暉學  
書欲復學劍歸人非定遠休投筆磨硯從  
古知者希

書齋即事

匡山集卷二

十三

殘書共卧起漁獵不知貧拜石顛非我焚  
香靜似人霜林看果熟花雨掃泥新坐念  
餘生事文章亦累身

題霍文若小照

倦鳥迴高翼栖枝轉舊林廿年湖海客一  
片石泉心墨漬將穿硯名場未碎琴自憐  
惟寫照愛羽學山禽

九日登高後遙臺雪音歸自齊東迂

道過訪出其相憶詩索和依韻答之

天際丹楓秋色來離陽居士入山回休驚  
歲月傷遲暮三徑黃花晚正開

季秋看紅葉不遇題於玉林山房

登山涉水問丹楓秋谷聲隨落木空携酒  
籬頭惟汎碧經霜對杪未留紅蒼巒影裏  
孤筇客黃葉邨中一笛風留得營邱書屋

匡山集卷二

十三

在梅花月色媚衰翁

野望行

凌晨望氣登高阜三害欲除問老叟丈夫  
不作兒女仁水底山南何所有西北烟塵  
偶然生萬里寒山傳刁斗戎馬憑陵出邊  
陲冒雪鐵衣遠戍久難門羞令越甲鳴一  
先君前輕腐朽奮臂欲脫腰中劍野望踟  
躕空搔首



其二

猱貅百萬掛燕弓爭射天將上首功軍中  
自有擒王手馬到窮荒際陽九千山萬山  
水雪連瀚海八百無人烟譬虎負嵎依絕  
險啖以肉味弄平川扼吭拊背歸路塞勢  
若強弩絕其絃嗟乎英賢從來縻好爵重  
賞高懸無強弱多算則勝少算輸清時功  
名薄衛霍

匡山集卷二

古

其三

古來良將能開邊士飽馬騰李牧賢將士  
請戰不肯戰三軍憤爭亦未便斗酒享士  
歷歲時敵輕我師軍氣倦伐鼓揮兵攻其  
隙千里轉戰一當百兵家最忌攫其鋒柔  
以制剛為上策嗟乎水勢平平激則起軍  
心鼓動山可搖非聯羣力成指臂如驅鳥  
獸不可招

登超然臺

梁園金谷已成灰此地猶存蘇子臺拾級  
直從雲裏上看山恨未雪中來苔侵古碣  
蟲書斷草覆空堦鳥篆堆咫尺繁囂同世  
外紅塵迥不到城隈

其二

超然客去此臺休山自崔嵬水自流洞口  
曉風吹博士灞頭孤月弔韓侯雲屯馬耳

匡山集卷二

十五

雙尖出春到蛾眉遠翠浮勝地逢人追往  
蹟及時不樂更何求

超然臺懷古

海邦謫守一孤臣貌比錢塘綠鬢新捷足  
未能趨要路窮荒儘可乞閑身雨奇晴好  
共遷客月到風來屬解人烟樹迷離臺上  
立清心不避庾公塵

其二

作吏膠西薄繭絲臺居靜念有誰知生多  
去國憂君日境半登山臨水時花柳六橋  
西子貌海天一字長公姿才高履困難埋  
沒情見乎詞雪後詩

偕羅邑侯登眺超然臺時方重脩賦

此以贈

眼觀大壑難為水人慕高賢直上臺金石  
有時歸土壤文章那許委塵埃山光未遂

匡山集卷二

十六

秦灰去封色還隨春信來烟鎖荒城十萬  
戶歷年五百待君開

超然臺古意

臺高通四境烟封十萬家今古登臨者大  
小眼界差隙內無達觀物外亦浮萍遣意  
在當前馬耳雲半遮廬山對穆陵離水出  
平沙簿書有餘閒放叅步後衙風俗樂其  
醇吏民靜不譁飽腹采杞菊捧日省琅邪

超然踞胸臆看山又何加

戊戌入匡山

秋逐霜封老紅葉飄風碎遊子閑空谷凝  
然萬象會落日照匡山林嵐恣餘態來龍  
自西南千巘知向背五蓮晚翠收九仙朝  
霞對山勢遠且深秋水澄其內靜觀聽泉  
流心水兩無礙

匡山十二景 存四

匡山集卷二

十七

釣臺烟溪

客星何事犯君王一曲烟波箬笠狂此地  
垂綸休設餌釣魚不似釣名忙

葉石安眠

失枕中流一葉身悔將性命當輕塵而今  
片石高眠穩不作明珠彈雀人

涓流洗耳

箕山避世絕塵緣不洗心頭洗耳邊一自

汚牛羞穎水傳留此地作名泉

石人揔漢

大造為爐百煉身高標揔漢耐風塵石心  
不是堅於鐵那見昆明劫後人

觀畫詠懷

吾形燭乎鑑吾病燭乎藥有懷未可燭抱  
璞不欲鑿感君知我意教我對山樂高岡  
莫振衣清流休露脚老足踣崎嶇卧遊慰

匡山集卷二

十六

蕭索匡山萬松青寫照歸於約珍重歲寒  
心不待繁英落

其二

搜味入丙穴發秘向酉山博覽窮八極圖  
畫見一斑石立與川行谷荅並烟環有夢  
即貪癡對境聊閉關所以會心人傳神阿  
堵間夏山自蕭蔚秋水自潺湲雨霽碧天  
空白雲歸岫閒掩卷得畫理一息一往還

上溝看花

青陽布烟景秀采添着黛花信誰寄將花  
樣剪來怪爛熳錦覆山艷冶春生態五色  
凌素波十里紅紫賽灝水趨大壑仙山圍  
四塞劃然一線天色象空海岱碩問登臨  
者生逢幾牒慨榮者枯之先樂與憂相對  
抗志遊太虛忌形造大塊三十六宮春留  
之可常在

匡山集卷二

十九

遊翠屏巖

結客尋芳入翠屏飛來三跌此間停眼前  
有景皆同賞春後無山不共青野服身惟  
眠石榻閒心夢不到公庭蒼岬秀削凌雙  
壁為作乾坤一草亭

洗甲池

甲洗何年池未乾秋磨水面色猶寒老來  
百慮消除盡只有青山不忍拚

觀海

測地土圭精測天星宿朗未聞測海者一  
言定深廣風起浪捲天風定平於掌怪石  
多巉巖到此歸坦蕩洪波接江流大壑靜  
無象萬水來朝宗一氣何泱泱滄桑無定  
踪潮汐未有爽五德惟信成五行獨居長  
量宏無不容性平利攸往觀海得至理誰  
復欣奇賞不學釣鰲客天外發空想

匡山集卷二

二十

營山居

買山今始欲山棲纔築前溪又後溪身是  
烏衣堂上燕春來日七砌花泥

題春江雪霽圖

雪笠孤舟夜醉眠不知紅日已掀天東風  
自是長生藥調劑春光去復還

雨後出郭遊薄學士園亭

門外綠陰千頃開庭深院靜少人來杖聲

欲動妨鶯轉簾影將移待燕回睡起閒行  
容緩步雨餘縱目上高臺名園屈指十年  
樹盡是王郎別後栽

雨後送別家五兄之任黔臬

朝雨清塵祖道修灘雲峽岼斷中流春山  
欲老還青眼綠鬟經霜失黑頭榻下郵亭  
如雲室人行宦海似浮舟黃梁一枕盧生  
夢邯鄲覺邯鄲路上遊

匡山集卷二

三

羅邑侯寄詩相憶依韻奉答

感君樂善喜多聞清趣寫來持贈君二水  
過堂拖綠帶兩山把袂送青雲碧波紅樹  
染朝雨翠竹白沙含夕曛脩得九仙金石  
譜心存壽世莫論文

丙午暮春病後入山作

支離老病獲安全養素和神治寸田大壽  
艱難登耄耄鄙懷癘即望曾玄休同去日

輕來日願惜今年勝舊年滿目春山傾綠  
酒塵心迥不到樽前

其二

眼前面目非吾故七十年來全錯鑄石火  
光中難住身桃源渡口無行路少耽經史  
似探珠老戀雲山如坐霧想到先天一氣  
真致虛守靜存其素

竹杖

匡山集卷二

二五

以為杖具龍首以為龍扶吾走常青子歲  
寒三友之一獨握乎七十老翁之手想當  
未授葛陂以前疑是方授竹馬而後

其二

山之陰竹森々玉根出土方寸青標凌  
雲兮直尋勁而不屈兮若義士之臨大節  
危而必持兮如忠臣之無二心

其三

竹大夫我所需圓如智直如義膝依不離  
子道所宜心空則公臣道有終削為簡牘  
文教郁郁截為笙簧大樂洋洋具此數德  
君子在側扶老惟節舍此誰從

扁竹杖

竹方圓各有種扶吾躬適吾用用其方恐  
觸世用其圓恐害義不圓不方扁而隨意

題晚香居

匡山集卷二

三五

谷之口山之麓一溪雲十畝竹連翠陰覆  
茅屋耐淅冬避三伏老較書歸家鑿披殘  
簡課兒讀喜勿藥靜為福座無賓出無轍  
虛其心實其腹晚來香東籬菊額吾居悅  
吾獨

丙午小春搆得盆封高尺許古幹雖  
奇質堅於石雜之英德靈璧佳品  
中其皴透瘦當必無辨而生意勃

勃頭角鱗毛鳥伸而蜩集允堪置

諸凡上以供清玩因題於壁

維山有靈維封有精山林競秀其象斯呈  
如鬼則奇如獸則獐髮指毛豎爪牙崢嶸  
始而即之勢不可撓既而視之踳踳不行  
恠哉石耶叩之無聲撫摩而歎木德結成  
秦炬不死樵斧餘生一元未鑿春意盈盈  
盃置凡上聊寄吾情

匡山集卷二

三

悟言

壯志羞言石泉老懷悔製宮錦寒山野寺  
晨鐘打破黃梁一枕

其二

身緣愛裏生病婚嫁勞勞向禽跼遍名山  
多事獨存老去閒心

其三

五官不有真宰軀殼痛痒焉知可惜靈臺

一點終身忙碌因誰

其四

眼前富貴浮雲眼底韶光夕曛繫日長繩  
在我凝神用志不分

子壻即墨郭廷翕敬書

三山集卷二

三

匡山集卷三

琅邪王沛恂書巖氏著

南遊草

田家春望

浪跡經吳楚春光潤野田  
稻畦堤外柳邨落樹中烟  
農唱耕雲去牧吹帶月還  
勞勞思倦鳥感歎子真賢

其二

匡山集卷三

一

一雨足春犁殘流亂入谿湖  
田連水濶江渚合雲低老  
對全欺屋嘉禾新試泥耦耕  
如可接我亦欲高棲

舟發廣陵渡京口潮落江平旭日初

上中流望金山烟爍如爐冶成盱

目良久不覺舟抵鎮江城矣

扁舟南指楚雲橫旭日瞳瞳初照明水面  
鏡磨江色淨潮頭勢却海波平爐中冶出

金山寺眼底浮來鐵甕城二十四橋花柳  
意今朝蕩滌有餘清

扁舟夜行

落日發孤舟身輕一葉浮風帆辭兩岬夜  
燭秉中流前浦迷燈火仰天看斗牛霜江  
明月上人語隔沙洲

姑蘇

姑蘇誠澤國潤色百花洲對杪千峰出城

匡山集卷三

二

頭萬壑流門通三浙水簷繫五湖舟更有  
浣紗女新粧倚畫樓

錢塘

錢塘佳麗地清秀更天成江海全吞郡溪  
山半入城緣門多水繞無處不舟行二月  
桃花岬春湖一片明

雨霽春望

登臨當雨霽高步陟雲梯早稻千畦綠中

春百鳥啼湖平洲出江濶岬山低忽見樓頭女捲簾納燕泥

登大觀閣

大觀何處是高閣俯雲平越水東趨海吳山北入城江湖分兩地左右悅雙晴第一峰頭立春光四望明

湖上雜詠

水卧長橋沒石根嬉遊士女日紛紛湖光

匡山集卷三

三

照面人歸鏡山色環城堞入雲小草堤烟吞屐齒輕風柳浪起鱗文歲春不必蘇家好門映桃花出翠裙

其二

蘇堤內外逐春流收拾嵐光入畫舟白露穿蓮花傲雪紅粧露面錦纏頭環城繞郭高低對傍水依山上下樓人似來龍天目遠波心千里注杭州

其三

酌罷孤山看落暉鏡湖水滿躍魚肥門藏柳色春何在面映桃花事已非晴好雨奇知味少風來月到賞心希南屏鐘後紅塵遠隻槳移舟緩緩歸

其四

帶郭環烟罩碧沙畫船簫鼓失繁華風來水面千山雨春到波心十里花霧裏橈鳴

匡山集卷三

四

飛鷺隊雲中大吠出人家那能留得湖光住旭日曛曛射曉霞

偕僉憲大兄遊西湖用竹枝體

紛紛士女步南屏人面桃花柳色青淨寺門中塵念滿熱心更向冷泉亭

翁園背山臨水雅秀為湖莊第一子  
寄居湖樓相去里許行有日矣主人康貽先生過訪兼遺蓴羹作詩



二首索和依韻立答

名園深鎖鏡湖邊誰啓殘扉破綠烟知是  
主人來送客尊絲牽動出遊船

其二

拋却杭州驚眼底尊羹美食後歎無魚未能  
全別湖山去譜入奚囊任卷舒古人食蓴菜鱸魚予但食蓴而魚未見故第二句云然

江邨梅

匡山集卷三

五

春曉岬烟青江邨梅初見冰雪淨其姿三  
冬老其幹寒香本在骨羞共桃李絢棄置  
清江頭自露春風面染綠不如柳染紅不  
如茜春深梅子熟取調鼎中膳不信采花  
嚼清芬肺腑變蹋雪俟幽賞漫作邨姑鈿

舟中歸思

雨霽薄雲飛孤舟辭兩岬輕帆寄歸心無  
羽凌霄漢托興在抽簪塵網恐羈絆羞言

曼倩饑思魚非張翰賦性愛山瀏濺濺石  
可貫幽人守其貞高懷輕月且山水發清  
響絲竹不能援

江山行

勢險不在山波濤不在水江山萬里程舟  
車云累累有風信帆行無風波不起蹋石  
出山骨視地任行止如何涉宦途深險怖  
欲死詭遇思獲禽直道安能已達人知進

匡山集卷三

六

退軒冕輕如屣

病後

病久如僧老居然定裏身有方能硬豎無  
藥可醫貧舟楫百蠻地江湖萬里人偷閒  
非去國海岱一孤臣

其二

雖然喜勿藥悔不覓還丹煮石泥非飯嚼  
梅香尔寒憂緣癡裏錯病在客中難舟比

人同老長年耐急難

子壻即累郭廷翁敬書

匡山集卷三

七

匡山集卷四

琅邪王沛伯書巖氏著

哀吟草

秋草吟

樹底草青青樹外草已白咫尺分枯榮嚴  
霜何所擇樹外委漆秋對庭有遮隔怪我  
未四旬鬚髮僅半黑失恃自昨年蒼蒼始  
變色

匡山集卷四

詠秋

朝曦發群動往來如蠶織得賴令白藏愛  
惜逸物力霜潭呈清姿繁園棄艷質天空  
秋雲迥丹鳥羞陰律豹躡同犬羊兕革俟  
丹漆龍蛇以蟄存鵬飛六月息須知造化  
功一呼還一吸物候已如此人事趨何急

詠懷

天無經旬風地無積旬雨人生天地間朝

露未足數如何電光身少樂多所苦短髮  
紀流年紅日當亭午良時費已奢來者猶  
可賈涼炎悲異候感慨十四五自古困與  
尋豪傑之機弩人情不奮激奇懷安能吐

感懷

少年負意氣談笑輕抵掌讀書見古人抗  
懷未絕響朝搴阨木蘭夕搢洲宿莽世路  
趨羊腸吾道不可枉

匡山集卷四

二

其二

人生貴立身大本在色養捧檄慰慈闈而  
今徒慨想嚴君展義方時垂髮已蒼較輸  
農家子荷鋤歌鄉黨辛苦盤中餐驚薪供  
親享撫懷異今昔能不淒惋仰

自悔

少年不自見敕帚用淒享鏤心歸鳥跡織  
辭上魚網知非未五十半途猛回想大道

復何言泰山覆坏壞擎輓羞古人讀書耕  
且養水虛發淪漪木實花萼長從今揮絨  
石快意問俯仰欲行須視地頻足戒鹵莽

感懷

乾坤恣放眼株守笑儒林微體纔三尺長  
愁幾萬尋波流撼砥柱氣靜養天心盛世  
容輦輓君恩已海深

秋夜

匡山集卷四

三

客歲傷魂地愁飛菊後霜從今謝皓月未  
許入高堂白髮經年痛清秋半夜涼感懷  
驚物候疑是在他鄉

青州道上積雪有感

帶月入青齊朔風壓馬蹄長途千里雪短  
夢五更鷄好鳥猶爭角高枝未穩棲寒陰  
疑玉宇渾不辨雲泥

過十里鋪和陸武園先生壁間韻

歲暮休群動勞勞復莫停淚添今夜赤髮  
變舊時青遊子他鄉話愁人客裏聽空餘  
湖海意未許泛浮萍

發雲門次日渡孝水有感

昨日雲門纔對面轉眼雲門忽不見朔風  
烈烈逐黃雲山河盡隨征塵變人生努力  
惟前程一波起霎一波平波起波平徒為  
爾莫泛江海聽潮鳴潮勢雷吼蛟龍匿怒

匡山集卷四

四

發風濤捧天黑何物蜿蜒能夾舟頻使神  
禹亦變色自古聖人戒風波我今利涉僥  
倖多澈底不滿漆三尺況有舟子喚渡河  
一撐再撐躍岨坡振衣頻足意婆娑回首  
波心復如昨河流日下奈若何

過山頭店

歷落湖莊帶眼過峰迴十里斷寒河烟環  
對杪平留影水卧橋頭故作波夕照憑空

分雁字西風何處動驪歌莫嫌逐隊黃塵  
裏多病還將客路磨

積寒

老竊紀天寒柱礎知天陰天人渾一氣物  
類乃浸淫時令司乾戰凜冽朔風侵撥雲  
微辨日轉眼不可尋漠漠塵沙起壯士暗  
歛襟凍雪盈三尺好鳥啼寒林人事趨凋  
謝氣候無古今截管吹陽律用回天地心

匡山集卷四

五

壽安靜子先生七十

閭邱有高人閉戶知通塞行年登古稀華  
落存其實我昔耳公名抗懷無與匹王道  
冀平平高衢騁驥力數奇不逢時井渫悲  
莫食空餘萬里心長此六月息乘興暴腹  
筍朗吟長川側有時雜耕收相見不相識  
緩步恣從容曠眼疏胸臆淡然五蓋除羲  
農如可即形神既已完尊養樂儉德良木

無扶枝大璞忌雕刻何以為君壽君壽不可測

送尤雪浦南歸

千里一夕逢一夕別千里相對且盡歡離緒從此起後會知何年暫屈今朝指薊馬北風迎越鳥南枝喜物感悲所思人情烏可已夜砧激秋聲明月樓頭倚

甲戌春北上公車和陸武園先生壁

匡山集卷四

六

聞韻

三春遊子意戀戀征車旁既惜前時別又畏今日忙闕山揺夢寐身世決行歲誤入塵中劫達觀愧老莊

庚辰下第歸里

燕許文章滿帝畿持衡那信有朱衣筆端造化分榮辱皮裏陽秋失是非一字金根千古恨十年鐵硯寸心違而今綠汁向誰

染折柳悽悽送我歸

悲鴻

孤鴻海上來驚願求其匹照影索空冥俯仰三太息憶昔出同林高天接飛翼不合謀稻梁奔互忽相失側見雙飛燕唧泥砌一室呼類適川原相視不可弋我自傷離群繒繳逼何亟支足依木桶漸警懼羅織有翅不欲鼓有食不遑食追尋弗及時盈

匡山集卷四

七

日將西昃

春遊南郊

環煙帶郭萬人家縱馬高岡旭日斜十里青山三月雨一村綠對半墻花停鞭呼力沽新釀借草鋪茵撥細芽我欲尋春敲句好眼前景物醉流霞

輓楊公舍先生

公本天上人偶來塵寰住年少拾科名淡

然非所豫裁錦天水頭仗節輕刀鋸解綬  
歸田廬富貴等飄絮丹砂覓歸根藥石期  
我助夢覺熟黃梁依稀邯鄲去悠悠駕鶴  
客白雲無定處

子壻即墨郭廷俞敬書

匡山集卷四

八

匡山集卷五

琅邪王沛恂書巖氏著

居山草

張子石民入山過訪緣其往來乏貲

乃割田以贈賦此為券

竟日山頭望山濛雲更深敲門驚宿鳥料

得是同心

其二

匡山集卷五

一

醉翁不在酒誰是箇中人掃葉出山骨相

看有石民

其三

招隱入空山何如去學稼割田買德鄰懷

寶真無價

其四

披雲裂石田田契何須畫推我買山錢酬

君一夕話

山居樂

十里紅雲花滿天春山春水到門前  
匡床竹案攤書坐紙屋湘簾入夢眠  
遣意偶聽塵尾話尊生懶檢馬蹄篇  
六塵蕩滌有真宰不是僧家物外禪

其二

桐陰覆屋入山腰有客乘涼不待招  
嗔剪淩枝妨鳥路淩封淺水活魚苗  
勞勞夏日

匡山集卷五

二

趨炎苦戀燈蛾赴火隻去燥空傳六字  
訣心頭害馬許誰消

其三

西風颯颯到柴門鼓得秋聲止衆喧  
露滴山容塵洗淨潭凝水面鑑空存  
踈簾斜月搖清影斷雨殘雲破碧痕  
不假虛無渾色相萬緣到此各歸根

其四

青松傲雪滿山隈半是天工半手栽  
冷氣初收知日出凍雲乍薄見晴開  
閑關棄智消雷火觀化無心迹劫灰  
靜掩柴門非避地嚴寒歷盡又春來

化谷

鑿餘鬼斧啓鴻濛怪石靈巖窮化工  
春染層巒凝綠紫雲屯奧谷亂西東  
高山半逐平泉落絕壁還從細路通  
兩岬青烟人迹

匡山集卷五

三

破賞心偏是杜鵑紅

五蓮

蓮山風雨幾經春五朵崢嶸天際新  
怪石苔淙消鬼骨蒼松霧結隱龍鱗  
地連秦岱爭趨海勢接蓬萊欲問津  
谷口依稀村落見桃花歲歲憶秦人

匡山書屋

翹首雲淙意更深一峯元坐列遙岑  
丹霞

點染梅花屋翠色裝潢翰墨林四壁名山  
容放眼百城妙理入清心歸來漫說讀書  
處地以人傳無古今

小閣山霧

群峰當小閣開牖納雲歸不見山頭雨但  
濡身上衣

山溪道上

潺湲聽不斷坐卧歇清溪足響留山谷雲

匡山集卷五

四

根入馬蹄層林深欲接重嶂出還迷落日  
丹霞晚遲迴大嶺西

山中四時歌

春花燭爛為誰開落瓣無心染綠苔小力  
除門空費掃山深那有足音來

其二

飛泉百尺掛懸崖坐聽濤聲滌素懷不用  
乘涼消溽暑熱心早已付塵埋

其三

去盡繁華誰剪鋤漫驚秋老氣蕭疎白雲  
紅葉留山色簇攤書爇霰士廬

其四

衆芳搖落出孤松未改青葱舊日容怪得  
幽人蹋雪去寒雲坐對不知冬

雪中懷石民先生

回風流雪雪如織成嶺成峰不復識身在

匡山集卷五

五

此山山更深門外圯橋掃行迹岩勢陂陀  
漸就平一寸在山谷百尺天然五朶白蓮  
花面對九仙如拱壁列嶂嵯峨分西東南  
向一山正色立醉依冰案玉玲瓏竹笠松  
蓋環相揖桃花洞口阻石民雪天一色何  
霰津安得吟哦來驢背陶然一醉石凍春

初晴

陰氣襲山山愈涼嶄然頭角露朝陽風吹



雪意雲歸岫人咽寒聲酒入腸  
蹋凍纔思冰漸至履霜怪得雁  
先忙未隨搖落有松竹坐對梅  
花書屋香

丁亥季春還山仲秋再入都門賦以

誌別

白雲紅葉覆山阿滿眼時光感慨過今日  
對山還戀他年以別更如何

韓侯灞弔古

匡山集卷五

六

風雨踈韓灞臨河弔楚囚驚濤奔日夜怪  
石老春秋高鳥良弓的平沙壯士邱哀哀  
黃葉落薄暮入寒流

其二

囊沙枯萬骨尺土豈容身赤帝寧婚媾烏  
騅乃比鄰王齊終是假蒞楚亦非真獨有  
韓侯灞長留離水濱

子壻即墨郭廷翕啟書

匡山集卷六

琅邪王沛問書巖氏著

出山草

出山圖自跋並寄張子同人

行雲應故邱遊子悵岐路夢山與山別一  
步三回顧前途策健足要路羞爭赴富貴  
非所求丈夫有急務生死在膏梁應觸鬼  
神怒懺悔百年身苦行歲云暮緬彼望雲

匡山集卷六

一

者無襦冀有袴願共行雲勞及時為行雨  
行七戒岐趨疇能守故步翹首念同人雲  
山為呵護寄我出山圖贈我歸山句出山  
如在山歸山還如故竊恐面目非鄉國成  
兩誤展卷懷素心勉矣去與住

穉橋晚泊

落日西風聞扣舷橈歌齊唱泊橋邊將成  
雨勢雲拖地乍到秋聲雁在天桐葉爭隨

清露墜菊花不避霜  
霜漸繁華若也無休  
歇自古誰分新舊年

秋雁感懷

雁字橫空帶夕曛  
聲上嘹唳徹秋雲  
丹楓冷落行人遠  
最是離愁不忍聞

其二

月掛孤村人未眠  
亂鴻何處暖霜天  
西風一夜纔吹去  
又落平沙淺水邊

匡山集卷六

二

其三

飄飄落葉雲飛揚  
行斷中宵一雁忙  
自是圖南貪食粟  
教人却恨晚風狂

其四

征人不語對斜暉  
明月蘆花秋雁飛  
既作飄蓬無近遠  
他年願共一行歸

其五

披星帶月問殘鴻  
何事西飛又復東  
莫道

天南忘北地歸期  
料不到春窮

其六

緣何避迹蘆花裏  
風吹蘆花驚雁起  
想是畏人寄遠書  
曲江雲對八千里

其七

報罷羽書念季秋  
依稀俛仰楚江頭  
西南別有凌雲路  
回雁峰前莫去遊

其八

匡山集卷六

三

鷓鴣音去後北風催  
只見南征未見回  
况是衡陽飛不到  
臨安書帛幾時來

偕同鄉諸公祝勞銀臺夫子壽盡歡

而罷賦以紀事

世界自婆婆眼底  
苦福窄區區位與名  
矜域分咫尺相知  
不相能舉足畏形迹  
小酌邀親朋禮數拘  
終夕齊魯聚生徒  
登堂祝師席壽觴甫  
三行相戒脫巾幘  
南極老人

星獨坐啖黃石燕毛列西東迥不論仕藉  
內史坐橫頭臺垣雜衆客職無內與外雁  
行鮮跼蹐旅酬各為歡方圓任圭璧豈少  
宴會家曾否破此格孰意太古風今茲得  
親炙未飲心已醉杯盤復狼籍

代少京兆大兄贈別吳總憲歸里

尊酒嘗論心縱談分黑白勿謂輦上人當  
途不跼蹐勿謂林下叟自處無安宅及余

匡山集卷六

四

荆襄回公已謝仕籍贈別都人士紛紛說  
顯赫總秩肅栢臺僉壬心已草文章花磚  
好人口成膾炙况復令嗣賢玉堂公一席  
俚言送行旌弗欲尋衆跡歸去夙願酬志  
不燕煮石秋風鄉思發寧為尊鱸客勇退  
衆急流非緣腐鼠嚇盛朝無閑事不煩太  
傅榮賢者慎始終美哉留全璧

題梅花圖

飽歷風霜老幹踈花開反得占春初而今  
寫得寒香在知是和梅嚼雪餘

題落花引蝶圖

曾向名園枝上開瓊姿郵信委塵埃芳心  
不是香仍在蛺蝶緣何去復來

市花歌

燕市花燕市花賣來賣去在誰家金谷繁  
園爭鬪靡年年歲歲試春華十二畫闌美

匡山集卷六

五

人羨鴛鴦池畔照花面花艷爭似曉粧紅  
花嬌羞教玉顏見主人花下醉春風滿庭  
春月杯不空一朝東風捲葉白對頭樹底  
覓殘紅可憐人家覓花使不知花市薄如  
紙行人踴春自東郊城外花開市花死花  
死花開何足道恨殺賣花人忒狡只圖花  
長好賣花移幹郵枝花不保嗟乎人生輕  
易動根本漏洩春光不自忖片時博得畫

堂春正濃時生意損

春柳

風吹嫩綠染絲條  
柳眼全舒凍欲消  
翠色平分輦下路  
晴烟深鎖禁中橋  
陌頭少婦春生怨  
鷄肋微官老折腰  
回首東山歸去好  
登臨倚對話漁樵

寒泉寺和韻

九日偕龔別駕登攔河山並遊繡嶺

匡山集卷六

六

經霜此地早秋老  
菊香凝客裏逢同志  
無高不共登山光  
攔水住嶺色入泉澄  
自歎塵中駕能閒  
愧老僧

其二

尋幽吾所好  
塞外度重陽  
水面秋磨淨  
山容晚照黃  
揮花防帽落  
束髮任風狂  
且盡杯中酒  
渾忘是異鄉

海署雜詠

塞外風威勁  
爐中火力寒  
空堂聞葉落  
冷署覺衣單  
海國嚴冬早  
邊城拙吏難  
攤書成獨坐  
無意學彈冠

其二

虛牕窺月白  
曉樹起寒禽  
積雪疎林耀  
殘雲半日侵  
庭閒望晝短  
吏拙愛山深  
退食無餘事  
坐彈宓子琴

閒衙即事

匡山集卷六

七

逢逢畫鼓催春曉  
纔放衙參公事了  
坐展省痕睨遠山  
閒憑對色聽嬌鳥  
徑邊細草蹋還生  
檻外羣花栽尚小  
悟得鷓鴣棲一枝  
眼前吏隱值多少

寒夜飲富州牧世兄衙齋

黃塵裏余足把酒  
君與歡論文已兩世  
溫語喜盤桓一座鼓  
春風能使冬不寒

和王星若明經喜雨原韻

浮世功名好自賢漫將已力去貪天誰驚  
厝石潭邊影起得潛龍潤大田

按誌厝石山下有潭

相傳龍潛其中晦明風雨常有月影

和蕭居士喜雨原韻

人生疾痛則呼天零祭休誇邑令賢欲觸  
雲根䟽地脉須從舌本問心田風吹雨脚  
千山墜氣吐龍津萬井連有谷通靈堪禱  
祝好居海國撫東偏

匡山集卷六

八

需次都門擬於八月東歸

長安旅舍搃秋草葉落空庭人未掃秋潦  
斷却雨後書泥滑遲上灘陽道嘗思宓子  
理冰絃一彈再鼓遼水邊治但蒲鞭愧遷  
擢不能為輕却居前 召徵原欲試羣吏  
在廷何妨慎名器秋風鄉思不在魚泉石  
是吾藏拙地涼風八月歸行旅青門一觴  
誰出祖鞭指兩峰馬耳雲氣吞雙峽龍湫

雨鏡裏二毛鬢色新銷我壯志非關貧向  
平多事畢婚嫁莫道空谷閒煞人

子壻即墨郭廷翕敬書

匡山集卷六

九

匡山文集跋

勵世善俗大事業也崇聖抑  
邪大學問也於邊徼之地本  
大學問以行大事業而又不  
必明斥其非能使人翻然以  
悔隱然以動油然而興翕然

匡山集序

一

以多日遷善而不自知其中  
自有化導之微權先生之有  
移弓用舍於斯紀見之至通  
漢是集興觀羣怨得法精焉  
駿厲恣恭備神教焉榮如華  
表衆於斧鉞見史才而時而

感慨必歌金石發其響時而

綿綿懇摯珠玉含其輝至性

至情中律中度先生之大學

問大事業宣而為大文章何

難接馬班之武而並歐陽之

席乎哉若南同學弟吳浩於

匡山集序

二

題於鏡湖之宮次



匡山集六卷

山東巡撫  
採進本

國朝王沛恂撰沛恂字書巖諸城人官兵部主事是  
集凡文五卷詩一卷詩文皆伉直有氣而亦有恃  
氣之處故意之所至暢所欲言不免時有累句

綺樹閣賦稿一卷詩稿一卷

青社先賢詠一卷

〔清〕安箕撰

南開大學圖書館藏清康熙刻本（青

社先賢詠配鈔本）

附《四庫全書總目·綺樹閣稿

一卷》提要

綺樹閣賦序

賦於何昉其風雅之遺音乎古者諸侯卿大夫交鄰聘問必有詩詩即賦也往往見於春秋春秋以後聘問詠訶不行於列國窮之士間因失志而有賦屈宋之騷是矣騷亦賦也兩漢而下賦家輩出賈生長卿之徒長於敘事矣說者猶謂其昧於情子雲長於說理矣說者猶謂其略於辭至於孟堅世推雄博而說者猶謂其辭理兩失若是乎賦誠難言之矣閭丘安君青士吾友靜子先生介子也少年矯志博物好古既以其所應時制著場屋

綺樹閣賦序

聲更以餘力泝洄騷雅下上漢魏溢為詩歌則餘膏腴馥猶足以驚爆海內辟易作者此誠家學所被源湲流長未可以膚心末學跋而及之也去年青士與予遇稷下出所為賦若干篇以求是正且請為序予披讀一過風氣遒警典寄婉愜名章繡句格釋奔會於行墨之間語彖則星漢昭回雲霞卷舒也語致則文漪淪漣緒飆搖曳也刻羽雕梁不足為之工鶴鳴鸞嘯不足為之韻銅丸走坂駿馬注坡不足為其流暢也由其才無不兼故美無不備予同環雜誦神懷欲飛尚復何言無已姑取



青士之以綺樹名其居名其集者以進論之可乎  
予杞城種樹者也久與爲伍能窮其變當春氣方  
殷萬花爭發黃者紅者黑而淨者紫豔而腴者翠  
白而細綠者衆彩交揉焜煌變幻可謂極難名之  
妙矣抑知此有本焉蒼枝老骨天蟠勁挺或根到  
九泉拔地千尺攫雲漢而挾風雨寔錦綺繡錯之  
所由生也青士持此以求則不僅紛紅駭綠徒夸  
騷圃之工露葉風葩設闢文園之巧矣青士不由  
是遠乎用爲書首并以質尊甫靜予先生或亦當  
默相印可也康熙丙子驚蟄日杞人張貞序於自

來草

綺樹開賦

二

紀臺覽古賦 有序

安 簣

漢之劇縣卽春秋之紀國也水經注云城之北側  
有故臺臺西有方地今城與臺巍然俱存予世居  
臺之南偏暇卽載酒游歌其上因爲賦之

蹇產層臺高揭崔嵬于黎之涘于瀾之隈俯臨浪  
莽攬眺裴回追維昔者嘻吁悲哉逝水潺湲城郭  
消煙北側依舊方地猶傳松柏樵薪殿閣犁田姑  
胥遊鹿蜀道啼鵲王孫已矣芳草萋然客曰臺踞  
城內百尺憑陵抱雙流兮縈帶羅萬岫今峻嶒是  
在昔侯王望雲物時觀游之所登也意茲臺之終

綺樹開賦

一

始與茲城同其廢興乎溯紀侯之達難實特書于  
麟經震鄰游食脫屣長征玉甌去而社屋金甌斷  
而涕零洎炎德之中葉誌耿侯之武功戈揮月白  
血染川紅樹十二郡之旗鼓殫草竊聞之梟雄漢  
張步都尉蓋自春秋秦漢以逮南燕北魏之世巖  
城作雉百雉垣墉而臺于其間尙屹然壯麗而穹  
窿也嗣是而城隳矣臺荒矣傾重壁矣火柏梁矣  
眺瞻圯矣望鵲戕矣縈蔓草矣空夕陽矣咏黍稷  
矣吊蒼涼矣徒令千秋百世之人躑躅歌吟其上  
爲之太息而傍徨也若夫地靈扶輿實多國良則

有九江尉之吏治。滕上艾長之文章。徐王武侯之  
偉畧。王勝大夫之清剛。公皆則人。常凭高而覽古。  
懷往哲之遺芳。遺芳。今未歇。池隍湮兮。流水咽。繁  
華銷沉兮。雲飛雨絕。臺高似昔兮。魏穀孤揭。作鵲  
詠之勝地兮。醉春風與秋月。撫亂松之蒼偃兮。慨  
千年之一瞥。登銅雀而悲操兮。過通天而問微。  
李漁村先生曰。不專以葩艷爲工。歷落其音哀  
江南之遺也。

綺閣閑賦

二

雲門山賦

安 箕

攬東秦之勝槩。撫廣固之雄圖。岩巒帶郭。崑崙環  
郭。貯雲門而挹澗。其秀瀟。淪淪而枚舉其模賦曰。  
曉岫疊嵐。駝峯拱腋。晚碧拂霞。鳳嶺銜脊。石丁洞  
開。今想巨靈之神威。峭壁巉巖。鑿今緬秦皇之遺蹟。  
比華嶽之箭。稻門通恍。金牛之五丁力。關爾乃攀  
緣攸躋。指顧生妍。躋金支于鳥道。敞孤亭之翼然。  
松漚雨而蟠屈。蘿綴碧而芊綿。石磴層迴而突臨。  
奧闕嵌岩。矗立而別有洞天。開皇之窟口。雲陰。  
爛柯于終局。希夷之榻下。龍蟄支企脚而高眠。  
峴口而說寄奴之勛。俯殘堞而思永嘉之年。浮青  
掠紫。燦比春萼。路轉峰回。近聯齊郭。幽人尋勝時。  
來謝客之遊。嚴羽侶凭襟。渺翔王子之縞鶴。斯神  
仙之洞府。洵逸士之丘壑。晴雲飄飄而常流。丹崖  
峭削而疑刻。崑樹蟠螭。龕佛蝕蘚。芙蓉涵綠。西帶  
筆岩之峰。驚鷺浴煙。東俯花林之壠。接瀛蓬于咫  
尺。挹滄溟于漫衍。羣巒競秀。攬列嶂之千重。一鏡  
高懸。鑑齊州于九點。至若曩跡迴環。勝槩輪轉。逢  
山之石鼓。遙聞繩水之帶城。遠漱五龍澗口。飛澎  
最之滄濤。七級禪林。標琉璃之宮殿。伊耆廟像。刀

劍之跡。黃石。暮客城郭。壇壝之踪。延赤。賦石井。  
雲封故宮。禾秀。瞻彼千容。拱茲一寶。登崇嶺而彌。  
望列平原。而若繡。峻嶺。迤邐。今絕。巖崇。隆金。堊卓。  
地。今吐。納。寬。虹。千仞。洞。劈。兮。彷彿。神功。斧。斷。誰。施。  
兮。上。闢。鴻濛。洵。青社之巨鎮。今昂屹立。于大東。  
任鶴峰先生曰。組織精工。天然齊梁之筆。

梅樹閣賦

賦

歷下亭賦

爲饒便廣  
卑李公作

安箕

左輔名都。金輿故郡。地仍譚子之遺墟。城作青方。  
之重鎮。東秦十二。指揮則海嶽爲圖。稷下三千。俯。  
仰則溪山生韻。緬勝槩之未湮。粵齊乘之可訊。乃。  
有娥姜源水。澎湃如輪。湍流側注。瀾漪鄰鄰。名泉。  
競發。今滙淨池。於城闔。曩賢選勝。今結亭榭。於湖。  
澗。茲亭也。面翠屏而挹夕秀。背清沼而覆長檐。木。  
木明瑟。景物澄鮮。鄴道元紀於水經之注。李尚書。  
構於天寶之年。時則北海太守。讌集賓僚之地。更。  
有杜陵詩人。追陪酬贈之篇。秩綺筵兮北渚。淪連。  
森綠玉兮脩竹。婢娟信適性於濠梁。今更發興於。  
雲山。皂蓋青荷。紛披掩映。哀絳芳晏。踰躅流連。玉。  
珮之清歌。未歇蒲桃之新製。猶傳逮夫陵谷幾更。  
廢典相倚。泊有明之中葉。維滄溟之後李。憑吊遺。  
蹤。修葺舊址。嘉湖之風景。不殊。虛亭之疏寮。復時。  
于茲。遨遊于茲。燕喜。時招股許羣賢。兼攜華襲。二。  
子。杼天半。峨嵋之奇壯。七字長城之墨風。流表百。  
代之人。豪指顧。燦成章之紅紫。一觴一詠。相羊於。  
此。迄今未二百年。而倪仰之間。已爲陳迹矣。爰有。  
銀城傾彥。鐵嶺高賢。取通人和之餘暇。裹回往蹟。

而興慨焉。于是度形勝。接曠閑。營隙地。敞步欄。墜  
 蔭。迴朱欄。護儲胥。菰杜閒。左右之楸梧。非舊飛  
 沉之魚鳥。翛然慶落成。之不日。誇東國之懿觀。邇  
 伊昔三季之休風。可前後踐武而援拔也。爾其自  
 公退食之餘。賓筵文酒之會。濟南之名士。接席洪  
 澳之新筠。拂砌于焉憑眺。目窮無際。隱見嵐光。吟  
 帶附綴。攬花萼之晴巒。卓佛驪之翠髻。蒼崕點黛  
 以刺天。單椒秀澤而桀立。青囊長往。丹竈猶存。白  
 鳥高飛。玉函已逝。睇千巖之競秀。今倅映帶乎卑  
 現。若夫淥激潑洄。晴瀾溶瀾。蘋藻翠衿。芙蓉紅袂。  
 荷樹開賦  
 載酒今泛木蘭之船。採蓮今鼓沙棠之柁。朱簾捲  
 罨。圖之溪湄。素手奉芳洲之荳蔻。况復朝霞夕霏  
 雲陰煙霽。景象萬千。迢遞隱蔽。湖山之勝。既備且  
 麗矣。于焉濯素波。對碧岑。懷廷哲。撫瑤琴。倒醺醺  
 疊謳吟。誌明德。傾素心。相與採芳摘藻。儼古妃今  
 追南皮西園之謠。彷彿池峴首之遊。而似續乎杜  
 陵北海之遺音。爰捐節而歌曰。世清穆兮歲豐穰  
 大小東兮頌樂康。刑政簡兮日月長。撫遺蹟兮臨  
 滄浪。占佳勝兮翼曲廊。池籙廓兮種修篁。公退食  
 今肆徜徉。適嘯詠兮布壺觴。燕嘉賓兮奏笙簧。邇

遺文兮蘭蕙芳。越千載兮有輝光。

張杞園先生曰。總率羣言。而以駘蕩之筆組織  
 之。尤妙在其徵引確切。語無濫設也。

杞城別業圖賦

王安節作圖

安 策

爾其琅邪西鄙。穆陵東偏。周太常長齋舊地。趙邠卿賣餅當年。右攬鄭康成通德之里。左撫管幼安揮鋤之谿。川原迴複。草樹榮鮮。瞻鬱蔥之佳氣。列綺錯之春暎。室廬亭榭。位置其間。是惟杞園先生之杞城別業焉。杞園先生者。九臯鳴鶴。八尺髯張。族望則聲聞清奕。門第則冠珮琳琅。江左之高文。青箱七業。河東之威鳳翹羽。三翔丘三張之目。溯家世之淳則垂竹素而芬芳。芳先生承藉家學。騰蹕文林。擅喬嶽之靈淑。抒五經之紛綸。述祖德而

綺樹閣賦

清塵遠播。讀父書而錦裘常新。文書淹華舊矣。名喧日下。人稱晚暮。尙爾龍臥雲津。爾迺長卿倦遊。子真棲谷。結廬山水之交。選勝林泉之壤。城南則禾黍成村。牆下則蒹葭植木。編虛敞之葯房。闢幽溪之蘭路。詎止長樂之一株。青松子山之兩杆。修竹松陵之二頃。湖田陸氏之三間。瓦屋而已。哉於是渲染佳勝。依約形模。鋪幽曠於只尺。藉丹青於顧吳。柳浪椒園。彷彿藍田。而傳別墅。素紉月扇。倩名手而上新圖。夫其風土清嘉。溪山勝槩。遠近之翠岫爲屏。左右之清流作帶。雲壑煙嵐。拱衛則峽昨

羣峰沙白。渚清交會。則波濤雨派。山水回縈。抱此荒城。城上之王孫草。碧城下之古驛。蹊平覆徑。垂隄列喬。林與蟠木連畦。接陌菰嘉穀與香秔。前爲場圃。後隱柴荆。則有室分寒燠。堦蔕薇蘭。中則蒼松一界。背則脩篁千竿。攀龍髯而揮玉塵。披鳳尾而弄柔翰。若乃來青之閣。高數仞。貞白之樓。起三重。支願而挹霄漢。欹枕而對鴻濛。婆娑餘柳之軒。誅茅小築。曉暖青琅之館。覆井雙桐。累榭與層臺。駢接藥欄。共花嶼。蔥龍山紫。名堂坐文。矚於東牖。渠香滿沼。裊長夏之清風。羅篠裊以相結。徑曲折

綺樹閣賦

九

而始通。眺寒玉之池。風過則半溪。綉碧入桃李之陽。雨飛則一川。踏紅漲綠。陰之百晦。蔭綺樹以千叢。田園閭閻。而彌曠。廬落靚而益幽。可以誦邁軸。可以詠優游。蓋圖練營度者。積有歲年。而先生曰。匪厭寧之。適求爰以之。食舊德而服先疇也。况復家富奇書。門盈好事。細纈縹帙。蘊學府之行廚。西杞東筠。豎文壇之赤幟。九方賢雋。咸願投綰。上國名流。競來問字。池館氤氳。上日良辰。賓從則麟衫絡繹。家庭則玉樹繽紛。或疏寮搭肘。或高閣凭襟。或乘小車於花下。或賦芳草於溪澗。或濡墨而對山

率之秀或舉酒而觴蒙頤之神信乎丘壑之偉麗殊勝而滿開之風物無倫矣若夫粉粉華之穠穠更墨藩之清馥水則停泓而縹流山盡嵯峨而遙矗廬舍參差蕭勃林麓雞犬成村桑苧遠屋澹淡墨而逾溪寫柔夷而微綠何來今雨小童則葱葉迎門似勸晨耕春溪則細草眠犢人物嬉遊雲烟清淑儼盛懋之幽風成圖宛龍眠之山莊一幅樂景事之曠閑爲披尋而徙倚願溯洄而從之向高山而仰止曰是遁叟之東谿而少陵之漢水耶抑逍遙公之幽栖而天隨子之甫里耶

和杜少陵集

張杞園先生曰文如百寶流蘇密密麗極矣而簡奏天然法力兼至荒邨得此可以千古矣

春柳賦

安 簣

青陽應律勾芒轉辰披春輝之駘蕩照曉色之氤氳光風轉蕙淥水縈蘋聯柔梳之線柳紛旖旎而懷新爰濡筆而賦之曰淡舒細碧輕染鵝黃短葉乍開兮永豐之東角一樹長條似舊兮隋堤之西渚千行天晴兮宮暗陰薄兮鶯藏若乃鵲鵲觀前鳳凰池畔垂青鎖兮惹御爐之天香拂銀鋪兮簇雉尾之宮扇望同翠華之一色坐對春英而樂翰爾其花朝日暖上巳春妍半溪煙雨十里歌絃引香車兮牽翠條而若帶繫寶馬兮折柔枝而爲鞭

新樹園賦

十

凭來搖曳望去翩跹濯濯兮擬王恭之美態依依兮怡張緒之當年至若渭城朝雨客舍春風聽陽關兮唱三疊遶河梁兮綠幾叢攬柔條兮百尺縈離思兮千重柔條可攬兮挽之子而暫住離思難繫兮悵此恨於無窮更有翠樓春早繡閣風暄低映珠箔而並翠綬垂曲檻而相牽忽見陌頭之碧色過結春思于雲端望夫君兮何時返悔覓侯兮空長歎若夫處士門前色分醺醺將軍營裏影冒旌旗感年華於嘉樹兮過金城而隕涕悲攀折于曲中兮攬玉笛而橫吹灞岸橋邊參差分鼻西溪

亭上婀娜同垂。是以扶疎兮映月。黦黦兮浴煙。披花信之融風兮。覆銀床而踈地。灑寰塵之暖雨兮。拂金祀而嫋然。變春風之如剪兮。裁新葉而展眉尖。漸香毳之拋路兮。覆白蘋而簇錦筵。看千絲萬絲之輕織兮。春光淡冶而逾鮮。

朱復齋先生曰。宛轉芊絲。有江醴陵風味。組織乃其餘事耳。

荷樹閣賦

七

宿影亭醉醺賦

安 策

宿影亭主人構園于邑南之別墅。中有醉醺架。縱廣可布二十席。盛開時情。同人讌集其下。因為賦之。

青陽殘棟。風還九十。朝之春光。受敵廿四。番之花信。將闌。憐瓊。綬之後。發榮。蜀。縑之全。爽爾其亭館幽清。池澈澄泓。萬條寒玉。九畹香蘅。擎穠麗之一架。誇縱濶之十楹。青虬攬挈。而縈樹素錦紛披。而爲屏。垂垂瓔絡。簇簇晶瑩。綺疏影中。訝道橫西嶺之雪。迴欄堦畔。恍疑散鳴羽之旂。歲蕤琪樹縹緲。

荷樹閣賦

七

瑤城若夫。綉鋪對措。風涼輕颺。細牽翠帶。低舞霓裳。扶疎之長嘯。堂前飛英。結會。淒涼之吳宮苑內。埋粉生香。徹骨風流。醞成春酒。空人夢寐。巧製羅囊。曾說賜學士之筵。定和香茗。若教點公主之額。豈羨梅粧。况夫寶相玫瑰。金沙姊妹。紅顏則二八成行。寶曆以三千作隊。綰袖聯裾。朱儷紫配。迷樣旖旎。俱稱等輩。南脂北黛。披雜組之萬重。碧尊檀心。垂鮫珠之百琲。雖蒙以交輝。而逾妍。實客以淡掃。而無對。歌曰。萬朵千條。玉屑霏。四月梁園。雪向飛。飛雪撲人香覆徑。纈紛素影含清暉。紅鬚到手。

莫輕摘須防綠刺低牽衣采作青紗枕雙結置君  
幃

李漁村先生曰儷體俳辭可與通今可與道古

池蓮賦

安 簣

清渠可挹兮愛此紅膩之新蓮夫何擢艷于中泥  
兮瞥凌波而邈然美秀色兮絕世惜芳馨兮誰傳  
信結根兮得所永託志兮清澗爾其孃孃臨風亭  
亭出水朝霞兮流豔倩女兮相倚宛如解語之依  
人兮一顧再顧殆將移我情矣是以香汗之涇檀  
粉兮爰擬爾以佳人淨植之出污泥兮更比爾以  
君子

李漁村先生曰似唐人小筆



安期生食巨棗賦

安 箕

蜃海滄溟。蓬丘蒼翠。神官靈藪。仙家福地。紫府遙  
遞。丹房幽闕。青鳥將雛。琪花垂穗。安期先生。于中  
游戲。乘鶴蹻鸞。時駐人間。等蟻矇于羸項。御洞虛  
而盤桓。屏絕煙火。巨棗爲餐。是棗也。根茁于祖洲  
之隄。種分自金母之家。葉拂珠樹。而樛結枝。掠若  
木而槎枒。容成公攀條而曾摘。赤松子持竿而會  
撾。其赤如日。其大如瓜。千年落實。千年更花。爾迺  
元圃邀賓。珉城召客。街書鳥三。開筵禮百。絳簡聯  
翩。青節絡繹。拂是麟鬚。杯皆玉液。則有雙禮彈璫。

新樹南賦

本

靈華樹。石子晉吹笙法。嬰傳拍樂奏。鈞天鳥羅象  
席。婉姸四顧。樂且有儀。爰令列仙各進所攜。于是  
叩疏進其石髓。仇生進其松脂。江妃進其橘柚。寇  
先進其荔枝。谿父進其瓜子。呂公進其澤芝。文賓  
進其菊。桂父進其葵。商胥進其葛藟。昌容進其蓬  
藁。安期俄延出。聚一圓風。包朱潔日。顆紅鮮。婉姸  
受之。服膺拳拳。纖爪輕剖。肉玉膚腴。香沁肌髓。甜  
到中邊。于以酬之。紫柰如瓶。又何予之。雪藕如船。  
安期再拜。漱灑童顏。惟時列仙睹之。靡不遠巡。退  
沮而自報其堯堯也。厥後秦皇東狩。稅于阜鄉前。

席請語三夜未央。又出巨棗。紫暈光芒。秦皇驚詫。  
長跽請嘗。安期笑匿。儲爲罌糧。僊乎歸矣。銀臺舊  
鄉。若夫房幃有然燈之膏。枝峰有百歲之實。玉文  
似瓶。鶴珠如蜜。皆其遺種之分佈。而實不能備其  
萬一矣。歌曰。寒蕨兮青櫻。金漿兮黃露。仙靈兮共  
餐。斯棗兮獨哺。常貯兮藥壺。幾摘兮瑤樹。蓬萊兮  
嵯峨。清淺兮幾度。偃佺兮爲徒。美門兮同趣。雙瞳  
兮已方。雪膚兮仍素。綠海兮嬉遊。朱顏兮常駐。  
李漁村先生曰。以文字爲游戲。宋玉相如之家  
法。

新樹南賦

本

一錢賦

安貧

晉阮遙集持皂囊唯貯一錢曰庶免羞澁爾僕日來羞澁甚矣遂援筆而賦之

歎金錯之既罄笑皂囊之空懸羨遙集之仍富因偶旅而慨想于一錢有客彭亨仍積鱗差睨彼一錢啞然而嘻曰眇哉一錢之爲貴也曾不聞夫郭况有放鑄之穴鄧通有造幣之山祁公之庫寵屬王氏之埒聯駢乎又不聞夫祖士少積于篋內王太尉散于牀前八姨有纏頭之贈五郎有青絲之穿乎今日一錢爲物幾何葉雖全若目祇半驚蠲

新樹園賦

大

頭纖了蝸角么麼縱使輪郭文章備其妍華金銀文幕極彼精嘉不足以買君平之下不足以酬博士之茶不足以挂宣子之杖不足以以上坡公之義不足以累秀才之紙不足以畱姪女之家亦何豔于一錢至與瑤璆玉楨而同誇主人曰咄甚哉子言之僉也夫貪者以一錢爲不足而廉者以一錢爲有贏子亦知夫赤仄之功用九府之權衡乎惟錢流通故言泉也惟錢圓轉故言圓也惟錢可尊故言神也惟錢可親故言昆也惟錢靈

也乘軒張蓋惟錢榮也投繯貯紆惟錢盟也倚門

賣笑惟錢爭也隱士以之買山文士以之噉名賦施以之妍雅盤圖以之娉婷天高所覆地厚所承熙熙穰穰狗苟蠅營有之而鴻毛亦重無之而泰山亦輕滅緼益厚心計轉慳一錢雖少視若金鉅捫之則汗出失之則色頽誰謂銅臭如蘭斯馨若之何而可鄙我孔方兄也况夫錢之製形錯參也連錫周郭上紺紆纒或爲一當十或爲一當百或爲一當千則夫一者數之始也一相生生生無端鳥知不可以一而爲億萬緡耶若使金穴涸銅山殘王安豐之籌有時而罷算何穎昌之箸有時

新樹園賦

大

而停餐盈虛相尋貪富忽焉又烏知貫積蝸縮之大不轉瞬間而至于不名一錢耶是故錢也者原不必較多計算于其間也貪者蓄之高譬比穢于糞壤廉者得之一文比重于琅玕今爾躊躇旭旭然薄一錢爲少矜素比爲賢爾據宛財而善富何異鴟鼠與蟻九雖儲盾贏衍而其實不直一錢也彭亨吟之泚頰汗出蒲服四顧覓魄若失主人于是輟然而笑曰古人有言錢無耳可使鬼又于人乎何吁哉持謝阿堵豈必汝趨養養狗之如狗驪珠兩戈在側陰戕其軀利傍倚刀不悟何如以我

黃卷藐彼青鳧以我四庫陋彼五銖千金可却一錢亦污俱爲長物還我故吾寧囊中之羞澁免窓外之揶揄

蔡漫夫先生曰播弄孔方兄令人日眩僕正囊澁讀此真覺暴富

綺樹閣賦草

千

綺樹閣詩裏龍山遊詩一十三首

壽光安箕青士

丁丑春日過巨昧水將之郡城漢耿弇追張步處

耿侯遺跡在懷古湖潺湲春浪沙紋淺耕花戰血斑鞭絲垂夕照馬首向青山眼底千峯出朝來好共攀

陽水

誰將珪璧祈繩泉不記枯源已積年今日通津還作頌依然澄映渌盈川劉晃有通津頌

出北郭

綺樹閣詩草

緣溪新草輒平鋪出郭尋芳路遠蕪屋角杏花紅欲微雨餘柳色綠全蘇千重烟市懷晴渚半壁青山擁霸圖歌管春城寒食近典衣須醉酒家胡

張去疑曰全首秀動

萬年橋

半溪碧水帶麗譙百雉丹樓矗絳霄城角千家花事曉春光先到萬年橋

堯祠二首

堯山山左麓傳是帝堯祠翠殿浚依樹靈風靜滿旗垂不餘想像遺蹟尙壇墠青社東巡地依稀萬

載思

帝圖存像設香火。萃州人廟古。熊羆守山荒。草木春芽。炎風已往。刀劍跡如真。華宇仍脩整。岩峩濁

水濱。鄧注堯祠云華宇脩整又趙西圖曰二詩氣韻森秀似老杜重經昭陵之作

尋廣固城遺址

繩水帶城爲廣固。厥初造之曰曹。崑茲城蟠踞堯山陽。絕澗洩隍開九達。憑跨實能藉地。嶮南燕霸業。雄東垂憶昔。慕容起西北。烏丸突騎驅。貔豹夕火秋月戈。劍光辟閭窺殺旌。旗靡竊弄神。晁僭紀

年六州甲馬鋒

年六州甲馬鋒。鬚鬚封乎韓。諱盡人傑。夾輔遂成角。逐資祖。明小兒真狙。猶身匿金刀。私夜馳。壞轅破轍由茲始。終成癡骨。暴妍皮老成已矣。譏佞進。畫開峴口揖王師。天齊淵湧女水竭。如馬之鼠遊。郊壇中脊空。作秦庭哭。原軫難扶。晉祚危。美人登城泣。紅袖英雄氣。盡悲虞。今銜璧求生固不肯。奮劍決先將何施。鉉文計塞五龍口。萬群馬散巖城。蹀躞有全齊。僅再世。吁嗟來者復爲誰。至今城郭已銷毀。北邙四顧家。纍纍歌臺舞殿餘。木黍蔓草頽垣走鹿麋。唯有雲塋峯千疊。依舊三匝爲藩籬。

行行驅馬勿復道。萬物廢興自有時。君不見典午符秦俱消滅。况茲區區者何爲。

丘學山先生曰運古如驅隸老筆淡情無後人詠史腐調其神氣出人眉山渭南之間杰構也

行西山中

萬峯自西來。蜿蜒爭奔伏。南北敵兩翼。駢接盡東。遂南翼聯。劈頭噴吭自成族。北翼忽蟠結。青社峙其腹。于中多靈貺。嘉木蔭峕谷。山濺人性淳。風物自清淑。我來寒食前。桃杏紅芬郁。蒙茸萬樹交。紫翠千巖複。恐有避秦人。此中結茅屋。

犖确困馬蹄。迴旋緣石磴。岩壑相繆。蚴應接多佳

登龍山絕頂

勝未覺厭疲。茶所得與意稱。四顧鬱嵯峨。中景竄如奔。往往逼山村。蒼蔚貯幽靚。層厰隱珠林。有時發清磬。

黃勿齋先生曰二詩指點形勝如展圖畫

登龍山絕頂

龍山宛延作。龍翔千巖萬岫拱。少陽探奇陟險喜。欲狂我欲振。衣千仞岡足健。不須倚藜牀。絕頂四顧橫蒼茫。丹崖翠巘鬱相望。山椒一泓石中映。手掬盪漱生甘涼。仙靈宅窟此中藏。恍聞天樂吟青黃。

范公泉

楸陰千尺抱簷長。殿角風微散晚涼。欲識先憂後  
樂意。清泉一掬付醫王。泉甘可愈疾  
握衣載拜一愴神。歎息公來七百春。去住幾多五  
馬客。青州太守更何人。

衡藩故宮有土丘巍然云是望春樓遺址

故宮猶記望春樓。老樹斜陽土一丘。石闕烟迷荒  
似夢。東風花發冷疑秋。人來梁苑思芳草。瓜種青  
門說故侯。玉砌金鋪歸劫火。灋泉千載抱城流。  
去疑曰雅音懷調劉滄章莊之遺

丁丑暮冬之胸城贈孫石泉學博二首

山城握手晚樓移。小酌凌危醉絳紗。促膝夜闌河  
軟語。一簾冰雪落燈花。

繩牀茶竈意蕭然。官冷何人送酒錢。散却門徒無  
一事。清齋蠶素共茶禪。石泉有二姬

張道普曰冰雪燈花句真是倩絕

上張昆詒夫子

汗漫狂瀾溢百川。潛竊爲工誰能賢。斯道秦塞不  
可問。紛綵莫辨艾與荃。浙西夫子文章伯。曲江風  
度何翩跹。獨擁大纛撐砥柱。日光玉潔相新鮮。

釣鯉筆韓歐。匹華材。葵爾徒。淺老小子。齏酌詎足

道仰公文采。凌雲煙殘冬。匹馬駢門路。蒼茫風雪  
壓雙肩。自慚負。粥來轅下。喜得問字。走塔前十載  
鹽車。太行坂。倘能拂拭。生光妍

張卯君曰近昌黎

雪中別張三道普

感君投轄情。把酒清酒。君情不可已。我馬易能  
維。北風吹大雪。重陰結寒威。千山萬山間。極目紛  
蒙迷。川原同一色。不辨阡與達。睽離勿復道。行矣  
揚鞭輅。

續補南詩集

五

胸山署中喜晤張去疑兼以新詩見示

長慶才人七字歌。燈前新識小東坡。早知江夏無  
雙譽。風貌誰能似阮何。

駢門城郭遠屏顏。四望金莖玉笋班。官閣趨庭多  
暇日。白。灑。冰。雪。對。青山。

紅燭風微燧酒鱗。淵源師友倍情親。重來屈指無  
多別。騎馬山城看早春。與去疑約以新正相晤

大雪過龍蟠山山有石春黥黑蜿蜒千百丈

宛然龍形也

嶺騰出郭帶殘醺。雪灑征裘勢正紛。芳樹光搖千

窗孝友今張仲風流舊曲江交情忘爾汝臭味說

公卿

山城頻下榻永夜話清尊坐結香爐篆談淡樺燭  
痕讀書消歲月愛客潔盤飧風義如君少依依好  
弟兄

胸城晚眺

胸粟峰連玉笋叢埤堦孤揭翠微中嬉春社鼓喧  
烟市繞郭清流漾惠風天險岩峩開大觀中朝文  
物盛諸馮謂光祿門山河勝槩還依舊柱頰高  
吟對落紅

新村易詩集

去疑曰七詩秀健  
大有石湖風味

青社先賢詠 三十五首

壽光安寘青士著

鄒陽

從來客遊人立身常詭隨陽本寥廓士智略自瓌奇懇款杜邪  
謀危言轉見疑憂讒瀝肝膽開忠富文辭聞投怒和璧先游重  
朽枝牛驥竟同皁慷慨生餘悲

伏隆

伯文名父子奇操孰能先忠不辱使命志倅金石堅帝謂北移  
臨流涕哀其賢吾廬結劇下廢城接陌阡時登古城上憑吊千  
載前功名屬大耽烈節實堪憐

孫嵩

北海孫賓石風義高無鄰年少樹奇節能識英俊人向遊安邱  
市數渡清渭津無復賣餅客複壁皆成陳青山園墳壟草色秋  
復春

鄭康成

高家今屬安邱縣康成故里曰鄭公鄉即今之  
也公墓亦在埠上意其地古屬高密

樓上見馬融幅巾見何遜文舉表明德本初欽偉俊緬公顯當  
世風標峙萬仞一代大儒宗發身本田畯幾回過公鄉廣衢仰  
餘韻

徐幹 劇人今  
屬壽光

文舒書誠子所取唯偉長子桓更眷戀三歎稱其良懷文發奇  
藻抱質游獨芳道榮不及祿體道獨含章恬淡名節立賦筆追  
蔡張我生公故里結廬劇城陽緬懷箕山操汲古造瞻望

管寧

識時先避地去就唯用決浮海往復還平生見幾哲抱道侶園  
綺懷貞履冰雪頻煩輟輪囷封空諱切丹鳳自翔翔世網豈  
羈紲卓帽耄耄翁卓矣嘉遜節

國淵

子尼洵國器得從康成遊避地偕營邴共依浮海舟觀其師友  
間漸摩無恒流去私崇正有寧儉自飭脩海邦稱佳士勿須奇  
節求

節求

王脩

崇尚忠孝人英鷲實少見執法能鉏強挺身屢赴變表譚真豎  
子焉肯罷兵戰哭君刀鋸叢粉身亦所羨貯穀無十斛藏書數  
百卷士不妄有名老瞞所以歎

光逸

是儉何所長亦廁入達秀諒得酒中趣沉酣挾宇宙體濕卧冷  
被頭露窺狗竇此便不羈人俗士目如豆

王鎮惡

卓犖丞相孫治軍才允武願封萬戶侯適會英雄主西楚一百

船關中十萬戶攀龍託風雲握符襲茅土翊贊霸圖成真無忝  
爾祖

任昉

綵鈴夢墜懷占謂生才子阿堆千里駒神悟無與齒千年海岱  
奇鍾靈焉斯士君恩綠沉灰臣節桃花米古今最勝流不媿三  
君比

劉勰

夢隨至聖行手執丹漆器恍惚啟文心春華發精粹大哉文章  
用經典資鼓吹談理枝條敷摘辭體用備四十九篇成直扶翰  
林秘如何聖人徒歸老定林寺

王晞

彌郎性孝謹耆學美風則清悟性寧羈天藻發奇色翊贊常山  
王偉煌推戴加周旋危疑間全身負芒棘功高在宗社閒淡彌  
自得山水暢懷抱嘯吟佐飲食雅操物外寄談讌以為職非不  
愛熱官燭熱在胸臆

段志元

褒公萬夫敵奇姿絳灌羣攀鱗而附翼世亂能擇君忠堅豈利  
回沉勇著恭勤閉門拒夜詔帝獎真將軍開疆佐王業執銳清  
塵氛

李伯魚

綠竹鳳所食。青桐鳳所棲。竹實不飼鷲。桐枝不棲雞。物類原感召。理殊形則睽。清絕桐竹詠。鳳德實難躋。

張道古人臨瀛

痛哭陳封章。九重棄不省。二亂與五危。苦口言真鯁。撲落向西南。忠深遭逐屏。變名玉壘關。賣卜青城境。肯同雞犬食。知命心。炳炳鑾笛吹。江風皎鏡失。驚影萬里埋。斯人歿後仍獨醒。

何魯人益都

架有萬卷書。獨擁百城坐。茶鑪藥案閒。閉閣自吟和。世亂多畏途。出門即坎壈。較量身與名。孰若尊生大。滄海任橫流。不妨吾高臥。

石昂人臨瀛

小知遁跡佳。何復幡然出。果爾取侵凌。去矣堅解袂。行高俗所尤。身潔世所嫉。不如息田廬。散髮忘巾櫛。

李成益都

營邱稱酒客。實是謫仙人。小道示狡獪。遊戲遂絕倫。流傳世已少。寶若璠璣珍。憶曾覽妙墨。渲染真通神。迷濛淡泊中。萬仞蒼嶙峋。想見醉乘興。落筆雲烟鄰。

王曾人益都

世人急科第。紛紛為溫飽。腐鼠烏足爭。鴝雛在雲表。名賢海嶽壘。千年此一老。公居嶧嶺陽。秀絕山水好。至今千室村。鬱蔥氣。

環繞殘碣墓門田。白石康浪道。康頑立懦風。來者誰能紹。

劉槃壽光

海浮薰冶湖。奇絕名勝境。清泉涌百泓。脩竹森千頃。吾里昔高人。道跡此匿影。富公為結廬。意猶惜沉冥。山東人物空。眷戀為炳炳。文范兩鉅公。趣駕日引領。堅志逃空虛。適意慕幽靜。記必事王侯。條然寄清景。

王闢之臨瀛

驅車齊城石。通水劉其清。素波縈綠藻。輕澱濯塵纓。昔賢燕談處。懷古深餘情。退居嬉管轄。菰園蒔蘭荷。士不立文字。焉有千載名。

王著人益都

權相巧謀利。四海痛毒螫。煬蔽紀綱紊。忠良盡彈射。可憐左丞斌。嗣主空歎噴。銅錐下半空。頓碎姦僞魄。快事古無雙。英風千載赫。惜不逢檣蒿。隻手取其賊。

案府志著字子明元世祖時千戶耿介有義氣時阿合馬肆姦殘毒天下人心憤怨著乃假為太子推殺之世祖使人討之即挺身請囚臨刑大呼曰者為天下除害今死矣異日必有為我書其事者時年二十九後王惲為作義俠行以美之

于欽人益都

昔人齊地書零落。今已解思容。纂齊乘妙不厭蔓。衍豪端冰雪。明潤色參微顯。乘傳遊故鄉。給札俾述譔。榮遇今昔無。歎息為撫卷。



楊應奎  
益都人

部主事轉禮部員外郎博覽羣籍習右軍書法

趙隱君壽光人

隱翁避熱官。埋迹甘寂寞。斷木卧溝中。天全安屈。獲蓬頭負薪。兒行吟貧帶索。吟成清冷辭。浩歌得至樂。偃仰有餘適。置身邱

與壑科第壞家風語妙真良藥

案府志隱君博學不慕榮利隱居胎山清操峻節近代希覩大學士毛文簡公紀爲之傳

李用敬人

有明中葉間君實有昏德相嵩與將鸞內外兩鬼域生殺上下  
手四海惴屏息壯直我李公大呼鸞當殛又劾義兒華祭海爲  
辱國朗訟張經功逆禍因不測果然予廷杖褫衣奪其職王家  
雖擯斥公論爲懷惻歸田事墳籍萬卷堆鉛墨好古蟲魚癖誦  
書期頤逼況有好連枝二老人倫則

案府志用敬字仲學嘉靖辛丑進士歷官給事中時相嚴嵩忌言事者用敬獨侃侃論劾無所回避邊將仇鸞恃恩驕縱又疏劾之直聲震朝野侯寇大掠江南勢張甚朝以尚書張經督征之嵩堂趙文華講媾侯欲徵靈海若用敬駁之亡何

文華幼經持兵觀望詔橫東徵詣廷尉用敬上疏救之上大怒遂廷杖落職穆宗起言事者復補用以母喪歸遂絕意仕進詩文自娛兄用和亦以進士歷官銜輝和府張暴欲誅竊森將感簿書業奏立爲剖析以非罪奪職歸

李遷梧人

李公寶蘇碑矯若孤巖松宰邑著茂績禱神弭災凶木牀散葛  
帳吟荅和秋葵上官爲歎息清節留奇蹤天全得酒趣退作渠  
邱農厭人談世務罰以玻璃鍾

壬午供梧筭就役  
戌即箕歎時道難  
四去欽回巡旁後  
月冠邪賦抵決遠  
邑帶於出奏之疾  
中攜是於請明未  
火因聞民蠲年復  
延服閣今稅東遷  
燒以待百爲南梧  
公往罪姓部大興  
堂御忠舉議水民  
遷史停力所邑休  
梧聞諸降格爲息  
急而催先甚一年  
徙賢科猶所遷切  
裁之或不遣梧罷  
因表上給漕捐去  
移其官忍卽休科  
帑事馳詔勾設條  
藏民怒之校廢江  
飲七符常如所有  
國邑妻去故活陳  
籍最里子遷無折

頃之風反火滅乃取倉庾舊材及罰錢以新公室遷梧爲治  
大治後萬曆十餘年如縣復大木至誠胥吏亦不忍欺在任三年邑  
之又十餘年知縣劉時俊始請祀學宮設青洲府志公廟祀  
大同守頗簡傲上官劾之法當謂公笑曰吾可州府微罪  
去矣遂拂衣歸性好酒人有勸之仕者不應輒飲酒

范氏東園公生不入城市性僻愛沖尚年耄耽書史彈琴老松  
間飼鶴脩竹裏十畝樂閑閑糠粃視青紫

劉經

田疇取荒頓。奴婢取老弱。古人爲佳談。今人豈敢薄。劉公一介士。讓財甘困約。環堵課子孫。不厭簞瓢樂。仁壽天所私。厚德侔高爵。

馬應龍人安邱

前漢

鍾羽正  
人臨都

鰻  
鱔

案府決曰正字取濬號龍淵十歲能屬文翼端格公深器之  
萬歷庚辰歲三月庚子金吏民見其年少易之龍淵取諸案之  
斷決如流三日而果凌河神之清多積功龍淵文出處正餘  
年長補過亡之顧不以邀貴兩河有疑獄龍淵以委消金鞠  
項上觀者如堵牆片言簡發咸稱得情舉最爲天下第一  
諸親戚部陳師幼中官及郎李之不法者時光宗儲位未  
定龍淵所六部聯名奏請忤旨禮部李君被譴公恥從輒典

公  
龍  
人日  
照

圖  
籍

中時笑魏暗大熾直言極諫兩疏皆留中孫高陽作詩列之

與錢不將于之五但然而其翁後聽由之豹樂一三  
文牧爲以作下之取作華長離人之起道之府百十  
定翁也變者探沈漢者其豈之變均幾徒之卷十五  
若嘗第化之肱悉觀後詞以作有不乎以作忠  
合亟命也門滕所所世杜古魏能所可熄義宛文崇  
符取曰不不篋不傳有子今晉漢必廢矣說同介禎  
節東古能亦之較之述美同諸魏起也此名風樂初  
予阿樂變愚聞或詞焉白異臣猶情愚言吳雅府贈  
嘗于府化子乃假句近樂爲擬漢薛謂樂統今自禮  
見文而而李藝借樞乃天病之魏之遠雅原徒行鄭尚  
江定不擬于林以而有之哉以之遠雅原徒行鄭尚  
南公敢據鱗之附字擬倫後寫不有有馬以於漁費  
士論以奚曰根造舍古則世其能所樂府詩事世仲諡  
人樂擬取擬燕或之樂創文一風必府樂解者曰文  
擬府稱焉議學因中府馬去代雅至如之勢古唐用蓋句三所  
古之云知成其路增無額不襲白名也不後義則聲作問  
樂說池其其路增無額不襲白名也不後義則聲作問  
府不池其其路增無額不襲白名也不後義則聲作問  
有知北不變所損陶以襲白名也不後義則聲作問  
妃文偶可化矣踣陰疑其目沿調漢復詞必起無樂齊  
來介諶而意以躋之名目皆其各朱文曲有樂用府文  
呼此虞不擬此牀誤卓目極驚矣聲所府崔也集  
疎論山能議話屋夏說卓目極驚矣聲所府崔也集

傳國

邊幅

後三

國

雅陽

人家也亦

遊冶泉記

庚辰四月十八日予至胸山與張君敦仁衣君佩璽約以次日遊冶泉畏熱不果往時久旱忽雷雨二十日新霽曉涼遂聯轡出城南郭緣瀾水西漸迤邐行二十里由闌關中過忽見廬落間幽篁叢木隋舊菁蔥彌望無涯際介主人馮氏導之行稍西折至海浮山背趾得冶官祠祠上有大孝王廟祀漢朱虛侯劉章祠外盤石上鐫鑄劍池三字大如斗是異人雪篆所作相傳地為古歐冶子鼓鑄所祠左有二泉甘冽澄澈濃涌旁溢聲聞百餘步

綺樹園稿

酈道元所謂飛泉側瀨即此地也泉由池內出疏為溪東行可半里匯為湖湖之大可三畝又東為溪東注于瀾水竹樹亭榭皆在溪與湖之兩岸兩岸之竹交陰接影蒼鬱相蔽至幽澗清泉奇石古木南岸尤為佳勝主人以垣限之入門有髡柳數株大有圍垂櫻如栲栳綠楊古槐輪囷離立與脩竹錯雜生竹之上番者枝葉已紛披新者含籜未解綠玉亭亭干霄礙日綿芊百畝炎歊不入湖畔有層閣取酈道元語題曰憑衿亭亭前稍東折峻嵯疊盤曲折窈窕竹樹皆綠石罅出相與鮮衣小

憩聽石瀉冷冷若琴筑相和則珍珠池也池半畝許泉出南山下百道側注池內仰泉皆繫串珠而上漚光沱影斷續瑟瑟時聞噴薄聲自地中發池深可七八尺澄澈晶瑩水底纖毫畢見驟視若不盈咫雜花倒映游鯉乘空視之如在鏡中主人攜酒榼于池內石几上煮笋命酌池之東竹益茂家溪流益駛昔馮文敏公琢庵曾作清漪亭于水際記之曰余至余為主余不時至亭為主他日亭散山水為主今去公已百餘年勝境猶昔風流已邈予偶得遊眺其間泉石竹樹予便為一日主也

綺樹園稿

蘇公云江山風月閒者便是主人主人亦何嘗哉茲遊僅半日南岸佳勝可得十之四五北岸尚未涉歷晡後西山雲起恐雷雨復作遂相與趣騎而歸壽光安箕記

崢嶸蕭瑟後段更饒遠神張道普

綺樹閣稿一卷

山東巡撫  
採進本

國朝安箕撰箕字青士壽光人致遠之次子是集止

詩二十八首賦九首記一篇附載致遠集末箕名

父之子承其家學故詩文皆有矩度惟波瀾尙未

老成則問世太早之故也

# 汪伯子菁菴遺稿一卷

〔清〕汪筠撰

天津圖書館藏清康熙刻鈍翁全集附刻本

附《四庫全書總目·菁菴遺稿

一卷》提要

## 伯子遺彙小序

伯子名筠字禹吹吳江附學生年止三十二凡病咯血十餘年竟以是歿歿而父鈍翁始更其字曰伯子先是伯子自時文之外頗好爲小詩翁以其疾之屢癒而屢發也禁之使不得爲然伯子猶私偕其友時時倡和相屬戒不以聞於翁及其既祥也翁得遺詩一卷於沈君友篋范君鷺公所撫之泫然而悲因錄存如干首以慰伯子於地下至於所賦章句之醇疵工拙則姑俟采詩者擇焉嗚呼惻矣天之視予於斯則已極矣吾雖才吾伯子尚忍言哉尚忍言哉鈍翁序

不菴遺彙序

一

序

同學弟沈 頊友篋撰

予與禹吹文自庚子始也歲丙午結詩社丁未復授粲焉訖今甲寅纔十五載而禹吹物故其平生吟咏甚富所刪定者約四五百篇皆與予商訂故知之詳今聞播遷之餘遺藁已沈沒破帽盞中不可復問矣予淡太息爰偕范子鷺公許子五培各搜輯詩筒鄧寄及社集所存凡得若干首最後復得盤螭一章於張氏屋壁共爲論次致諸鈍翁先生俾付棗梨附類彙之後則亦可以傳其人矣嗚呼禹吹歿而有知庶幾瞑目也哉

不第遺藁序

八二

汪伯子箐菴遺藁目錄

晚登鄧尉山

馬駕山

茶山道中

江上夜泊

秋鴈

賦得古渡殘楊

漁鎗

晚眺

同友人過朱氏竹園觀荷

鐫竹一絕

冬郊卽事

晚步

憶鄧尉梅

憶鄧尉觀梅呈同遊諸子

過眞如小院

登盤螭拜顧文康公

不第遺藁目錄

八一

墓

盤螭望太湖

過董墓登朝玄閣

登紗高峰

唐邨陳烈婦

五人墓

陽山高贈友篋

秋日襟感寄陽山諸

子三首

新春得家書

風阻龍峯菴

得閑亭

過玄墓謁剖和尚

對酒

賦得夏雲多奇峰

采蓮曲二首

殘月如新月

水中樹影

登岱

牛女渡河歌

賦得疎雨滴梧桐

銀河吹笙

秋風歌

中秋前一日鷺公招

集江氏園亭值雨

可中亭閒笛

西峽泛月

問月

俗緣亭雅集

昭關望江城有感

蚤發丹陽

寒山夜半鐘

九月晦日登陽山浴日亭觀日月竝起

題捕魚沽酒圖

題俗緣亭

輓際明范翁二絕句

少年行

登快風閣

洞庭天王寺聽松風

簫菴遺彙目錄

上

竹林坐隱

梧亭

月夜聞簫

虎丘夜月

過淮陰故里書感

江南曲

秋海棠

附輓詩十九首

鈍翁自作六首

汪伯子簫菴遺彙

范安序鷺公

友人沈 垕友篴同校

許與穀五培

晚登鄧尉山

攜筇越高嶺紆徑非一曲歷歷千尺松蒼然振山麓遠霞互明滅幽鳥自飛逐遂造鄧尉山山氣何清穆眇眇亂空翠活活奔縣瀨蓮宮涌絕壑鐘磬聞淵谷僧歸蹋去雲客過攀危竹我來俛巖石披衿滌塵俗松子搖山風忽疑山雨促遠望具區中

簫菴遺彙

上

蒼茫煙水綠臨風一長歎七十二峰巖

馬駕山

信宿鄧尉山幽尋良已適朝來風日清客遊恣雙屐萬木煙自移孤雲駐幽石芙蓉插天半緜互翠微積我來馬駕顛天地疑開闢香風萬壑來雪浪千層白習習谷中音飄飄塵外迹久立如有待遐情杳難釋誓將挂薜衣長隨采芝客

茶山道中

望望茶山麓蒼茫路幾重人家叢翠靄嵐氣溼青松積蘚盤危磴孤雲宿亂峰何當輭塵去馮我寄



閑蹤

江上夜泊

小艇寒燈暗復明孤鴻唳罷欲三更蘆花淡處秋  
偏急半作風聲半雨聲

秋鴈

日落滄江遠翩聯自北征沙寒餘亂影蘆冷咽悽  
聲撇破千山月書傳萬里情如何孤館客宋莫數  
殘更

賦得古渡殘楊

暮潮初落蚤潮生楊柳枝殘映水橫千里秋風吹

蕭菴遺藁

不盡江南江北總關情

漁鐙

月落烏栖霜滿洲蘆花淡處宿漁舟寒鐙映水鱗  
星亂夜半迴潮帶影流

晚眺

馮高舒望眼秋氣入寥天山色殘陽外人煙古渡  
前潮隨鴈影落雲帶鴈聲還牧子歸何晚長歌出

暮田

同友人過朱氏竹園觀荷

竹陰雲臥處客到已斜陽愛此池上坐媿無彎下

鴈波翻鱗翠影風聚一林香我亦閑相過聊希古  
者狂

鐫竹一絕

綠雲覆清谿白雲近茅屋我來一褰回荷風響新  
竹

冬郊卽事

荒郊寒氣勁遠涉河之湄凜凜歲云暮慘慘朔風  
吹沈陰閉白日古冢鳴狐狸渡口絕行蹤浩波天  
地移道路阻且長況乃多嶮巇一步一回首苦辛  
當告誰

蕭菴遺藁

晚步

白雲起前邨隱隱鐘聲響斜日度西山人行古原  
上

憶鄧尉梅

梅萼十里弄春潮癡斷南枝路更迢何處最堪牽  
客思澹煙斜日虎山橋

憶鄧尉觀梅呈同遊諸子

憶昔鄧尉山與君駐翠微白雲淡幾重梅萼千樹  
開老幹生蒼苔寒香拂人衣人家傍古墓危塔縣  
斜暉搔首萼下醉月落方言歸煙蘿一歲別風景

元依稀塵務日夕紛何時息吾機

過真如小院

小院無人到清晨喜過從叩門驚雀寢移屐破雲  
封荒辭使唐碣修藤挂漢松遠公頻入定檐外雨  
零濃

登盤螭拜顧文康公墓

先生不可見湖水今猶昨斜日古碑閒松濤起巖  
壑

盤螭望太湖

盤螭絕蠟翠萬重日月倒挂青芙蓉太湖眇眇窮

簞菴遺藁

四

其蹤倪培塿兮七十二坐之奇峰莫釐縹緲高出  
乎其中漁颿隱約如飛鴻波衝吳越搖蒼穹君不  
見鳴夸子扁舟一去推高士又不見毛僊翁靈壇  
古笈難再逢予欲坐釣蒼茫藪五湖之旁繼某某  
過董墓登朝玄閣

登妙高峰

曲欄高閣舊風流疊嶂迴巒面面收畫棟宋寥雲  
山入墓門溪閣樹春秋百年劒佩餘殘碣一代文  
章湮古丘馮弔不辭歸去晚暮煙斜日鎖松楸

上

唐邨陳烈婦

清霜凋百卉乃見松柏妍大冶鑠五金乃見玉石  
堅士不歷坎珂忠義何由宣女不遇艱險貞烈何  
由全賢哉圻者婦正氣陵蒼天惡子屢相犯百折  
終不遷格鬪尤絕奇白刃甘弃捐魂遊蒼松閒日  
暮聞號鵲世久鮮名節傳者何寥焉茫茫太湖水  
巍巍穹窿顛惟爾貞烈者千秋與俱傳

五人墓

簞菴遺藁

五

五人烈烈者死傷要離墓松子落殘碑歸鵲日  
暮

陽山高贈友箴

陽山高哉石翠嶺兮吾不知幾千萬仞但見清秋  
削出芙蓉屏崢嶸之執擅吳會秀色盤礴鍾精靈  
梅龕沈子磊落者家對前峰當面青氣吞雲夢倪  
滄溟志攬日月登天庭十年濩落不稱意宛馬亦  
等凡馬形由來萬事多殊途富貴直如浮雲之有  
無眼中之人皆庸夫科頭箕踞真吾徒君不見陽  
山山麓溪百折中有沈子能作達沈子沈子無嗟  
咨且向南山之南北山之北種藥而采芝

秋日襟感寄陽山諸子三首

玉露披梧桐秋空日萼薄  
荏回念茲辰金飈起羅  
幙歲云不我與悠然感  
今昨眷言蘭蕙芳幽香  
安所托

天地漸蕭颯文情悲日暮  
翻手作雲雨黃金爲歡  
故管鮑去已遠茲道不  
復數願焉同袍友慎勿  
效

秋露

秋氣日以深萬木日以凋  
蕭瑟卻齊紈宋莫悲鳴  
蜩榮萼有消歇胡然競  
紛披不如南山雲往來  
暮復朝

簪菴遺藁

六

新春得家書

思親不得見白雲空古臺  
千里鴈南至一書天北  
來春生水國草日煥驛  
樓梅聞道驪駒唱蘆溝  
雪未開

風阻龍萼菴

滄江風浪惡暫臥遠公廬  
鐘歇上方靜山空萬籟  
虛潮聲天際下蜃氣雨  
中嗟愁絕梅萼路參橫  
入

得閑亭

僧閣暮雲閒鐘聲響松壑  
盡日無行人山夢自開

落

過玄墓謁剖和尚

壘削芙蓉翠萬重惠公卓  
錫制潭龍雲間鳥語和  
天籟林裏流泉急暮鐘  
獅坐雨萼窺法相香臺  
揮塵叩禪宗塵機頓覺  
隨心宗我欲攜筇伴雀  
蹤

對酒

人生行樂能幾何何不日  
倒金叵羅君不見雙丸  
跳躍如流梭又不見朱  
門甲第荒青莎世事滄  
桑易變變不如與君握  
手飲坵苴淋漓一斗朱  
顏酡與酣落落豪氣多  
有時拂劍舞婆娑有時  
擊節長

簪菴遺藁

七

短歌白日欲落月又吐眇  
焉天地忘今古嗚呼人  
生行樂能幾何何不日  
倒金叵羅

賦得夏雲多奇峰

炎雲出岫後面面削奇峰  
觸石生千狀迴風合萬  
重氤氲橫碧落頃刻幻  
芙蓉佇望崇朝雨龍行  
莫緩從

采蓮曲二首

萼族簇葉田田吳姬十五  
何娟娟偷來蕩漿學采  
蓮翠袿搖空逐嬌侶愛  
折雙蕖手方舉忽聽紫  
騶嘶綠楊潛入萼溪羞  
不語

采采邪谿萼贈郎復恨郎郎心葉上露安得同久長

殘月如新月

殘月如新月下弦猶上弦臺前半規在簾際一鉤  
縣髮髯哉生缺依稀乍吐偏清光元不異晦朔自  
回旋

水中樹影

古樹環清澗濃陰覆水湄從橫魚不礙蕩漾鳥還  
疑擢過枝仍續波流葉不移何如明鏡裏凝睇獨  
遲遲

簪菴遺藁

登岱

天門屹立接蒼冥上帝高居此降靈漢碣千年空  
鳥蹟秦松百丈結龍形東瞻紫海龜鼉黑北顧黃  
河天地青七十二君皆宋莫玉書何處問云亭

牛女渡河歌

金風吹長河節屆雙星渡那堪一歲愁盡向一宵  
諦東方色熒熒離情復如故猶勝遠遊人空閨泣  
秋露

賦得疎雨滴梧桐

暮雨洗空曠庭梧斷續聲蕭條秋響靜颯沓夜涼

生葉潤垂珠冷林疏閒滿清石牀寒寢覺無限滯  
幽情

銀河吹笙

銀漢迢遙一水長天風吹徹玉笙涼聲飄律呂遲  
鸞雀響入雲霄引鳳皇叢桂三秋虎皓月白榆五  
夜怯清霜不須漫作縵山調繚繞寒空總斷腸

秋風歌

秋風淅淅來西山鴈南飛兮度寒關聲淒淒兮咽  
江汭念征人兮猶未還動寒砧兮悲故鄉陵曉角  
兮飛清霜冷空閨兮愁美人泣秋英兮獨傷皇

簪菴遺藁

中秋前一日鷺公招集江氏園亭值雨

池上晚來雨雲迴一徑溪涼颼吹木末秋氣澹  
陰心靜對流水風清橫紫琴小山叢桂滿吟賞共  
開衿

可中亭聞笛

靜對生公石悠然橫笛音亭空萬籟宋月冷一龍  
吟楊柳含秋肅梅萼度夜淡下方千戶白零落擣  
衣砧

西庵泛月

萬里蟾蜍接紫秋夜淡西庵蕩扁舟波沈蚌蛤涵

光冷水靜星河倒影流雲裏  
櫓搖岸柳鏡中樓  
閣倦汀洲數聲玉笛清何極  
震澤蒼茫迴自愁

問月

碧空明月來遲遲爲君翹首一問之  
謫僊去我已千載我復問月將何詞  
何事五陵裘馬客妙舞清歌連綺陌  
何事征人萬里霜空閑露溼  
嗁紅妝豪萼宋莫殊雖同唾壺擊碎生悲風  
紛紛世事何足數我今問月月不顧  
月明尚有蝕月圓尚有缺窮達自無常  
浮榮易銷歇不如對坐月色前長歌一聲  
浮大白廣寒宮殿如可開欲逐彩雲飛去來

俗緣亭雅集

秋色夕愈佳  
緬焉情獨淡  
故人入門來  
慰我離索心  
披衿共延賞  
悠然荅清吟  
攜我一斗酒  
撫景相與斟  
醉去不復顧  
清風來空林

昭關望江城有感

策杖昭關道  
江城一望收  
櫓颿千里暮  
睥睨萬家秋  
日落鼉鼙隱  
風寒鼓角愁  
伍胥遺蹟在  
馮弔此淹留

蚤發丹陽

蚤發丹陽郭  
輕颿逐浪行  
曉雲兩岸宿  
落月半山

橫草靜寒蛩咽霜寒旅鴈驚  
客中殘寢覺已過晉陵城

寒山夜半鐘

古寺遺靈蹟  
孤鐘子夜聽  
鯨音靜天籟  
月色冷禪局  
雀市霜萼白  
楓江漁火青  
客船橫渡口  
喚卻癡魂醒

九月晦日登陽山浴日亭觀日月並起

夜半朔風生  
峭寒萬里沈  
沈靜煙霧緣厓直  
上餘杭顛目窮  
滄海浴烏菟  
采雲迢遙出海門  
百道光芒散  
復聚銀鉤金鏡涌  
鯨波上下盪摩同一度呼

簞菴遺藁

吸萬狀炫陸離義和織阿互奔赴  
狂呼觀止心眼開我欲攀躋扶木樹

題捕魚沽酒圖

秋風瑟瑟來江干  
白髮老人垂釣竿  
半尺鱸魚一斗酒  
醉臥月明天地寬

題俗緣亭

荒亭新補數株筍  
曲曲疏籬日色斜  
贏得圖書清影在  
不知分綠是誰家

輓際明范翁二絕句

郎君兄弟擅時名  
五載論文骨肉情  
拜母登堂思

古說魏予不及見先生

山中種秫陶元亮谷口耕田鄭子真惆悵高風今已矣滿山紅葉爲誰春

少年行

游狹少年子紫駟嘶太驕玉劒霜粦明壯氣凌雲霄日暮帶醉歌易水何蕭蕭不遇太子丹南山射雙鵰

登快風閣

翛然謝塵境弄景偈雲閣湖流盪遠空水氣入簾幕風從南山下日夕何寥廓心曠神自怡眷焉在

不第菴遺藁

丘壑馮欄一高歌碧空來白雀

洞庭天王寺聽松風

南天赫赫毒龍熾火雲燒空橫赤幟鬱蒸水國鳥不飛角巾時過天王寺天王寺前縹緲峰中有蝸蟻百尺松蒼翠陵空偃層蓋枯藤修薜紛蒙茸松風颼颼發清響吹卻炎氛一何爽坐向此中六月寒恍然人在義皇上手拂莓苔讀殘碣云傳此寺唐遺蹟唐家勳竟何有不如風清且久

竹林坐隱

門揜琅玕畫自長手談終日不知忙綠雲冉冉飛

楸局蒼雪霏霏墮石牀可但謝安多寄興也知阮籍最猖狂由來得失須臾事林外山河半夕陽

梧亭

影亭畔雙梧桐離披覆金井落月滿高枝是處蕭蕭影

月夜聞簫

朱闌十二倦滄洲一片簫聲隔畫樓江上愁人聽不得碧空明月似揚州

虎丘夜月

虎丘一片月賞入千人心千人夜半宋冷冷白露

不第菴遺藁

溪我來一弄笛月色何蕭森爲引澗底龍聽我梅吟

過淮陰故里書感

淮水流無極英風千載存不忘漂母惠忍負漢王恩甚矣牝雞旦哀哉走狗冤寒煙銷赤帝芳草憶王孫故址嘯烏在荒臺落日昏誰知千里客懷古一停轅

江南曲

郎去江南久等殘江上枝等殘有開日郎去無歸時

秋海棠

草枯葉落徧淒涼  
有幽萼媚晚芳  
零露寒風猶可耐  
最強梁是五更霜

范鷺公曰此禹兄絕筆也自此之後病益深而鉛槧不復能親矣詩似先識痛哉

附輓詩

沈 墳 友 篋

憶咎竹林游冠者五六子  
攻玉藉他山詩文共相砥  
耿耿歲寒心尤推我與爾  
既比頃篋鳴兼聞箴規  
旨時或效解推寧復分  
彼此君今謝人閒中道  
失知己惆悵伯牙琴賞  
音終已矣

簞菴遺藁

古

太歲在敦祥詩酒倡新社  
投轄繼豪情扶輪振風  
雅分題揆良辰延客開  
廣廈桂樹逐高秋荷萼  
及溪夏吟餘列盤餐飲  
劇縱梧竿勝情時益多  
佳篇日堪把風流一雲  
散誰是翩翩者

悲風吹白日長天黯愁雲  
送子歸靈輓一閉不復  
春回首故園中葵榴及  
時新我行西州路慟哭  
迴車輪

鬼壽亦百年斯言豈無有  
所以重嗣續報饗弗可  
苟痛君無胤子祐主誰  
爲守阿翁略從權命以  
弟爲後存歿均有托事  
嫠如事母我聞心轉怕  
藉是

慰吾友九原如有知君  
應肩其首結文十五載  
願效匍匐赴茲同二三子  
來奠一尊酒尊酒空復  
陳君能起飲否

俞南史 無殊

惜別梅萼下思君直到  
今但聞親藥盃何意感  
人琴空向青山哭猶瞻  
白馬臨茫茫天壤內無  
處更追尋

少年才未展負此欲何  
之天上增新賦人閒憶  
舊知青箱悲蚤失玉樹  
歎先萎名父猶憐憫編  
成絕妙辭

簞菴遺藁

車

倪 煒 彤 文

膠關時一望龍露爲誰  
陳恨我少知己悲君作  
故人鳥嘯過靜夜鸞落  
餞殘春吾道今衰矣臨  
風涕淚頻

范安序 鷺公

借綠亭前帶草春日攻  
鉛槧每相親只今宗莫  
嚶江月不見西窗夜讀  
人借綠亭禹吹兄所建也

谷年池館黯斜陽意興  
馮君詩酒場一自開尊  
無北海中原誰識禰生  
狂

次鷺公韻

許與穀 五培

謝家池館快逢春詩酒相期鎮日親風雅自今銷  
歇甚分題無復舊時人

五色江鸞寢渺茫於今若箇擅詞場重經莫向西  
州路底事羊曇慟欲狂

懷君情緒亂如麻寢裏池塘草色賒猶有堂前雙  
燕子年年春社入誰家

沈 垺

思子臺前草不春西河淚盡白頭親沈郎忝竊通  
門謚尚作玄亭問字人

鄧尉梅萼十里香多君歲歲覓歡場春來風景依

簞巷遺藁

末

稀似若箇能希點也狂

一尊商略及桑麻僭綠亭中興不賒樹色那知人  
已換至今偃蓋面君家

集簞巷遺藁成吼四絕句寄呈 鈍翁先生

沈 垺

商秋肺病兩三番握管支頤不憚煩太癢也緣詩  
思苦豈惟消渴臥文園

詩壇制勝出偏師歲月常多幼婦詞零落錦囊佳  
句盡最憐長吉嘔心時

墓前衰草已陳根檢點詩筒手澤存好把殘編付

剗剗平陽畱得一家言

阿翁才藻埒前賢應許童烏與太玄何意叢蘭歌  
闕後反教含淚校遺篇

哭筠兒四首

鈍 翁

邇來筋力漸摧殘消受惟須土一坏歎息暮年無  
壯子異時誰送紙錢灰

後堂彭戴枉相親惟有家兒所受真今日六經成  
倚閣更將樸學付何人

隱居頗覺山川遠著述尤忻歲月淡孟曜揚烏俱  
灰別斷無一箇與同心

簞巷遺藁

末

情知懷抱尚呱呱睜眼寬眉絕勝無慎勿羨佗八  
九子一雙雛鳳異羣烏

過亾兒讀書處二首

入門無復整衣迎亭面荒涼半就傾篁竹生孫梅  
結子傷心怕到簞巷行

空亭依舊枕方池晝障雲屏不復施嗟女壯年猶  
至此老人媮息幾何時



簪菴遺稿一卷

內府藏本

國朝汪筠撰筠字禹吹編修琬之長子少補吳江學  
諸生年三十二病咯血卒琬得其遺詩數十篇爲  
刊附於汪氏家傳集後

學古堂詩集六卷

〔清〕沈季友撰

南京圖書館藏清乾隆刻本

附《四庫全書總目·學古堂詩

集六卷》提要

序

國初之詩浙西爲盛曹侍郎倦圃倡於先彭少宰  
羨門陸閣學義山朱檢討竹垞毛檢討西河繼之  
數風雅者必在鴛湖鴛渚之間一時名公鉅卿若  
龔合肥王新城兩司寇趙玉峯少宰金廣菴中允  
汪季角比部吾師葉已畦先生相與耶第聯吟郵  
筒還往至今豔稱之當湖家客子先生少負俊才  
承西平公家學雅工吟咏爲義山閣學女夫漸染  
鄉先達遺風出遊四方嘗親炙合肥新城硯席與  
玉峯廣菴季角已畦諸公交問學日進故其爲詩

學古堂詩集序

一

樂府抗吾吐懷每成亮節上攀陳思鮑左五言古  
清峻遙漢追蹤嵇阮歌行曲折頓挫變化百出沉  
鬱者近少陵超逸者近太白東坡近體清音逸韻  
追琢功深最近大歷十子其於宮體西昆未嘗模  
倣而清才寫情鮮而不膩巧而不佻令人輒喚奈  
何而總其全體每存峭崿望雲之思詞壇重之推  
爲浙西後勁匪漫許也獨惜先生抱如此才交滿  
輦轂又適當需才之時莫爲薦引使列館閣出其  
詩以鼓吹休明僅以乙科終老中年奔走於青齊  
燕趙吳門豫章近探金焦洞庭遠陟匡廬鴈宕以

山水供其坐臥飲食其可慨也已雖然古來掇巍科膺廩仕者何限無以傳後同於繁花之過眼逾時以後寂焉無聞先生幸以韻語數十卷長留天地間較量重輕必不以此易彼也先生南疑集毛西河陸冰修已畦諸公序之今令孫震圖復出其所存秋蓬集屬予點定彙爲一集因序而歸之又聞先生嘗爲明孝廉李潛夫請祀鄉賢潛夫崇祿癸酉登賢書國變披緇僞居乍浦二十七年不見一人寧都魏水叔過之欲聯數同志爲供數月之糧潛夫堅不受竟至餓死先生能表彰高節卽其學古堂詩集

序

二

一事可以識其生平之風概矣

乾隆甲申歲夏四月長洲德潛題時年九十有二

原序

微雲澹河漢疎雨滴梧桐舉坐聞筆嗟其清絕然清或近於寒秀色可餐若絳仙者可以療飢矣而秀或近於纖昌黎登華山不能下慟哭作書與家人訣山不厭高或近於孤危李長吉郊行小奚持古破錦囊從其後得句卽投其母曰是兒要嘔出心始已耳制作不厭奇或近於刻削當湖沈客子之詩所謂清絕不寒秀絕不纖高絕不孤危奇絕不刻削者也客子形神如白鶴凌空不能爲階庭近玩其詩如橫笛孤吹於空山月下雲無片翳風學古堂詩集

原序

一

無絲擾其人其境不從人間來天之氣陽地之氣陰人生而兼之有英有雄英常兼雄雄不常兼英英者氣之包舉而輕升者也挾七尺之軀行於四海一身之外有光熊熊或圍數丈或數尺其首之光衝而上騰亦數丈或數尺鬼神望而卻走謂之英絕凡詩之清絕秀絕高而奇絕者皆英絕之所攝也亦有好學深思英分偏少如揚子雲能爲沉博絕麗之文傷於遲重而澁此特雄耳肉不可肥骨不可不重骨可重神不可寒神寒而骨重則無由包舉而輕升仙之爲道乘虛御風形神俱妙形

不妙者非神之所能挾也若乃捨妙高之頂宅於空居則身光踰於日月永質勝於雲霞全神卽形全形卽神非塵埃中所得見而忽入塵埃自然有香若旃檀光若瑠璃之異客子倘從此來乎當復以予爲豐干饒舌矣編行今釋題於德藏精舍

原序

予評客子詩目爲才子且期其所到在王維錢起之間而蹉跎間闕不相見面者約十年當予識客子時其先子西平君治西平有名而予以蔡州之客與西平君遙相往來亦嘗讀西平君詩疑其驚才絕艷不類循良吏而西平君則竟以勞於吏治而死於官子喜客子能繩武其文章行誼足世家學因以交西平者交客子蓋予之所以期客子者別有在也今客子來京師會其婦翁與予爲同年生客子寓其寓而仍與予通往來道平生歡予急

索其詩讀之驚其詩稍變一似迴北樓之筆而爲宮體訕輞川之製而辦西崑者夫美人無凡飾良馬少劣步李丞相斯卽偶然與師宜次仲相爲戈波頗牧老成或降而與韋虎呂姥周旋戎行間亦安至使豎子庸下得以藉口獨是客子以不世之才膺繼述之重所期誠奢而所造誠大第區區詩律一端原不足較長絜短而卽以詩論西平君亦曾以妍詞麗句爭雄藝林乃考其治蹟方實沉守躬尚坐廳事收民間東廡擔草以代二稅親較量麻縮若傭販然與婦子兒童嘈嘈几案間然且課

麻授績草備秣以充典臬置驛之所用使西平數百年荒殘破壞之邑而漸致生聚夫世有不必修春陵行而亦可以寄元者西平是也客子可以思已

康熙壬戌清和西河同學弟毛奇齡題

學古堂詩集

原序毛

二

原序

語有之絢爛之極乃歸平淡予則以為絢爛平淡初非二事也真絢爛必平淡至平淡必絢爛是何也譬之天無一毫雲氣盡青之一色至平淡矣而絢爛孰有過於蒼蒼者乎譬之雪極望無際山川陵谷盡白之一色至平淡矣而絢爛孰有過於太素者乎天下事物皆然而於詩之一道尤有可得而言者凡人無不稱詩為風雅殊不知詩者風雅之總名風雅者詩之實德也世之言詩者固不一家多有少年高才之士不知風雅之義為詩之實

學古堂詩集

原序葉

一

德永言一唱三嘆之旨畧而不道好為新奇瑰譎索隱秘趨僻逕取世人聞見所不至者以駭世人之耳目使見之者無弗眩聞之者無弗驚如登賈胡之肆衆寶溢目如遊華林之園千花競發令人應接不暇徒有嘖嘖然而觀之者初則歎既則疑又久之不覺稍稍厭去是何也衆寶溢目寶去則空千花競發花謝則萎既萎與空則詩詩則辭辭句意無不力求其言外一唱三嘆有餘不盡之旨邈不可得彼既與平淡相違至此則并絢爛而失之則亦付之索然無味而已矣吾於沈子南疑

之詩嘆其才高而善變爲不可及也十年前吾見南疑之詩學博而辭贍近於絢爛一途然非獵取之於外是其胸中之淹富物自來而就之非有矯強之迹也南疑歷觀古今詩家之變態窮此中自得之性情發而成聲見者頗駭其忽事於平淡不知其平於辭不平於意淡於句不淡於才平淡在貌而絢爛在骨人謂南疑善變而實非變也夫人閱歷名山大川之奇無險不涉無仄不登久之而後乃知柳塘春水花塢夕陽之妙爲山川化境有非可以言語形容者與天之青雪之白一義而已

學古堂詩集

原序

二

矣吾故於南疑之詩歎其才之高而能神明於才者也橫山老人葉變題

原序

武塘魏水邨工詩驟而與語詩未嘗不及當湖沈子客子也客子吳興遠裔遷當湖且數百年家世以仕宦著且其天才駿發丰采映人慮無不旦夕富貴而客子澹然處之未嘗有艷肥鮮茂科第之色詩如其人澹然泊然而蘊味自永余嘗語水邨昔人言九首爲驚心動魄一字千金然使今之自爲能詩者讀之未有不以爲平平無足取也蓋今之言詩者皆俗人也風雅之道去俗最難子長氏曰國風好色而不淫小雅怨誹而不亂夫怨誹

學古堂詩集

原序

一

好色可爲俗矣然古之君子信心而言因寓而發皆立誠之辭焉得不雅今且塗飾其好色掩覆其怨誹以無根之詐僞欲使爲有概之言詞安得不俗先涓南曰詩到無人愛處工又曰俗人猶愛未爲詩蓋非欲離絕遠去求人之不愛也畏俗人之愛而已夫淺中之子目不識一丁字其俗猶可耐也增上慢之徒了未嘗知六藝之指希聲掠影而自恃其才智詭譎曰余旣已知之矣此其俗不可耐涓南之言蓋憤嫉之意悲痛之旨也且黃涪翁曰託六尺寄百里大節不奪可謂不俗人矣惟魯

仲連李太白足以當若推極論之聊城一矢俗孰甚焉今亦安所得仲連太白其人乎父兄師友之導習卑者爭雞尸蠅角則雖以妻子爲臣僕便傾身事之賢者墨屎姚佚以張湯公孫宏爲周孔絕不知人間廉恥事而詭詭驕語操腐鼠以嚇天下士嚇者固俗人爲所嚇者俗更甚而不之知恥則雖以青蠅爲弔客未足以徵其潔也且以分司之才其閑適諷諭眞三百五篇之遺而昔人以俗抹撥之而不謂非者以開元天子之神聖手芟大慙身致昇平與貞觀永徽比治晚而恐志一二人此

學古堂詩集

原序陸

二

毫期之倦勤分司不能推本時運之盛衰而但以艷詞冶調爲之使不知者與鴈孤之服同類而譏何其識見黯淺而輕毀君親也與詩人忠厚之旨乖矣則亦俗人而已矣十九首之詩所以澹然泊然而自有驚心動魄者以一字之盡一語之巧而欲以動讀書作詩之心魄皆鯁生之燕說增上慢之徒耳客子著書滿家爲家仲容康樂之玉潤蓋義山太史也太史仕不爲苟進詩文不以炫人澹然泊然而隱於當湖之里斯眞不爲增上慢者而客子與之酬唱拾賸榮名而惟以誦讀銷其歲月

惟其有之是以似之適客子以弁語見屬空樓病起殘雪未消所對多俗人開口而不敢與言相對而無從辨論姑述此言以復客子不覺瀾浪如此或曰子之言不幾於無忌憚乎應之曰然余固知之矣余畏其無廉恥而不自知其入於無忌憚也客子幸秘之義山太史與水部以外勿輕以示人也杜老曰將詩莫浪傳夫畏其傳何如不作既作之矣旣言之矣而畏其浪傳則亦俗人而已爾客子其有以教我鹽官陸嘉淑冰叟敬序

學古堂詩集

原序陸

三

原序

詩發乎情故人或有可喜可愕可悲可涕及侘傺無聊之狀莫不寓之於詩而以投贈酬應爲詩則直謂之無詩而已往見都門遊士於軟紅中策蹇叩諸貴人門門者箕踞以應日再往始得一候見顏色間有賢主人乃置酒召客酒三行揖客退矣斯其情亦淡焉漠焉已耳無情安得有詩而遊者詩必成帙且雅與諸貴人投贈酬應無少倦是果發乎情者耶憶甲子歲客子先予入都同抱淪棄之感後予往來北平屯骨驚覓形影自閔然經過

學古堂詩集

陸原序

一

輒晤客子知其交遊之盛固有足樂者矣迨壬申歲客子署爲成均都講挈室寓梅市庭有老樹裸蒔花草其下茗香蔚然日與名公勝流樹壇角技拈硯北之箋題坐街西之池館青門別袖紅院歡襟莫不和汝倡予淋漓醉墨而奚患於無情乎大抵情人或未必有才未有才士而或歎其寡情者也鬱輪曲清平詞不難動天顏之笑生貴主之憐則公卿士大夫之瓊玖縞紵蓋取而予之耳又何有哉昔唐山人遊不越三百里而詩境清絕錢郎兩員外各擁大名自丞相以下出牧奉使無兩君

詩餞送人以爲陋而詩亦卒不落俗韻則以投贈酬應爲無情之詩者其亦拘隅之言也夫獨是予邇來屏跡瓊溪蜩舍鹿籬頗足自樂乃蒟蘆中竟無一字則又何也適客子以養病見過出壬申歲豪屬予點定并欲以數言弁其端張燕公之推君家雲卿曰沈三兄直是還他第一客子行恰三卽以此言移贈何如丙子立夏後七日雨窗瓊溪陸競烈拜題

學古堂詩集

陸原序

二



學古堂詩集目次

平湖沈季友客子著

卷一

南疑集樂府五七言古詩

卷二

南疑集五七言律詩

卷三

南疑集五七言排律絕句

燕京春詠

卷四

學古堂詩集 目次

秋蓬集古今體詩

卷五

秋蓬集古今體詩

卷六

秋蓬集古今體詩

學古堂詩集卷一

平湖沈季友客子著

南疑集

樂府

艷歌行

惠風扇百草流雲蕩城隅有女揚素蛾拂拂羅衣  
裾胸前長縹帶耳後大秦珠入有雙翠管出有六  
萌車妾心如日月皎皎頗有餘不知君子心膠漆  
果無殊未得樂相樂抱質徒區區

秋胡行 丙辰除夕作

學古堂詩集 卷一

一

節改時遷卒歲其如何壯士抱情悌鬱良多窮達  
天爲人亦無他惟有登樓彈箏酒歌歌以言之卒  
歲其如何

日月不居悲思我先考淚如連絲孤苦何早失身  
辱親努力自保青天無語憂令人老歌以言之悲  
思我先考

年壽苦短渺躬倚寥廓燈明終夕照我高閨老母  
稚子樂飲三爵今將何爲而勉力學歌以言之渺  
躬倚寥廓

禍福無形修已良足多饑不食肉寒不曳羅居不

棲棘臥不枕戈酒色爲厲道德可歌歌以言之修已良足多

晝夜成歲愛時思賢豪功業不建搏脾心勞憂來填胸我將二毛願乘春風吹此布袍歌以言之愛時思賢豪

虞夏黃農懷古得真宰賢聖代謝忽忽千載奈何任秦棄法用賄所以魯連寧蹈東海歌以言之懷古得真宰

天意無端世運常推遷水中有馬陸地有船鋤田種玉數榆作錢偏輪行道孤根蓋天歌以言之世

學古堂詩集

卷一

二

運常推遷

博山吐香撫劬以達旦壯年易逝堪此多難茫茫四海以何無患攬衣芻皇一發長歎歌以言之撫劬以達旦

遐覽世間富貴徒王侯樗蒲六博烹羊宰牛陸離奇舞宛轉清謳傾心動耳曾不久留歌以言之富貴徒王侯

思奮薄身翱翔於雲表赤松黃石遇我瑤島贈我神藥金光芝草年若王父還精補腦歌以言之翱翔於雲表

子夜歌

摘蓮寄歡子綵絲結成縷不吃蓮子心那知此中苦

下機玉筋垂花梢蕩斜日織去復織來只是難成匹

短歌行

汝水滿篙桑麻滿郊悲我嚴父十載勞勞一西山白雲秋爽何潔白雲悠悠思之淚血嗟予小子

陋質凡器恩斯勤斯勗以道義三冲弱躬撫摩鞠育欲思報之九死奚贖解四靡瞻靡倚逢此百罹

學古堂詩集

卷一

三

蒼天何爲此別無期五扣心摧骨涕泗橫流恐隕脩名貽先人憂六

白紵四時歌

東風吹花桃李飛美人起舞香塵迷白紵裁爲著體衣我今不樂徒芳菲紛紛日馭驅雲旂白紵

梅風麥雨採蓮後美人起舞弄清晝白紵裁爲禿衿袖我今不樂復何有蠶吐新絲不反口白紵

桐英永巷山桂香美人起舞輕體揚白紵裁爲輕羅裳我今不樂空悲傷烏頭欲白馬角長白紵

斜山降霜啼木葉美人起舞戲嬌靨白紵裁爲凌

波穢我今不樂輕訣絕北風吹乾落黃檠右冬白符

採蓮曲

渚風草草浦雲飛木蘭雙槳香水溪採葉爲儂盞  
採花爲郎衣金錯刀剖蓮子蓮子中心苦難止紅  
綬帶牽藕絲藕絲纏綿無盡時可憐若耶女看花  
愛顏色不唱採蓮歌自傷心脈脈夜夜空流淚兩  
條落盡西施浣紗石

結客篇

世溷濁而難極兮春晚晚其將已慨結交之既衰  
今何佻巧而無禮彼黃農之不作兮又奚辨其非

學古堂詩集 卷一

四

是何夷猶以鬱邑兮予所思者君子苟中心其脫  
予兮復誰問乎彼此清江兮鄰鄰白石兮齒齒乘  
志兮如日履道兮若矢誓將與以素心兮采汀洲  
之芳芷

自君之出矣

自君之出矣粧閣閉春風思君如鏡裏對面隔青  
銅

自君之出矣四月看蠶時思君如繭子箇箇是乾  
絲

孤兒行

嗟我孤兒生一何苦賦質自天惟我薄祐昔時喪  
父今復離母父母棄我何恃何怙木則有柯室則  
有戶孤兒哀哀欲託無所哭哭百憂申申衆怒不  
孝之身譬若糞土負義滅情遑云繩武

五言古詩

別詩

一逕逶迤來上彼西山麓捫蘿陟崔嵬俯視多林  
木千峯起層雲四野盪晴旭言尋蕙與蘭悠然在  
空谷日暮溪山中采采不盈掬豈無紅白花香草  
君所欲歸來傾離樽斜陽去何速切莫唱騷歌使  
學古堂詩集 卷一

五

我情局促

贈錢秋厓

南國有高士卜居峯泖間素心遺俗情大雅耽詩  
篇雖有宅邊柳奈無郭外田饑驅出門去離居各  
一天濯足汝水流長嘯嵩山巔古來握瑜者寥落  
誰爲憐

去年君去時楊柳暗旗亭今年君來時楊柳復青  
青相違逾一載人事多變更更有存亡感惆悵難  
爲情聚首天一涯殷勤慰生平忽又遠行邁況值  
秋風清試看聚散際誰謂離別輕

述懷

辛亥春日將歸故園 大人訓以守身擇

交讀書持家四事敬作述懷詩四首以自

省焉

予生夙多病悠悠弱齡時十日五伏枕藥裹何曾  
辭及今二九餘猶苦身支離父母念我淡凡事不  
責爲晨夕過庭暇掩卷臥茅茨今值南歸日安敢  
忘訓誨守身固大節常恐不自持箕裘與弓冶所  
繫良在茲少小不留意後悔將及之行年遠童稚  
此意敢不知

學古堂詩集

卷一

六

丈夫志四方乃自交游始交游苟不慎百悔從茲  
起卓哉古先訓擇交良有以一朝比匪人疎遠方  
正士匪人工誘人容悅多可喜老成猶被惑何況  
予小子江湖日趨下湯湯不知止上胎父母憂兼  
爲鄉里恥云當慎初服閉門復掃軌

詩書本夙好弱齡慕芳躅豈敢希功名因之消鄙  
俗城西有廢圃疎散饒林木晏息自忘疲翳然卽  
濠濮春至啼林鶯秋來放籬菊北渚一村煙南軒  
數竿竹行吟與會來松下娛棋局垂釣引遊魚留  
賓飯脫粟雨餘芳草亂池滿水波綠願言契古人

於此婚姻獨

末俗苟富貴富貴安可論臨叩不足羨曲逆豈長  
貧門多長者車自是非常人高蹤渺難及素位行  
吾身奢儉各隨分量力爲經營琴書聚良友伏臘  
娛天倫春秋有嘗祀邱墓除荆榛斯事苟不違何  
用千黃金嗟彼田舍翁戚戚多苦辛雞鳴求利起  
終歲無暫寧一朝臨覆敗有人笑且憎庭訓每相  
戒處世當近情小人多憂患君子蹈其恒

贈家尚虛先生

暖暖青春殘采采白日暮俛仰天地間忽忽如寄  
學古堂詩集 卷一 七

寓不有素心人何以舒情懷先人曾有言小子戒  
外驚擇交誰最良吾家有叔度曾夢綵筆花久隱  
元豹霧嗟予多病骨束髮傷幽素長爲西洛遊未  
得南樓晤何幸今日歡相逢一道故今日復何日  
三春鸚鵡渡熟杏吹暖香飛絲送弱絮飲我宜城  
酒贈我瑤華句我生二十餘茫多謬誤愧無請  
纓才猶作登樓賦愁心謝如花耽書僻如蠹四海  
聞烽煙薄俗厭執務幸有老成在微躬得所慕迴  
思先人言淚盡窮泉路

輓柴烈婦

忠臣惟死。君畏此義。與名烈女。惟死。夫念此恩與  
情。東海有貞婦。朱顏何盈盈。十二習針指。十三織  
紗綾。十四誦女訓。十五讀孝經。言升君子堂。燕鴈  
紛相迎。豈不畏勞苦。慰此結髮盟。良人委薤露。賤  
妾寧獨生。不能生相守。死作比翼鳴。梧桐棲白鳳。  
蝴蝶飛青陵。悠悠柏舟詩。千載金石聲。寄語人間  
世。大節慎勿輕。

詠懷

青陽既云暮。朱火復已盈。丹花擁翠葉。臨風揚其  
英。歲華一徂落。將與蔓草平。踽踽麋鹿遊。悠悠  
學古堂詩集卷一 八  
鳩鳴林。臥感衆物芳。意何所成。白日不可歸。忽忽  
傷壯情。

懷古

我嘗過大梁。忽懷魏公子。結客三千人。遇之以國  
士。侯嬴與朱亥。紛紛在塵市。卒然居上賓。拂衣不  
爲恥。彼哉世間人。醜醜安足齒。

子房昔未遇。圯上空悠悠。黃石投兵法。慨然扶炎  
劉。得爲帝者師。遂封萬戶侯。功成不可辱。乃從赤  
松遊。

後代求高士。遐哉嚴子陵。垂竿富春渚。羊裘何冷

冷。文叔爲天子。依然舊時朋。夜半足加腹。太史奏  
客星。終南隱君子。釣臺不可登。

班生英雄姿。投筆走行伍。拔劍求封侯。忽焉已萬  
戶。生入玉門關。意氣感道路。人生棲牖下。老死安  
足數。丈夫磊落人。毋爲雕蟲誤。

孔明本異人。躬耕於草萊。抱膝比管樂。此意凌九  
垓。三顧發偉畧。卓犖傾羣材。水濱巨魚至。主聖良  
臣來。鞠躬終困蜀。天意何爲哉。掩卷三歎息。惜此

王佐才

千古稱才人。陳思獨堪慕。縱橫誇八斗。敏捷成七

學古堂詩集卷一

九

步。矯矯飛龍篇。翩翩洛神賦。我欲揚清芬。雅志託  
毫素。

謝公達者流。而有經濟畧。高臥於東山。絲竹間杯  
酌。一起慰蒼生。符堅畏風鶴。小兒破賊歸。彈碁仍

自若。乃知非常人。往往在邱壑。

我愛陶處士。棄官樂田園。白雲覆山村。青松掩眉  
關。能守晉人節。身名兩俱完。六代此一人。仰之如  
高山。

哀詩

我生實孤苦。早歲辭嚴親。千里扶靈旆。冰雪摧素

輪言歸故鄉。陌草笑荆與榛。攀帷倚慈母。覆育多  
苦辛。親織曾斷機。遷宅惟處仁。教我以聖則。勗我  
以天倫。勉步先業訓。誠長諄諄。小子愧流宕。書  
劬隨風塵。問寢與視膳。思之傷心神。驅車走山路。  
泛舟涉江津。言侍我母遊。自顧悲沉淪。缺焉甘旨。  
奉菽水。長跪陳。但得母怡悅。聊以行吾真。晨夕接  
歡笑。冉冉更七春。我今何罪辜。禍患紛相因。降割  
誰爲之。自傷荼毒頻。索我堂上親。棄我膝下人。北  
向發長號。此痛終莫伸。蒼天何悠悠。人情何巾巾。  
我身逢百罹。胡不隕我身。從今誓卜地。捧土葬二

學古堂詩集

卷一

十

親慟哭窮途。間松楸。與爲鄰。長棲廬墓下。終身以  
負薪。

讀史

我聞楚卞和抱玉。三見則大寶。非其時入世。忌輕  
發泥沙。可穢珠浮雲。能蝕月。不如結草廬。山間臥  
澹雪。

灌嬰曾販綰。樊噲本狗屠。卜式亦富民。衛青爲人  
奴。封侯與作相。忽忽如須臾。富貴無常法。書生何  
拘拘。

感遇

季路走百里。負米供晨炊。王裒廢蓼莪。泣血居靈  
帷。小子抱大罪。不孝堪傷悲。風木何颺颺。涕泗何  
累累。人生不終養。富貴徒爾爲。

予本流蕩子。中夜懷壯情。感念古偉人。一笑成功  
名。焚焚有清淚。赫赫無英聲。懷中子虛賦。狗監非  
生平。嗟彼長安陌。車馬何崢嶸。終恐老灌園。徒爲  
人所輕。

嬌兒垂五齡。忽焉竟淪喪。喪思之傷我。心青草發新  
莽。尚存兩孩提。癡頑不英壯。顧瞻梧楸間。思親哭  
幽壤。

學古堂詩集

卷一

十一

七言古詩

少年行

長安三月。薜蘿綠。桃花李花亂馬足。東風吹盡路  
傍人。一片春心蕩華屋。紅粉凝粧舞柘枝。酒帘花  
下拂游絲。朱欄翠幙三千戶。急管繁絲十二時。何  
處昂藏一少年。朱唇貝齒自翩翩。千金劍五花  
麟。帶珊瑚鞭。側身天半落歸鴈。呼鷹逐兔南山  
前。南山山前風颯颯。西去平原一開獵。獵罷垂鞭  
過酒樓。當壚少婦尚含羞。凝眸識是非常輩。紅袖  
新擎碧玉甌。爲君起舞留君醉。更撥秦箏唱隴州。

少年昔日走天山。萬戶侯封視等閒。曾笑漢家班定遠。暮年思入玉門關。玉門關外龍城下。百斛葡萄帳中瀉。月下長鳴壯士刀。風前每倚將軍馬。一從辭爵歸來後。自歎年華過二九。閒來醉袒紫貂裘。興到題詩千百首。四海結交遍游俠。不使金尊空皓月。寶劍曾酬知己恩。錦袍尚濺仇家血。此時遊罷拂花茵。一言相合贈千金。銀鞍白馬看如雪。飛入紅塵不可尋。

送仲謀叔應試北闕

丈夫抱大志。屑屑恥兒曹。叔也奇俊人。壯情凌九

學古堂詩集

卷一

主

霄。簾前花落浮香篆。夜半燈殘看寶刀。今來射策長安去。汝水嵩山相聚處。嵩山青嶂嶢。看花挾彈洛陽郊。汝水白浩浩。解鞍沽酒夷門道。此時碧草正芊芊。此日紅榴花欲然。既共尋幽經繡陌。還教並轡試金鞭。歸來明月照南樓。鸚鵡杯深銀燭秋。漏永官衙花寂寂。烏啼古堞夜悠悠。夜闌花落春無迹。不道人間易離隔。旗亭一夜送征塵。座中盡是江南客。子當相送更相期。一望青雲覆帝畿。官橋白鳥流澌處。野館丹楓細雨時。飲君酒。執君手。君不見終軍二十王佐才。長纓請繫南越來。又不

見黃金起臺曾結客。燕市秋風買駿骨。

留別中州張二平浣

張郎張郎非常人。與之交游如飲醇。八斗稱雄才足富。十年未仕家猶貧。與予一見栢亭邊。開心寫意獨快然。蜀琴裊裊紅絲絃。新詩煌煌寶劍篇。丈夫四海負空懷。相逢何必無相合。感君重意氣。一言贈將別。別後江南江水流。雙魚江北晚悠悠。清風明月許元度。孤棹扁舟王子猷。贈君鸞鵲絳解我鸛鵲裴栢亭。亭上高歌處。何日同銷萬古愁。

贈蟄園子

學古堂詩集

卷一

三

九峯何寂寞。我有謫仙之人生。薜蘿當時意氣橫。宇宙功名笑拂書生袖。使酒堪居嵇阮前。吟詩肯落應劉後。豈知荏苒年華改。不道黃塵生碧海。無錢買酒醉千杯。有筆生花長五采。今來避地鷓鴣湖。中結廬。淡隱有古風。郎子白衣居谷口。管生皂帽老遼東。與予一見如夙歡。傾情倒意古所難。玉山朗朗沙難及。論詩夜半霜風寒。莫歎年華疾如駛。天涯何必無知己。飲君酒。為君起。君不見昭王昔日黃金臺。駿骨秋風一千里。

悲秋之人百端交集因效少陵作七歌

有客有客沈秋浦。日暮長洲結芳杜。水東流兮歲  
華去。功業蹉跎感今古。茫茫一身天地間。焉知朝  
秦與夕楚。嗚呼一歌兮歌欲愁。霜風吹竹鳴高秋。  
男兒生不建功天地間。乃爲一經困守有餘閒。不  
如去訪赤松子。好求丹訣駐容顏。瀑布飛流白雪  
下。明朝欲入匡廬山。嗚呼二歌兮歌再進。蕭蕭風  
雨悲秋客。

有父有父梁園客。十年遊宦似遷謫。寧知賦鵬哀  
時命。骨肉天涯淚橫臆。不及馬卿今死茂陵。不如  
陶令今去彭澤。嗚呼三歌兮歌獨傷。竟兮歸來我

學古堂詩集 卷一

古

有母有母在北堂。愧我侍奉無輝光。白髮蕭疎親  
老去。可憐人子心何長。芟荷衣兮薜荔裳。臨風且  
上百年觴。嗚呼四歌兮歌聲寒。我豈抱棄兮老灌  
園。

有婦有婦慚舉案。椎髻相看白如練。王章泣罷有  
牛衣。司馬賦成無狗監。典裘拔釵沽酒來。狂歌陸  
離撫長劍。嗚呼五歌兮歌將徧。秋雲爲我啼寒鴈。  
有女有女皆襁褓。獨將生死繫懷抱。安能繫日有  
長繩。傷心白骨埋青草。我性蕭疎本狂直。那堪憂

患催人早。嗚呼六歌兮歌闌珊。清猿爲我唵空山。  
蕭蕭落木悲楓林。忽忽歲暮愁霖目。極千里空  
陰。陰高山流水傷我心。恐修名之不立。兮負我罔  
極之深恩。嗚呼七歌兮歌寂寂。海濱落日寒潮白。

### 蓬山歌輓金蓬山

海外蓬山不可即。遙遙卻向海中碧。千年一度謫  
仙人。綵筆生花長五色。蓬山茫茫驂白鸞。我生得  
見金蓬山。蓬山兮磊落姿。與我相見何其遲。蘆花  
飛來水城晚。我爲蓬山歌。竹枝竹枝清怨傷古調。  
蓬山極口稱高妙。一夜西風吹酒徒。山桂啼煙澤

學古堂詩集 卷一

五

蘭笑別來一歲一甲子。五茸春雲隔溪紫。平生恨  
得不相逢。及至相逢君又死。君死年復年。憂心空  
悄然。劒留季札多松樹。日落陽陵少墓田。從今閉  
戶乃我志。不向人間問奇字。凋戈鐵甲動地來。憤  
憤天公復何意。天意不可識。世事不可極。春來人  
去無消息。蓬山還作蓬山客。

### 武林行

武林城外黃雲飛。武林城中征馬嘶。連年轉戰咽  
鼓鼙。乃在越江之南閩嶺西。嶺頭夜半傳烽火。江  
上春來習水犀。十萬貔貅各控弦。驅來子女實堪



憐綠髮兒郎束輕縞。一旦離鄉相識少。日日腰銀出武林。湖山斫盡青青草。傷哉婦女逢百罹。貧家富家悲流離。富家女著金縷。虎帳酒行泣不語。貧家女衣白紵。朝餒鐵鑪暮炊黍。紫駝載盡如花人。關山遶絕知何處。縱有捐金贖翠蛾。營門箕踞難相呼。錢刀索盡多行乞。那得還鄉歸故夫。馬上何人吹篳篥。憐煞邯鄲嫁養卒。螺螄門外月如霜。西湖一片傷心碧。我來恨無千黃金。書生碌碌走風塵。

聖朝昨下金雞詔。願赦城君一萬人。

學古堂詩集卷一

六

九節石菖蒲歌

三山仙人騎白龍。贈我仙藥花紫茸。爾有神骨無鬼工。海山舊宅荒春叢。靈草九節吹香風。授之金母與木公。攜來玉女雙青童。佩之愛護當心胸。頗覺五采生微躬。彩虬帖尾金籠從。我欲乘之採藥訪道從淮南之八公。

家尚廬先生話洞庭兩山之勝因賦

七十二峯青逼天。道人一葉遊山船。蒼波渺渺風颯然。太湖不斷千頃煙。仙鳥白飛林屋洞。秋霜紅染橘柚田。我生茫茫思樂土。山鬼欺人狐假虎。桃

樹難尋。仙客溪羊裘欲得漁。郎浦擬向江南買。一山約爲山中之人相往還。君不見木奴千頭酒百斛。洞庭兩山相對綠。

丙辰臘月十五日大雪十六夜月甚明清

光積素下上映帶爲長歌以紀之

昨夜長風吹急雪。曉開南窗見銀葉。幽徑紛紛積素塵。山茶紅重松枝折。今夜月起東南端。冰花滿輪凍廣寒。姮娥耐冷飄輕紈。捧出青天一玉盤。皚如雪。皎如月。素心對之兩奇絕。剪落霓裳舊舞衣。白鸞飛起寒蟾活。吁嗟兮人生良幾時。雪月動人

學古堂詩集卷一

七

思猖狂百斛酒。滿灑千篇詩。差將青白眼。見此屠沽兒。可憐雪壓九點峯。可憐月照五更鐘。愁來欲學登仙子。銀海茫茫飛玉龍。

打獵行

丙辰冬日殘雪初霽憶昔洛城打獵因述

往事一心喜焉

洛城十月秋已老。我驅輕騎出城早。白草坡頭不見人。荒荒一片山煙曉。躍紫驥牽青驄。呼蒼鶻走烏龍。分行踏踏西山東。垂鞭直下五十里。鼻尖出火風生耳。千竿鳥鎗百口刀。弓箭橫腰爛如綺。野

雉空林見客鳴山磬古道當人起平原北風吹錦  
襖狡兔驚翻走荒堡臂上金鈴掠草聲風毛如雪  
饑鷹爪陰陰古木藏妖狐追之曳尾逃平蕪吾飛  
玉花渡水去紛紛拔劬歎相呼歎相呼歸駸駸幽  
巖虎過苔迹淡怪風吹人叢竹林不得南山取白  
額平生自恨無雄心合圍憶昔洛城道兩度衝寒  
狗驄廟名地越水吳山歸去來今日茫茫堪一笑堪  
笑當年恨未平殘編一卷成狂生依北閣樓東亭  
殘雨白孤燈青朔風颼颼吹疎櫺酒酣耳熱興不  
淺援筆聊題打獵行

學古堂詩集

卷一

太

西莊感懷

西城西北渚北十畝石田數椽屋先人昔日起西  
莊玉棺五載西莊宿我來西莊傷我心白雲悠悠  
逃古木立殘明燭兩枝黃跪捧屠蘇一杯綠孤兒  
不孝真辱親七尺蕭然猶刺促夜淡松竹冷荒煙  
獨來小徑吞聲哭

懷慰上人

杼山上人走吳越手持老竹披野葛蕭蕭搖筆驚  
蒼龍風雨千山一詩鉢我來把臂無一言疎花細  
雨曹谿菴草巷東頭住香錫欲買青山歸未得何

處春殘布衲寒飄然幾兩登山屐負爾相依種白  
蓮滄洲一夜長相憶慰公贈詩有縛茅今欲依書  
輓老住滄洲種白蓮之句  
相憶在人境疎鐘發淡省飛絮撲簾春晝冷長陰  
卻憶惠休詩大笑猶看虎溪影我心鬱鬱愁紛紛  
夢覺夜落波細細松風蘿月吹書幌疑是杼山慰  
上人

宮盤歌

磊磊嗜奇人好古搜寶篋托出雕宮盤云是王家  
物當年帝子幸離宮暖閣才人玉手中花下踏歌  
初捧去自拖長袖出房櫳淩淩髹漆斜填黑縷縷

學古堂詩集

卷一

尤

銀珠細剔紅玉几金牀淡處見小印團龍刊寶篆  
錦花繡褥裏雕文紛紛堆滿披香宴漢家漫數赤  
瑛名唐帝休誇紫瓷豔可憐古器最堪哀秘閣圖  
書散失來八寶宮爐冷銅火七香殿盒賣金胎飲  
君酒酌淡斗驅我馬登大阜千古茫茫難不朽君  
不見幾代圖陵盜玉箱寶衣流落他人手

虎邱曲

虎邱山前生晚涼沿山七里花粉香半山酒家酒  
春熟一壘迴欄酒旗曲游子當歌解鷓鴣佳人愛  
舞憐鸚鵡莓苔著雨浸春山半是紅靴印新綠狂

奴送盡春歸客走入吳山看山色醉上生公舊講  
臺那知一片傷心石傷心此地最繁華鴨嘴輕舫  
金犢車重尋白傅隄邊月偷看吳王宮裏花吁嗟  
乎人生嬌歌在前舞在後紅粉兩行百壺酒那得  
蕭疎日苦吟搖蕩空潭數株柳君不見虎邱山船  
泊山脚玉絲金管年年作

飲馬行

晉陵城開曉煙紫一羣官馬出官市可憐流出惠  
山泉來作人間飲馬水飲馬十隊復五隊沿隄新  
水沒馬背長纓紅染作鸞鈴細縷花堆成錦轡  
學古堂詩集卷一 辛  
盡長陂野草根縣官又急征南稅四海徵兵尚鐵  
衣官兵養得馬空肥朝朝趕出城邊路一帶春沙  
印碧蹄我來寄語健兒聽如山芻豆積官廳老農  
正是春耕日休下山田去放青

杜鵑花歌

在天池山  
一指窩

夏雲一抹千山碧山花落盡春如客一枝留得杜  
鵑紅蜀帝何年有冤魄蜀魄啼殘枝上月吹花陣  
陣胭脂雪花竿子子搖金鈴紫鸞赤鳳飛盈盈天  
孫剪落雲錦片海客撼碎珊瑚聲我本傷心人惜  
花花下醉眼看血染紅斑斑疑是孤兒五年淚

琴臺曲

佳人不再來君王愛傾國一自西施出苧蘿吳宮  
花草無顏色紅粉青蛾劇可憐嬌歌妙舞自年年  
宮筵未散花間月戰士爭乘渡口船游人醉到琴  
臺上贏得青峯一惘然游人何必傷歌舞空弔吳  
宮宮外路西施猶有舊琴臺一片蒼山今復古君  
不見句踐今無一寸土

縹絲行

吳桑葉老青春闌野蠶作繭盡上山家家村莊是  
蠶戶小婦縹絲隨阿姥清泉一掬費山柴市上新  
學古堂詩集卷一 壬  
絲賤如土游子傷心舊錦機富家羅綺稱輕肥誰  
憐滿目饑寒子十月霜風未授衣

吳間競渡詞

吳山遊子放棹來正逢湖畔榴花開飛龍五色相  
對舞張牙振鬣喧蘇臺紅旗翠蓋打金鼓來賽神  
祠走輕櫓神前結綵羅酒肴筵上師巫作鬼語可  
憐水面東風薄隔水飄香迷杜若紫髯大賈撒金  
錢清客春衫理絃索曲欄深幕蕩青蘋大船小船  
載麗人麗人一帶嬌朱唇笑看龍舟打花鴨隔舫  
紅裳映玉樽鴉鬟盡捲犀簾帖我來恰遇是端陽

銀塘十里粉水香  
菖蒲初發西施浦  
煙雨渾如楚客鄉  
觀此繁華舊風俗  
能使春心滿華屋  
君不見畫船半日冶遊錢  
可費農夫十年穀

桔槔行

聲聲桔槔響溪岸  
聯車接軸官河畔  
火雲籠日燒山田  
老農歎息傷秋旱  
天意何爲困一方  
官兵昨下秀州塘  
長腰健卒開河去  
隴草青青野稻黃  
我來倚棹過嚴城  
慷慨持杯念力耕  
何處最傷游子意  
秋風一路枯槔聲

吳伶篇

學古堂詩集卷一

三

姑蘇聲伎幾甲天下  
舊有梨園一部皆登  
場老手按曲名家若  
周生譚生陳生聞其  
昔遊京師倚內樂都  
人爲之傾靡又有蘇  
老者吾里故相國施  
公家優也戊午春日  
過東湖紛出其伎幻  
妙殊絕目不暇瞬幸  
得縱觀爲賦吳伶篇

空堂置酒紅筵熱  
絃工鼓師夜唱月  
梨園一部按新聲  
登場法曲尋音節  
可憐古調久淪亡  
九宮定譜分陰陽  
南音嫋嫋聲綿婉  
北調淒淒勢激揚  
分刊比度爭黍粒  
依聲按律何鏘鏘  
眼前歌者幾千

輩庸庸豈足爭短長  
分明座上當歌客  
嚼徵含商口無迹  
玉喉窸窣輕轉聲  
縷縷春絲量玉尺  
一十九調發古音  
二十三絲促輕拍  
急響葉琴柘枝鼓  
參軍跳擲蒼鵲舞  
浮世爭看傀儡場  
清歌半是悲歡譜  
人生萬事苦不真  
插身淨丑聊爲伍  
甲冷絃危發曼聲  
夜淡摘阮共撈爭  
紛紛觀者如鶯鴨  
十萬銀燈照錦城  
聞說當年供奉院  
開元會侍華清宴  
一隊朱顏盡白頭  
只今猶唱江南怨  
鳳首篴篴碧玉簫  
鶯兒脆管紫檀槽  
舊譜淒涼感行路  
教人腸斷鬱輪袍  
今日吳中猶舊俗  
小部當筵調竹肉

學古堂詩集卷一

三

陳郎傳粉蘇老墨  
周生跳舞譚家曲  
餘子紛紛各擅場  
蠻絲蠟板春妝束  
我亦江南飄蕩子  
醉題幅幅膠東紙  
三疊陽關始欲愁  
一聲河滿誰堪此  
寄語伶工休絕倫  
曲高和寡悲陽春  
青衫白帽花前路  
流落龜年愁殺人

宣喜歌

宣宗昔日開宮庖  
雕薪獅炭燒古密  
陶正紛紛製新式  
花瓷五色如瓊瑤  
紅縷蹴鞠叩鳳尾  
綠紋盤甲畫龍腰  
便殿春盤初進宴  
內家爭捧昭陽膳  
淡酒盞注蘭陵窄  
窄茶鐺點陽羨  
君王笑拂軟金

興秘色宮窻獻玉階。長生院裏看調鹿。太液池邊  
喚打魚。有時賜酺臨宣室。侍臣各珥生花筆。席上  
離離如玉甃。玻璃七寶無顏色。只今分散出離宮。  
流落人家破箇中。猶識當時南內物。迴龍小盞闌  
雞鍾。銀盤落金叵羅。鴛鴦盤。鸚鵡螺。煥奇百出何  
足多。柴官哥定名稱妙。見此安得無摩挲。太息王  
家尚如是。人生對酒何不歌。君不見武帝金盤寄  
奴。切玉墜。雙魚銅雀硯。紛紛古器滿人間。黃蘆白  
草埋荒殿。

贈項東井

學古堂詩集卷一

雷

丈夫鬱鬱無奇策。醉眼羞爲世人白。今日逢君潯  
蕩人。我亦飄零滿橋客。一卷青山五岳圖。與君還  
過酒家墟。白衣楚客歌鸚鵡。紫袖吳姬唱鷓鴣。我  
爲傷心枕剗。縱眼前大馬籠。輕裘酒酣不淺滄洲  
興。思煞當時顧虎頭。半幅生綃剪煙素。依稀猶識  
孤村路。一曲青溪萬葉紅。明朝同買秋山去。

同里後學馬恒錫編次

孫男 倫

曾孫 元淵全恭閱

學古堂詩集卷二

平湖沈季友客子著

南疑集

五言律

送大兄還鄉

千里惜分襟。河橋夏木陰。幾年湖海夢。一別弟兄  
心。月白疎鐘動。山青古渡深。天涯珍重去。莫滯北  
來音。

送陸藍田

臥病荒城裏。逢君欲解攜。那堪從此別。悵望暮雲  
低。草色迷鄉路。楊花送馬蹏。山山青不斷。直過太  
湖西。

學古堂詩集卷二

一

題中嶽祠

未得尋中嶽。花宮一徑開。相期秋夜月。清嘯出香  
臺。二室看雲遠。三花問樹來。仙人王子晉。約我上  
蓬萊。

送六叔南歸三首

喜作他鄉會。銅盤十夜紅。可堪將別意。復此對秋  
風。人訪淮南桂。帆歸江上楓。阮家乘興地。愁絕暮  
雲東。

莫向高臺望。蕭蕭萬壑秋。孤城一相送。去住不勝愁。柿葉飄官路。蘆花點客舟。壯年殊可念。枕劍說封侯。

洛陽城畔路。忽見起征塵。同此一杯酒。相看千里身。鄉心隨去馬。落葉送歸人。我有還家夢。秋溪把釣綸。

同張公潔夜坐

清夜一登樓。輕寒到翠裘。風高數行雁。月冷萬家秋。耿耿傷魚目。棲棲笑虎頭。聊爲斗酒會。細酌話淩愁。

學古堂詩集卷二

二

寄王六庚山

昨日前溪棹。孤村訪薜蘿。遙憐三運月。隱隱隔春波。燕市黃金少。商歌白石多。當壚有美酒。不醉奈愁何。

白龍潭訪友

秋光已如許。何處採芙蓉。約爾看明月。孤舟訪白龍。半潭秋漲水。一枕夜寒鐘。明日離人醉。晴雲隔九峯。

新居二首

閉戶真吾志。閒庭入畫圖。茶煙分鵲尾。燕語踏蟾

鬢。應愛新知已。還憐舊酒徒。靜中無一事。著論比潛夫。

何物能消恨。空齋有五絃。詩筒慚吐鳳。病枕怯遊仙。柳葉三秋釀。苔花一徑錢。湘簾清徹處。細讀養生篇。

渡江

恨殺長江水。東流送六朝。春風吹遠客。一葉下金焦。親舍迷青雀。功名笑黑貂。英雄千古恨。落日打歸潮。

過八公山

學古堂詩集卷二

三

八公杳然去。無復有淮王。千古山河在。空令過客傷。火沉丹竈冷。犬吠白雲荒。飄泊愁沽酒。垂鞭出壽陽。

金陵偶興

繁華不堪問。蕭瑟此乾坤。夜夜南朝夢。空消遊子魂。雨花蕭寺風。燕莫愁村。一片秦淮水。東流過白門。

雞鳴山功臣十廟

百戰功成後。羣雄盡錦袍。誰堪謀大略。猶見擁神皋。涼月飛金甲。英風落寶刀。書生今日事。羞讀舊

戎韜

秦淮

萬古傷心地。秦淮綠水濱。最憐花底月。猶照渡頭春。柳。樓。鴉。樹。紅。紗。蕩。槳。人。春。遊。飄。泊。子。愁。趁。馬。蹏。塵。

過廣武

昔日羣雄起中原。苦甲兵只今隄上路。一帶暮蟬聲。九月行人恨。千年豎子名。沉吟騎馬去。切火古今平。

壽春道中

學古堂詩集卷二

四

歎息孤城在。行人指壽陽。鷹飛秋嶂白。虎過晚林黃。客裏惟殘夢。燈前非故鄉。授衣殊可念。山館有微霜。

寄懷故園諸子

忽有南樓興。思君隔萬山。秋風吹落木。憐我未能還。月白桐烏起。苔紅石竹斑。故園溪水闊。遙想閉柴關。

當代今誰屬。雄文有此人。客身飄泊甚。天意忌才頻。王氏談元塵。陶家漉酒巾。高風如可問。我亦欲垂綸。

天末寧親日。馳驅敢告勞。何時一尊酒。重對五陵豪。唵苦青鏤管。風輕白苧袍。他鄉回首處。江海隔秋濤。

李本培

與爾經年別。他鄉好會難。百篇慚李白。雙鉞想馮驩。庭小蕉花綠。山寒荔子丹。鴻書杳難度。誰復問加餐。

馬田子

重至汝南張公潔已入都門留詩遺子寄答

昔別在何處。棠谿谿水涯。今來谿上路。千里隔京華。小檻紅柑酒。淺山紫橘花。故人佳句在。回首舊煙霞。

學古堂詩集卷二

五

煙霞

拜于忠肅公墓

青史斯人在。高風百代留。兩朝臣節苦。八月殲宮秋。蔓草埋殘碣。山花點客裘。茫茫終古事。天地總堪憂。

乙卯除夕

四海橫戈夜。三江度歲身。那知功業晚。休論物華新。兒女燈前酒。英雄胯下人。寒梅有消息。看取隔年春。

雲棲謁蓮大師塋院

會聞湖上寺古塋。葬袈裟已入溪山徑。來尋開士家。鶴王施佛雨。鹿女剪天花。我亦金輪子。閒時誦法華。

海上

憑高堪一望。天地日沉浮。烽火三年戍。煙花五月秋。橫塘遊女戲。濁浪老龍愁。我本忘機者。飄然海上鷗。

西林哭過滄谷

消渴文園客。淒然歎陸沉。十年貧入骨。一別死驚心。弔鶴人情淡。焚香佛火深。我來君不見。風笛在

學古堂詩集

卷二

六

西林

贈施尊師

不是登仙子。誰能老翠微。山當金虎立。鳳見玉笙飛。我亦浮邱客。無由戀羽衣。相期垂素手。直上閭風畿。

西莊同諸子坐月秋厓不與慨然寄詩

此會憐明月。西莊一夜涼。光沉三尺水。寒浸一庭香。飄泊同懷子。相思在異鄉。夏雲迷別路。青嶺好垂楊。

梁溪曉發

不信東風好孤帆。下夕昏五更吹客枕。殘夢落江門。浪打潮頭月。煙迷沙嘴村。十年來去路。落拓恨難論。

下崦

我身若黃鶴。家在水雲間。愛此秋溪好。高飛不忍還。花紅西子地。雲白邵公山。何日堪招隱。微吟一閉關。

萬峯山寺觀太湖

我本蕭騷客。憑高一快然。連峯七十二。青到寺門前。風弄帆如葉。沙搖草似煙。不因長望好。誰見五

學古堂詩集

卷二

七

湖天

慰公將歸太白山。過宿草堂同過颶。賦別最恨秋山色。催人有杖藜。可憐青未了。直到越江西。一夜分龍鏡。三人在虎谿。別來搖落候。衰草日萋萋。

登北高峯至桃源嶺眺望

放眼看雲客。飄然登一峯。天風吹不住。直上翠芙蓉。湖靜飛香鶴。江空走玉龍。桃源如可問。疑向武陵逢。

問屠問兼先生客死京邸詩以哭之



忽有南來信。傳君死薊州。可憐龍臥客。愁殺鳳城遊。兵火千山暮。乾坤兩鬢秋。蕭然妻子在。入口總堪憂。

淒涼南望眼。不見舊江皋。時命悲浮世。文章哭綵毫。孤兒收白骨。遺恨葬青袍。壯志今猶在。銅花繡寶刀。

碌碌多生者。何爲君沒身。鬼神憎綵筆。花鳥怨黃塵。絕命龜中傳。招魂澤畔人。黃公墟下客。哭斷酒旗春。

續夢中句

學古堂詩集卷二

八

我亦山中老。春風早灌畦。白翻楊柳雪。紅溼杏花泥。二句夢中得清淚傷魚目。浮生信馬馳。丈夫留恨骨。愁絕此棲棲。

感懷

形影驚長夜。淒涼哭老親。空慚負米日。猶恨過庭年。身玉匣。惟龍劒。麻衣是棘人。有兒真不孝。腸斷十年春。

七言律

梁園秋思

不見當時授簡才。登臨懷抱向誰開。秋陰北闕常

軒落。爽氣西山入座來。天外喜傳鴻鴈信。病餘愁對菊花杯。誰知九月寒風急。人在梁王古吹臺。

寄答張楚濬

何處煙波有釣綸。汴河東下越江濱。三秋月暗迷歸鴈。萬里天空憶故人。綠酒別來殘醉夜。瓊枝瘦盡浪遊身。誰憐愁殺張平子。無數新詩不救貧。

詠燕

淡蕩晴光小院東。差池雙羽到簾櫳。當年金屋人曾見。此去朱門路易通。陌上香泥銜曉露。花間細雨舞迴風。丁寧舊日烏衣侶。莫使梁間故壘空。

學古堂詩集卷二

九

贈錢秋厓

天涯回首舊登臨。對爾飄然慰素心。千里出門惟短轡。十年落魄只長吟。遊梁空有長卿賦。入洛原無季子金。我有千秋國士恨。孝王臺上一披襟。

商水道中

弟兄分手鴈序將。遠別朋友離羣。綈袍無贈爰酌離樽。於百里總期歸棹。於三秋雖云晤語。非遙尚爾關河。遠隔黯然孤客。飄爾春風。落月停雲。猶且馳情南國。長枕大被。還應入夢西堂。行役之餘。輒爲之詠。

斜日孤城欲暮天。送行不覺意茫然。平蕪樹色含殘照。籬落雞羣散野煙。客路竟迷滄海畔。鄉心遙寄白雲邊。夷門道上平臺下。手折垂楊又一年。

西崑體二首

別情離思滿天涯。曲檻殘粧入暮霞。病起癢添腰下柳。愁來慵減鬢邊鴉。羅浮香散原爲夢。巫峽雲輕未是家。今日相逢春又老。東風吹落杜鵑花。不堪消瘦舊時腰。欲到臨邛買濁醪。鸚鵡一教傳綺語。琵琶幾度咽檀槽。思深有淚沾紅豆。海淺無緣問碧桃。從此飄零委岐路。月明人夢在江皋。

學古堂詩集卷二

春恨詩

小徑黃昏獨愴神。沉沉魚鑰鎖青春。半窗清影燈痕細。一枕濃香淚點新。蘭畹有情悲楚客。桃花無路問秦人。班騅不解遊人意。嘶入長楸一片塵。

白苧城訪錢秋厓

葉葉蒲帆挂海東。相逢蘿薜小堂中。數峯新綠今朝雨。一徑殘紅昨夜風。至此永寒同范叔。不因人熱似梁鴻。幽棲每欲偕君去。山接橫雲鎖桂叢。

毘陵道中

幾載天涯笑浪遊。毘陵渡口放輕舟。人間自是誰

堪此江上真令我欲愁。賈酒客應憐解珮倚欄人。想倦登樓我來無限陽關意。蕭瑟吳山萬木秋。

儀真曉行

曉趁前途類轉萍。孤踪西下帶疎星。原邊衰草霜前白。江上寒山雪後青。馬背未殘新客夢。羊腸猶記舊津亭。天涯一望迷親舍。遙指涼雲似翠屏。

詠珠蘭

晝永曾飄一院香。快人清氣辨都梁。忽吹魚子雙盤落。願作真珠十斛量。香霧欲迷流夏熱。錦絲微護怯秋涼。琅玕七尺閒談處。獨此清芬挹沈郎。

學古堂詩集卷二

士

文城夜雨

蕭然官舍已黃昏。寂寂秋宵獨閉門。雨慢欲殘千里夢。風鈴初斷五更魂。時危定計思招隱。親老憐人說報恩。明日文城城下路。連天秋草送王孫。

遊子曲

汴水東流廢苑荒。殘陽衰柳日陰陰。夜吹長笛樓中月。秋閉孤城雨外砧。白鴈豈無千里翼。紅蕉原有一重心。繡簾碧檻無消息。酒冷香殘獨苦吟。

送陸茂先平仲同之南雄

二陸停橈唱別詞。五羊何處一相思。江春公子述

蘭葉口暮征人採荔枝落胡威寧有緝風流謝  
尚頗能慕同君欲訪羅浮夢萬樹梅花月上時

拜先大人靈几三首

一杯絮酒意茫然未得酬恩黯自憐菽水養慚年  
二十孤兒淚盡路三千牀頭夜雨飄琴柱苔上春  
風落紙錢此日已成清白吏相期何限子孫賢  
十年羈宦竟何爲獨有人看墮淚碑吳下小山依  
短窗清陰寒月照空祠烏憐杜宇他鄉恨花發棠  
梨舊日枝半隴故園營墓後一編風雨是何時  
流落孤兒淚兩行至情淒切那能忘可憐蕙葉凋  
學古堂詩集卷二 主

春晚欲採蘋花薦晚香文章數編留兔苑山田幾  
畝葬柴桑傷心久有煙霞志不及扶筇到故鄉

寄陸二平仲嶺外

陸郎別我惜離舟我憶乘春紫綺裘杜宇啼殘南  
鳥恨木綿開盡瘴花秋朱顏堪比留侯相綠酒難  
澆平子愁四百峯頭君在否相思有夢到羅浮

元夜李義山體

疎影清光照獨眠一年人見月初圓春燈何處分  
千樹素瑟誰家促四絃短夢小屏愁似海酒醒簾  
冷夜如年韶華自向人間去落落英雄寶劍篇

甲寅正月覽史二首

擊楫長歌壯士悲古今成敗獨何爲求將溟水無  
金馬索盡沙中有鐵椎天下豈應憂賦役大臣宜  
爲計安危茫茫眞覺幽樓好芝草商山可療飢  
好橫醉眼一相看百二山河落照寒豎子成名應  
甚易小兒破賊復何難共知更令能安漢獨借前  
籌欲報韓此日何如百夫長春風回首笑儒冠

無題二首

不教楊柳綠淒淒爭得人間有別離輕鈿翠憐飲  
鬢處下裳紅惜卸粧時三年樓上秦家鳳數首江

學古堂詩集卷二

主

頭柳七詞盡日無人誰寄取桃花紙上寫相思  
嬌小憐渠怯綺羅盈盈一水隔銀河酒醒枕上春  
寒淺月落燈前舊夢多恨到銅龍知夜永癡來玉  
骨奈愁何無端曉起看風雨吹落梅花滿綠莎  
中秋對月

煙月乾坤恨未休銀蟾清冷兔應愁哀哀南國三  
年淚颯颯西風一夜秋皓色欲侵歐冶劍孤光初  
上武昌樓男兒不得長飄泊三十功成好拜侯  
夏日張生過訪秋厓復來諸子快集各賦  
我醉平原十日遊故人訪我謝家樓疎狂舊態思

題鳳山命餘生久飯牛白社詩人花作骨紅筇歌  
妓錦纏頭相逢相別空潭上愁絕垂楊一箇秋

送秋厓歸雲間用前韻

百里河山感昔遊。送君還倚最高樓。長亭客贈湖  
邊柳。細雨人耕隴上牛。路。僻。儘。看。峯。九。點。家。貧。好。  
種。橘。千。頭。山。陽。舊。事。今。零。落。鄰。笛。淒。然。又。早。秋。

憶西平舊遊存沒感懷再用前韻二首

昔日梁園汗漫遊。酒酣月冷在南樓。邵陵逐兔呼  
蒼鶴。蕭寺尋花問白牛。一曲悲歌千里外。十年殘  
夢五更頭。金城楊柳應依舊。短葉長條又及秋。

學古堂詩集卷二

古

河陽花月舊遨遊。日日垂鞭過酒樓。春色亭臺看  
戲綵。秋期賓客賦牽牛。芙蓉舊主凋江館。鸚鵡家  
鄉念隴頭。今日存亡無限感。暗風疎雨茂陵秋。

東湖春泛和家尚廬先生韻

人間春思愛初晴。雙槳乘風葉葉輕。初向曲中聞  
白雪。重來掌上見雲英。千家晚照蘼蕪色。一片春  
山杜宇聲。遮莫紅顏惜。遙夜沉香火暖按銀箏。

寄五茸錢處士

忽憶江南錢處士。當湖二月泛舟時。五弦自度瑤  
姬怨。一飯誰當漂母知。月爲夜黃愁素影。柳因春

綠放新絲窮途似爾愁。如我布襪青鞵何所之。

山樓飲席贈海昌查韜荒

謝公樓畔月娟娟。清夜登樓好醉眠。才子爭傳五  
色筆。春愁齊上七條絃。酒能澆恨緣堪把。花爲將  
離紅可憐。多少柏梁臺上客。江頭閒殺釣魚船。

暮春偶興

花明草暗自年年。一望紅樓三月天。語學吳趨憐  
慧鳥。心傷湘瑟動哀絃。司空席上劉郎醉。鄰女壚  
頭阮籍眠。寥落不知春已暮。夜深人靜月如煙。

卽事四首

學古堂詩集卷二

圭

新愁舊夢苦紛紛。隱隱青樓下夕曛。薄命早憐劉  
碧玉。尋春遲恨杜司勳。薔薇不分爭歌麝。蛺蝶猶  
能學舞裙。盡日臨風空悵望。紅牆十丈鎖春雲。  
小隊盈盈下九衢。空教冉冉府中趨。畫樓迷盡新  
溪水。白馬難忘舊酒壚。神女可應憐宋玉。使君不  
解愛羅敷。蛾眉依舊歸人去。虛費他家十斛珠。  
不見青溪舊日居。珠簾幅幅畫長虛。章臺細柳相  
思結。蜀國紅箋訣絕書。嫁得郎君應不負。惱他刺  
史更何如。東湖湖水春潮落。望斷仙人赤鯉魚。  
金屋初聞貯錦帷。人間流落去難迴。蓬萊水弱難

通棹油壁車輕。恨走雷。但有桃花多是路。須知鴛  
鳥不堪媒。將東豈少情人在。只向昆明辨劫灰。

午日伏席戲贈

五日催乘湖上舟。臨窗小鏡晚梳頭。釵梁帖翠分  
金燕。裙帶添香換石榴。賭酒藏鉤初宛轉。喚人買  
賦解風流。夜淺忽散前溪舞。愁絕蘭橈送杜秋。

招錢武子翁紀長錢秋厓家尚廬諸公集

閣中

涼風吹雨晚留賓。五月消殘小閣春。竹葉醉歌天  
外。桃花肌骨座中人。客來白社論詩律。水滿青

學古堂詩集卷二

去

溪起釣綸。重念先人傷往事。十年耆舊欲沾巾。

擬唐人太液池觀荷應制

紫雲香駕出金屏。聖藻翩翩詠翠微。清暑欲消雙  
鳳沼。薰風初動六龍衣。水花紅捲銀塘溼。宮本青  
翻畫檣飛。勅賜一杯仙掌露。小臣何以頌鸞旂。  
追和蘇長公題周昉畫背後欠仲麗人圖  
小立亭亭十二欄。背溪一幅寫雙鬟。半逃螺子看  
邊黛。全露沉香臂上環。豈是無情空綵筆。也曾有  
夢到巫山可憐如。盡傾城色不向人間闌。玉顏

吳五叔三首

自從林下挹清塵。一病蕭然朝露身。天若有知憐  
伯道。人誰無淚到靈均。獨悲夜月鳴龍劍。聊採秋  
香薦渚蘋。我有親恩傷未報。不堪來作奉嘗人。  
家世堪傷古道輕。衣冠零落不勝情。蕭騷早見凋  
雙鬢。倔強無端誤一生。樓上空梁棲燕子。霜前寒  
信剪蘭莖。年來一掬孤兒淚。又向窮途哭步兵。  
城南鸚鵡一汀洲。小築初成已倦遊。不見覓歸華  
表日。那知人去茂陵秋。琴無舊操登牀冷。桂有新  
香捲幔愁。野鳥銜魚煙景暮。傷心不上水西樓。

夢親詩

學古堂詩集卷二

七

偃臥山城片月新。秋風吹恨入思親。五年已作人  
間夢。一夜猶貪膝下身。池上綠通蘭槳路。洞中紅  
見露桃春。孤兒不孝今如昔。飄蕩江南作酒人。

同香嚴鍾文訪秋厓遊九峯信宿三日鍾

文先歸秋厓別去歸舟寄興

狂吟共喜得相攜。襍被重來問路歧。無地留兒寒  
入夜。有舟訪戴月沉溪。三升白酒雙蘭槳。九點青  
山一杖藜。分手恰同噴壑馬。幾行東去幾行西。

喜仲謀叔捷武闈

牙籤一卷恨難消。喜見

新恩下碧霄駿骨休論新郭隗虎頭須識舊班超

東山日暖堪揮塵

北閨春寒好

賜貂遊獵當年猶憶否柏亭西下射秋鴟

家尚廬先生得孫書賀

阿翁日日檢詩筒喜詠佳兒錦作封已見奇毛生

一鳳自看清影種雙龍

爾有雙松

青添夜浴岸錢小紅

撲春香繡襦重我欲來爲湯餅客峭帆愁聽雅山

鐘子有郡行

夜泊平望驛

學古堂詩集

卷二

大

放浪江湖愛此行孤舟旅泊問前程殘春古路村

醪熟半夜空灘江月生何處好山容蠟展阿誰小

夢按銀箏我來欲訪仙人宅一一峯頭似碧城

贈慰公用前韻

尋山喜共惠休行獵獵風帆一日程白社詩人誇

八斗香林禪客話三生夜移笠澤潮頭樂夢聽廬

山殿角公會住廬山

說法不堪傷霸業悠悠春月照

孤城

姑蘇襍興用前韻二首

昔日龍舟鳳舸行百花洲畔石湖程看人白眼成

興廢絕代紅顏恨死生種柳陂塘春走狗隔花簾

幙夜鳴箏遊人莫上蘇臺望愁殺陰句踐城

浮家長喜放船行山店斜陽水驛程路轉灘聲知

水急岸移帆影覺風生健兒夜放平沙馬小婦春

詞曲院箏今夜舉橋沽酒去好揀醉眼弔傾城

遊秦園

別墅依山有路通碧窗如畫玉玲瓏枝頭野果垂

垂綠水面迴欄曲曲紅五月難逢蒲葉酒一年又

到棟花風可憐處處開池館多在遊人指點中

新竹

學古堂詩集

卷二

尤

寂寂荒園春信遲娟娟嫩翠近前池巖邊待照千

年影林下新成七子詩含籀好依龍臥處著花須

待風來時人間自立非容易直到干雲見一枝

西莊詩三首

西莊寂寂有幽蹤望見村南九點峯婢識糟牀朝

壓酒童知茶竈夜燒松苦吟漸覺狂成性盛世惟

應老作農那得沿溪三四里盡栽楊柳種芙蓉

世情閱盡畏波瀾欲唱人間行路難農圃生涯猶

自古醉鄉天地尚應寬風翻蛺蝶花落雨溼鴛鴦

鷺鷥寒一畝種瓜一畝竹夜來新買釣魚竿

飄蕩時時到酒邊酒徒邀我醉西田喜吟每送催  
詩札多病長支買藥錢南國聽殘鶯百轉東風吹  
殺柳三眠雖然不及陶居士也有羲皇一枕年

飲席

八詠來尋舊隱侯酒人相見一登樓月涼小檻初  
燒燭香煖輕爐自送鉤痛飲醉消王氏臘嬌歌腸  
斷杜家秋最憐小立當溪夜一抹紅燈送莫愁

園中有感

飄泊何年近桂叢石臺西畔碧堂東登龍有命時  
堪惜薦鶚無人賦不工鼓角滴殘千帳露旌旗吹

學古堂詩集

卷二

壬

飽一樓風丈夫莫話功名事投筆還須一笑中

自感

從此無心學閉關十年飄蕩淚斑斑愁腸塊磊澆  
紅酒煙水乾坤放白鷗入月誤攀鄰氏桂放船飽  
看米家山人問大有蛾眉恨一問樓頭謝阿蠻

病中遣興

匡牀寂寂小簾寒不覺東陽帶已寬昨夜夢迴寒  
雨滴今秋病到菊花殘吟詩隨意囊中字採藥關  
心肘後丹我本忘機難適俗欲將煙艇問漁竿

贈丹霞潛歸大師

瘴煙一夜捲輕塵猶見芒屨老漢臣神武門前長  
往客衆香國裏再來人草迷北闕銅駝路香冷南  
朝鐵佛身我亦苦思捐世網從師來踏嶺頭春  
蕭瑟乾坤我欲愁詩囊竹杖竟長遊人間才子推  
懷縣世外高僧說趙州結社金翻千葉字住山白  
盡十年頭漢家尚有孤臣在瘴雨蠻花一鉢秋

遊西谿

水抱西村一逕斜孤舟渺渺入煙霞拖條藤杖堪  
忘世買片谿山可作家仙艫爐頭開竹葉秦人洞  
口問桃花人生富貴須何日莫使悠悠老歲華

學古堂詩集

卷二

壬

江上望越中諸山

放眼堪爲倒玉缸錢唐煙景逼疎窗一輪曉日紅  
沉浦萬點春山綠到江好古欲探丹穴禹攜家堪  
學鹿門龐秋深擬作南遊計嚴子臺邊買釣艫

雨中東家尚廬先生

廉纖暮雨滴空階小閣題詩作寄懷一代佳入講  
紫袖十年狂士笈青鞵夢迷錦水揚州路月落章  
臺柳氏街我亦飄零墟下客醉眠猶得近金釵

元夕同諸子段橋觀月

游子驚春蕩畫橋錦塘十里可憐宵渡頭送客新

鷗鳥樓角銷魂舊柳條。五夜花燈西子地。兩湖煙月段家橋。南屏北里今何似。鐵笛空山冷暮橋。

同里後學馬恒錫編次

孫男 鎬

曾孫 元澗全恭閱

學古堂詩集

卷二

五

學古堂詩集卷三

平湖沈季友客子著

南疑集

五言排律

雨行上蔡道中十八韻

漠漠層陰合。蕭蕭數騎行。遙天含雨暗。遠樹接雲平。曠野青泥溼。高空白鳥鳴。斷橋垂亂石。殘碣臥荒塋。靜渚雙鷗浴。輕蓑一老耕。分流官道沒。寒水客衣生。枯柳依頽屋。饑烏集舊營。城荒黃犬臥。路暗紫駟驚。過寺停征策。逢人問去程。煙中望山色。

學古堂詩集

卷三

一

林內出雞聲。土埃懸鐘寂。漁磯繫艇橫。在途嗟力倦。入店覺身輕。野飯方炊黍。村醪暫解醒。祇緣憐獨往。翻令念長征。點點因風急。瀟瀟到夜清。歸期憑落葉。鄉思托啼鶯。欹枕燈將滅。支頤夢未成。孤蓬南下者。應共此時情。

遊汝南觀音閣五十四韻

四海行遊子。飄然入大梁。賢王徒已矣。才子竟何常。久識淮西路。猶多古道場。天開金葉地。人繫紫絲囊。藹藹芙蓉嶺。陰陰薜荔牆。雙溪迴古壁。一逕繞寒塘。林擁慈雲暖。庭隨法雨涼。苔深鋪錦繡。松



老秦笙簧智慧爲香界菩提作寶坊臺應名般若  
谷亦號寶篋佛座金篋見簷牙鐵鳳翔孤藤皆百  
尺古木已千章紫鴿棲禪樹青蓮散妙香櫪嘶支  
遁馬花隔贊公房貝葉蕭家偈金魚大士筐山樓  
懸寶鏡水檻種沙棠竹許王猷看琴爲阮籍張元  
猿猶夜定白馬尚晨裝梵字藏千卷珠林護兩廂  
旃檀新慧火師子舊禪牀戲鹿孤園靜棲雞老樹  
蒼齊梁多壯麗汝洛更雄長玉磬高僧食青螺古  
佛粧三花原勝迹八水盡香光只此法無上因茲  
興不忘三車逃大乘四國恨孤芳我亦金輪子來

學古堂詩集

卷三

二

觀白鴈堂高踪尋長者多病問空王徒有逃津暗  
慚非濟勝強年將如鄧禹懶頗似嵇康作賦吟朱  
鷺垂竿著白羊欄危逼龍象風冷薄衣裳斷岸留  
殘雪疎鐘送夕陽金鳬知舊苑銅雀望清漳獨鶴  
依寒石昏鴉噪古楊松崖橫牧笛釣艇泊漁莊有  
客歌鸚鵡無人買驢驢天中山隱隱淮上水湯湯  
東去家千里南來鴈數行羈愁淹歲月行旅畏風  
霜波起潢河白雲連少室黃扁舟思故國人語厭  
殊方寺豈蓮花界山如華子岡還餐朗公橘更飲  
蟻邱漿鉢底青精飯窗間白玉觴世皆貪幻夢我

欲問慈航四大身難度三空性易傷聞經尋別院  
閒步趁脩篁勝地賞方洽歸途晚不妨諸天皆繚  
繚衆樹已微茫暮鼓鳴寒殿宵燈照小廊隨緣驚  
嶺上送客虎溪傍寂寂真香國飄飄舊沈郎何須  
愁去路明月起滄浪

十三夜西湖謠集二十韻

潮海淪交土高軒集四衢龍門多勝友虎觀有諸  
儒小棹風千里華燈火萬株南皮詞客會西子美  
人湖絕獻銜春燕漸虬抱夜珠暖煙黃著柳新漲  
綠侵蒲梅白林家墓宿青卓女壺蘭橈飛鳴鶯花

學古堂詩集

卷三

三

院捲蝦蟇鄭子開新驛邵公費舊廚文辭傾兩漢  
意氣動三吳梁苑留詩史高陽屬酒徒英思飛玉  
屑佳節走金吾狂舞憐鸚鵡清歌喜鷓鴣有人皆  
白鳳無酒不紅螺大雅推才子登高憶大夫娟娟  
銀鑒落的紫珊瑚交呂懷龍友琴稍識鳳雛碧  
峯沉翠霧粉水浴金鳬絲繡平原客花迷梓澤園  
六橋明好在滙月豈云孤

七言排律

上巳後二日集紅豆閣分得六魚八韻

谷口慨鶯一草廐何期長者各停車論心無計消

兵氣問字空慚讀父書南國三春過上巳東風一度賦閒居采蘭有客思香草贈芍何人結翠瑤沙浦漁郎愁曬網花溪浣女笑蒨裾欄邊銀葉初熏鴨席上銅盤好釣魚酒熟白蓮春社暖花殘紅豆夜窗虛異時海內羣公在八斗才華實起余

感事十韻

二十年來鷓鴣行雄心那識鬚毛蒼攀龍久抗中朝疏教鯉初含內殿香起就池塘養猿鶴教成歌舞費笙簧匡時自許同伊呂言利何爲似孔桑已見金錢催賦入誰憐白簡痛人亡茂陵不復求遺

學古堂詩集

卷三

四

棄秦望惟堪下夕陽里畔新菑春有露臺邊舊柏夜無霜梅花綠野聞鄰笛燕子紅樓鎖內粧梓澤名區傷石友梨園小部憶周郎空餘孤櫬還鄉處指點高墳種白楊

五言絕句

怨詩

絮白梅子黃門外青春老背爲枝上花今爲路傍草妾居東家樓郎住西家館不道咫尺間盈盈似銀漢

贈屠問兼先輩

一笑功名在飄零非所憂牀頭有龍劍夜夜夢封侯

贈雲門梵公

秋花點翠飄夜月飛香錫踏遍舊南朝不知幾兩屐

寒山

古木蒼長綠晴雲晚白還遊人休苦熱前路入寒山

法螺巷

學古堂詩集

卷三

五

一徑入山南鐘聲下碧潭山山如翠黛染作法螺菴

千尺雪

碧澗飛清泉孤亭起山穴洗我萬古愁來看千尺雪

折楊柳歌二首

新下征南檄起送良家子抱鞍過長亭東風吹馬尾  
皋蘭山下柳一夜落長條聞說征書急孤軍夜渡遼

箭河

試上靈巖望長隄。起暮雲。箭河煙樹影疑是水岸軍。

觀魯公書生公講臺四字

生公舊講臺石上作歌舞。留得魯公書。空山泣風雨。

專諸巷

烈士昔烹魚。英風起故墟。行人春巷口。猶自問專諸。

七言絕句

學古堂詩集卷三

太

春夜聞鴈

故園春信隔平遙。夜雨書窗黯不歸。爲問天邊嘹唳鴈。可曾經過鵝湖來。

送譚南村之汝南二首

欲唱驪駒不忍聽。無邊驛路草青青。柏亭亭畔多離別。應作勞勞送客亭。

天中山色望中迷。客裏何堪又解攜。倘倚仲宣樓上望。故人多半在棠谿。

宮詞

遲日爐煙繞鏡臺。綠陰淡處畫簾開。西宮姊妹朝

相過。道是羊車昨夜來。

流鶯語燕總難聽。春入紅羅六曲屏。芳草不關人世恨。上陽宮外又青青。

幅幅紅綃染淚痕。櫻花永巷舊長門。樓頭縱有能言鳥。不肯分明報至尊。

軍裝女騎出甘泉。走馬迴頭弄寶鞭。一帶綠楊隄上望。錦靴鈎入五花韉。

翡翠樓前御水濱。春衣裁就越羅新。萬年枝上無情鳥。喚起承恩夢裏人。

千門魚鑰驗官牌。九子風鈴響碧臺。誰似多情一片月。夜淡飛上玉階來。

學古堂詩集卷三

七

送人之隴西塞上

曾將一劍得生還。今日征鞍又出關。回首十年征戰地。黃雲白草賀蘭山。

春雨

紫駟何處醉旗亭。薄霧輕煙入杳冥。最是年年寒食雨。一番覓斷柳條青。

唐宮

沉香亭上月娟娟。力士花奴在御前。欲譜清平行樂曲。隔花催召李青蓮。

西園雜詠

僕邱整爲情煙霞成疾辛亥初夏旋歸南  
國昇跡西園時正螢飛腐草蟬噪繁柯半  
隴耕煙數椽溪屋盤中之周生紫蓼嶺上  
之陶公白雲幽蘭數叢更在羅含宅裏長  
松一樹還看孫綽庭前臥紅雨以成茵採  
碧筒而製服蘇門山上臺長以嘯爲名柳  
子溪邊邱亦因愚而辱士龍興到每裁北  
渚之詩靈運思來頗慊西堂之夢況乎絳  
帳談經正逢曹植綠紗題句復遇孫登錢

學古堂詩集

卷三

八

起之素札長通郭泰之蠻箋屢至故夫鳥  
嘯花落座上無塵泛綠浮紅杯中有物夢  
醒莊生蝴蝶吟成鄭子鷓鴣各賦新篇用  
彭雅集

竹林斜映晚鷄飛露冷山窗月色微無數白蘋汀  
外水夜來新上釣魚磯  
閒臥經春白袷衣西園真覺世情稀小池寂寂鴛  
鴦睡細草青青蛺蝶飛  
十二朱簾畫影低桃花飛出武陵溪綠陰風靜清  
陰滿無那雛鶯款款啼

採香亭北畫橋西門掩黃昏月易低近水紛紛花  
片落錦鱗撥刺傍寒隄

柳枝詞

千條萬縷碧鄰鄰繫馬藏鶯一路春日暮隋家隄  
上望綠陰深處更無人

遊山歸棹

一簾山色一林花欲訪名山路不賒一路看山山  
更好好山隨處可爲家

花燭詩三首

一水盈盈照玉嬋十圍明燭夜光添金堂不待簫

學古堂詩集

卷三

九

聲起鸚鵡紅欄喚捲簾  
合歡杯設鏡臺前銀燭紗籠散綠煙柏子帳中飛  
綵線一時齊撒五銖錢  
花影無風度小亭曉粧臨鏡傍疎櫺揀將五色江  
郎筆爲寫春山兩點青

旅行憶梅

沈郎匹馬走荒臺故國寒梅開未開古道春寒無  
驛使江南難寄一枝來

春閨詞二首

素手封書帖翠鈿迴文小字寄花箋人前不敢垂

紅淚一半春冰落枕邊

怨別嬌歌金縷衣歸期何在龍雲稀不如掠水雙  
雙燕隨著郎船到處飛

鴛鴦湖偶興

草綠鴛鴦湖上來空登煙雨舊樓臺愁心一似垂  
楊絲費盡東風結不開

香奩體二首

夜靜無人露滿苔微風十二翠樓開無多燈燼相  
思候猶有殘更入夢來

文杏空梁燕子輕晚涼花片落前楹夜來多少江

學古堂詩集卷三

十

南雨聽盡黃昏枕上聲

相思曲

不分相思處處生金樽玉柱獨關情蕭郎倘有思  
歸夢此夜秋山月正明

洛城自悼詩

丹旌悠悠拂去津寒雲凍雪捲征塵孤兒不孝餘  
生在猶作天涯慟哭人

他時藥碗與蓆牀今日音容竟渺然一望山川成  
異路秋來始覺白雲長

笑笑老母倍含悽伯氏鄉關驛路迷今夜孤猿明

月下一聲聲是斷腸呢

掩面含悲恨此身殘燈明滅歎沉淪白楊風雨黯  
黯夜骨肉相看有幾人

地闊天長道路難西風吹起夜臺寒

聖朝不是無天祿十載青袍誤一官

十年遺政萬民思臨去攀車灑淚時寄語洛城諸  
父老年年好拜使君祠

遺懷

辛夷花落柳垂時尺素無由寄所思何必鷓鴣啼  
不住春愁撩亂已如絲

學古堂詩集卷三

士

夢遊詩

竊聞洛水宓妃陳思作賦巫山神女宋玉

裁辭才子善於言情仙娥亦豈無恨甲寅

初夏予與屠閔兼先輩遊陸氏園至花神

閣下此時殘照當窗寒山倚水不及登攬

而紅蕖兩岸青雀催歸明日閨兼有詩見

示曰夜夢青衣招至一所雲簾窈窕乃謁

花神麗質明眸天然絕世嗟乎漢皋女伴

珠珮逸郎青溪小姑金簪贈客杜蘭香滿

湘澤畔崔羅什長白山中莫不寫艷青細

留情丹管況花宮仙子花苑瑤姬葉葉牽

愁枝枝寄恨者乎聊和佳辭率成短句

西飛青雀夜漫漫絳闌瑤池舞白鸞自是君家有

仙骨玉篴親賜未央丸

半覺羅浮夢有因月明風冷落梅頻青峯四百花

如雪一一寒香似美人

日暖青溪放木蘭歸來月冷倚危欄道人不作遊

仙夢一夜清風到枕寒

花宮寂歷鎖殘春齊識仙郎是舊人我亦從今思

一去瓊樓玉宇認前身

學古堂詩集卷三

主

陸公輓詞

謝家門第愧諸郎梧竹悽然舊草堂我有羊曇感  
恩淚西州一夜月如霜

望佛詞爲伎人馬三作二首

裝得旃檀古釋迦手焚銀葉歛香霞口中猶有青

蓮在記取前身誦法華

一卷金經落日餘枇杷花下浣花居荷巾鶴氅春

風裏何似成都薛校書

南園竹枝詞二首

最愛春三二月邊看燕時節焙茶天廣行橋下東

流水送盡紅紗兩勝船

野花飛飛撲玉缸艷陽天氣蕩花幢春風布滿愁

人地亞字欄干記字窗

南朝宮詞

錦瑟冰絃上玉樓侍兒紅綬束吳鉤宮簾一帶開

燈火女婿新招劉豫州

吳宮

江南新下石城秋吳女三千入畫樓竹葉青青滿

宮戶羊車聲已過金溝

晉宮

至尊聞說愛楊蒲會遶牀頭喝作盧苑裏內家新

學得開窗閒賭紫珊瑚

宋宮

學古堂詩集卷三

主

新開埭口拂青帘只有官家愛醉眠細雨杏花春

齊宮

店晚藕心親擲酒家錢

寶誌西歸講苑荒捨身錢去贖君王深陽公主侯

家婦夜醉同來上御牀

梁宮

御客才華妃子客隱囊膝上綺羅風生憎飛渡隋

高穎一曲臨春聽未終

陳宮

謝尚廬先生惠盆中小松

兩樹蒼鱗似老龍分來一粒有清風自憐不作封

侯夢也種丁家十八公

南村看芍藥

記得河陽縣裏枝舊時官閣看花遲只今淚在愁  
人眼又見江南花發時

響屨廊舊址

舊日吳王歌舞臺空山日口長莓苔可憐響屨廊  
邊路只有遊人蠟屐來

席上聞歌二首

日日悲秋百感生青尊紅袖不勝情狂奴不是繁  
華子愁殺蕭娘宛轉聲

北宮南調捲輕綃更有殷勤赤玉簫一夜不知花  
落盡隔簾秋雨亂芭蕉

學古堂詩集卷三

古

贈陸二新婚二首

白哲風流喚陸郎衣香十里送輕裝閨中莫笑封  
侯相好女應如漢子房

詩寫催粧十幅紅銀泥卷子縷金籠謝家閒說才  
無敵柳絮寒吹一閣風

錢江晚眺欲買舟訪毛大可先生不果

乘舟便欲訪松關梁苑題詩十載間今日懷人隔  
江望江湖如雪打春山

十八澗

急響潺潺綠草坡我從十八澗邊過生憎日夜無

情水流出長江是白波

登螺月樓望螺髻峯

螺月樓看螺髻煙一峯晴翠逼樓前何時攜得書  
千卷來對峯頭住十年

燕京春詠三十八首附

僕本善愁兼逢多梗思親腸斷驚秋夜之  
啼猿撫事覓消聽春山之橫竹箋墮芙蓉  
之粉無筆爲花香殘蛺蝶之羅有袍如草  
佳年去矣何堪鄧禹笑人長欒來兮徒使  
馮驩失路感哀之雲頓結鳴咽之水爭流

學古堂詩集卷三

古

十暑三霜真慚淹臥之計紅埃白道忽動  
遠遊之情隋苑荒隄尚攀楊柳魯城古殿  
不見麒麟旣浮瓠子之波復度桑乾之岸  
乃自孟春整轡迄乎仲夏迴舟三輔河山  
五陵煙月望金臺而影落平易水以波寒  
綠樹川原一痕垂雨紫泉宮闕萬疊凌風  
酒熟旗亭夢到雙鬟之曲花飛韋杜人分  
十里之香笑漫刺之禰衡空攜麈尾識苦  
吟之柳惲只挂詩囊爰誌見聞偶參朝野  
就其風壤之內托諸景物之間雜次成章

分行拈韻懷中小冊敢爲寶劍之篇句裏  
長諸半似竹枝之體未能免俗聊以寫愛  
云爾

帝京高擁

九重尊正北山河紫翠痕下馬棋盤街上過金書  
遙識

大清門

堯衢馬向拱丹青鶴立排班曉入朝聞說

御前稱萬壽

天顏喜處奏蕭韶

學古堂詩集

卷三

七

日照龍池百寶欄金爐香重不知寒葡萄糕紫酥

丸白分賜

經筵保直官

三殿晴吹綵仗風鐘聲初散掖門東金牀玉几深

深見飛出宮雲一道紅

水殿積香趁暖風釣魚同坐畫船中晚來拜得

君王賞捧出晶盤一尾紅

大宴瀛臺捧翠巵柏梁聯句似當時秘書閣下應

頒賜香棗新雕

御製詩

能調樂府有關卿同樂時聞戲鼓聲演出傳奇新  
樣好河清海晏樂昇平

聞說南宮滿繡茵銀鈞古帖錦囊新

君王筆陣雄無比大字橫書賜近臣

太平賸幸說

天家海子香波漾碧紗細綠團紅春正好宮人應

掃

御牀花

八尺明駝壓帳房鸞旌雉帶小金轡黑鞭打過天

街路

學古堂詩集

卷三

七

翠輦東巡鳴綠江

靈寢龍蟠舊

帝鄉齋壇春祭白茅香黃衣中使歸輕騎傳說

鑾輿過瀋陽

恩從紛紛出錦川

官家偏愛繡羅襦就中獨有高常侍花影前頭近

玉鞭

四國輕車見使星千年古后有山陵黃赫赤黍分

纓罷

小勒新頒鳳尾綾



內府由來九奏長金支玉瑄叶官商芙蓉殿裏新  
款

詔特賜宗官定樂章

萬里琉球人貢來春樣驚浪海洋開手持玉節封

王去天使應須選上才

魚鑰東華晚未局御溝暖溜送春萍花雲低壓官

簷上露得西山一角青

綰綬排衙散曉煙每逢三五去

朝天百官新有承恩事大例關支月俸錢

綺筵唱月點紅牙惱亂愁腸到落花夜夜歌鐘香

學古堂詩集

卷三

文

不散春風都在五侯家

柳絮飄香燕子飛金鰲玉螭午風微龍舟泊滿如

雲錦西苑東頭候

駕歸

解甲春銷萬幕煙凱歌鐵騎走蠻天侍臣各獻平

滇頌細寫銀花五色箋

年來兩粵罷邊屯更喜休兵閩海村昨夜無諸傳

首去紅旗遮暗順城門

大野叢山愛打圍

天朝請武見兵威盤中翠羽雞初熟馬上紅毛兔

正肥

上已題詩曲水香風流猶見益都觴飛來小東招

詞苑早集城南萬柳堂

居庸一道見雄關

大駕西巡尚未還萬朵芙蓉天半落進香剛到五

臺山

御鞬爭放海東青射虎親飛鐵箭翎長白山頭春

不到雪花如掌撲金鈴

海外鯨波蕩不回廿年窮寇尚餘灰督臣重有開

邊畧昨夜臺灣報捷來

學古堂詩集

卷三

元

飛出恩光五朵雲

欽差詔使各纘紛

御書扁額頒天下褒語須爲清慎勤

丙戌科名占兩開門生立雪滿朱扉一時豔說司

文柄獨有承恩三布衣

天壇遊去板車牽苦廟歸來草帽偏買得豐臺紅

芍藥銅瓶留供小堂前

高城斜帶翠陰涼處處樓臺綠楊最愛一番粧

東好滿街都插紫丁香

朝來輕暖透生綃剪得春風上翠條窗外一聲鶯

小睡貴花人過玉河橋

報國松聲響碧臺暖紅香透海棠開宋元古物多

如繡爭趁今朝大集來

晚來風急捲塵多九陌千門襯軟莎腰鼓聲聲喧

滿路小兒爭賽鬧秧歌

鳳笙吹破百花天錦縛層臺簷蓋軒閣說內攢官

戲好一時齊上太平園

春肆烹泉開錦棚日斜宮樹散啼鶯朝來一點甌

香好馬上新茶已入京

幡綽毘盧故老多吳儂風味曳輕羅玉欄高處聞

學古堂詩集卷三

絃索法曲新翻水調歌

廣路三條直似繩香車輕輦過千層綠沿蓬子涼

生處銅梳聲聲喚賣冰

畫壁旗亭若箇知悔將百韻費春思憑誰月好花

開處付與紅紅唱此詞

同里後學馬恒錫編次

孫男 鎰

曾孫 元淵全恭閱

學古堂詩集卷四

平湖沈

秋蓬集

古今體詩

詠漢樂府

太牢祠

秦鹿一走咸陽紅芒山死蛇如白龍天生隆準兒

不識書與詩乃公以馬上得之野雞大人斂小走

狗多沐猴少亭長居然拜孔老

太倉粟

學古堂詩集卷四

財者國之殃民之蠹奚爲忘身而好貨漢家文景

賢者流亦有官倉塞紅腐雖云累朝儉德然猶恐

神州怨租賦何況前鹿臺後瓊庫

七國平

削地行反兵起七諸侯一時死無知陷其身可憐

矣男子死亦不必悲生亦不必喜君不見條侯獄

家令市萬古沉冤向誰語地下啾啾啼二鬼

算商車

武皇一手挽衆利稅酒權鹽鑄金幣又聞有詔算

商車秋毫已析無遺計奈何天子爲天下君而判

我民養我身。誰實導之。桑孔者倫。至哉聖言。寧有盜臣。

武功爵

君舜禹。臣夔皋。胡爲入錢輸粟。市道相爲招。玉階金鎖開。銅臭紫綬如。麻印如豆。侯家奴。田家叟。朝朝暮暮。君不見文園病客能文章。公然不恥爲貴郎。

樂大誅

少君亾。少翁殺樂大。何人尚桀黠。官家抵死求長活。可憐百鬼來禁方。多不驗。寶刀落處仙腰斷。銅盤露冷青雀悲。悔不早識偷桃兒。

封禪書

生行不足重。死言將誰期。希世合上旨。遂起封禪儀。翠華玉輦東巡處。聞有仙人牽狗去。君不見嚴朱文。衛霍武左孔。桑右湯禹。君恩不及爾。妻子文君。壺下潸潸雨。

宣防築

崩沙惡浪沉黃玉。桃花飄盡洪圍竹。卯金天子貪大功。十萬銀錢落魚腹。但當繫河伯。鞭河公。縛河馬。斬河龍。何須又築宣防宮。

京房龍

頓邱神術通四聖。望氣占星執天柄。身作漢廷郎。迂談諷時政。小臣乃敢爲大言。公卿豎髮張老拳。嗚呼京生。學易失易理。進退存亡可知矣。

五時廢

天地無心荒八極。人乃不敢與鬼敵。忽然飛詔毀叢祠。破瓦枯苔春寂寂。赤帝收火傘。青帝捲翠旂。白帝食盡金虎饑。黃帝力絕蒼龍疲。黑帝失勢元鳥狀。五時壇邊紙灰冷。土焦木壞神無尸。嗟哉世上有妖不難去。恨無抗手匡衡疏。

學古堂詩集卷四

三

長楊獵

古先哲王獵以講武。戒爾佚遊蹂躪厥土。何爲日在長楊宮。皇帝大誇車馬風西至。褒斜東宏農票禽狡獸如死蟲。納之射熊山館中。君不見雄也口吃以賦諷。餘子便便舌不動。

綏和震

綏和災異如亂麻。天子方賞漸臺花。剗然地軸驚一震。翻江倒嶽崩雲沙。可憐百姓愚。覆壓命何賤。未死人妖死天變。蟒大走作新都侯。燕輕飛入昭陽殿。

馬太后

父忠臣女賢后生兒作天子  
纔衣練裙不飾首濯  
龍織室含飴久明德母儀勿去口  
醜殺唐妃與晉  
婦君不見朝外戚誅呂王  
暮外戚殺寶梁馬氏之  
家獨不亡

天竺使

尼邱一老骨尚溫公然天竺來桑門  
貴無爲而賤  
有作其言微妙頗不根  
智珠火髮金精眼清淨  
峯光明開圖見像思大驚  
撞鐘吹螺爲梵聲噫嘻乎  
西土之人好者佛東方之儒不可說

學古堂詩集卷四

白虎觀

天家有詔開芸局道上經生走如轂  
五經觀裏爭  
校磨石渠故事章皇續十年未得成一書  
那得青  
編許人讀嗟爾諸儒唇乾口燥筆已禿  
不若虎頭  
飛食肉

靈昆苑

埋我田園與團食我民鳥與獸  
薪采芻牧不得入  
官家苑裏春如繡司徒豈足聽任樂眞吾朋爲樂  
常苦短松柏悲文陵嗚呼寧使漢室河山饒豺虎  
不及靈昆一寸土

西泠橋

幾尺空波面彎環翠石眠  
萍開鷗影外魚認柳痕  
邊入鏡銅初蝕如鈎玉未圓  
同心蘇小小環珮一  
珊珊

湖上小飲和鹿澹韻

錦塘收雨作新涼  
黛抹羣峯正洗粧  
一樹嫩黃棲  
鶴子半池細綠饒  
魚秧時逢好友心爲醉身入名  
山夢亦香我輩白懷千古志  
旁人未許詫高陽

東湖舊詩

己巳春邑史告成有採子詩入藝文志者

學古堂詩集卷四

五

子以山川名蹟不乏賦詠特取近代數君  
子而次第之蓋皆風流卓絕之彥不得志  
於時子故重其才而悲其遇得斷句十首

曰東湖舊詩以正同學云

當代才名起澗阿  
攬生瀟灑善詩歌  
文章兩世成  
何用欲哭秋風奈爾何

趙退之

穉農逸氣滿江關  
飽歷兵戈老始還  
今日遺書零  
落盡不堪澆酒向青山

錢稱拙

門第高華絕俗姿  
名罔詩酒憶當時  
梅花不解微  
君恨開遍耘廬雪後枝

馮兼山

儒雅扶風擅一燈談經戶屢日常增老生七十無  
章綬不及相如死茂陵馬飛生

抱犢鋤花句漫題蕭齋處士樂幽棲憐君埋玉猶  
無地鬼火燒青夜滿溪馬子野

磊落甘山日苦饑學書學劍學禪儀如今眼底無  
奇士招爾清風續楚詞于甘山

水北三山鶴髮翁幅巾猶有上皇風舊人風味凋  
零久記得衣香硯影中過叔寅

博物真堪重夜臺芳洲門逕鎖蒼苔錦書一半無  
人讀思熊雄吞萬卷才陸狂生

學古堂詩集 卷四

六

桂海鱸江傲吏船一生科目恨無緣籃輿弟子傷

心事松菊荒來二十年施肯廬

吟社風流憶昔頻暮年裙屐尚嬉春雙松石畔婆

娒處付與山陽笛裏人家叔翰

題明倩小影

淺草如秋馬足開羨君真是挽強才丈夫莫射林  
邊兔直取青狐赤豹來

武林遇查庶常昇賦此贈之

曾攜半束書敲驢走京甸徒恃一寸鐵欲博鉅鹿  
戰六關空自刷終乏風雲便金臺忽逢君各認座

土面幸締車笠言情好歷親串年來別夢中見爾  
坐櫻宴今果抽銀毫灑遍紅藥院而我仍何爲苦  
吟呵破硯茲焉過西陵江梅正如霞適當錦袍還  
僧樓復相見不嫌踪跡疎猥先及昇賤殷勤話時  
昔意氣等激箭交道逮今日千鈞繫一線往往管  
鮑胸冰炭候而變使我每念之氣咽孰能瞞君獨  
敦古雅此心白於練夜涼賦短章雨作跳珠濺則  
思幾度春冷然傷抹電

夢中得游仙絕句

斗大三山作醉鄉玉龍飛去海天長朝來不趕紅

學古堂詩集 卷四

七

輪脚插遍東田萬樹桑

長至後五日集談震方寓齋小飲兼送徐

淡持南歸分得潭字

燕市重停踏雪驂六年離夢快雄談狂如仙吏才

何敵醉到愁人鬢未堪城角山青雲直北街心月

白鴈橫南尊前妬絕將歸客欠爾春帆印碧潭

贈高太常層雲四首

桂海梧垣久飲香頭銜新換上卿行比來不舞霓

裳曲只爲才人定樂章

宮錦風流早退班改蟲集名有句付雙鬟詩成尚飽

青樓管灑作溪南六尺山

昔年燕市和歌時只有君家小鳳知令子權客甲  
燈同七度春紅如電抹爲誰辛苦唱燈詞子年曾和予

招我瓊窗錦幕前煖爐烘透嫩寒天酒酣誰觸鄉  
心動前里先生一釣船高書齋名甫  
里先生釣船

元日用高青邱西園韻二首

韶華容易度春姿留得縹緲細碎辭聊以三升澆  
阮籍敢將八斗說陳思白開舊夢分夢青入新  
愁柳放枝偏怪曉來貪睡穩任他鶯唱早朝時  
欲把清吟譜衆芳阿誰阿筆喚新粧思家似燕尋

學古堂詩集卷四

八

花壘寄食如蜂做蜜房書尺喜添長日課髮絲怕  
減隔年香鳳城錦片催春色鹽雪貂風不耐涼

上大司馬容齋李公

河嶽中原抱紫霞獨成名佐國爭華一登漢閣飛  
仙地六掌周官亞相家衫色夜來紅賜錦履聲春  
到白填沙欲知今日銷兵處鈴下雙童掃落花  
御筵恩下綵幡新看取飄飄鶴立身風度冷然巾  
自折文章老矣筆何神龍行酒著舍飴子桃在門  
容帶笠賓更與清班傳盛事迺公猶作捧輿人  
先庚一度小稱觴恰數春來匝月香早助

九重催稼籍還留五夜放燈場醉添鬢影猶垂綠  
陰減腰痕正束黃幾許鳳城花月好十分都在臥  
遊堂

不笑燕臺走越儂也曾許我叩談宗寒禽夢入丹  
霄鵲寸草心依翠壑松接席喜聞開洛社投詩羞  
與頌華封年來儘有懷中賦願向翹材館下逢

邵少詹遠平招飲賦贈

十年清望獨承恩學士風流在綠樽此日言情非  
宦海何人樹德似君門纔披翠葛分衫影尚摘紅  
榴記酒痕閑說儒臣多異數

學古堂詩集卷四

九

御前添賜紫花墩

憶昨雙高臥冷煙秋燈初認玉堂仙曾扶筇屐穿  
層閣每借魚叢問輞川唵不隔於香草外夢如飛  
到翠波前天街白笈重來客猶喜烘爐話綉筵

送周編修金然典試楚中

金市秋花送玉卮澧蘭沅芷倍香時阿誰不妬風  
流地占得才人作主司

包山小約有蓬門東絹題詩記墨痕他日美莊過  
六十休忘一點木奴村周與子有結鄰包山  
之約曾有詩及之

羊流旅壁有查慎行潘霜男棹周青士詩

卽用其韻二首

故人傷客死此恨豈堪論當路何知士詩翁只住  
村土香無俗骨月冷有歸魂山店濡毫處添來一  
淚痕

常谷真詩老殘編憶細論鴈奴沙外舫梅子雨邊  
村自入漁樵傳難招水石魂天涯看宿草又帶晚  
霜痕

哭鄭上舍觀袞

浮生都一死客死更堪哀世路方徵鬼天心本忌  
才殘書粘敗蠹歸櫬溼荒苔壯士無邊恨隨風入

學古堂詩集

卷四

十

夜臺

峒嵒曉行

何幸朝來弄峒嵒一逕賒雪紋翻白浪日影射金  
沙東盡方南嶺山窮復水涯一般真喜事歸及有  
梅花

送孫孝廉叔貽宰宕渠

玉河新柳綠毵毵欲送春風酒不酣境僻縣官閒  
亦好天涯兄弟別何堪筆搖錦樹香分席花落銅  
魚影在潭君到此中應憶我青青山色似江南

贈王學士頊齡二首

嵩生奇翠恰三花第一風流學士家衫影半爲香  
拂遲賦情多在碧籠紗此門並立秦關雪何殷親  
嘗龍鳳茶試與清班看盛事粉箋銀槓通東華  
絮白櫻紅暖玉屈狂生也合小題詩總當夏淺春  
淡日正是花開月滿時賜錦人無霜點鬢采蘭亭  
有墨平池十年愧奉垂垂意猶向江潭作釣師

贈張行人往可

碧岫滄江秀獨淡槎仙風度重朝簪鴻文已滿書  
郎口虎節遙驚會女心千日翠開中夏酒一花香  
出古嵩林憑誰聽我餐霞曲譜入瓊樓鳳足琴

學古堂詩集

卷四

士

師門久識並金柯小贈其慚破墨何朶殿閒如星  
使少翁山才亦卯君多吟聲紅刻三條燭涼影青  
添幾柄荷倘許問奇亭下坐有人秋思繞巖阿

贈查編修嗣韓

十載陰鞭踏紫衛君家兄弟最相於謂夏重聲山  
東亭諸子  
獨傳唱第尊唐宴已見談經過漢儒東觀都稱仙  
史頌北堂遺捧壽菴圖寒禽莫道枝難借綵鳳何  
曾少帝梧

東家侍御弟愷曾

似此風流稱玉仙紅榴花下嫩涼天鳳城笑我仍

枯坐桂海輪君正小年飲口欲乾干玉腕吟腰不  
瘳十蠻賤而今記否勾留處燈影荷香夜喚船

辛未之春予寄家都下因作長句索諸君

和之

吾生不合斷天骨誤落世界如黏泥南江熱雲西  
嶺雪無端又逐紅門曉而泥牽攀苦分寸那得便  
了懷百蓮魚目混珠鵠類鷺月給亦靡太倉稊舊  
鄉虺蜴伏戶下數口待哺同家雞布帆半幅書兩  
束欽翁撐臂來北樓宣武門外幾弓地檐牙扇仄  
窗脚低庭空何有有獨樹亦若孤立排蒼萋縛離

學古堂詩集

卷四

圭

插花點香萼開柳種豆籩碧黃澆酒懶弔金帝駿  
尋詩或隨錦囊奚頑遊頗饒靖節子善病恰稱維  
摩妻自許狂奴泛類玉偶逢閒客揮談犀里親世  
長負炎態反唇顛倒還相稽當時同學盡青紫對  
面格格成生黎我亦怖之勿復顧逃去甘作野鹿  
麋逝將買田老林屋鋤別蕙圃澆茶畦涇銀三萬  
頃頃接晴翠七十峯峯逃鷗波已逼釣絲冷有人  
招我歸來兮

和史庶常申義京邸初度詩

同住江南筍蕨鄉就中金粉好林塘泉翻歌老茶

芽碧隄弄隋家柳葉香早已此郎聞上苑遲將阿  
母拜春堂十年一面今方識似覺疎慵漸可傷  
馬蹴天街嫩雨晴聯扉接巷記分明宦同佳士何  
妨拙詩與寒僧恰闌清東壁硬黃香獨古北窗涼  
翠暑偏輕相逢休作喧塵看別有蕭疎一樣情

和答張雲翔

湖海曾論幾輩文多君清灑意何殷燕壚醉客應  
千日秦壘攻詩自一軍好月夜涼梧落影飄風秋  
急鴈分羣時諸子將有南歸者才高莫笑卑棲者看我溪南  
足蠲雲

學古堂詩集

卷四

圭

贈家二兄涵二首

袖香重惹侍臣班誰不風流識素顏花下句成臨  
絳帖酒邊人到問青山世情自軼古燕外才地應  
推諸謝間一度捧觴秋最好亞欄金粟正宜攀  
禾雪盈盈積翠鋪十年池草愧知吾獨呼簪筆名  
三殿猶記燈船醉兩湖有意頭龍分夜雨無家客  
鴈出秋菰時人莫詫凡賢餐試看蓬仙岸幘圖  
長句賦呈王阮亭先生

在昔京華盛朝士才氣直壓雄山河文絃崢嶸奏  
雅弄詩壘錯落排雕戈漁洋夫子領羣彥錦彩烏



帽紫玉珂動節蟠空志超軼。隻手可束生蛟螭。  
御帳蓮紅頻召入。花箋句淫宮牙呵。擬諸古人孰  
其匹。於唐白老宋小坡。子本江湖負青子。家令兩  
得同仙科。癸甲之初窺六館。橫經更喜沾菁莪。往  
往殷然在吐握。出納字由涵太和。脫復訓詞標石  
鼓。本覺溫厚無偏頗。幸從絳紗與談譙。蠟鞵每印  
蒼苔窠。年來落葉負所知。陰鞭釣艇歸嘉禾。當時  
龍詩在篋底。耿耿清夜光盪摩。只今猶窘天街步  
敝裘。羸馬遭譏訶。邇來公卿不好士。撐戶戒勿交  
嚴阿。重以人情險熾甚。舉足便畏翻顏波。已甘硬  
學古堂詩集卷四

古

韓鶴汀招飲楊園分得東字

暖席相招坐碧叢。冬郎偏不負春工。鶴驚白石三  
分雪。柳愛紅欄一面風。攜樽忽來塵夢外。登樓欲  
老賦情中。他年未冷看花約。尋我東湖又向東。  
上彭溪門先生  
天生偉人固有數。駿才鴻業難兼之。若彼旂常與  
鈴索。各以所就專其司。古來不多燕許輩。近代尤  
乏鸞龍姿。吾鄉金粟先生起。光芒獨出萬丈奇。晶  
籠玉尺妙才智。緇番彫甲雄文詞。羣材斤削視宗  
匠。五都座肆誇鼎彝。往年  
天子召良史。香名壓倒千宏辭。以茲久膺  
學古堂詩集卷四  
圭  
紫宸春曉趨朵殿。夕御池蓮紅歸照。紙窗底書繡  
夜半煎黃廢庖童。杼婢各了職清儉不異寒素爲  
昨者天卿飲其亞  
帝謂銓掌須參知。斗望高於白戡衆。鏡痕明似青  
玻璃。談風月處捉犀柄。坐臺閣時掀竹皮  
官家已倚作棟任。海宇方卜調鹽期。我聞在昔秦  
川上。溫洲十老能催詩雅壇之幟。不復拔直賴大  
手爲一麾。東南後生頗森立。標準者非公而誰走  
也。本鄰帶水外父書。雖讀傷孤兒。北遊羣疎倦棘  
屋。精奧未敢振。眼銳強來六館作。都講絕類病烏

常黏繭今將及瓜隸鈴下鳳林肯借鷓鴣枝啓事  
偶焉見嵇紹逢人久矣說項斯顧影羣中拳騷耳  
賞音曲裏彈朱絲低頭倚蒙園土惜折腰或被高  
流嗤仰看宮錦映春碧風流只合歸吾師

送朱檢討彝尊歸里用題林屋畫卷原韻  
四首

宦海原來易觸風輕裝輪與醉吟翁水清沙白江  
南好不似東華一樣紅

到家溪閣翠陰涼釣艇撐來鏡面光從此南垞北  
垞竹粉尖落得盡情嘗

學古堂詩集

卷四

夫

我亦將歸秋冷天瓶山踏遍卽鹽田同尋魏里題  
梅堦謂西平居近井借查家放鴨船謂夏重有放鴨園卷  
平生須作五湖長不覺洞庭歸興濃若肯卷中還  
舊約來看七十二雲峯原詩有頃君待我鮎魚口並載吳江赤馬船之句

高松篇爲合肥夫子題畫

高松本仙材結根翠嶺頂永爲羣木長豈與凡卉  
等冷冷丁夢佳護護膺風挺吾家有小賦安足寫  
清迴生鱗蟠五雲假蓋蔭千町雅香調風笙堅節  
闢金鋌白苔與碧珠飛香入寶鼎棟梁易事耳落  
落末之肯看此萬古青俗眼兀然醒

台山歌送宗之璠山守台州

君不見台山仙翠甲南土上應星辰下詞賦石梁  
雪瀑赤城霞大是人間奇絕處健爲老兄古者風  
高意直與茲山同一麾出領二千石便束圖書入  
此中我聞君昔翻蛟宮縛虎穴清於壺中冰動於  
巖下鐵芳績喧蒼黎英名撼金闕丈夫富貴亦偶  
耳要使稜稜爭日月今日酒邊別絮撲游子衣天  
街軟塵沒馬耳思煞洞口桃花飛吾已安排歸計  
入山好秋涼便走疊華道與酣搖筆或作金石聲  
萬朵芙蓉爲君掃

學古堂詩集

卷四

老

部試後賦呈少宰趙玉峯先生

束髮游書林志在古者學壯而來京華雅欲親吐  
握不遇感羈愁升斗徒離覲夙聞夫子聲天水甚  
高邈浩落流江河雄沉立山嶽植節尊楷模羽儀  
燦鸞鸞道德楊伯起詩酒謝康樂況曾撫吾邦編  
戶屬蜩螗浣女及蠶翁歌恩口爾確矧於被服儒  
寧弗抱誠慙然此微尚在素鄙干謁數所以賢如  
公猶未通剡啄十年飄絮中蝶夢苦難覺強從石  
鼓畔捧書折其角槐不待秋香瓜已及夏劇言從  
鈴下試諸生就斤斲論文日當午藤陰紫垂楠空

室風灑然上座屏柄捉嗟予淺陋才提筆等橫梨  
有類頑石然豈堪紅玉琢今日逢吾師偏不棄素  
樸謬以領文班噲彼瓊瑤所媿非蛾眉見妬枉  
誦詠孤感在知己仰止一何卓殷勤念寒茅覆蔭  
及蜩鸞方今

皇路開勳名互倚摘爲

天子大臣且當

帝優渥應見霖雨來東西及南朔大小各有期總  
在拯世濁願從台履升清風吹

御檻

學古堂詩集

卷四

大

金碧園雅飲賦謝少宰公

京國多風塵所少者卉木每見青蒙茸便已不同  
俗況當炎暑候尤愛濃陰簇吾師招我遊入堂轉  
溪曲異境忽然開頓覺爽心目園名挂金碧軒窗  
面平綠迴欄紅幾折簾紋靜如縠快哉望雲亭高  
峙若巖麓孝思實寄之攀登放遐矚四壇立黃瓦  
九門走丹轂脫帽披涼衫了不苦羈束須臾布芳  
席爲客揮扇幅落紙雲煙飛各令得其欲更出藤  
花簾貫珠而屑玉賴茲鉅公才佳話留史局提塵  
談天人可入金鑑錄傳特瀉香醪盤饌羅珍藪生

徒各沾醉雅集記花屋慨彼時下人綺筵喧竹肉

勤郡王招集紅蘭室應教分韻同蒲州吳

爰無錫朱襄賦

重攜吟伴破蒼苔開卷還驚八斗才真有紅蘭香

萬點晚涼飛上玉階來

盡日琉璃醉未勝酒闌重爲梁溪藤座中只有相

如倦忘卻秋風客茂陵

晴雲書屋落成主人招同河中吳雲武林

陳曾穀雲間畢大生錫山朱襄吳門汪士

鉉毘陵駱靜平陽釋元景雅集二首

學古堂詩集

卷四

尤

偶得晴雲句因之結數間仙人吹紫玉孤鶴自飛

還主人有孤鶴入時貯以千筒酒遮來一桁山縱

然塵作斛點不到松關

偏能成蔭徑亦復似陶家客好何分座書多不用

車映窗移野竹倚石補秋花見此玉山在誰當鐵

筵斜

上東風居士

燕山倦客冷於鐵臥老空齋半牀雪我居寒無衣  
我行疲無驢井少敝貂足掩脣那得蹇駟能馱書  
有輕有肥與友共古人風義今焉如遙望紅蘭好

書屋風流直上凌清虛擬借槽頭杏葉轡欲分筇  
底鶴毛裾使我走長楸穿細柳乘夜珠換春酒我  
筆在我手我舌在我口吁嗟乎今人愛馬不愛才  
重衣不重德東風居士良不然當爲此詩三太息  
御園花火曲六首

碧淀蒼林紫石垣玉泉山下暢春園排開十里燈  
場好今歲

官家賀上元

四門高盡絳旗長城角飛樓百尺強遙指陣頭紅  
欲破砲聲如雨打襄陽

學古堂詩集

卷四

丰

紫萸落盡碧蓮生倏忽空中百變成報道一聲開  
盆子珠簾拖下墻竿明

翠鸞白鳳翩躚舞玉李金桃爛漫開更是難爲飛  
馬使滿身赤焰破空來

火傘高張響電鞭連筒湧地撒花鈿忽然一線衝  
開處萬點紅星上碧天

那許輕風上玉貂舞毬歌扇十番調料應萬戶千  
門裏分付餘寒一夜消

玉泉山訪輪菴和尚二首

待詔風流幾葉孫禪燈詩鉢園茶餽

官家賜與西湖水不許紅塵到寺門

青龍橋外甕雲前半是山村半水田此景江南久  
忘却忽驚飄蕩又三年

白燕樓主人索題園居三首

香界庵

八窗松雨一龕燈羣有都忘得未曾君本生來衆  
香國故應清味冷於僧

懷遠堂

素心如在百年同世澤依然帶古風孝竹慈鴉廉  
讓水一時點綴此堂中

學古堂詩集

卷四

圭

嘯臺

蘇門以後少名流重起茲臺振響遊我亦願爲臺  
上鶴一聲獨叫海天秋

過明月清風店口占

差逐長安熱客流險鞭急欲換漁舟春深夏淺纔  
佳境趙北燕南總倦遊橋爲馬卿還作柱酒無賀

監不名樓十年明月清風路重被楊花惹舊愁

爲邏村女史陳書題畫

朱藤

爛如番錦挂斜陽一幅芳條晚地長好似去年裴

島石軟風吹紫壓蓬香

殘荷草蟲

花蟲兩兩綴梢頭粉墮筒枯半入秋三十六陂香  
瑟瑟正須添箇釣魚舟

菱荇小魚

老圃秋塍半已蕪那如種水做漁夫畫家似欲齊  
省隱不寫龍門掉尾圖

冒雨過西直門訪陳健夫

平岡曲徑溼春蕪冒雨來尋陳健夫有客獨稱君  
是友斯人惟與古爲徒篋中蠹老三都賦壁上雲

學古堂詩集卷四

三

生五嶽圖割贈端溪青一朵憐予詩思近來枯  
子一

同里後學馬恒錫編次

孫男 鎰

曾孫 元潤全恭閱

學古堂詩集卷五

平湖沈季友客子著

秋蓬集

古今體詩

天姥吟用青蓮原韻卽效其體

李白居滄洲夢遊天姥不可求我今到天姥草木  
雲煙皆快靚一峯奇翠天半橫南臨鴈宕東霞城  
西經宛委北四明包以尾閭扶桑傾此中意興頗  
飛越千尺松蘿蕩寒月芳林俯蘭渚幽逕通楸溪  
巖果香時蒼鹿過水花落處青禽啼目送雙關雲

學古堂詩集卷五

一

足躡五霄梯參天見石竹隔海聽潮雞人生蹤跡  
苦難定義奔娥走朝復暝我思采藥吞瓊泉伐毛  
煉骨巢雲巔佩金鈴兮入火餐藍玉兮生煙桐柏  
真人鳳舉龍摧桃花仙妾手舞袖開下攬紅星墜  
珠澗上攀碧落升瓊臺笑彼塵埃與野馬何事紛  
紛滿天下舌爲鼓兮尻爲車黃腸白骨同亂麻奚  
蠅營而徇苟常老嘆而鼻嗟與沉淪乎濁土盍輕  
舉夫神霞嗚呼世事只如此世外原多好煙水誰  
長往兮誰獨還蒼茫四顧哀人間不如飄飄棲碧  
山招我謫仙之人共此志嘯歌自肆娛朱顏

至台州郡城

清溪中豆兩山隈。九十沿溪路溯迴。叢嶺似錐當  
岫立。高城如斗倚天開。烏啼紅樹一株好。人踏翠  
雲千朵來。賴有當年賀監在。酒樓肯讓謫仙才。

夜投石梁宿吳華亭

毛髮蕭森心骨清。穩眠禪榻妙香生。十年未了紅  
塵夢。消盡寒泉一夜聲。

石梁飛瀑響天風。借我雲華一枕中。慚愧南朝賈  
秋壑。也分佛火半亭紅。亭爲賈述放設其像

石梁

學古堂詩集卷五

二

天下奇山水。誰不知石梁。一抹跨雙澗。劃然凌青  
蒼。龍形而龜背。此質頗激昂。上有千年苔。下有萬  
仞黃。飛泉半空落。嚙樹撼厓岡。驚珠撒滿斛。駭玉  
排成行。丹霄挂白虹。聲聲擺雷硯。銅殿耀朝日。石  
幢焚暮香。我聞此中好。真有不死鄉。金庭與桐柏。  
兩宮鬱相望。來去飛仙人。鸞鶴紛紛翔。將從之  
遊。煉骨吞雲漿。

歸舟攜一畫舫戲作

我是前身白鶴童。偶然飛下海雲東。此行買箇天  
台妾。盡得新看別樣工。

周礪巖太史向在京師與予有結鄰包山  
之訂。今太史已居山矣。爰寄詩奉懷高調  
并堅前約云。

畫裏曾題醉墨斑。結鄰相許並花關。無端客帳三  
年夢。輸與先生早入山。

太湖七十二峯多。角里毛壇近若何。定擬春來訪  
仙史。一船香雨認青蓑。

雄才昨更拉蓬洋。三老幽居共此鄉。他日小桃紅  
滿處。不容花片引漁郎。近復約蕭州吳天章同來居此故及之

春仲舟過雲間慨歲月之遷流傷賓朋之

學古堂詩集卷五

三

凋落率成截句聊以志哀并索諸君子和  
歌焉

苧里重尋八九年。舊遊多半散如煙。白龍潭角依  
依柳。又放長條綠綰船。予至雲間必泊舟白龍潭上

翻遍雲間倡和詩。登臺長嘯憶當時。一峯峯作青  
螺色。似笑遊人換鬢絲。向會有雲間倡和某之刻

濠上風流最軼羣。嬉春日染滿牋雲落梅如雪城。  
南路一樣花前不見君。謂董初亭連街雅集正移花大放時也

咍箇惠我鵲湖頭。都下酬詩寄選樓。遲卻此來消  
舊約。不堪搖曳木蘭舟。謂盧文子近年曾以詩寄予有笑時重泛木蘭舟向

予在京師和谷之并  
有歸訪之約故云

扇頭遺墨尚斑斑今古詞人兩子山望斷碧梧高

閣畔也同蕭瑟弔江關謂計子山坐子高  
梧閣作書贈扇

西堂花鳥寫生家北里歌場記板牙今日可憐淒

絕處夕陽飛盡舊寒鴉謂西堂僧與  
北里伎也

昨冬予寓家明生之鶴圃卽唐六如先生

之故壑也聞其墓毀沒於野人草舍中近

在數武乃往觀焉明日適赴宋中丞漫堂

之招談及先賢遺壠零落至此中丞遂於

今年春首躬詣墓上捐金表之重五前十

日重過吳門復寓其地瞻拜之餘喜而有

作并索諸同學和歌以紀勝事云

蒿遯苔碑二百年偶然清話及荒阡中丞自是風

流主憐取桃花小劫仙

重來已結數椽雲細水陂塘燕尾分一塢紅香埋

骨好春遊多上解元墳

玩世羞爲醒醒官六如遺墨比珠玕他家豈少高

麟冢香殺才人土一丸

狂應識我亦飄零新草傷心似有靈買盡吳姬猩

色酒澆君不到九原青

武邱懷古

屐影杯香幾度過箇中渾不改行窩知他霸氣千  
年否奈此柔情七里何泉古雖悠搖齒冷石頑儘  
好點頭多人生那比青山壽且聽吳娘一串歌

題朱竹垞太史與令子西峻小長蘆釣魚

圖五六七言各一絕句

罷釣來尋詩了無塵可挹冷面奪秋江大小兩朱

十  
拋他杜曲韋曲還我雲村水村畫裏雨垞不遠蘆

中直到柴門

學古堂詩集卷五 五

倦卻江湖載酒遊阿郎赤腳父科頭一絲煙雨清

如許那有貪魚敢上鉤

三月之望先君生忌口也冒雨入雲樓口

占紀哀

傷心親忌拜名藍衝雨尋來溼翠間二十四年兒

淚在一時灑遍五雲山

晚杏文姬二首

鍵戶攤書似瘦仙情淡最喜仲容賢惡風吹斷迴

生草不管人間惜少年  
阿兄古意攬朱霞早解官黃穩到家何必苦揮思

子淚抱孫也好看秋花

雙珉詩

我邑王柘湖李龍湫兩先生一則會嘉隆之際揮灑詞場一則丁啓禎之餘沉冥海谷皆足以振躅前朝留型後學者也惜其裔絕遺墓荒穢漸且蕩爲畦畛不可問矣予於戊辰爲柘湖立石邑城之北丁丑春過乍浦東郊復爲龍湫題墓焉爰成二詩以紀之

埋玉荒留野蔓中柘湖遺韻想嘉隆世皆欲殺真

學古堂詩集

卷五

六

名士官亦宜呼小醉翁先生由中秘謫判滁州有客苔碑題

晚翠無兒麥飯哭春紅一抔不閉才千古葉葉吹

人鶴聲風

龍湫老去大名存一拜春荒小墓門鴈外廬空符

劍夢先生居口鄰鴈會夢天上墜劍而喪子梅邊月到想詩魂遺棄有梅

花百青山獨映連蜚字白髮同澆塊霜尊不

有半堆冰雪裏誰將冷骨救乾坤

內父雅坪公以上已雨中北墅看梅之作

見示奉和二首

聞說耘廬打槩回殘雲五朵恰飛來憶曾臘尾春

頭看料在橋邊竹外開古榦幾妨低處帽新香纔煖祇時杯此花羞逐妖紅嫁不要東風著意催

十年鄧尉覓煙林欲寄相思奈獨淡翻與蘭亭同夕采巧如籬菊冒秋尋觴非流飲能無詠笛莫貪吹自有琴終買屋梢香一片倦遊我已鬢痕侵

和陸東村潛谿草堂雜詠五首

結茅歸興去堂堂似欲長爲避世牆阿大南田我西舍東村來住又何妨

料爾一聲長嘯處夜渡海月冷飛來鐵龍古調無人聽可惜吹成阿鞞回

學古堂詩集

卷五

七

溪上幽居底樣寬安排雞柵更牛欄還須買箇校

兒艇撐出灣頭下一竿

難求勝地比優曇新築何嫌窄似盆月里先生街

以北梅花和尚塢之南

秀州風景未沉冥畫舫嬌絃那便停還有疑樓好

煙雨百番紫翠萬重青

兩廂詩

勝國之季邑有兩孝廉曰李因仲馬和衷

並懷峻節特挽顏綱雖古之採薇行歌豈

坏遁跡不足過也詎意晉士之卒缺書楚



臣之寬長饒子悲夫濁流易進而趨者傾  
途獨行難居而慨焉沒世歲丁丑爰與同  
人揚冰雪之孤撈攬桂椒之盈掬謂此兩  
先生者不列祀典非所以標倫敦勵廉隅  
矣通啓當事奉主學宮會送相屬詫爲盛  
舉夫詠歌嗟美莫善乎詩各賦一章以志  
高仰焉

吾生不識老夫潛李改名確字潛夫仰止高於萬仞夫慈

嶺尚穿居士屨常織棕鞋蜃園空閉隱君簾其

日蜃蜃竟來午海潮頭壯名在丁祠座尾嚴所重豈

學古堂詩集卷五

八

關香一瓣要將苦節破濃甜

聞風自小束書藤今日纔容拜豆登同氣難爲聯

壁弟馬之兄給諫渾身苦似打包僧每寄跡僧舍躬爲苦行

香名國典還堪勒碧血人心尚可憑無後益章公

論在熱雲不化此清冰惟一女適吾家雙松老人夫婦皆下世矣

贈張蘿弁

張郎逸韻儘蕭相愛我情多不避嘲閒在鷗忘千

里志淡如菊憶十年交詩初脫手驚高適客欲低

頭拜孟郊試問阿誰能箇雅閉關塵事肯輕拋

廬山歌送借山上人

借山借遍名山住欲借廬山爲老具此山上有千  
層紫煙之香爐下有三疊白雪之瀑布豈其不值  
一錢者乃肯久假不歸故昨日忽來別我行意似  
廬山操券付摒擋棕鞋踏蘚香差排簪笠衝花霧  
我想此山三十年雙腳何能快高步買頗不易看  
亦難安敢輕輕開口募然此生必來此遊約畧虎  
溪蓮社路東林林下倘相逢蒼髮滿頭話心素今  
送借山去借山百摺煙巒萬叢樹其真面目不可  
見破月穿雲休走錯

忠孝門歌贈魏處士允桷

學古堂詩集卷五

九

忠臣不敢負庸君孝子不敢忘死父君不見大字  
橫書忠孝門香殺魏家門下土憶昔閣禍作朝局  
如亂絲茄花落滿地委鬼立御墀東廠官旗逮人  
急金扎籠頭持駕帖街市初問執范滂都亭又見  
收陳寶君家忠節孝烈飛英聲手扶綱常天地驚  
鎮撫堂上聲鏗錚血流十指罵不絕中夜斃命完  
堅貞素車號泣扶丹旌覆巢完卵夜悲鳴水漿揮  
去殘此生至今道路聞其名我來訪君忠孝門巖  
巖猶覺衣冠存柳花洲畔折春柳留我空齋開綠  
酒名士多推梁甫燈高人今識蘇門叟嗚呼君家

大節乃如此千古猶知有臣子

渡錢江

秋老寒原木葉斑錢塘江口暮潮還孤帆直下西  
興渡撲面青來是越山

投橋香巷贈大燈上人

道人清似鶴招我入煙霞一逕過溪斷數峯當屋  
斜亂紅迷柏葉細白摘茶花何日東林住時來惠  
遠家

福源寺

草菴西角路恰與福源逢子若孤生竹來依六代

學古堂詩集卷五

十

松寺有梁時溪禽喧廢閣山鬼嘯危峯憔悴秋行  
客蕭然任短筇

縹緲峯

未放平生眼須登縹緲峯一天開日月萬壑走魚  
龍影落蒼崖樹聲寒碧殿鐘秋容何處好七十二  
芙蓉

遊歸雲寂光二洞并雲梯雲障諸勝

落盡秋空葉青山得飽看殘陽猶戀洞新翠欲浮  
巒采藥逢毛女穿林走橘官茲遊正奇絕不管翠  
裘寒

洞庭西山逢汪鈍翁年丈賦贈二首

十載人間說鈍翁秋山葉盡恰相逢客來禹跡藏

書洞家在堯時免水峯時近築堯峯書屋健筆生花驗芍

藥軟裘衝雨看芙蓉玉班父執今零落猶得依依

見臥龍

問字今來悔已遲清風吹過賞花卮打來雨漿挑  
蓴菜付與雙鬟唱柳枝正有姑蘇柳枝唱和集髮白數莖仙  
吏健山青幾點散人知東華熱夢休相妬報道新  
爲絳帳師

山中懷家尚廬

學古堂詩集卷五

十

橙香橘脆劉根宅月冷雲昏柳毅祠正是秋來憶  
君處梅梁湖上獨題詩

和延平張氏題紅花埠詩

捲簾吹作暮天哀身入龍城更不回一尺青紗塵  
罩眼天邊那得望夫臺  
此生欲見故鄉難鳳尾花槽便不彈十月邏娑川  
畔雪濛濛撲上紫駝鞍

紅葉

暮雲蕭瑟滿江關樹樹經霜葉葉斑消盡六朝金  
粉恨殘紅一半在秋山

秋日雜咏

秋閨

西風吹新涼素月一輪滿錦帳珊瑚鈎玉人睡不暖

秋寺

塵世苦不閒幽寂惟此境誰曳詩筇來寒潭一僧影

十三日北行紀事

我來北征日已五夜聽丹陽驛中鼓五更涼露滴翠蓬舟子停歌搖急舫東方白曉聞人聲又是高

學古堂詩集卷五

圭

城截江許京口大艘若亂麻小港渾流半泥土匆匆舍棹懸厓邊行李兩肩挑敗格棹頭忽見揚子津日晚江湖白於乳黃蘆瑟瑟新鴈鳴水面金山撐一柱倚巖小立喚渡來招手紅汀有魚戶揚帆直走六尺風勁浪南奔海門怒好峯兩岸撲眼青千里長江煙一縷須臾收入瓜步灣篙師索錢誇善數呼船將指揚州城揮汗忙行過江浦春泥翠滑牽不前斜臥低篷聽暮雨夜深著屐上邗關主人邀我酌美醕明朝瘦影鞭絲中北走長安如脫弩波中幾處觸驚鱗枝上何年棲倦羽功名亦在

尋常間此意悠悠向誰語

蜀岡

橫翠依然見蜀岡平林如畫小迴塘閒遊只合悲  
△國小立眞堪望故鄉亭上寒泉新乳白城根細柳舊鶯黃隔江結綺樓邊路一樣殘花弄夕陽

紅橋

爲怕春寬黯欲消花驄不敢過紅橋江山不信經千載金翠猶憐似六朝香水渡頭鳴乳鴨玉鈎欄角種甘蕉絕勝廿四橋邊月空與行人弔紫簫

自順德至眞定途中作

學古堂詩集卷五

圭

客行蕭散似春閒點點村城入望間沙尾白分三晉路馬頭青過二州山健兒有帶纏金鋌游女無花壓翠鬟我欲上書慚賈誼并州北去卽天關

趙州

客情不厭奇入眼有餘古一橋挂殘陽匆匆過齊魯云至趙北邊城角插山塢三板築紅泥離離如敗堵世無平原君壯士死何所所以好事者買絲繡成譜我來發浩歌鉄驄走沙浦不見翩翩人空懷趙州土

贈施愚山先生

宣城先生綠髮翁，灑然玉骨桃花紅。東觀史才獨  
雄健，圓毫疾走搖春風。素雪一甌，闕茗葉纖羅半  
臂消。香筒昨者使車過，嵩少乳峯五點如青銅。離  
離奇璞滿瑤篴，遂令四海知宗工。我來苦抱識韓  
志，倚欄小坐分紫絨。年將三十未稽古，愁眼鬱鬱  
慚阿蒙。願借吹人上天力，有書欲獻黃山宮。

豐臺芍藥篇

小選平林抹煙素，踏遍右安門外路。廉家舊墅說  
豐臺，一片花痕染輕露。溪上人家曲繞城，插籬開  
圓花爲生銅瓶。曉灌青雨落紅鈴，不動春無聲。膩

學古堂詩集卷五

古

葉嬌芽，駘蕩裏一堆煖煙扶不起。江南此種真絕  
稀，何必姚黃與魏紫。我本天涯流浪人，每逢花事  
獨傷神。醉眠欲赴蘭亭曲，折贈誰留汴水濱。愛花  
惜花花下坐，小疊羊絨陳酒果。村翁檻外拘一枝  
溪女籃中分數朶，長安市上塵濛濛。貴人雜沓騎  
青驄，那知別有春如海。十里紅香撲面風。

一松二槐歌過刺蔡園作

翠龍怒飛食雲氣，橫眠斜挂直到地。一夜孤陰吼  
瀑風，頓使山亭有秋意。霜皮鈇餘幾十圍，生時歲  
月那能記。五粒新香餉白鷺，一枝古雪纏紅荔。芳

有雨樹青夾街盤盤雙綰鬱，不開兎日鼠耳如覆  
幄。鼓柯振葉涼颼來，綰紛翠架留夜月。錯落錦石  
鋪春臺，有此一松二槐散晴綠。便當十日坐臥頗  
不俗，令人愛殺刺蔡園。曲逕閒扉成小築，興來長  
嘯弄酒船。毛髮森森爽兩目，昭王城下飄零人博  
得狂歌意亦足。

鷹戶曲

鴨綠江頭黑山路，觸眼邊沙暗番部。被驍小隊入  
關來，錦帕花裘翻健弩。行人借問馬上誰，云是遼  
東買鷹戶。鷹戶出塞求名鷹，滿溝擎得海東青。只

學古堂詩集卷五

五

今沙苑思飛將，采辦多由出。內廷紛紛羶幕捲  
秋塵，日落橫行遶水濱。身誇玉帖君王使，手擎金  
門侍從臣。龍鷹解入鷹坊裏，圍場正在南海子。青  
翅黃眸掣臂飛，翠華影動  
龍顏喜。吁嗟書生日誦鸛鶴賦，一枝倦羽無依處  
不然鷹戶足傲人，願向遼東販鷹去。

過泰山二首

十年江上看殘峯，放眼今能識岱宗。遙送鐘聲來  
絕壑，獨留雲影在孤筇。崎嶇街李氏，磨崖石叙落秦  
王避雨松。早晚

翠華尋往迹好將金篋待東封

馬首濛濛翠未開雨痕千疊洗春苔  
抱琴曳已歸煙含采竹人應過石臺  
雙坂白通天關去萬峯青擁嶽雲來  
便須直上丹青望九點齊州海一杯

贈倦圃先生

風流海內已茫茫獨有巍然曹侍郎  
一代才驚龍殿月十年人老鴈門霜  
絳紗弟子多調鼎綠屨歌兒盡採香  
看取比來乘興處了無愁到鉄舟莊

別墅

九月十六日集吳之振鑑古堂用昌黎韻

學古堂詩集卷五

夫

司門盧四兄韻

古來詩家苦山積壁魚乾死十萬面思  
獲異書不得讀眼中直視空雄嶼有如  
縫人失衣理徒然學製古樣衫女兒州  
邊幾畝竹先生領取爲頭銜何其磊落  
富豪詠手揮百紙分華絨艷若新花著  
紅露枯纏老物皆鋤及爾時風流想見  
之引人欲上千層巖月泉咍興久寂莫  
誰別同異酸與鹹噉言槌貌那可數噉  
笑反覺紛誦誦林堂獨作文字飲傲兀  
不敢避世讒坐分倚底藤半束高詞險  
語相雕剗開襟蕭爽露奇氣對此金石  
心可鑒而我局

縮何爲者擷香藝圃眞垂僂酒闌灑灑  
美清夜嬌絲脆簫聲和誠會須與爾寄  
盛業勝遊一飽銀毫

正月十八日遊永安湖復至雲岫巷長歌紀事

吾鄉山水稱西湖永安直與爭煙波  
湖形絕平分十里號南北有南北兩湖  
素紋吹起如輕羅長隄弄影剌春碧  
蒲芽未透柳漸拖沙根渚尾何所有  
錦鴛雪鷺兼蒼鵠四圍峯色翠明鏡  
掃空點點橫香蛾九盤石逕紫苔滑  
山逕山逕佛雲台掌獅踞阿合

學古堂詩集卷五

七

掌石掌石長松萬樹走濤急濛濛溼翠  
纏藤蘿隔林清楚出菴曲直上絕頂  
撐嵯峨大海一杯等襟袖呼風船起  
愁鷹窠最高處名會開茲可觀合朔兩  
輪圓玉紅相磨十月一日於此觀日  
吾來踏踏遍幽勝軟鋪淨綠嘶花驟  
就中狂客發長嘯倚醉共拍銅斗歌  
何當買此一片石小置老屋爲行窩  
剪蘭插竹典頗適笑倚短棹披長裝  
軒窗面對山起恰見橫幅填青螺  
瑟瑟秋林迴詩史濛濛春雨呼田哥  
風塵滿眼歸未得浮生蕩汨當如何  
上已招同人小集得江字

綠漲溪根舊板窗詩人新繫木蘭艘三升魯酒分  
花市十樣蠻箋學錦江那見踏青翻蝶翅直須浮  
白綬羊腔飄零操作嬉春伴唼到香殘冷夜缸  
短扉春勝勝江點履初驚竹下屐賭酒客來陝  
六六蒲裙人去燕雙雙藥闌倦雨如扶病詩壘爭  
花欲受降過了重三寒食近傷簫吹到小紅窗

鮑上舍駿白馬門歸占贈

天涯消息雨茫茫愛爾東歸問草堂萬卷不驚雞  
柵火聲來被火一肩初卸鴈門霜看花老盡成新  
綠滲墨閒來搦硬黃作伴好尋烟水去小燈紅照

學古堂詩集

卷五

支

打魚莊

典裘歌爲余侄廬年丈作

舵樓揭鼓江面開中丞二月披裘來瑟瑟迴風掠  
溪路中丞三月典裘去隋家隄上柳芽黃便是中  
丞典裘處行人借問典裘何嶺外官兵夜渡河大  
船小船封捉盡紛紛鞭背遭馮阿排榜平府帖下  
如火淮雨浮花生細波黃頭兒郎抱頭哭遮住中  
丞馬頭伏津亭水驛處處忙承食前途苦不足船  
頭挂紙空馳烟那得青錢割紅肉中丞顧之心惻  
然爲爾沉吟錦囊邊遺金半餅不堪用開襟解帶

春風前典來十萬鯨文串雪色狐裘軟似絲散錢  
巨艦何喧喧輕舫細舸俱放回隔浦咿啞搖月去  
歡聲一一鳴秋雷觀此風流三太息滿眼輕肥走  
如織銀貂紫鼠一夜新明朝又進花袍式何人得  
似中丞心頓使衣香黯無色姑蘇城下采蓮舟聲  
聲齊唱太平詞青衫白帽通家子水調新翻是典  
裘

遊硤山

硤石村頭蕩槳遲溪痕新染碧於絲人家一帶桑  
牙嫩正是頭蠶上箔時

學古堂詩集

卷五

尤

鏡湖

洗眼看來幾曲新粉絲磨出鏡湖春時時儘可穿  
雙楫處處都堪下一綸水底有山青更好風前無  
浪白初勻何須苦向官家乞閒著煙波不屬人

會稽山行

沽酒殘紅外移舟晚翠中山當會稽北月在若耶  
東小筏浮花鴨低枝挂碧蟲朝南與暮北相送有  
樵風

總是谿山好舟行誤不妨短花編作戶小礫聚爲  
牆竹竈遲燒筍泥船早種秧晚來消受得一路野

薇香

剡中雜詩

久有名山志相思入剡中那知濃翠黛都在小鳥  
篷折折溪迴北盤盤路向東題詩留甫白千古獨  
爭雄

天意何高癖芙蓉插萬枝澹濃誰並者奇秀實兼  
之破墨皆成片殘霞不斷絲翻憐才思淺爲爾費  
吟髭

飄零渾忘卻新興頗能佳蝦子多於米貓頭俗賤  
似柴空城茅縛戶淺瀨竹編排老酒無高價朝朝

學古堂詩集

卷五

三

醉石街

兩岸青如束風光自一川婢魚齊潑尾兒藤半撐  
牽小住爲佳耳閒嗟亦快然此遊眞汗漫不怕送

春天

染成峯萬疊渾似小螺鬟幽徑知多少輕舟便往  
還白分修醮浦青到讀書山安道曾遺宅蘿煙松

月間

剪取藤梢翠箋詩恰恰題峭帆衝黑石沽酒趁黃  
鸝謝傳栽花洞王猷看雪溪揀將殘屐齒直到赤  
城西

畫圖山

滿眼溪山罩一船推篷恰在畫圖前米顛破墨倪  
迂筆六尺生綃十色箋巖下雜花吹絳雪灘根細  
石點青錢抹他台宕尋常事莫笑奇峯小似拳人  
云圖山數尺可  
抹台宕諸峯

寓鹿胎山房晚望剡東諸峯

剡溪東來清見底鹿胎恰在葛山背放眼重看東  
面山獨立蒼茫雲霧裏堆堆疊疊如臥屏滿天翠  
雪飛不起勾章姚虞几席間台宕橫拖一線耳淺  
城濃黛烟濛濛側嶺橫峯石齒齒吾鄉偏仄無大  
學古堂詩集

卷五

三

山對此不覺發狂喜蠟屐倘許復東遊定有吟聲  
費藤紙

謝山陰張長威惠子日鑄茶

歐公昔日品浙茶一指先將日鑄算烏程御荈龍  
井團對此紛紛皆納款我來山陰四月尾正值旗  
槍綠撈滿人家焙出早芽鮮小炙花泥甌初暖唇  
乾口燥病渴人安許清涼服神散張郎瀟灑無點  
塵買得青山作主管年年湯社供此茶風流長記  
招唫伴今朝忽枉分翠籠白紙斜封雲腳短纔開  
已覺鼻觸香未捧還須手頻浣佳種眞爲瑞草魁

乳頭蠟面世應罕想當睡足飯飽時老湯三沸火  
力緩瓷甌窄窄點青氣雖有桐風吹不斷憐予蕩  
汨早無成竹竈熏爐頗迂懶酒懷潦落不醉人那  
有紅纖擎玉盃裹來一掬故人香歸煮山泉臥南  
館

同里後學馬恒錫編次

孫男 鎰

曾孫 元澗全恭閱

學古堂詩集 卷五

五

學古堂詩集卷六

平湖沈季友客子著

秋蓬集

古今體詩

登嚴陵釣臺

一扇風帆疾於馬吹到嚴家釣臺下兩臺新翠各  
截雲牛角斜陽照祠瓦狂奴冷面如秋江幅巾高  
坐何爲者左有元英右皋羽合作茲山高士社我  
與同舟二三子買勇手攀茅一把崎嶇危磴六七  
盤直上長空看平野桐溪線影走素波繡嶺錦峯  
學古堂詩集 卷六

皆抹赭雙亭分立奇石巔落落松聲可消暑須臾  
扶下足力疲藤刺鉤衣恨相惹榜人爲言此臺上  
仕宦行商忌遊冶爾避富貴若避仇在世誠爲不  
祥也無知譏口諛古人釣譽是真立節假苟能不  
爲天子屈得此於人蓋亦寡羊裘老子大策之必  
謂斯言稍馴雅七里灘頭指客星細唱新詩研箋  
寫翠竿倘得撥刺魚寄我行厨作銀鱗

上嚴衢諸灘

自嚴趨於衢遠涉二州境兩岸分束青橫絕皆峻  
嶺中穿江一線有類坐濱井不五六里間灘水似



連綆匆匆走急流喧喧正在逞常作萬馬聲不留  
一人影那許立白鷗誰能養青待照底花石子轉  
眼亂不整纔看上流物遠去在俄頃迴旋激盤渦  
奔聒苦難靜舟師逆流上儘力撈舴舺長篙彎作  
弓猶覺項生癭所賴東風便數日方怒騁大帆趁  
風勢似與水爭猛有時把舵牙斜飛如箭穎殘陽  
更銜山點綴作奇景我時臥船尾漱泉啜紫餅辛  
苦愧爾曹時用發湊省

由常山陸行冒雨至玉山二首

嫩苔平襯小坡頭一雨春山冷似秋頓覺萬峯都

學古堂詩集卷六

二

灑墨眞憐五月尚披裘橫遮簷葉衝花霧穩絡樓  
絲坐竹兜如此畫圖行不得鷓鴣何必苦鉤輈  
百里花隄溼翠淡藤蓬閣下晝陰陰久垂薇辦全  
銷粉新插秧尖已透針苦雨偏能容遺興好山那  
敢不成噓重來記取溪根路古木蒼崖尚可尋

遊龜峯

看遍西來青萬朶自謂平生飽雙日那知復有上  
陽山三十二峯奇翠足借得春槽杏葉鷺直走溪  
南徑溪曲夾嶺泉分細滴聲紅泥盡透松芽綠劈  
開赤峽通一門老樹新煙藏佛屋四圍峯勢如怪

雲千丈插天皆秀巖靈龜三疊磨黑紋獨覓蟠  
據其腹此外羅立何續紛天矯撐空削寒玉各因  
形似命以名一一呼之都可錄若使行來面而看  
向背隨人得所欲山有雙劍觀青巖樓石舍戲蟠  
香爐石盆靈芝賣壁金摩尼古洞遮蒼藤摩尼四  
簷玉柱仙大石人諸客不似江南無骨山攫  
土搏沙徒勝肉安得詩成題絕壁鴉兒大字霜毫  
秃風流香令多清才點綴應須到林麓倘逢驛使  
道相思寄我碧綃秋一幅

弋陽姬

學古堂詩集卷六

三

我寓弋陽城屋西逢老姬赤腳無衣裙雙眼如著  
霧云自十三年閩廣亂交赴反卻和總兵逃向江  
西住屋廬焚毀盡城空若孤戍可憐兩少媳雙雙  
皆擄去號哭辭阿姑那得一回顧小男亦從之暫  
停健卒怒至今八九載消息杳難遇豈料死與生  
天涯莫知處一男幸稍存頭面已非故雖爲縣中  
卒獨苦不完袴哀哀窮老身此恨欲誰訴我聞此  
姬言傷心起危步日落行市中青條竄狐兔安得  
善繪手圖取獻當路

夜至沛巾

中原消盡英雄氣不見高臺起大風妖姬有蛇呼  
白帝暴秦無鹿走青宮城根水落顏沙外墟下人  
歸淡月中西去那堪羈客思斷煙衰草是山東過  
入山東境

河間

北走交河便入燕濛濛古堞點疎煙賢王不復知  
留客蛇女猶能工數錢白項老鴉爭曉樹紅鈴細  
大沒秋田冰髭斷盡詩名賤錯被人呼作浪仙時  
許子詩似賈島者

人日飲汪比部懋麟宅和洪昇韻

學古堂詩集卷六

四

初正破七纔芳時紅羅亭上題新詩風流比部夜  
披篋更有華燈然百枝座客都分草堂調賭酒花  
螺發狂笑梅萼香邊各問年馮生老去周郎少愁  
兒吳綉畫裏春鏤金插鬢一番新時設燈就中誰  
是思歸者流落青衫姓沈人

閩孝廉詠自山右來省尊甫百詩人日招

集碧山堂酒中賦贈

獨走桑乾外思親足蘭時

帝京春社酒人日草堂詩小鳳無凡羽名花有舊

枝對君傷子職空灑淚如絲

送陸進士稼書之任靈壽

憂國無奇士何爲去

紫宸非歎寧我道清矣獨斯人亭暗花分酒山寒  
雪裏輪直須三輔地爭重講堂春

喬編修萊招飲花下卽席賦贈

酒螺香裏笑春迷客醉亭根小坐同奇石壘成千  
點翠好花吹冷一分紅人如嘯月江樓外句在尋  
山柳記中時出示身世已不憐雙黛色憑君猶見  
掃眉風

題龔藕莊西湖雨泛圖

學古堂詩集卷六

五

涼波浸得小鷗眠一角青山盡抹煙好似去年呼  
艇處夢兒亭下熟梅天

題周參軍在浚燕舟全賦者西冷王仲昭

桐槐清溪胡牖明渭生四明姜西溟宸英

甬東萬貞一言晉江黃俞邵虞稷太原閻

百詩若璩楊州宋幼琳玫武林洪昉思昇

繡水李耕客符梅里周林於篁同里郭匡

山襄圖及家柘西睇日也

老屋分題燕市頭蕭疎恰似野航秋風波滿眼公

無渡何處憑君得穩流

重遊都門王阮亭年丈出示閱予洞庭遊

藁見贈一律依韻奉酬四首

夫子如孤鳳高飛上紫庭自垂花外帳曾走峽中

船時惠子脫葉擲茶臼封章鏤石經時疏請刊正

題詩見真意雙並雪峯青

昔別春殘處疎花半覆庭重逢攜酒夜還問下江

船塵篋空操瑟橋門復受經我來依世好端賴眼

雙青

憶與堯峯叟貪游古洞庭予入山時適遇汪允三

年迷舊夢一夜喜歸船風月何由好湖山幾度經

學古堂詩集

卷六

六

挑燈酬絕唱思煞萬螺青

秋箋真瀾瀾小字識黃庭有約來燕市無家住越

船嬾尋騎虎客擬讀種魚經一度江南柳煙條又

及青

千頃堂藏書歌爲黃徵士虞稷賦

丈夫生不手提一旅師身爲八州督會須擁書三

萬軸牙籤錦帕縱橫間老作蠹魚死亦足晉江黃

先生家藏多秘錄千頃有佳名香茅蓋書屋五車

不用誇石倉四庫應須勝芸局一自兵戈飄泊來

海內書家多散齋餅鱸漁市每見之往往殘篇覆

瓶綠縱得存者亂不整溼蟲篆版鼠嚙簾兼以舉

世輕文章雖有奇書少人讀君能積卷置甲乙小

字烏絲編作目豈徒一一堆案前實使羣言載其

腹世人間此當大策何用蒙茸如筍束終年踟躕

文字中寧爲漿酒而獲肉君不見人間富貴苦不

常轉眼朱門走金玉

送王舍人嗣槐歸杭

酒螺香熟暑風前市上悲歌別老仙黃帕懶分三

殿紙白頭歸買兩湖船婢魚入肆應跳尾兒厥沿

山已放拳莫問平津舊賓客瀟灑歸影正蕭然

學古堂詩集

卷六

七

題修世思人在六朝山水中小像

白水青林隔板橋就中金粉已全消秦川公子風

流甚洗眼秋空看六朝

送湯潛菴年丈巡撫江南二十韻

四海無清節須公作此行曾聞憂國論獨見飲香

名几積枯藤紙廚分苦菜羹抽毫花在篋抱籍聖

爲衡潔欲欺冰瑩和堪叶鳳笙對人如水鏡與世

若廷楹以此膺

天眷由茲慰物情纔專蘭省席便樹柏臺旌南國

多防寇東人半輟耕香溪魚頰尾荒坂草駢晴直

積風孤峻全看學老成葉垂思夏木鱗動識秋鯨  
鎖鑰司何重安危道不輕青蒲移影赤棒落鞍  
聲猶子傷毛羽先人託杜蘅幸依談理塵倘念讀  
書榮黃柳旗亭折紅船水吏迎架籤攜粉帙宮錦  
賜藍瑛文起三千士功留七十城趨朝應作雨雅  
望徧蒼生

次韻酬李萬資

我饑思煮石我賤思燒金兩者不一可遂若波底  
沉偶挾長鋏來行遊薊門畔寄跡阮氏林逢君氣  
雄岸談諧步莊屈策傲指伊旦乃如入花源無奈  
學古堂詩集卷六

八

何論漢丈夫志磊落豈必弄柔翰酒酣拔劍歌輒  
爲廣武嘆君本當世士力能致身尊我將終括囊  
占彼六四坤應憐思歸子手折衰柳樹他年訪吾  
廬煙波有魚戶

重陽前六日同翁元音彭孝緒朱遠度陳

允大查荊州錢玉友查夏仲查聲山張子

韶吳六皆陳叔毅錢幼鯤湯西厓談震方

燕山雅集分得冬先二韻

秋香葉底一相逢小住疎寮聽夜鐘十六燕雲多  
出塞兩三吳語半呼儂遊真已倦如花蝶飲不嫌

狂亦酒龍忽憶舊山窗外月冷光飛上隔溪松  
鸚武磯頭有釣船思歸已過晚涼天登臺望遠聊  
爲爾捉筆千時恐未然陸弟殷兄今幾箇菊香燈  
影此何年丈夫不賦哀時命滿醉紅螺作別筵

送魏環溪先生予告歸里

長安朝客不知貴直節清聲惟此翁柴轂忽聞歸  
北渚玉膏幾見出西宮先生病時御賜參膏一器老臣髮爲  
憂時白去國心猶捧日紅共惜冷香高臥處飯仙  
巖下起秋風

蔡中允升元置酒爲別賦謝

學古堂詩集卷六

九

薊北風吹落帽天晚涼重與話離筵香消竹葉三  
杯後情在桃花一水邊珠履自憐彈劍客玉堂長  
憶把書年先生莫問歸人計菱浦蓴湖有釣船

董孝廉俞招集濠上限韻

我亦清狂懶解嘲溪山佳處不曾拋偶移短艇來  
漁舍最喜疎香入酒匏月在柳邊兼竹下人如瘦  
島與寒郊閒居得許爲鄰否欲傍雙峯蓋白茅

同人公譙金秀才翼宸齋限鬢篴二韻

翠石溪根叩竹關一番飄蕩未知還周郎陸弟皆  
堪友月色花香總不開喜有嫩膠開十斛恨無好

句付雙鬟更須放卻平生眼飽看君家九疊山

高會重分筵染毫敢云春思托江皋  
忘憂物在堪稱聖失意人來半讀騷  
白翅正眠沙外鷺紅芽欲透水邊桃  
翻愁歸路珠湖畔添得波香綠上篙

贈張宏軒年丈

春風打漿歌蘭葉黃浦新潮如捲雪  
水城西角花逕香來扣雙扉問高節  
入堂小坐古道存風流刺史衣冠尊  
高名留在泰山頂拂袖飄然歸故村  
張泰安州守今歸林下耽詩常分紫玉版  
醉酒自臥青松根先生風采真絕倫  
當年同籍子先人翠螺牙管誰家

學古堂詩集卷六

十

夜好月名花幾度春峯迎舊遊如昨日  
只今追數成悲隔時追話昔年與先人舊遊事孤兒淚盡十三年  
重話西窗殘月白最憐飄泊刺船來  
溪上桃花一度開倘得攜琴訪歸客  
夜深還掃讀書臺時約過當湖相訪

遊升山古法華寺歸飲倪生寓齋用寺壁

蘇長公詩韻

吾鄉與湖爭一界輪卻西來青萬派  
就中問有白雀巖老翠浮天真大快  
偶逢好客願同遊急漿凌波少驚泮  
繞逕松毛風亦香高閣層廊頗不隘  
石門山人灑霜禿壁影淋漓愁破壞  
時有宋旭畫壁今俱爲僧所毀

顏公綠字阿章墨白版留詩髯更怪  
門額爲魯公所書又有米

字蘇詩俱刻壁間老僧自得清淨理  
燒笏焙茶屢蒸曬引

我亭根望太湖七十二峯如插薤  
擲眼還看腳下人何用危機與爭械  
此身思脫世網中無計消除若爬疥  
主人勸我開笑口酒陣縱橫排戟鍛  
且須一口一醉眠莫使湖山挂遊債

汪文楨招遊道場山用東坡韻

有眼愛看峯與麓有腳愛踏坡與谷  
那知今日道場遊已得平生此願足  
翠微高閣香漫漫鴉飛鹿走龍屈蟠  
暖草染成細金蕊乳泉流過長玉湍  
偶

學古堂詩集卷六

十一

分一杖穿林出老屋雲歸如覆席  
太白山人片石寒松聲竹影誰留植  
山有孫太初墓紛紛裘馬擁髻鬢彼熱客黃埃間豈信輕舸載美酒  
清涼自有湖南山人生逼仄幾昏旦  
六州汪別號也高雅真天半醉來自舞渾脫狂不須更作長沙嘆

吳興雜詠

下山西接道山平茗水東分霽水清  
可惜水光山色裏無人和我踏歌聲  
界光香透筍根甜潄酒三杯不用添  
翠羽搖風分夏扇白綿撒市賣春綠

玉湖春水正如油小小紅闌盡放舟昨夜阿師催  
佛會碧紗窗下早梳頭

大蘇小杜趙王孫舊迹淒涼尚一存試向儂家尋  
瘦沈荒鴉落日滿祠門

同曹倦圃先生訪汪鈍翁年丈堯峯山居

小飲卽事

曉風吹上橫塘路一葉山船蕩紅霧喜隨倦圃方  
曉山看山直到溪南渡免水峯邊老鈍翁抱膝埋  
頭日鍵戶枯髭不減冰蠶絲短袖猶裁毛褐布矮  
軒題作訟過處宋紙離離飽殘蠹出世常多蝸角

學古堂詩集

卷六

主

爭入宮頗見蛾眉妬吁嗟薄俗徇金錢大馬高牙  
費萬庫昏昏濁眼輒塵中安識臥龍與飛兔我來  
輕扣雙巖扉驚落殘花半紅素蒙茸薜荔纏短牆  
黃石青松逕回互臨窗小坐把淡杯野藪堆盤剪  
春露雄談抵掌話前朝三案紛紛何謬誤猿鶴沙  
蟲俱化去留與千秋供喜怒只今史局云告成珥  
筆誰當天下務先生高臥堯時雲應怕鸞書訪  
傳憶在包山橘綠時陟磴曾陪林屋步尊前屈指  
五經霜飄泊狂奴尚如故醉來長嘯山月寒不堪  
更作登樓賦

蘇臺送春詞四首

偶入煙波訪釣綸綸龍吹老一番春紅櫻翠麥排  
筵處愁絕今年載酒人

水拍江橋月挂櫳美人何處館娃宮東風不管閒  
裙屐一夜吳山掃落紅

長年見慣是相思畢竟消魂在此時小婦搖船話

桃葉阿郎打板唱楊枝

梅子將酸正採茶小鶯催賣半塘花春歸那似狂  
夫好醉倒燈前不憶家

蘇州偶感

學古堂詩集

卷六

主

十年長恨倦遊身醉倒臨邛幾日春我有平生蕭  
瑟意一時都付翠鬟人  
半樓燈痕夜作涼軟綃猶帶舊脂香不須再認山  
塘路碧樹紅樓總斷腸  
誰將窈窕慰飄零惹得春衫點淚青憐殺柳嬾身  
似絮又隨風去作浮萍

曹秋岳先生招飲放鶴洲紫藤花下分得  
弟字

鐵舟老仙采香去萬紅飛入空濛際蓬根酒重壓  
輕波招我湖南同小憩此中有洲名放鶴曲曲村

溪矮門閉登樓遙見幾頃田菜把黃於古番屬漁  
舫三兩靜依渚官堞高低遠徘徊好景歷亂在眼  
中頗若行草襍篆隸須臾秘密列盤琰山雞肥脆  
海鮮細揀得匏卮滿醉來佐以青菰與丹荔重坐  
池西翠石間百榼千筒如水遞座中數君皆雅人  
瀟灑各無軒冕繫快風掠面清可挹開襟自足供  
傲現今年好春看欲盡強半殘花香脫蒂獨有孤  
藤百尺長瓊葉嬌芽晚搖曳盤空倒挂雕文龍紫  
甲斑斑色奇麗只此飄然巖壑姿儘堪十日引狂  
睨我生蕩汨不得志愛把花枝插羅髻病餘欲覓  
學古堂詩集卷六古

丹砂仙醉後何知銅馬帝喜逢茗碗談古情羞見  
囊錢趁新例欲傍先生舊釣磯料理煙蓑鼓蘭柁  
鴛鴦汀畔月波復從茲便作浮家計挽車自挈麗  
公妻得句分投謝家弟甘松屋角遲聽鶯苦竹牆  
陰早挑簪年來著脚歷世途幾處歌鐘移甲第高  
冠華綬苦煎迫徒爾富貴成何濟今日嶷然見山  
立頑石應須待磨礪小箋題作紀遊詩他年留伴  
松龕偈

牆東小集得和字

棹入雙鴛渚春花冷一蓑夜因新雨好客是舊人

多風蠟消能剪片羹熟可和五湖煙水在約爾其  
漁歌

夜泛千金溪上投興國古寺訪杼山大師  
敘次別懷慨念昔遊漫成長句

故人白號杼山翁十年學道太白峯灑然有句清  
入骨往往飄笠生秋風別經三霜復二葛會以飄  
泊無由逢柁樓一臥江月白鞭絲兩犯京塵紅  
予一遊江右思君不見如幽夢到處著人意指中  
君當烏啼花脫時毋乃與我所見同憶曾相尋紫  
春艇黃鶴草樹搖青空石鼓亭根問禪老始知復  
學古堂詩集卷六五

住茗溪東癸亥春予訪大師於皋昨者稍稍得閒  
趣竟呼舫輕攜煙叢巖角全分玉堆霧林梢半作  
丹染楓水市千金向何處魚蠻指點優曇宮趁程  
不下八九里晚霞已落前坡松蕉田菱港杳渺間  
俄爾昏黑愁濛濛路稀野曠人斷絕但聞夾岸號  
寒蟲村淡且勿見遠火那有新月懸如弓平跨石  
梁波乍擁斜欄竹柵途難通灘迴渚曲屢迷誤舟  
師絮語問懷懷猶幸招提漸應近雲外一聲鶯暮  
鐘須臾隔岸排古剎香林翠逕皆朦朧久傳王衍  
捨宅後有晉支郎唐畫公寺爲王衍宅支佛燈影  
郎畫公曾住此

下扣樓板入堂清梵方春容見時兩兩發狂喜坐  
處一一追離蹤急欲以情告知已言無倫次翻奴  
奴復快改舊數年作自愧較未加精工乃更快讀  
天竺語大師近集頓覺詩思發窮窮向非金仙文  
字相亦當出爲天下雄且云華嚴有大部近頗纂  
著頗願功大師纂集華嚴註疏成帙倘令鏤集成卷帙可與學  
者問辨聳就中畧舉四五則分肌擘理良擊蒙此  
身於世片葉耳何故刺刺爭纖穠顧我將頽架邊  
更多君能伏鉢底龍齋廚夜半費盤琰細蒸軟米  
烹肥菰劇談剪過幾條燭頻聽小滴蓮花銅更闌

學古堂詩集

卷六

夫

好借雲半榻鬚絲髮碧憐丰茸明朝截浦載書去  
紫蘋香裏牽孤蓬眼前塵事何足道已拚老作西  
村農便擬攜家入林屋采蓴種橘扶老筇他年尋  
我釣蓑處雪浪打上青芙蓉

消夏雜詠

構李

曾因佳果得名州紫粉黃姑豈甞流賸得一株煙  
雨外古香吹老戰場秋李出淨和寺我郡得名由  
此吳越時已然矣紫粉黃姑我鄉

美人蕉

嬌芽也似綠天淡貯雨應添幾餅金自古蛾眉傷  
見妬一番憔悴卷紅心其葉皆  
淡紅色

椒攪瓜

青子渾如嶺外香并刀初破隴頭黃如今苦口多  
無用不及銀盤一味涼其種外青中  
黃異於常味

鏡家文恪公四首

年時頻奉翠觴遊米字街公在都  
門寓此西愛小留海未

足淡千古意花真可解一生憂人牽別馬詩留扇

夢破荒雞雪壓舟今日忽驚歸碧落不堪腸斷煎

門秋

學古堂詩集

卷六

七

落星一夜入吳分

天語飛來鳳作羣公歿時  
駕方南巡顧蒙悼恤

帝以玉書求上謚人於鐵嶺見遺文公曾  
使遼誰摹別

殿顏公帖應配前朝董相墳北望那禁悽絕處素

旌飄雨溼江雲

幾曲寒廬隔柳橋花楓葉晚蕭蕭公將葬柳上  
雨時皆廬墓

半池墨壞新榮剝一桁香寒舊賜貂杭白應添愁

裏鬢東黃猶認病中腰偶成定已歸兜率歿時作  
偶一章

不用旁人賦大招

短幘飄然自絕塵久居宮傳重金輪殷勤謂我爲



孤子溫厚如公乃大臣弔鶴獨飛蒼嶺背游龍雙  
臥黑溪臂謂雨憐子十五年來淚重灑西風竹下

人先君之變  
已十五年

### 西谿看梅卽事

我聞西谿梅十年蹉跎未了青鞵緣春來枯坐舊  
疾作慨然放我尋山船法華之足靈隱背峯迴路  
折溪流泉小篷一葉倒撐出綠紋織水如梭穿幾  
曲柔波到溪處林蹊叢雜無平田家家魚蕩八九  
畝築梗插樹爭鉤聯其中桑竹儘勿乏獨於梅性  
尤所便散植不下數千本人家多在梅花邊以梅  
學古堂詩集卷六

大

爲生善梅法形質神氣皆能全今年花信頗厄閨  
新梢寒勒王正天遲迴盛自二月尾分英布萼春  
風前天公不吝搏抗力萬斛香雪眞狂顛弄姿寫  
影幽復淡咀芳觸味清而圓高葩續紛且停眼低  
幹盤屈還礙肩揉作粉雲正藉藉瘦來玉骨何娟  
娟少時輕颺掠面過飄飄亂撒瑤光錢就中更有  
百年種槎牙鐵色蛟龍纏蒼皮溜雨枝貯月不似  
鄧尉徒鮮妍孤山老子數株耳羅浮美人幾朵焉  
安得如茲一片土爲君滿意開瓊筵我來忍凍啗  
十幅冷香飛上紅蠻箋石根閒步踏翠草月底狂

叫呼湘綾不爾便欲典衣去客我拉花同醉眠縱  
使人間不相識也須喚作梅花仙

### 哭家尚廬先生

一片雄心苦未平年來枯坐已逃名忽聞蝴蝶爲  
新夢應識芙蓉是舊城白社客多傳好句翠蛾人  
本妬長生憐他書屋雙松下落盡空枝夜雨聲  
素影蕭然臥錦茵多情何處認前身常因倏佛分  
清課只爲尋花愛好春綠鬢難留嗟更苦黃金易  
散老還貧山陽廬已更他姓那有當年弄笛人  
又見葵榴泛酒澁生芻一束淚雙斜子孫有業存

學古堂詩集卷六

尤

書卷天地無情管歲華徑滿蓬根徒鬼唱樓空燕  
子似僧家我來收得香嚴彙留與詩人認筆花

### 寄董孝廉俞二首

穩住鱸鄉作釣師阿誰送與草堂資自將越布龍  
香篆不許吳霜著鬢絲百榼尚勝青簪酒雙鬟能  
唱玉鳬詞他年若比商山老莫爲君王賦采芝  
別愁只隔九峯青濠上風流近更應地有閒雲孤  
似鳥人無俗骨淡於僧江山興到當時劇富貴才  
消幾許能何日得來勾舊約滿湖細雨話秋燈

### 過陸宣公故宅

內相橋邊柳一枝柳有宣公橋紫人煙艇正堪思可憐  
醉里雙溪水柳東有一作醉里不照忠州兩鬢絲社  
鼠番番爭老樹神鴉點點下空祠縱然遺跡埋秋  
草尚有蠶娘釣叟知

井邑荒涼足論舊家如在問松筠東。西。吳。已。無。  
名。士。中。晚。唐。猶。有。大。臣。憂。國。江。山。傷。貝。錦。思。鄉。煙。  
雨。寒。尊。儘。他。殘。榮。三。千。割。留。與。人。間。肉。食。人。

冬夜放舟至孤山月下小飲用坡翁定惠

院韻

平生不耐紅衾眠最喜孤蓬泛涼夜西湖幾點水

學古堂詩集

卷六

干

墨山都在離離玉盆下二客與我同一情小勝搖  
波走如瀉放鶴亭根片石秋欄角依然老梅亞人  
間萬事等棄灰此景何曾可輕借瓦爐吹火酒乍  
溫花塢封雲香已謝枯林紅脫葉響中大有樵村  
共漁舍爭呼翠椀當走鯨細看銀峯同嚼蔗醉裏  
湖山皆倒插悲嘯魚龍起驚怕夜靜猶無拋鼓聲  
應笑狂生未工罵

元夕後一日飲鮑上舍駿古松堂用夜對

西真五嶽圖句爲韻得五字

平生不耐閒來聽古松雨徑空軟苔襯庭缺奇石

補主人雖靜者爲客具酒脯黃盤割駝峯白盞煎  
菰乳飲德貴忘機一呷那須數鷓鴣爭苦吟鸛鶴  
逞狂舞催花驚醉龍灑墨愛書虎燈場稍闌珊蠻  
童打腰鼓鼓冷多鴨頭棲香少蜂股於時坐七人  
界似竹林譜子才愧沈三君意勝鮑五年來屢相  
過真氣露肝腑笑彼趁趁交與草木同腐半酣詩  
麤成自顧笑空肚歸影衝泥去碎雪壓輕勝偶然  
觸我情飛夢上天姥

黃河紀行

淮尾碧流盡有牖名天妃古水作黃雨颯颯相奔

學古堂詩集

卷六

壬

飛勢驚折天柱聲駭觸地機崩衝挂練帛跳落分  
珠璣九折供一怒誰實揚其威柳梢束兩岸藤索  
纏千圍湧激不可禦劃若開瓊扉測彼高下間何  
止尺寸微吾船倒挽上退多進者希打號喧水夫  
倉卒以手揮艱苦備諸狀始得聊噓歎前途積狂  
溜草塢正未稀往往涉危境心魄無精輝顧沙風  
捲帽惡浪雪濺衣紅竿立野廟葉葉吹神旂篙師  
每繫纜小割花猪肥船頭燒片紙長跪言所祈五  
日進河口相賀得惡依茲水固靈府帝圖賜厥徽  
奈何屢報決百姓遭寒饑都恐委魚鱉豈能求歲

蔽金錢動盈萬蕩沒成灰。近者事疏鑿河工頗高巍。上下兩河議比比多乖違。

天子方側席用此勞。萬幾昨復遣官視。未知孰是非。要當濟國事。毋令後世譏。何時快清頌。一獻金門歸。

登大白酒樓

天下無人當酒徒。獨向空樓尋太白。任城城角插雲高。幾點傷心亂山碧。千檣萬櫓排水胥。紫陌朱門露沙脊。風流賀監不復作。徒有危欄封百尺。我亦猖狂一醉龍。而今自作登樓客。

學古堂詩集卷六

題查上舍慎行抱膝圖

入世紛紛各鬬工。幾人車下拜塵紅。怪君倔強雙喙膝。獨抱秋山冷葉中。

遊西山二首

萬山攢一壑。流出是桃花。雪鷺猶依渚。冰魚不上沙。石中分草逕。煙外見人家。只欠沙棠葉。輕輕泛落霞。

漫水河

路入天台寺。寒空一磬聞。客囊閒有句。僧竈冷無雲。木老烏成陣。山荒虎作君。偶然翻貝葉。悟得剎那文。

天台寺

冬夜將歸故鄉曹大司成招同姜遜張鯉

李紫翔吳之振吳卜雄譙別獨笑亭分得

八齊九青二首

載得新愁去。一船歸舊溪。感恩人淚重。怨別酒才低。火暖鱸猶舞。林香鳳欲棲。疎簾今夜月。艷絕此分題。

龍門無那好。憐我極飄零。破衲依然白。寒山未了青。馬聲驚古道。鷗夢散空汀。開到春花處。重來問此亭。

學古堂詩集卷六

重

同里後學馬恒錫編次

孫男 翰

曾孫 元潤全恭閱

先大父南疑公游歷遍天下所結交皆當世名公鉅卿生平著述不下數十種其詩集手定而已梓者名南疑集分體凡九卷未梓者名秋蓬集編年而不分體凡四卷藏之篋笥手澤依然閱今幾七十年矣有志卒先人之業而未果今年且衰老恐久而散佚負疚益深謹重爲錄出恭請長洲家宗伯公裁定賜序彙存六卷卽付梓工俾先大父一生苦心得以長留天地而 鎬不能絕武之罪亦藉以稍釋萬一云乾隆二十九年歲次甲申小春月孫男鎬百拜謹識

學古堂詩集六卷

浙江巡撫採進本

國朝沈季友撰季友字客子平湖人康熙丁卯副榜貢生其集卷一至卷三曰南旋集卷四至卷六曰秋蓬集乃其孫鎬所合刊季友爲陸棻之婿與汪琬毛奇齡以詩相倡和奇齡爲作集序亦以才子目之然抑揚皆在是兩字矣

六瑩堂集九卷二集八卷詞

評一卷附錄一卷

〔清〕梁佩蘭撰

首都圖書館藏清道光二十年南海伍

氏詩雪軒刻粵十三家集本

附《四庫全書總目·藥亭詩集

二卷》提要

六瑩堂集序

藥亭先生年未三十領鄉薦第一才名籍隸其同志  
砥礪文學號嶺南三大家又有所謂北田五子者一時  
詩古文詞之學蔚然盛興既屢上公車不得志意不欲  
以一第介懷會

天子方尊文學之選開博學科數甄別詞林其時主文  
柄者負海內冰鑑務蒐拔宿望雋才而藥亭乃魁其本  
房成進士館選庶常時年六十矣館中推爲館長賢公  
卿風重其名多未第時忘分交謂計日可以躡資序備

六瑩堂集序

詩雪軒校刊本

顧問不一年遽乞假歸途經齊魯吳越與其舊遊握手  
酒醺詩簡放浪湖山以自適於是天下之望梁先生若  
神仙中人不可即里中當道節鉞重臣往往造廬以請  
其詩若文至濱海異域亦爭購片紙零縑以爲重如是  
者又十五年屬下

詔勅直省守土之官促詞臣之久於外者爲治裝令赴  
館就職藥亭乃復入都不關月例值散館試以

國書非其所能也於是皆以不入等同時放謫將三十  
人就縣令者赴選曹願就中翰者投牒自請藥亭曰吾

雅不欲留此吾而留十五年不歸矣然而輦下無識與不識爭欲求見梁先生詩未脫稿輒已傳誦遠方後進名族貴游宗室戚畹流連往復無虛日爲之置酒徵歌以娛之或延而匿之別業不令見他客以矜其所獨得而藥亭竟逾年歸里歲餘而歿詩曰六瑩堂集初刻若干卷孝廉時所自訂也嗣刻若干卷方其歿同年翁羅軒適視學使粵分促成之已而門人故舊憾其有未盡與其孤僧述沂別譌存真增所遺佚復爲釐正合刻以永其傳僧述過贛詣予謫官所請序於予以予與

六瑩堂集序

二 詩雪軒校刊本

先生同館選同黜遭遇畧同而十五年來遊好酬和情好深密能得夫論詩之宗主也夫明自宏正間北地信陽一以規模初盛唐繩尺李杜爲學者倡導至歷下要東益廣厥派海內之言詩者謂不屑道中晚以後一字竟陵公安諸公忽變爲窈眇孤絕之音以髣髴陶韋而虞山力起而盡排之縱橫於韓白歐蘇不名一家本朝三十年以前蒙叟之旨未暢學詩者猶王李也泊今而宋元詩格家喻戶曉藥亭之爲詩名理於莊旨趣於騷而筋力於選固不猶依傍宋唐門戶者然其少作

間亦馳驟於十子七子之間晚年與新城商邱諸先生游則時時辭香韓蘇示能兼長夫古來詩人之遭遇不可一槩崎嶇臺閣郊島瘦寒然窮而後工大約抑塞窮愁者居多卽如空同之磊落齟齬才爲之累滄溟亦傲然有土苴軒冕之態白餘或厄於年或淪於位或慣於驢推而遡之唐宋諸名人之遭遇萬有不齊顧其自我得之自我失之不問有因人而升墜者乎獨悲李義山始爲令狐楚所禮歲給資裝旣釋褐偶應河陽軍之辟黨人李宗閔等遂深嫉之名次終身不進蘇子美娶杜

六瑩堂集序

三 詩雪軒校刊本

祁公女王拱辰撫其酒食之過誦魚周詢等効之藉以動搖宰執同時知名上因緣得罪逐出者十餘人以爲一網舉盡夫意氣之感士所不能忘而懷才抱器者亦隨所遇而一合夫豈有意於入者附之出者污之不幸而值夫深中媚嫉之徒傾危搖撼之局牽連株連遏抑顛躋至於如此今藥亭之詩可以爲唐之初盛可以爲中晚可以爲宋元隨時遷改而名理旨趣筋力之所在要自有所爲六瑩堂之詩卓然成一家言者藥亭之才也早歲知名而終於晚達藥亭之遇也值可遇之時而

不希心於遇聽世之挽之擠之聳然不顧犁然有當於  
心於以樂其天而全其真是則成其爲樂亭先生之爲  
人而已矣書此以寓南海諸君子其以予爲知言否也  
康熙戊子孟夏年眷弟吳江後學張尙瑗拜誤

六瑩堂集序

四  
詩書軒校刊本

六瑩堂集序

憶少時侍先君子古厚堂中雪夜偶論及讀南文獻因  
舉近代梁蘭汀區海月陳雲淙黎板橋鄺扶南諸君子  
所爲詩歌騷賦命作各識數語品題其下既畢復舉所  
最厚者二十年共壇坫如藥亭翁山獨漉三先生謬著  
其獨造人微旨趣余時於藥亭先生則進論曰先生之  
作五七近體譬如成連子撫琴一彈再鼓便已天風怒  
號海水飛立龍魚百怪泳游出沒而不可名狀至樂府  
五七古絕則若干將莫邪之爲物也鋼若邪之溪以出  
銅洪爐既鍊光起如百丈紅霞夫妻乃登臺剔甲剪爪  
截髮飛投其中而後湛盧霄練之器始成先生之詩大  
都一則以慘澹經營而得之一則以無意神會而得之  
其獨造入微之際安得謂子非魚遂不知魚之樂乎先  
君聞言微領其後數年余往往匡廬又六七年始歸听  
夕奉几屢比先君時益密有所感發時復擲管與諸公  
分壘唱酬見先生論詩益精微著詩益富於十年前之  
作益以變化使人不測世之讀斯集者或擬爲天寶大  
曆之音余謂先生詩決從漢魏入不必借徑三唐蓋取

六瑩堂集序

一  
詩書軒校刊本

神於蘇李枚叔取骨於三曹或偶然涉筆則又復驅駕  
康樂宣城青蓮少陵諸子蓋其大槩云如先君詩世人  
每擬爲達夫仲初而先生獨以爲得柴桑王孟之正宗  
甚矣人之相喻貴於其微也雖然余之論亦止得其塵  
滓耳至於未著筆以前則雖作者有不能自解而又何  
費此劍首之一映爲

重光作噩之歲陽月同學世姪王隼蒲衣拜謨

六堂堂集序

一 詩雪軒校刊本

六堂堂集序

同里陳恭尹元孝氏謨

詩有意求工非詩也古之作者不得已而後有言其發  
也如湧泉出地若有物鼓籥之高深夷險因形制流初  
無定勢其浩淼之氣足以悽神寒骨其聲足以驚心盪  
耳其停蓄靜湛足以陶寫萬彙牢籠百態故性情者詩  
之泉源也氣骨者詩之鼓籥也境物者詩之高深夷險  
也人各有其泉源然其始未常不掩閉抑塞於土石之  
間疏之滌之澄之去其舊而引其新而後泉之真出焉

六堂堂集序

一 詩雪軒校刊本

近世之言詩者或用心於模擬補綻或矯枉以酸澀枯  
瘦否則枝蔓平衍斬然無味皆未得泉源者也常竊譬  
之模擬補綻者廚人百和之湯也酸澀枯瘦者醫師破  
除之劑也平衍無味者鼎中百沸之水也未常非泉去  
泉之真則遠矣泉之真者味之重輕品之高下各各不  
同而皆具有生氣不失其爲泉詩之真者長篇短句正  
鋒側筆各具一面目而作者之性情畢見故可使萬里  
之遙千載而下讀者雖未識其人而髣髴遇之吾粵之  
詩最盛於廣州予少奉庭訓而外所與上下其論議者



則鄺中祕湛若王明經說作卓然成家者也羅司馬季作薛高士劍公陳給諫喬生王中祕東村程桂林周量皆有當世名而先民是程者也吾與齒鴈行者梁子藥亭屈子翁山爲能發摠性靈自開面目吳子山帶王子蒲衣陶子若子皆能得其泉源而未暢其流後來之傑也翁山縱橫閭闔朴茂奇古藥亭雄邁滔莽精警卓拔而予以感慨放浪之言頡頏其間未有爲之品定者也予竊謂翁山江河之水也藥亭瀑布之水也予幽澗之水也翁山之味醇而冽藥亭之味潔而旨予之味澹而

六瑩堂集序

二 詩雪軒校刊本

永辛酉之冬藥亭將北上率率刻其詩數十篇以行予及同人集送六瑩堂縱論及此因書其卷端

六瑩堂詩集序

同里屈大均翁山氏撰

古聖人多以詩言道三百五篇中天人終始之本性命通復之源廣大精微無言弗及子思作中庸多稱引之以明其旨蓋中庸者易之外繫辭而詩亦易之外象父象辭也歟昔夫子教人必先學詩詩之道無窮其學之亦如學易有學之一日而至焉者有學之終身而弗至焉者才之不同亦所以用其才者有善不善歟吾黨二三子才高者莫如梁子藥亭其詩雄奇光怪能開鑿自成一川嶽兩腕風馳電驟儵忽千萬里不見其起滅之迹人謂其多得於莊周吾則謂得之於易吾好易所見言之精粗大小奇正方圓曲直無非易者不惟以藥亭詩爲得於易且謂天下人之詩皆得之於易矣天壤間書之奇者首易次則詩三百五篇與六十四卦三百八十四爻相表裏一正一變皆符合吾嘗欲以易爲詩顛倒日月鼓舞雷風奔五嶽而走江淮河漢使天地萬物皆聽命於吾筆端神化其情鬼變其狀神出乎無聲鬼入乎無臭以與造物者同遊於不測其才化而學亦與

六瑩堂集序

二 詩雪軒校刊本

之俱化斯道也庶幾惟藥亭可與同進乎此今天下詩皆有委而無源才雖具而無道以爲之本無本故其詩不能縱橫自得蹈空獨行稍擬議卽成變化以合於風雅其僅善者吾所知秦有一人魯一人齊一人吳越三四人吾粵則藥亭元孝其傑出者矣吾粵詩自曲江白沙以來於今爲盛曲江以人白沙以天純用天者於風有餘於雅頌不足吾與藥亭爲二三子之倡是必以天之才而範圍以人之學使人與天相等斯其音中和應節浸淫上古然吾今者方以學易爲事凡與人言詩未

六瑩堂集序

詩雪軒校刊本

嘗不先言易蓋學詩必先學易學易而後能得其天學易而後能用其人藥亭故以易起家故爲序其六瑩堂集言之若此

六瑩堂集序

橋李同學弟朱茂明撰

詩也者心之微渺當使意餘言外響在筆前非曠世特達深識之士其才其學足以發之則不能登作者闕域而成一家之言顧學詩者其病有二刻畫形似失在神理淺近僻野失在格韻不流入於纖細而難通卽牽率於精粕而寡味此不知古人不師心之過也古人不旁經史直寫胸臆闡與理合出入經史超然神會匪學而能此皆不傳之妙則信乎詩之存乎其人也抗凌雲之

六瑩堂集序

詩雪軒校刊本

志者懷高世拔俗之標具騷裏之姿者有一舉千里之勢斯尙論者誦其詩而知其人往賢來哲接踵獨立而能傳也乃欲以公篇隻韻排青婉綠句偶爲工以爲詩具在是可乎余友梁子藥亭與余論詩以爲詩盡在是不盡在是也其在是者可以言傳其不盡在是者要以神遇而藥亭之詩如絳蛺蝶橫天神山出海天矯變幻風雲飄忽不可端倪棲神澹漠者文采洋溢立言精悍者旨趣高遠蓋其才識兼到直與古人並駕爭先非規模之士所可望而幾也藥亭爲人曠遠絕羣高騫霞舉閉

門三十年惟以著述爲務平居屢空賓朋滿座揮杯賦詩談不及俗有庶幾浮雲之志讀六瑩堂集以想見其其樂斯真樂亭之詩矣辛酉之冬主六瑩堂中剗剗初成爰以是序

六瑩堂集序

二 詩雪軒校刊本

六瑩堂集卷之一

國朝南海梁佩蘭之五著

古樂府一

帝臨

帝臨中央四宇祇肅日月運行星辰在握黃龍神雀貞符表籙禮修樂明小大齊粥誠和兆民暘茂草木休氣翔洽皇用壽穀

日出人

日出人天若無日聖人道不立驂駕六龍東上西下安

六瑩堂集卷之一

一 詩雪軒校刊本

窮折閭閻昭鴻濛於何象象君德千秋萬歲仰無極

齋房

齋房產芝雲霧黶黶連蜷九莖鳳文鶴蓋繁惟元精圖牒所載以應聖人祥瑞無對

朱鷺

朱鷺鷺在鼓毋以鼓易爾茄彼茄者華馨其食濡其翼軒而翔而誰誅而

艾如張

艾如張羅張在何共伐鼓大田習武黃雀知之飛飛高

哉高哉飛山頭鴟于羅羅

有所思

有所思乃在大海東無物用遺君白玉蛺蝶金芙蓉芙蓉有雙頭蛺蝶無單飛絲之絲書俱之聞君開書斷絲斷絲月有缺時頭上釵是君所置今棄之折爲兩股一股委井水一股委井泥

上邪

上邪我欲與君上壽日月少貌陰陽老醜蒼天高黃地厚何者與君刑夏無雷冬無冰

六瑩堂集卷之一

二 詩雪軒校刊本

元雲

元雲湛空天闕昭緯四氣兆和萬物出滯主聖臣賢乘權司契用臨下民克協上帝弓矢旣囊禮樂爰制東逾蟠木西洽沙汭南極珠厓北窮月竊莫不王享永作賓裔

釣竿

駕言觀海渾沌儵忽上下四旁天地盡失洪濤吐吞日入月出斟酌元氣如腹有物南而望洋靜者自得

公無渡河

公無渡河噫公渡河公渡河何之河流漸漸噫

孤兒行

孤兒苦孤兒苦苦孤兒生苦生孤子孤子孤兒苦孤兒生不如死好生苦死有地下父母生有地上兄嫂父母在時孤兒兄嫂父母孤兒父母抱父母食孤兒知孤兒腹中饑飽時候飲食又食孤兒園果大瓜小棗孤兒十歲有乳母孤兒笑啼父母喜怒十三卽輕衣出駕車乘馬歸告父母長大不見父母今憶父母願從地下孤兒父母兄嫂兄嫂不兒孤兒孤兒兄嫂兄嫂父母兄嫂自種麥採葛買絲頭上蟣虱爛如創孔不可吮醫身汗膠泥足無扉行霜露資施行眼花如牛歸宿天井坭百計安之人生在世難爲不如變作坭蚯蚓有歌時水中鰕鮒啖水糜田鼠冬肥兄嫂兄嫂我孤兒土乾望雨笋生望雷兄嫂或見憐孤兒不知父母地下知之孤兒知孤兒有三代宗祖兄嫂幸畱我骨肉父母冥報宗祖知兄嫂

六瑩堂集卷之一

三 詩雪軒校刊本

日重光行

日重光天地廣大清明日重光陽氣發達無潛前日重  
光左右雲盤旋日重光譬如大道車行馬返日重光山  
川古時日重光萬姓皆仰之日重光離有雉文明始日  
重光今日之日日日日重光聖人在上一萬八千歲

燕歌行

霜露既降草木黃四時氣候成金商離離鴻鴈相翔翔  
良人遠遊留他鄉賤妾懷思守空房夢寤不得飛在旁  
蟋蟀中夜鳴妾牀豈無膏沐心慘傷皎皎明月臨東窓  
眾星上天粲成行牽牛迢迢路微茫織女隔絕徒相望

六堂堂集卷之一

四 詩書軒校刊本

欲涉無川渡無梁援琴調絃抒衷腸小絃何促大何長  
一爲鳳音一爲凰梧桐花發朝夕香誓願啄宿同雙雙  
婦人一身望男兒父母出嫁得所依憶妾與君初別時  
君言黃瓜生來歸君今天涯歸何遲商風颯颯吹裳衣  
謂他人夫烏知之謂他人妻妾不爲落瓶井口無釣絲  
井口上水不上泥鴛鴦錦衾戲華池孔雀金尾交樹枝  
物情配合生容儀妾人少年增情癡癡情賤妾當告誰

前有一樽酒行

前有一樽酒賓客滿堂主人上壽皇帝陛下萬歲天下

無事我人民享康樂俱得讌會飲酒自卯至酉牛羊壯  
大有金有玉不足言但願今日相對天長地久

白紵舞歌

輕風徐起雙袖揚齊容窈窕昭儀光白紵皎潔凝繁霜  
天翟黼黻爲文章遷延意態無恆常龍舒鶴轉不可當  
俛之不下仰不昂赴絃度曲神徬徨流逸變化誠無方  
颯沓爲君陳玉觴

象筵羽爵良夜陳笛簫琴瑟迭奏頻美人起舞仁屈伸  
挺釵獨立玉珮振風迴雪急不動塵明月天上馳照人

六堂堂集卷之一

五 詩書軒校刊本

華星散落浮文巾鳳凰五色飛綵珍洋洋風雅會眾賓  
香蘭芳蕙深自紉

子夜歌

鴛鴦貼胸前至死不肯換是儂繡襦裙與郎拭香汗  
自從別郎來腹中度非一石魚養陰井那得相見日  
阿膠定黃河清濁不在分越羅裁八幅那幅可作裙

車遙遙

車遙遙馬驕驕大河橋橋下屋龍所築水之族車且舟  
人騎牛沙路頭車載馳喜鵲飛行人歸

青溪小姑娘曲

青溪飄風曲折水深小姑娘獨立月出當心

白石郎曲

白石郎近小姑娘東摘蓮子西拔蒲

湖就姑曲

芙蓉生滿湖赤山映紅白全以奉諸姑

大姑遶湖遊仲姑望湖頭小姑向湖愁

姑恩曲

坎坎擊鼓於湖之下上有黃姑下湘浦明姑來雜風雨

六堂堂集卷之一

六詩雪軒校刊本

朱鳥交交翡翠飄飄欲報姑恩望湖來朝

明下童曲

蹀躞馬上兒少年好妍雅持著珊瑚鞭不在陸郎下

青春孟陽月草長馬奮騰往來射堂頭一日三逍遙

華山畿

華山畿牛蹄拍不前牛尾掉兩邊好是爲儂憐

華山畿樹塞雲陽路孔雀東南飛步步相迴顧

讀曲歌

芙蓉初生時根下便成藕盤著千萬絲畱心待郎剖

歡子攬抱儂後園非一處一株銀杏花一株櫻桃樹

棠樹齊作花石榴暗成葉紅藍蔽天井誰道可憐妾

巴陵江水急一日三千里那許白布帆郎無逐流意

行路難

人言堯舜時天下寧大禹時治水洪水平湯武不肯爲

臣稱兵周公殺兄魯國用孔子三月政成大人之言小

子願學坐我東屋偏雞聲角角

父母兄弟妻子滿堂樂未央大婦上簾箔中婦採桑小

婦辦飯辦酒漿小姑娘膝下弄明璫今日樂莫相忘莫相

六堂堂集卷之一

七詩雪軒校刊本

志

東家殺牛西家打鼓下山牧羊上山射虎天穿漏星宿

地裂出海水

楊叛兒

楊叛小兒得意未曾見寶劍羊頭鋼裝成入珠殿

衣是貂鼠裘騎是龍媒馬遊戲共少年蹀躞長楸下

左手挾蘇合右手挽睢陽祇許彈鳥鵲慎勿彈鴛鴦

春花暗千林中有百舌鳥銅壺不分明三更報天曉

古鏡光陣陣出匣飛上天滿同三五夜虧卻兩頭弦

跋行仰鼻息云是今富貴人生有如此雞狗亦得計

### 臨江王節士歌

洞庭瀟湘水滿波木葉初下天明河龍鼉爲梁渡不得  
烏鵲紛飛奈若何我欲射潮苦無石弩雄劍斫牆雌劍  
斫戶節士淚落如縷縻怒髮毗裂中心悲白虹貫日天  
知之

### 隴頭水

隴頭流水其流鳴咽白骨滿野雜以金鐵

西有華山東有渭川一身兩目不見高天

### 六堂堂集卷之一

詩雪軒校刊本

霜雪被下與誰作泥雪壓隴坂泥匿馬蹄

### 瑯琊王歌辭

上天何光光生此兩日月男兒五尺腰三尺繫寶玦  
龍馬金嚼勒刀稍夾兩旁前面呵殿來云是瑯琊王  
穉鳥出草根微身託天地不食土間蟲向人鼓其翅  
瑯琊大道王瑯琊當陽春瑯琊好風景瑯琊愁殺人  
長安十二門渭橋在門外橋上望宮闕突兀曉山背  
瑯琊大道王金玉雜襦裙女郎大道王真珠綴衣裳  
無錢饑腸好以手畫作錢瑯琊復瑯琊客行真可憐

出亦氣似虹入亦氣似虹誰能兩結識獨有廣平公

### 鉅鹿公主歌

官家出遊擁香騎黃犢細車後頭至  
殿前女子年十四手彈琵琶露雙臂  
鉅鹿公主新受賜左箱黃綬垂至地

### 雀勞利歌辭

啄地啄地雀勞利紅嘴鼓翼黑嘴避

### 捉搦歌

寶刀在鞘常欲試黃金在手常欲使男兒七尺負志氣

### 六堂堂集卷之一

九 詩雪軒校刊本

女子得嫁添嫵媚

誰家開門問龜卜三箇銅錢合成六今年吉事定滿屋

殿中馬肥飽倉粟

後園黃瓜味甘脆可惜熟時食難繼揚州鏡子無忌諱

照著老嫗頭上髻

東方屬木南方火土在中央列入坐天公生成非小可

男兒富貴總由我

### 楊柳枝辭

拗折楊柳枝奉作耶馬鞭今日暫相見明日各相憐

柳枝拍馬尾柳絲墜馬頭蹀耶馬上坐二月春風柔  
匣裏芙蓉水裝成一片水提出過孟津定有蛟龍死  
春草滿大澤礪礪踞臺駝自言是蕃兒會唱漢兒歌  
十年事邊城馬汗不曾拭終夜看黃雲獨自吹長笛

烏棲曲

象牙爲橋犀爲柁淶水紅蓮兩搖曳忽逐香風到錦鞋  
渡頭新月照秦淮

玉繩掩映朱樓挂琵琶撥銀燈下無數驚黃酒上筵  
誰能取醉尙論錢

六堂堂集卷之一

十  
詩雪軒校刊本

七絲芙蓉九華帳三星角枕橫陳向胡姬十五豔非常  
教人供養燒沈香

汝南雞喚頗難勝轆轤井合朝氣水少年慣就倡家宿  
一夜雙情那得足

東飛伯勞西飛燕歌

東飛伯勞西飛燕天上人間幾回見誰家女兒蘇合香  
鳴環動釧衣颺颺雕軒日下歲鞋鎖繡帳背圍玉爐火  
年時二八畫雙眉絕人聰慧兼明詩可惜韶光等閒度  
梧桐月照紅珠露

胡蜂小尾蛺蝶鬚黏花落藥香氣俱誰家窈窕屏風曲  
手拊雕琴坐紅玉孔雀羅裙曳地長蛟龍錦襲茱萸芳  
可憐年幾正三五珠斗當窓月臨戶不學巫雲慙亂飛  
悅人穠兒東家施

河中之水

河中之水窮窮流河中女兒彈箜篌箜篌聲在樓上頭  
拊絃轉節纖指柔榮光湛耀清臙秋隻立一世良無倚  
河東女兒倚河曲金錢自買琵琶下河西女兒對河居  
玉盤能餽赤鯉魚河南女兒善鼓瑟河北女兒吹簫簫

六堂堂集卷之一

十  
詩雪軒校刊本

結襪子

劍釧爛芙蓉水銀出光怪欲去報仇家繫在麒麟帶

沐浴子

磅礴玉女盆左右濯兩足分明見天河墜落匏瓜宿

休洗紅

休洗紅洗多紅色變壯女嫁童男青銅眼中見東風一  
夜吹西家堦前折盡辛夷花

天上謠

玉皇夜宴蓬萊官黃龍肝血金盤紅王母桃花結桃子



龜臺獻來一萬里東溟作酒北斗斟玉皇宴罷星辰沈  
人歌人舞不知處白鳳銜燈作人語

海上謠

鐵笛四角吹鳴鳴欲聞不聞影亦無長虹天氣隔一紙  
人聲能熊是龍子官殿光珍珠堂

上灘謠

上麻洋下麻洋祝水公拜水娘  
五人把柁十人扯牽柁不得上牽不得前  
魚梁多魚魚在寶入寶捉魚出寶買酒

六堂堂集卷之一

主

詩雪軒校刊本

養蜜謠

三尺土一萬戶大王南面萬歲小臣稽首稽首俯貢花  
跪兩股磨刀來磨刀來土化灰大王小臣上天

鬪鵝鵝謠

麻翼黑爪雄黃眼赤嘴雌南方小北方大誰知之誰知  
之音竹絲主人左手雄右手雌手迫促音斷續爪句嘴  
合主人招啄粟麥熟麥熟

放鷹行

勿截蛟勿射虎蛇爲蛟鼠爲虎但願得鷹化獵咬盡大

魚小魚三月祭宗祖又化鳳凰自歌自舞朝朝暮暮人  
有養鷹繫以鈴鷹立人臂就掌行放鈴鷹上天鈴在天  
上鳴道旁老嫗哭哭雞飛上屋

橐駝車行

前後橐駝中爲車勞橐駝歟橐駝高一丈長八尺行萬  
里背坐人十餘胡爲乎車馳驅車謂橐駝我形如木而  
大腹汝則鞅肉而多足嗚呼橐駝胡爲乎車馳驅車之  
腹橐駝之足

鄱湖曲

六堂堂集卷之一

主

詩雪軒校刊本

僂船會避郎郎船不避僂僂篙過船頭請郎暫相容  
鷓鴣化作石不會探湖水與郎初識面焉識郎心底  
有風便使風無風去乘月湖水滑如油湖波疊如雪  
寧上小姑山莫過彭郎磯彭郎是男子小姑是女兒

禽言

泥滑滑土陂水澤車輪展轉馬蹄偏側  
行不得哥哥天吹北風滿橐駝  
姑惡姑惡新婦不得姑樂姑惡猶可小姑詠我  
布穀布穀水澆澆田中有水禾黍熟

瘦兒瘦兒汝豈無父汝緊伶俜而父不顧汝父不知他人知之

不如歸去朝拾白橡暮春黑黍

六堂集卷之一

六堂集卷之一

古詩  
蘇軾校刊本

六堂集卷之二

國朝南海梁佩蘭芝五著

五言古一

雜詩

美人如高雲亭亭當中天牽牛處河東織女望相連遊  
戲於紫房姿態何嬈媚弱水迴龍車閭闔驂孔鸞變化  
無端倪出入長自然安能降客顏歌舞爲世憐

置酒華陽宮飲醉白擊筑時無高漸離悲歌誰和曲朔  
風從西來殺氣及草木冰積成邱山雪深至牛目嚴寒  
割肌骨其力如箭鏃豐狐爾何人不念居破屋千杯紫  
駝羹萬觔黃羊肉貴者恆有餘賤者常不足物理難遽  
齊君子但無欲

寄懷屈翁山客雁門

春日鳴倉庚北鴈整歸翮故人在關外三載猶作客平  
生論王霸中只膽與識邊地多苦寒欲以鍊筋骨側聞  
聘秦女筐篚列圭璧好色而不淫國風重有德所慮柔  
媚腸思愛漸相易一旦時勢來功業不得力天南隔萬  
里久矣無消息老親望門間幼妹事綸綬願言稅歸鞅

省觀聊促膝和風暖萱草皎月理琴瑟

乘螭遊不周垠墀騁八荒在昔爲靈均君也今頡頏入  
秦紀山川蔥鬱懷帝王想見登太華天風吹衣裳三峯  
隨黃河日月背後行瞻禮白帝官賦詩一百章英聲流  
琴笙古色當琥珀引手接天河歟星隨低昂遙望赫連  
臺雲氣如牛羊矯首至再三枉矢飛天狼感慨亦何爲  
宇宙原批糠

寄懷王阮亭祭酒

神龍戲蘭池天矯凌太清鳳凰巢丹山先後相和鳴萬

六堂集卷之二

詩雪軒校刊本

物各有時哲人無虛生我我王濟南遭遇當休明朝遊  
蓬萊官幕登太微廷岱宗迴瀨靈北斗斟元精咳唾爲  
文章經緯日與星五色耀黼黻九招鏘威英邇來在辟  
雍師儒仰司成石鼓辨蝌蚪華鐘鏗魚鯨風雅動

至尊名姓畱

御屏我昔遊燕臺相見如平生胸臆照冰雪氣誼排滄  
溟遺我漁洋詩夜讀忘深更天風曳霓裳廣帶飄雲行  
仙人戴三花導引朝玉京龍女獻蛟綃左右倚旌旄持  
歸南海來光滿芙蓉城書札十五年阻隔萬里程牛女

天蒼茫齊魯時時青沂洞夫如何大江日揚舲

贈邵戒三大史

列宿豁天宇尊者惟文昌帝座升紫微左右何焜煌卿  
雲出其間五色同昭彰海隅域東甌牛女亦在旁掩映  
扶桑霞日月遙相望日精吐鵲火月魄流珠光奎璧諒  
不遺躔次託後行

大儒操金椎著述騁鉅麗鸞鳳盤綵珍麒麟表裘廟皇  
猷潤八表碑碣勒四裔帝命選士來灼龜以爲筮明鏡  
懸軒轅新詞擷蘭蕙蠶叢鑿幽險鉅鹿出精銳鼓瑟娛

六堂集卷之二

詩雪軒校刊本

嘉賓音響無一戾蹇子臥環堵風雅獲投契臨當揚桂  
旗佇立感匏繫

送胡韶先歸豫章

尊酒置高臺嘉魚作珍膳送我同心人踟躕出郊甸東  
風二月來晦朔連雨霰泥塗滿積水牛馬行不辨春江  
厲風濤百丈不可牽如何據舟楫緬邈流竹箭南帆望  
北首指黟州與縣脈脈歧路旁中情增縈縈僕木行役  
者轉盼重會面

平生寡儔侶獨立志剛毅杜門守孤寂神明發吾言

從與君交古道得所契白水清流浮雲絕根蒂去年  
我居鄉疾病危欲逝鄉間少藥物服餌恆不繼君爲致  
參苓書札遠相慰復恐餒妻子米價時見惠此意豈他  
人篤切同兄弟小人感壺漿君子秉信誓久要以不忘  
青松結寒歲

十七出鄉里五十始得歸黑髮無半全親戚當記誰問  
君何以然往事請述追維明在崇禎天步方艱危皇考  
申大義伯父隨六飛忠臣盡社稷國破家焉爲義當無  
完巢兄弟成東西我初來粵中姓氏人不知蹤跡混甘

六堂堂集卷之二

四詩雪軒校刊本

婪願駢同因依夜宿桂花瘴朝聞鷓鴣啼後來佐藩府  
出入籌軍機軍中日草檄宴息無一時俛仰失故吾淚  
流弓箭衣澤雉不就樊野馬不受羈今日還舊山從前  
始展眉先人二頃田種豆南山陂邱壠沿高岡松柏蔭  
四圍春秋備灑掃子孫相提攜民生樂天倫此外何用  
之少年歷辛苦老大當娛嬉

巍巍豫章材千尺出羣木造化深蘊隆歲月成膏沐上  
扶天柱支下掣地維軸廟堂遠相求工師久屬目爲梁  
不架楹爲車不說輻八極以逍遙四海徒局促胡然且

齊漢職自蟠空谷子房志報韓諸葛心在蜀漢時膠西  
相晉室豫州牧賢者一出處治亂於此卜北林晨風飛  
振羽鳴蕭蕭

進帆石門懷古作

曉霽安遠流高崖劃雙扇迴瞻郡城邈百雉紛蜿蜒雲  
幽蘊巖阿水碧結石面繚繚淺瀨魚織織圓波燕人帆  
定形影風日換聞見儵爾陽岫開絕焉陰谷眩青嶠曠  
稠疊紅泉互飛騰循覽景屢迴觸物念多變好役誠賈  
勞耽安亦沈晏達人鑒知止君子崇令善抗言追往昔

六堂堂集卷之二

五詩雪軒校刊本

榜歌自爲亂

謁南海神廟

粵服分四瀆典禮崇百王卦位乘南離鵜鳥翔朱方吐  
納祕日月氣化生元黃地絕太始垠天啓鴻濛光肅離  
臨宮廷瞻拜空彷徨

吉日祀孔虔節序當孟冬神光乍離合海色深瞳矚重  
樞翼彤雲古壁颺靈風翠旗四飛揚如出珠貝宮拂我  
珊瑚枝長釣得白龍俯仰失宇宙造化誰能窮

雨中望峽

元雲蔽長江積雨亘陰黑瞻矚弗及遙端倪忽雙峽峽  
勢缺月斜峽口方壺窄天經自綢繆地脈未分拆想見  
混沌全重恐陰陽阨不得到峽中始終終不測

經英德山水水清石激瞻眺彌日

晨發滇陽峽午次英德城仰眺邇岨嶸俯攝遊清冷峯  
奔作靚狀水折爲篆形朝上金壁丹削下銅崖青疎竹  
遠村見薄水層澗凝鷗鷺立方岸鵝鵲浴圓汀舟急灘  
轉緩日歸林欲暝欣賞願靡遺迴眷猶心縈

贈魏和公

六堂堂集卷之二

詩書軒校刊本

夷齊非好餓采薇必首陽子陵非好貧釣魚必桐江君  
看廉節士出處關綱常仁義爲華替詩書當餼糧松柏  
有直心車輪無轉腸藏名以爲寶榮名以爲殃彌縫笑  
孔某慷慨卑田光

六堂堂集卷之二

六堂堂集卷之三

國朝南海梁佩蘭芝五著

七言古一

耕田歌

三月穀雨春鳩呼地脈井水占有無此而不耕田胡爲  
乎此而不耕田胡爲乎壺中有酒盤中有魚水中有蒲  
此而不耕田胡爲乎此而不耕田胡爲乎堯舜大聖在  
上治天下容我巢許在下安其愚此而不耕田胡爲乎  
此而不耕田胡爲乎后羿彎弓射九日徒使萬世大笑  
空爾勞此而不耕田胡爲乎此而不耕田胡爲乎

養馬行 并序

庚寅冬耿尙兩王入粵廣州城居民流離竄徙于鄉  
城內外三十里所有廬舍墳墓悉令官軍築廩養馬  
梁子見而哀焉作養馬行

賢王愛馬如愛人人與馬竝分王仁王樂養馬忘苦辛  
供給王馬王之民馬日齧水草百斤大麥小麥十斗勻  
小豆大豆驛遞頻馬夜齧豆仍數巡馬肥王喜王不嘆  
馬瘠王怒王扑人東山教場地廣濶築廩養馬几千羣

北城馬廐先鬼墳馬廐養馬王官軍城南馬廐近大海  
馬愛飲水海水清西關馬廐在城下城下放馬馬散行  
城下空地多草生馬頭食草馬尾橫王諭養馬要得馬  
性情馬來自邊塞馬不輕人有齒馬服以上刑白馬王  
絡以珠勒黑馬王絡以紫纓紫騮馬以桃花名斑馬綴  
玉纁紅馬綴金鈴王日數馬點養馬丁一馬不見王心  
不寧百姓乞爲王馬王不應

採珠歌

老夫採珠當生產珠杷在手珠在眼往時採珠得好珠

六堂堂集卷之三

二詩雪軒校刊本

大珠小珠無時無一顆一顆一星宿龍女以此爲衣服  
幾回海水光燭天龍王驚動不敢眠珠神放出老夫採  
富兒買歸結珠佩于今採珠空珠池珠杷落水水瀾瀾  
自是神物有呵護珠神徙珠居別浦大船採珠多順風  
小船採珠風打蓬人各執杷下海底有珠無珠拌一死  
老夫採珠船作家船頭見珠船尾杷晚來珠船泊海角  
滿船珠肉共珠殼安得珠出如往時老夫採取賣富兒

南海神廟銅鼓歌

鼓有二一飛入海

龍宮一夜蛟鼉舞南海廟巫扣銅鼓南海廟神廣利王

割據四海南海方銅鼓置在王廟左莊嚴鼓縣四小鎮  
大巫一扣潮水平小巫一扣江水清二月望日王生日  
鼓聲聳人拜出入相傳鼓是漢伏波平蠻得自蠻犀獸  
至今鼓身滿龜鈕龜形剝爛似蒼狗銅氣蝕盡不覺腥  
鼓皮凹凸生古青周圍五尺背與面年月製造字不見  
更傳此鼓原雌雄男律女呂音和同鬼神痛哭洩造化  
哀訴雷公撤河下獨留一鼓飲廟前撞破世代千餘年  
當今

六堂堂集卷之三

三詩雪軒校刊本

皇帝新卽位遣官祀王用王禮王靈震疊搖靈幡彤雲  
赤日生祀壇銅鼓無人忽聲起鼓沈鼓響塞天地須臾  
祀畢官欲回動著銅鼓驚龍媒四時海激吼風雨重恐  
銅鼓又飛去

石鼓歌

在端州七星巖

星巖之石何神奇生成似鼓天所爲似鼓非鼓不必推  
造化水火鑄目私鑄就模樣水火離絕去地脉體四肢  
布在巖罅一線絲巖勢欲墮同側欹巖穴陰氣吹四時  
石鼓感應理或宜表裏吞吐大塊噫鼓身無釘面無皮  
鼓而用手可敲虧鼓音出在十指槌大音小音聽者知

有音無音不可思一聲石燕飛再擊神鬼疑三擊遠近  
星宿睚眦移四擊大海蛟龍對舞而躩踞五擊啼峽復  
鳴天維方今漁陽老將掩鼓聲日夜衝突白馬兒試攜  
此鼓西出師鳴鼓進退蚩尤旗鼓與天下存安危胡爲  
有鼓有鼓聲深微一石結響音太希得無造化嫌人窺  
嗚呼得無造化嫌人窺

石鐘歌

有客見我歌石鼓命我走筆歌石鐘左鐘右鼓俱是石  
得無樂器相雷同自從五行生尅自作龍工巧不必問

六堂堂集卷之三

四  
詩書軒校刊本

火土新銅出土有腥臭頑鐵入火失子母石鐘鐘爾爲  
石形獨能使石爲金聲星辰黑夜鑒孤響水乳白晝生  
洪鳴遊人入巖穿水底把火照鐘身在水骨節疎動若  
有物耳目幽冥悟到死悄悄恍恍棲鬼神逗遛石氣陰  
射人陰陽結撰始得此天地鍛鍊誰能因四時宜節通  
物化生育乎春長乎夏皇帝王統發音正雅霸霸業發  
音詐不考不擊音重全贖聾人共盤古前考之擊之音  
亦元太和鼓盪成山川清長濁短本石質內虛外實見  
樂德古初何人編古樂準諸大禮起太一

日本刀歌

市中寶刀五尺許市中賈人向予語紅毛鬼子來大洋  
此刀得自日本王王使紅毛預齋戒三日授刀向刀拜  
龍形虎氣生氣驕抽出天上星搖搖黃蛇之珠嵌刀首  
百寶刀環未曾有有時黑夜白照人殺人血漬紫繡新  
陰晴不定刀氣色風雷閃怪吼牆壁相傳國王初鑄時  
金生火尅合日期鑄成魑魅魍魎伏通國觸體作人哭  
人頭落地飛紙輕水光在水鋪欲平國王恃刀好戰伐  
把刀一指震一國紅毛得刀來廣州大船經過海若愁

六堂堂集卷之三

五  
詩書軒校刊本

攜出市中人不識領取千金售不得我聞此言空嘆呼  
兵者凶器胡爲乎中國之寶不在刀請以此刀歸紅毛  
菩提樹歌  
樹在光孝寺爲西域僧智藥三  
藏手植梁大聖禪師祝髮處  
西方樹南方佛佛未生樹生畢胡僧智藥初種時千百  
年事先已知聖人俗身本獼獠一旦頭毛纖刀掃

千僧飯鏝歌

大如洪爐高如鼎土色不生金鐵性陰陽鼓鑄無記銘  
以手摩盪光有青腹而皤而納海水達磨并乾見井底  
玉禾滿車車九牛量沙米粒成山邱南華老僧持呪立

火氣騰騰真珠泣當時擊子擊一聲眾僧飽飯如立屏  
千年之後無施主海水亦望天上雨

連磨井在  
此寺

### 水陸道場祭幽歌

陰風入骨不見風寺頭寺尾幡竿紅道場設處禮三寶  
毘盧帽僧稱佛號四圍肅靜搖鈴聲默呪呪出生死城  
鉢盂法水洗閉眼淨瓶甘露飲枯頭百萬人從暗裏來  
黑氣射火青有灰山腰月冷響落葉紙船過水輕不淫  
寸魂尺魄遍地沿左熠右熠棲楮錢陰陽之氣聚一處  
地下人聽世人語英雄血氣還英靈忠臣心貫赤日精

### 六堂堂集卷之三

詩雪軒校刊本

塚下才人呼不起美人身化臙脂紫孰是爺娘孰女兒  
生前骨肉死不知未亡人祭新亡鬼今日生人明日死  
一齊笑赴佛道場大家聞著天人香靈來蕭颯天乍夜  
靈去落星陰四野法火燒盡金銀山薦亡竹枝如等閒  
明朝共飲功德水十里山墳見杳米

### 採茶歌

採茶女女何許對河村隔村住門有田水相注大兄種  
瓜小弟種豆小妹正學語女採茶獨與母獨與母提籃  
採茶出提籃採茶歸朝提籃出暮提籃歸茶葉青茶葉

碧茶葉黃茶葉黑茶變色日變易女知之母教識採茶  
女知茶天穀雨後清明前風日美茶香起風日陰茶香  
沉採茶還製茶製茶如惜花纖甲挑雀舌小水澆雲牙  
焙火候火性炙日畏日華採茶女雖採茶潔白哲如在  
家麻者衣布者服烏者髮玉者足道上郎立道旁採茶  
女避茶樹終日採茶不嫌苦百年採茶不嫌老于今縣  
官催夫帖又下嫁郎作夫不如寡

### 蚯蚓歌

蚯蚓坵中龍變化無端倪動息準四時卑下甘所棲狀

### 六堂堂集卷之三

詩雪軒校刊本

如龍形大如指一飲一食係天地坵中有水飲自潔坵  
中有坵食不滓全身文采色尙黃五方土色黃中央至  
人守道忌黑白含黃珠者爲葆光細聲無人落庭葉大  
聲朗朗響山月似陳古樂靜夜前獨起元音向人說毒  
蛇張口口食人生蠶腹熟不見身蚯蚓爾亦木物化性  
命保養何存神世人輕薄爾蚯蚓爾自居何等試  
從地下看到天蚯蚓飛上高樹顛

### 猿聲歌

一聲斷後一聲起不到三聲冷人耳上天白月著黑子



四面無人但江水半夜老鴉墮枯葉前山陰火吹出鬼

### 海市歌

舊空無人忽成市上不在天下不在地月煙黃日烟  
紫日之升氣之凝瑤瑤蓋珊瑚釘大吹龍笙細擊鼗鼓  
海童緩歌海女急舞海水開龍王來龍王來龍母泣駕  
車如雷龍女後至何遲哉市人市中設龍座聚寶換寶  
市在左蕃奴來市騎水犀上寶負在大尾犛老蛟人身  
目魚目手執大禹治水玉魚兒無寶雜市中笑指海上  
天虹紅市東賈人好走馬寶光射馬馬不下龍王厭寶

### 六堂堂集卷之三

人  
詩雪軒校刊本

空掉頭身擁五色龍鱗裘龍母見寶不開口定海魚鬚  
尺持手龍女戲擲紅珍珠盛飾雉尾新羅襦世人眼睛  
不識寶海中有寶偏不顧海市寶多世人奈何扶桑花  
落東北角海水成冰要人鑿海水吹風吹動龍王官水  
生一片海市不見

### 木瓜上人打鼓歌

上人在虎邱

木瓜上人時帶病請醫無錢藥不應僂身背藥賴頭  
一到打鼓精神勝未打鼓前先索酒酒以酌口鼓拊于  
鼓椎維桐貫之柳椎而無繩翼以袖初打格格角角聲

再打洞洞東東鳴忽然天破驚雷霆忽然耳靜吟蟬螟  
初打再打似相似前打後打互相異手中搏著小鴻濛  
手中放出大聖智智者打鼓愚者聞眼前訟鼓何紛紛  
共道上人會打鼓豈知打鼓非上人我從其旁拱而立  
絕無一言讚歎及但覺心靜口欲默不知淋漓衣裳溼  
是時斜陽落山晚佛堂上燈擊雲板童子呪食施香飯  
鳥集齋鐘各飛散上人愈打不肯休打得高興手若浮  
將鼓移在山上頭明月落在梅花樓真娘墓前胭脂草  
無端香氣吹入鼓黃鸝亂啼蝴蝶舞相忘月夜與日早

### 六堂堂集卷之三

九  
詩雪軒校刊本

閭閻地下亦不寐放出魚鳧弄金翅白虎猙獰作生氣  
劍池水擊蛟龍起罡風一陣倏忽來鬼神拉沓琉璃臺  
浮屠金鈴聲問哀我時欲聽不敢聽上人打得心定定  
鼓聲邪者鬼有罰鼓聲正者神亦敬上人上人吾愛爾  
打鼓通入神打法可以前無人禪衡書生大憤懣宣王  
獵者傳失真上人上人吾愛爾打鼓異世人鼓面鼓身  
從生塵珊瑚作業牙作虞世人不過求其新上人吾安  
得爾打鼓入樂府聖人明堂祀宗祖命爾司鼓退曠賢  
雲門相和八風舞上人吾欲請爾打鼓向敵場塞上塞

下塵沙揚一打賊星沒再打黃雲光不然將汝打鼓向  
里社新日融雲照桑柘桑蠶女來東頭打麥田娘至  
西舍不然打法一一按天時以鼓救月古有之蟾蜍放  
恣月失坎麒麟不鬪日在離徒然大處不打小處打此  
中誰人知大雅蕩子只會度歌曲酒徒不過論杯尊不  
如置鼓不打還僧寮幽冥鐘動清晨朝磬磬殿前僧禮  
佛汝披戒衣與之立此汝上人職或乞佛力護病骨胡  
爲已打後猶似未打前手勢長作隆隆然豈是打鼓能  
參禪從來音樂中容易集悲喜汝打我聽俱非已我今  
六堂堂集卷之三  
詩書軒校刊本

不聽且歸已上人打鼓請已矣

聽唐山人彈琴

文王已歿孔子死禮樂中和散天地嗟予生晚思古人  
有志大雅無人陳是何高山響林木海中遊魚出波浴  
十年噪氣此盡平今夕始聞君子聲周南關雎本自起  
魯國龜山亦如此

題張穆之畫獼猴掛藤圖歌

張公少年好畫馬用筆不在韓幹下畫鷹或作鳥尾訛  
一時好事傳宣和此幅獼猴更希有我驚見之不離手

深山古屋霜氣嚴石壁洗出峰稜尖枯樹蕭蕭古藤冒  
藤絲墜處風吹亂二猴連臂學掛藤一猴挽藤身精能  
迴頭側面紛相向性情總在藤絲上疑是巴南峽口來  
吟時莫遣騷人哀又疑逼近黃陵廟斑竹琮琤鷓鴣叫  
我爲作歌稱神奇真宰所造人能之張公答云安用此  
此曹跳踉聊爲爾

題高望公燈下畫枯樹竹石圖

高侯畫好手蠶細隨意到當其意到時迅疾如脫鬼溼  
燈熒熒墨熬熬燥嚼墨無端筆無故作成枯樹竹石寄孤

六堂堂集卷之三

詩書軒校刊本

傲嗟乎嚴冬雪盡春氣加枯樹將欲生濃花慎勿寂寞  
棲寒鴉

秋日同陳元孝屈翁山林叔吾凌天杓載酒汎舟

東湖高西厓明府後至與焉是夜讌於尹淵柱

銓部宅

君不見東湖之水清見底東湖人家鮫綃裏夾道垂楊  
出畫樓幾重楓樹藏蕭寺新秋八月天氣涼湖中景色  
未有霜元蟬自在鳴深竹白鷺紛飛下玉塘遊人放船  
絳相接此時我亦動金楫灩灩波明鳳尾羅團圓綠散

雞頭葉紅泥亭子白晝陰湖雲捲入成幽深微風擊水  
浪起舞安知不是蛟龍吟有酒如澠莫辭飲瑪瑙杯槃  
爛於錦渾身已在琉璃宮大醉何妨珊瑚枕妖童奏曲  
清且凝教坊學得吳趨聲袈裟老衲開精舍桃葉佳人  
倚繡屏黃鸝巷口香風靜朱雀航中日西映四百芙蓉  
倒入湖羅浮天半飛青鏡逍遙竟日共詞人解珮何須  
逐漢濱左右桂旗疑有影參差孔蓋豈無神使君風流  
更無敵明珠滿手光的愿要成樂府付諸伶欲采新詩  
配吳笛夜來倒著白接離山公邀上習家池欄街小兒

六堂堂集卷之三

七

詩雲軒校刊本

莫相笑我曹奇託非人知

送李鏡月之端州

李侯侵晨過語我澄也往鼓端江柁諸公共送出花田  
侯曰不勞蘭曰可是時海上煙霧濃角鷹四面天吟風  
百神雲車走光怪波濤上下浮鴻濛篙師漁工各叉手  
據楫不動但哆口其陽恐有崖谷崩其陰恐有蛟龍鬪  
侯也靜者色不移談笑竟欲輕馮夷翠帟閃閃貝宮紫  
東日西倒扶桑枝一幅蒲帆疾于鳥三日江程一時了  
錦石山頭片月明羚羊峽口鳥猿叫鳴笳樹旆忽郡城

郡中初過車騎聲郡人欲識文章伯銀罍往往來相迎  
太守風流況相善灑掃官齋列芳譙細骨嘉魚滑入匙  
鉅毫孔雀斜開扇興來捉筆不肯停共扼鳥道驅五丁  
大言小言落料斗割入巖石星熒熒西望蒼梧斷人目  
九疑縹緲飛青綠未就重華薦楚詞空憐二女啼斑竹  
春深江水東箭流乘風歸到琵琶洲刺桐枝上穿么鳳  
椰葉花邊出栗留李侯李侯重會面滿握明珠令人羨  
更出珍藏赤豹裘示予新得青花硯

送董蒼水歸雲間

六堂堂集卷之三

七

詩雲軒校刊本

王風已亡少大雅當今誰人稱作者雲間董生獨振起  
詩名不數大樽下近來應覽恣九州短衣阜帽騎土牛  
採風處處記草木結交往往輕王侯洞庭瀟湘弔屈宋  
續得招魂與橘頌更就重華自薦詞蒼梧大野中哀痛  
忽然丹湖南海旁乘風縱體不可當龍鼉出沒徒瑣屑  
日月鑄冶真洪荒陸賈城邊雜芳甸草堂與我尋相見  
芙蓉旌旗四揮霍吐納長河急飛箭遺我一尺集宗廟  
森球鏘趨鏘集羣帝天矯騰蛟龍仙人咳唾九天墮據  
地而歌豈能和星宿分明列太微文章直合傳青瑣胡

爲躑躅坎壤鬱塞無所成匣中雄劍空自鳴有目接飛  
蟲有耳聞蒼蠅君不見揚子雲三世爲執戟太元著就  
無人識又不見梁伯鸞出關歌五噫賃舂廡下徒爾爲  
于今世上重權勢聖人去久遠賢者安得位于今世態  
須黃金丈夫無貨財何用求知心惟有蘭也天地磊磊  
落落之狂士泰山爲頽海水爲竭與爾磐石固聲氣珠  
盤奉七從此始送君歸歸江南山光水色拖青藍黃鸝  
亂啼春草短潈澱湖頭日初暖相思莫使南雲斷

送查韜荒歸秀州

六堂堂集卷之三

詩雪軒校刊本

昔我甲辰在燕國李生篋中把君作長天吹風濶萬丈  
雪花如席風前落相思卽欲將尺書黃河水水無鯉魚  
美人亭亭矜顏色雜佩左右鏘璫璫一十年來思未已  
到處逢人說名字鴛鴦湖上花滿湖終日爐頭倚花醉  
誰知君自驅車來凌風直上越王臺珊瑚宮闕燭海底  
天地倒影滄溟開同時我友陳與屈共君悲弔飛健筆  
大珠小珠星月出前古後今事非一我猶遠逐浮雲馳  
白草照面霜絲絲孤裘蒙茸著不暖北軍笑指南方兒  
行近長安望陵闕朱邸黃旗閃弓月白頭官監解往事

邂逅爲我殷勤說還家不覺已一年去時冬日今秋天  
銀瓶汲井盡清冷離根野菊堆金錢君來訪我草堂上  
慰我從前數懷想相知無暇拘瑣屑細言促膝大抵掌  
金蜃吐氣如飛樓巨簡首象蓬萊邱我欲攜君坐於此  
龍女酌酒歡相問并向茫茫覩所以究取鴻濛最初氣  
扶桑小草不足道元化真宰有深理君胡別我使我孤  
以手畫作吳江圖畫一善繪長鬚奴門前釣著四腮鱸  
嗚呼丈夫草澤無貴賤一線乾坤眼前見霸氣徒懸黃  
葛絲離支不續紅雲宴君豈必爲於越人我豈必居南  
海濱君不見地上行麒麟

六堂堂集卷之三

詩雪軒校刊本

贈郭青霞

貴不必封酒泉郡賤不必營賣漿錢但能出處關造化  
斷絕首尾人則傳君不見青霞子生長秦中壯無比太  
華三峯削骨稜黃河萬里橫胸次十年之前說英雄腰  
間長佩蒼精龍殺氣高臨光祿塞捷書屢報葡萄官十  
年以後乘軒蓋遊戲人間在方外天上投將玉女壺山  
中勅得華陽賚我昔相逢在五羊怪君隨綠雙瞳方自  
言蝴蝶託莊叟久註卦畫師文王近向東湖縛茅屋滿

屋蘿花照巾服櫛髮常遲永夜星清齋每倚陰崖瀑聞  
道長時自出神丹砂鼎裏燒水銀鍊成雲母交真火結  
得嬰兒屬化身嗚呼丈夫生世豈無益竹帛不名名仙  
籍要從弱水駕颺車聽爾蓬萊吹鐵笛

壽李慧菴

李翁少年盛儒雅師事孔某友游夏曾操健筆學千時  
文章輒得黃金價老來抱道棲白雲朱陵真氣含氤氲  
三花採取金鵝藥五炁生騰玉虎文有時訪僧著芒屨  
高躋千峯萬峯去齋磬清隨瀑布聞石房冷合孤雲住

六堂堂集卷之三

詩雪軒校刊本

胸懷潔白無所管空秋月照空潭清對人日日開笑口  
遇物往往移新情平生不羨朱家俠手把金錢亦拋擲  
大材小用將奚爲天地自寬人自窄內中德耀稱齊眉  
繡幃持貢天人師逃禪久入女子定得戒直過優婆夷  
諸郎江夏無雙士孫也丰神廟廊器即看鴻鵠摩入雲  
豈有麒麟行在地人生世上那得全如翁快樂授自天  
雪絲滿頭被多福會須享此長百年今年元日翁甲子  
少微星向天中起何以祝翁述乃祖苦縣老人身姓李

送賈生歸襄陵

四載出門何所有賈侯勸爾一杯酒尉陀城西柳波岸  
掛席倏抵凌江口人生快意須眼前世上富貴誰百年  
南山終久作平地滄海業變成桑田從軍夷陵事已往  
昌州臥病神猶王無諸國上衣文蛇薄遊豈得逢慨慷  
卽來粵徼經冬春功名蹭蹬徒風塵浮雲交態海市見  
隻手屢欲掀天輪歸去襄陵莫長嘆讀書且弋雲中鴈  
先人節烈在高奴待爾他時烜霄漢嗚呼男兒有筆如  
鐵足自雄何況逐獵應手鳴雕弓會當射策對天子安  
能蹢躅坎壈悲途窮

六堂堂集卷之三

詩雪軒校刊本

贈葉猶龍金吾

憶昔威宗全盛日天下車書當混一外國頻來貢白環  
諸軍不用吹銅律燉煌郡上絕烽火麒麟殿中耀黼黻  
侯王陛見盡有禮將相衷和正相得司馬相如擅奏賦  
吾邱壽王屬簪筆九重聖人享清晏贊旒無事坐溫室  
君時侍在玉几旁十三身拜羽林郎太保之孫乃龍種  
元舅之壻同椒房飛輦宮門乘紫燕連雲甲第擬紅陽  
銅山鑄盡還嫌少金埒鋪來不厭長苑裏縱拋蘇合彈  
池中多浴紫鴛鴦上林白鹿長爲脯北斗天廚慣挹漿

浮雲在天復墮地富貴人生等閒事丞相由來上蔡生  
平原本自華亭起疏乞還家奉老親詔許歸山作人子  
滿屋龍孫袖孝荀萬頃寒湖斷水鯉石閣常時抱絲琴  
雲崖到處尋蒼耳幾人相過說於陵幾人相對誇黃精  
五十年來漢舊臣空將雙眼望乾坤橋山自灑當時淚  
運勺誰憐失路人松柏種成還耐歲杜鵑啼徹不同春  
閒磨寶劍飛霜雪新著陰符伏鬼神射虎山中虛踟躕  
闕雞場裏總酸辛夜來更上羅浮頂坐到三更候日輪

東林沂澤

上卷堂集卷之三

九

君家御史古直臣先朝神廟批逆鱗阜壤封事留丹宸  
大人夙學宏經綸法曹執法驚埋輪時窮見節迴乾坤  
君也兄弟同四人伯氏矜貴席上珍仲氏鋒鏑光截人  
意與祖父同嶙峋君也肝肺一片真白雪之白無纖塵  
天球大貝不自陳妻如德曜相敬賓女擲針繡針通神  
有男總角腰麒麟讀書立志窮邱墳季也篤學同其勤  
君也野服兼布巾巾則折角衣結鶉一身前後全天倫  
往時天造草昧屯虎祁銅駝生荆榛虎豹見人聲信信  
君爲處女蛾眉翠翠也垂釣沿江濱今者天地彰至仁

陽明玉燭溫如春太白睽睽將沒湮澤國出玉山出銀  
六龍五鳳行車轡日月雙駕銀河津君胡與予仍賤貧  
嗚呼我曹豈得長賤貧

贈族弟景

爾也山林漸成癖日向青山寫胸臆經年不識到州府  
閑戶自喜歌金石傍人勸勉須入時今時不比軒與義  
關雞走狗有勢力鼻息亦足干虹蜺男兒在世無所倚  
安得功名耀閭里泰山只作一撮泥黃河不當半杯水  
卓哉吾弟骨格殊身長七尺新有鬚結交但親曾句踐

上卷堂集卷之三

九

九

託宿每過吳專諸赤驃大馬五花隊韜出權奇少人對  
豪豬靴映狐白裘麒麟表龍麟袋孟冬十月赴踴場  
飛猱手挽三石強鼓聲統統旌旆揚射法勁逸神安詳  
滿場觀者誰不羨果爾鷹揚萬人見櫛策兵符駢玉鈴  
疾書筆陣颺銀箭近聞

天子重武功地北天南盡拜封壯士不容歇隴上將軍  
多詔入雲中越王城頭夜吹角越王城畔寒星落突騎  
來飛羽檄文前茅去振鐔干鐸吾弟吾弟虎氣能食牛  
何難坐取金印擁八騶老兄日踞芙蓉山之頭看爾舉

動驚王侯

橫塘曲

妾家橫塘裏曉門未曾開鵲從屋背噪郎從天上來登  
妾楊柳樓上妾芙蓉臺窺妾寶曆鏡燒妾錦罽對妾  
目宴瑱逐妾心浮灰感郎貴德深妾心反難裁無物郎  
奉還仰手摘青梅梅新薦牙齒恐有辛酸味郎云不嫌  
酸愛他雙結子夜來塘水光明月落滿塘團圓照著妾  
團圓照著郎妾家好似屏風面一幅鮫綃并州剪鴛鴦  
竝宿人人羨

六堂堂集卷之三

子

詩雪軒校刊本

將軍夜宴歌

倣李賀體

大紅氍毹壁金帳將軍夜宴轅門上鷹臂材官部落排  
虎牙戍士句陳向華筵侍宴多樂工箏篋吹起無絲桐  
竊窸碧聲入風裏揭起八枝旗畫龍葡萄美酒一千斛  
香氣煨烘壓金粟匣羅滿酌恣鯨吞滴落珍珠撒銀燭  
酒酣喝天墮酒星白月盡黑雲盡停不肯信天能晦明  
重欲上天拔玉繩解事美人慧鸚鵡座中起作胡旋舞  
上壽千年與萬年莫使英雄入黃土

六堂堂集卷之三

六堂堂集卷之四

國朝南海梁佩蘭芝五著

七言古二

南海神廟古木綿花歌

君不見南方草木狀最奇木綿珍木天下知祝融廟前  
更特出突兀兀砢何無卑枝尊如冠蓋貴人高在上其下  
低頭莫能仰鬚眉足發人慷慨丰骨端爲世倚仗挺如  
節烈正士生成人百折不肯摧其身眼看霜雪曠陰景  
獨與造化迴陽春幻如陀羅百千臂一臂一燈照金地

六堂堂集卷之四

詩雪軒校刊本

海底深扶紫貝闕天中直貫長虹氣亘如十二芙蓉城  
仙人手把虹霓旌徘徊入太微驂駕朝紫庭整如三軍  
野宿烟竈暮赤羽江淮列無數紛如北客蘇鞵衣模糊  
猩血疑著碧眼胡木道乘五行水滋而土植其根爲金  
堅其容爲火色炎炎天地無元黃繼離出照明四方元  
離之極麗于日君子用以懿文德文德含文章天下稱  
至文南人實占之霽然見卿雲二月花蔽虧樹樹枝相  
逞東風總不言遊人亂紅影海王宴日常花開蝦蟇銅  
鼓聲如雷夫人看花出王殿花光正掩龍官扇王宴自



有期花開自有時欲識此花種何年龜趺半折唐朝碑

望羅浮

羅浮仙山人所曉羅浮與我情不少欲往羅浮久未能  
羅浮一望真難了羅浮二山連一山疊屏夾壁紅斑斑  
鬼神琢刻良有以風雷交會非等閒我家南海波濤住  
羅浮隔斷扶桑樹白馬隨潮簇霧來飛禽決背迷烟去  
想象候日出夜半看羅浮紅盤爛爛燒翠樹玉女睚眦  
開雲樓那知四百峯一一海中見倒落金銀臺挂起珊  
瑚殿魚龍跳峯頭蝴蝶飛水面忽然昨嶢拔地根睥睨

六瑩堂集卷之四

二 詩雪軒校刊本

直欲凌天門星宿簸蕩已下墜芙蓉窈窕翻高嶺有時  
狀飛雨瀑泉噴出黃姑渚有時標紅霞梅花片片凝丹  
砂神仙於此山故意作詭譎使人雙眼望望亦不可測  
徒羨山中鍊藥人四時節氣無冬春弄是羅浮月眠是  
羅浮雲昨得山人書遺我龍蔥竹教我斲作杖摩挲勝  
綠玉我願持此杖步行如鞭風朝發南海旁暮至羅浮  
中左足跨啞虎右足騎黃龍先踞朝斗壇後躡飛雲峯  
紅鳥至我前吐音如笙鏞捫蘿值麻姑憑窺招葛洪羽  
翼生兩腋烟雲盪心胸安能日在小宇宙偏側復偏側

磨中作一蠅禪中作一虱孔某桎我以仁義桎跡黥我  
以盜賊不能笑傲九垓揮灑八極登山畏危涉水畏溺  
羅浮之山兮鴻濛以前羅浮之水分弱水之先羅浮之  
山兮古色蒼勁羅浮之水兮飲者老壽羅浮羅浮招我  
來目眩心悸胡爲哉

羅浮四百峯博羅青一縷日月豁內景陰陽窠兩處雲  
從地肺生瀑向天河注我着仙人龍虎衣不時長駕白  
鶴飛會當一上羅浮頂三十三天坐紫微

羅浮五色雀歌

六瑩堂集卷之四

三 詩雪軒校刊本

仙雀乃帝王宮殿羅浮山五色辨五服羽翮不亂班大  
紅爲君絳其羽別色爲臣奉其主紅何光華芙蓉砂綠  
何新綠萼蒲芽黑爲漆白爲玉黃爲黃金并黃玉縉纈  
紛紛百千成羣雲霞出入同仙人仙人來遊雀歡喜飛  
動翼止動尾異人來遊雀逍遙一日數集如數朝朝時  
吐音如吹簫

容樸堂鼓琴歌

君不見太冥之桐千尺幹下俛岷嶴上雲漢陰陽受命  
知幾時烟霜終古無人伴良工巧斲爲名琴盤以寶玉



黃鏤金喧啾衆鳥不敢近五色珍鳳來相尋雌雄和鳴  
三十六運應隆昌化淳穆天地分明見泰鴻羣生何用  
憂毒刺城六月朱火凝虛堂櫟樹搖搖青如竿似籊  
動賓客悅惚耳目遊清冷我爲援琴在堂鼓樹底蟬聲  
曳無數瀟湘水急雲不停漢官月曉鐘初度更爲再鼓  
三四行大音小音天低昂吟龍回頭水飛立北斗掃地  
雲留光天下和平不能外古調于今少人愛蟋蟀農家  
若可開神鴉社鼓咸來會卽今城門金鎖平旦開黃旗  
繡甲將軍來吾民應役若鷺鳥飛出不得孳草萊何時  
六瑩堂集卷之四 四 詩雲軒校刊本

山無車輪路無馬官府民間兩閒暇老夫對客日微吟  
飽飯彈琴櫟樹下

黃河

黃河與天地不息走遍中原還氣力日月東西有落時  
黃河萬古無停刻天地本混沌盤古爲之開黃河又界  
破一線從天來崑崙山高二千五百里逶迤乃折軒轅  
臺奔流星宿魚龍駭要與天地驅塵埃我從彭城乘兩  
馬白日河聲撼城下波濤捲起如邱陵眼底風雷驚叱  
咤呂梁飛瀑胡足言瞿塘虎嶺此其亞平生履險百不

憂何必拔劍投壁兼沈牛至誠禱告自有應揚舠擊汰  
橫中流河神收風浪猶起舟人語我老爺水捨舟登岸  
爲柳泉白草繞岸逼人烟高天萬點鴉歸樹馬蹄踏踏  
猶行路迴望洪流潏沈沈雲霧河神巡河波浪湧起  
舟子呼爲老爺水

題李鏡月所藏廬山四大圖歌

君不見李侯畫卷長十丈掛我草堂日初上以手拂之  
雲欲漲冷冷似作山水響展看乃是廬山圖上插霄漢  
下浸湖穹窿突兀撐柱孤浮青蕩碧條若無一幅五老  
峯芙蓉墮如髻巒巒老詩人泚筆自矜貴一幅三疊泉

六瑩堂集卷之四

五

詩雲軒校刊本

朱珏筆灑然玉龍白日走銀河一線穿其餘石門鹿洞  
兩幅皆好手張已顧換得名久瀾水瀉流玉篆明講堂  
樹老龍鱗朽胡思前歲過馬當鱗魚爛浪驚舟就漁人  
艇又不敢立推蓬兩顧江茫茫匡廬挂在眼徘徊不能  
至山精實見欺匡君恐相棄一見此圖如故人紛紛與  
我常時親巖花的應照野服山鳥鳴肩環茶巾雲行雨  
步誰迴顧我家羅浮之山南海之水裂裂飛烟霧天下  
名山眼前路請君置我在畫圖五嶽金箱從此去

金臺吟

燕昭王安在哉千年郭隗人又來駿馬欲踏黃金臺黃  
金臺不可見角一聲風四面打人雪花大如拳射人雪  
花密如箭驚馬馳駿馬悲駿骨朽驚馬肥人才難得而  
易失人主不可不知之

易水行

易水悲歌動天地荆卿入秦爲燕使秦王尊禮設九賓  
殿見顧笑旁無人於期之頭奉上殿血光直射秦王面  
取持督亢色倉皇咄哉年少秦舞陽圖窮不覺見匕首  
秦王睨之環柱走荆卿不得刺秦王無且在殿提藥囊  
爲謀不成實天意祖龍膽落荆卿死一死可以報太子  
君不見沙邱之椎亦如此

寄酬孟端士春坊

美人遺書自玉堂謂我家住南海旁手弄白日攀扶桑  
十年不一上帝卿北斗天上司文章銀河緯繡成七襄  
鮫人織綃貢衣裳天女豈得無流黃我思美人騎鳳凰  
和鳴十二諧宮商直排閭闔升文昌羽衣金節明月璫  
會集羣帝驂龍翔三十六天朝玉皇欲往從之空茫茫  
蓬萊宮闕天中央何以置我青瑤房何以佩我虎瑩囊

六 不堂堂集卷之四

六 詩書軒校刊本

何以飲我沉澀漿衡岳朱鳥雲低昂蒼振羽翼凌穹蒼

東李湘北太史

梁生抱壁不得價日在幽州學騎馬自朝至暮走出城  
結束軍裝虎皮袴有時繫馬上酒樓飲醉高唱無人酬  
慈仁寺中海棠樹哦詩往往到其處長安官長大似天  
笑我身上無銅錢廬江太史獨相厚道我新詩不容口  
我詩有何好不過百舌聲太史乃鳳皇出爲天下鳴雄  
鳴中黃鐘雄鳴中清角上帝享鈞天虞廷配韶樂容齋  
之集一尺餘字字剔劃金泥書神仙語氣及不得豈止  
噴墨飛鯨魚海內多詩人作者亦無幾請君捧珠盤請  
君執牛耳齊桓晉文在一時不數江黃小邾子

不堂堂集卷之四

七 詩書軒校刊本

贈劉公誠銓部

潁川好奇士未見心已知我友程舍人滿口稱述之朝  
回吹笛在馬上欄街小兒齊拍掌飛劍能令破水行拔  
琴會發崩雷響作詩復突兀斲削青芙蓉飲酒如江河  
波濤礧胸中長安貴人出名字要路爲官反無事三時  
招飯蓮花僧五夜教歌桃葉伎予亦天涯放浪人相逢  
豈必會相親明朝歸臥羅浮頂了髻麻姑共結鄰

贈汪蒼文民部

垂楊葉老鶯亂飛牡丹花盡黃蜂稀桑乾河水長三尺  
渡頭舟子催人歸我獨臨時歸不得搔首看天判南北  
長安當面背面塵孤客緇衣素衣色結交有何意要識  
公與卿蹴躡騎短驢翻來馬狎狎馬長驢短驢溝下睨  
人玉鞭鞭玉馬投刺多逢謁者嗤入門反被官奴罵斷  
桐爲琴琴有心絲絲作絃絃有音提琴拊絃按官徵不  
向大雅當誰等羨君文章飛健筆愛君詩句無人匹若  
復相尋不相見男兒何處投膠漆上天一明月照盡萬  
古人人人就月照安問故與新我有一顆珠得自龍王  
宮十年繫衣帶光彩與月同試持比月恐不及海中長  
有鮫人泣

送邵橫菴入秦

自我不見君五度櫻桃花慈仁寺前昨相值鬚眉變換  
驚年華不曾立須臾路旁吹風沙後來欲相過空邇人  
轉遐比閬西人秦使我生咨嗟燕臺帝王都人人取富  
貴朝進魏其門暮上陽阿第相公易求情將軍好假勢  
黃金買尊官綠幘拜高位君才在此復落拓恐往秦中

六堂堂集卷之四

九 詩雪軒校刊本

亦留滯終南龍首地勢長秦人當日開邊疆臨洮之卒  
戰鬪死至今鬼火飛咸陽新豐酒徒遊俠子山雞在懷  
鷹在臂酒後常時說漢王慙慙前頭後頭事知君下馬  
日弔古爲酸淒長陵化珍寶陰殿生疾藜西安女兒好  
顏色錦裙飄起鴛鴦翼坐上明駝豔有情搗出銀箏弱  
無力男兒可憐蟲志氣不得伸不如在客舍日日觀美  
人美人近前客心醉一日可當一百歲莫使雄心再發  
時偷學磨刀向黑水

送李武曾入秦

六堂堂集卷之四

九 詩雪軒校刊本

昨夜關邸報秦州降黑霜麥田殺盡數千頃馬無芻豆  
軍無糧幽州道旁擊水盡滿城食水如食飯紅爐地中  
燒日火居人不敢出門限李郎壯哉遊不爲秦人愁帶  
身鹿盧劍裹裝紅錦裘手攜一卷若水雪長途可以消  
炎熱正陽門外與我逢玉河橋邊與我別青驄馬肥青  
絲新馬頭駢駢高過人左袖右控習細步忽然飛去空  
沙塵山勢何倥傯水聲何咽咽收入胸懷兩奇絕腳下  
黃河伏地流眼前太華從天截吾聞始皇昔日稱英雄  
驪山鑿築阿房宮築官未成身便死朽骨載在輶輶中

漢家亦有芙蓉苑化作萋蕪人不見到日相煩問牧兒  
恐有牛羊臥金殿

贈顧見山水部

我來長安四閭月寄跡蕭寺清幽幽金鐘石磬徹兩耳  
滌蕩百慮忘營求其間古松壓寺北亂蟬聒噪如高秋  
波濤風雨霹靂不一狀枝蒼幹黝蟠蛟蚪四時飽飯踞  
松下松影落地風颺颺公卿滿眼不肯見恐學干謁多  
應酬冰盤遠屋踏赤腳羽扇在手遮蓬頭世人凡事要  
粉飾自笑質樸無雕鏤況今明堂黼黻重繡斧豈有宗

六堂堂集卷之四

十

詩雪軒校刊本

廟祭祀牽耕牛華亭先生謬結識輒枉車轍先林邱道  
予行徑雖嶺外姓字頗得聞中州先生少年工射策金  
鏃一發穿熊侯許身久自比稷卨致君何止同商周著  
文萬軸劃壁壘森樹六廡揚九旂近聞

聖人欲法七十二代封禪登泰岱將無金泥玉檢致窮  
蒐不然上頌紀功德伐石鐫刻年號月日永遠垂之罔  
賦詩大雅振綺靡靈芝白雉象瑜寶鼎兼天球儼然垂  
裳坐宮殿塗山萬國玉帛來會朝冕旒險者不敢誇蜀  
棧巧者不敢炫棘猴高者不敢擬太華奇者不敢矜龍

湫予也竊采瓊藥作雜佩得控鶴轡陪遨遊琉璃硯水  
盡傾注鸚鵡筆翰隨縱收安得構亭董子棄三泖鏡月  
李子來秦郵相與聚首燕市唱和共十日編入樂府令  
燕姬蓮花旋舞彈箏篴長篇累幅瀟瀟蕩蕩似大海黃  
河天上一線走落爭飛流更共作詩送予騎馬出張掖  
放船直至珊瑚洲嗚呼予將歸釣大海持着百丈珊瑚  
鉤

贈閔東臯

丈夫何處無知己麒麟有角龍有耳乍可天垂車蓋雲

六堂堂集卷之四

七

詩雪軒校刊本

那能地瀉東西水我識東臯二十年天台山與羅浮連  
神仙官闕象髯髯金銀一氣成紫烟東臯今年始識我  
慈仁寺中古松左詩句閒隨玉磬吟瓊醺醉倚銅街臥  
我有一卷集東臯爲之稱奔雷衝石峽古雪成元冰洞  
庭吹笙更何補織女龍梭擲河鼓間闔三時玉犬行蓬  
萊半夜天雞舞顧我何曾會善鳴支離祇作荒唐聲如  
君才氣乃不易正音發出人人驚淵如大海吐納瀕洞  
包草昧日月星辰在其內高如玉皇端坐開天門羣真  
齊集騎鳳鸞縱如駱駝玉門關外負瓊帳萬里流沙不

能量富如陽翟大賈豈我船珍寶滿載輕金錢美人不  
來春已去可憐琵琶學蕃語弓劍空存往日形蟬蛸啼  
上冬青樹諷託既不一變化誰能料香草若可貽楚詞  
不勞招我歸南海波濤側鯉魚風滿芙蓉國東臯歸去  
雪溪長鳥程酒熟蘆橘黃同出督亢亭同拜昭王塚東  
臯一車輪疾馳我馬四蹄背臃腫男兒莫惜別惜別非  
男兒道旁復道旁柳絲遲遲飛東臯泰山雲滿袖我到  
金陵上牛首明年書信若可期爲寫漁家漫溪叟

贈別翼于天席常

六瑩堂集卷之四

三

詩雪軒校刊本

憶昔春二月楊柳青吐芽冰破始出魚萍浮未開花此  
時與君來獻賦百丈紅雲綻宮樹意氣將橫貫日虹文  
章直信光天步君向金鑾殿上行賦詩太液聞吹笙給  
來御筆皆青鏤賜得雕盤是紫瓊我爲老馬徘徊久踟  
躕燕臺尙回首懶着麻鞋見貴人好眠酒甕歌銅斗人  
非形與影誰能不分離一爲絲鳳鳴一作秋鴻飛琉璃  
河上波聲歇夢入都門望宮月

送程湟濠職方出守桂林

大朝四月望日曉

皇帝宣下九重詔詔曰咨汝司馬臣汝往欽哉守西徼

朕雅念此西徼人山獠半雜難遽馴汝在職方知其真  
容汝往治使其醇其民往習事弓箭狼牙箭鋒神藥鍊  
以爲從禽尙不可況乃毒人俗宜變汝昔弼朕爲明農  
太倉往往多朽紅汝今往計民畝鍾田上下錯田中中  
汝昔南宮名第一汝爲文章備黼黻銅龍入侍擅簪筆  
汝興文教其毋忽三十六州土司汝爲郡長俱得治  
土司質樸無文儀汝以禮樂陶冶之朕昔命汝雲中使  
汝能執法再朕意茲爲岳牧更底績朕當璽書召汝至

六瑩堂集卷之四

三

詩雪軒校刊本

司馬再拜稽首言臣對休命臣謝恩是日奉詔出宮門  
路旁嘖嘖觀華軒銀瓜糾結朱竿上玉勒桃花夾旗仗  
錯金龍首刀二器月輪畫扇長至丈誰其饒者張絲旂  
舉朝卿相兼公侯贈詩列國諸名流吳綾蜀繭書銀鉤  
鑣吹喧喧過京邑長楊飛絲下原隰長河風起波濤立  
官船信風鳥飛急七千里路如目前洞庭波疊湘潭烟  
衡山九疑相聯綿向南一面通入滇郡人來迎各負弩  
十五五爲部伍江水曲折無巖母共攀銅柱望樓櫓  
太守人郡人肩摩觀者將鑢行者謁尙民出迎裝似僮

紅蕉裏衫身上拖從此人民享安樂男把鋤犁女織作  
養得肥牛滿家宅養得蠶熟上奩箔農夫感德化黃雀  
啄玉禾黃雀飛野田不施網與羅蠶婦感德化線絲爲  
錦綺上絲獻官長下絲作襪被齊聲道太守太守古今  
無恩及牆上桑恩及城上烏甚知太守廉甚知太守厚  
願祝

皇帝萬歲令我太守官爵尊大祿長久太守賦詩刻石  
並不朽借問太守是何人朝中司馬程滄溔

登李白酒樓

六瑩堂集卷之四

古詩雪軒校刊本

我登李白樓欲飲李白酒不得見李白飲酒亦無友古  
今世界如酒槽不是成粕便成糟古來聖賢盡酒帝不  
是大醒必大醉上呼李白白不聞縹緲八極凌烟雲此  
時想醉在天上投壺玉女笑相向有唐之代無兩人氣  
豪識曠風雅新布衣名姓動天子金鑾殿前賜學士葡  
萄酒酌頗梨杯妃子擎進胡爲來夜郎一旦向西去天  
不闔雷地冥雨當年權勢攻飲狂小鳥羣笑孤鳳凰白  
也沈湎非無意醒來看人欲羞死孔巢父元丹邱與爾  
飲酒在此樓任城令作東道主任城萬家盡酒戶至今

酒樓高崔嵬遺像重覺玉山頽才人落魄好瀟灑痛飲  
卽是痛哭者我欲渡河恨無梁我欲升天恨無梯請起  
李白在千古相與對飲成醉泥摘取天上日月星宿當  
酒錢撐取地下江淮河漢當酒船更叱滄溟化酒泉神  
龍吸海鯨吸川飲酒之外何有焉飲酒之外何有焉

臘月初八日寒甚夜夢得句云紅袍裹腰稱身窄

雪落五尺去乞食起而續成長句

北風揭揭海水激長橋鐵鹿難作敵愁雲連空結黝色  
日氣慘瘦射石壁烏羣壓亂低戢翼前村樹葉路細直  
石橋人行葉壓履紅袍裹腰稱身窄雪落五尺去乞食  
柴門土鏐燈照席腐儒羣讀周易天寒擁被不得力  
嗚呼元陰用事何時息

六瑩堂集卷之四

古詩雪軒校刊本

六瑩堂集卷之四

六學堂集卷之五

國朝南海梁佩蘭芝五著

五言律一

宮樹

亦是同天地栽培自不同得承仙掌露長被帝琴風  
鷺瓦飛何碧龍池影盡紅最憐春日色人望儼雲中

美人

美人象太古手拊嫺皇琴白日灑飛雪清風揚素襟  
結爲翡翠帶冠以瑤華簪我欲和一曲歸昌鸞鳳音

六學堂集卷之五

詩雪軒校刊本

秋園

秋風吹大海海色結寒姿入我南園裏無人獨坐時  
陰陽天漸改景物候新移一取珠琴拂水流滿地絲  
石塘三畝水一半種芙蓉古樹圍秋屋閉門歇遠峰  
避人寒谷鳥閑世早潮鐘久矣雲林內柴車出欲情  
野人居處好生事人秋佳晒藥香黏地煎茶葉滿齋  
露華凝碧登風勢東寒槐擬欲登山去吳僧昨寄鞋  
終口曾何事堦前掃栗趺動人惟草木行樂半歌呼  
心靜神明迴身閒物役無翻忘天地大邱壑老潛夫

虛牖如山寂地穿百尺蘿寒魚深在藻幽鳥暗移柯短

髮人將老高天日易過此時江上水白滿洞庭波

有時白雲過終日自飛鷺賓主兩不答往還誰復論漁

烟吹港口鴈影落松門何處聞蘆葦聲聲折到根

秋菊香滿把幽蘭芳蘊襟寄情籬落外牽夢楚江深彷彿

佳人立低徊獨鳥吟不知滄海畔誰和權歌音

臥起中宵立無人白卷幃敗聲奔耳亂萬態約心微草

氣幽成路霜華凍上衣最憐螢火小流影學星飛

黃農去我久焉得兒生初日月長如此田園且自鋤滿

六學堂集卷之五

詩雪軒校刊本

林霜下果一尺枕中書便足年來事前山濕照廬

秋夜

聽蟲冥百念終不斷高吟孤嶼潮方起南溪月已深寺

鐘過水廟霜葉覆沙禽亦是人間夜能關靜者心

訪陳夔石西洲畱宿石岡書屋

西洲沙口路船接蔗田青夕照流骨影晴溪鑒鶴形故

人相見少累月不開局與我等秋約閒吟永夜星

高館分燈焰微風隔葉涼泉飛百鳥聽橋熟一山香微

會那能久勞生亦太忙歸心不可極昨夜夢魚梁

百鳥

泉

閨夜雨中卽事柬唐海門

雨聲喧閨夜鄰火不成春又去渡滄海波濤高幾重遙知白雲上失卻一邊峰稍待看朝日新林策短筇

獨立

獨立在溪橋溪聲助寂寥夕陽帆背動秋色石林騎落葉依歸雁疎鐘應上潮美人天外思延望一何遙

郊行

郊西二三里所適成芳陰白日不到地青山垂一林蟬

六瑩堂集卷之五

三 詩雲軒校刊本

鳴貫叢木荷氣來疎襟復值隱君子石橋煙話深

送一株上人之豐湖

我愛羅浮蝶飛飛不可從仙人日散髮戲蝶在高峰師去住峰下月光吟水龍遙空發三嘆湖斷一秋鐘

送契如上人桂林

菩薩願無盡所行皆爲人桂山隨雨遍楚水極煙春講律通猗猗拈花接峒民禪心亦何寄孤月夜相親

容櫟堂同諸公賦

茂宰政多暇白雲渺相望爲堂受櫟樹五月飛滄浪對

客不巾襪稱詩來鳳凰羣公復何事散髮和高岡

送張南士歸四明

客路初臨水鄉心已到家秋聲在蟋蟀寒色滿蒹葭海日朝懸樹山雲晚變霞遙知閨閣裏夜夜報燈花何處成高隱家山在四明秋風招白鶴春雨斲黃精巖嶂當窓滿長松人戶清且無官稅累兼可事躬耕四壁原無愧皇天賤汝躬但能依老母卽可答先公心事萌香草吟吟託病蟲白雲持幾片期與故人同

羚羊峽

六瑩堂集卷之五

四 詩雲軒校刊本

交廣咽喉路中流見峽迎果然天設險不似地空平日月雙崖夾波濤一線行濟川心獨苦秋色爲淒清

封川

憶昔聞南漢英雄起後梁地全收象郡舟欲接熊湘草木猶兵氣江山失霸王空餘城郭在行客立斜陽

蒼梧雜詠

江路潮初盡蒼梧接望來眾聲深壑聚秋色萬山開風俗從人問音書昨夜裁故鄉看不見誰上越王臺葭菼蕭蕭舉漁煙淊淊無溪搖山燒斷雲匝野航孤竹



屋連岡阜魚梁入畫圖客行雖傍水終日間樵夫

明霞冠高嶺閃出金銀峰鳥道日邊掛瀑泉雲外春儼  
然對都嶠卽欲騎茅龍仙跡定可遇茯苓生古松

虞帝遺祠廟衡山秩祀年翠華乘日馭朱鳥翼星躔韶  
石音何去蒼梧路渺然無由撫靈瑟迢遞隔湘煙

嫋嫋江邊竹皇英灑淚餘衣裳垂寂寞環珮降空虛天  
地歸蕭阪年時紀竹書不須臨北渚獨立總愁予

鏡裏悲衰髮人前認老夫傳聞有句漏此地卽仙都霧  
結黃金鼎雲升太乙爐去求丹熟藥能授一丸無

六望堂集卷之五

五 詩雪軒校刊本

亂石排魚復橫灘立鷺鷥水聲飛下舟勢拔山高疏  
壑何人到撐持只自勞曉來煙霧蔽牽纜似秋毫

社樹山村路山家樂事多綴籬全錦菊棲畝半餘禾雞  
卜調神鬼蕉衣換綺羅野人當賽日酣醉自爲歌

江上孤舟客柴門老布衣秋山朝獨對霜鶴夜深飛有  
夢逢妻子無營絕是非蘆花新月上孤負舊漁磯

好友三年隔秋來寄絲綸重言天下事細卷剡中藤阿  
闕巢朱鳳南溟有大鵬何時到官舍同擁雪寒燈

諸侯方好士東帛禮賢人草野曾何補名山自覺春帝

王天有命龍虎氣更新願借雲雷手乘時濟險屯

離亂終難定行藏早自疑不才成老大多病臥茅茨車  
蓋非吳會湘江讀楚詞沙頭楓落滿日暮更何之

具茨山堂待月

遠色生虛館微陽落近郊高僧相對坐反在一間茅水  
動聞魚蘚燈明見鶴巢何因林外影江月夜深拋

寒食郊外訪塵上人

野外尊僧舍相將到板橋閒雲三兩片新柳短長條供  
佛瓶添水安禪壁挂瓢不因寒食節烟火亦蕭蕭

六望堂集卷之五

六 詩雪軒校刊本

逕曲門常掩林深客不知鳥翻山影斷人立夕陽遲藥  
嶼通孤磬春潮人小池欲來長隱几一月數相期

登白嶽自紫玉屏降觀沈香洞

萬丈紅崖下句連碧洞深風雷穿地底鑄隙逗天心果  
熟猿相獻巢高鳥獨吟降真香不散飛落玉簫音

碧霄峯聽道童吹笙

道童善吹笙吹作鸞鳳聲令我坐峯頂羣仙降鶴迎上  
天三十六親見許飛瓊相勸飲金液明朝朝玉京

贈白嶽老僧

嶽頂老僧住自言無見聞前峯斷孤壁寒瀑落紛紛  
去收紅葉閒來放白雲一從秋日好禪坐每宵分

寄離上人

離公老舊宿道骨如孤松一別逾半載悠悠將孟冬言  
尋白嶽瀑夢阻朱明鐘今日涉江水褫礙鴈影重

舟發閬水至饒陽道中作

路出閬江口江流亂似堆馬銜秋草去船載夕陽來石  
鏡飛天照雲門跨水開前途猶未止一過一徘徊  
左折疑無路中橫忽有灘踏沙逢紫蛙拾草得紅蘭山

六瑩堂集卷之五

七  
詩雪軒校刊本

色遙多變雲衣畫一看不離鴈與鷺終日在河干

水路隨山轉行行不厭重湔流三百里迢遞幾千峯此

地尊漁戶秋風老客容最憐隔江女江上采芙蓉

坐久月未出草風吹野香前溪下楓葉一半上衣裳山

影暗當岸船燈明過牆無端與鳥鳥終夜只啼霜

小雨溼自好秋花鮮向人秋花照江水一片江南春白

露節未降白雲懷已新扁舟語舟子花下且垂綸

鎮上燒窰處看來俗自新煙迷三里霧石化一方塵水

驛通磁器鄉人祀火神女巫秋醮日迎送舞羅巾

聞說潯陽口將軍近渡河射潮排赤矢固岸擁瑠戈十

萬皆蠻女珍珠載橐駝何時江上客行路滿漁歌

苦被浮名遣蹉跎又一時往來空白笑前後不堪思獨

夜燈相弔還山鶴定疑菊花天氣好最憶是東離

自饒陽過都湖口號

善勸無如水能孤卽是雲我同雲寂寞來渡水縉紛秋  
色生蘋葉湖風捲浪紋不會行半日遺廟見匡君

祁陽山菴贈靜上人

住山受清氣道體得精強敝屣行深蘚枯禪坐斷香簇

六瑩堂集卷之五

八  
詩雪軒校刊本

人崖窵大稻竹石嶺涼誰與談罕頂寥寥空夕陽

江上寄王東村

好月在得水佳人應念茲常疑對深夜不信別多時楚

橘落襟袖吳霜飛鬢絲思歸學朱鳥棲向最南枝

江口夜泊

古塔斜陽掩輕舟曲渚停雲迎升峽月風送下江星折

岸沙重疊搖波樹杳冥漁人殊未宿燃竹飯山青

新興道中

要古荒城路傷心到幾時前人興戶口今日付瘡痍地

閩延三縣江空納一絲山邊望烟火桑柘影參差

盧師生長地當日少人知山湧芙蓉塔天匝日月池袈

裟雷一片燈火續千枝試飲江中水禪心定不疑

山路河頭出縣迎紫翠重車輪行一綫村落列千峯墜

石猿吟谷飛雲鶴下松望偏孤寺影停午一聲鐘

宿銅石

一夜虛巖響孤村夢屢醒石樓延小月茅屋逗疎聲巷

迫牛羊氣山銜草木形遙聞採樵與斲路入青冥

桐山寺

六堂堂集卷之五

九

詩雪軒校刊本

古寺藏山腹當門瀑布交地高峯倒影花落鳥成巢野

果垂青柰池亭縛白茅到來方日午齋磬出松坳

雨勢奔江黑晴來見晚暉虹蜺孤壑斷蒼笠隔林歸紫

蕨雲根長紅泉竹下飛了無人跡到苔上老僧衣

晚發黃泥灣

野色暝還霽泊然江水平岸風交草動波月疊衣明耳

目非經歷巖巒競送迎青蒼瀧口北隱映見層城

溫泉

丹竹當山缺靈湫合鏡盈鴻濛猶未散水火自相烹香

斷硫磺氣膏融赤日精龍宮多寶物沐浴總長生泉在丹竹村

丹竹村

秋夜宿陳元孝獨漉堂讀其先大司馬遺集感賦

大節平生事文章復不刊墨痕猶似漬碧血幾曾乾自

得乾坤正誰知事勢難草堂燈一點霜氣迫人寒

竟使神京陷皇天亦不仁衣冠生亂賊草莽起孤臣臥

劍雷常動揮鞭日欲新宏光諸疏草侃侃究天人

妻子何曾惜心肝祇爲君數行司馬法百戰水犀軍太

白乘陰氣招搖指敗雲英雄惟有歎終古語誰聞

六堂堂集卷之五

十

詩雪軒校刊本

至今亡國淚灑作粵江流黑夜時聞哭悲風不待秋海

填精衛恨天墜杞人憂一片厓山月空來照白頭

往日鳴珂里孤兒應羽林姓名麟閣重骨肉主恩深歎

命嗟何適浮湘欲斷吟及門諸弟子同有伯夷心

巫陽不可問中夜思空繁私淑欽前哲貧交得後昆君

臣千古分忠孝一家言危坐難終卷秋風正掩門

除夜宿華林寺呈宗公

浮生真可惜又是一年終草草風塵內沈沈夢寐中凍

雲飛不起殘月照全空何意投方丈香爐火正紅

輓王說作

未哭歌先短窮交二十年幾人泉下路似汝世間賢讀  
易常思過求知只在天那堪回首處流影入蒼煙  
美髯猶可象觀化已無形地關詞人塚天沈處土星雪  
封寒瀑斷松立眾山青伐石書私諡將同瘞鶴銘  
篋中遺集在開讀思難勝沙月光無跡秋潭綠化水數  
行酬藥價一紙寄山僧記得同堂作高樓遠夜燈  
亦有江南賦纒絲類楚詞重華不可就山鬼至今悲老  
去梳頭髮開來執釣絲衣冠相見日空歎不同時

六瑩堂集卷之五

士

詩雪軒校刊本

江左烏衣後瑯琊大道王姓名傳樂府金石出歌商大  
雅能相繼王風賴不亡廣陵彈一曲休更過山陽瑯琊大道  
王此樂府語也說作之子  
蒲衣取以爲號故借用之

野望

曖曖夕陽岑稀疎樹林白雲迎遠目黃葉降秋心水  
氣漁人洩山煙鳥道沈城南多戍婦入夜更聞砧

偶題

苔色上衣桁橙花撲酒罌密房齊樹築棋局看人爭白  
日關門坐良時荷鋪行但能長若此身世復何營

豐湖畱別羅顯甫

幾夜湖心宿畱連未忍歸坐沈魚下影有盡鶴高飛孤  
月照將寂寸心言共微懸知別離後新葉舊荆扉

答陳藥長

羅浮峯四百絕頂是飛雲雲體何無定飛飛散紫氛以  
予坐明月相待雲中君一鼓雲和曲人間不易聞

贈羅了一

黃山秋色好三十六峯明綠繞結雲海波清天半生仙  
人立雲際手拂虹霓旌與我佳期值飄然向粵城

六瑩堂集卷之五

士

詩雪軒校刊本

古道今人少如君豈易逢清爲天上月直作澗邊松秋  
思生寒角禪燈坐曉鐘不忘芳草意猶自采芙蓉

寄月上人

聞師近精進寮裏見人稀供佛燃香頂棲禪斂戒衣竹  
風當晚瘦泉水到春肥想得觀心處人天並入微

送姚棻入吳

一夜驚雷雨朝來喜見晴故人成遠別春水正初生山  
向南雄起江連北固平東風吹不斷相送闔閭城

送程生歸新安省覲

離情不可道楊柳共依依二月江南路江帆疾似飛近  
花風燕定收雪嶺鴻歸早晚黃山下殷勤著綠衣  
海國春初到潮聲應薄雷蛟龍連夜關風雨幾時開歸  
客尋櫻笋附人住草萊艱難當此地嘆息霸王才

送鄧將軍歸劍州

一門稱將種如爾最風流對弈常中夜吟詩到白頭酒  
間時舞蕉花下笑藏鉤往日麒麟殿聲名動五侯

六瑩堂集卷之五

主  
詩書軒校刊本

六瑩堂集卷之五

六瑩堂集卷之六

國朝南海梁佩蘭芝五著

五言律二

元日

西浦逢元日風光六度春亂離仍客舍貧賤剩閒身白  
髮那相妒青山久自親一杯新歲酒更擬作何人

人日

百年難此日况復值晴暉乍暖舒花氣餘寒蘊袷衣新  
萍魚學戲殘雪鴈知歸巷口饒春色兒童展啓扉

六瑩堂集卷之六

一  
詩書軒校刊本

人日王蒨衣過訪

草堂人日好塔下水蘭開酒熟邀鄰飲詩成喜客來安  
貧元在道守拙爲無才請看前溪水新流曲曲回

寄懷石翁

大法何時返相違已六年錫藏嵩嶽影鐘載汴河煙賓  
月流羣象龕花結靜禪幾曾春鴈信得報牡丹前  
經歲漳南寺編書續竺乾源流端後輩誦唱美先賢道  
樹靈芽出心燈玉炬懸殷勤銅雀瓦研墨半生煙  
客有金陵至言師昨歲還衣全黃葉滿身與白雲閒落

日雞鳴埭高秋馬跡山何人談性命燈火伴松關  
宿露霑松柏棲霞禮塔來玉毫如有象金骨不能灰照  
衲峯沈影銜花鳥上臺孝心諸佛見黯黯暮雲回  
傳說登臨興春來不暫停月忘孤寺白雲愛遠江青柳  
粟橫吳苑袈裟覆洞庭也知行處所草木盡成靈  
無力回天地爲農老此生牛羊同尊食錢罇事刀耕善  
病添新戒妨人識舊名自經師一別不復入重城

石翁入住長壽禪院賦贈

至德賢王請年時記赤烏寺開郊甸合峯立海門孤古

六瑩堂集卷之六

二 詩雪軒校刊本

鏡當人照新林任鳥呼天花飛幾片灑灑下平蕪  
法王尊貴者陞座曉鐘撞龍象圓香室人天立寶幢直  
將千佛現能使百靈降獨有龐居士無聞在隔江

西疇早春

荷鋤無力甚猶欲學人耕終日墮田父田間幾處行拾  
泥雞燕喜插屋女桑生便足閒身老悠悠貧賤情

寄吳山帶

秋色佳在遠美人思共深西軒坐中夜脈脈無知心中古  
鏡抱照水青鸞飛入琴簾葭空一片相望阻來音

訪顧梁汾昌州客舍贈別

別來三屢歲一接隔秋書每想芙蓉月君家鏡裏居夕  
吟茄下驚朝進鱸殘魚更自剌天去薇花滿玉除  
豈意昌州見征人且未行波濤離一日燈雪共三更取  
醉名泉酒編謠子夜聲亦知同是客鷗似在鄉城  
行李能驅我文章載一身尙遙燕國路先憶牡丹春細  
雨傳衰草重裘閱老人祇應江閣上吟眺紀茲晨

贈別陸義山

仙郎新客舍一夕得相同久雨星方見寒吟柝並終衣

六瑩堂集卷之六

三 詩雪軒校刊本

裳添雪後心事向江空漸與風塵入長天急塞鴻

次京口

帆檣京口路利涉一茫然水色含元氣潮聲吐大川乍  
疑人入海轉覺地浮天何事菰蒲外漁歌來扣舷  
遠郭盡江水長虹跨不來地形山勢截天塹海門開白  
晝前巖出中宵鼓角哀往時征戰處臨汎重徘徊  
閭閻無國土吳越有春秋霸業魚腸盡空山虎氣斷人  
來胥口岸雲匝寺前舟入夜聞僧磬梅花凍一樓

寄題殷麗木瀆山館

想見高人館柴門倚洞庭月明魚出沫煙靜鳥迴汀泉  
味春蕪綠山心石竹青賦詩千百首天地亦忘形  
野興誰相愜幽期我欲尋屋分松影大門積蘚痕深把  
釣過湖水聽鐘出嶽林幾時同步履七十二峯吟  
尋常居止外無事可言機澗僻窺猿飲天晴放鶴飛  
雲投竹杖寒濕濺秋衣聞說新行徑尋僧失翠微

訪江石鳴漁竹庄有贈

隨卷等高士荒齋一小園棕櫚衣覆地烏柏葉遮門養  
鶴糧俱絕烹茶火未溫平生貧徹骨不受一人恩

六瑩堂集卷之六

四詩雪軒校刊本

贈濮安

濮叟吳中隱爲樓號半閤亂離成白首幽寂似青山齋  
日尋僧去花時逐鳥還所耽惟好句他事少相關

次揚州

一路淮南葉高低傍客飛蕪城新月上瓜步晚潮歸江  
氣空如鏡秋心感在衣誰知連棹發歌吹竹西微

漂母祠

一飯尋常事千年廟貌存母能生大將天不死王孫落  
落長淮水悠悠行路言從來漢高帝不及婦人恩

渡臨淮

江南將路盡江北此長征地入鍾離國山連下蔡城小  
舟先馬渡寒驛後人行漸覺無芳草春愁黯黯生

鳳陽

萬古塗山國淮肥此合流天成龍虎地人識帝王州飛  
鴈虛銀海遺民記玉旒忍看陵墓上風雨折松楸

騎驢

上馬苦著鞭騎驢得自然風塵容我後驅策任人先霜  
雪無時下關山忽在前從來經歷慣於爾獨留連

六瑩堂集卷之六

五詩雪軒校刊本

汝小不堪策汝羸羸可傷人情重筋力吾意在馴良野  
曠風吹大天遙鳥去長還憐欹卓帽一月此中忙

黃河

汨汨黃河水天來壯禹門混茫惟一線橫逆乃中原撼  
日時聞響流雲不見根幸承舟利涉會拜水神恩

符離

渡口羣爭處行人滯有餘斷橋排馬隊歧路塞牛車黃  
葉心同落青山夢未除一冬飛鴈盡不見廣州書

韓庄早行

土店燈在壁出門心轉孤星光連馬眼水氣上人鬚沙路紛難辨天河澹欲無直行三十里始覺樹飛鳥

嶧山

嶧山縣裏半日落車中眾石鱗鱗影平疇習習風人惟稱孔孟天盡入龜蒙一笑秦皇碣羣臣侈頌功

聊城

向夕聊城下沙雲捲日黃驛樓聞畫角野火見枯桑風掣神鷹過鞭鳴匹馬忙有懷高士節東海竟茫茫

景州

六堂堂集卷之六

詩雪軒校刊本

青齊千里外直北更添衣風雪交河壯沙雲大陸飛路長防馬倦草沒念鷹饑進我黃羊炙居人射獵歸

雄縣

帶朔風多勁春來始漸柔雪消平野見水破滿湖流雄雉車聲簇魚鱗屋影浮隔城堤畔柳景色似南州

涿州

積日蒼黃色烽烟古涿州八旗回大將萬馬出諸侯禹服環中土堯京控上游抱書當未厭翻欲倚吳鉤

惡少

惡少本幽并縱橫自性成黃鬚千帳曉綠眼萬人驚錦帶龍衣窄金鞭駿馬輕朝廷方用武知爾立功名

羽林郎

年少羽林郎腰間插大黃猿猱身敏捷戎馬氣剛強擊劒名王帳飛毬俠客場腐儒牙齒落噴噴訝金章

御溝水

長安橋下水水色白粼粼見在銅溝出知爲御苑春恩波歸帝子粉澤謝宮人莫更湯泉過華清浴正新

旅夜

六堂堂集卷之六

詩雪軒校刊本

旅夜知何遣虛齋默坐中澹燈吟苦句斷雨聽幽蟲萬物俱交氣羣生未發蒙此時還獨醒心跡與誰同

東歸

北上既不就東歸應復然文章難一第辛苦易經年古驛飛新葉寒江落舊煙山中有生計且種白雲田

古南池

我來濟水上訪古遊南池霽日正初下和風吹在茲陶情似新沐散帶臨清漪卻望青徐道天涯未有期

萬樹蟬聲集千花鳥影移芙蓉開夏扇楊柳簇春旗客



路無今日閑雲偶共期與來還藉草池上學垂絲

荆門驛阻風

此際荆門驛北風吹大河倉皇舟失楫重疊水奔波白日當人少黃雲聚氣多陰晴天不定明發更如何

青江浦題壁

銀瓶提玉酒瓊手酌金卮奉勸郎君醉臨當日暮時垂楊千萬縷紅豆兩三枝又是西烏夜星光照別離

泛高郵湖

天入菰蒲色沙邊葉盡開孟城千纜過雙社一帆回射

六堂堂集卷之六

人詩雪軒校刊本

鴨兒童喜銜魚鵲鶴來白波平復起空裏出樓臺

飛鳥向邊過湖心還寂然鏡空全露影月滿不虧弦菱角量無斗荷花摘滿船漁翁從此見眉髮類皆仙

倏忽已依岸適遊能幾時回看楊柳影風起亂絲絲好景不常得此心仍欲期爲尋今夕夢湖水莫應知

江行雜詠

長風天上起倏忽到青蘋萬里隨雙槳孤吟剩一身江聲喧日夜秋色上衣巾蕩入蘆花去漁翁莫笑人江水翻東暗城隅障北寒六朝人不識垂釣客空看天

氣占銅渾鐘聲得瓦官猶憐陰殿草衰颯到長干

桃葉橫波去梅根遶渚歸黃瓜稱小草白紵製新衣倒

汲銀河水斜開玉女扉不知何意緒連夜夢中飛

舟路千盤下清流引翠微石崖松鼠走麥隴錦雞飛物

理通人事勞生悟息機晚來殊自得涼月鑒絺衣

江村亦有神賽社鼓沈沈人立鷓鴣外舟虛禾黍陰野

雲無定體碧草有秋心又逐橈聲去橈聲應獨吟

雲雨昏迷極蛟龍戰鬪迴可憐天在水直似峽崩雷城

角吹何急江流壓不開忽然朝日出百里見高臺

六堂堂集卷之六

九詩雪軒校刊本

古廟依江口神絃向夕聞畫裙巫女拜香草大夫蕞落

日歸龍戶高天出鴈羣洞庭如不遠從此禮湘君

隔水聞砧過孤村有幾家亂藤穿細竹高樹出疎花蠶

女能占月蜂王會報衙柴門太無事終日對明霞

聞說池陽郡昭明有故祠古雲垂碧瓦新日表金枝晁

服同皇帝文章實我師欲將江上水親爲薦蕪詞

天濶圍彭蠡江深突小孤波濤原惡險風雨半虛無遠

動魚難上長空鳥不呼與誰忘處所閑羨水中蒲

湖水空如鏡廬山削至天芙蓉朝灼日菱葉夕開煙掛

瀑飛絲小行魚聚沫圓要攜登嶽杖且泊泛湖船  
肅肅泊天鳥翬翬離水濱西風滿南浦行路獨何人野  
曠兼多磧灘陰况有神不須前送遠聞者已霑巾  
南入虔州路江行稍自如得知過嶺日先寫到家書灘  
急風無敵江空月共虛不愁爲客久鄉味見黃魚  
莫向秋潭照鬚眉送老來石屏橫水立野菊對山開入  
世生成懶全身賴不才自從新月出夜夜笑登臺  
經歲爲行客常時念老妻艱難支八口俯仰向中閨逆  
浪浮魚背高塵蹋馬蹄鷓鴣飛不到遙望越臺西

六瑩堂集卷之六

詩雲軒校刊本

書案嬌兒坐花牀稚女臨窗持青鏤管能剔繡絲針老  
眼看渠大長江想共深城頭烏尾起將子在前林  
屢有還鄉夢關河截數重月弦遲隔晦秋葉迫將冬蟋  
蟀吟陂草獼猴宿嶽鐘白雲山頂上何日倚長松  
秋氣漸清冷客行風景蒼燒痕餘草溼沙跡淨波光葭  
莢黃初月汀洲白晚霜故山歸計得心卜在重陽

次石門

出海潮聲小船鳴十里椰雲根穿石暗山影蕩波光新  
綠禾苗短深紅薜荔長動人寥廓思江燕亦成行

訪李方水村居歸後卻柬

清秋一相見及此梅花時看歷已無日閉門何所爲詩  
歌空自放天地豈偏私莫歎長如此人生不可知

寄羅山人

嵒嵒龍溪老結屋梅花林香雪一春事青山淳古心琴  
停深竹露詩振靈泉音江夜芙蓉舸高天勞寄吟

送羅飯牛歸寧都山中

春來生百物昨日始聞雷煙霧晴難定乾坤暗不開遙  
從滄海上一送故人回語我山中事柴門滿綠苔

六瑩堂集卷之六

詩雲軒校刊本

無錢買山隱有夢託誰清星月隨君影河關截鴈聲天  
園芳草路人背木棉城歸日開行李茶經幾葉輕  
白茅峯頂上架屋倚雲高人座猿攜子穿篁鳥墮毛道  
情無物我春色極亭皋靜想閑居止松花落布袍

送人還楚

嶺南春色早十月已梅花無計兩君住孤城閉日斜長  
空指高鳥戍鼓雜清笳迢遞湖中路湘帆未有涯  
三楚英雄地頻年事甲兵檄傳淪浦口軍住岳陽城白  
日吹鼙浪黃沙壓騎營長才那用隱幕府舊知名

送洪大入吳

鱸魚三尺雪金錯銀絲選日吳淞上佳人特爾爲舊  
遊予不忘初客自應知取次看風物楊梅似荔枝

送屈本恭燕遊

鵝潭老詩叟門對海門秋自得滄浪趣而爲京國遊  
雲森碣石白日蕩幽州看爾風塵外高誦上酒樓

送離公歸羅浮石洞

漸老妨幽獨逢人感別離那堪當臘日相送更禪師孤  
鴈聲何切閱雲去不知名山精舍在想見護寒時

六瑩堂集卷之六

詩雪軒校本

送何不偕之桂林

故人別我去西指蒼梧雲臘月無多日春山專待君身  
隨孤杖遠鴈背一江分八桂蒼蒼地題詩那可聞

送李蒼水北上

久入幽州客還家復送君不堪連夜雨相隔半城雲點  
案燈花見融江野雪聞知從天路去鸞鶴自爲羣  
向北風塵地黃河早合水大川那用涉官馬直須乘夜  
氣山煙斂晨光野色興如逢征鴈到書可寄南陵  
霜菊散金翹山梅蔽石橋屬裝馬首書卷束牛腰近

寒黃雲古侵沙白草驕不會行路慣珍重佩瓊瑤

秋夜同諸公宿離公禪房

疎鐘初落殿高葉半飛林語默存中夜蕭條見此心石  
池圓竹露弦月抱秋衿靜者復何有一燈方丈深

冬日陳元孝諸子過宿六瑩堂分賦

此心非一夜客至得同堂水氣浮陰井梅花落破牀凍  
吟聞雨歇孤燭影人長莫便遲清曉西城角滿霜

苦吟

不知天地裏還有幾人同是處堪成託吾生藉有終寂

六瑩堂集卷之六

詩雪軒校本

寥隨往日草木見東風贏得家人語時時只此中

贈何不偕

中年婚娶畢吾黨復誰人世德惟君造皇天獨爾親放  
懷從此日學道有閒身回首遊名嶽東風二十春

贈李皋水新婚

朱絲抽玉琴錦帶結同心鳳女名鄉里檀郎字藝砧宮  
梅高髻滿官燭絲盤深嘉會稱良夜千金擬寸陰

贈何小弁新婚

畦畦草標新繫顰鳥麗春芳林貽淑景嘉偶協良辰花

燭光閨里笙歌溢水濱桂旗遙復近河洛爾何神

片月朱欄吐初星畫閣輝夜疑牛女會人作鳳凰飛  
鏡花雙影呈衣玉一圍百年渾若此長爲對芳菲

贈某新婚

燭下香車入堂前眾道殊黛雪甯感箭寶月湛清臚  
鏡安黃額開窗檢繡襦卿卿畫眉筆新取架珊瑚

贈謝大

誰知能賦手亦作射鵰人諷託原無益驍騰自有身  
劍拙三尺水馬別九方歌看取來風去迢迢不動塵

六瑩堂集卷之六

詩雪軒校刊本

妾命生來薄狂夫早置家佛齋愁寶鏡窺日畏朝霞  
纓全封臂金燈屢卜花因君成嫁娶重飭六萌車

六瑩堂集卷之六

六瑩堂集卷之七

國朝南海梁佩蘭芝五著

五言律三

野寺

野寺蕭蕭立無鄰木四圍浮陽下平遠孤磬出因依  
白鳥盤空過青蕪隔影微不知烟火路何事得僧歸

秋潭

古潭天上鏡嶽色漫相侵蒼雪空成水孤雲寂照心  
微來無可說碧極不知深記得窺圓月前秋直至今

六瑩堂集卷之七

詩雪軒校刊本

板橋

渺然流水遠影出住鄉心葭菼霜初下柴門跡共深  
何人向喬木獨往立溪陰復去尋孤賞寒花白滿林

釣艇

秋色落芙蓉葦絲卷釣筒烟開星滿後潮長月明中  
天地何其廣江湖正不空白鷗浮上一意與人同

夕陽

高低禾黍路掩映漾微黃鳥影一邊見蟬聲眾葉藏  
平蕪黯寒色野火明山岡羣動勢相息乾坤落大荒

古鏡

只如天上月今昔本同時秋水一何渺佳人方在茲無  
言通物象觀化得吾師肯信鴻濛裏茫茫不可期

古劍

以我常時佩神光尚不開帝王乘運去天地贈人來正  
極愁魑魅貧交薄貨財誰從共生死一日拭干迴

琴囊

離離蜀江錦裁作古琴囊大化歸無朕元音會至忘儼  
然見虞舜恭已深垂裳不鼓南風曲人間已樂康

六瑩堂集卷之七

詩雪軒校刊本

彈琴

瀑布一千丈前山流最深幽人坐高館正理山中琴春  
水發青葉妙香傳化心悠然思太古元氣結于今

寒樹

孤峯寫枝幹老大意何如二氣相成化羣生自有初愁  
雲壓陰廣積雪明高疎誰用歎寥落東風歸太虛

冬草

生理何時見柴門凍一旬遙從天地閉深識雪霜仁前  
路誰回首空山自古春未應憔悴色黏著老夫身

聞鐘

一一風吹過誰知雪滿牀高天萬物肅空嶽四邊蒼飛  
葉霜俱定浮燈影自藏不眠終午夜幽夢負寒塘

夜漏

緒風傳入夜一夜幾回聽物候隨天轉人心與氣冥周  
迴千歲日高盡四方星多少勞生事明朝亦不停

夜潮

蕩蕩南溟水依時信自通氣常迴夜半柔亦見剛中與  
月浮無際爲雷塞太空世人那用測天地不能窮

六瑩堂集卷之七

詩雪軒校刊本

寒燈

虛室自有星疎壁裊孤青與雪垂堦地離人上紙屏萬  
形歸寂照一氣迫深冥待了南華卷梅花白滿局

宿鳥

夕照催羣息陽林見汝歸月生池下影山入靜中機受  
氣知天厚爲心迸夜微不應星四動寒葉滿堦飛

紙窓

爲愛明窓好齋居靜不開照心全白室上襪半蒼苔宿  
火爐香聚高花雪影來青山當一面飛鳥幾徘徊

簾

微波如可託綺日上花光道是臨湘水誰知在草堂燕  
窺前後戶人隔兩重廊向夕華燈滿紅絲綴許長

藤

萬仞峯削壁置身人不知倒花數石葉飛綠冑天絲幽  
獨成枯槁高寒且歲時山僧山寺儻相對亦無爲

玉冠

君子玉比德爲冠冠上頭青山洗流雪蒼水照空秋滑  
澤光鬢髮摩挲合手鉤麻姑相見訝昨日至羅浮

六堂堂集卷之七

四

詩雪軒校本

戴爾遊仙去天門九處開玉皇親見禮稽首謝無才石  
鏡雲俱下瑤光影自回鳳凰形翅小飛上鬢蓬萊

銅餅

碧井似春鏡美人當曉臨滿園喚新鳥初日上花心哀  
玉在百尺銅餅同一音惠而能鑒我波水共相深

紙屏

紙屏高八尺恰可立虛堂俗態疑輕薄賢人敬直方蒼  
蠅污不得白雪淨相當春夜成新句持燈列數行

湘管

可憐千淚竹滴出二妃心當日南巡事湘山幾度陰寸  
雲流不極野水自相深莫入黃陵廟題詩學楚吟

端研

蒼然大古色高峽氣長留寶匣垂星彩山齋見水流十  
年磨在手此意卽千秋送我文章老相攜賦遠遊

竹牀

鬱鬱黃金竹爲牀滑勝膏滑了承體直憶汝在山高青  
色黏頭髮波光上布袍四天飛雀滿誰復出蓬蒿

墨池

六堂堂集卷之七

五

詩雪軒校本

一碧涵天地波濤立欲飛幾緘靈雨溼何處黑雲歸蜂  
抱花鬚過人窺鏡影微詩心墮空水脈脈寫江妃

麈尾

高人持麈尾四座風依依白玉閒相照青蠅不敢飛誰  
從聽新瀑獨自洗秋衣天上碧雲在孤情有所歸

瘦瓢

剡瓢文理木卷手女磔磔左右紋俱紐烟霜氣幾多山  
中尊酒出春日爲花過欲洗巢由耳連星汲夜河

窮笠

吳僧最有名窮笠製來輕入寺人爭買居山客便行稱  
頭高髻出遮日小輪生自笑常多掛閒雲一片情

香煎

得入金爐內銀灰與玉匙麝臍畱一點蘭氣達三時熱  
火身能主佳人手自可不須論冷暖幽寂是心期

畫叉

挺然高舉手左右復多時力量能空上江山欲倒移墜  
雲無鳥影壓壁有風知予志存深隱桃源謝爾私

紙刀

六瑩堂集卷之七

六  
詩雪軒校刊本

出匣三寸水冰稜掌上開風雲人不覺輕薄爾能裁適  
用何妨小全鋒卽是才蛟龍頭角異早晚定驚雷

花架

三月新花滿東風入架偏奮紅斜折日沈綠暗與烟春  
女心空死情人夜不眠鄰園更搖曳高影畫鞦韆

藤簾

瓊島生藤葉南方五月時織成紋總總流出雪絲絲當  
月波生地宜人玉照池半空朱鳥火不敢近前窺

竹杖

太華高峯頂深寒玉女盆蓮花生在底一一拔雲根我  
欲凌風去尋仙相與言半枝桃竹杖隨意立天門

茶甕

竹屋安茶甕茶經更一編土中開燧火山下畜泉飲  
食生人後陰陽象帝先自今思採綠行袖一春烟

葛帷

纖纖裂作帷初出女兒機照日黃桑嫩流波皺殺微虛  
龍天地入密使夢魂圖何處容舒卷巫雲不定飛

萬帷新似水越女翦春宵獨坐持刀尺華燈照小喬蓋

六瑩堂集卷之七

七  
詩雪軒校刊本

雲真有霧通月豈無潮欲借龍宮石爲卿夢裏消

芒鞋

自入千峯去峯峯步影深照天雲落片依地草生陰幽  
響通孤寺梅花隔一林誰能問置汝春色正堪尋

熏籠

汝性本孤直因誰屈曲成陰晴憐氣候疎密太聰明散  
麝分全體沈香配一生美人曾不厭衣被自攜行

春山

天地森無體青冥運此中太空交氣象古色疊鴻濛深

翠流非一連雲渺不窮試從高處立衣帶滿和風

春草

眼前生意滿小物見天心野寺連江闊柴門夾巷深屐泥勻細雨鳥影度新陰不信年年路行人不可尋

春帆

天遠乘流到雲高架日通滿江前夜水千里一朝風鳥翼飛俱後蛟綃卷欲空浮湘今有作真與楚人同

春泉

山泉自太古覲復幽幽氣滿長如寂源深竟不流平

六瑩堂集卷之七

詩雲軒校刊本

生澹無欲與子靜相求花落花開地人間幾白頭

春燈

戶閉寒方減燈開月不加青投中夜酒紅初一圓花示我通真性爲鄰鑿幾家掉頭詩句苦鬚髮上輕紗

春展

屐小關身世晴天與暗天日辰輪甲子雷雨納山川益我行多路無人換一錢更宜居陋巷花事莫相牽

春寒

春入野風恬輕寒亦未嫌江聲橫到寺山色正當簾數

蝶開詩悶眠花耐酒厭困多應得泰閒檢六壬占

春衣

閑衣亦過春春在野人身太樸存吾尙東風莫笑貧雪晴初見綠花暖恰當長影入高紅裏新禽喚語頻

春岸

望遠心先到行前影屢移綠齊身蔽得紅亂眼穿疑欲寫新人物相煩老畫師夕陽無限好深淺著茅茨

春陰

看應可憐新陰陰過一春歲星虛建卯日火不生更久

六瑩堂集卷之二

詩雲軒校刊本

病花開閣長愁酒中人未乖童冠約先自拂頭巾

秋蟲

聲聲續遠林燈影亂牆陰落葉承衣脆殘霜著地深數移寒鴛夢幾失病僧心誰識無聊極多予此夕吟

鷓鴣

就如一片雪飛落小溪中菰葉藏無影蘆花墜有風移情恣清淺引吭極高空見爾閒如此勞生恨不同

六瑩堂集卷之七



六瑩堂集卷之八

國朝南海梁佩蘭芝五著

七言律一

閨夜

百尋孤閣郡城東，簾卷前山一角風。  
哀怨有光星在底，明河無影月臨空。  
羣生靜息鴻濛裏，秋氣森歸耳目中。  
不是夜深人獨醒，海門誰見日初紅。

懷遠

意緒不知何處起，感來秋色總徬徨。  
鐘迴野外浮霜白，

六瑩堂集卷之八

詩雪軒校刊本

葉照城南夾水黃，茅屋寂寥吟草木。  
故人書札到江湖，平生懶說天涯路。  
今日高高望夕陽，

自芙蓉移居三山復入平洲感賦

亂離無計存妻子，一月移家住兩鄉。  
歸燕亦知尋舊壘，飛蓬終欲轉何方。  
身常善病憐春老，心爲憂時識夜長。  
但得水邊茅屋穩，此生甘作捕魚郎。

早鴈

關河過盡少霜侵，知爾高飛載好音。  
一度別離猶昨日，四山紅白未成林。  
人情大抵因時節，客路如斯免滯淫。

休說近來邊外事，北軍俱有向南心。

草堂初報遠人歸，深夜欣欣起攬衣。  
已笑燈花開磊落，更憐老眼望依稀。  
乾坤何處非行役，霜雪分明有殺機。  
避地古來賢者事，及時應得願無違。

答王蒲衣匡廬見寄

石房終日自閒扉，太乙峯高客到稀。  
山果熟時猿摘獻，雪鐘沈後鶴停飛。  
閑窺石鏡心俱冷，靜對梅花月上微。  
欲識故人滄海畔，年年吟傍釣魚磯。

江上吹笛

六瑩堂集卷之八

詩雪軒校刊本

我心似月照江水，向月吹笛江茫茫。  
手指出風迸商氣，髮根溼雲生冷光。  
天西星貫串，浪黑浪白龍猖狂。  
四顧爲誰此漁者，紅衫鼓櫓來相將。

對山

白雲心事祇如斯，去繞青山疊疊飛。  
烟火四邊人跡絕，柴門一片夕陽微。  
逢僧說瀑水浮齒，就樹聽蟬葉墮衣。  
卻怪寂寥還未得，遠天禽影傍人歸。

燈

不知長夜爲誰孤，猶向山中伴老夫。  
幾樹雨聲千葉落，

十年心跡一時無星臨野水涵秋鏡壁寫茅齋上畫圖  
但得對君雙眼醒不妨寒色照來枯

寒齋

滿階殘葉亂如堆一月何常掃一回黏壁暗雲愁斷影  
帶冰泉水解生苔僧籠病鶴求詩去客裏紅衫入畫來  
昨夜北風爭不住屋梅新暖一枝開

春園夜集遲陶握山不至

林間相約不曾違試盡東風白袷衣滄海樹低潮暗上  
夕陽烟亂鳥斜歸酒當良會謀千盞月滿閒園迫四圍

六堂堂集卷之八

三  
詩雪軒校刊本

知己豈能忘此夜年來心事對花稀

上巳日同諸公西郊晚眺

亂離佳節易傷神況是風流舊晉人一種野花低著水  
數聲林鳥暗移春看山太息將斜日倚杖深憐漸老身  
已覺火烟官路斷可堪寒食更頻頻

一春不見吳山帶以詩代書招之

西園相別動經春憶爾山中奉老親短髮半斑爲稚子  
高樓深閉作閒人花開是處傷懷抱書著窮年記日辰  
明月金荂相憶否芙蓉溪上有垂綸

客吳門寄王說作

萬重山外千重水追憶同君舊入林爲友過于兄弟誼  
望余兼有父師心春晴誰信無鶯語秋氣偏來送客吟  
又是一年時節了吳門楓落大江深

寄寒塘

寒塘草根穴蟋蟀卽是幽人一片茅廬水白蓮移鏡影  
墜牆紅橘上霜苞閑裝畫卷隨人乞病借醫書要自鈔  
近日登山太趨趄不時攀樹弄禽巢

春日登粵王臺

六堂堂集卷之八

四  
詩雪軒校刊本

獨尋春色上高臺宿霧重重黯不開草木尙遲風雨後  
江山曾閱霸王來百年心跡人如此萬里陽和氣欲回  
海水自飛雲自立世間寧少陸生才

美人

美人夙慧自人天九品蓮中一朵蓮得珍珠長念佛  
養成鸚鵡會參禪燈邊對影醒通夜花裏求心悟隔年  
堪笑從從紅尾鳳尙傳王母喚修仙

懶

要從天性得吾真反作人間一懶人明月射簾隨徹夜

落花填巷不知春  
試吟詩句難終首  
借臥僧寮動隔旬  
閒客到來同散誕  
自登泥壁掛頭巾

鶴

自成標格好威儀  
不踏雲枝便雪枝  
山館半開流瀑處  
石樓長閉落棋時  
秋空帶病吟真苦  
月下孤行影自隨  
何日結同僧伴侶  
殷勤相對語相思

秋村

一間茅屋夾松門  
兩片疎籬護石根  
鑷髮每朝行照水  
彈琴終日坐無言  
風鳴野壑留乾葉  
霜落溪橋有剩痕

六瑩堂集卷之八

五  
詩雪軒校刊本

識得寂寥人在此  
不妨漁艇問孤村

七夕贈女溫黃

人家乞巧尋常過  
小女聰明獨好奇  
了角墻行參佛禮  
生羅衣寫望仙詞  
沈香揀出熏空處  
花藥穿齊賽一時  
捉得蜘蛛戴金盃  
要同天女關天絲

琴六瑩典人十七月幾不歸  
癸卯牛女夕得金贖

還喜賦

對此誰能不惘然  
隔年消息雁秋天  
空山木落發遙思  
孤館月明生獨憐  
記去事情宜造化  
歸來時日信因緣

卽看牛女成良會  
竟夕爲君不肯眠

六瑩堂前梅重陽日一花開  
同王說作陳元孝

諸子分賦

東風先報草堂人  
九日梅花一朵新  
隔歲已知天氣候  
當時偏見雪精神  
誰斟熱酒依寒菊  
獨遞閒情對早春  
待到月明還共賞  
朗吟詩句動南鄰

石門道中

江勢紆迴不覺遙  
好風吹趁石門潮  
人行沙岸看楓葉  
鶴立秋田啄黍苗  
寺影半間遮谷口  
泉聲一道出山腰

六瑩堂集卷之八

六  
詩雪軒校刊本

舊時刻吏荒祠在  
蘋藻無因薦暮朝

觀暹羅使者入貢

能於化外識尊親  
不憚波濤幾著身  
腰水魚龍忘感母  
指天南北託針神  
中朝禮自通甥舅  
外國稱原列子臣  
方物只將金葉表  
聖王從不貴奇珍

銅石巖訪劉仙遺跡用壁間韻

仙山無故得相求  
國有芙蓉水有洲  
石扇閉來天沒影  
洞雲飛出樹移秋  
人從蝙蝠尋遺代  
帝遣昆崙墜此邱  
想戴三花騎鳳去  
不時長入玉霄遊

登陽春城樓

城倚東南隔海濱  
四州形勝共比鄰  
山河到處邀雙眼  
天地虛疑立一人  
出谷雲光銜鳥影  
遠空雷響墜車輪  
明珠翡翠勞消息  
此地于今是要津

送區魚山歸鐵城省親

歲暮州城負米歸  
他鄉猶得戀慈幃  
亂離祇合甘貧賤  
生計何妨采蕨薇  
海上一帆孤島近  
柴門深雪夜燈微  
讀書膝下真難事  
莫嘆乾坤老布衣

寄毛中巷

六瑩堂集卷之八

七  
詩雪軒校刊本

故人相隔香山縣  
不見于今已十年  
海上波濤頻到夢  
篋中書札幾成編  
嶺帆出沒浮孤嶼  
鳥道青冥失遠天  
往日鬚眉聞尚爾  
秋風期共入幽燕

宿靈洲山寺同魏和公何不偕陳元孝陶苦子家

器圃因寄王說作東村

此夜吟詩不肯休  
村前村後水中洲  
潮聲出海鳥歸樹  
月色下山人上樓  
難得老僧時共語  
重憐良友不同遊  
忽看遠映生空思  
漠漠蒹葭一氣秋

聞鴈

寄書曾不到重城  
翹首中天但一聲  
銀海路遙行斷續  
玉樓人靜影分明  
當風月黑沈幽怨  
對壁燈紅感旅情  
莫向長空亂嘹唳  
水田千頃荻花生

黃村探梅

梅花千里黃村路  
花候誰能更掩關  
滿地月明燐昨夜  
一天寒色在前山  
冰融野壑崖前折  
僧立溪橋影自閒  
擬欲置身茅屋裏  
白頭相對不知還

舟次佛山過程周量飛山草堂留別

又得停舟訪故人  
卻憐前日別離頻  
酒香滿盞不惜醉

六瑩堂集卷之八

八  
詩雪軒校刊本

月色上衣從著身  
強比遠書燈下作  
若爲他夜夢中親  
所思動輒隔千里  
到嶺驛梅隨馬塵

金陵

遠城江水白粼粼  
入殿青山出郭新  
龍虎地形還聚氣  
帝王天命每關人  
當空葉落分帆影  
逆面秋風送馬塵  
苦憶舊時詞賦客  
欲來題遍六朝春

舊時江水舊時潮  
難怪行人說六朝  
飛過夕陽點點點  
散來秋草馬蕭蕭  
多年王氣山頭滿  
昨夜鐘聲夢裏消  
欲問興亡向何處  
秦淮沽酒破無聊

姑蘇

八卦週城按地輿已辰門逗八風疎繁華未歇吳趨里  
反覆終歸越絕書草露樹開占屋鳥夜燈船汜上潮魚  
舊時王霸無人講狶巷雞陂不似初

此地誰知舊館宮吳王當日醉春風三千死士散江上  
一箇美人同鏡中秋寺竹聲通晚磬斷橋山色隔長虹  
到來感慨事何限縹緲夕陽湖水東

楚中

黃陵廟口歌竹枝歌者女兒能楚詞似負細腰誇絕代

六瑩堂集卷之八

九

詩雪軒校刊本

不知長恨寄將誰湘江半夜通三峽巫雨崇朝對九疑  
欲記高唐夢中事碧城無語但相思

咸陽

中條西盡九邊分一面關雄百萬軍寶劍竝人磨黑水  
角弓終日射黃雲山空鳥鼠飛無次川亂魚龍出每羣  
信是帝王州壯麗秦皇墳對漢皇墳

燕中

易水擬歌歌不成荆軻去後少人聽身拍太子心全腐  
手劫秦王血尚腥朔雪布來河路黑邊沙飛入馬毛青

平生白草黃雲意學掃雕弓倚鴈翎

沛中

黃河西出南徐路馬首經過識沛中一代帝王還故里  
幾家雞犬入新豐天垂芒碭雲疑在山擁彭城氣已空  
湯沐昔時諸父老相逢誰爲述歌風

雒陽

東都遺蹟與誰爭雒下詞人自古今中嶽氣生朝日溼  
黃河聲應夜鐘深平時玉几升龍卷幾度瑤笙降鶴音  
無限興亡無可說一春閒對牡丹吟

六瑩堂集卷之八

十

詩雪軒校刊本

蜀中

每到春來看海棠隔春猶憶過瞿塘眼新始見巴江水  
身舊仍衣楚澤裳陰洞毒雲龍蛇骨遠山生草麝行香  
東風吹醒今朝夢大禹祠南是漢王

鄴中

漳河流水漫無聲銅雀空留昔日名幾片瓦尊文士蹟  
一邊鴉點夕陽城英雄不護生前短歌舞難忘死後情  
試望西陵松柏裏夜來孤月爲誰明

隋宮

四邊歌吹古揚州萬樹垂楊不繫愁寂寞河山遺玉璽  
繁華天地在迷樓清江鏡洗長年水廢苑螢乾昨夜秋  
無數女郎能結束昔時天子甚風流

滁州店中夜雪卽事

下馬入來還日色忽然陰雪滿山城數圍燈暈看全變  
一尺堦渠積到平含暖酒杯香易散苦寒詩筆力難爭  
牆東少婦猶蠶績長夜絲車札札聲

贈錢葆汾舍人

美人家住五茸城唱出高歌作鳳鳴明月在天誰可比

六堂堂集卷之八

詩雪軒校刊本

雲英爲水不曾清交窗紅藥尊常坐結佩雙璫自在行  
我亦海中龍女伴可能相見傍霓旌

贈王將軍

天垂星宿坐河魁上將勲名滿粵臺交趾遠馴蠻象去  
酒泉新賜橐駝來千檣海浪朱旗建三鎮軍容玉帳開  
幕府畫長無事日投壺花下更銜杯

同諸公集具茨山堂遲陳元孝不至卻寄

巾舄別來無幾日憶君長自枕高春岳僧攜坐孤燈外  
沙鷗黏行瘦影重一線月弦沈石閣數聲蟲響應山鐘

莫隨烟水空江望欲寄湘南五尺笺

湘妃

水濶瀟湘見二妃江空露下少人知數聲木葉落深處  
一望渚烟迷到時太息雅琴成絕調竝彈瑤瑟寄相思  
就中要眇情何限只是含顰對九疑

明妃

明妃內嫁幾時回跪拜君王寶曆開漢月暗隨金鴈去  
寒雲高擁紫駝來還如公主親承輦未許單于共上臺  
憶得舊宮當日事琵琶彈出白家哀

六堂堂集卷之八

詩雪軒校刊本

文君

女蘿絲附木瓜身新寡文君自結親辨得琴聲無怨調  
託將詞賦有情人誰家明月能離夜何處東風不嫁春  
遺恨白頭還後死茂陵書在向誰陳

雄神

似曾相見不曾通一片精靈立水宮何處倏來儀髣髴  
若爲將去影朦朧桂旗側想衣裳德玉珮深矜禮樂躬  
解道東歸怨曹植停車無語對蘭叢

寄內

會宜夫壻會承翁見爾賢人在女中一別遂爲河漢隔  
雙棲終與鳳凰同鏡開後夜圓圓月花發前年正正風  
京國近來居破寺病身求懺佛燈紅

館娃宮懷古 用皮陸韻

柵梢廢已無宮瓦苔蘚沿空有石崖遊客踏來麋鹿草  
美人遺去鳳凰釵難言珠鏡相憐照合與銀泉一葬埋  
當日更誰能認得越來溪上總傷懷

禾黍離離非昨昔宮牆誰見出層崖亡王氣盡沈金劍  
妖女魂銷化玉釵入地定知無淚滴上天何處把愁埋

六堂堂集卷之八

十三 詩雪軒校刊本

從來不獨遊人恨野寺山僧亦動懷

秋懷

南漢臺高松杳冥滄浪人對楚山青欲將玉尺量天地  
未信銀河倒日星深夜老猿啼到曉隔江寒鴈落前汀  
誰能更聽湘君曲一路懷沙過洞庭

禁籞何人到海涯景陽宮裏盡啼鴉徒聞草野留王氣  
不見蕪城是帝家斑竹至今悲二女蒼梧終古葬重華  
六龍南幸無歸日腸斷西風起暮笳

天府誰誇百二雄帝王原自出秦中山河鐵壁無人到

庸蜀金牛有路通拔地不知留漢草射天眞欲挽長弓  
何因三月咸陽火不及旃裘似火紅

誰捧朱書霹靂文沈香虔告玉皇聞虹蜺大駕驅雷雨  
組練長江閃日雲霜角夜吹偏獨戍縞衣人哭盡三軍  
微茫更自乘槎去消息崑崙總未分

贈葉猶龍金吾

漢時都尉聲名重家世勲勞國史稱賜劍幾年藏北斗  
種瓜終日學東陵天中絲管長留客屋裏湖山欲贈僧  
相過黃塘坐明月羅浮峯影落層層

六堂堂集卷之八

十四 詩雪軒校刊本

贈某參軍

才子爲官在法曹鏡歌新製人龍韜手扶地軸東南圻  
身倚天門日月高符璽帝王前代見麒麟功業此時遭  
閨中亦識封侯好大雪當窗繡戰袍

吳中雜詠

引河新水入湖遙菱葉孤童一尺潮樹裏見人藏酒幔  
鏡中移屋上鮫綃香風暗度黃鸝巷畫楫輕過白馬橋  
試倚半塘聞一曲城樓霜落冷笳簫  
遠浦蒹葭望不窮楚帆明滅夕陽中求魚獺截長河水

逐鳥鷹園曠野風無數樓船排日腳半天砧杵亂秋空  
吳中景色原來好留得行人看葉紅

東陸孝山太守

北風吹鴈向南飛江上人從嶺外歸一水冷雲隨客夢  
四山紅葉照征衣高看鳥道臨官閣遠想漁翁話釣磯  
不有故交賢太守此心誰識與時違

日南天半古梅開符節年年駐此間劇郡本來難乞假  
大才偏不異投閒常因齋沐尋孤寺每出文章動百蠻  
應有新詩及同好伴將吟鶴入秋山

六瑩堂集卷之八

主詩書軒校本

贈王兵憲

柏臺枝葉長丹柯東拂扶桑陰海波兩世旌幢誰得似  
百蠻碑碣總難磨神羊正奪奸回氣朱鷺新傳部曲譌  
京國故人來遠信下交猶爲達巖阿

宿白嶽寄陳中洲給諫

江鄉深處看魚標風駕船頭幾尺潮蜀國罷絃誰爲解  
楚人能些百應招有時佳句書牙笏無故禪心指藥瓢  
我亦嶽雲留止宿滿山壇鶴亂秋宵

贈孫竹也明府

旅宦十年長閉戶同時少見一人曾俸錢貯足供慈母  
藥物收多饋老僧注易每研花上露陽吟時望閣中燈  
秋來更欲看山去新斲猢猻五尺藤

送人入安南

萬里波濤幾日程海門飛去片帆輕角龍宮闕浮空上  
犀象人家遶樹行寶貨遠通銀豆市艾花春滿竹棚城  
日南本是南交地況復舜王識姓名

市橋春望

劃盡青山江浩浩碧空無際望中分飛來斷岸潮千尺

六瑩堂集卷之八

主詩書軒校本

點落新苗鶴一羣抱日魚龍含雨氣指天旌旆動星文  
伏波銅柱由來事欲向樓船問水軍

駒

乳齒未經金絡頭赤身渾結五花毡寒原隨獵愛衝雪  
生草齧槽能辨秋行地星辰有底影出天龍馬無同儔  
養成千里不輕易要與英雄人報仇

井

百尺飛泉井上凝注來山瀑一條水爲誰花下鋪銅鏡  
眼見星心下玉繩尙想病時涼肺火每同僧夜酌秋燈



無端浸著芙蓉葉野鶴踏翻無數層

贈妓

一回相見卽成因台堂蓮花瓣裏入瓊瑤自粧嬌少而  
琉璃如照淨明身爲憐豔骨呈金瑣每厭時名比玉真  
常把念珠齋日數斷除車馬問江濱

懣情偏愛寫幽蘭寫出瀟湘人座寒劍葉未承公子佩  
花心先許侍兒看拾將天上霞千片買得吳中綺一端  
乞與便時圖數筆袖歸晨夕共盤桓

誰家才子命能當消受巫雲一朵香神女有時來蜀峽

六瑩堂集卷之八

王詩雪軒校刊本

帝妃終日泛衡湘生成慧舌調鸚鵡慣織金衣學鳳凰  
竝笑竝憐無不可芙蓉花發照橫塘

六瑩堂集卷之八

六瑩堂集卷之九

國朝南海梁佩蘭芝五著

七言絕一

遊仙詞

嘒嘒雲車曳曳輪到來宮殿忽朝身天門燦爛金銀色  
玉狗當前不吠人

半夜天雞呼日出扶桑東角看來真分明一粒如紅豆  
不信人間訝火輪

不覺齋身在玉清比來筋骨似烟輕蓬萊山上原能到

六瑩堂集卷之九

王詩雪軒校刊本

只是秦皇少至誠

無端一片死鴻濛紫鳳青虬下半空金母報書催電女

玉皇傳令點雷公

仙官專欲顯神通昨夜瑤池讌會同齊入坐而齊袖手

一時天果擲當中

神皇天酒賜天廚銀餐金船當酒觚百拜謝恩剛退出

又逢玉女拉投壺

仙女飄飄字婉羅洞門雲鎖沒人過閑來去弄桃花水

染得銀河作絳河

騎龍鞭到上清居，角雙童守玉除。道出姓名全不答，  
榜來仙令五雷書。

洞中蝙蝠大如箕，衝出天宮四散飛。偷得嫦娥靈藥喫，  
滿身光彩雪毛肥。

春燈曲

黑紗籠裏紫瞳瞳，蠟燭燒當午夜風。別有捲簾人不見，  
紅樓聲徹半空中。

粵曲

春風試上越王臺，錦繡山河四面開。今古興亡猶在眼，

六學堂集卷之九

詩雪軒校刊本

大江潮去復潮來

琵琶洲頭洲水清，琵琶洲尾洲水平。一聲欸乃一聲樂，

共唱漁歌對月明

西浦

西浦橋邊納晚涼，葛衣斜透稻花香。舟迎雪浪黏漁網，

陂遠菰蒲長鶴糧

一天黃葉下溪流，兩岸芙蓉隱釣舟。明月滿庭眠不得，

金籠蟋蟀在牀頭

吳中雜詠

如此江山足霸圖，闔閭何事竟亡吳。太湖三萬六千頃，  
輸與謀臣范大夫。

白紵水衫試舞新，吳宮猶憶苧蘿春。從今莫拜西施塚，  
當日功成屬美人。

出京口號寄程周量

珂馬丁當入禁廬，出京人駕小牛車。不因痛哭空陳策，  
那得窮愁更著書。

天南天北路爭長，欲取仙人玉尺量。莫說太長行不得，  
鷓鴣生在越王鄉。

六學堂集卷之九

詩雪軒校刊本

綠旗軍婦撥金槽，紫帳哥舒帶寶刀。一箇腐儒無處立，

太行山色照來高

荔枝龍眼花盡開，嶺南歸去心悠悠。故有人問我作何事，

荅道昭王塚上來

送人

水綠山青去鳥頻，晚烟朝雨卻愁人。舊時南武宮前樹，

開作棠梨別樣春

偶題

芙蓉溪內水三丫，插棘編籬自一家。富貴眼前人不識，

滿園開遍佛桑花

南海神廟書事荅陸義山并次原韻

扶胥日上海雲融若木花開殿角東銅鼓祭神人盡到  
不知潮信爲誰通

翠蓋霓旌夾道垂真珠裙沓玉堦遲遊人避去驚龍女  
海客何因得共隨

軟風無力度香微爲冒明霞上畫衣羨殺廟門紅豆樹  
一雙孔雀白交飛

贈邵山人

六瑩堂集卷之九

四詩雪軒校刊本

一從賣藥問巴賁歸臥朱陵四百峯茅屋半間雲幾片  
手栽松樹已成龍

東黃生

楊柳初齊正學眠海棠含雨復含烟昵人一種情無耐

莫遣東風大劇顛

夜宿下化灘作

楓落沙灘野色昏酒邊燈影黯人魂無端月向前溪出  
知在蘆花第幾村

漁翁下灘有底急把火照灘篙力齊網得鯉魚長尺半

可惜夜深無酒攜

瞿塘峽口灩澦堆大珠小珠轟疾雷恰似此灘吼風雨  
四山無色野猿哀

贈郝翁

百尺青松千尺枝半欹北澗半東陂老翁松下看流水  
正是山中酒熟時

夜過賈生

十年閉戶似深山老衲心清一片閒今日卻令猿鶴笑  
白雲流影到人間

六瑩堂集卷之九

五詩雪軒校刊本

六瑩堂集卷之九

序

文字古今之氣脈也天地一氣之所積也日星雷雨川  
嶽人物氣之形也天地之文也寒燠晝夜陰晴潮汐與  
魚龍鳥獸昆蟲草木之生化人事之榮寂世代之更遷  
氣之動也文之靈奇變化也大塊之文常形異態歷萬  
變而不一復而天籟之鳴噓其清越激昂震蕩之氣則  
風也氣之聲也詩也者就天地之文噓其氣以爲聲者  
也苟非博覽墳索閱歷山川體會含蓄暢悉夫天人治  
亂興亡是非邪正得失之機明於禮樂制度人物之故

六堂堂二集序

一詩書軒校本

領溫柔敦厚之旨得夫興觀羣怨遠邇多識之義潛心  
殫智充積而神明之未易操三寸之管闕兩間之蘊靈  
奇變化而使其言之不滅沒也昌黎曰氣水也言浮物  
也水大而物之浮者大小畢浮夫能養其氣貫乎六合  
通乎萬古流動舒暢觸萬類而各得其狀則其言也根  
於有本發於無窮博設而不襲矧異而不虛見者若洩  
沈懷聞者互相引動愛莫能祕惡莫能毀然後知天地  
之文賴人以傳而傳者寥寥亦視乎其人之爲言也方  
今海內無不奉嶺南三大家而藥亭梁公受天地精粹

之氣直養無害故發之文字充於有形入於無間昔孫  
僅敘杜詩曰得天地真粹之氣縱出橫飛疑無涯隅表  
乾裏坤深入隱奧今梁公歿而公之氣接續往古浩浩  
穆穆在天壤也姚齊州使君嘗論公高懷淵潔天真浩  
瀚天地間不能多其人不可少其文旨哉言乎惜其文  
之未盡傳於世也公世君孝稚函一搜公遺稿並沈君  
方舟錄本屬玉編次玉荒鄙無似然不敢辭敬受歸旅  
舍盡日夕披閱領會開豁迎人稱誦以故交遊過從見  
輒把讀不忍去於是白君勗庵姚君齊州李君澄園齊

六堂堂二集序

二詩書軒校本

君峻谷皆愛公之詩謂玉曰梁公字內之文人也其詩  
文字內之詩文也同心之好曷共編校錄以公諸世因  
復廣輯彙錄成帙就學使翁公而正之蓋學使與公爲  
同門交契而翁公又當代壇坫之宗也爰得鑒定與四  
使君割俸以授剞劂噫公與家君交四十年玉從公遊  
久受文字之知最深不忍公著作之沒而今幸以傳於  
世也初公慕先大父文忠公棄相歸禪孤忠絕學交於  
家君五以通門故得悉公生平公靜慧端介肆力於文  
圃垂老不倦卓犖之衷羅萬有而備三才融神智入理

窟若鴻濛渾穆葆光內蘊若五音之備具於器若江淮河漢之分源條達其氣一動則四時行八音舉百川流滙發之咸宜沛之莫測公蓋以扛九鼎之力運寸管也以營四海之目分位置也以布六奇之法妙出入也以鸞鶴冲雲之勢領其超奇以魚龍狎浪之姿鼓其變態以漱雪嚼冰之韻歸之峻潔以水到渠成之理還之自然也公坐擁百城行十萬里凡所著作悉發之靈性卽酬應之章亦必慘澹經營搔爬其筋節抒其意之所注惜稿成旋擲去無多存者今就搜錄各體次爲八卷合

六瑩堂二集序

三  
詩學軒校刊本

其初集以行雖編輯先後不齊然精粹之氣具在矣昔李遐叔與楊極同登第友善楊歿李憫其孤敘次其集曰華之心較徐孝穆之憐許衛尉孤且倍之李青蓮卒於姑孰其時李陽冰爲當塗令收其集梓以行世至今咸豔稱之今翁公恤其藐孤傳其遺集諸使君同抒心力而表彰之曰爲宇宙詩文計公之海內是則天下後世之得讀公集者欣悅感頌視前賢當何如而況其子若孫乎況玉之急思其流布者乎夫薄俗之音剽竊鉅釘輕浮重滯卽善者亦不過如鳥獸之好音草木之繁

萼而其氣不足過卽已焉公之深宏沈鬱如天籟無形萬竅觸發接閼闢之氣於噓吸開卷而若縈繞於目掩卷而若渾含於心在讀之者知之非玉言之諛也皇甫湜爲前輩顧逋翁序遺詩歛歛之至轉爲叫笑白樂天序元少尹集吟曰遺文三十軸軸軸金玉聲龍門原上土埋骨不埋名公之集固未易滅沒者幸今之卽得行於世續千古之脈而長留精粹之氣運於宇宙玉亦轉歛歛爲叫笑也謹撫懷而敘之時乙酉歲嘉平月香山長龍眠通家子方正玉拜譔於禺山寓舍

六瑩堂二集序

四  
詩學軒校刊本

序

從來粵嶠羣推文物之邦豈獨靈洲始盛衣冠之氣然而灣名黃木滙百谷以朝宗山拱白雲環千峯而挺秀所由番山徵士異時見慕於袁宏至若南海區生當代傾心於韓愈也年友藥亭誕生華胄藝林採藻才既無雙桂苑攀花名居第一自此上書北闕佳篇已播鴻都豈知久困南宮晚歲方題雁塔問域中之耆宿莫不異地以同心逢字內之名流亦肯忘年而托契甫校書於玉署決志抽簪旋返轡於珠江杜門謝客花晨月夕總

六瑩堂二集序

詩雪軒校刊本

付吟牋藥臼茶鑪時依文几久矣人推三傑偕陳屈以齊驅集號六瑩軼宋唐而獨步矣僕與先生齒應兄事宴紅綾於日下曾叨附驥之榮開絳帳於天南復遂登龍之願方擬輶軒少忘常共追歡詎期館舍忽捐竟成永訣嗟乎公今長往誰爲壇坫之宗我亦將歸空抱人琴之慟爰謀剖氏急鐫瑤編喜諸友之贊襄感世交之雙校敬題數語用敘平生僕何人斯敢升松陵之集世有識者自知長慶之詩

康熙乙酉嘉平西冷門年弟翁嵩年頓首拜謨

六瑩堂詩二集總目

卷之一

樂府

卷之二

五言古體

卷之三

七言古體

卷之四

七言古體

六瑩堂二集總目

詩雪軒校刊本

卷之五

五言近體

卷之六

五言近體

五言排律

卷之七

七言近體

卷之八

五言絕句

六言絕句

七言絕句

附詩餘

此先君子辛酉以後詩也先君性耽文翰夜寐夙興手一編弗釋觸境寫懷時多著作不孝等侍立几席每見含毫染翰或撚鬚苦吟或拍案長嘯思沈機運伸紙疾書稿成有索書者錄一過輒棄去間有存者投敝簾中家屢空未能刊也甲申自北歸與武林沈方舟世兄同舟倡和之餘檢錄成帙

六瑩堂二集總目

二詩書軒校刊本

不幸遭大故鶴洲方公世好同爲摛錄並輯而編次之隨荷諸大人先生共賜鑒定分俸受梓俾奚囊遺詠心血長留苦肉餘生手澤罔墜不孝等感泣綏諸心版世世無敢忘云

棘人梁僧述近敬識

六瑩堂二集卷之一

國朝南海梁佩蘭芝五著

古樂府一

走馬引

驚風欲來天馬下夜半無人空四野月落城頭星照瓦琉璃匣吐蓮花鋌腰出走馬插豹韃直行萬里入幽燕幽燕報仇多少年

求仙行

黃金可成丹可得世上見誰髮長黑紫皇枉用求神仙

六瑩堂二集卷之一

一詩書軒校刊本

終入銀海穿三泉銅盤承露非人進漢武徒授白茅印大道植爲天地根至人得一毋弗存沐日浴月共長久朱帶金鈴復何有

古鏡歌

古鏡照心不照面當時高挂秦皇殿菱花八角光玲瓏黃金鑄出雙盤龍咸陽火燒歷千載宮裏流傳至今在珊瑚絙額懸粧樓美人對着蛾眉愁承恩聽說無鹽女自掩如花默無語

古釵歌

天桃花發紅滿蹊青芹井邊燕啄泥銅餅汲井一聲落  
古釵挂上青絲索拭來黦色仍有光取配翠窠陳象牀  
不是佳人莫輕送愛他鏤刻九鸞鳳古來尤物等塵沙  
君不見亭蘿女兒曾浣紗

湘江曲

湘江萬古相思淚湘竹斑斑照江水黃陵花落春日陰  
二妃彈瑟龍夜吟江流不斷淚不竭愁雲飛向蒼梧結

各東西

各東西日出月人青天無所離離九皇星欲墮駝車磳

太瑩堂二集卷之一

詩雪軒校刊本

碩天馬俾太行山上何時平春非我春夏非我夏道旁  
誰是息肩者不如踢倒崑崙臺俯視造化如嬰孩

拔劍行

少年血氣何太苦中夜拔劍屢起舞自言能擊白猿公  
向天一指無長虹眼看貂裘騎大馬衆中俱出少年下  
佩身無過短尾刀旁人不識稱豪曹何怪慷慨欲斫地  
孤劍不鳴不肯棄劍雖不鳴汝當知風塵川劍自有時

雀飛多

雀飛多蔽黑天地奈爾何野田跳踉共啄禾陸爾雀小

翅與鶩只可樹間啄蟲蟻田家禾熟未築場里胥催賦  
先下鄉買禾輸賦尙不足昨日村頭賣黃犢

吳宮怨

上天白兔遮桂樹玉盤明月挂何處嫦娥無意照人間  
眾星半隱黃姑渚橫塘烟暗芙蓉紅水風一動香微通  
館娃宮中列萬炬姑蘇臺上光曠曠此時君王正驩譙  
美人如花羅四面不知承恩是阿誰雞人報曉傳虬箭  
雨落必作泥雲去斷無影君不見古時流淚泉至今化  
爲八角井

太瑩堂二集卷之一

詩雪軒校刊本

王昭君

豔色無黃金丹青有誰讓昭君昔辭漢掩面啼馬上  
爲胡閼氏胡女盡沮喪琵琶彈玉關檐榆耀瓊帳妾生  
在漢地焉敢忘漢恩當時不嫁胡誰知絕世人

塞上曲

邊庭多早寒入秋氣凜冽胡桑落旣盡遍地白草折霜  
嚴弓力脆風急刀頭撥飲馬向長城滿目古戍骨惟有  
雁門關尙見秦時月

胡兒好逐獵出入乘橐駝射得免鹿歸自唱敕勒歌瓊



帳如城牆冰雪高嵯峨飲我馬乳酒醉後一枕戈前有  
白龍堆後有黑水河

寄衣曲

霜清露白砧聲冷絡緯燈邊照孤影年年秋日望人歸  
及至秋來空寄衣襖襦八緞絲五攝絨縷縫成纖手摺  
稱身寬窄難揣量刀尺依舊裁短長妾人不識關山路  
今夜龍城夢中去

漁父詞

日落前村少人渡溪邊夜迥芙蓉露簫笠茫茫泝大江  
星月隨身不知顧船頭一枝鶴骨笛手中七尺珊瑚樹  
拔得鯨牙踏浪迴又候龍眠探珠去

六堂堂二集卷之一

四詩雪軒校刊本

漁翁把釣如小兒一竿下水忘釣絲得魚換酒醉足樂  
無魚亦向蘆花泊白頭枕着紅葉蓑浮沈天地奈我何  
大江網罟無時了似翁不用機心少子孫滿眼聚漁屋  
港口炊烟蓀米熟拍手鷓鴣入深竹

牧童詞

江村春來新草生田家養牛方春耕牧童驅牛出村巷  
長堤曲坂爭相鳴穿沙渡水坐牛背首戴圓笠風吹橫

母牛舐犢緩緩行物類恩愛關人情地平草多牛跳躍  
縱牛食草解其縛前聞村女插秧歌和歌截竹敲牛角

樵父詞

天明星光滿山腹踏星唱歌繞山足林間猿猱猶未鳴  
坎坎斧聲動高木仲冬陰木大半乾山風颯颯吹人寒  
夕陽下山樵擔重十步一歇筋骨酸回頭深雪已封路  
明日采樵向何處安得山移在屋前落水滿地能賣錢

大塊篇

仰觀大塊俯譬一粟粟中有蟲以粟爲屋跂喙出入蠕  
動生育爰長子孫爰立宗族飲食宴會聲色嗜欲樂見  
有餘貪見不足如髮斷根斷必思續如毛出孔出不計  
縮去馬來牛飛車轉軸不知天地有傾有覆不知陰陽  
有剝有復不知日月有晦有明有胸山有時崩水有時濁所  
以至人相忘局促大笑不言長歌當哭

六堂堂二集卷之一

五

詩雪軒校刊本

六堂堂二集卷之一

六瑩堂二集卷之二

國朝南海梁佩蘭芝五著

五言古一

有詢羅浮水簾洞者答之

石樓面雲巖人洞風迴薄玲瓏雪如嵌左右藤交絡簾  
飛百丈虹石臥千巖舞花藥槽滿遊蝶黍珠落真人  
翔鳴鸞虛疑靈瑛樂

新城王阮亭祭酒招同蔣京少馮大木白子常讌

集用柳柳州雨後獨至愚溪高樹臨清池風驚

六瑩堂二集卷之二

一詩雪軒校刊本

夜來雨句爲韻得十首

盛夏草木焦火旻遍煎熬閉門在客舍何以散鬱陶清  
泉汎甘瓜雪漿湛含桃故人念我來真契忘位高休沐  
枉瑤華觴詠滋醇醪

翔禽戾層霄騰鱗散清渚萬物氣化中隱顯同一趣予  
亦託天地暢遂得所寓茲辰愜良懷獲與君子遇相扣  
白玉壺欲折珊瑚樹

中庭雨奇木交柯垂清陰枝葉接飛欄上有朱鳳臨黃  
鳥何關關相過和好音有似二三子高會成盃簪申章

酌介雅游絃抽素琴

冰盤列几案左右形神清銅餅冒朱花四座爲鮮榮戎  
戎沈水香蟄蟄秋蚓行金芽蘊石鼎碧乳流玉英誰當  
逢麴車一醉不願醒

華星夾明月翠筍連哀絲西園駢飛蓋波激芙蓉池建  
安美風流芳軌今在茲大者賦辟雍小者明笙詩一試  
爲唱酬音響同埙篪

禾黍作哀周君子哀王風三百漸淪沒大雅將誰從后  
蒼起自齊魯有申培公君今紹千載英聲振羣孽置身

六瑩堂二集卷之二

一詩雪軒校刊本

賡卷阿鳴鳳栖梧桐

匣中有寶劍截髮自鑄成抱出日月飛佩之魑魅驚空  
山四無人中夜奔雷霆安能養死水終欲擘青冥今日  
向尊前爲君作龍鳴

四時相推延百年迺虛假哲人在宇宙所以同傳舍縱  
觀無古今卑論皆王霸涉水辨淄澠升車識高下白日  
何處沈螢光照殘夜

吾慕燕昭王高築黃金臺馬骨收已朽千載生餘哀浮  
雲薄太行碣石負海來宮殿鬱崇基虹帶纓蓬萊瞻望

想壯麗忽墮白玉杯

微涼上巾帶挂壁饒白羽高堂敞虛窗暑退不知處  
渠瀉晴溜猶是昨宵雨引睇既清迴斂懷復澄慮邈然  
望西山暝色馳入暮

贈徐健菴宮贊

帝居蓬萊宮佳氣翳紫微窈窕垂五雲花蔕成金枝  
繁爲三能星天闕揚光輝連綴貫珠斗幹運週璿璣誰能  
仰層霄皎潔長相依

其區祕靈奧颺發崑山陽篤生我大賢以爲邦家光對

六堂堂二集卷之二

三

詩書軒校刊本

策準天人臚唱登玉堂華萼相後先當代莫與抗鴻猷  
思翊贊致

主希虞唐嗤彼管樂才所學徒霸王

瑤臺敞太清金鏡耀四海美人乘早旭膏沐呈光彩君  
王召相見果爾誇絕代出入陪金根侍從隨羽蓋東鄰  
有好女寶璐爲雜佩欲嫁無良媒粧成斂眉黛

側聞太華西諸峯列兒孫黃河納九曲星宿爲遡源春  
風鼓萌芽桃李知受恩大儒秉道德志士歸其門玉帛  
不以陳鐘鼓不以歆所貴志士懷道德同本根

僕本海邦人夙昔承顧盼貧家破茅屋夜坐恆至旦辨  
論摧箭鋒文賦迴鳥瀾中間一揮手遠隔同朔雁十年  
此度來雲泥更相判不忘故交好相見成燕衍刻我肺  
與肝毋使金石爛

送費琰次歸樅陽

費生氣高邁抗志師古人時無孔仲尼道德將誰親  
栖齊魯間往來厭風塵旅食留長安三載備艱辛非無  
公卿交樂處惟賤貧求我於寂寥情意多所申腹貯今  
古書吐辭皆深醇賦詩繼國風正聲何鮮新大美恆中

六堂堂二集卷之二

四

詩書軒校刊本

藏至寶毋自陳昂哉守堅璞以爲天下珍

我出彰義門子行自通州厖涼遍秋氣客舍不可畱客  
子衣裘單貴人漸衣裘馬首隨大車馬蹄辭方舟雖同  
往江南水陸成阻修且爲立須臾與子相綢繆繆亦  
何爲返子之林邱堂上有老親門外無遠遊膝下良獨  
難富貴非所求泉富美酒烹葵當肥牛顧視世上人  
有此真樂不

題顧梁汾積書巖用唐人宿惠山詩韻

茲巖敞西神合沓盤鬱蒼上有松柏桐森列俎豆堂嚴

粧紫瓊枝絳氣相縈翔祖德爲鳳儀文孫亦龍光芙蓉  
灼湖水采薦流芳香丹牋在椽桷瞻拜以不忘

積書滿石室君本金華人自從休沐歸學問隆日新上  
智辨黑白大道無緇磷移陰愛圓景騁轡悲遊塵意氣  
生虹蜺顧笑凌蒼旻我願舍故居來結君子鄰

石壁延高蘿陽林耀修樾馳花鳥影墜飲澗鹿迹絕莓  
莓雲片生黥黥煙景滅九峯列晴漢萬古祕日月人幽  
草木靜山響笙簫發緬想黃農前後先豈殊轍

贈成容若侍中

六堂堂二集卷之二

詩書軒校刊本

崇蘭鬱深澗青松挺重岡志士無外營氣味同孤芳掩  
戶二十年坐臥惟一牀耒耨事東皇垂釣歌滄浪高秋  
八九月朔雁紛南翔詎期故人書託雁相銜將上言報  
親友下言抒衷腸勸我入 帝京結束衣與裝自從屈  
仲冬大江動帆檣日月翻頽波天地歸微茫走馬渡黃  
河冰塞人馬僵沙磧乘飛塵肌膚切嚴霜不辭途路艱  
來登君子堂堂上何巍巍榮戟樹兩旁雲樹耀黃扉虹  
蜺貫干將及爾見君子和顏悅而康顧念我草澤自忘  
躬貂璫令德美在中粹然著圭璋共陳風雅言正音諷

洋洋國風爲不淫小雅少怨傷二百久矣衰願君今復  
倡鼓瑟聞鯨魚彈琴志螳螂麟遊表符瑞鳳舉叶歸昌  
古來重知音牙曠垂譽望清渭無濁流皦日凝祥光道  
義苟可投金石鐫久長

贈高澹人學士

葳蕤紫鸞鳳天下瞻文章珍采被羽儀呌嘯含笙簧遭  
逢

休明代應運揚輝光一鳴占泰階再鳴叶歸昌懷仁與  
蹈義步趾誠不常食惟青琅玕飲以金漚漿想見游蓬

六堂堂二集卷之二

詩書軒校刊本

萊崑崙象高岡直上九千仞絳闕朝玉皇般裔盤卿雲  
天際驂龍翔

南峯欲插天北峯欲拔地錢塘大江潮瞬息千里至西  
湖滿湖水遶郡流彩翠餘杭美山川賢哲從此萃九霄  
耀奎壁萬里騁騏驎聲名動

至尊清禁崇祿位古來稱魚水相得無有二貂衣內府  
賚玉食金盤賜煌煌國史書筆削嚴大義白虎集諸儒  
班馬辨同異朝進南書房幕歸西華第

聖人坐溫室日入蓮燭繼天人究精微民物陳鉅細有

時豹尾車扈從同侍衛前觀雲旂揚後觀珠旒曳往年  
上謁

陵橐筆隨應制功德頌長白碑版留百濟珊瑚綴爲簪  
蛟龍織爲罽天下賴衣被才人拾蘭蕙大雅今扶輪王  
風幸勿替

僕本嶺海士讀書向羅浮軒轅語學仙築室臨丹邱手  
弄蝴蝶飛身騎暗虎遊一誤入世間坎壈懷百憂虛名

三十年有若衣蜉蝣日來列侍從直蓋填皇州顧自

愧祗祗荷公矜琛球薦賢爲國家大臣心休休屢得達

六堂堂二集卷之二 七

聖聰大德焉能酬鸞鵲恩龐山翡翠生炎洲如何摩天  
飛雙翼得自由

贈魏青城

太陽升薇垣高映扶桑東天門爲流光古色開鴻濛曜  
景於嘉禾佳氣爲鬱葱魏塘漾層波紫瀾吹清風草木  
無枯條霜雪無嚴冬紀歷凡千年運會誰能窮

季冬十二月月令建在丑子氣陽蕤萌丑宮物牙紐哲  
人此篤生天意良獨厚煌煌文昌星粲粲連珠斗其南  
曜衡岳其西昭廬阜一從歸東山蒼生望已久寧知聽

絲竹真氣在林藪

男兒在天地獨此千古名百年欲何爲祇以勞其生惟  
公有文章日月同光晶惟公有功業金石待勒銘廟廊  
仗區畫楚蜀懷靡旌忠孝從本原仁義尤性成鳳皇十  
二律一一交和鳴不見江水流口夕相洞濔與世爲嘉  
祥萬物咸休徵大笑學仙人高論蓬萊清

上吳留村大司馬

元黃亘天地子氣回陽春玉衡運其機節候方蘊隆萬  
物未紐牙蘗萌在黃鐘况乃爲炎州火德無嚴冬旭日

六堂堂二集卷之二 八

臨崧臺清光散羣蒙光流湘離西光流虎門東顧彼宇  
下人瞻仰同蒼穹

上居葡萄宮天下歌太平公持節鉞來百粵爲肅清文  
武奉憲法小大廉且明軍民賴綏和出入如弟兄士習  
歸頻壁民農遵溝塍歲時一蒐苗俎豆藏甲兵璫瑁爲  
朱旌孔翠爲旌旌勲伐勒銅柱千載垂令名

上曰惟公賢永爲粵金城

轅門日鼓吹入夜傳虬箭政事填邱山舉之若羽扇從  
容坐鈴閣對客同芳譙撓酒金留犁筆龍尾硯興酣

落蝌蚪頃刻盡東絹大畧驅羣才風流軼儒彥古來推  
謝公今日重得見

名材出豫章美竹產雲夢天地生我時忍使終無用如  
何蓬室士歲月惟抱甕守拙任沈冥陶情類疎縱荷公  
顧細微風雅時見重走獸尊麒麟飛鳥託鸞鳳請爲下  
里歌金石待磨礱

送李生入都

昔吾遊吳門與君始相見高秋值九月把菊長日讌同  
時有魏陸幕府美才彥吐音成鼓鐘走筆掣雷電流連

六堂堂二集卷之二

九

詩雪軒校刊本

爲朋好忘却節候變後來挂席歸楊梅已堪薦去年入  
長安復爾深繾綣公卿共下榻館舍同一椽君行跨青  
驄我出乘紫燕自君過巴蜀予亦返鄉縣庾嶺高插雲  
瞿塘急如箭山川一修阻書札何由便詎期君驅車至  
粵重會面日南古交州海外素奇甸晶瑩琉璃宮翕施  
珊瑚殿土風載名物所產無不遍大珠明月含紫貝錦  
霞爛碑礪象車輪蝴蝶似團扇巨鼇可爲簪翡翠行作  
細飲惟荔支漿食以桃榔麪草堂屢相過笑語曾勿斷  
忽然告離別不復畱顧盼冥冥舊宿雲役役新飛雁雲

猶抱山中雁已嘆天半置酒臨中宵邀君坐及旦長風  
萬里迴列宿明河粲明知是秣馬且欲須臾緩我本行  
路人豈作兒女戀由不獲追逐不覺懷聚散憑誰問行  
藏祇自存方寸京國逢故人爲言守貧賤

送龔含五太史歸里

燕山八月節暑氣猶未退今年實亢旱秋稼農輟耒昨  
宵變油雲時雨成灌溉東流到桑乾出與西沽漚官船  
應潮長一旦迴旌旆大江自揚帆路與恆岳背徒令送  
行者獨立飛鳥外

六堂堂二集卷之二

十

詩雪軒校刊本

明明我上天日月光照臨照臨亦何爲居高鑒臣心十  
年登侍從袞職愧莫任獨此向日葵可以承

帝飲天地至廣大時運有升沈拾塵惑顏回投杼疑曾  
參歸去南山南種豆北山岑

君家在豐湖我家在珠水羅浮貫其中一氣五百里山  
川蘊靈輿人物從此起况乃當南離星次鵠火尾君爲  
鳳凰賦早獻明光裏我猶守空山閱歷增馬齒茲來佳  
京雒正爾執鞭弭誰知躡後塵君已先歸矣豈無舊日  
遊不如我君子

李東山築園以養其母名之曰哺賦詩贈之

驚風飄高樹東西無安枝有鳥名慈鳥在巢哺其兒待  
兒羽翼成長大能自飛雖則能自飛母子不相離朝隨  
雞龍山暮隨邦水湄

駒虞本至仁元獺獨稱孝捕魚祭祖宗不用罟與罾物  
情重敬養百順無一撓鮮民之初生夙昔成胎教壯齒  
徒爾爲菽水不能効色奉而心違無乃爲外貌

觀察昔邁亂羅陽提孤軍委身致社稷九逝存忠魂夫  
人撫貌孤淚洒七尺墳蓼荼四十年今始安其身子爲

六堂堂二集卷之二

十二  
詩雪軒校刊本

彥方賢母誠敬姜仁芳春坐北堂進食何紛綸烹鼈膾  
鯉魚可當猩猩脣

送周維念

攜手登粵臺山勢何蒼蒼秋色來虎門一氣葭莢黃鳬  
鷺亂漁謳海水空茫茫浮雲向東馳白日臨平岡仰視  
霄漢問好鳥多翔翔羨君振羽翮高舉還 帝鄉

題查夏仲抱膝圖

查侯千秋人志尙在寥廓九州騁遠步萬物同一橐在  
昔羅施遊從事開府幕才矜阮元瑜人號王景畧南雲

望碧雞西日指劍閣爨書倩客求巴賚聽人學揚船渡  
湘水擊汰弔紅鄂荊州鼎沈淪洪武砲遺落流連綴詞  
賦慷慨感今昨家林向赭山蕭散任邱壑鴻鵠志將翔  
菽水供殊樂白華生絳趺慈竹長龍種此圖見生平抱  
膝寫寄託豐眉豎頰條銳骨表山岳得非隆中人恐是  
孤山鶴長吟繼梁父竊慕實管樂用心何獨深有道在  
龍鑾

頌蔡忠襄公元配顧太君壽

九霞北堂也

仲冬建子月節候爲黃鐘厚德流坤元萬物資蘊隆阿

六堂堂二集卷之二

十二  
詩雪軒校刊本

母逢令辰佳氣何鬱葱榮榮北堂萱玉葉含紫茸鳳皇  
鳴雖階高上百尺桐下有五色雛翩然欲凌風象服揚  
威儀鸞叙耀顏容拜舞紛進前嘉慶懽和融

維昔忠襄公晉陽秉節鉞大義明君臣一死昭日月夫  
人矢柏舟清操自茹蘗截髮事既同磨笄志難奪教子  
成碩儒著書抗前哲上以報明德下以彰閭閻今日來  
登堂觴爵備繁潔朝廟賢公卿海內諸俊傑千秋萬世  
名彤管書節烈

桐城方依巖暨元配孫夫人雙壽詩

仲呂變赤律朱明臨芳辰祥雲繞龍眠郁郁還紛紛彷彿蓬萊宮海色搖金銀爛然映華堂佳氣回靈椿照見雙白髮舉案同賢賓翁爲洪崖公母爲魏夫人夫人衣青麟翁戴華陽巾階下盈百人被服咸綵珍整翮騰天墀萊舞揚珠塵積學紹忠孝敦睦歡懿親競上介壽觴羽傳傳飛輪樂奏東西廂靈敏合韶鈞人生有何樂所樂惟天倫子孫既已賢壽考日已臻黃麻與紫誥次第承恩綸金石保堅固霜雪貞松筠夙契阻皖粵令子歸具陳

六堂堂二集卷之二

詩雪軒校刊本

贈王易箕新婚

二儀判陰陽天地配男女聖人制婚姻大禮於此舉羔雁旣已行玉帛旣已具人倫首夫婦居室同一處鳳凰相和鳴鴛鴦託儔侶憶予甫壯歲汝祖同膠漆摛詞綴蘭藻操音中琴瑟汝父爲新詩金玉鏘紙筆汝時始初生燥髮猶未櫛呱呱在繡襦不識覓梨栗今來已長成二十當授室土膏蘊萌芽春回生百物人情重新婚及時况相得尙其謹閨房毋使嗜慾失

贈王紫詮太守

首夏氣清和萬物生意逞麥風被原隰梅雨潤廬井亭亭雲出江童童日銜嶺離支已成塹禾稼行豎穎舟楫環郡城民人肅衣領公堂祝太守僅筐各有秉堂上廂樂齊階下旌旄整拜舞躬孔誠禱頌詞非騁天長與地久不用測圭景

六堂堂二集卷之二

詩雪軒校刊本

太守千載人高名早驚衆上天爲星辰明堂作梁棟風雲起閭闔羽翮排鸞鳳一麾見風流五馬勞轡控公餘綜琴書臥治絕諍訟有時登羅浮候日波間動下界猶沈冥上方自吟諷大笑學仙人局踏朱明洞妙藥求珊瑚燒丹事鉛汞

珠江二月時新柳綠於線送君還禎州惜別在海甸相約遊飛雲物候富鶯燕今辰值申甫吉日開芳讌賓客咸應劉中原盡名彥觴以羅浮春盛以枕椰麪興來或走筆醉後時側弁而我五百里阻隔不相見徒然想天人駭駕蓬萊殿

觀海篇贈龔衡圃樵使

混元自太虛大塊誰結構一氣歸鴻濛少動卽洩漏元



黃分上下天地得相妬維天一生水地二乃在後龍宮  
曠真宰海屋冒宇宙豁落無端倪橫絕大蓋覆南溟屬  
鳴谷日出於此觀荒荒曜祝融汨汨涵柳味雨戒窮津  
涯四隕納安竇駕部持節來汎覽悉經究珠崖洗陰墟  
虎門翼陽岫連山石戴鼉蹴浪帆飛鸞鼉鼓長自鳴鯨  
鯨不時吼珊瑚燭晦夜琉璃堆白晝怒或若雷發激或  
若雨驟闐或若馬踏嘯或若龍關靜或若偃息徙或若  
遷就或火色上炎或鹹味下逗或驅走雲霧或簸蕩星  
宿當其信波濤萬里不可收舉外諸島夷海舶齊輻輳

六堂堂二集卷之二

五

詩書軒校刊本

向前見官長方物報左右脫帽以爲禮帶劍不相授衣  
服事褻積飲食崇飮餽蘇合香作油茶蘼露成耐蠻花  
散金汁番樹垂鬬縷貢獻指犀象交易用銀豆駕部柔  
遠人樵外并寬宥島夷聽之喜風琴一爲奏此時黃雀  
風五月中天候海角紅扶桑挺然凌霞秀

吳雷村制軍北歸詩以送之

大海合四維天池獨南甸西江從東來雙峽盤一線其  
陽耀崖嶂其陰散湖澱魚龍安泳游草木被紅蓓去年  
當仲冬冰雪下如霰雪封土囊口冰結石壑面南人不

衣皮布帛焉得煖銅餅爲汲井井凍綆不轉炎方物生  
火火遇寒不變今年復亢旱朱雀飛春先夜來觀象緯  
箕畢無一現郊原龜甲折阡陌龍鱗斷分明天告災人  
事何由算我公雷三城爲民發長歎盜賊久已息饑饉  
奚容薦運粟古有行禁繹誠非善大人握機柄天地爲  
之幹誰能負經綸忍使民塗炭比來天始雨溝洫流澌  
澌牧人牛耳淫農天秧馬亂殷勤事耕作或可營飽飯  
公胡遽東歸舟楫連河岸風起揚旌旗潮平信波瀾一  
時官與軍士庶盈及萬樹碑照今古脫鞬表愚賤八年

六堂堂二集卷之二

五

詩書軒校刊本

恩澤深兩粵山河晏憶昔秉節鉞開府人畏憚松臺控  
上游雄關據門限榮戟何輝煌鼓吹何闐咽令行迅風  
風威加掣雷電賞罰各有條邪正毋勿辨艾綬進文職  
貂璫獎武弁有時振金鐙蒐苗寓訓練草間逐狐兔將  
士於此選銀盤刺黃蠶紅翎墮飛箭大臣重封疆小醜  
不敢煽在牧無巨羊江上多歸雁蠻獠亦蒼生山崗皆  
赤縣况當削藩鎮

聖人正南眷根株雖已除枝葉猶潛衍保無舊荀彧依  
附仍作蔓公時節制初芟柞不使延有如在金廈海國

磐石奠巨鼇折爲簪長鯨封作觀其他設燧臺要使夕  
烽傳苦衷爲行旅山寇從此竄花山向阻險作邑成隴  
畔又如諸土司賦性原獷悍虎豹穿入羣猿猴結成串  
殺人三步弓藥伏狼牙箭撻伐徒爾爲綏輯豈無叛公  
爲諭德威懾服齊舞忭戎辰楚氛訐羽檄馳四徧朝廷  
出禁兵列陣成鵝鵠焚巢向金口紅廟成賀戰公爲募  
死士爲禦防禦捍出其尙書俸陳賞會勿論白金與獸  
錦吳綾雜東絹皇皇社稷心汲汲生民患國家鑄金錢  
天下使流貫其行若流水交易任所便粵人在甌駱遠

六堂堂二集卷之二

七

詩書軒校刊本

隔不得見公爲請設局與餉可給半詎爲軍儲資翻來  
小人訕鳳皇鳴高岡弋者思拔彈意圖委毛羽誰識凌  
霄漢惟公具忠誠惟公絕攀援

皇天聖聰明不久承照鑒我生守車轍窮巷忘困倦俗  
人未免嗤公獨垂顧盼往時過幕府金醴爲設饌陳以  
翡翠牀滌以琉璃硯榻以綠沈管一一題裁扇更爲治  
北裝書策得所獻幸升白玉堂叨侍承華殿疏乞休沐  
同獲與公周旋如何賦赤鳥趨朝不容緩長江遠追送  
夜雨寒漫漫更闌尙翫燭不寐愁待旦

送朱漢源歸桐鄉次留別原韻

閉戶從春來梅花壓牆角雪色光稜稜鐵骨立嶽嶽有  
如狷介士偏畸見卓犖氣定神自森性高行必踔鳥靜  
爲林幽魚肥因水濁俗情競趨走吾獨緩蹢躅此意得  
今人千載未云邈朱君來桐鄉過我草堂數風流著文  
采太素存古朴荔枝與徧嘗雞頭憶初剝洪鐘在猛虺  
扣擊驗所學明明荆山珍生成不須琢王風起衰靡大  
雅事揚摧長嘯天地間宇宙猶齷齪青簾下白舫玉轡  
控黑駿言將返茗雪萬里入北朔窮交戀朋好惜別心

六堂堂二集卷之二

八

詩書軒校刊本

屢懷春江厲波濤堅冰正析滄水上珊瑚枝贈行爲君  
剗去矣乘風雲大人方吐握相送臨花田微雨昨夜渥  
壽陳仲襲北堂周太夫人

松湖水浸灌上與天河通江漢朝宗來氣象吞鴻濛水  
族有萬千鱗鮪魴鯉鱗躍者無凡魚點額成飛龍湖邊  
萬株松蒼濤拂清風笙簫入湖屋儼然扣洪鐘榮萱  
草花絳氣生紫茸粲粲在北堂光輝照旌櫓塔下五色  
雛翔集高梧桐

八座爲夫人皇天眷有德夫爲 帝納言子爲 帝簪

筆更多廟廊器一瑚璉質堂前植雙桂大半成桂實  
黃雀銜花來報德詎能畢梅花白照眼吉祥兆虛室西  
池鳥書至爲道長生術弱水乘飛車蓬萊但咫尺

壽申菽施北堂茅太夫人

東南具區數吳都宅其半霄溪從西來顯氣同滋灌玉  
水流雲英塔源台冰泮煌煌一婺星耿耿當天漢皎如  
明月輝蔚若朝霞爛流光入樞斗奎壁爲之貫位次紀  
建牛歷元不可算

開春上陽月淑氣來嘉祥土功德媼神百卉滋繁昌萱

六瑩堂二集卷之二

元  
詩書軒校刊本

草垂三花朱萼含芳香孫枝秀銅池金薤綴琳瑯阿母  
何歡娛高坐在北堂祖爲百揆尊子爲尙書郎象笄映  
龍綃萊舞紛繡裳羽爵堂上陳樂奏東西廂二吳數閨  
閨甲第誰相當

我聞瑤臺端王母稱窈窕戴勝怡妙顏虎齒而善笑出  
入麒麟車飛景開光曜青鳥貽書來與母陳道妙上元  
魏夫人復下南岳嶠鶴蓋聆靈璫霞旌指叢霄與母象  
外言七元備元要何當八千春一比桃花少

送楊勉菴北上

維南有香山七宿相纏連中有蓮花峯其下出藕泉美  
人飲泉水顏色成芳鮮皎如朝霞升波漾芙蓉妍逸態  
何便嬾修眉自連娟東家學倭髻西家學鈿蟬斗帳施  
紅羅玉窗搖金煙吉日承蹇修嘉禮成良緣良人惠前  
綬開關爲車牽出以玳匣琴拂以朱絲絃一彈秋鴻飛  
再彈春洞天

西北多佳人不如南國妹蛾眉聚傾國皆護天下殊首  
耀金雀釵耳貫明月珠前後何所見紫囊綴茱萸左右  
何所見雜佩鏘璫璵璠細綺爲下裳錦綺爲上襦明詩與

六瑩堂二集卷之二

元  
詩書軒校刊本

習禮淑德馳令譽聖人坐掖庭充者皆閭閻佇見召後  
宮貴盛在須臾

城南公謠詩

并序

正月二十九日川南觀察王紫詮使君招同袁休菴  
通政史蕉飲席常王令詒明府史萬夫明經李霍山  
陳元孝王蒲衣廖南暉處士藍采飲山人陳獻孟曾  
秩長梁王顧茂才雅集城南官廨觴讌之餘各賦詩  
以紀一時之盛

天地爲門堂人物塞其內今古成往來時序互遷代佳

遊續城南高唱屬吾輩上春日寅蟬午夜月朏晦燭光  
吐鴻濛星影落破碎長筵間絲竹列坐却車蓋辨同三  
耳藏賽作五家隊中腸築詩城側弁忘酒會羅龍創宇  
官開闢尊草昧琉璃嵌積雪沙泐含紫貝或尊若朝廟  
或肅若冠佩或森若武庫或疎若華岱或雜若元黃或  
雕若藻績或離若隱見或合若妃配或輕若飛行或重  
若負載或寬若用衆或嚴若割愛或勇若赴敵或恬若  
求退或縮若鱗鱗或朋若兌兌或上抗兀兀或下墜施  
施或險拔鯨牙或空騎鶴背牛觸明破齊鴉鳴暗擒蔡

六堂堂二集卷之二

三

詩小軒校刊本

萬有極變化一氣歸陶汰所造闢神明是處振聾聵羣  
公誠升堂予也猶戶外不能奪蝨弧徒然奉盤敦

爲王母朱太夫人貞節賦

母系出崑山年十七歸平仲先生廿四稱未亡人下  
撫藐孤上奉翁菽水凡三十年子素嚴始登第入史  
館以貞節聞

清霜厲苦節白日流無光肅肅閉簾幃冷風吹衣裳黃  
鶴成單棲哀歌摧中腸盛年適君子八載稱未亡有姑  
先黃泉有翁尙在堂何以薦魚菽解却雙佩璜何以奉

馨潔脫却明月瑤視息撫藐孤教養同敬姜果得成令  
名斗宿居文昌般裔騎孔鸞駉駉朝玉皇蘭臺擅制作  
洪鐘鏗煌煌茹荼三十年一旦爲表揚棹樹烏頭  
絲綸煥龍章風烈昭管彤門植綱常

家世嫺虞魏崔盧未能匹銀黃耀鄉里累代垂朱紱王  
宰結瓊蕤蕙帶被蘭質頡頏我良人相對理琴瑟明詩  
與習禮佐讀勤紡績願言偕白首誰料中睽隔君家有  
父翁生事何敢失歿成孝鵲塚松柏蔭廣陌兒生在礪  
礪所望報明德磨斧志已完截髮事非一燕翼得後人

六堂堂二集卷之二

三

詩小軒校刊本

上帝實陰騭幽潛一以鑒明明見天日嘉慶盈庭除拜  
舞雜黼黻烈爲青史書德載黃裳吉

送趙秋谷太史歸山左

竊窺天上雲濛渺八極遊朝從蓬萊山暮宿崑崙邱變  
化既不測卷舒還自由爛漫扶桑霞相值臨滄洲鱗鱗  
見瀛渤嚙嚙升羅浮仙者五六人大小二名樓笙鶴交  
好音松柏盤翠虬雲兮本高天山中寧久留終焉薄膺  
霄星漢當奎婁

神京應紫微 帝居敞金闕公卿效趨走車馬日填咽

君爲侍從臣弱冠特超越鴻文出巨手史冊揭日月眾  
女妒娥眉芳草鳴鵲鴉誰知點墨蠅愈映寒池雪一笑  
還空山高臥長薇蕨東遊賦觀海南行志適粵而我處  
里門得承枉車轍長談苦畫短續夜愁燭滅中心如驚  
濤尙恐告離別

川南觀察使守惠相期久萬里遠致書鯉魚竟虛剖臨  
當擁旄節天外還矯首臘殘覩稅駕共翦春前韭故交  
戀同心新知樂攜手閒來一賦詩興到卽飲酒有時訪  
山僧證性及茗帶聲聲寂聞見世事忘八九人生有何

六堂堂二集卷之二

詩書軒校刊本

常所貴在不朽維昔排金門於今聚林蔽天地至廣大  
世人自伽扭誰能貌衣冠拱揖隨木偶

春到氣候和景物自駘蕩東風二月來城南百花放燕  
乳初吐泥魚兒細吹浪虎門值新雨一夕風濤壯拍天  
雲陰羅崩峽石芒碭晨興見澄霽郊野始清曠官船泊  
津口還沓陳祖帳吾曹擬相送小艤遲隔岸連連蛋子  
搖緩緩珠娘唱情意殊未申擊汰慨以慷沿洞幾疊浪  
頃刻千里嶂椰葉暗遠林鷓鴣藏宿莽後會夫如何朝  
臺但高望

送劉省庵銓部主試還朝

平生慕交遊冠蓋盡四海常恨遠古人不得共千載天  
地元與黃開闢非草昧詩書富有核道義爲甲鎧誰知  
雲韶音埤簾人其內黃鐘發潛萌大呂求匹匹春雷百  
卉坼萬物成濯漑桃李自不言東風笑相待修幹挺華  
林寒崖一枝在君持日南節我秉田間耒十年爲弟兄  
相見翻感慨執手誠後時且喜同友愛

太華金芙蓉三峯半天側傳是巨靈掌豈有神禹鑿日  
月背後生黃河一邊落箭括通天門龍首盤地絡時聞

六堂堂二集卷之二

詩書軒校刊本

上帝觴中有叔卿博宰世爲大人馬生應齋懷文耀  
黼黻出匣露鋒鏑宏璧珍明堂攝提夾大角權衡準周  
官司祿及匠作早朝蓬萊宮暮詔絲綸閣傳車望南溟  
秣馬辭北朔呈材任規矩斷輪非糟粕

炎州信南離火德應柳味斗魁戴六匡牛女次在後當  
時盛人文草野皆繪繡自從喪亂餘百物陳雜糅細帙  
失甲乙刀稍列丁戊有誰識衣冠無復推孝秀我

皇一車書天下開薪酒君持玉節來較士量入穀造車  
計輪輻架屋論結璘琉璃鑒晶瑩冰雪辨刻鏤噲咍考

鐘鼓飢餓絕烟豆尺寸求珊瑚經緯羅星宿魚龍嘯奔騰駿馬快馳驟明鏡懸日中燭下尙經究所重在得人用心良獨厚

黃鵠一高舉千里不可知斥鴳搶榆枋飛鳴待何時臨當送君行黯黯難言辭徘徊江水深仰天望四垂我舟列漁樽君舟揚蘭旗笳鼓疊中流瀾濤漾文漪芳草沿汀洲過雨滋棠梨憶昨同宴遊徵歌列吳兒蕭寺尋高僧賦詩并彈碁詎意成參商此樂不可追雲帆挂青山倏忽隨風飛鳥道臨臺關驅馬更度之而我事春耕徒然把鋤犁

六堂堂二集卷之二

王令詒歸雲間卽北赴銓補賦六章爲別

八月天漸涼山中滿秋氣蟬鳴抱木葉黃落已三四海門湧潮來縱如馬脫轡張帆向高風潮長風得利我居在湖上蒿菰半畝地灌園方鋤瓜力困一假寐君來疾出迎巾烏忘倒置誰知是作別語坐且申意飽樽無醪醪素盤寬滋味亦肯爲我留屈指天下事不覺湖月升流光遍荷菱

君宰潘州時一月幾通札擊雷市葛人大廉賣珠客往

來語新政到處承德澤教令數十條風俗盡變易雀角絕爭訟豕牙銷盜賊諸生習講禮小民知讀法戶闢絃歌聲雞滿桑柘柵詎意子產仁翻來仲尼厄陰雲羈中天白日忽著黑聖明燭幽隱四照窮八達金鏡在瑤臺蟾蜍豈能蝕去矣朝紫庭神鸞施綵翮

平生曠歷覽所樂惟山川解綬入循陽妻子同一船寄跡白鶴峯四顧天茫然蝴蝶如車輪飛來羅浮嶺撫弄不去手取適在目前自署玉局吏人擬我眉仙豐鯉尋二湖官橋相勾連野僧住黃塘山鐘叩湖煙時登合江

六堂堂二集卷之二

王令詒歸雲間卽北赴銓補賦六章爲別

樓唱和高前賢風土復有記巾笥盈百篇忽然泝廣州歸思起離絃匹馬臨臺關鳥道天上懸

二年官南巴今日歸東吳家住在松江門對薛澱湖菜有雉尾蕪魚有巨口鱸鱸魚入尊羹肥膩勝醍醐遶壁搖蒲湘捲簾開畫圖好友時過從往往至日哺叩問如洪鐘咳唾皆玉壺况有湖中田油油浸青蕪秋熟收蟹稻夏至輸菱租除却里正來心上一事無還將飾羔裘風雪入帝都

帶我切雲冠山中夢金殿老馬久在槽仰秣難逐電君

今入幽薊馬如一匹練融融雪作泥微獵風吹燕數年  
綴文藻持出可易絹封禪書未傳甘泉賦先獻我

皇靖邊塞生民免塗炭燕然勒石同郊廟崇璧薦釐定  
諸樂章協律思審辨帝譽歌九招雲門舞六變看君日  
奏對

聖人屢稱善從此承明廬謝却萊蕪縣

颯颯烏柏樹冥冥青楓林汨汨江水流莽莽層雲陰一  
片地上霜一帶城南砧一線屋角月一絃壁上琴不言  
泰山高不道黃河深不隨斥鴳飛不共王鮪沈買絲結

六堂堂二集卷之二

詩集軒校刊本

縞紵剖竹爲盃簪酒味如砂糖香氣同鬱金高天引雁  
翼大海迴龍吟經術本自古出處匪獨今送君臨津亭  
笑指苔與岑尙有萬里書寫我京雒心

題張母陳太君旌節圖

張解元是北堂也

紅蕖拒秋霜女貞冒冬雪坤元蘊母德淑質厲苦節筭  
年適君子兩載忽決絕琴彈寡女絲鏡掩顧兔月維時  
值饑饉喪亂幾摧折支持舊門戶弱植心力竭堂上有  
老姑孝養備馨潔熒熒撫孤雛栖巢儼丹穴流黃佐膏  
火金薤陳卷帙果得成碩儒矜修繼前哲詎期感風木

母子復永訣高名上春官追憶反泣血幸有賢當途幽  
潛表芳烈臨當送會葬冠蓋交填咽松柏蔭廣陌馬鬣  
樹碑碣請爲昭管彤史冊垂不滅

題張後村垂釣小照

秋空蕩無雲湖靜拭如絹三萬六千頃浩淼成一片魚  
行在湖底鳥飛沒不見槎槎楓葉鳴獵獵蘆葦亂先生  
坐垂釣耳目隨眺玩有魚與無魚得失非所戀似嫌網  
罟密故使釣竿緩神與造物冥悠然道心善

舟行自三山海還珠江道中作

六堂堂二集卷之二

詩集軒校刊本

舟行入夜昏四顧無一可江長畏波浪溪曲妨柵鎖漁  
歌亦送人風勢橫向我是時冬未深十月寒已頗未有  
狐貉溫且用氈裘裹隨行兩三僕數問何處所前林一  
點青知是遠村火

海氣已寂寞忽聞波濤鳴不是風雨來恐有魚龍驚把  
燭照總暗推篷望微明稍辨沙際鷗始覺天上星向空  
但一笑顧我何所營閉戶且知重乘舟毋乃輕江柝轉  
高岸欽然感殘更

送秦屋山歸河東

病來臥空齋始悟攝生理寂寞歸神明風簾動牕紙故人返三晉欲送難強起浮雲擁車蓋白日曙濛汜何苦蟋蟀吟牀頭亂心耳

高柳鳴疎蟬遶屋紛荔枝晶盤堆赤玉觴譙芙蓉池昔者春載揚今來當夏時羲和騁六轡一往不可追俛仰驚節物感歎增別離

小人工容色君子崇篤實文章爲國華立身乃道德至動靜則存吹萬理惟一偃師忌淫巧輪扁厭糟粕不見蒼天高大虛表其質

六堂堂二集卷之二

詩書軒校刊本

太行俯河東西北連大路黃河撼砥柱倒入茅津渡君行歸翼城內舍對墳墓回首望嶺南番禺遂成故豈無雁門雁秋日來尺素

答周大樽

代小史紫茸作

捨舟登江樓落日上綺疏千扇白布帆一片鳥翼舒可憐大小湘不報尺素魚念君富文藻高名過應徐以此枕簟施屢遣魂夢虛終上琵琶弦抱見明月初

答吳承雲

代小史紫茸作

金鉉銜翠幄桂席終夜張進酒每三爵含桃寧一嘗送

笑未敢言流目時相望露滴連珠圓月吐百寶光既聞阿子歌亦賦白石郎行魚方泳游歸雁將翺翔蒲履與桑屐繫絲存中央

答陳獻孟

代小史紫茸作

么鳳銜桐花不覺毛羽光翡翠集蘭若有時相翺翔誰似白玉鸞飲者神灑漿大音鳴洪鐘小音吐清商安用五色肝照此百結腸恨不爲飛鴻側立珠樹旁咽咽抱葉蟬動予中心傷

六堂堂二集卷之二

詩書軒校刊本

子常釣璜小人常賣漿操者中南音和者誰西商感君意纏綿輓轡翻中腸結想爲井瓶待汲井口旁茹藥已心苦含玉定肺傷

玉冰在古井百尺亦有光神馬行鴻濛八極無不翔不信濁水泥可比雲英漿師曠善審音鼓宮反應商蠶絲滿腹中蟹筐偏無腸甘瓜生園中苦李食道旁采采及葑菲毋以下體傷

文魮抱玉鳴燭龍銜日光鵝子日向波白鵝舉手翔神皇飲天酒不酌石乳漿乙鼎欲問周庚鼎先求商豆蔻



既有心車輪亦有賜金石歌室中銅鞮唱道旁三嬰宛  
轉歌毋使五內傷

閏七夕後一日集蘆荀樓同潘稼堂張損持分賦  
得石字

微涼扇秋閑再觀星河夕曉來朝氣清逗出疎林隙郊  
原飛蓋臨山院蒼苔積午鐘才一鳴高僧作中食醅醕  
悅禪味花藥侵講席羣公善詩歌十笏留墨跡樓頭豁  
遠眺天宇澄空碧那知返照來但數歸鳥翼荷風暗襲  
人蘭湖激幽石

六堂堂二集卷之二

詩書軒校刊本

贈朱彥則

庭柳秋後疎新月照有餘念我同心人懷抱不得摠殷  
勤託夢寐阻隔鮮尺書今辰值良辰爲客當何如聞有  
賢主人其樂應徐徐美酒酌鬱金嘉肴薦鱸魚醉後一  
俯仰天地皆吾廬

君負經世才海內知名早寂然守空山不覺今已老平  
生廢蓼莪沈痛想天造寧爲石上松不作樹中草嚴霜  
會肅殺百卉盡枯槁往時入滇南西出劍閣道詩歌雜  
巴渝風俗記蠻獠此來客炎州與我通世好忠孝誠不

磨金石自永保

黃帝升鼎湖遺墮鳥號弓衣冠葬橋山隧道將誰從草  
澤埋姓名先臣抱孤忠君也爲皐魚泣血雙眼紅霜露  
感宿草元宅封五茸白頭在天涯逢秋向西風誰能貌  
丹青與我昭管彤

禳詩有序

予生命立午宮厯家云五月初三日有計星夜入於  
戌又與子宮對照是爲子殃作詩禳之

仲夏月始交朔越有三日我生在南斗朱明耀陽德人

六堂堂二集卷之二

詩書軒校刊本

言屬午宮計當夜入戌子宮復明明相對還相尅我聞  
一浩歎星象誠不測大人幹造化小人懼災厄天運雖  
推移人理可探索譬如人一身孤子難自立忽然值扶  
掖風雷就掌握又如車有輪又如水有宅土積山必高  
木翳林必密金出鑛而光火炎上而發昔曾聚東井亦  
有退榮惑紫氣尊太微黃氣麗格澤我方爲汝功汝豈  
爲我賊中宵事齋戒仰面陳肝膈計星勸汝酒河漢昭  
入極歸汝舍與躔離我眇與域令我安神明吉祥室生  
白

答同年沈南季太史見貽之作次原韻

君從吳門來騎著一珠鶴  
濤濤無十洲突兀小五岳  
升高耳目換望海波濤作風  
雲氣揚揚星宿胸落落遙情  
絕根蒂名義支郭郭時當風  
送秋眼見天盤鶚援琴彈  
清商抽劍出霜鏐訪我湖中人  
登我湖上閣紫翠堆畫  
圖鴻濛蘊邱壑稱詩枉推許  
引譽滋愧作聖賢在陶鑄  
學問乃糟粕肝肺何處深膠漆  
久已託離緒積乍展征  
鐸鳴忽覺吉行戒南徼遠道  
仰北朔恭承

玉皇詔誰假陸生素載筆趨承  
明聽鐘候長樂應憐老

六堂堂二集卷之二

詩雪軒校刊本

空山著書守寂寞

送魏水村歸武塘

我雖在郡居終年掩柴荆  
花木羅前庭春落夏復榮  
以此得自適他事寡所營  
客至忘主賓客去少送迎  
有時仰天笑不覺日月征  
老貌幸未衰瘦骨長孤撐  
五嶺隔中州四海通南溟  
故人駕短轡訪我來三城  
款款話夙昔綿綿聽中誠  
許我具盤餐將我久別情  
有酒羅浮春有魚鬱水鮓  
有菜仙湖蓴有飯芙蓉粳  
野味絕餽高談紛縱橫  
今古爲括囊丁寧如鐸鉦  
言告白布帆江上

懸蘭旌鴛鴦湖中還沙禽  
聒聒鳴楊絲繞水邨蘋葉搖  
前汀應有秋日書報我遊  
帝京

祝同年錢蔗山明府

峩峩寶安城燭燭珊瑚洲  
遠瞰雙虎山高挂二石樓  
自昔傳名區發源羅與浮  
洞雲閣太古海日懸清秋  
真人其中玉皇通上頭  
幾時登蓬萊暫然憩丹邱  
一坐泊萬劫四環小神州  
不見葛稚川姓名至今聞

登一作朝

君爲文昌星斗魁自戴匡  
泰階表六符薇垣昭三光  
左右傍日月黼黻宜袞袞  
一行試宰割毋乃非騰驤  
利器

六堂堂二集卷之二

詩雪軒校刊本

空在掌大材不架梁制泊有  
本根濱海如雄疆其首安  
魚鹽其次調耕桑詎許息  
里閭絃歌滿宮牆德化比  
榆次清潔同姑臧

官閣秋漸涼疎風入窗牖  
公餘展暇豫紙尾判八九  
時薰女兒香一酌葡萄酒  
衫袖拂龍脣俸米供鵠口  
佳辰日皦皦嘉客人某某  
投贈滿箋緝謳祝遍林藪  
承露注銅盤搗藥出石臼  
而我持素心相望在不朽

贈魯雪堂

金鳩能食龍游戲昆明池  
雙翼如崩雲日月虧蔽之  
當

其摩蒼天五色天上飛以此見神力厥大無端倪上帝  
之所生百鳥安得知丹山有神鳳亦爲天地私黼黻備  
苞羽音律中雄雌其出關帝王瑞圖應昌期一鳴在虞  
廷一鳴在西岐晨夕蓬萊宮駉駕皆雲螭擬入於其倫  
君寶奇傑姿吐納河漢流顧盼輕虹蜺遠慕初古人上  
述軒與羲風雅捧玉敦追琢揮金椎摹刻石鼓文探索  
神禹碑每我城南垞一卷爲我貽白雪照衫袖靈泉清  
心脾大雅追文王騷怨續楚辭詠雖自託鼓吹良用  
資側聞將北征駿馬從風馳整轡出蒲梢升高立槐眉

六瑩堂二集卷之二

三

詩雪軒校刊本

送毛青若司訓惠來

廿年讀父書今日爲世用祿米雖尙微名位殊足重人  
倫奉周孔齋舍列絃誦時角色璧經或擬矣斯頌壁水  
藏蛟龍苜蓿集鸞鳳終冀騰天墀明堂作梁棟  
少小能屬文五色雜纂組跂躄露鐔鐔高明寫懷抱今  
來已壯夫汝壯吾亦老通家有孔融後輩得袁虎去矣

爲師儒宮庭考鐘鼓

斗匡居文昌皎然當天中大雅縱淪替吾道原尊崇何  
用見儒術禮樂端厥躬抽帆入三河路指東江東正值  
瓜蔓水上映旌旆紅

有贈

君從餘杭來遺我桐巖詩展開遍冰雪照出光琉璃其  
中成波瀾或乃盤蛟螭靜覺星宿動仰觀河漢移儼然  
在空山獨立無人知俱爲靜者言誰識英雄姿緬彼鶴  
上仙日張大霞旗而我援素琴所彈山柘絲想見太古

六瑩堂一集卷之二

三

詩雪軒校刊本

初牙曠以爲期

初夏締綵幼女慶身無完衣詩以誌之

小女才十歲聰慧已知學翦翠爲橫釵蜻蜓結了角持  
花向清鏡聽燕語紅幕汝父爲貧官石田少收穫汝母  
撫幼弟機杼忘織作今朝換締綵令汝衣裳惡雖則衣  
裳惡猶似雪漸濯豈無吳白苧亦有越黃葛一到迎秋  
風依舊感零落

夜雨偶作

夕陽未沒湖秋氣已入屋微風上齋閣疎雨落庭竹默

坐共無言持燈照幽獨

將至羅浮望四百峯作

大化豈有本我生幸同時先天與後天相望一間之精  
魂貫北斗神室開南離朱鳥導我行前綏抗雲旗仰見  
四百君靈璫吹參差啓路逢飛廉鞭龍號雷師更引謁  
上帝稽首伏丹墀詔墮一小劫千歲以爲期方朔在世  
間攀弄扶桑枝

羅浮

祝融司南溟耀真挺靈嶽麗離判元始妃合封渾噩鴻

六堂堂二集卷之二

詩書軒校刊本

濛白包裹天地盡邪郭品風豈易擊陰陽不能割風雷  
行中虛日月生兩角金銀敞宮闕錦繡施巖壑上帝之  
所居羣真此棲託黃麟任驂駕元鶴念寥廓時現五色  
雲儼降九霄樂高極連岷峨大哉配衡霍嚴冬少朔雪  
喧景載山橐冠嶺環珠堂明霞冒紅幕鐵橋路橫亘金  
柱日迴薄三峯上界空一髮中原各羽翼游青冥聲臭  
絕元漠吾將背吾鏡散髮而謠落

初入羅浮登華首臺宿塵公精舍

誰知蓬萊山今晨於此見割來自左股飛出向西面峯

形宮闕敞谷口陂陀斷折行類曲阪倒掛同絕棧初疑  
路難度久躡步方展鐵壁截數重雲崖削雙扇諸溪疊  
相應奇石坐可遯萬松夾疎竹一逕入深院時當寒氣  
嚴反覺寒色淺解衣卸紅罽投策染蒼蘚夕陽銜後山  
遠燒掣急電夜聞僧扣鐘客心冷然善

華首後山東溪

曉起臨東溪霜氣清濛濛殘星落溪水松柏來疎風初  
聞噪寒禽久知寺角鐘溪側一釣臺相映崖花紅其上  
通天巖疊石盤高空中見蝙蝠飛不辨西與東須臾日  
始出幽翳豁遠峯眺聽任耳目清冷蕩心胸又將振孤  
策雙瀑尋黃龍

六堂堂二集卷之二

詩書軒校刊本

遊黃龍洞

生烟遠瀾漫蜿蜒雙白龍歟爲千丈虹挂向八九峯崩  
厓噴冰雪黑洞鳴雷風鳥道天上盤登棧筋力窮道人  
一間茅當日劉王宮假夢升黃屋僭竊非英雄引酌流  
杯池大笑驚蒼苔其下洞門戶黝石寒花紅少憩景亦  
殊雲來若浮空坎窪闕玉泉溫火蒸鴻濛山氣爲我春  
節候不覺冬於此領真化萬物同和融

望瑤石臺雲母大小石樓

四百青芙蓉初日破煙曉我身無羽翼一目焉能了瑤  
石散鸞采影與虛空杳石樓絕根蒂雲霧半窈窕誰知  
紅翠飛飛飛入天表

冲虛觀

天人怪我癡謫向人間世青年不自寶白髮忽相繼  
垂老投道宮叩額謁上帝精誠貫神明齋沐去形穢羣  
儂齊揖百神互環衛旛幢滿風揚松柏深日蔽昔在晉  
宋時秩祀有常制玉簡宣祝釐銅魚告理瘼真氣長往

六瑩堂二集卷之二

詩雪軒校刊本

來歷代幾更替我

皇重懷柔每歲崇望祭行將配嶽瀆不久致珪幣道人  
坐燒丹冠結蓬萊髻一別上瑤壇鐘聲送搖曳

朱明洞

琳宮禮玉晨窈窕入深洞丹臺架峯頂仙氣溢雲棟其  
內日月生其外星辰動草積碑尙銜土封洞無縫至化  
寧有倪太虛不藏獲悠悠在三天長風任乘縱麻姑佩  
紫霞玉女騎紅鳳邀予游沉遊飽瓜向予弄

贈杜鎮陵鍊師

先生得道者虛空見清曠天門開蘇林星辰落方丈庚  
申夜常守子午陽當壯心凝水火交骨屹山岳狀丹鉛  
鍊時日藥物珍祕藏爲我論養生引義入元暢領畧在  
無言寒梅滿壇放

冲虛觀贈張道士

用韋蘇州寄全  
椒山中道士韻

濛濛太古雲留我世上客紅泉映玉沙朱草絡幽石道  
人煮香飯相餉至日夕明月下西峯樵歸斷行跡  
宿冲虛觀 仍用前韻

不知天地間何處有此客逢山便大笑想臥一片石銀

六瑩堂二集卷之二

詩雪軒校刊本

河浸散髮蕭爽薦終夕舉頭見燒香仙人下無跡

寶積寺

隔洞聞霜鐘隱見樹相接四山垂綠厓一峯落紅葉孤  
寺紅葉內登陟衣屨攝磴仄學鳥飛雲間向人招高僧  
昔棲隱此地出萬劫錫杖振寒巖神泉注圓月松杉照  
巾舄冰雪薦齒頰藥池半池水洗眼光欲燈相簇如車  
輪藥叢見蝴蝶夕陽當返照野燒吹獵獵

五龍潭覽藥槽藥臼諸勝循潭曲激湍亂石上水

簾洞

龍潭不與雲竊官特幽絕上有三疊泉噴出萬古雪照  
人似照鏡弄水卽弄月道人過采藥往往執絳節汎流  
注槽白滋藥時一洩前行繞潭曲亂石屐齒齒陽厓隔  
丹梯陰壑嵌古鐵水簾跨青虹削壁四面徹平時挂千  
尺冬日半冰折回看日射潭金沙互明滅

尊梅花村賣酒田白鶴觀遺址

昔在梅花時飛滿綠毛鳳酒田有紅釀臘月出新囊彈  
棋閉深院客散絕迎送如何着屐來一帶霜烟重落葉  
上衣裳空山託吟諷

六瑩堂二集卷之二

望  
詩雪軒校刊本

贈天台子

久爲山中人早識我非我不死在谷神寄生寶螺贏有  
形卽有役舉動無一可日月兩飛車天地一旋磨清虛  
獨亡象真氣長自裏道人天台來羽節飄婀娜方瞳耀  
眉綠玉角充鬢左覲面曾未深隱語驗已頗遊戲搏黃  
土頃刻成丹顆授子繫衣帶謂可却么麼告別朝峨眉  
去鼓湘江柁大戟滿聖燈矯首雲中坐

訪崔紫霞真人燒丹遺址

大道無津涯至要中可乘含爲象罔珠駐者內外景真

人紫霞子道骨森自挺觀化無一塵遺宅尙四迸靈氣  
上颯飛仙雲下垂影青童伺玉炁白犬守丹鼎天地於  
此分山川遂成永其旁棠梨溪其背鳳凰嶺覽睇想屢  
結杯酌朋合併返照臨東城鐘聲隔城冷

端江晚發舟中抒所懷

揚帆泝風潮側舵過石瀨夕陽照城郭雙塔劃内外星  
列天爲森月出峽始大經歷非偶然所得良已泰悠悠  
清夜徂霜華落襟帶

六瑩堂二集卷之二

望  
詩雪軒校刊本

行戒川長秋杪苦日短船頭水蕭蕭船尾沙纂纂如何  
未淡旬歸思勞輾轉

人生託天地耳目及手足誰忍寒聰明自取填嗜慾謂  
乘鳥滌滢反駕牛殼觸我家半間茅秋日一園菊念此  
常不眠孤舟坐明燭

明朝妻令辰小女久齋戒延僧十地果供佛三日拜環  
珞垂寶幢琉璃徹香界散花至接膝大海行納芥子亦  
通至誠金剛求不壞

釣魚臺夜泊

平沙突孤嶂崩石欹樹杪樹勢爭攫怪石根插空森前  
瞰江面濶背指村煙小夜來霧氣深徑仄履迹少江星  
四搖動地竅迫窳窳稍聞魚復流未見竹竿嫋林燈對  
涯泊人語孤帆峭忽聞舟過灘玉峽出天曉

十八灘

灘勢如長蛇二百里曲折乍行互沿轉稍入即滅沒谿  
訝露石根頑洞穿水穴水色變昏旦沙礫起凸凹盤渦  
戒北趾赴壑妨石齧當其奔雷霆頃刻蔽日月天輪無  
時翻地軸自古裂離神示靈異水怪大瑣屑所行僅幾  
六瑩堂二集卷之二 聖 詩雪軒校刊本

縷公然作棖闌龍吟頭不迴鳥過目忽瞥愁雲兩崖伏  
積雪重陰結牽舟類銜索險厄同鎖鐵忽然見長江山  
川盡光悅

破船

舟人駕紅船取給在官吏姓名隸入官驅遣隨所至駕  
者如傳舍後先互更替其船始完固後乃成敗壞我來  
坐船中十日不一視賦性實疎懶兼畏求瑣細昨行十  
八灘風順頗得利遭逢下灘手險惡能却避蛟龍露牙  
爪魚鼈恣澎湃振柁任四飛揚帆但一氣大哉河神功

旌旄降虹蜺神靈颯英爽人力豈昂鳳詎期入江內船  
破難得濟檣竿見摧折緯綵行不繼循船訖首尾決裂  
尋丈計意惟釘與灰或可聊救焚船亦無所蓄竹木且  
不備雖然塞綿絮終久同棄置船上行波濤颯鷗共游  
戲夜來看船底星月光纚纚平生寡驚怖至此防失墜  
呼僮探船水夜起凡百欠何時始棄船登陸投店肆土  
壁布几席書帙陳次第美酒沽玉壺入夜謀一醉燈花  
報歡喜安穩牀上睡

分水龍王廟

六瑩堂一集卷之二 愚 詩雪軒校刊本

兩山垂斷崖中有澗小濺噴來作傾湫飛出割波面南  
北成異流上下劃一綫誠哉水府尊赫矣龍王殿神威  
翠旗卷赤日朱帳炫維王負忠烈在宋值昏墊天目有  
明誓黃河示靈現

今皇祀典昭往代牲牷薦我行自鮑邱經過沂淮甸大  
江去揚船更乞長風扇

經東阿懷陳思王

北河無順流風來忽奔瀉清晨達東阿日出光未灑昔  
在陳王時此地盛車馬城堞連魚山宮殿露鷺瓦笏蕭

樂游讌賓從會風雅人代一以移歲月不相假我來訪  
陳迹緬邈千載下狐狸嘯荒塚禽鳥飛四野長嘆分古  
今浩歌付嘔啞王風日淪替誰是知音者

黃星自天應黃龍向譙見老瞞執漢柄子桓受漢禪氣  
數當鼎分諸葛早已辨王躬被袞冕功業欲一建志復  
吳國仇讖料典午變陳情請自試不得效尺寸賦詩抒  
懷抱飲酒託荒譙身世常憂危榮祿非所戀三讀然豆  
歌哀傷淚如霰

病中答博問亭東臯坐雨寄懷次原韻二首

六瑩堂二集卷之二

聖詩雪軒校刊本

渠柳絲尙黃園瓜已沈綠雨頽花謝鬢風動池碎玉羃  
歷簾影垂琮琤竹聲續新詩起我病展向屏風曲

容成吾本師修煉骨髓緣一身如堅金少病試燒玉游  
魂任忘返舉念隨斷續誰知聒耳來漁歌潞河曲

久不到博問亭白燕栖戲東以詩仍疊前韻

霽日朝氣澄鉛華井波綠蘭林倚孟珠紈扇侍小玉鳥  
以共命憐詩因十索續老大病相妒自製懊儂曲

立秋前二日同張損持秋向濤小集漁洋先生信

古堂用清波收潦日華林鳴籟初爲韻時予將

歸嶺南

久雨厭暄濁新霽開神明一登大雅堂議論高廓清引  
酌更舒嘯習習涼風生

紅魚漾文藻遊戲穿細荷新水注玉盆鳳縵生微波觀  
物欣有得不樂當如何

吹萬準四序義馭無時收哲人入其內所費在自由新  
策犁肩馴舊乘鳥犢牛

晴雲入鮮麗廣陌消積潦二屐歷階級分曹列堂奧踟  
躕者爲誰從容卸烏帽

六瑩堂二集卷之二

聖詩雪軒校刊本

伶倫善審音古樂久已失我公調陰陽鐘律協今日邪  
知草間蟲處處吟蟋蟀

此席同靈山登者惟寶華金色迦頭陀微笑披袈裟取  
證在卍字十地徒紛拏

公云吾輩此會儼然靈山一席未散

崇蘭蘊幽谷茉莉攢高林芳意達人懷香氣隨日深側  
想對齋閣花下翔神禽

長安百萬戶大半砧杵鳴良會無常期忍重聞商聲商  
聲非不好感動孤鴻征

暑退秋便來落葉一聲大北方地早寒土囊微虛籟隱



然見西山爽氣襲襟帶

醉飽大官饌底用思鱸魚念我昨遠來不敢忘遂初持此別故人歸讀十載書

視劍

匣中三尺鐵土蝕繡花冷十年不一磨雙眼幾曾省夜來燈射壁忽吐光問問幾疑龍騰梭宛若蛟出井平生寡恩怨萬事向衾影未逢瀝肝膽敢問潑頭頭昔聞漢赤霄亦見吳盤郢王霸之所資英雄各相逞而我服儒素巾帶慙未整驅邪莫如心守一惟有靜長劍佩陸離

六瑩堂二集卷之二

詩雪軒校刊本

諒非道所秉

題漁洋先生蠶尾山圖小照

并序

山在宛之小洞庭湖中唐時東平太守蘇源明謫漢陽魯郡濟陽諸太守於此又源明自太守徵入國子司業須昌外尉袁廣載酒於同源亭由同源東柳門入小洞庭令歌者奏宿鼓汶簧爲樂各紀以詩甲子冬漁洋先生奉使往祀南海經過此地值大雪瀾漫遠眺蠶尾隱沒湖中徘徊久之歸而圖爲小照自序顛末以誌寄託一時海內風雅之士僉謂公處高位

而有超世之志美而誦焉

延延蠶尾山巘巘浮空明纖纖媚娥月灑灑升太清忽如美人鏡飛落小洞庭鏡匣露孤髻鏡波流光晶又如琉璃宮例射天上星一氣瀉水銀千疊堆瑤瓊鵲華高門堂充郵交重局古時鵬譙人幡蓋於此停宿鼓鳴靈蠶汶簧炙鸞笙今日得我公千載同一情在昔使南海值雪臨東平谿谷變刻鏤與馬行瓏玲首路紀閱歷歸日圖丹青劍履展暇豫几案游杳冥有書並琳瑯有船駕蜻蜓秋色洗空淨木葉含霜英冕鷗闌蒲蓮魚龍汎

六瑩堂二集卷之二

吳詩雪軒校刊本

清冷儼然藐三山彷彿周八瀛不惟耳目豁直令天地醒何地無佳山茲山以公名請登袁宏疏更補桑欽經

題浮村上人三笑圖卷

公爲大導師擺落視一切高雲在遼廓古雪露清霽莊生善元理禪悅與深契野馬旣已忘毒龍不煩制千光散聖燈正字續佛慧東林緬前跡匡岳行復繼禮公金伽黎還瞻世尊髻

題明少司農忠貞公卓惟恭先生傳

天地存混元陰陽運消息生人居其中綱常於此植君

臣與父子忠孝不可易巍巍忠貞公靖難死社稷精誠  
白日貫正氣兩間塞生平湛經術丰采露鯁直當時論  
徒燕一疏具深識主上徒空顧釀禍成篡逆文皇愛其  
才欲殺還護惜豈知公就刃凜烈著顏色雖然三族夷  
史冊照赫奕後來子若孫遠托遼海籍禮樂致儒臣貂  
璫表武職純孝繼忠蓋先後仰明德南歸住邗水於越  
同咫尺乙酉國事變維揚塗鋒鏑公有九世婦錢氏藏  
複壁出壁並諸姑赴池血流碧有明三百年仕宦千萬  
億忠烈惟公家男女盡報國維公天篤生弱齡見奇跡  
六瑩堂二集卷之二 男 詩書軒校刊本

讀書寶香山元義通辨晰每騎黑虎歸多值風雨夕祠  
廟在螺髻棟宇新翬翼裔孫曰爾堪享祀歲無斃夜深  
覽公傳異代成親炙稽首再拜之祇肅立坐側恍惚神  
光來照我几與席

將歸南海畱別廣陵卓子任張印宣蕭徵父諸子  
北方騎馬來南方問歸舟欲乘瓜步湖一縱長江流弭  
節傍邗水少憩蕭寺幽維時值臘月歲晏亦已邁羣公  
擅風騷纒縷爲我畱鴈我於平山百物陳祖羞靈泉吐  
神酒丹嶂開飛樓商榷大雅言杯酌相勸酬清廟歌文

王黍離感哀周雲韶有遺音擊曼須鳴球鐘聲振猛虓  
鼓聲動獲牛譬彼登朝堂天仗森龍旂琛寶效禹貢王  
會圖諸侯又如蓬萊宮列仙驂青虬九鳳紛翔翬羣鳥  
徒喧啾沐浴來日月爭犂先驂驪良必麒麟帶衣必朱  
鵲裘佩必明月珠懸必珊瑚鉤造化盡洩漏元氣誰能  
收振羽任蟋蟀撼樹隨蚍蜉羣公枉詩篇膠漆何深投  
健筆舉大鼎神工運人謀二氣爲醞釀萬象歸冥揆送  
我返南海知我登羅浮羅浮四百峯飛雲封上頭弱水  
在眼前金銀結丹邱麻姑有神丹親授不用求玉女臨  
六瑩堂二集卷之二 五 詩書軒校刊本

朱明相對忘春秋龍蔥竹十丈枝幹成蚴蟉蝴蝶如車  
輪南燭生田疇念我處空山寂歷無匹儔其中有紅翠  
往往人間遊附書紅翠來鯉魚相報否

題黃溧陽夫子黃山采芝圖

先生入承明左右玉几旁紅雲繞裳衣清珮鳴丁當手  
握五色管爛然照七襄寶鼎識汾陰靈芝歌齋房有若  
登蓬萊駭駕排帝閭安用黃山游縱體乘風翔先生云  
山中雲帶纓虹梁三十有六峯廡地皆松黃其下出溫  
泉丹水流泱泱我將往采芝要得芝金光服之見八極

車蓋護我行青驢不得騎玉童任提筐我聞神仙事荒誕誠不常古來傳軒轅後稱淮南王當時俱升天至今空茫茫大人幹造化植立天地綱經緯在人倫翼贊當聖皇不見絳節朝上帝居寥陽

贈中州和尚

浮雲向虛空東西易交失塵沙一撲眼毛髮不能悉宗門證心性儒者論著述焉識泥犁苦更救眾生疾吾師抱智珠四照光暫暫威振野千怖棒舉雷電急莊嚴坐寶華蕭散視玉局我來邗溝城幸接耶舍宅微言斷前

六堂堂二集卷之二

至

詩雪軒校刊本

邗江早發

客夢雖在水不知波淺深無端昨夜雪飄入蘆花林曙星猶未光天氣成積陰忽渡白馬湖聒聒來一作沙禽遠火點大江長風吹歸心引領望楚國一發吳會吟隱隱扶桑霞初日高照臨

贈浮村和尚次原韻

磊磊礪礪松琮琤琤玕筠龍鱗與鳳簪霜雪成佳辰區區徑寸條出土較屈伸弱植了可見誰能測其神吾師竊華王天人恆相親華嚴立國土世上徒纖塵五色耀帝珠萬劫持法身焉知寒巖中不起枯木春

南方在鵝尾北方在斗口自乘元微車遠尋寂寞冥天瓢擬爲杯天乳行作酒相逢一痛飲此意畜已久甘蔗得罌罌蝴蝶托莊叟琉璃共瑩徹形貌忘老醜羅浮吾家山歸去事隴畝候日朝朱明望師立華首羅浮有華首臺五百於此說法

六堂堂二集卷之二

至

詩雪軒校刊本

次韻答吳孟舉

語溪豪宕人肝腸雪霜白飽聞已畦論念想成夙昔提持愛紅袖倚傍卑絲幘往予在虎邱果得見丰格鸛鳴起掄榆有此長離翻南山未爲高萬事可輕擲張燈夜關飲飲醉顏面赤狂來呼闔閭劍池出千莫風流得似君有一可廢百還將綠沈管把當長枝戟山僧精舍間書滿龍蛇跡千年短簿祠萬古耶舍宅非無良讌會誰能有此役嶺南四千里阻隔遙歎息彈琴杼懷人花落芙蓉夕草堂生秋風正爾送歸客瓊瓏玉盤子何時復

相射紫蟹思共嘗霜柑憶初壁徒烹龍頭錯日着桑柘  
展

送龔衡圃駕部權滿還朝

天池作南溟祝融司其方內者爲虎門外者爲大洋星  
宿踰鷁尾朱垠極龍荒波濤一以隔扶胥嚴周防庸知  
海島人近者通梯航 國家重柔遠不禁關與梁我公  
奉使來旌幢拂扶桑管權潔端已敷政仁恤商暇則賦  
新詩燕客陳羽觴風流著文采經濟崇巖廊維時值春  
農早魃爲厲殃畝畝地甲圻道路民徬徨斗米三百錢

六堂堂二集卷之二

詩雪軒校刊本

有錢不得將其弊在私鑄官局無由行公爲斂官錢當  
軸請發倉更自出清俸海舶留饋糧斯民免哀鴻在牧  
無尸羊是歲大有秋禾稼充圃場不惟供盤飧兼可治  
酒漿公今還星輶商民遮道旁姓名億萬人爲公繡衣  
裳香火建書院四時設蒸嘗伐石爲穹碑鐫刊志不忘  
高于標銅柱功德垂天壤而我托素交送別中皇皇六  
月當南風挂颿如飛鶴遠睇忽不見雲山空蒼蒼行看  
上金殿簪筆侍

玉皇

羅浮蝶歌

麻姑善狡獪髻象蓬萊峯渾身披五雲光散金芙蓉遺  
衣化神蝶慣拍珠樹叢其大如車輪翩翩吹香風小者  
若團扇往往烟霧籠兩翅耀星斗分列西與東繡腹成  
錦囊繡敵非人工豈無緣毛鳳亦有金花蟲徒然具形  
質文采焉能同我從瑤石來洞門尋仙蹤信爲鳳凰子  
踟躕摩高空安得騎汝同騁轡鞭茅龍

古寺

郊游寄昭曠長薄沿清澗古寺湛水木散來有餘芬霽

六堂堂二集卷之二

詩雪軒校刊本

色何喧妍盎然生春雲佛堂常明燈紫微流氤氲旛影  
動旆旆齊禽飛紆紆池蓮颺微風堦藥交綺紋高詠成  
連琴刺船得未聞冰雪迸四照可以回日暝

賦贈

金風扇秋節天宇澄爽氣義御騰飛輪靈娥整修轡煌  
煌發星光晃晃金波麗瑤臺曜高迴珠斗森連綴阿母  
逢令辰家慶炫甲第滿堂列篚篚賀者無不至母儀坤  
德彰子道祿養備象笄映龍綃繡服爲綵戲樂協絲竹  
音爵具金玉器三寶捧瓊壺人共百福醉

天曹孝不匱至性通明神去年歌皇華旌旄入西秦古  
跡尊蒼碑壽萱見貞珉天預爲嘉祥歸以奉其親再拜  
張錦堂字畫何炳麟岫嶠與委宛蛟屈而龍伸萱草凝  
三花玉葉成球琳金芝秀銅池五色流清芬不見崑崙  
邱官闕聞金銀紫瓊紛葳蕤千歲桃花春

贈言

泰山拔萬丈元氣古鴻濛上倚斗樞極下鬱地維隆由  
來小天下乃爲斯文崇蘊靈毓神異灝然曾不窮五百  
行昌期名世茲一逢微言恍沫泗雅頌興曠覽

六堂堂二集卷之二

五

詩雪軒校刊本

聖人坐明堂制作惟折衷乘雲握日月仙珮搖天風有  
時唾珠玉銀漢輝相通

吾道大行日唐虞起治安大儒崇禁近作者乃交歡手  
握珊瑚筆出入朝金鑾七襄成五雲喬皇天地觀十年  
成均地鐘鼓聲未殘王風紹大雅禮樂不爲難

帝爲期無刑垂衣詢九官司空既克讓稷契猶盤桓協  
中有至理弼敘斯成寬惟是操天德元命求其端欽哉  
帝念茲位育功斯完

高秋何豁落星宿紛翔翔恍見芙蓉旌慶霄竊羽裳太

微顯執法皎皎流清觴相望文昌地奎璧連珠光北斗  
持斟酌含元調玉漿何年漢廷士挹露金莖旁

六堂堂二集卷之二

五

詩雪軒校刊本

六堂堂二集卷之二

六瑩堂二集卷之三

國朝南海梁佩蘭芝五著

七言古一

端州訪硯歌

端州石工巧斲硯就水巖少人見水巖東洞石最好  
豆綠青花暗生面收藏人家太珍惜百金未許求一片  
裏以豹囊囊重錦對客捧出手屢戰我來欲訪無處訪  
石室山菴間將遍石工有時持入舟大半頑塊無滑柔  
意欲魚目混珠子豈有蛾眉同宿瘤此石廣州四時有

六瑩堂二集卷之三

詩書軒校刊本

堆積直等山與邱聖人不貴難得貨獨此取重同天球  
儒者風流在文采少有亦足誇壯遊憶昨來時值冬月  
牂牁水涸見石穴日月星辰射其缺蛟龍蟠伏洞門戶  
鬼神扁鐻嚴斧鉞思得五丁挾斧斤爲我入洞窮毫末  
上至天根下地骨天地光華盡洩發圓之如環小如玦  
歸我匣中歎奇絕草檄不用磨盾鼻賦詩萬首始歡悅  
送吳采臣大參歸天門

大船峩峩映江水小船戢戢銜鵲尾木蘭爲楫紫絲竿  
瞬息一夕行千里借問使君何以然嶺南四月楊梅天

南船順風向北指篙師不用橫索錢同人祖帳臨河甸  
素馨花開照人面酒後誰能賦別離東飛伯勞西飛燕  
憶公昔日來五羊帥漕旌節生輝光諸軍任取據礪礪  
計相自足供榮陽擎雷山頭碑千尺至今人比韓陵石  
采葛人家紀姓名珠官風俗流恩澤蘭也山林養拙人  
閉門久矣存其真聖賢貧賤古恆有不願干謁隨風塵  
自從客歲度州路一見新知遂成故况復登臨上越臺  
車馬班班過蓬戶讌會招尋月幾回如灑美酒傾金杯  
乘槎獨去汎滄海探梅屢約臨西臺蕭寺春深海棠睡  
銀塘歷亂飛紅翠寂寞南園三百年風流社事還相繼  
長歌贈我知我心平生寫出成連琴龍蛇法書遍尺幅  
隻字價等雙南金黃鐘摐摐蘊高厚郊廟之音到林藪  
曲高和寡理則然投桃報李吾何有荔枝可食不肯畱  
枕椰夾路聞鉤輅陶情或倣阮公詠倚杖豈作盧敖遊  
馬首庾關數延佇歸去天門對誰語予亦秋來泝秣陵  
夜月高吟問牛渚

贈于子先學使

君不見華不注芙蓉天半神仙住又不見趵突泉飛流

六瑩堂二集卷之三

詩書軒校刊本

五色成紫烟濟上山川稱第一大風颯颯盛人物往時  
七子推滄溟南樓雪照蓬萊青今時瑯琊樹旗幟祭酒  
司勳萬夫避使君夾轂同齊盟江人黃人不敢爭珠盤  
王敦捧在手欲左者左右者右百斛之鼎垂龍文筆端  
舉起流氤氲昔在西曹法星冷太白秋高擊鷹隼一爲  
奉禮躬上班不時玉佩朝龍顏帝遣文昌作司命三浙  
人文入金鏡嶺南倏覩臨旌旄魚龍變化騰風濤合浦  
明珠能解取海中盡斲珊瑚樹我曾五度遊燕臺梅花  
落盡梨花開漁洋官齋把詩卷思君不見愁空遠豈知

六瑩堂二集卷之三

三 詩雪軒校刊本

今日來蠻鄉轅門一謁喜非常十年心事始得慰况讀  
新篇美清製平生落落寡所親天地生我爲閒人少小  
雖爲大人賦老向青山坐煙霧那能整翮排長風揮斥  
八極開鴻濛嗚呼男兒貴在行胸臆閉戶著書真可惜

賦得白雲草堂歌贈邱曙戒大理

君不見長安魏戟標地軸九重天上開黃屋仙人玉露  
注銅盤帝座甘泉動華燭周環甲第盡侯王貴戚豪門  
各自當處處樓臺通內苑時時歌舞學平陽冠蓋繽紛  
御堤上去馬來牛不相讓共傳金冊遺詞臣復道沙堤

候丞相淮南先生冷如冰一官大李執法星卜居深巷  
掩花竹白雲往往垂戶庭白雲來遊不復去先生作堂  
教雲住因憶淮南親舍存安得白雲飛其處芙蓉爲裳  
薜荔衣我來堂上不忍歸先生酌酒勸我飲飲醉西山  
橫翠微人生隨地須行樂莫用無繩空自縛走熱終憐  
赤阪山耐寒還是紇干雀彈基擊筑臨高臺角聲入夜  
邊風來燒燈待月月未出仰天大笑天河開緬昔先生  
渡瓊海外黎人風俗改桃榔巷下遍題詩付與珠娘  
歌欵乃武昌乘傳凡數年滇黔巴蜀方烽煙牙旗鎧甲

六瑩堂二集卷之三

四 詩雪軒校刊本

日閃爍麥田雉堞仍安然漢時長孺稱臥治先生才大  
真餘事文章久矣玉堂人鐘簴原爲天廟器卽今劒佩  
朝紫宸朝回花底香氤氲白雲之情自舒卷白雲以外  
無見聞我歸羅浮軒轅宅天雞夜半觀海日薊門回首  
望白雲欲見先生焉可得

珠湖草堂歌送吳萬子歸秦郵

江南二月天氣暖草長鶯飛雜花亂薊北風嚴尙未柔  
貴人衣著銀鼠裘百花四月始滿眼房山牡丹眾驚歎  
豐臺芍藥更絕倫金盤玉盃堆紅雲吳郎過我日相約

出郭看花倚花酌西山縹緲墮畫圖此身恨不飛雲孤  
忽然語我珠湖去家本珠湖最深處草堂湖上閱四時  
湖光萬頃吹琉璃芳烈芙蓉遶湖屋夏涼不用思寒玉  
閒來抱膝讀我書大聲逞逞駭龍魚有時移船釣湖口  
夜半星辰落吾手東鄰嘈嘈壓糟牀西鄰獵獵炊稻香  
菰蒲冥冥聽射鴨綠樹陰陰喚鷓鴣就中景色同麻源  
人來訝爲角里村妻能織綃女蠶繭小兒學問工文選  
人生快樂得似君眼前富貴何足云君歸珠湖我畱滯  
我欲作歌懇天帝君才豈可長珠湖我也京國胡爲乎

六瑩堂二集卷之三

五 詩雪軒校刊本

明日騎驢亦南返山中耕田猶未晚

宋牧仲比部招同蔣京少錢介維暨其次公山言

豐臺看芍藥予與京少先至不相值少憩塔院

寺遂入中頂登九蓮臺而還宋東以詩依韻奉

答三首末一首專贈京少以京少曾在豐臺三

宿也

右安城頭星照瓦官街鼓打憐長夜城雞唧喔人始行  
早出城門赴花下宋公有約胡不來獨遶紅泉竹根瀉  
蔣侯騎馬忽相值半揖金鞭立林亞天生我輩長閒人

日車容易義和借且近花前仰花色花神喜我我拜謝  
白玉爲盤列雉田紅雲如蓋團僧舍飽看勝啖杏花粥  
渴解無用江東蔗鳥雀窺人恣往還蝴蝶黏衫少驚怕  
此中樂事難具陳霸陵醉尉那能罵

東豐西豐踏花路馬蹄自曉行入夜長安卿相空滿城  
無有一人至其下先生好遊獨早出松風夾道驚濤瀉  
邀予賓客蔣與錢有男好手推流亞珊瑚筆架翡翠牀  
準擬分題不須借愛花我欲就花死摹花公等真陶謝  
誰知花林竟相失執鞭我似避三舍由來大將張大旗

六瑩堂二集卷之三

六 詩雪軒校刊本

小技材官徒舞蔗側聞詩成呵寺壁風雨颯颯鬼神怕  
取紅取白原女兒百遍桃花咒成罵

名花有似傾國色相對恨不連日夜繡袷初臨綺日前  
寶鞍擬解華星下鈴華井汲者誰子琥珀幃幃隔花瀉  
道花無語却有情扶鬚抱夢交頭亞春光九十逾八十  
今日何惜一日借不見豔李與穠桃前蹊早已紛紛謝  
花開香鬢散天女復湧金輪訝耶舍氣味真成落菊林  
根株好是瞿曇蕉潦倒花前我不辭斜風吹去教誰怕  
翠袖紅筵舞鳳凰不值黃鸝數聲罵



君家愛花真大雅相過花龕竟三夜花晴花雨總不言  
祇布氍毹坐林下香氣空濛錦繡圍露華的愿金莖瀉  
黃衫少年誰比數紫玉佳人差同亞世人賞花空任耳  
君有兩目非人借牢籠花態寫入詩一字花翁一稱謝  
九疊芙蓉眺玉臺一條冰澗穿山舍猶自高吟不離口  
滋味沙粘木雷蕉碧霞仙宮衆祇肅龍象蹴踏驢所怕  
金轡車回細馬來羅裙畏見春風罵

永光寺寓齋同朱悔人宋山言醉後放歌限鹽字

韻

六瑩堂二集卷之三

七

詩集軒校刊本

平生懶舉酒知己相對却不嫌百杯痛飲可立醉一醉  
潦倒隨厭厭浮雲凝空亘四望入夜不見星墜簷燈花  
磊落照几席豈有好事來相占我從離家八閱月客舍  
長日親藥奩思歸苦未稍朔馬整翻要欲同飛鶴南溟  
水深波浪闊二樵峯峻巉巖尖乘槎好去汎牛斗歷礪  
任意腰刀鎌釣竿拂珊瑚問釣得海蟾飽飯甯青山亦  
米兼白鹽膝上彈瑤琴架上抽牙籤鴻濛以前是何物  
歌咏太古追黃炎自適頗謂野馬野傍人竊笑潛夫潛  
誰能在長安干謁面目成黑黔低頭拜公卿欲語不敢

妨人籍男兒志氣塞天地舉動瑣細真閨閣今夕何夕  
得此樂蕭寺息影神安恬忽然論風雅險韻同闔拈朱  
侯汝詩成掌握藏珠鈴一字欲易千龍縑宋生微吟下  
句廉八音播金石五味諧酸甜予亦取材樸斲求梗楠  
棟宇成椒風宮殿充飛廉宋也摩腹朱掀髯予獲左右  
頻頻瞻此時雨歇階地白屋角月吐光微纖蒲牢鐘聲  
肅清聰僧梵流響風揭檐我輩矜琳瑯寂寞誠用砭綺  
言豔語不足道佛前請共參楞嚴

送宋山言歸商邱

六瑩堂二集卷之三

八

詩集軒校刊本

北土雨少夏日亢祝融執炬如南荒火龍張鬚地軸橫  
桑乾河流成沸湯冰車城門日相衝行人賣冰如  
賣飴人家冰盤充圓方予亦畏熱客舍藏越山一髮  
青茫茫衡門滄海花扶桑欲歸不能思徬徨仰視大小  
眾烏翔梁園公子神洋洋過予自拂巾衫涼言出涿鹿  
辭帝鄉路從汴州橋金梁還自商邱古睢陽第宅睢陽  
城中央迺祖衮衣而繡裳賜書萬卷自  
先皇而翁法曹新裝潢帳列甲乙森琳瑯歸去且乘夏  
日長弟兄誦讀同一堂上下千古窮毫芒綠殷蕩周漂

虞唐五經黼黻爲文章百家雜碎皆粃糠有田帶郭千畝疆四時八節供蒸嘗黍稷稻麥與菰粱宅邊園池遶周防牡丹芍藥垂紫房蒂茄文藻青白蔣竹竿嫋嫋新折將河岫王鮪鱖鯉鱠釣爲賓客陳玉觴高秋九月天雨霜射獵天氣鷹風揚白草滿地蘆葦黃黑狐黃狐相跳梁角弓手挽三石強一發可落雙飛鷁鐵絲箭鏃來銀磨銅盤刺血鮮淋浪生飲其血慨以慷慨天大笑無四旁人生聚散無恆常今日一別成參商後會不知其何鄉愛君詞賦誇鳳凰願君閭闔排文昌歌以送君行

六堂堂二集卷之三

九  
詩雪軒校刊本

我腸君讀我歌莫我忘

驄馬行送任希菴視長蘆薩政

庭中有廢槽有粟驄馬驕嘶散沙玉奚官紫髯善法相顧謂天骨無俗肉繡衣使者辭九重詔令騎出朝門東龍髻鳳臆見姿態蒲梢尾捲桃花紅橐駝牛羊散在地一見驄馬行者避鴈磧巖駟九月霜鷹風靜肅千林氣控來騶裊不動塵導以旌旆承華茵郊迎父老遮馬拜驚歎天上歛麒麟長蘆涼風直沽月魚鹽人家萬家悅火井長流鯢海煙銀沙細湧鯨波雪東屆渤海南大梁

驄馬所至神骨張恍然閭闔下文駟儼若瑤圃騰飛黃桑乾河水明碣石秋色晚送君驄馬行駟駟予亦尋歸白板船江洲且飽尊鱸飯

送汪舟次檢討出使琉球

今皇御極朝元殿玉帛車書萬方遍西北明駝獻鐵門東南翡翠供奇甸往時白雉來交州荷蘭亦進小肉牛朝廷賞讌有殊禮遠人拜舞歡懷柔七閩之東落際海大小琉球在其內方物曾將入貢圖臣人久矣登王會聖王德化無垓垠日月所照同乾坤冊封盛典有故事

六堂堂二集卷之三

十  
詩雪軒校刊本

帝用簡在咨儒臣儒臣出使

君恩重黃門宣詔車徒送碣石秋高祖帳橫交河水滿官船動帆檣一指生長風天地蕩蕩歸胸中已見蛟涎吹浪白還驚魚眼射潮紅重溟汎去不知處倏爾連連露洲渚烟消始達梅花洋雲開直映關鏤樹停船鼓吹揚旌旗帕頭諸峒爭傳知番兒來窺負刀劒國王出迓騎熊羆一時奏樂魚龍震金函捧讀天顏近山北尼芝錫綺文山南察度頒銀印丈夫得志推人豪身著天使麒麟袍仗節西域窮塞外豈似滄海行波濤風俗山川

列爲記太史採風固其事萬里扶桑揭日迴殿前應上  
琉球志

大唐雷氏琴歌 并序

張晴峯水部從燕市上得古琴斷紋斑然膠漆解散  
欲脫屬吳門張生亮輔修之開腹見大唐雷氏斲五  
字驚爲雷琴遍徵海內諸名士爲詩請予作歌

大唐名琴韜古色燕市風塵少人識張侯好古雅博物  
此琴遂爲張侯得攜歸几席春和融爪甲一赴生祥風  
邊沙塞磧見草木深堂奧室聞魚龍珊瑚屑雕紫鸞尾  
六瑩堂二集卷之三 七言詩 軒校刊本  
鍾山王綴九寡珥吳門名工重拂拭剖腹果有雷氏字  
膠漆解散仍合回千年古斷松鱗開迺知神物在遭遇  
世間何代無奇才

送高固齋還閩

與君握手在帝都賦詩飲酒無日無公卿坐上忘孤蘆  
醉後擊碎紅珊瑚傍人笑我爲狂奴君也道德人楷模  
標格霄漢秋雲孤巾箱自藏五經圖復侯伏生真其徒  
海棠芍藥紅錦鋪看花過門輒相呼馬蹄踏踏行春蕪  
秋風忽然吹雕胡思歸月下閒據梧取道過飽松江鱸

路河斟酌共放舟誰知先後成分途昨省值君南旺湖  
小牒撇振如飛鳧後來待君住丹徒十日不見望眼枯  
今夕何幸來姑蘇得并懷抱同歡娛燈花磊落照鬢鬚  
野匏酒清香滿鑪可惜良會清夜徂明明離別仍踟躕  
君從雪溪入桐廬木奴花映雪色初仙霞之關霞染裾  
予亦長江萬里泛舳舻秦淮渡口迎橋鳥豫章城外停  
斯須還家羅浮四百三十二峯頂有松可種茅可誅煩  
君寄我空中書

典裘歌爲余佺廬中丞賦 并序

六瑩堂二集卷之三 七言詩 軒校刊本  
癸亥二月閩帥北旋吳船絡繹數百里載之以行舟  
人以道遠請益糧適中丞以按事入淮欣然解身所  
衣狐白裘歸質庫以應之予時客吳目擊其事作歌  
以備採風

海外扶桑挂弓箭南軍北指如旋電瓜步洲沿下瀨軍  
桃花水遠長江練餘艘萬翼連檣烏吳兒振柁爭喧呼  
官家給糧自有額豈知道遠愁前途孤裘蒙茸坐淮上  
草木山川盡欣向是誰挹注成江河能使舟人失惆悵  
中丞以德及下民耳目所到卽施仁典裘一事亦偶耳

此念已足垂千春兄乃江南在來久風俗騎驢變深厚  
潔白長持冰雪心更張屢出雲雷手大人心爲天下憂  
細故焉肯爲身謀閭閻匹帛儘易煖漢陽枉用珍維裘  
我歌典裴歌一曲歌罷山青水深綠紀事無妨越客吟  
稱詩可當吳風錄方今

聖人升明堂九州萬國瞻垂裳我公本是仲山甫會須  
補衮山龍旁

畱別魏禹平

蜀客抱孤桐空山發高調宋人服章甫適越反見笑邀

六盤堂二集卷之三

詩集軒校刊本

遊天下何所爲結交欲得新相知黃金萬鎰不足數意  
氣一合山可移自從與君共握手天地悠悠話長久蕭  
寺春深到海棠玉河雪霽看楊柳君騎匹馬出并州揮  
鞭直指吳門遊閭閻霸業已陳迹賦詩尙寫吳宮秋我  
念天南客天北身非鴛鴦飛不得琉璃廠東傍西舍落  
日送君情脈脈嚴冬吹沙塞草枯南還我亦來姑蘇暮  
府逢君語夙昔燈明香清觴玉壺醉來起舞鐵如意眼  
底使君與孤耳我年衰老君尙強不信寥寥寡知已君  
家祖德樹遠長有明一代扶綱常黃門之忠庶常孝至

今稱述猶芬芳學使文章復無價玉尺金繩約天下君  
爲天驥爲飛黃虎脊龍文皆其亞丈夫遇合自有時看  
君刷秣騰天墀予也還家釣滄海蛟龍待上虹霓絲洞  
庭五月楊梅熟憶得荔枝滿溪屋黃禾如雲映耕犢田  
家處處歡播穀節物驚心劇可憐別君歸去動經年應  
懷越國羊城客明汎吳儂鴨嘴船

題朱生小影

九峯我裝插天半笠澤微茫浸雲漢雲煙絲聯互變換  
清泉白石明玉粲先生神明自澡濯松風吹來衣帶緩

六盤堂二集卷之三

詩集軒校刊本

題何生小影

躬抱道德常燕衍顧視塵世鵝鴨亂方朔歲星誠戲玩  
軍裝袴褶袍紫茸綠皮寶刀青芙蓉禿鷲毛毬帽生風  
虎背大額玉頰紅顧盼突兀無軍中看君儒者真英雄  
幽燕少年好使氣白日圍獵夜抱妓黃鵠向波瀾立臂  
蘆葉吹起塞天地吁嗟乎若曹豈識天下事

送陳仲夔歸松湖

君家松湖屋我家仙湖樓兩湖相隔六千里空涵一氣  
同清秋其中日月星辰落湖底沐浴吞吐光欲浮琉璃

萬頃作詭譎堆出城郭疑銀洲林壑草木變異色照曜  
鮮濯香而幽魚龍宮室復無數雷雨鼓動驚陽侯就中  
亦有舴艋舟金沙鷗鷺雪片鷗楊柳芙蓉種湖尾石房  
書屋臨湖頭居湖之樂有如此君家松湖更難儔瞿塘  
五月峽水至虎鬚一倒沈豪牛江漢之大爭飛流天地  
浸灌不可收漁人刺船來汴口取錢買魚真良謀嘉魚  
似玉玉幾尺銀鱗雪散光油油霜刀作鱠絲縷細宜城  
美酒兼可求君也兄弟相唱酬慈母玉杖杖白鳩上壽  
進酒傳觥觥齊僮楚彈吳女謳祝幾琵琶琴坎篴北堂

六瑩堂二集卷之三

五  
詩雪軒校本

沿湖綺紋疊金萱滿幹銀葉抽湖松日夜盤蛟虬松下  
與客彈文楸君也樂事亦已優我念仙湖歸不得登高  
望遠徒雙眸日泉月泉夾湖嶼湖波灩灩泉淅淅珠江  
入城與湖合睥睨倒影湖中流湖上黃木灣湖下翡翠  
洲素馨花田近湖屋几案吹入香巾幃有時白簪朱豔  
舞浪遊虎門捲潮來勢集萬弩千戈矛扶胥化作紫泥  
海紅盤湧日飛金毬家人望我回湖月幾度垂銀鉤誰  
知欲行反夷猶羨君飛旆如飛鷺北方嚴寒著貂鼠我  
寒且著青羔裘送君騎馬出白溝尋常少別已相念况

乃一別經歲周我生凡事只任運文章千古夫何尤一  
官老大意亦足但不爲巧爲棘猴君年方壯茂遠猷翰  
林詞賦動天子壓時聲譽驅曹劉三生石事自記取聰  
明冰雪良有由始爲老生萬卷破不出蓬蒿徒探搜復  
爲閩人少登第疏劾權相英氣邁黔陽遣戍地北極出  
入虎豹啼鵲龍池劫灰會有盡此意冥付乾坤留至  
今清源古寺在廬岳石壁彩翠林木稠楊循何人作導  
引大慈攝受吾欲投得無頭陀金色具妙相袈裟角溼  
隨傾湫蓮花香海示幻泡居向坎井原蛭蝓即今平原

六瑩堂二集卷之三

六  
詩雪軒校本

射獵鷹臂韝少年博陸呼采穀笳吹城上葉卷喉眼前  
各各不相侔與君並馬聊綢繆君行我住心悠悠幽州  
雪暗衡嶽歸去湖鳥鳴啾啾吾亦何時得歸嶺上格  
磔聞鉤輈仙湖芳草青可揉仰天四顧歌四愁  
老生閩人劫權相戍黔陽北極清源古寺此邱楊循俱仲夔三生事

畱別王勤中次送行原韻

一到吳中暢胸臆是處山川見盤鬱決滂浮雲絕壑來  
昂藏野鶴寒沙立閭門銀簫入耳亂不比琵琶動人泣  
愛君竹關長不開草堂待我真悠哉離邊野菊正堪把

風霜之草隨根摧孤亭我撫松樹天與高人等閑住  
令弟初爲百粵遊嬌兒近學五禽戲我家桃柳能作麴  
木棉能作衣山人笑我胡不歸明當別君渡江返嶺海  
身駕烏舫無是非

留別郭舉旭次原韻

鶯脰湖頭一杯酒吳娘舉動纖纖手欲移不移木蘭櫂  
欲折不折山塘柳平生歷覽頗好奇土風樂處隨心期  
惜哉箭筈大如笛學射不及黃鬚兒以此幽州去秋別  
尋君獨自來吳越紅柑白藕歡照眼金管玉簫坐遲月  
六瑩堂二集卷之三 七 詩雪軒校本

東臯關壯繆廟新鑄大鐘歌

金精翕絕光氣榮赤標紅焰分白青南方祝融驅丙丁  
洪爐巨扇搖火鈴華鐘萬石鳧氏成銑樂篆帶枚攏并  
象如鎔于如神鉦躡踞猛簾懸雨極帝宮齋宿天宇清  
一擊一吼滿牢聲宣達元氣騰空冥摧憫羣魅朝百靈  
維帝在昔征不庭載行處所轟雷霆威揚天轉招搖星  
奸雄魄喪不敢聽贅閭貉子心膽傾北南吳魏悉削平

力扶漢鼎鼉鼓擎旂常日月同勒銘何況殷闕升苾馨  
鎮鐺鐵鳳交洪鳴噴薄忠烈通精誠六鼉地軸橫三城  
迷民無耳無目睛劒輪湯鑊予行忽聞帝座洋洋盈  
入微出壯音砰訇警回芒蠢一旦醒曠然天地還清明

惠州王紫詮太守築羅浮子日亭落成作歌寄之

登山不到羅浮巔舉足萬里空徒然瑤房璇室七十二  
羣真笙鶴長喧闐况支蓬萊一左股金陵地肺遙相連  
風雲雷雨出其下上界泝沆涵澄鮮夜來星宿照分野  
有若榆樹垂金錢齊州九點盡可數中原一縷搖輕煙

六瑩堂二集卷之三

六 詩雪軒校本

就中飛雲更奇絕天門詖蕩雲聯縣金銀宮闕任變化  
幡船杼軸無恆遷銀河屈注倒在背帝座豁落平當前  
神霄斧鑿施不下鳥道豈有藤蘿牽何人築亭在其上  
循州太守今豪賢爲亭命名曰子日意象直探鴻濛先  
世間萬事起根本黃鐘子氣無不全靜爲動本太極混  
河洛理數非言詮陰陽旋轉推晝夜陽明玉燭光回天  
紫薇垣中日杲杲太陰蟠螭安能躡此山三更坐見日  
高與泰岱齊比肩天雞大叫海水動海中湧出金盤圓  
散爲琉璃燈紫紺千光破碎生紅蓮義和整轡升若木

神人枉用迴秦鞭太守名亭復爲記二樓伐石爲碑鐫  
大書年月人某某千秋萬世名山傳附書仙人海瓊子  
倡和共製雲霞箋平生濟勝仗筋力匡廬白嶽隨攀緣  
羅浮家山望咫尺反似往昔遊幽燕山靈待我謝招手  
不久黃鵠來高鸞洞門借騎蝴蝶入峰頂或就麻姑眠  
煩君斲取龍葱七尺遺贈我相酬先寄飛龍篇

送方葆羽歸桐城兼柬其尊公依巖

天驥不與凡馬同神龍豈是泥淖中明堂古來重梁棟  
宗廟誰不求鐘鏞自從見君燕山道兩世論交與君好

六堂堂二集卷之三

九  
詩雪軒校刊本

日下紅塵簇往來燈前白室攄懷抱愛君意氣南山高  
劉生作俠非人豪胸蟠星宿列象緯筆綴蠶尾窮牛毛  
雖然獻策未得志五侯七貴知名字客舍無時不賣文  
大幕爲人上封事我時忝竊爲侍臣金門索米徒苦辛  
疏乞歸山暫休沐逍遙且作閑居人菱灣藕港移舟楫  
桑柘楓林近相接漲海宵分泛斗牛羅浮天半騎蝴蝶  
蒼頭報我空中音故人過訪即與林寒魚負冰鴈帶雪  
隆冬氣候成元陰流連登眺不知去南國山川敘人佳  
飲酒官齋瑋瑋題詩僧院娑羅樹荔支熟後蕉子黃

近來柑橘紅有霜買船十日泊珠海長風巨浪天茫茫  
夜潮風定星侵曉挂帆倏忽隨飛鳥渡嶺松看翠蓋垂  
當關驛指紅梅笑匡廬峯下水連雲直至樅陽路始分  
鄉味盤飧薦蘆筍鱖鯉斫鱸還紛紛趨庭再拜陳家讌  
龍眠一幅屏風見爲道相思致八行豹囊裹寄羚羊硯  
葆羽號鶴洲文  
忠公諱以智孫

送徐子卿歸錢塘

炎州七月風蕭騷斗牛過伏天氣高海中終日作飛浪  
勢如白馬乘銀濤君家錢塘江上住八月觀濤眾如雨

六堂堂二集卷之三

二  
詩雪軒校刊本

潮來直似捲鐵甲錢王枉用持弓弩我曾一至當深冬  
江空不辨鼉鼉宮雪花密壓西冷渡月色暗度南屏鐘  
聞君爲人不得見查侯陸侯屢稱善長松臥壑寒到底  
魄濯冰壺上人面先人大節畱丹青君也高舉爲鴻冥  
當時橋山事慘切龍髯不下誰爲迎杞人往往憂天墜  
漆室之女思憔悴琵琶彈斷玉關塵杜宇啼殘蜀國事  
忽然策杖臨越臺草堂訪我何奇哉逢君不禁開口笑  
一日相見能數迴長篇贈我滿紙淫風雨淋漓鬼神集  
黃河從天瀉萬里要與筆力爭出入當今作者徒紛紛

看君直似鴻門軍，鑿鑿插羽佐驅使。豈比叱咤成風雲，  
我欲隨君和一曲。古琴游弦雉登木，山盤水沓河漢長。  
皎皎白駒在空谷，今日斗酒歌別離。明朝伯勞東西飛，  
踟躕獨立過四顧。霜露入夜沾人衣。

長篇壽朱徽菴中丞

我昔登泰山，峻嶒踏黃岬。上朝碧霞宮，下俛蓬萊縣。  
三更雞鳴日初出，海水滴瀉金盤見。是時渾身生羽翼，仙  
雲飄動祥風扇。歸向朱陵四百峯，觀日亦與青岱同飛。  
雲之頂三千六百丈，火珠旋轉光鴻濛。浮邱洪崖把我

六瑩堂二集卷之三

三  
詩雪軒校刊本

手晞髮，其指扶桑東。其間琪花瑤草復無數，獨少銀鱗  
雪鬣之秦松。中丞降東嶽，夙昔表神異。節鉞南方布，至  
仁星精北斗斟。元氣騶虞踐履草，木生都亭經過豺狼  
避。燭龍銜日無不至，却笑軒轅鏡十二。粵人何幸我公  
來，百蠻天地爲昭回。地維入柱擎，鼎臚天鼓一。震行風  
雷，端然陰合而陽開。珠旗高卓，朝漢臺官僚肅清。民樂  
業，鳥獸翔走魚曝腮。冀桐一葉開，正月上帝端居在金  
闕。羣真朝賀，驂孔鸞。我公崧高誦南越，有如皎日天中  
揭。袞衣繡斧人懽悅，待看補袞侍山龍。朝堂元老資黃

髮

送吳山帶北上

金出赤董始見精，白虹繞氣爲玉榮。驪龍頷珠燭滄溟，  
韃賓牛鐸存審聲。純鉤盤郢鷁鵲，瑩鳳凰三十六和鳴。  
麒麟撼珮天馬，俾崑崙萬里八駿程。造化蘊蓄含異靈，  
造化一洩天下驚。金茅山中有吳生，自寶康瓠名無名。  
書擁四庫面百城，升堂入奧開重局。奮筆落紙飛雪輕，  
音如洪鐘鏗長鯨。河流嶽峙還淵停，短歌微吟空草亭。  
蹤跡寄托榛與荅，餐霞中散自忘形。蛾眉嬾媚誰目成，

六瑩堂二集卷之三

三  
詩雪軒校刊本

昔爲里輩，今國傾。應圖骨象顏舜瓊，雙璜雜佩搖光晶。  
金根爲車載之行，仲冬子月賦北征。鳴笳疊鼓朝揚舲，  
鼙鳴順風潮水盈。帆檣高揭懸蘭旌，江頭祖帳何縱橫。  
離支美酒琥珀觥，梅花馥馥上酒罍。親朋舉勸幾迭更，  
相與痛飲同醉醒。湔湔水台洽墨凌臺關，鳥道鑿五丁  
路出章貢連吳荆。匡廬九疊芙蓉屏，香爐挂瀑素練紫。  
天限南北爲金陵，江淮黃河水濁清。北徐氣象猶崢嶸，  
昔生劉項驅強羸。至今人物能談兵，齊魯周道如砥平。  
巖巖秦岱地軸擎，耳目所歷皆未經。河朔勁悍幽薊并



朱弓錦帶鞬臂鷹馬蹄踏車彭彭桑乾河流帶斷冰  
太行丹嶂朝

神京我

皇端拱臨殿廷詔擢天下真儒英龍門洞達排九極神  
魚燒尾經雷霆看君奏賦揚紫庭雲和孤竹鏘威莖上  
給筆札臣馬卿硬黃箋紙鏤管青置身天上居蓬瀛  
予與君爲弟兄啓蒙鄉塾俱弱齡吟嘯乾死十秋螢壯  
操鉛槧約玉繩漸老圭璧磨角稜貴賤一轍無所營偶  
然晚達任運乘上帝主宰人豈能君爲文章鬱雲興仙  
湖之水洗耳聽仙湖之水濯我纓再遊金馬隨鸞鈴與  
君鼓吹當休明著作萬古昭日星

送石公之安南

古今以來最尊貴無上妙道稱法王紫金伽黎帝青鉢  
眎諸所有皆秕糠上天下地只一指左顧右鑒無四旁  
世尊拈花迦葉笑當時此事全昭彰有何微密不可說  
智者自見愚者盲譬如月出始在水水月不定汙茫茫  
泊乎重輪薄霄漢星宿愿愿朝中央風車電馬任還踏  
至靜一照窮毫芒卓哉吾師杖人子洞源玉水來壽昌

六堂堂二集卷之三

詩雪軒校刊本

南華曹溪出西域此水直與葱河長師爲循源更騰上

屈注竟欲橫天潢少時圓明入寶鏡釋迦小字傳諸方  
中州註書在嵩室少林祖殿洪鐘撞文殊五臺等閑住  
自掃古雪煨折鐺長安說法動丞相獅子奮迅聞天皇  
吳門松陵越茗甯踞席何啻十道場嶺中提唱三十載  
所座是處成寶坊邇來安南慕元暢國王望拜抒中腸  
番文延請具金冊書曰某某恭而莊國人齋戒遍城郭  
國王祇肅觀旛幢珠江水長未拍岸虎門潮上千尺強  
吾師從容望洋海龍象夾侍乘舟航舵工羅盤定針石  
六堂堂二集卷之三

詩雪軒校刊本

天妃降駕鳴珠璫佛燈盡結紫紺色水天四散琉璃光  
馮夷恬波示靈異神魚張鬣隨竿檣珊瑚樹出雲淡沲  
龍門江見風低昂計程度近可三日此邦盼久如十霜  
到時舉國人禮足王臣以下分班行其間貴種纏赤罽  
亦有少者騎白羊薔薇點地香醖薛蘇合代蠟燎燦煌  
金鐃銀笙奏法樂寶華錦繖陞禪堂夜簾捲起天豁落  
鈴鐸吹動金丁當大慈引導誰不懾威神顯現邪自降  
重離伸明第一義盤陀花落天風颺其時聞者歎希有  
各各飽滿醍醐漿艾山花葉亦沾灑鳳銜金汁來翱翔

國王聞法復受記當空已字繇中藏維摩半偈悟可了  
楞伽一本書成倉王宮供養陳百物視錢堆積如山岡  
鬱泥自此用鮫絹方丈何地非繩牀竺乾大法遍東土  
今日又得流南荒從來緣合係夙契報本以果理則常  
就如國中菴羅果若非舊種安得嘗師行乘春歸及夏  
六月天氣多青蒼南風大發海水順海帆一排如飛鶴  
明霞空中尙繚繞初日已上東扶桑依然謁師在紅寺  
蘭苕烟際芙蓉塘海邦風土定有記借予採入圖金箱  
作歌送師語不盡燈下黯慘心彷徨但可懷袖當尺素

六瑩堂二集卷之三

三詩雪軒校本

慎勿取叶調官商

送王虹友還吳門

珠江江水急如箭黃木灣頭掣雷電萬壘山橫半幅帆  
風濤撒旋飛銀練禺陽瀆陽兩高峽百丈長年不須牽  
嶺南春暖氣候殊山木江花總深蒨鷓鴣聲從草裏出  
錦翼斑斑撲如扇卽看水長五婆城篙折灘迴亦乘便  
雄關天半人往還蟻蛭蜂盤磨中轉憶君昨歲秋日來  
大火西流節初變荔支龍目雖未嘗朱橘紅橙已堪羨  
後來甘蔗糖有霜細骨嘉魚並登薦客舍尋君問故人

官閣開尊設筵宴城頭吹角行欲銷燭施裁詩待呈遍  
君爲長句真絕倫山東李白今重見海內羣推王太倉  
競乞龍蛇寫箋絹嗟予欲屈過草堂累月經營未酬願  
君行不肯爲我畱那得畱連更郊餞吳門舊遊心繚繞  
送君歸去何繇卷江南二月生白蘋橫塘到處花光泣  
雉尾新萼滿湖潏洞庭包山恣遊行同人相過慰遠遊  
索讀新詩共稱善我有羚羊玉一片青花絕勝紅絲硯  
發墨十手可對面贈君大雅志不忘莫似東飛伯勞西  
飛燕

六瑩堂二集卷之三

三詩雪軒校本

送史蕉飲太史歸維揚用顧書宣編修原韻

閱身日伴蓮花僧筆墨結習羞畫蠅放開六合止方寸  
我自適我忘人憎高歌痛飲計亦得天地踟躕夫何曾  
有誰同心復同好錯似白玉繩朱繩洪鐘猛震在宮廟  
所向叩擊無不應夫君九霄一鸞鳳下界夢澤無神鷹  
泰山蹴踏峯破碎黃河指畫冰峻嶒往時休沐歸邗上  
馬總六轡書十乘儒臣博洽有如此上帝簡在甯醉嘗  
逢萊仙都做金闕憶昔忝竊同時登君畱長安盛車蓋  
姓字龍腹羣相矜而我踉蹌學驅策毋乃處士徒虛稱

南歸以來今七載絲髮如雪頭顱增青山未許便穩臥  
仰天尙擬垂天鵬豈知寒芒舊星鏗埋泉一斷終難騰  
賴君來遊相過我知我湖嶼安無能傾盤供客僅蝦菜  
舉盞儲粟無數升還從湖心及湖尾船舫晒網時挑簪  
平生磊落縱不減少壯意態何由與眩花幸不上目睫  
削骨畢竟生眉稜長談往往當日落兩人共對空房燈  
家童丁倒任鼾睡僅約瑣細那堪懲三更夜深月初吐  
琉璃堆地光層層眾聲寂寢羣動息萬慮滌蕩凡思澄  
都忘語默入神室紅盆不久浮陽升瓜棚豆格墜牆角  
照來疎密藤鬚髻君猶琅琅誦詩句追琢金石連高朋  
作詩和君志君厚篋出繭紙呼兒謄

六堂堂二集卷之三

詩雪軒校刊本

又疊前韻

曹溪學者吾師僧梵夾貝葉書秋蠅清淨於此得法喜  
繁華不涉而誰憎釣絲萬丈探大海海底果見蛟龍曾  
九州八極騁四遠周天之尺同一繩珠盤在手敢在玷  
自有捧劍來相應卓者行蟻向大磨高者攫肉成羶鷹  
堂堂豈必盡豁落嶽嶽豈必皆峻嶒錦衣綠幘盛貂珥  
黃旗赤纛交驂乘上天若不予日月下土終作迷民瞢

人生富貴各有命玉皇仙籍原難登愛君少年列侍從  
聲色不動亦不矜明堂制作推瑰瑋大內姓字爭傳稱  
依然蕭散若林下翰林祿秩無一增北歸屢整雪中騎  
南遊忽值雲際鵬蠻花壓亂犀象隱蜃氣噴薄魚鱗騰  
約君羅浮共觀日乘風縱體吾猶能與君城南共觴譙  
長筵揖讓階而升黃柑可擘霜落爪嘉魚可薦漁出罾  
更同微吟按宮徵忍禁潑墨波濤興黼黻施繡分雜組  
瓊瑤琢石磨紫稜當今海內論風雅譬如老衲談傳燈  
扇子舉起便譴歎禪牀擊碎無勸懲幻中作滅滅復幻  
浮屠何止高七層大人規格不在此當空萬里雲清澄  
九鳥射盡羿亦死扶桑突兀紅輪昇江河莫怪言放浪  
冰雪誰管頭鬚髻對君辭意此傾寫他時肯憶吾老朋友  
借君祕書閣未了燈下急遣人抄謄

六堂堂二集卷之三

詩雪軒校刊本

送史萬夫歸維揚仍用前韻

有序

予以己巳初夏乙假南歸訪萬夫於邗上寶友封之  
兄弟具見聯珠劉孝綽之文章惟同一姓船搖篋社  
杯酌紅橋俄而兩點金焦地分吳楚雙流章貢天入  
衡廬致日南無鳥鴈之書忽領外接朱藤之杖登盤

野果時已過乎荔枝作饌溪毛味或兼乎葦菜流連  
雪臘過從花朝忽聞與伯氏蕉飲言返廣陵旋游北  
薊因和顧書宣編修贈蕉飲之作以送之韻凡三疊  
險已闕乎鸞叢思入九淵空難結乎蜃氣已

我如退院空山僧四壁無物不聚蠅提瓶飲灌儘自足  
封鏡凸凹無人憎丁丁伐木冬昨過采采盈綠春方曾  
芭屨久破從見底麻衣懶著那繫繩與予問答有誰侶  
老猿警欸時一鷹不難立骨學槁木亦許割肉饒饒鷹  
君家江南好兄弟天門雙峙高峻嶒江淮河漢一氣接

六瑩堂二集卷之三

五  
詩雪軒校刊本

雷霆霹靂交相乘蕪城相訪追往昔城頭星落天猶營  
君從紅橋飲我酒楊梅五月冰盤登美人一歌客一醺  
見君坐立無虛矜等吳適越道非遠紀羣到處人人稱  
南遊豈料來嶺外昔年意氣今逾增白龍何故尙魚服  
小鳥不識乎大鵬黃金入火百煉出洪爐鑄就千光騰  
讀書論世具今古天地與君人全能我欲煩君數相過  
有茶八餅泉三升湖中鯉魚長尺半朝來况挂寒湖罾  
陂田秧馬久未下傍午日色如晨興竹間佛桑花照眼  
頗似芍藥銀含稜越臺木縣更可愛白日天半懸紅燈

惜乎置酒不解勸荷鍤埋我常自懲濤聲入夜屢笳鼓  
官船旗尾搖波層長江萬里直轉瞬斷崖削壁垂空澄  
炎州火德春較暖海雲併作陽鳥昇女系映水枝婀娜  
綠楊踈地絲鬢髻填簾迭唱有新景柴門獨閉無故朋  
只餘公讌詩滿首迴環深玩還細瞻

題王令詒松南柳磯圖

秋空一片吳淞水蕩入青天明鏡裏寒沙淅淅漲前汀  
歸雁提提下叢葦遠峯落照景屢變明霞斂色煙還紫  
石橋掩映薛濺湖柴門彷彿臨頓里松南月出更幽絕

六瑩堂二集卷之三

三  
詩雪軒校刊本

柳條踈地涼風起先生磐石坐不言風流豈是天隨子  
銀魚三寸鱸四腮垂竿撚鬚而已矣我家亦有芙蓉溪  
鬱水往往來赤鯉短蓑簪笠徒爾爲挂鉤船頭失船尾  
與君之釣亦如此

送周梨莊歸江南次雷別原韻

清淮不入黃河濁高人好似雲中鶴冰雪那容更上塵  
山川或取收行囊蜉蝣衣裳振楚楚誰識靜者尋寂寞  
不妨自號愚谷愚一任人同惡溪惡我家城南宅半畝  
臨湖早著撈蝦屨葛蒲出水含紫茸修竹侵牆解新籜

閉門累月絕聞見恐驚眾諾予獨謬世道從來蜀道難  
人情大抵管酒薄君爲海內老耆舊猶向匡廬遠持鉢  
卽從庾嶺策烏藤亦是長風吹飛蓬訪予湖上話疇昔  
十年以來無此樂花氣薰人在隔簾傍簷輕燕穿銀幕  
兩人肝膽鏡可照鬼神瞰室無愧怍何緣告別枉詩篇  
匆匆無乃費酬酢龍門之桐太寥亮孤竹之管敢含嚙  
看君發櫂還江東使我北窓徒企脚

送樊崑來太史主試還朝

長風夜半吹海水虎門湖上三百里銀山雪屋堆嵯峨

六瑩堂二集卷之三

詩雪軒校刊本

曉來一片光如紙官船鼓吹揚旌旗津亭車馬紛交馳  
燭龍銜日照灑灑垂楊夾岸飛絲絲前頭後頭張鐵鹿  
漁蠻緩度珠娘曲菖蒲抽後躑躅紅鷓鴣啼處蘼蕪絲  
君爲天上文昌星上帝詔命司南溟玉衡尺寸定九龠  
神魚變化騰百靈紫貝明珠無不見探奇更入珊瑚殿  
來時山驛鳴秋蟬去日江波掠春燕嗟予洗沐歸八年  
柴門臥疾寒湖偏燒畚收米甑待饗書帖乞藥甕無錢  
長安無復知名姓白髮如霜掩清鏡鍊魄常時讀道書  
求心到處觀僧定有誰知我爲何人君獨訪我情最親

只道在笈是鸞鳳豈知行地非麒麟傾肝吐膽深相許  
芭蕉夜雨燈前語薄酒還令出蟹泉素盤或一陳雞黍  
有時憑弔空古今慷慨激烈爲豪吟吳歌楚舞亦譚會  
探梅衝雪仍幽尋天使風流自來少多才况復隣同調  
牛女東南見典型羅浮面目開光曜忽聞告別中皇皇  
綢繆頃刻成參商絳雲浮霄氣舒卷北斗插地天低昂  
皇華使節承恩重對揚休命

天顏動垂橐曾無陸賈裝得賢尙獻王褒頌依然出入

承明廷宮門掌漏聲丁丁清佩逶迤美黼黻簪筆予奪

六瑩堂二集卷之三

詩雪軒校刊本

嚴雷霆同憶故人長寂寞俯仰蒼天幾寥廓荷鍾臯煙  
豆葉稀橫舟野水蘆花落嗚呼男兒立身富貴貧賤安  
足言惟有古道能相存看君整駕排天門予亦放足八  
極翻崑崙

崑臺篇祝石瑯公制軍

崑臺拔地高接天崑臺高與河漢連崑臺日出天上懸  
金輪照耀雲霞鮮五羊八桂朝當前湘灘西下南溟眞  
麓冷朱戴兼龍編上游雙峽扼吭咽有如玉壘和金蹕  
我公節制斧鉞專東南半壁無烽烟士林頌璧安綬紱

仁以布德威執權大法小廉肅官聯農毗鑄趙田爾田  
百貨雜採商市塵各各樂業無恆遷有時講武思防邊  
翠旌孔蓋魚須旃將士犀甲虎豹韃止齊步作人列然  
蒐紅跨獵爭獻豸九月秋氣天和妍河靈岳瑞鍾大賢  
我公尚書北斗尊轅門鼓吹何喧闐馬蹄輿輻人摩肩  
祝公松柏金石堅我從休沐歸十年荷公吐握中心鰈  
何以祝公維偉佗申伯吉甫文武全崧高蒸民詩有傳  
爲公載誦崧臺篇

題陳天池小影

六瑩堂二集卷之三

詩學軒校刊本

男兒七尺墮地作虎子骨相森森具奇氣不能爲文便  
學武笑取人間一大帥承明掌故握赤管爭似貂裘坐  
龍驤君年二十誇鷹揚金花插帽生輝光殿前宿衛立  
可致軍裝錦帶垂珠璫指揮自足拒鉅鹿神畧可以獻  
我皇幽州九月射躡柳長陵銳頭好身手引弓一控雉  
帶箭草間狐兔無不有腰挂金魚不顧人逢人每問君  
來否誰知北土風雪多君行幾度成蹉跎浮雲富貴視  
蒼狗翟泉况復飛雙鵝寶田赫奕究何益李廣失勢爲  
人呵行藏不用季主卜自結西園白茅屋門前濯濯一

樹槐窓外蕭蕭幾叢竹拋却陰符舊日書較成樂府新  
琴曲鄉里小兒真可憐倒篋自數黃金錢南中寶貨馱  
大馬有意輸納云助邊得爲小吏矜僮僕顧盼鷄犬皆  
神山看君掉頭無一可眼底何曾及細瑣江漢從來絕  
細流天上星辰偶然簸高談上古由洪荒大塊不平來  
告我我從休沐還舊林十年臥疾寒湖陰移船在湖滿  
蝦菜飽飯往往聞龍吟世間萬事付不理誰與是古而  
非今肝腸如君一片鐵六丁鑄就洪爐熱飛上虹蜺化  
紫煙滴來鵲淚流紅血激昂感動人銘骨不患沈香不  
成屑爲君貌者誰畫圖偉然冠佩一丈夫索我作歌胡  
爲乎卷施心中抽欲枯不識似君平生無歌成聲碎玉  
唾壺

贈謝可南

六瑩堂二集卷之三

詩學軒校刊本

我觀張子房仕漢爲報仇四皓居商山儼然巢許儔一  
旦出安漢乃爲後世羞不似子房去學赤松子脫身但  
願求封畱君不見梅福托跡吳市成高蹈逢萌一往海  
上不迴顧焦先辭詔更深隱司馬入山無所慕人生歲  
月如跳丸今日爲新昨爲故縱使生成廊廟百尺材不

若放浪江湖五石瓢古來磨鏡稱潔身賣漿亦是英雄  
人竹實青琅玕松柏蒼龍鱗臥壑任霜雪生意隨陽春  
天造草昧雲雷屯行藏何地非經綸君家住在扶桑海  
大小虎門在其背日月出入無內外手斲珊瑚作釣竿  
釣得白龍常不愛忽然海水飛萬里洪濤奔帝江舞干  
戚朱龍遊天根君也洵盤沐浴臨星辰冰車電馬同一  
塵蒼狗浮雲不終變天地清甯立時見鐵笛橫吹出夜  
漁香泥新啄巢江燕士女銀釵扣銅鼓井里酒帘設芳  
甸君也白髮如銀絲養成反覺同嬰兒人疑草創大還

六瑩堂二集卷之三

三

詩雪軒校刊本

藥天子玉角仙人姿龍葱之竹枉爲杖藜漚之鳥真能  
騎中庭之樹復何有的皪瓊葉連細枝翩翾么鳳繞樹  
底中有金鵝騰天池今辰何辰夕何夕銀河天上成空  
碧鉤月斜生學上弦雙星暗度歡同匹紅樓處處墜蜘蛛  
蛛赤岸紛紛吟蟋蟀世人此時盡乞巧我不乞巧獨乞  
拙從來質朴多勝文一有聰明掩其德惟君之生協其  
吉南極朱鳥南宮星權衡昭灼三光廷太微之前稱第  
一少微處士垂星經豈無盧鴻草堂誇捷徑終南地軸  
行當平華陽山館構句曲此人姓字畱金庭君近羅浮

軒轅宅道士倘有遺黃精太乙古初運元氣北斗酌漿  
流玉烝仙樂何曾在四廂天酒那論沙糖味市橋水漲  
高屋樓請君更築芙蓉一十二我從朝臺一望之湖中  
製得紅蓮衣扁舟入門訪君陳一卮與君漢陰同息機

六瑩堂二集卷之三

三

詩雪軒校刊本

六瑩堂二集卷之三



六瑩堂二集卷之四

國朝南海梁佩蘭芝五著

七言古二

吾吾研歌 有序

研爲明熊制軍心開所採石香山何季長之家藏也  
持以相贈予喜其質而不琢有類於吾因以命名作  
歌紀之并柬季長

元精闕在端溪裏鎖鑰洞門流石髓不遣鴻濛與世聞  
忍令混沌當前死雲根連蜷露輪困雲角倒垂金鳳尾

六瑩堂二集卷之四

詩雪軒校刊本

其下龍脣不上絃上者焦頭貫無耳青花團團縹緲散  
中涵一點芙蓉紫錦囊裏就勝元玉蒼蠅驚去疑寒水  
元氣淋漓墨半牀沙筆立可書十紙雕琢無多絕奇巧  
摩挲一片皆純理君持相贈真古人謂吾質樸與石似  
以吾名石石卽吾不能如石吾愧矣

題王紫詮觀瀑圖

長松屈鐵龍鱗皺瀑布飛空出雲竇陰崖激射無時無  
天乳濛濛大虛熈使君自著青茸衫坐來丰骨何巉巖  
玉冰洞地見肺腑旁羅日月行秋潭元氣淋漓大無外

銀河緯續失破碎使君神明日灌漑天門詖蕩在其內

花朝招姚東膠陳元孝王蒲衣陳獻孟林祝萬姚

非漁姪王顧暨兒靈鞠雅集六瑩堂卽席分韻

檢體送東膠歸樅陽

春山春水天相映一帶臨城夾湖鏡拖上裙腰草盡齊  
壓來屋角花才正綠楊嫋嫋結絲紈黃鳥關關學人詠  
良辰讌會那易得上客東南况難併何妨錯雜忘主賓  
大好蕭閒寄情性几榻方圓列坐隅盃盤餽飣通誠敬  
酒政分曹拌死埋詩壇約法排生硬抽思誰者齏離繭

六瑩堂二集卷之四

詩雪軒校刊本

提筆儼然弓束檠蘭蕙清吟賦是騷藤箋妙墨書同聖  
稠疊方將贈答頻離愁忽向懽娛迸去年臘雪魚負冰  
今歲參星斗移柄無論江南與嶺南漸覺春令如夏令  
客去風帆不待時我生朋友以爲命坐思江上鱗鯉肥  
歸及山中櫻笋盛羸得龍眠入畫圖捲起釣簾四隱淨  
送王君道歸會稽次曾秋長韻

將軍第宅讀書客松臺十度楓林赤挂帆一旦還湘湖  
維尾蓴絲團數尺知君天馬出蒲梢眼見龍髯與鳳臆  
翱翔豈有天門限動靜不離易損益寧忘省覲入薊邱



暫住戴山計亦得孟冬十月著風裘打來雪花大如席  
毋論相逢與相識有情淚洒腥紅血

題徐虹亭看奕軒圖

太極陰陽黑白判迴天之數誰布算星宿離離象緯陳  
方輿一一鴻溝斷文軒綺樹白晝閒玉枰點處莓苔斑  
有如石亂疊魚復或繞灘折行鳥蠻世間無事非棋局  
高天厚地原刺促虹亭袖手總不言旁觀日在松陵屋  
嗚呼君不見句踐爭博徒相欺劉毅一擲百萬羣道之  
何似爛柯樵人歸路失海中見賭龍宮橘

六堂堂二集卷之四

詩雪軒校刊本

古別離送人歸翼城

古別離太行山上聞馬嘶黃河走落東海爲濁泥日月  
自古晝夜分照耀至今不得並出仍東西古別離別離  
令人老梧桐生井底儵忽成合抱靈娥后羿妻藥煩願  
免搗男兒七尺天地身金石堅固當永保君不見牆頭  
枳殼花卽是古人今人往來道

羅浮四百三十二峰歌贈石大司馬

羅浮四百三十有二峰峰峰斷出青芙蓉鐵橋橫且在  
天半金陵地肺遙相通相傳堯時警洪水一山浮與羅

山同至今兩山互離合飛雲不定搖長空更聞蓬萊割  
左股磅礴上下行鴻濛璇臺瑤室亦何有七十二所環  
玲瓏旖旎左右南北斗玉皇端坐朱明宮鬼神呵護有  
神物宋時玉簡銅魚龍仙人來朝擁芝蓋或騎蝴蝶如  
颺風豈無黃麟並騶駕亦有暗虎難得逢貴人入山不  
時有五色小鳳鳴笙鏞奇花異草產無數銀鱗霜鬣青  
虬松黃精閔土截玉肪菖蒲抽節含紫茸軒轅舊宅有  
誰閉白日搗藥聲千春丹牀藥竈曰茅屋或有弟子稱  
葛洪從來學仙坐小劫大人造化歸牢籠百粵江山一  
輪掌召穆南海周公東牂牁之水徧甘露鴉鳥之火和  
春融我歌羅浮以祝公百年三萬六千日洞天福地誰  
能窮

六堂堂二集卷之四

詩雪軒校刊本

題張損持太史梅花小照圖卽送歸松陵

我生愛梅如愛命每到開時少鄰並標出牆頭格自高  
倒垂屋角花逾盛極瘦還能雪共肥深寒不畏風吹勁  
恨不穿林夾水斜安得看山萬峰靚去年南海若士遊  
今年丈室維摩病大好無如鄧尉山尊常莫作揚州詠  
處處蜂房與蜜房連連水鏡涵冰鏡烏帽欹簷暗未分

紅氍褱背光先映如何君客兩歲除拋却家山一春令  
貌出高人入畫圖要比孤山託清淨半幅鴻濛氣已全  
一時瀟灑心無競雖然野服見鬚眉也隨直幹排生硬  
太古以前無此情淳樸之風得人敬金粟寧忘記本來  
玉皇況是知名姓天涯杖底同乾坤嶺外星分移斗柄  
滄溟風起萬里流笠澤雷鳴百花迸粵曲新城燭下吟  
吳歌候發江中榜此孟切

題顧梁汾所藏楞伽山人遺跡寄納蘭侍讀愷功

吁嗟斯人不可見流光倏忽如虹電回憶從前十九年

六堂堂二集卷之四

五 詩雪軒校刊本

通志堂中集名彥丹轂時爲清夜遊簫笳屢發南皮誠  
君才直足賦鳳凰君書耐久同義獻朱鸞裘多

內賜衣黃扉閣近承華殿一使梭龍逐六羸九塞降旗  
迎四面校獵長隨豹尾車吟猿或墮鵬翎箭慧業生成  
世所無新詞制出人爭羨再索誰爲象罔珠欲焚我愧  
君苗硯只言主豔共齊盟那識乘箕動星變大帝居高  
詎醉觴人間日短無長線七尺孤墳種白楊一夕秋風  
泣團扇北道桑乾向潞河南方葉落填奇句檢籥猶將  
舊札開迴腸豈禁中情斷數行字等雙黃金半點墨酬

百匹絹梁溪老友藏此卷使我展看淚如霰遼東丁令  
有時歸上古大椿何處算維昔楞伽自署名早知兜率  
前生院下界巫陽些不聞飛鴻雪印蹤難戀仲氏高才  
與後賢相門兩世承

天眷幽谷崇蘭大庾梅馨香寄贈因風便

答魯思亭卽送其北上

君不見鏡湖一曲環四面光風左右芙蓉扇天姥高臨

濯玉池禹陵倒影開銀殿羅懸屏風隔坐山沿洞野水

前溪練綳縠鋪成翡翠羅生綃織出琉璃線垂楊深夏

六堂堂二集卷之四

六 詩雪軒校刊本

亂鳴蟬細草方春掠輕燕不少遊人人畫圖也教蕩楫  
搖釵鈿讀君之詩有如此使我清宵竟忘倦薤簾徒虛  
白石牀燈花屢落紅絲硯靜極還令日月翻空中忽覺  
神靈現落迦瀕洞行波濤傾湫大小居龍雁制險那愁  
豔瀕驚爭奇應賀淮淝戰健筆驅來鐵亦柔新詞鑄出  
金能變閒林閉戶枉乘車高論懸河急飛箭聲氣從今  
益共親姓名早已曾相見坐久何妨到午鐘情深恨未  
陳芳謫幸貽蘭蕙愧騷人喜得機雲並才彥手握神珠  
合夜明身同美玉當誰薦卽看萬里驥空羣一奏甘泉

上稱善

題黃燕思度嶺圖

唐裝結束衣帶殊高冠大帽無時趨奇傑之氣生虬鬚  
氣則奇傑人則儒旁一秣馬蒼頭奴前年北登醫巫閭  
九邊萬里飛龍駒周歷谷蠡窮沮渠今年南度大庾嶺  
矯首高天萬峯逞雄關鐵鎖旌旗整欲度未度何徐徐  
棧危半截虹蜺影長松崩壑倒鱗鬣紅梅夾驛通廬井  
山城鑿道板屋懸車麟振鐸行人警中原共指爲災方  
朱垠隔斷天茫茫自秦眉睞入作尉條爾反覆如蜩蟬

六瑩堂二集卷之四

七  
詩雪軒校刊本

尉佗僭竊當盛漢劉龔割據起後梁其間名賢被遷謫  
悲歎有似流夜郎豈知南交所自始堯時命官已經理  
虞舜南巡奏韶樂毬門雙闕天中起成周白雉貢越裳  
陳詩復見出僊耳職方記載屬揚州星域分明次鴉尾  
堯舜以來四千年風氣開闢相後先昔爲甌脫今重邊  
巨溟水深作平地荔枝龍目連花田風俗椎髻變緣飾  
宴會豪竹鳴鷄絃明珠翡翠等閒爾文章事業人斯傳  
愛君詞賦推妙手五岳巾箱無不有驪珠是處誇人口  
嶺外山川閱鬱盤古來人物稱誰某乞一賦詩垂不朽

予亦披圖拂箋絹走筆長歌託薔白更有羅浮四百峯  
碧空削出青芙蓉天鷄三更叫峯頂扶胥海湧金盤紅  
朱明窈窕開陽宮仙人騎龍耳生風金陵地肺遠可接  
請君神馬行鴻濛

題黃仲賓浮海圖

天地之大中有我九州六合無不可一龍一蛇與變化  
南箕北斗隨挹鍤太虛寥廓憑作舟元氣微茫鼓成柁  
魚鱗騰來行卽行采旄倚處左者左弱水瀛洲莽迴互  
水珮雲裳交婀娜逍遙天上玉女畱遊戲人間歲星墮

六瑩堂二集卷之四

八  
詩雪軒校刊本

君胡感憤欲浮海橫身枯樹風濤坐手持鬪髯露生平  
高陽擊筑猶細瑣修羅王掌月半輪月氏飲器頭一箇  
賤賤都忘日母歸冥冥誰見支祈鎖馮夷鳴鼓帝江舞  
鯢磬鯨鐘八音播此時海水盡飛立中流自在平不願  
大醉不知其何鄉那計醒前將鋪荷入甕須爲酒蠅蝶  
附人堪笑蟲螺贏激轉乾坤上下浮萬劫泥沌元黃裴  
忠孝心埋斷劍水肝腸血鑄洪鑪火丈夫得意會有時  
莫歎升沈願難果

題周黎莊廬山託鉢圖次陸義山學士韻

廬山面目無背向託鉢爭看比邱相此間却少尼連河  
誰有乳糜來相餉袈裟半幅紫伽黎猢猻七尺青藤杖  
識得相逢我是渠不愁兩足無處放

題把酒問天圖

寧把酒莫問天天豈爲汝飲酒憐寧問天莫把酒荷鍾  
一埋酒何有世人卽醉天自醒夜中朗朗月與星世人  
縱醒天亦醉白日冥冥天亦睡不如置酒不把天不問  
混沌中央得吾朕天門虎豹當九閭誰能令汝上帝聞  
嗚呼巫咸上天招不得楚些至今人歎息

六瑩堂二集卷之四

九

詩雪軒校刊本

登羅浮諸峯寄錢蔗山明府

十年閉戶常寡出自築仙湖一茅室滿牀書卷雜道梵  
繞膝稚子負梨栗生來性情少計校但得飽飯餘願畢  
獨憐不一登羅浮故人招我東來遊爲我入山備遊具  
豆香峒芥花餐甌僕夫荀輿待山口渡江復有沙棠舟  
此時山中霜氣滿誰識仲冬日和暖四百峯迢迢出迎  
一峯迴顧一峯轉羣仙天際笑抗手謂我白頭人山晚  
初疑鳥道行空冥忽然劃出天地青山人告予以華首  
滿山巖壑風泠泠夾溪水響應夜磬石房僧誦蓮花經

曉來遊興益颺發路入金沙洞明滅不見劉王舊日宮  
惟有黃龍瀑如雪望中瑤石在雲霧二樓丹霞夾日月  
眺聽一寂萬象沈高厓古寺靈泉音登陟企想緬千載  
梅花乃至行無林麻姑酒田有紅樹鶴觀那得長松陰  
欲晴則晴雨則雨龍潭幽絕無人處朱草香茸滿藥槽  
冰泉石竇流天乳水簾挂壁不到眼尋源誰著青鞋去  
朱明一洞羣山中無極太極包鴻濛上帝所照古日月  
歷朝致祭銅魚龍漢時仙人稱桂父晉後弟子師葛洪  
名山到此得經究十日何由盡前後石髓難忘入齒牙

六瑩堂二集卷之四

十

詩雪軒校刊本

雲嵐尙覺籠衫袖生人本一大蝴蝶造化原來小宇宙  
吾聞泰山日觀當蓬萊天門夜半紅雲開秦皇漢武昔  
封禪金泥玉檢埋塵埃又聞太華巨靈擘仙掌玉女明  
星兩相向白帝高臨萬壑低黃河背指三峯上北嶽幽  
薊地勢雄乾門坤軸肇虛空神京應上居紫極黑水配  
位當元宮中嵩二室三花迸笙鶴時聞過緱嶺衡山九  
疑相聯綿祝融一峯高插天峨眉西蜀盤天起直到大  
峨八十四天台迢迢三石梁雁宕幽奧龍雁藏金陵地  
肺在句曲廬山瀑數匡王各何如羅浮二山離合同虛

無弄時一水浮蓬壺其高三千六百丈峯至絕頂飛雲  
孤呼噲元氣受橐籥鼓鑄萬物還洪爐身著龍虎衣直  
與天爲徒龍蕊之竹不用扶寄書紅翠下瑤室故人知  
我留天都

冲虛觀古梅行

冲虛觀前有古梅傳是葛仙手所種千年老幹積鐵黝  
一樹繁花照人凍石室斜窺入戶飛玉晨上作焚香供  
當時葛仙自汲井豈少弟子代提壺灌溉年時接混茫  
支撐造化排瀕洞丹氣常在舊蘊隆罡風不畏新搖動  
六瑩堂二集卷之四 七  
詩不軒校刊本

林沂澤羅浮珊瑚杖歌

手抱日月珠晝夜盡出人尻輿行鴻濛上下徒呼吸何  
如平地能飛空我翁綠髮顏玉童一童擎杖日隨後鳳  
臺之北棠溪東人言杖與珊瑚似杖中數點朱砂耳無

名有名卽是名以指喻指豈非指駢杖橫直七尺強看  
來節節同沈香半結太清檜左紐或張五鬣松微黃想  
見山中託根大霜雪風雷不能壞翁云得自羅浮僧千  
年古藤出光怪試執女手長嗟嗟一日何啻三摩掌短  
衣任意叩牛角緩步無事稱蠅磨筋力幾曾用憑仗老  
大依然見豪宕慣向青帘被酒頰每每紅寺當花放笑  
翁有杖不肯持杖欲告別翁何辭莫作飛龍落藥店倘  
化蝴蝶真吾師

石制軍誕日索題長句因作萬松行

六瑩堂二集卷之四 三  
詩不軒校刊本  
定山峩峩出雙峽綠嶂丹崖萬松夾受天元氣含鴻包  
拔地蒼精露虬甲清商九月天宇高千里萬里呈秋臺  
衆聲振蕩肅耳目寒瀑迸響行波濤左擎右攫仍排列  
柯如青銅幹如鐵撐持造化接混茫醞釀乾坤裏霜雪  
西臨八桂南搏桑高標廣陰摩穹蒼工師何止作隆棟  
聖人久矣登明堂君不見盤龍柏七星檜漢宋時年至  
今在萬松萬松生長當閭風吾知與爾重疊太古終無  
窮

陳獻孟甥曾志伊婿李敬宜澡躬姪孫雪苑偕兒

述沂竑送子舟至禹陽賦此畱別

我年已老尙北征見者咄咄共稱怪春時學步鼎折足  
冬日欲涉舟爲芥潮來虎門捲戈甲雪過牛目關梁隘  
縱使帆檣常走馬也循阡陌妨沾帶里居况且粟屢脫  
客途未免文難賣誰知興發熱如火不禁痛來癢爬疥  
上天入地鬱二儀八極九州成兩戒風沙赤驃任意行  
星宿黃河那有界

蓬萊雙闕望

皇居楊柳一鞭復官廨

六堂堂二集卷之四

三

詩集新校刊本

聖人在上月臨臣工列下皇輿拜早朝侍從紫筆隨  
午食從容檢書曉玉堂飛遶盡五雲柯亭汲飲皆甘澀  
欲從班馬辨異同遍擊鼓鐘振聾聵朱紱疎越絕淫蕩  
王風洋溢分流派遭逢

休明世希有幸得鼓吹吾已快丈夫立志人則傳自古  
鑄金誰不壞禹陽相送賴公等歲暮分攜此江介平生  
嗜好畏梁肉肯向旅食忘薤薢縛茅結屋儘可爲烏帽  
紅氍偶行邁終當還山買薄田相助躬耕勞梓桔

再疊前韻別獻孟

舟行愛學牛馬走波平幸少蛟螭怪十二月來將立春

三十年前共投芥齊州幾點指可數中原一髮天何隘  
冰氣侵肩突作稜雪花打笠飛無熱可憐細雨昨夜溼  
欲得南風無處賣黃公酒壚且就飲麻姑爪甲那爬疥  
老來久受無盡珠少小已絕塵登戒分攜禹峽作兩人  
轉益羅浮上三界黃茅夾岸牛虎跡紅梅種驛非公廨  
前路幽并客獨行今日船舷與君拜龍文百斛好獨扛  
傾鼻一竿聊復曬草堂寫入陋巷志棠溪汲取丹泉壺  
蒼天有意屬豪傑世人未必皆聾瞶山到南衡地自高

六堂堂二集卷之四

古

詩集新校刊本

水出天彭衆羣派神龍矯矯兩翼飛天馬猓猓四蹄快  
此時朝廟推隻立况乃制作能不壞何人不奉北杏盟  
有日來朝葛盧介平居共碎鐵如意夙昔對眠簞皇莊  
沙塵捲地馬尙馱土鏗張燈日將邁將入承明侍  
袞龍敢忘田間策健犗

三疊前韻別錫志伊

男兒七尺在世間爾我俱能令人怪高談河漢翻海水  
一味昌歌嗜薑芥不無賢者桑戶狂亦有聖人伯夷隘  
琉璃匣裏露鐔鐔芙蓉天外無根蒂酒錢慣從姮女數

拒妝常就餅師賣雖爲柳鍛畧帶僻不食鐘乳能免疥  
仙壇招鶴去忘同佛會燒香跪求戒研田龍尾代錢鋪  
藥園烏頭立疆界賭碁花下徒待人結字仙湖不成解  
平時閉戶妨鳥啄今日乘舟望魚拜斜風捲浪蘆荻沈  
夕陽返照鷓鴣晒炙爐火熱手掬雲仰面天寒氣食瀝  
目斷關河總欲昏耳聞猿狖寧無瞋君來鬱水別二禺  
我出楚江行九派狐裘蒙茸送風走憎馬驂驪令人快  
桃梗衝泥且莫論鐵骨撐空自難壞欲得新詞袖細吟  
幸拂長箋書倒薤幽州道上天蒼茫趙尉城南人耿介

六瑩堂二集卷之四

五  
詩雪軒校刊本

豈無蜘蛛報歡喜也憶琵琶卜征邁

三殿雖裁五色雲一官不易兩角牯

四疊前韻別堦敬宣

久向空山守吾轍鄉里衣冠各疑怪居宅曾無半樹桑  
爲園祇有一畦芥古時朗月今尙圓井底點燈自尋隘  
李鷹每想作鱸膾朱鷺都忘食茄蒂時時白雪空斷吟  
日日清風不勞賣古琴雖畜常破囊藥物無關及醫疥  
不少投壺玉女畱長思入廟金人戒南溟荒落日極垠  
北窺寒門塞窮界且隨宮柳夾御河一見宮槐映新廡

玉皇殿上觀龍顏金馬門前稱虎拜仙漏吹來靜到微  
紅雲綻處光如曬斑管將裁羽獵賦露盤待賜仙人滌  
遍觀黼黻炫衆盲更聽球鏞醒羣瞶左掖梨花一道飛  
仙仗龍旂五方派分明齋肅當立朝自覺平生無此快  
得逢

萬壽正無疆頌以九歌俾勿壞東堂箋奏出黃封祕閣  
圖書列金薤天地繁華任往來神明寂寞游清介好憑  
鯁鯉頻寄書念我車輪遠言邁酒泉瓊帳背明駝溪屋  
芙蓉秣強牯

六瑩堂二集卷之四

六  
詩雪軒校刊本

五疊前韻別堦燥躬

平生氣薄天上虹黃金入火出光怪動心豈必爲龜羹  
鬪勝從來笑鷄芥焦僂短人畢竟短牛羊隘巷終成隘  
昨者種田得璧玉肯因納履離瓜蒂我爲兒女長自牽  
汝有文章未能賣聰明可幸全五官疾病不曾沾一疥  
置書萬卷久自淫桂酒一壺今始戒嵩華衡岱括地軸  
日月星辰列天界自南自北從出門陶復陶穴隨作廨  
大道重爲京洛遊下風惟望崆峒拜長謠馬上或乘輿  
滿腹路旁實難矚旒裘裹身當狐貉冰雪敲飲同沆瀣

招搖肅肅天四垂車馬喧闐眾猶瞋聚獵韓盧逐向風  
爭樹昏鴉落成派惜別寧無遠相憶此行不過求一快  
自知金石不易磨亦見天壤有時壤生來量食僅勺米  
淡泊登盤數葦蕤動中未免近流俗靜極依然立孤介  
好寄家人莫惆悵爲言老大尙蒙邁湖上多添養鴨欄  
更築牛宮待耕耜

沂兒送予至禹陽不忍遽回臨別畱一扇索尋書

舟次韶石燈下作長篇寄之

讀書只學守章句古人糟粕而已矣大儒學問有根本

六筆堂二集卷之四

詩書軒校刊本

一事必欲窺其始假如兩目日月明用作雷霆耳卽是  
滋味香臭亦齊等鼻觀香臭口滋味人言天地人三才  
不知天地吾身裹五行日用如轉環七竅那有混沌死  
恆華崑岱起方寸江淮河漢直杯水古人大言與小言  
入之出之盡原委不然高明鬼瞰室細者兒女相汝爾  
伏羲當時畫八卦後惟文王與孔子其中精微悉太極  
揚雄準易誠可鄙宋儒紛紛著傳註畢竟訓詁屬擬議  
尙書出自魯恭壁不遡軒黃遡姚姒其初謨典互參錯  
伏生口授始次第制禮作樂升明堂間用兵刑絕奸宄

不刪呂刑錄秦誓垂誠後代頁有以詩歌三百風雅頌  
篇什洋洋溢人耳西離白馬來賓王元駟高祺肅郊祀  
其他曾孫慶梁茨亦有孝友包鼈鯉國風好色而不淫  
芍藥何由及茱萸春秋書爲萬世法仲尼豈獨爲魯史  
七十二國十二公一一筆削嚴載紀河陽之狩首止盟  
斧鉞煌煌申大義龍門接踵更扶風淩水紫陽相繼起  
曲盡不過漢儒作列之于經毋乃侈觀其臚列備鉅細  
文字典蔚非繁靡譬猶大樂撞鼓鐘相應誰能去宮徵  
至若王制及祭統四代之治亦如此我初讀書嗜莊列

六筆堂二集卷之四

詩書軒校刊本

謂極變化露奇詭究之經學若朝廟何暇蓬萊觀海市  
愛汝讀書師古人不覺爲汝言娓娓塵垢萬物在胸臆  
陶堯鑄舜有其理自從禹畎一別來日日北風捲旌旆  
度關韶石逢立春再拜虞祠畧差喜可惜瑤瑟無處聞  
欲弔湘靈悵難已墨江侵星入臺嶺鳥道千盤戒行李  
章貢風帆卽順流想到潯陽疾如駛幽州刺客北道來  
爲我前頭執鞭弭玉爪惟看鴈放條霜蹄誰識馬加齒  
青徐大雪渡黃河白巖一裘行萬里風雲遇合莫我  
皇眼見斯民方殿屎爲官豈必多得錢平生水清惡泥



渚作書夜深附僮僕燈下落筆難到紙明年汝弟過扶  
牀望我應能北窗企不知何日果來歸抱犢耕田看碓  
雉有黍粟望我疑疑門前仙湖鏡相似等閒日坐烏皮  
几汝弟上膝將我鬚索我梨栗出十指

自英州入韶陽舟中作

英州兩日看不足拔地千峯萬峯蠶冬寒雨少石色瘦  
猶似美人出新沐崇巖乳竇綴瓊瑤壁面削著耀眉目  
雲霧綿聯象九疑想到春來一天綠江波水碧照見底  
風起微微縐羅縠前灘水激飛箭來江頭無人渡洞泖

六瑩堂二集卷之四

九  
詩書軒校刊本

篙師擔篙與灘鬪琵琶坎後故設祝明日韶陽一帶行  
十二芙蓉挂晴瀑有虞遺廟薦蘋藻一就陳詞戒明夙  
楚人屈原朱玉死離騷九歌無人續二妃靈瑟若可彈  
神絃再請題斑竹

將至昌州距四十里風濤大作感賦

幾日以來風雨作今晨更覺風濤惡江洋鼓浪鯨張牙  
噓囂歛空龍觸角乾坤廣大任浸灌宇宙週圍失垠堦  
天上分明不見根地中何處能尋緒虛言九派出潯陽  
那過五湖入吳岳話來爲客動懷抱感歎如夢殊昔昨

繫汰場舫知幾時痛飲高歌且爲樂安得錢王弓弩手  
爲我明朝射潮落

樟樹鎮下阻風作

黑雲沈沈天欲醉北風如刀割江水一氣空濛不見人  
蛟龍戰鬪波濤裏江間戍樓夜吹角腰佩火鈴出江市  
大船拍岸椿鐵矛小船橈頭曳其尾禁寒擁被坐船底  
燭跋數寸猶未已客行有路信皇天十日北風非常理  
徘徊明日知何矣

題漁洋山人荷鋤圖

并序

六瑩堂二集卷之四

三  
詩書軒校刊本

御書賜山人帶經堂山人因取漢兒寬帶經荷鋤屬馬  
鴻臚慎齋作荷鋤圖小照而以杜少陵帶雨荷鋤立  
秋猿吟翠屏布景其間屬予作歌

江天不辨烟中樹水雲山雲共一處輕帆幾點半空沒  
醞釀川原漲成雨遠峯翠溼微向吟新荷綠遍菰蒲者  
就中行田寄超迹漁洋先生得其趣鴻臚好手爲善傳  
廟堂豈有藏農具

御書鸞龍表經術許身稷契方隆遇荷鋤只合付閒人  
待我騎牛獨歸去芙蓉別業種紅秫手輯農書自箋註

題劉雨岑農部小照

左持玉杯右披卷口雖不言意何遠芭蕉葉大桐葉稠  
坐來衣帶風颼颼綠楊朱荷兩相映恰似美人對青鏡  
鏡光鋪出黃琉璃迴風日暖生文漪京師何處得此樂  
醉後微吟曠邱察先生家住八寶城射陽湖闊搖空明  
長夏不知有六月遶湖人家浸冰雪此時稻熟連菰蒲  
湖船爭上魚菱租糟牀壓酒注甘瀝紅裙裏鴨向前賣  
人生適意不在多爲郎白首當如何先生畫圖應爲此  
風景江南洵清美何不并我寫入畫圖裏

六瑩堂二集卷之四

三

詩書軒校刊本

賄酒石歌爲顧書宣賦次原韻

天上酒旗星不隕示人愛酒人不省君家有石似石魚  
怪底閉門日沈飲安得酒滿成江河招我過涉隨滅頂  
吸來不數月氏頭醉後卽作龍宮枕近時雕琢尙銀槎  
往者支節尋木屨豈識鑿竅亦混沌分明虛受由賦稟  
離之遂覺顏色衰對之頓使神明迴花晨蘭夜節融和  
月皎霜空氣清冷滄洲新壓出香潔西涼舊釀藏深蘊  
傳籌就此任磅礴立政無乃限畦畛除却逃禪繡佛前  
何妨墮珥遺簪近天津枉勞糟邱築酒泉無用渴羌請

劉伶荷鍤死便埋阮籍六十日不醒漣巾更有陶柴桑  
并起千古同酩酊

題查德尹查浦書屋圖

高峯割出千重嶂靦面青崖屹相向疑是金牛渡海來  
遠從天日來天上有瀑布搖長空倒挂百丈如白龍  
石磴合沓露破礧巖花的厯穿玲瓏愛君於此構書屋  
前頭後頭陰松竹甲帳編齊玳瑁簾牙籤插迸珊瑚軸  
誦聲琅琅響空山猿吟鶴嘯於其間把卷往往至月上  
朝雲暮雲相往還客至一任卸烏帽美酒糟牀正新壓

六瑩堂二集卷之四

三

詩書軒校刊本

嬌兒問字悉躉尾侍女司香燕螺甲重樓飛閣更接連  
居然章曲尺五天板橋迤邐下溪谷蒼蒼鳬魚蒲蓮  
世間何處有此樂太古以前代懷葛不似飛鴻落雪泥  
等閒倚杖臨丹壑只今出入

承明廷笙簧六籍鏘五英何暇吟晤學林下腐儒取照  
逢中螢大兄兒侍芙蓉殿

御食金盤賜珍膳小阮常時覲

玉皇一家著作同班掾縱令洗沐還里閭衣帶左右垂  
銀魚大鵬之息亦暫爾不久卽見天中書惟我片帆返

南海仙湖無恙傲廬在遙看跌蕩天門開君仍駉駕登蓬萊名山蹤跡總由我閉戶著書始願果

題許鳳香山人書畫冊

先生本是丹山鳳五色文章早驚眾置身立可霄漢高  
不值其時寧勿用六十年前處鄉國海內風塵方瀕洞  
蒼鷗一見翟泉飛赤子屢向潢池弄先生矢爲謝梟羽  
洒淚西臺抱沈痛青衫烏帽隱蹤跡剩水殘山託吟諷  
陰陽任從天地剝松柏不嫌霜雪凍偶爲圖畫寄蕭閒  
絕非人世堪伯仲細看烟雲蕩無墨都似造化特留空

六瑩堂二集卷之四

詩雲軒校刊本

題費曉亭飯牛圖

垂楊二月飛絲滿蒲抽節荇芽短草色茸茸綠烟暖  
布穀倉庚叫聲亂此時隴畝無東西農夫到處分扶犁  
土膏蘆粟下秧種叱牛服軛行衝泥君胡有牛不耕作  
怒肉陰虹映駢角但教努力食細草戴笠一任風吹却  
看君意態超常倫以此寄託辭風塵豈知飯牛取卿相

古來俱是英雄人嗚呼君不見銳兒盧兒好弓馬笑取功名入圖畫何似抱犢山中任徜徉一問牛喘知陰陽

贈尙樸山

天下幾人數十年一路相知成白首講求學問到性命  
茶根道人吾老友往時做僮稱貴遊錦驕驤裏貂鼠裘  
僕姑偶試墮鵬鵠伎曲善解彈坎侯落筆驚人更殊妙  
慧業生來自年少手中滿握驪龍珠天上高吟鳳凰嘯  
旁人共指爲顧廚縱橫几榻皆奇書自起聲名著銀榜  
詎數袴褶垂金魚春州出宰與興興誦養鶴無過一清俸

六瑩堂二集卷之四

詩雲軒校刊本

女兒采葛男耕田繡額蠻渠不敢動至今功德畱桐鄉  
當年治行齊陵陽豫章之材兼山澤鐘簴何處登明堂  
浮雲事業了可見白衣蒼狗三時變世情大抵在涼燠  
古道誰能渝霜霰惟我與君松柏桐依然天矯如虬龍  
風雷霹靂任白日柯幹鱗鬣仍深冬自從南北兩地隔  
遠道時時枉書札只言渺望同雲山豈料相逢吐肝膈  
匹馬重來備苦辛簇人十丈長安塵僻居頗類蓬室士  
忘機自謂無懷民海內詩篇徒聒耳當前那得有知己  
君從藥市聊逍遙我入金門等遊戲華陽館中倒酒杯

醉後共上黃金臺撫弄日月遡盤古跳擲造化如嬰孩  
昨者一病久不却頭岑岑然氣蕭索消渴難擎玉盞漿  
通神君炒珊瑚藥藥王出世願結成兜率降下夢有徵  
毘嵐風惡劫灰黑拯救無暇論身名即今學道芟郭郭  
大笑枯禪守寂寞證心久在楞嚴經起舞何妨乾闥樂  
嗟余歲月徒蹉跎白頭始自稱維摩蘆荀不肯飯香積  
醍醐要欲奪葱河凡情既盡見真性與君同出女子定  
琉璃內外一片徹水月光明萬川靜燕山八月吹北風  
我行將逐南飛鴻蘆花蓼花兩岸闊柿葉楓葉高林紅

六堂堂二集卷之四

五

詩雪軒校刊本

吳船取道潞河去波濤天上隨風御他日天涯憶故人  
結屋羅浮最深處

題唐子畫冊

佳山佳水何處無幾人天下盡登眺惟有畫圖置几案  
臥遊可以窮衆妙唐君好手天資高胸中滌蕩生瀾潮  
泚筆往往在幽澹造微一一含纖毫自云欲得古人意  
豈知變化隨所至分明絹素成烟雲詎有鬼神運其臂  
閒雲斷處空山遠亭皋木落秋林晚蔽日陰崖夾瀑流  
千峯積雪行人斷細看十幅無一同得諸造化非人工

別有著色似沒骨夕陽倒射金芙蓉或爲王右丞或爲  
李思訓或爲郭熙董巨源總之超逸非凡近君平何不  
爲我再寫一幅歸去來挂帆天外南溟開珊瑚釣竿拂  
若木天地于我何有哉

題汪東山秋帆圖

潞河水漲今順流片帆高挂乘清秋荻花蓼花雜板渚  
楓葉槭葉迎柁樓長風迅疾如飛鳥峯巒倏過青齊了  
路入淮南楚甸寒江迴白下吳門曉還家暫解佩銀魚  
入夢鐘聲草閣初等閒拂水看晴瀑還向包山讀道書

六堂堂二集卷之四

五

詩雪軒校刊本

焦山剔銘圖爲王紫詮大參賦

焦山一髮天畔青海門截斷烟冥冥真人昔時此瘞鶴  
元黃幣裏雲松局銘中一百五十字立石紀年備旌事  
得來華亭遂寥廓化去朱方失騏驎或言銘是右軍書  
豈知標格全不如世人耳食喜附會錯誤帝虎訛魯魚  
蕭梁迄今歷年久波濤山下雷霆走狎獍豈免蛟龍觸  
臧滕賴有鬼神守神物終然出世間譬之二氣當循環  
不是其人不能見到山往往徒空還南村好奇特相值  
山根水涸露沙脊崩崖歎處銘石懸手剔莓苔見真蹟

岫嶺禹碑高可摩陳倉石鼓載囊馳何似此銘闕巖壑  
得之水府無洪波華陽法書不使斷千餘年來滿人願  
楚僧急取入丹青何生許爲榻真本嗚呼西京鸛鵲舊  
塔無孝慈之塚藏義烏安得盡如南村者並與瘞鶴傳  
其圖

題張來菴小照

五松五鬣排蒼穹左擎右攫如虬龍包裹元氣露鱗甲  
白日長有洪濤風遠山隱隱射晴瀑倒瀉陰厓落潭曲  
飛爲素練搖絳虹疊出金沙粲明玉先生聽松觀瀑於  
六堂堂二集卷之四  
其間踞坐盤石何蕭閒神明被濯冰雪淨衣帶掩映莓  
苔斑只今承明擅制作雞戟宮門侍銅鶴天下蒼生  
正賴公邪得移情向邱壑

歲維癸未行

歲維癸未歌太平四海內外無甲兵京師年登米價賤  
民間飽飯還食麪忽聞齊魯民水災六郡州邑田汚萊  
木皮草根煮充腹饑來男女道旁哭粵閩旱魃同慘悽  
地土龜坼難鋤犁三楚之田亦告水農夫大半色憔悴  
往年

聖慮論捕蝗處處大熟多餘糧夏秋屢賜免租賦報賽  
田神列成路近者海運爲賑民欲使頓仆沾

皇仁又發金錢自內帑天地之恩誠浩蕩堯湯水旱縱  
有時氣數診害民受之洪範八政古有紀下民豈得同  
怨咨腐儒不識暗乖淚乞天雨金救凶歲大臣體國多  
遠謨草野何用深切膚嗟嗟京師汝民幸豐足慎勿養  
鷹合搜肉

緹騎行

長安五月生悲風滿城刮地吹向東夜來火光數百道

六堂堂二集卷之四

天

詩雪軒校刊本

一一天上搖長虹金吾緹騎奔絡繹身衣繡甲金盤龍  
居民見者盡舌咋客舍聞著驚耳聾相傳朱門列大戟  
平時鼎食常歌鐘黃紙詔下忽收逮奉命不得久從容  
男啼女哭被困苦銀鑰鐵鎖來相攻國家舉事慮深  
遠草野不解真愚蒙何況富貴不易保古來烏盡藏長  
已韓彭趙臨了可見寶田赫奕誰能終儒者讀書慕前  
哲只合貧賤安耕農嗚呼只合貧賤安耕農

舟中夜坐卽事

晚來江間浪不起四面無雲天墮水高原樹黑不見人

遠村點火深林裏須臾月出烏鵲飛滿船霜露沾裳衣  
蘆花如雪照港口漁翁網魚深夜歸北斗插地衆星落  
水鷄初鳴聲隔岸上打牛振車鐸

對菊歌

生來愛菊自澆灌小園築向仙湖畔每年手植數百本  
插棘編籬列成段聽人佳花作詩乞間有異種來山院  
始栽細小入寸土迨至長大齊高館雖然雨露得自天  
亦有人力用其半入秋枝葉已可觀後到將花更堪玩  
淺深隨意綴籬落孤傲不曾避霜露山僧見訝爲曼陀

六塋堂二集卷之四

元

詩雪軒校本

佳人笑指同錦繡侵晨晤對把書讀入夜留連忘星飯  
常籠芳氣入簾帷時折銅瓶供几案自從春日來薊北  
故園魂夢無時斷諸兒不解共愛花小妾愛花勞手鉏  
京師五月高麗菊花市移栽道人觀南歸津門值九日  
舟中那得花靚面故人爲我貽數枝正是花時菊初綻  
到眼能令發興孤賞心何止值錢萬半月以來花更好  
有若家園放璀璨墜頭總是金雀搖盪瓣無非雪花卷  
靜來一味氣芬馥動看四壁光凌亂使人欲餐爲香色  
正爾深敬緣勁幹譬如畫家作竹石有時亦著孤蒲嫩

客懷長日得安好燈邊澹照能扶倦不獨如珠露欲團  
直教斜漢星同爛嗜好余爲栗里人當前送酒誰曾慣  
且待冬來返嶺南再闢湖齋種無限自居丈室號維摩  
還期天上將花散

秋夜長

秋夜長夜長何時休玉繩天上繫兩頭東有織女西牽  
牛秋夜長夜長何時息路長風短不得力河流不似江  
流直我身安得生羽翼南溟天闊海水深珠宮貝闕蛟  
龍吟佛桑春日爛滿眼梅花十月香成林夢魂先託歸

六塋堂二集卷之四

辛

詩雪軒校本

飛鴈家人見鴈莫長盼待我還時買釣舟釣魚共飽雕  
胡飯

挂劍臺

交情論生不論死世上之交盡如此惟有延陵挂劍臺  
至今人知吳季子臺邊草長皆劍形草綿滿地常時青  
勁風吹翻葉舉舉大雪倒壓光稜稜心許徐君不忘故  
還時尙解繫其墓高臺好比魯靈光碧草何異冬青樹  
當年讓國同子臧高義史冊垂輝光何况佩身僅一劍  
更惜劍在人已亡闔閭往事何深痛炙魚進食終無用

窟室雖成一旦謀兄弟難辭敵人開君不見夫差爭長  
向黃池姑蘇臺上醉西施屬餽劍賜猶未久沼吳竟在  
美人手

贈言

君不見黃山松千樹萬樹如虬龍又不見羅浮日扶胥  
海上三更出鴻濛天地氣始分金盆煜燦浮紅雲我

皇高御蓬萊殿九點齊州殿前現敕遣仙人下界來霞  
旗摩動天門開要使蒼生共蒙福陽和到處人膏沐南  
溟之水爲天地洪波萬頃堆琉璃銀河相接成一派波

六盤堂二集卷之四

三

詩雪軒校刊本

流汨汨飛銀瀝秋色遙臨越秀山仙人駐節於其間鸞  
鶴紛紛日來下猶似閩風傑其馬夜來列宴彈靈璫北  
斗插地蒼天高

黃匏齋夫子喜南方物產屬林生石牀繪草木禽

魚畫冊命作長歌

吾師胸中括萬有入粵新詩滿人口杖策羅浮四百峯  
親見日月開鴻濛上界逍遙絕飛鞚畱題尙下朱明洞  
天鷄大叫海水光星槎一泛牛斗旁山川自此歸大雅  
草木禽魚迸圖畫林生好手翎墨池鵝溪十幅飛游絲

蝴蝶如車復如扇撲來五色雲中現元黃朱綠照滿山  
蓬萊宮雀成仙班聰明鸚鵡能言語却藏茉莉花深處  
鷓鴣多向越王臺美人蕉下時一來暖日和風迎翡翠  
燕支露滴芙蓉醉金蜃紫貝兼神螺重溟百寶搖洪波  
明珠一寸鮫人目珊瑚十丈龍宮燭極蘭玉藥枝青瑤  
火樹絳氣連紫霄赤繪映肉晶盤薦荔支時節紅雲宴  
木奴龍眼饒瓊膏蠻藤倒挂金葡萄馬纓佛桑花灑灑  
蒼藹攀枝樹交墊草中况有麻姑釵果中亦有紅錦鞵  
英州怪石琢山骨從陽蠟石結金寶粵中物產爲人誇

六盤堂二集卷之四

三

詩雪軒校刊本

吾師博物同張華陸賈南行豈有此嵇合作狀徒擬議  
展圖指點全逼真四時景色羅清新瀨江歸日正秋霽  
又是六朝地佳麗念我空山但白頭依然不忘金陵遊  
得從長者坐琴瑟異時借問承華側

送翁越岑子毅歸餘杭

南溟海濶生長風新潮萬丈騰魚龍高帆乘風坐天上  
扶胥日出光瞳矐雲煙綿聯遠相望汭流不識鱗江漲  
楚尾吳頭數驛亭竹枝薤葉聞漁唱錢塘江上作歸人  
武林二月園林春芳花紫荆耀朱萼官柳鳳翼張龍鱗

同憶趨庭在官舍對牀風雨常忘夜禮能自立詩能言  
學成豈是悠悠者神鸞有族麟有駒

昌期應運生騶虞筆久追趙駿免磨墨定捉秋蟾蜍  
才名灌耳人爭噪魏世雙丁梁二到直排閭闔朝

玉皇蓬萊列仙向前導崇蘭香草黃金芝尊人與我同  
連枝端門司祿并執法文章炯炯當南離我惟歌歎青  
冥外老子之學純用退近入羅浮著道書丹霞爲裳月  
爲佩送君兄弟空眼懸恍然碧落星躔連念我山中徒  
祇憤何時鞭策齊夾穀

六瑩堂二集卷之四

詩雪軒校刊本

贈五羊司馬

白鶴峯頭飲桂酒豐饒湖中摘菱藕憶曾醉臥黃琉璃  
猶自杯槃不離手其時月出四山空君爲地主爲詩雄  
寶箋十樣出供客高詠湖上驚吟龍大雅之音振鐘鼓  
詩成痛飲復無數城南北斗欲闌干梨園弟子尙歌舞  
勝事今來已十年風流聚散如雲烟君辭萊蕪向京國  
我買梓情犁春田平時酬倡歲三四一旦阻隔成萬里  
蹤跡何由問雪鴻尺書無處尋河鯉豈知乘傳臨廣州  
抗旌五馬五驂驪軍中視政並大帥兵事執法如山邱

官閣擁書當南面玉軸牙籤手繙遍能巖祕笈世上無  
脈望神仙字誰見草堂日出初到林柴門早起聞車音  
恆情交態畧邱壑惟君重比雙南金明夷于飛却垂翼  
自笑長風奮無力強斷珊瑚作釣竿逢君爲我三大息  
嗚呼丈夫生世爲人豪立身霄漢秋雲高肝血可以奉  
天子安能從事卑下飲啄井李同螭螭君縮銀黃佩瓊  
玖不忘芳草詒朋友我亦離騷一輩人馨香請置君懷  
袖有蘭九畹蕙百畝

題徐虹亭楓江漁父圖

六瑩堂二集卷之四

詩雪軒校刊本

煙空氣祿畫不得秋潮一片吳淞白蘆花壓亂沙明瑟  
楓葉暗落江根石洞庭鶯脰浩蕩逆劃波兩槳蜻蜒舟  
珊瑚釣竿執在手欲下不下心悠悠漁翁取魚之志遠  
不論釣絲長與短魚頭戢戢魚尾箕登盤饌鱸香雪滿  
風雷忽起天地春巨魚張鬣開金鱗君不見漁翁釣向  
龍池津

飲循州署樓答王南邨太守

高樓四望何快哉江帆千扇城頭開石梁鐵橋隔縹緲  
羅浮天半雲飛來此時離枝味初美蟬鳴江樹涼風起



寶坻香膠盛玉瓶珍珠滴出梨河水登臨唱和爲一新  
觴客難得賢主人取陶丹府養神室白髮變黑無冬春

仙山雲海圖詩和朱德懷太守韻賦贈

有序

太守性寧濬超軼塵宇于碧石築西園畫仙山雲海  
圖自作長壽屬君山姚君和題畫壁適黃匏齋夫子  
至邀同翁蘿軒學使張蒼巖郎中顧桐村方鶴洲錢  
蔗山諸明府馬怡齋進士暨余與陳獻孟茂才各步  
原韻題冊祝之

欽然壁上來高峯綠厓丹嶂開重重半空彷彿引龍嘯

六瑩堂二集卷之四

三

詩雪軒校刊本

崑崙天矯盤虬松洪濤巨浸遍滄海筆墨一縱煙雲鬆  
平堆千頃金澗瀨倒挂萬丈青芙蓉坐間几席盡畫  
觀者歎賞爲動容其時太守與嘉客辨河飛箭無全鋒  
共言面目似廬岳別指林木同石淙魚龍闕耀貝闕  
明霞列堞編崇墉詩情撫景頓廢發密書細字真珠濃  
譬如昆陽之戰獲賀勝冰車鐵馬隨相衝飛簾捲起日  
灑灑錦苔布處花茸茸唱酬競推陶謝手相過可有求  
羊蹤桃花綵映玉麟佩仙人骨相何其丰畫圖山水偶  
寄託鬱羅天界誰能逢我欲獨乘漾漾鳥一駕纖御來

相從方壺圓嶠在於此何止五嶽四瀆橫心胸

紅蘭主人出示畫冊走筆漫題

天地之初有真宰後人一鑿失其真遂使磅礴少元氣  
不畱混沌全精神誰能引手接太始獨自舉目窮無垠  
烟雲浩蕩不知處紅蘭果是飛仙人虛空直乘泱泱鳥  
晝夜雙駕金銀輪驅染見筆不見墨筆之所至墨亦勻  
分明小物具大塊豈有野馬藏埃塵見畫一幅竹二妃  
無言湘江綠見畫一幅松寒瀑倒挂蒼虬龍見畫一幅  
石江阻魚梁長千尺亦有一幅獼猴桃堆來馬乳金盤  
高亦有一幅木瓜樹香氣招人夢魂去亦有一幅芍藥  
與牡丹紅玉金帶香沈檀山梅野菊海棠李大雪凍埋  
身不死臙脂瀉出紅泉水

游仙詩

神仙之事非虛無名山到處皆仙都翠袍綠髮得真永  
金鈴火帶存洪爐上清古殿冲虛觀地出朱陵在天半  
葛洪弟子黃野人舊廬猶在方墳畔服丹一粒成地仙  
龍池灰劫忘歲年日騎啞虎遍巖谷凌空直上飛雲巔  
世人蠶絲自己裹納納乾坤等閒過名姓那畱三朶花

日月空隨兩輪磨，豈知洞府繞長春。逍遙上界哀下民，  
珊瑚炒藥亦徒爾。木皮作屑能救人，明星熒熒風肅肅。  
空山無人但幽獨，水流花落總無言。嘯聲何事振林木，  
偶著靴帽使世疑。雲中相遇扶搖枝，鴻濛拊髀大驚歎。  
神雀掉頭吾弗知，自古鑄金誰不壞。見廬我欲燒香拜，  
觀旁有井號長生。濺入廬中滿銀壺。

題贈

列仙遊蓬萊，金樓複道成。迴迴羽人住，都嶠芝笈砂牀。  
列分曉何似，白水丹梯萬仞峯。絕奇琉璃一碧涵天池。

六瑩堂二集卷之四

三  
詩雪軒校刊本

爛如銀河見河鼓，沐日浴月無窮時。

祝融之南鍾山東海中，日吐珊瑚宮星漢。昭灼金盤紅  
翠屏，千丈流長虹。雙松夭矯如虬龍，天半霄祿來清風。  
飄然松下一老翁，眉如珂雪顏如玉。童骨青髓綠還方瞳，  
江心桃竹爲孤筇。意與霜鶴凌秋空，髣髴仙降蓬萊峯。  
一翁坐石神奕奕，手執如意自揮斥。華簪戴就芙蓉冠，  
翠袍點得蜻蜓色。顧盼雖然在咫尺，行藏竟欲過八極。  
提籃老翁更可羨，滿地兒孫眼前見。籃裏靈芝葉九莖，  
背上蒲團雲一片。採藥羅浮事修鍊，洪崖浮邱日歡宴。

愛君五福在一身，三人祿命成一人。桑弧蓬矢射天地，  
上帝降誕非無因。萱花苒苒長瓊藥，桂樹的的堪車輪。  
哲兄繡服獬豸新，廣文苜蓿潮陽津。有弟文章復好手，  
璠璣席上人人珍。況有良朋日相慶，高秋九月天如鏡。  
入夜微吟置几榻，舉杯大醉稱賢聖。百歲從教白髮來，  
重陽取次黃花盛。醉君酒爲君歌，南斗天上連銀河。金  
壺虬箭知幾多，自從盤古至今八萬四千歲。若不行樂  
如吾何。

六瑩堂二集卷之四

三  
詩雪軒校刊本

六瑩堂二集卷之四

六堂堂二集卷之五

國朝南海梁佩蘭芝五著

五言律一

上弦月

初月成弦夜山空半似秋影先來屋角光欲上簾鉤  
宿千枝定潮涵一線流美人掩闥扇端的不須愁

下弦月

明月終難晦為弦却下形可憐前夜色曾照萬峯青  
抱魄留宮殿懷人渺戶庭梅花香雪裏空自數疎星

六堂堂二集卷之五

詩學軒校刊本

題靈山寺

峽高孤寺出門對大江開鳥從長天過波濤鎮日來引  
泉疏近圃供佛滿寒梅薄暮山烟起逢僧乞食回

靈山寺聽泉

高峽名泉出聲聲繞寺西帶鐘分斷壑飛月度前溪  
玉乳疑天落銅瓶欲自攜平生冰雪意今夕在招提

靈山寺折梅

山寺尋僧到梅花折一枝野情隨處得香氣少人知  
我欲貽芳草誰從入楚詞更憐寒鳥雀窺影入疎籬

嘉魚

正好嘉魚節連朝雨雪天持來龍母廟得自峽人船  
玉尺晶瑩見銀鱗撥刺鮮客中難值此欲買豈論錢

炎州生火地水族汝稱奇日月光同出風雷靜不知  
數行沙上柳千尺峽中絲欲續前賢咏翻慙絕妙詞

沙柳

魚山自楊

美味原難得金盤薦此珍與誰嘉客會觀我采頤人  
少滴鷺黃酒深調雉尾尊自今端水上長擬漢江濱

江上見新月

六堂堂二集卷之五

詩學軒校刊本

江波流一線處處是相思孤客轉愁坐佳人長盼時  
銀箏傳玉指寶匣畫蛾眉莫影湘江去湘君雨不知

燭

孤篷開畫燭一夜徹深紅野燒殘山外寒星遠水中  
光明分尺寸氣色滿鴻濛試入銀塘影芙蓉不被風

菩提樹

嘉樹傳西域胡僧手裏栽虞園曾一見端水至今來  
葉響通僧梵枝高拂鏡臺幾時明月下清影共徘徊

柑

綏州柑獨好一半聚蘆包霜後成魚凍花時仗蟻巢  
香隨袖滿冰雪向心交擬植西園去家林近在郊

烏攬

八月經霜熟山山鳥啄頻下鹽那川淺作豉不嫌貧  
簍衣輕颺燕支色半勻祇應人面子得共汝成仁

白鷺

白鷺空江上飛飛人不知明珠成玉體海月與冰姿  
北朔教難雪南溟欲作池豈無朱鳳輩雲外叫長離

漁網

六瑩堂二集卷之五

詩雪軒校刊本

村村漾紅蓼處處生白蘋不覩求魚易安知結網仁  
霜成點點照水自鱗鱗莫傍漁舟晒鷓鴣在隔鄰

長壽寺十咏

十里郊西寺招尋有數公說禪資法喜作賦問宗工  
丈室凝香細寒林炙日紅請看供佛火回作一冬烘  
意已無人境藩籬欲白芟殿雲鱗細刻池水玉空嵌孤  
逕宜拳鶴重簷却露帆稍欹鳥匠坐黃葉落舒衫  
周環僧舍在初客幾曾經紺碧銜虛閣欄干抱小亭天  
絲飛上下人影立空冥萬籟歸何處笙竽靜可聽

遠近隨登眺酸風不射眸一痕分大海片席接西疇  
意蕊前朝發心燈昨夜求與誰軒騎動還向此中留  
洞上禪尊貴閒室向水開法從龍樹聽人雜雁子來花  
霧飛絲卷簾波靜影迴遠公多勝事結社共宗雷

江山千載後懷抱幾人知野寺閒過日高樓獨上時  
暮雲歸大海寒雨捲春旗望裏珊瑚殿還誰宴荔支

飛閣圖雲氣虛無拾半層遠分平楚樹微影下方僧  
法雨流金聲天花結寶燈欲從高處望晴日幾回凭

片席銜西崦漁汀望稍稀還如遠天際閒送一僧歸  
鳥

六瑩堂二集卷之五

四 詩雪軒校刊本

道銅船出鯨波鐵颺飛此間常不動江月過相依  
木末芙蓉渚雙渠引慨長映來紅杏寺宜在白蘋鄉  
秋色浮湘雁香風結楚裳美人何處所側近是橋梁  
幽興不在遠步行隨意深高天散萬物一月當前林  
冰雪淨化水芰荷香入心不知原野外星影向誰沈

新篁

疑疑疎籬外娟娟上番西稍能分綠野却不礙青溪  
出土元從直驚風卒未低一叢新玉筍看取客來題  
處也 音范

聽鶯

相報皆春事流鶯豈可無酒間人爲賞花下語偏殊綺  
日臨芳甸遊絲畧細蕪聽來隨處所藤架蔓初扶

菜圃石榴花盛開

半畦萋萋地的爍見榴花抱囊乘朝日渾身著錦霞直  
當增綺閣何意綴貧家怪得珊瑚樹生來在海涯

燒

千山看定閃閃自連空衰草行人路長天去鳥風片  
痕銜夕照幾點上丹楓肯信漁汀外霜林亦變紅

六瑩堂二集卷之五

五

詩書軒校刊本

送樂說和上奉華首雷峯千山海幢栖賢丹霞三

世語錄往秀州楞嚴寺入藏時取道粵西

春到西江水師行已泮冰殷勤三世法傳續萬年燈梵  
夾畱蕭寺禪枝挂古藤越僧相識遍誰不仰南能

省先祖墓

寒食千山暗淒涼省墓田碧沈芳草路紅泣杏花天去  
日思仁孝流波感歲年無由追祖德深自愧先賢

從石門入靈洲舟中作

我行石門路江與山峽森不知秋水寺乃在青松林木

落風響答霜高雲氣沈前村漁屋火溪曲射來深

入夜江水暗舟行聞打魚星飛遠沙沒月出衆峯疎幾  
點野烟散一聲寒磬初山僧有情舍今夕是吾廬

東江曉發

曙色東江路無多百里遙宿雲隨鳥散濃霧向人消岸  
迫沙園草船鳴石撼潮遠村桑葉暗不見有禾苗

端江夜泊

江中多爽氣況復是深秋塔影移河漢帆檣落斗牛請  
持桑落酒一攬木鱸裘明月無人共高吟獨上樓

六瑩堂二集卷之五

六

詩書軒校刊本

秋星天上滿不似水中燈貝闕含魚穴鮫宮出翠簪微

茫歸峽路隱見渡江僧長夜何曾寐官舟泊幾層

羅浮蝴蝶蘭

生氣鴻濛古真形物化微短長山葉裏團結洞雲飛抱  
朴中含子流黃自有機麻姑長指爪拾取製仙衣

神仙騎不得作蘭未成蛾方寸藏身穩雲霞釀氣多金  
丸無可比玉局更如何一笑人間世夢生在蜩磨

寄遠公

白雲孤寺背樓角射來青小立餘清曠高吟入杳冥茗

香飛素雪棋響散秋星梵行無人見楞伽一卷經

寄敏公

中宵點高燭一讀敏公詩石澗冰雷壑山齋雪滿池  
柳花交薤葉鳥毳綴蛛絲念爾孤吟苦觀心只自知

寄心公

憶爾西郊外禪關絕送迎掃花詩思溢洗鉢道心清  
霜雪孤松立莓苔野鶴行幾時攜竹杖一爲入重城

寄塵公

一琴過歲月了了悟真空雪瀑月中見霜鐘林外通不

六堂堂二集卷之五

七  
詩雪軒校刊本

離黃葉寺已作白頭翁與問前朝事惟彈舊漢宮

寄一公

聽鐘知寺近往往白雲封屢欲尋方丈無因信短筇  
寒梅開臘雪危石立孤峰轉憶栖心夜禪燈徹幾重

小除吳山帶陳臣張周大樽曾秩長過宿

故人難得見今夕不勞招春氣來湖屋寒聲散海潮  
酒香波澹澹詩思燭搖搖一試吟芳草閑階滿翠條

李孝先新婚

芳時那易得修禊咏桃夭春色流山黛雲光上鏡湖

櫳開瑋琯詞賦合笙簫書遍催粧卷鮫宮百幅綃

上巳日讌集西山草堂屈翁山陳元孝林叔吾吳

山帶姪王顧時李孝先就昏於王蒲衣濃廬分

得風字二首

被襖無今古吾曹亦晉風笑談衣帶緩酬酢酒樽空  
飈水雞頭綠留衣蝶翅紅秦家有夫婿初日照樓東

倚檻千峰出迴谿一水通沾人榆莢雨吹席棟花風綵

筆光鳧藻瑤笙閉綺櫳由來新樂府多是奏房中

江上小除同屈鵲潭

六堂堂二集卷之五

八  
詩雪軒校刊本

細草寒沙外船頭返照餘客心驚物換江氣似春初  
棋局消殘夜燈花報小除不因良友共歲晏轉愁予

夜舟

半夜不生月高天猶有冰檣聲交野柝星影亂漁燈  
水路還分驛山峰不辨厓去家三十里歸思繞騰騰

江上立春日同屈鵲潭

近水春先到乘舟兩箇人日華盤雉尾江色耀龍鱗  
點點驚鶯喜翻翻草木新眼前生意滿吾亦拂衣巾

江星

天闊琉璃映江光紫紺浮鴻濛無二氣身世乃孤舟且  
闕爲河漢龍宮出斗牛看來雙眼盡碧落正當頭

村燈

烟際聞人語前溪釣者歸迷離深樹裏隱見一村微土  
甌黃茅屋絲車白板扉客心禁夜永燈火照依依

櫓聲

天風非所料人力儘堪求竟日聞柔櫓長江轉逆流助  
吟勞蟋蟀催客恨鉤輈怪得歌河滿教人易白頭

潮痕

六瑩堂二集卷之五

九

詩雪軒校刊本

萬派江聲走風長幾處移平能畱野岸高不限天池水  
客行應捷沙鷗宿未知繫舟求穩便蹤跡問篙師

蘆烟

獵獵吹蘆葦盤盤篆水汀飛爲江氣白散作野田青此  
地成烟火何人托杳冥滄浪吾亦爾歌闌共揚舲

雨帆

到天行亦得頗耐雨還停日月昏雙眼乾坤立四溟稍  
畱雲片黑已失岸痕青水驛占明日風聲漸可聽

孤嶼

正好乘風去無端拂浪迴兩崖欹割漿一石激爭雷野  
渚窪成漲山藤絡不開向來登眺少誰疊釣魚臺

新苗

雨長三篙水田抽二寸苗不愁生兩耳先喜出長腰海  
燕飛紅寺江豚浴晚潮農談復何事新綠影搖搖

睬脊

不信成漁具人猶置此間江湖無日了物役有時閒風  
定白蘋末烟開菱葉灣仍逢隔溪叟方卷釣筒還

漁板

六瑩堂二集卷之五

十

詩雪軒校刊本

求魚那易得一板候中宵霜鬣穿沙汭銀花粲黍苗鷗  
鷗太無事漁父笑相邀何處沈江柁殘星逐早潮  
豈有鳴雙板求魚便得魚物情無一定人事似憑虛月  
黑蛟龍隱江空網罟餘還聞張敝笥盡取及蝦鮒

常山道中

城頭星欲落城外柝聲稀早已行人飯具同驛騎歸樹  
禽初跳葉山屋未開扉隱隱千峰下泉聲一道微  
山氣鴻濛似雲光草樹開逐羣樵斧去報曉寺鐘來鹿  
跡畱乾葉霜痕漬古苔此間宜一憩登眺有高臺

蔣蓮多谷口白石半林坳古木成虬甲人家護鳥巢  
聯生壇坂迢遞接江郊日午招山店寒瓜滿素庖

龍游道中

久旱妨秋稼爲農慮歲饑稻苗將欲死魚蟹豈能肥  
白晝雷霆動空天水葉飛徒然望靈雨不見溼龍歸  
何處江雲黑連空雨氣勻一時驅旱魃今夕慰農人  
客路消殘暑皇天實至仁高低看禾黍處處總成春

贈葉隱君

落落山塘外幽栖閑歲時姓堪高士列行畏俗人知  
學

六瑩堂二集卷之五

十二

詩書軒校刊本

道真忘老還丹自有期與予常徹夜坐數眾星移

吳山千萬疊空翠滴松杉君獨持筇去蓮花結一庵泉  
聲幽澗北峰影白雲南應有華陽賈憑將鶴寄緘

淨食同僧侶春來喜鬪茶引泉分玉水揀葉出金芽園  
長新移樹瓶開舊插花日長無一事人疑是仙家

我有芙蓉國溪流夾一山地稱香水海花滿荔枝灣  
客當朱槿教童養白鷗待君雙屐到相與掩柴關

送沈客子還平湖

客中見花發歸思向花濃燕地滿碧草馬頭生亂峰行

看南湖月坐聽平湖鐘湖上鴛鴦鳥雙雙栖影重

送何東戶之鄖陽張將軍幕

一官成自首萬里赴長安復佐元戎去軍中鼓角寒水  
流即日盡山向竹溪盤莫歎儒無用尊前拂劍看

訪高澹遊

扁舟下吳苑端爲故人來委巷猶穿竹寒齋未放梅坐  
移霜葉積風動紙窗開幸與羣公會高談且漫回

山來臨頓里只在圍閭城不與高人對安知萬物輕觀  
魚遊水樂聽鳥鬬巢鳴擬共題詩去天空月正明

六瑩堂二集卷之五

十二

詩書軒校刊本

相見還如昨交情倍覺深人誰分白眼君獨賤黃金潮  
水原歸海雲松自出林嶺南春信早遙聽雁飛音

江上偶作

幾重烏桕樹掩映見人家雲白疑無路霜紅只作花小  
舟依岸缺古屋引橋斜去問園中叟秋來地滿瓜

夏日宗定九張諧石陳鶴山金受宜招同戴衣聞

遊李氏園林

郊郭停車蓋園林敞畫圖石屏雲外轉荷葉鏡中鋪雨  
長新梅子花沾粉蝶鬚相逢公等在吾道未全孤



秋雲

萬重峰影外一片自孤飛是處明霞迴長天列宿稀斷崖時復護落葉不同歸莫漫尋邱壑松間學挂衣

贈程翁

軒轅栖道處當日在黃山三十六峰裏峰峰時閉關松濤清衆壑鸞嘯遠人寰薄世今相見高風不可攀山中女蘿草結佩可千年復客蕪城月對吟瓜步煙白雲自孤往綵鳳何高騫一服金鷲蕊人間擬僊佗

夜宿廖南暉客舍話舊兼訂還粵

六瑩堂二集卷之五

三

詩雪軒校刊本

相逢憐此夜一別十年來漸覺兒童長真令老大催斗牛天半落瓊瑤月中開猶爲陳花果深談未擬回有約還鄉國先期在隔秋雁看邊塞渡帆合楚江流日月浮鮫室雲霞結蜃樓滄浪如可詠吾道復何求北原邱壠在松柏久成園廢道牛羊上空山鳥雀飛積來黃土恨贏得白頭歸知爾沾霜露淒然淚滿衣無田爲士苦相勸學躬耕仲夏荔枝熟深秋禾黍成茅茨高樹出蟋蟀下牀鳴未必終貧賤文章似長卿

贈徐勝力太史

屈子離騷裔曾從橋李回把君詩數卷吟向越王臺水

閣層波疊山高衆壑開今時推作者不愧史臣才

王堂常閉戶丹陛早鳴珂身在承明直恩沾太液

波文章梁選體樂府漢饒歌一奏平瀛賦相如奈爾何

贈傅自遠明府

昔作清溪令官閒興俗便峽雲埋虎跡江水上龍編綠樹千村稻黃茅兩岸烟太平諸父老耕鑿至今傳

未老休官去誰知澹漠情理琴當月皎種竹候風清才

子惟貪色神仙不好名平生無內外心跡玉冰明

六瑩堂二集卷之五

古

詩雪軒校刊本

幾年畱主第上客禮雍容細識黃封合長聞紫禁鐘行

廚分雁肉公譙割馳峰亦有相如賦妨人說九重

良友艱難日周旋見汝眞肝腸深婉轉筋力備酸辛倦

鳥翻高翮窮魚起腐鱗一時同事者俱作受恩人

美人雙窈窕孳尾託爲妃吉日蘭湯浴良宵皓月圓鈿

蟬花上冒香燕鏡中飛曾有容成術能教綠髓肥

送徐序仔歸嘉禾

與我相期久君行我尙畱疾風吹昨夜明月度前秋天氣初含凍江湖直派流自今歸計得吾道復何求

爲客真無補還家慰倚閭二年湖上雁幾紙嶺南書山  
驛紅相樹江城白小魚高堂有慈母猶得進盤蔬

送宋衛林歸茗中兼寄其尊人眉巷

飲酒共官舍夜燈猶有輝城頭笳隱隱雲外鳥飛飛高  
峽開前浦重關截翠微自憐方遠役不忍送君歸  
近得茗中札纏綿字數行故人殊念我高臥在閒堂薄  
酒傾椰樹深花灌佛桑無由奉顏色徒自咏滄浪

輓成容若

侍衛身名重 朝端禮數優鵷冠隨豹尾雞舌傍龍樓

六堂堂二集卷之五

五

詩書軒校刊本

氣足雄三輔人言似列侯還聞奏詞賦官欲上瀛洲

宴會猶前日韶華已早朝忍畱丞相府不見侍臣貂風

雅道淪喪乾坤半寂寥戟門丹旆影一片冷蕭蕭

少小矜才思同時歎絕倫五雲瞻日月三策對天人綵

筆香垂露芳花鳥弄春于今那得見天上作星辰

几榻交新網圖書掩舊紗尙巢紅幕燕誰護錦堂花親

淚深霑血 皇恩特祭茶北城當日暮淒切更聞笳

仗節梭龍日關前柳正黃坐馳千里馬行逐六羸王沙

磧圍墮帳山川盡虎囊功成人不逮名字振邊疆

校龍關外

名地

軒冕曾無意逢人說馬曹太行知勢險北斗按心高筆

墨畱縑素雲霄想羽毛精靈如不散一爲降旌旄

不死靈娥藥無人與一杆竟騎蝴蝶去誰作馬蹄看繡

服蒙金骨銀燈照玉棺素車千萬乘殯日擁雕鞍

尙有貧交在緣君昔共親青綾薇省客白屋鏡湖人檢

集緡千遍登山哭萬巡不堪腸斷處墳上白楊新

佛說楞伽好年來自署名幾曾忘夙世早已悟他生金

粟流沙界毘耶出化城應從圓月裏一碧萬峰明

佛地

六堂堂一集卷之五

五

詩書軒校刊本

嶺外遺書札論交閱有年極知予薜荔相勸入幽燕氣

誼無千古胸懷實大賢豈期觀物化高塚象祈連

飲水畱詩卷行邊指畫圖一時雲雨散幾處交朋孤淚

作天河落心將塞草枯平生無此哭不是爲窮途

生死元無著枯榮却此分樓臺看落日車蓋歎浮雲鳥

影當前過鐘聲昨夜聞芙蓉朝萎謝零露更紛紛

送黃忍菴予假還吳

嶺海未相見比來登玉堂詩篇慕耆舊蘭蕙合芬芳冬

日正多雪北風吹太行何因冒寒色車鐸振鏘鏘

京洛鳴珂久湖山引疏歸暮雲連竅動獨鳥背人飛石  
壁盤青謁泉聲疊翠微草堂無恙在一一影松衣  
一官何足戀我亦想岩阿病假殊難乞浮名奈若何夜  
帷燈影瘦朝戶馬蹄多指點吳山去因君發浩歌

寄延兒二首 并序

予自辛酉冬底入北迨明年壬戌二月始至都下留  
連潭柘偃息豐臺幾忘莊舄之吟漫作龍邱之引已  
而燕山秋老滿地鷹風魯國霜紅四圍聚樹狐裘不  
取公子無衣砧杵空聞閨人望遠言從代馬將駕吳

六瑩堂二集卷之五

詩雪軒校刊本

船汎月清淮采蓴笠澤矣維時身留吳下心越嶺南  
庾嶠雲陰翻湖雪滿騎蝴蝶而不得聽鷓鴣以何從  
念延兒學殖未成當求性命之微言熟文選之精理  
口占二詩寄之以當中壘傳經新息誠子庶令賓家  
兄弟盡見聯珠徐氏珊瑚共成筆架云爾

自我離鄉國飄零已二年見人兒女大憶汝弟兄賢舟  
楫書難寄關山馬不前每於時節曾雙眼望高天  
閉門無不可有道在相資獨自依慈母誰從作老師薄  
田荒粒米空杼竄機絲要識詩書富長貧莫漫辭

壬戌除夕余開府幕中同魏禹平吳紀瞻分韻  
一夕芙蓉幕羣公得乍逢方言分粵俗客思滿吳淞細  
雨青燈亂深杯臘酒濃不眠聽刻漏聲已度春鐘  
離家雖萬里守歲亦欣然冰雪當人映詩篇接席聯轅  
門森畫戟上屋列紅錢又是明朝日和風卜稔年

癸亥元日

元日看新歷天涯紀歲時東吳環鐵甕南極轉銅儀宿  
雨猶含潤芳花漸著枝不才過幕府作客喜偏私  
客路原無定浮雲意若何近瞻吳岳影遠挹洞庭波初

六瑩堂二集卷之五

詩雪軒校刊本

日臨窓淺東風入袖多姑蘇城內外隱隱聽笙歌

自耕園雅集同諸公賦

林園今日會風雅喜相親散帶興方遠高歌情更真花  
香深送酒蟬噪密畱人歸去城南晚毋嫌蕩漿頻

宿端公禪房同徐欒菴茅巨瀾

招提投一宿專爲故人來古殿鐘初罷老僧門盡開問  
禪看柏子索句畫爐灰靜極悲羣動蟲聲鬧似雷

贈茅巨瀾

久矣匡廬隱還家爲老親種茶供菽水市馬走風塵

肉經多變艱難拌此身先臣忠孝志嗟爾後來人

蔣京少招同方紘長葆羽戚緩耳陳鏡菴葉南屏

黃戴山陳弓治陳次山雅集寓齋分得門字

到來京國館翻似在柴門深巷看雲入高齋聽鳥喧美人如可贈芳草欲無言拌醉酬知己冰壺作酒尊

登第後作

迂拙致微尚名山久自扁世人矜目睫吾道托青冥霜

雪松張蓋雲霄鶴露形不嫌身晚達猶可報 明廷

邊雪

六瑩堂二集卷之五

五

詩雪軒校刊本

凍雲無日夜積雪亘回中獵騎行圍黑穹廬割炙紅牛

羊冰窖滿天地玉門空主將勞征士琵琶操北風

邊月

白玉盤中坐清宵一成樓駱馳千帳影簾櫳隔年秋霜

落征人淚衣封少婦愁幕南無雁到那卜大刀頭

邊烽

甘泉猶未報先過受降城一點墩臺見全軍幕井明招

搖天四動胡馬夜頻驚莫遣秦關去難爲戍婦情

邊塵

極目黃雲蔽飛塵復奈何一時封紫塞前路失金河弓

影隨來少笳聲捲入多惟餘酒泉郡得見漢明馳

邊笛

截竹作橫笛聲聲貫入天星黃沙磧外月白戍人前大半爲秦弄都忘出塞年春風不可度梅落總堪憐

邊馬

邊馬龍媒種風鬃虎脊文一身穿九塞萬里共三軍白日鳴飛鏑黃塵出戰裂陰山追逐去應見箇浮雲

又

六瑩堂二集卷之五

三

詩雪軒校刊本

芻豆樞間同驍騰衆一空騏驎仍地下星宿自房中仰

秣時聽角驕嘶日向風北征諸將士知爾共成功

邊鴈

邊庭當九月聽雁授寒衣書札傳胡少雲山隔漢微黃

榆風正急白草雪初肥何用分南北衡陽任汝歸

邊柳

暮春方踰地婀娜遍飛絲蕃漢人攀折邊關古別離暗

能遮毳幕青欲奪燕支何故牽情思金城日落時

邊草

出關人跡少草色認龍堆忍死融沙雪含生候蟄雷行  
愁光祿塞望失李陵臺誰識來天馬銜將首舊回

九日不見菊有作

今年秋氣早黃菊反開遲物候何常定天心總未知微  
霜雙鬢髮落葉一茅茨竟日南園坐低徊誦楚詞

歸舟

九月江尚漲歸舟生逆風斷雲埋抱峽微雨積連空水  
氣添新冷霜林減舊紅誰能當日暮爲客數飛鴻  
飽飯無行處高眠夜聽潮石流魚唼唼鎖欄簾蕭蕭抱

六堂堂集卷之五

詩爲軒校刊本

楊餘燈焰推篷忽斗杓水籤兼戍鼓傳送不知遙

錢塘江上七夕

雙星江上見況乃在江樓新月纔開扇明河已報秋聰  
明嬌女小飄泊旅人愁何處陳花果風簾倚玉鉤

江口發舟示鳳娘

暫捲紅珠帳來張白布帆江魚飛纂纂舟燕語喃喃爽  
賴提衣袂明霞射鏡函芙蓉秋月滿應得住溪庵

富陽縣

百里錢唐路清江入富陽人家環水曲山勢壓城牆客

思天同遠秋來柳漸黃望中風物滿楓葉更含霜

桐廬縣

樹色重重隱桐廬入望勞遠山帆影曲爭石水聲高沙  
嶼排漁篴田溝轉桔槔一羣鷗鷺立瀟灑刷霜毛

釣臺

故人天下定夫子尙魚舸十九名泉下烟波散彩濤看  
來王業大不似客星高遠想垂綸日無心獲巨鼈

蘭溪

江闊疑山斷迴城復作屏波紋縈素練天半失空青倚

六堂堂集卷之五

詩爲軒校刊本

棹聞香草標旗見酒亭夜來燈火發倒影亂明星

十八灘上作

百丈牽山頂長江不肯流風雷爭白日灘水逆孤舟沙  
漲惟妨岸天低不似秋歸心托飛雁先到羅浮

端江感懷

牂牁江上水東下幾時回秋入魚龍寂風高雁驚哀可  
憐過幕府一笑上崧臺擬作鄒枚賦無人解愛才

采菊真無意探梅舊有期嘉魚行進饌蕉石坐題詩節  
鉞猶前日官軍又一時謝公翻逸興攜客共彈棋

錦石山容改蒼梧樹影稀人疑銅坎冷公似玉門歸  
燿流青瑣虹蜺薄紫微 聖恩天地大終覺謗書非

南徼邊陲地威靈仰重臣殿廷徒尙口勦伐又何人  
白雪元難汚芳花不耐新低徊當日事江上總傷神

知己千秋事爲心詎有涯白龍曾困服黃雀未銜花  
古驛前山樹西風昨夜笳不堪行道處回首夕陽斜

對菊

秋色縱經旬留霜不受塵靜中惟有汝幽絕更無人  
采折何多事因依一任貧傾心奉芳潔相訪謝園鄰

六堂堂二集卷之五

重 詩雪軒校刊本

老去無他事秋來只此心重陽那易過湖嶼直于今  
離俗真能傲爲香况獨深細觀天地意消息到寒林

鈴菊

采菊當秋菜爲餐已淡旬香仍清露滿英落碧甌新  
置我離騷國堪誰屈宋人空齋一湖嶼忘却鱸湖尊

小雨

絲絲入窓漏爐火不成然楚菊霑中夜吳蠶置一絲  
乍聞吟亦好長對坐難堅記得前朝日閒階列綺錢

小雨衝寒到帷燈減半然注泉添藻井和雪疊湖縣凍

草翻成軟霜瓜結未堅對來那免酒貧有一囊錢

高江村學士以詩寄懷次韻奉答

平生知己在所恨隔江南谷顯開朝日林昏閉夕嵐  
鏡湖君占一茅屋我成三惆悵寒山外年年對石楠

瓶木樨

絲几磁瓶畔供花勝出園亂簪金綴粟平注水增痕  
老眼先秋望微香幾夕繁坐移行復起吟遶一燈昏

夕林

萬山收夕照林薄更紛紛落葉不知處亂烟同一雲  
牛

六堂堂二集卷之五

重 詩雪軒校刊本

羊歸路失鐘磬隔樵聞稍待西峰月清光徹夜分

鴨鼓

小牒載輕鳧擊鼓溢湖竹弓驚射少銅斗迸聲孤烟  
靜迎浮水風微送唼蒲綠頭紅嘴貴知不免輪租

一聲呼鴨鼓幾曲種魚湖統分雲散隆隆上日孤船  
猶吼雪浪天已入菰蒲漫擬供官稅田家自有租

鷺鷥

秋風滿汀渚瀟灑白離離照水潮初退求魚影自疑  
一牽沙上雪千縷頂中絲飛向前灘去蘆花兩不知

虎落

萬山深谷裏慘慘夕陽黃  
虎落懸三面人烟聚一方  
木爲鏡鏤柄竹是女兒箱  
何似開奩箔蠶時屋滿桑  
烏柏門前路沙田豆葉黃  
短籬人永夜皦日戶東方  
雞桀常依樹牛衣不入箱  
挽弓思射虎還擬劓山桑

刈稻

今年秋稼好錢鋪日紛紛  
禾黍西風外農談過客聞  
龍鱗開繡陌鳥影度黃雲  
不覺千村暗楓林又夕曛

蜜房

六瑩堂二集卷之五

五

詩雪軒校刊本

割得山中蜜來歸屋下檐  
居然衙晚放兼似戶朝添  
花好充紅釀糖成任黑甜  
半春供野興忘却病懨懨

黃葉

秋風吹不盡秋思總無端  
古道前山暗斜陽薄影寒  
淮南多木落剡北更桑乾  
剝有金盤露難將入夜看

紅葉

誰知黃色萎復得見鮮新  
絳雪輕霑地燕支不上塵  
拾來當蜀紙書去寄情人  
一落桃花水應疑二月春

鶴柴

魚梁

鶴柴疎林外秋風窳地高  
雪霜惟引吭塵滓不沾毛  
木落分孤寺鐘寒到敝袍  
亦知安穩在難免夢魂勞  
寥廓非無所空秋意自高  
竹根畱淨地松色照深毛  
愛爾能藏影無人亦倚袍  
翻憐山澤雉飲啄亦徒勞

淺水魚梁暗高沙鶴夢醒  
月弦斜未上雲影直先停  
王鮪從河岫船舷隔杳冥  
一溪楓葉下誰倚石林青  
寒江高作斷魚目射來醒  
撥刺誰能得飛流不肯停  
竹竿空嫋嫋蒲葦自冥冥  
棧石當星飯漁烟幾縷青

六瑩堂二集卷之五

五

詩雪軒校刊本

失我魚梁路宵分尙獨醒  
蛟龍長不寐舟楫幾時停  
孤嶼盤沙淺長天入浸冥  
更看山月上流影到江青  
靜極來羣鸞漁人入夜醒  
筵筵魚尾動瀨瀨石流停  
星落沙汀碣霜深懼竊冥  
斷山遮一半失却釣臺青

雞湖

雞鳴知子夜一一報潮流  
客夢無非水江聲總是秋  
暗令鳬雁亂平失荻蒲抽  
又逐前溪去殘星落石頭

蠻帆

片幅分蒲葉遮來一尺潮  
斷沙行瑟瑟纖月影蕭蕭  
蠻

出寧無舍魚生亦有苗物微天地大滄海任逍遙

牛宮

日落村巷暝村居連野烟肥牛深屋裏兩角明燈前細  
草夜堪食一犁閒傍眠農夫相謝意辛苦爲人田

蠶箔

堪子醉鳴鳩春風二月柔蠕蠕上蠶箔一一見蠶頭少  
餵聲聞紙將繰手露鉤初眠知易熟不待穀新收

羊角燈

的的含寒水團團綴綺寮一輪冰自合重暈雪同消明

六堂堂二集卷之五

詩雪軒校本

月爲珠子驪龍燭夜潮試看風動處清影上扶搖

城角

孤角吹寒夜邊聲入草堂人疑在關塞天欲變南方遠  
戍無非淚疎燈亦有霜豈知城上下明月遶迴牆

蟋蟀

露滴迸霜流知時豈爲愁過牆林薄影憐月草堂秋細  
語誰相答長吟我欲畱金籠思置汝一一聽牀頭

盆魚

玉盆開細藻新水湛空秋一一紅魚見堂堂白日遊物

情安處所杯勺亦滄洲綺閣誰高望珊瑚自挂鉤

三寸南屏鮒鱖盆一水容紅雲開演漾金色散芙蓉聚  
沫圓文動行花豔影重若教仙艾咳應便化爲龍

藥臼

著屐尋蒼耳裁書乞茯苓衰年惟有藥一臼置空庭相  
對幾忘病聞香已入冥避人窺合鍊松戶幾重扃

玉杵春千遍珊瑚炒一迴紫房丹氣滿元牝妙門開耳  
目無新故神明任往來因知資藥物人世有蓬萊

終日看靈兔還疑后羿宮浮雲誰不變明月古來同巨

六堂堂二集卷之五

詩雪軒校本

勝元稱子烏頭卽是翁自今請藥草一一服神農

松濤

蒼蒼屈鐵枝山院盡開扉竟日聞龍嘯長天駭鳥飛霜  
吟寒葉亂鐘泊島雲微獨立孤峰頂清風滿袷衣

古松千萬樹一一對山齋冰折青銅幹雷崩白雪崖經  
年惟聽此他事肯相乖何必乘潮去紅藤倚夕佳

青苔

在處總無塵爲芳不入羣寂寥誰似我幽絕最憐君濁  
世畱閒地青天失片雲一齋門巷裏連綴幾曾分



聽蟬

山木晚疎陰涼蟬抱葉吟一聲高士耳幾疊九秋心落  
日憐長夜西風在隔林淒清更誰忍孤絕激商音

新月

分明天上鏡一半不曾磨世界那無缺清光亦已多玉  
弓盤顧免寶扇畫長蛾直待良宵迴菱花出絳河

端江夜月

雨後江水白風來楓樹林若無明月照誰識是秋深影  
峽高帆立啼霜獨鳥吟不眠聽永夜歸思轉沈沈

六瑩堂二集卷之五

无

詩雪軒校刊本

塔擁千峰出江連兩岸平入船憐好月聞角隔秋城極  
目天無際浮空氣盡清不知山報曉孤寺一鐘鳴  
分明江半月高挂一天青島嶼潮初上鴻濛鎖未扇對  
山無近眼畫水有真形何處漁歌起沿洄不暫停

月出當山缺羣星夾影來舟人中夜起秋色四天闊滅  
燭驚聞雁凌風欲上臺峽江青不斷搖櫓一時回

憶原兒病

最憶佳兒病宵深夢到牀拜星祈斗母乞藥向醫王桂  
實何妨蠹松高不畏霜似予多白髮一著養生方

端江舟次

濛濛長日雨漠漠一江天路溼黃泥坂村荒白晝烟釣  
筒沙口岸簷笠極頭船容易成昏黑魚龍戲滿川  
斷虹猶挂雨乾雀欲占晴舟楫隨風轉波濤貼岸平農  
夫終歲苦禾稼一秋成豐熟關人事天心豈盡傾

月夜自松臺放舟歸廣州

帆隨山路轉似入碧湘中月色高難蔽江流曲更通浸  
衣因露重照水得霜紅寥落明河漢蕭蕭報曉風  
良夜難爲客平生畏別離坐愁江月滿行數峽星移風

六瑩堂二集卷之五

三

詩雪軒校刊本

勢方平旋沙文或露奇遙林千萬樹紅豆獨相思  
峽斜初吐月不遠逗星心誰忍聞猿斷翻爲送客吟計  
來三信宿似隔一秋音歸夢前宵作陽林更夕林  
崧臺指歸鳥倒映夕陽明月載一船去風迎雙峽生驛  
樓無近遠江柁莫淒清又是石門路連潮入郡城

初秋同諸公過訪遠公法性寺

賦詩尋寂寘清曉叩山門出定僧方覺聞香客不言孤  
花抱幽豔細草變寒根落葉巢鳥下鐘鳴夕未昏  
與諸子訂遊羅浮二首

羅浮峰四百一半象蓬萊高作南溟鎮潛通句曲來帶  
星壇影立迎日洞門開擬共乘龍杖雲間踏幾回

高僧前日信道士隔秋書下界深愁我名山實起予鐵  
橋聽暗虎金殿看銅魚紫葛青藤路何妨駕一車

羅浮採藥夜宿冲虛觀

不死軒轅宅神農舊日蘿成仙難再見行藥喜相過石  
髓逢人少松黃闢地多夜來壇頂宿笙鶴更如何

放船

近水秋先到乘風好放船魚梁爭客路鳥影背人煙天

六瑩堂二集卷之五

詩雪軒校刊本

插雲峰峻波迴石瀨圓夜潮連月上楓葉落當前

對酒

醒醉非關酒沈冥只在天無聊空復爾相對總茫然落  
日指歸鳥疎風來曳蟬牀頭舊時劍慎勿拂樽前

夜泊黃沙口

天墮黃沙口江浮白玉盤四山高不動一水靜生寒身  
世吾何有乾坤汝自寬莫將良夜永孤負釣魚竿

訊王蒲衣病

安好瑯琊未經旬繞思勞知能成酒頌定不廢詩騷倭

髻鴉頭機么絃鳳尾槽得無堪愈病七發廣陵濤

題黃葵之攝之兄弟池館

兄弟得人稱柴門凍似冰簾牀移檉柳區豆付魚菱讀  
禮三年淚觀心五夜燈經旬常寡出剝啄記吾曾

懷吳山帶

念爾懷其寶金茆四十年佳辭龍伯國行續馬蹄篇朔  
雪人初值吳皐月正圓臘梅難共賞吟望益淒然

湖嶼夜坐遲吳山帶不至同諸子賦限韻

夜眠湖無影庭深地有霜天瓢行酒樂弓檠束詩強老

六瑩堂二集卷之五

詩雪軒校刊本

衲雙磨鏡高人半賣漿北征君獨賦燈下理儒裝

寄周大樽乳峯山館

秋燒不知紅居山倦鳥同寺鐘寒到館林葉病吟風百  
里人非遠前書報未終夜來沈小月持燭數歸鴻

習靜非因懶栖心不爲禪俗情求一瞬吾道任千年石

壑空山瀑亭臯落葉烟看君秋臥穩高曲操無絃

掃榻沾花雪開筒簇茗旗抒情惟草木生計又茅茨日

月分雙眼雲山疊九疑吾曹方寸地終不與人知

夜宿心公蘭湖

夜色當秋老幽期特赴公地流蘭葉露人坐藕花風孤  
閣棋聲細寒湖雁影空白檀灰一炷禪定與誰同

秋蔬

蔬是吾家物平生樂與俱夜來霜化水晨起露凝珠豆  
莢隨時摘菰童不用扶瓦盆供一飽深竹有庖廚

秋社

村村喧里鼓賽社在今朝匝岸吹楓葉平田動黍苗一  
時秋割肉預想臘迎貓拜舞煩巫覡神絃維短簫

掘黃精

名山自閤藏藥物土中肪綠髓含黃玉靈根結太陽幾  
經霜雪盛不散石林香掘向羅浮頂長鑱七尺強

倚杖

畫圖全一杖曾不外柴門鳥下青蕪夕人歸黃葉村靜  
惟山影歇動是水聲喧益得吾生懶寥寥見本源

苦吟

所思天上下終日總無端冰雪飛魂魄雲山劃肺肝幾  
驚衝雁咽一聽落鐘寒入夜清燈瘦空牀倚獨看

宿敏公靈洲精舍

屢有林公約乘舟載鶴來隔鐘溪水定遲月鳥雲開霜  
白青苔地松黃綠雪杯一宵那忍睡燈下幾徘徊

石門歸舟

斷壁空江下斜陽獨客舟白雲遲鳥度黃葉近人流出  
浦連魚汕迴峯卽成樓暮潮聞水激初見月如鉤

冬日西園晚望

風景西疇別園林畫井疆人烟滄海盡鳥影白雲長日  
落江帆隱天寒野菜黃最堪留賓處紅藕一家莊

寄歸化大令陳鳳軒

鸞鳳施綵翮遊戲金芙蓉復待長天嘯和鳴清禁鐘援  
琴坐官閣高面峨眉峯予欲尋孤夢雲山匝幾重

歸雲

青山心一片誰與共因依夕照烟初暝孤雲影獨歸薄  
天妨鳥亂渡水愛人稀莫問蓬萊殿曾將五色飛

招鶴

招手再三四秋空共一羣巢從松頂見聲似雪中聞燭  
燭流明月英英散白雲待騎天上下相訪大茅君

赤日

赤日生鴉火紅雲冒祝融輕紈初畫扇纖葛乍含風酒  
進羅浮釀詩教樂府工請彈千古調一拂嶧陽桐

東流夜雨

睥睨兼天斷虹蜺跨水先雨添江漲大帆市岸沙圓驛  
路仍三楚華燈又一年反思前夜月懷友對龍眠謂桐城方

一氣聞沾灑風聲失後先蛟龍疑欲鬪波浪幾曾圓拔  
劍青燈夜還山白髮年仙湖春酒熟終抱甕頭眠

春江

六堂堂二集卷之五

詩雪軒校刊本

春水帶冰綠望空雙眼醒分明身羽翼忘却路沈冥九  
派連彭蠡三巴出洞庭乘流在天上端不費揚舲

次潯陽

馬當風信好倏忽到潯陽得與匡廬近都忘洪水長悠  
然念前哲一去問柴桑不覺虎溪月月光來夜航

石鐘山夜泊

落帆當返照蒼翠失諸峯疎雨挂不斷墨雲垂幾重玲  
瓏開石穴瀕洞來湖鐘驚起漁舟訝波間吟夜龍

湖口風阻

大風吹地轉高浪向人翻容易乾坤失真愁日月吞關  
前封客路崖側攀雲根湖泊仍今夕孤燈結燼繁

長江入湖

舉眼湖光濶春歸宇宙青石鐘蟠水府匡岳傲山庭地  
勢分吳楚天河倒日星不須占斗柄身已近南溟

雪後過湖夜泊大孤山下

雪霽千峯曉湖流四面澄已無魚拜浪猶見鳥銜冰樓  
塢漁人屋松門佛殿燈夜來山上磬吹落一層層

夜次珠璣港作

六堂堂二集卷之五

詩雪軒校刊本

輕帆飄細雨窈窕入湖來隔水漁燈映連村野店開雪  
晴廬岳頂花暗鬱孤臺今夜還家夢雲山遠幾回

彭蠡對雪

泄泄因風到溶溶向客搖匡廬行作障已蜀幾曾消疊  
岸成冰凝凝湖入鏡湖數家茅屋巷一半沒牆腰

湖雪一春融寒深夜氣濃天沈漠漠裏人坐寂寥中映  
水見空色畱燈結小紅寫來詩句好莫使酒瓢空

夜坐代泛亭對月用海瓊子韻

分明官廨月只當在湖看坐逼疑舟淺亭森耐竹寒半

篙瓜蔓水一縷釣絲離鄉夢連宵到難將語所歡

新苗

新苗齊水而碧草沒裙腰好雨乘江漲爲農卜歲饒近  
能分綠野平欲照紅潮聽取蟬聲唱如珠墜滿條

長生井

分明天地闊來作一堂坳澗畜神湖水花垂若木梢鬱  
儀回紫炁太極在元包何必華陽洞騎龍訪大茅

窈窕雲穿洞玲瓏乳滴巖山都爲客使啞虎是門監丹  
氣長空塞峯形屋角銜夜來壇影入星月滿楓杉

六瑩堂二集卷之五

詩雪軒校刊本

秋夜

飲酒不知醉繞牀翻獨吟客心山院寂秋色薊門深朔  
氣通秋角邊風入夜砧可堪聽雁過斜月照寒林

野興

石竇斜欹樹金塘滿植荷綠陰承日少香遠受風多藉  
地苔縈繡窺人鏡有波納涼高詠好濯足更如何

六瑩堂二集卷之五

六瑩堂二集卷之六

國朝南海梁佩蘭芝五著

五言律二

白雲泉

玉泉雲一片山色入幽光耳目行來炯心脾立欲涼氣  
凝天上乳寒絕石崖霜何處尋僧寺銅瓶自汲將

山逕尋泉到峯峯步影分石堂留古雪天籟出層雲寂  
愿忘來往高寒靜見聞無人知此處冲閑日氤氳

霜氣向朝寂雲光臨夜空誰能窺澹漠天欲蘊鴻濛動

六瑩堂二集卷之六

詩雪軒校刊本

極亦貯月靜中微有風華清時滴滴幽磬發孤衷

灌園

邱壑真吾志閒來且灌園得知天地大兼識雪霜恩萬  
物自深靜羣情同一喧挈瓶機智少試向井中翻

早起看新甲前宵落晚霜帶生猶淺綠經熟始深黃作  
食人添飽充廚甑滿香老妻相對喜益益有輝光

養生須菜把引灌豈辭勞芳潔分泉脈肥濃藉土膏已  
過春盎盎又覺夏陶陶頗耐妨天旱時常任桔槔

不辭稱老圃次第學耕農土淺隨沾屐籬疎不礙筍縮

頭看菌蠹左耳割乖龍屋角添新事寒瓜滿雪封  
無營隨野馬有夢託凡輿補得爲農疏箋成種樹書人  
誰師禦寇天許作長沮還似桐江叟垂綸不在魚  
未能忘素業焉敢棄黃壘方罫同棋局龍鱗列榮畦折  
麻修短綆候雨入深泥莫道無公事勿忙日又西  
清秋好風日生計在寒湖菊後生霜菜藤疎見月梧注  
筒勞阿段謝客遺長鬚未免申僮約詎諸愧士夫  
屋背觀珠海牆頭對越臺市魚難即買山雀或頻來蒟  
醬連朝長薑花昨夜開足知天雨露不忍棄蒿萊

六瑩堂二集卷之六

詩雪軒校刊本

種竹

纖纖新稚笋長大卽駢頭生意從今日成陰待隔秋沒  
泥竿自出經雨節應抽相對移珍簾閒庭盡日留

種菜

江北黃芽菜湖南白蕩茭種時方甲拆收日盡霜苞身  
賤忘甘旨家貧仰素庖笑將周易筮肥遜得初爻

種樹

冬氣先春暖從人乞樹栽只求泥土厚不避雪霜摧物  
理元通命天心解愛材青青三五尺看取十圍來

中庭初種樹樹小未成了雪後才培土雷聲待發芽綠  
遲垂戶竹紅傍護寒花且喜來新鳥啁啾到日斜

扶胥候日

星槎那易汎海色暗魚鱗縹緲扶桑樹沈冥弱水人微  
陽生子氣初日餞賓賓會見羅浮頂光華旦在身

柳波汎舟

舴艋任風停沿洞一水汀鏡荷行翡翠絲荇立蜻蜓祭  
社人敲鼓持竿客釣星樂遊攜小榼前向酒帘青

西臺訊梅

六瑩堂二集卷之六

詩雪軒校刊本

山木已脫盡巖中猶古柯候春方氣斂迎臘向人何歷  
彌東西崦歌崖上下坡一枝先自見消息較誰多

珠江候月

晚來江水動知是暗潮流落照沈山影微風撼石頭無  
人空野寺新月忽孤舟十里汀沙路蒹葭一片秋

聽周冷泉彈琴

天風吹鳳唳之子彈鳴琴肅肅威儀坐冥冥齋戒巾  
袍春雪滿爪甲碧湘深何事充吾耳湖鐘又到林

高曲託孤絃明燈亦悄然吉祥虛室裏造化小春前初

月光涵地寒冰凍入天一宵忘語默那許世人傳

天淨星辰正湖光藻荇澄行魚三尺木浮玉七條水元

氣當前澄神明入內凝觀心學禪定還得證師僧時破言上

人在

### 寄懷信豐方鶴洲明府

才人多外吏偉抱奇專城性敏無難事心清見物情涉

江桃浪暖種嶺穀雲平九十九峯頂高吟鶴和鳴信豐有桃

江穀山并香山九十九峯之勝

半生營祿養千里奉親歡白髮迎花笑細編擁日看天

### 六瑩堂十一集卷之六

四

詩雪軒校刊本

長思倚杖風便爲彈冠振矩扶輪手寧因重一官時迎尊公

依巖在署

### 寄題吳承雲白園

遙想白園內此時經雪封疎籬橫積水虛窗臥孤峯金

橘香無數寒梅白幾重物情猶墜戶知爾冥深冬

寒吟知不斷所恨隔秋城霜鶴舉烟迴山鐘石閣清物

齊那有事心放久無營良月爲君故空齋兩度明

### 寄靈洲休公

病起任朝昏山居不閉門撥爐存宿燄聽木落寒根谿

澗牛羊路秋風野燒原有誰來問訊居士已無言

### 代泛亭坐月仍用前韻

皎月孤城外凭高此共看斷吟誰最苦初夏已無寒星

影頻穿樹湖聲不借灘他時如記憶剪燭也追歡

### 湖嶼八月十五夜月

令節明明月高天處處秋幾重霜樹滿一氣草堂流行

地如臨水移湖却在樓玉杯傳永夜不敢暗藏鉤

九月十六夜舟泊端江月色如畫峽燒電流星影

漁燈交銜上下予以好景難值客中卽得其一

### 六瑩堂二集卷之六

五

詩雪軒校刊本

己足爲詩何況並見因將星月燈燒合成頌聯

適元孝在鄰舟舉以相質元孝謂并不可無記

遂成四十字紀之令元孝屬和

水色空明外孤舟夜獨凭月親高峽燒星夾遠江燈出

穴魚含霧驚林鳥在藤不知紅樹岸霜白一層層

### 聞砧

秋入砧聲苦家家地滿霜高樓中夜聽一杵九迴腸用

力深刀尺馳情結襦裙朔風吹向北應得到遼陽

### 聞梵

入夜聞仙梵花宮在隔林燈明非有影幡動不因心既  
使諸天近又令山月深誰知寒嶽猿猿定自成吟

喜陳王屋再舉子柬之以詩

黃門公喬生先生哲嗣也

愛爾重華裔先人補闕臣篋傳遺諫草門護碧松筠白  
玉眞無賴明珠再見珍欲從湯餅會一聽笑啼新

煎茶

瑟瑟鳴寒竹商風入脆絃金芽初日揀茅屋午時煎有  
客分松火無人聽瀑泉玉甌擎雪處香靜一旗懸

送徐鐸愚歸港洲

六瑩堂二集卷之六

六  
詩書軒校刊本

如何相見後亟亟放歸舟高咏連朝聽寒燈昨夜留江  
雲隨鳥沒塔影向人浮十里沙村路山鐘木葉秋

訪隱者

愛君茅屋好山影落中庭物態辭雞犬生涯賣茯苓雙  
瞳朝射日短髮夜梳星欲與談時代黃農亦不聽

丁丑三月十八日舉一子閏三月十八日復舉一

子老友黃積菴過予湯餅之會以詩見貽次韻

答之

老來頻舉子深愧守庚申自比同鳥鳥誰期對白麟浦

裙雙少妾占月一佳辰共向春風笑惟君皓髮人

三月春連閏嘉時午及申錦園新繡祿玉刻小麒麟嵩  
嶽同皇覽星精夾帝辰長著書真不負今見五傳人

送林桐叔歸石嶽

石嶽青冥上高空不可收載天盤日月交氣接羅浮萬  
壑爭飛瀑羣峯入綴旒送君歸舊隱予亦卽來遊

東人乞藥

幽獨無他事神農一卷經繙來三昴火乾到五秋螢天  
地歸靈府仙人學煉形豈能忘服食君爲乞參苓

六瑩堂二集卷之六

七  
詩書軒校刊本

吳山帶北歸書云足病不能入郡詩以促之

燈花開昨夜侵曉得君書湖嶼初聞雁金芽又結廬吳  
山登北固淮甸入南徐高詠忘來往應多在驅驢

再促吳山帶

歸來一覺眠秋月兩回圓離別還如此鬚眉憶隔年船  
船移浦火葉葉下泉烟徒使頻搔首清光影在天

送黃攝之從僧開法安南

海風吹卽去舟楫力能任天地流元氣波濤住此心日  
華淮有水春色已無林未得循隈隩人烟知幾深



不遠是安南爲程數日三只憑風信直誰避海波鹹番

俗人騎象洋船驚作帆君遊春正好白袷一單衫

白麝爲居士黃龍早悟禪落花那汚地飛鏡却空天蒼

苟隨僧飯琉璃向佛然不從功德水爭泛法王船

遠遊何所得所得在從師巾烏隨方丈香花結島夷閑

簾燈下影開篋卷中詩亦是聲聞裏人天立幾時

薔薇爲玉露留客待擎茶國土人心厚夷王禮數加奇

南供佛殿鮫緞織人家想見同聽法諸天落寶花

好爲交趾記自署粵遊人天地無門戶文章有鬼神皇

六堂堂二集卷之六

八

詩雪軒校刊本

輿添外紀南極盡朱垠會入華嚴海微茫共一塵

送姚東膠之潮陽兼訪惠州王紫詮太守

花重江梅雨絲輕水荇風鵝城千嶂下鱸渚一溪中春

燕官齋數華燈客路濃所思潮有信寒食與君同

吳山帶客郊寺雨中見寄次韻答之

十日飛絲雨郊城隔往還訝人騎馬滑看鶴立湖閒春

磬沈孤寺樓烟劃遠山誦君詩句好幽鳥和關關

十九秋詩

秋瀑

千峯萬峯瀑一氣洗秋空下界半生雨上天長有風並

雲垂窈窕爲雪破鴻濛飛入陰崖裏波濤滿壩中

山瀑層層落深秋氣盡交地應沈雁蕩天欲圻鴻苞大

壑風迴響高松月照巢有誰臨絕頂自結一人茅

秋原

天圍衰草外一色散寒原蒼莽不知處霜烟空有痕獵

人回隴阪燒影隔山村禾黍高低路西風向夕翻

秋屋

半畝城南屋柴門近枕湖帶霜紅柏樹啼月白頭烏痛

六堂堂二集卷之六

九

詩雪軒校刊本

飲心先死寒吟骨並孤往來從客少來者是吾徒

秋樓

美人汎瑤瑟清曉上高樓空際鳥翻影遠山雲送秋衣

裳朝一面河漢抱西流日斷情無奈風簾倚玉鉤

秋塘

豈有荻蒲綠寒塘八月秋經時因雨長遲日待霜流寫

月爲人照連湖合鏡浮驚來飛似雪幾點落輕鷗

秋鏡

不信清霜鏡能開舊日客西風散楊柳寒露滴芙蓉孤

夢侵難曉閒情對欲慵誰能背秋水同聽白雲鐘

秋琴

張琴思太古抱膝向高天穆穆來羣聖泠泠語一絃月  
華寒有水雲氣白無烟記得棲神骨羅浮住隔年

秋燈

青燈抱孤影耿耿向牀頭衡漢四天寂草堂今夜秋真  
能開病眼莫更照深深愁頗怪風驚樹寒霜滿地流

秋衫

不因秋更老奇服奈吾何倚竹沾霜露留香立菱荷風

六瑩堂二集卷之六

十一  
詩雪軒校刊本

塵迎客少鐘磬禮僧多拾得新紅葉溪頭學製蓑

秋簾

近得蠻藤簾虛窗獨自開玉人留枕去冰氣上牀來落  
葉飄何早微霜拂數迴與誰憐月好攜去臥池臺

秋漁

空江天上下漁影竟江天一片眼空濶半竿神寂然魚  
龍寒在底河漢蕭蕭前未拂珊瑚樹蘆中且暫眠

秋烟

只在碧空裏高秋無此清絲絲水雲結白白蘆花明遠

燒斷不見疎燈深又生瀟湘開六幅一幅畫難成

秋寺

古寺飛崖頂盤空踏幾重路危藤樹絡門仄石堂封洗  
鉢僧臨瀑侵雲鳥墮松不知巖谷響猿嘯一聲鐘

秋社

江郊喧響社墟里遍秋烟曉日高原外西風落葉前雞  
豚分祭肉簫鼓合神絃更約酬田祖冬來慶有年

秋帘

愛入青帘去新槽壓酒紅四傍誰伴影一客自衰翁落

六瑩堂二集卷之六

十二  
詩雪軒校刊本

葉疎林下清霜白露中但令沈醉死不必哭秋風

秋獵

秋色散荒林天低曠野陰燒痕沙磧斷霜氣草根深迸  
落驚蒼雁高彎愛綠沈少年遊獵好衰老獨何心

千點草頭飛穿雲入望微錦泥呈寶鉸紅絲貼弓衣鷹  
隼風霜健能羅富宅肥銅盤爭割炙落日總忘歸

猶目新調馬狼牙舊試弓殺應窮地下飛欲盡天中霜  
氣三時變雪羅四面通不知風落木猶自射虛空

秋戌

辛苦炎方成三年尚未回角聲中夜起秋色滿城來北  
雁飛南海邊風入漢臺萬行新種柳零落似龍堆

秋蝶

翁翁遍香蕪穿來色又無一團霜褪粉幾點露沾鬚仙  
女留精帶滕王入畫圖花時那足恨芳氣在秋孤

秋菜

采得園中菜朝來手滿霜茵肥團雪脆萼滑引絲長待  
切金橙細同添玉粳香艱難營一飽滋味與誰嘗

後十九秋詩

六堂堂二集卷之六

三

詩雪軒校刊本

秋瀑

高空直下垂日月與交馳絕地奔千丈長天散六時雨  
盈含日母風薄失雷師總在秋聲裏人間却未知  
不向青冥上誰知造化初倒成江海勢橫抱雁龍居萬  
象流元氣羣峰蕩太虛坐來寒徹骨脣髮更何如

秋原

落日高原上風鴉聚一羣東南餘載臥西北遍浮雲古  
道連堆阜荒岡隔亂墳望空烟島外紅樹雨頭分  
百里陂陀勢蒼茫入望遙寒雲陰莽莽衰草晚蕭蕭地

滿成空闊天低盡寂寥縱觀人射獵何處不飛鵬

秋屋

割茅兼伐竹架屋作山齋飛瀑分叢壑崩雪壓斷崖苔  
吟仍有事高臥即無懷掃地留蒼蘚藤花又滿堦

秋樓

縹緲飛樓上虛牕四面開納涼歸枕簟每夢上蓬萊天  
擁風雲入人親日月來石梁橫在眼平去即層臺

秋塘

露白拒霜紅迴塘望欲空翳蟬林木葉射鴨竹枝弓水

六堂堂二集卷之六

三

詩雪軒校刊本

積難浮岸萍疏易闌風夕陽人影落蒹葭屋板橋東

秋鏡

盤龍爲寶鏡開匣日相親脈脈融冰雪明明瀉水銀但  
能呈半面何必露全身君看無鹽女粧成悅世人  
顧盼得嬌嬈蛾眉不在描明霞升皎日新水漲寒潮有  
象垂光形無形化寂寥設勞飛鵲影臨暮復臨朝

秋琴

遊絲遶衫袖拊此風中琴靜女佇遙月高軒澄夕陰忘  
形有餘照寂感成空音誰與師蝴蝶同將物化尋

秋燈

入夜誰堪對平生汝獨親且留秋日色長照歲寒人心  
吐方知豔花開不似貧星星看短髮霜折幾莖新

秋衫

莫感無衣賦清秋又一新暫承仙掌露且免帝京塵辟  
荔藏山鬼鮫綃出海人對來頻拭淚多爲不逢春

秋簾

夜眠寒不覺恍忽在瀟湘只道山衣薄誰知薤簾凉水  
流千縷細波浸一身長清夢無人見蟬聲咽草堂

六瑩堂二集卷之六

西

詩雪軒校刊本

秋漁

江水白千里渺然秋氣清月明隨浪動風滿覺舟輕直  
釣吾何得神魚汝莫驚蒹葭三四片鷗鷺往來行

秋烟

花落黃陵後多時隔渚雲蒼梧愁帝子斑竹弔湘君山  
色堆難劃波光撇易分幾番頻目斷無語立斜曛

秋寺

野岸江邊寺風涼夜氣澄魚龍通夕梵蟋蟀鬧禪燈問  
法誰曾到求心我未能月明隨一衲乞食見歸僧

秋社

秋祀與春同靈旗降社公句龍行報土乙鳥去乘風飲  
福人方滿臨壇日正中先農誰配享社稷在同功

秋帘

胡姬年尙少秋日自當壚婉孌提珠袖聰明送玉壺半  
帘風動竹幾樹柳藏烏紅豆江南曲能歌一曲無

秋獵

廣匪行園地雍離此刈蓬金鈴鷹送響玉鐙馬騰空射  
日天無影穿林草有風聖朝崇講武秋獮正相同

六瑩堂二集卷之六

五

詩雪軒校刊本

秋戍

不盡征人淚秋來戍婦情遙憐青海月空照白登城畫  
角吹寒夜鵬旗折大營封侯那易得主將未休兵

秋蝶

寂寞南園後疎籬豆葉黃薄蕤還細藥留影即寒香世  
已悲團扇人猶儼鳳凰華星夾雙翼五色自文章

秋菜

匕箸皆霜露皇天實降恩冷常沾薤葉甜爲嚼蘆根土  
甑封曾價匏瓜繫莫論從來安素業澹泊在中存

湖嶼梅

素簪晴初啓鴻濛  
未均若無淳樸處  
愁絕寂寥入雪  
入炎州氣陽回凍  
臘仁任教天地老  
湖上一家春  
玲瓏三五樹高下  
影鱗鱗白日無湖  
汴孤情戀野人柴  
門行復掃巾烏古  
時新世界嚴寒裏  
吾寧對汝真

瓶梅

一枝初注水冰已  
結銅瓶春氣臨書  
卷予心正戶庭分  
明雙眼白依舊故  
山青留得孤情在  
鴻濛不用局

春夜雨中卽事

六瑩堂二集卷之六

七

詩雪軒校刊本

入春才幾日一雨  
竟沈湖暗色連昏  
曉寒聲散有無疎  
燈斜易見病骨潤  
應蘇且喜閑相對  
微醺賴酒壺  
雨重燈光薄堂虛  
夜色嚴注泉歸淺  
井沾壁透疎簾堵  
面平如洗牆腰半  
欲淹明朝新草長  
看取綠纖纖

人日

方朔占新歲今辰  
又到人慶雲流五  
色彤日見重輪南  
郭余齊物東風汝  
嫁春往來花上下  
蝴蝶莫頻頻

人日東甥曾秩長

相對皆春氣良辰  
此度來日當南甸  
暖花向北堂開姓

字傳人口乾坤見  
汝才不愁龍尚熱  
鼓蕩有風雷

寄岑霍山

一春花事爛書札  
不曾通噉噉雲中  
雁遙遙河上公纏  
綿依子舍哀怨有  
王風今夜重城月  
江鄉兩處同

寄何太占

南湖三十畝君在  
鏡中居菱葉烟浮  
水梅花月照蘆人  
閒湘簾冷風遠玉  
簫疎何地無佳興  
高吟出夜魚

獨坐

閒身無物役深夜  
小堂中坐久方知  
靜心孤已近空懷

六瑩堂二集卷之六

七

詩雪軒校刊本

人雙眼迴射壁一  
燈紅多少羣生夢  
無因聽曉風

詠高麗石燈

北客裏紅氍毹人  
勝壁錢琉璃同切  
玉燈火不飛烟鴨  
綠江波淺龍宮石  
影圓夜深懸丈室  
人定此安禪

佳石自殊方華燈  
共一光分明邊日  
月流出寒水霜玉  
水浮銀盤紅雲聚  
紫房暗中誰不見  
清影獨堂堂

石璞爭圓璧燈枝  
迫彩輪光明通內  
景雕琢謝邊人役  
役心知定晶晶眼  
欲新卽看紅白色  
夜氣亦生春

琢石可爲燈高麗  
自昔稱火珠偏在  
水藻鏡不生菱暖

得南溟日寒分古塞永照心無內外昏曉也相乘

摩挲紅瑪瑙瑩徹碧琉璃射眼空星角爲頭掩月氏要

令天下見不與世人疑風雪邊關夜清光總在茲

春日同車佳王徐鐸愚余兼五諸子雨中過集黃

積菴南軒分賦

山齋亦不如君在郡中居禮佛長鳴磬栖心只讀書青

簾交樹暗紅雨落花餘有約來觴詠毋令後會虛

十放詩

放雲

六瑩堂二集卷之六 上 詩雪軒校刊本

英英滿懷袖舉手忽長空寥絕人烟外高盤鳥道中魚

鱗還映水市蓋莫飄風轉憶年來懶連朝得暫同

放鶴

蓬萊開左股弱水長颺車石室那留駕仙人昨寄書背

雲金沆瀣飛月玉清虛大笑琴高子空騎錦鯉魚

放鷹

搏擊隨時合因人出臂鞬突林平野失灑血四天愁蒼

白雲無色森嚴氣溢秋看他先一嘯炯炯射金眸

放鴨

啾啾亂成行開籠喜欲狂物情仍子母天性在林塘菱

放牛

新雨足高原耕田且未煩山泉隨鼻飲沙路沒蹄痕食

草無空地爲羣似一村牧童徒拍手斜立自黃昏

放驢

短策高吟日人言似畫圖風塵吾欲老筋力汝誰扶地

入幽州暗山圍楚岸孤何妨聊一憩蕭散秣平蕪

放猿

六瑩堂二集卷之六 下 詩雪軒校刊本

送爾還山去蕭蕭任掛林巫峯一十二巴水正相深絕

棧青崖合垂藤白晝陰莫將行客路腸斷盡情吟

放魚

何用知魚樂江春欲孕魚烟波歸浩蕩窮空照虛笑

岸桃花短梳風楊柳初不疑垂釣者魴鱖寄來書

放蝶

空將團扇掩爭似逐芳菲香氣籠新粉花光上畫衣最

憐三月好迭作一團飛肯忘羅浮洞仙人待爾歸

放螢

老眼夜抄書窗前不用渠縱教光慙亂終覺撲無餘並  
葉飛難定侵星影易虛離根與牆壁霜重更何如

姚非漁秦欽文過訪值雨

高樹下寒聲閉堂暑氣清雨隨佳客至風入紙窗鳴愧  
乏登盤饌良深進酒情坐看湖浪捲門外一時平

夏日劉仰山招同陳元孝吳晉濤諸子汎舟半塘  
遲沈耘石不至用八庚韻

江間無六月雨過卽涼生圻岸扶雙槳迴塘抱隔城渚  
荷垂處暗沙鷺立邊明竟日忘沈飲君廚有步兵

六瑩堂二集卷之六

三

詩書軒校刊本

柳港交花亞虹橋跨水橫鱗鱗看浪疊蟻蟻聽風鳴棋  
局方彈罷魚箋忽賦成佳人猶別浦無計酒船迎

杪夏楊勉菴招同毛匏村楊止菴明府陳元孝雅

集詞林風旛堂次匏村韻

古寺尋幽慣今年又一年聲聲通竹裏旛影落鷗邊照  
水衣添雪迎風扇却烟幾何過白社得其醉紅筵

風雅矜同調江山付逸才早從乘屐至一聽擁琴來列  
榻還分坐燒燈屢舉杯城南歸路暗軒騎兩邊開

奉答張損持楊勉菴集遠公法性寺登舊樓見

寄

寺樓西崦外人跡久如水一逕鶴初引半空雲共登天  
絲風勢亂簾影日波承不省高僧約同心有好朋  
游潯行神馬微茫付海鷗江山遙可數耳目一相求有  
象天猶小無聞氣轉幽也知臨百尺端不藉三休

次韻答友人

養病多添懶裁詩久廢工人遙長夏日書到一帆風么  
鳳銜花紫金鯨捲浪紅把君新句和湖月滿牆東

初秋偕諸子過遠公心公舊菴精舍分韻

六瑩堂二集卷之六

三

詩書軒校刊本

稻畦連菜圃滿地絡秋瓜到寺聞齋磬臨湖摘藕花客  
閒移枕簟仰熟脫袈裟日午留中食冰泉沁齒牙

佳事那能再閒情此暫空老夫忘髮白秋色照人紅窗

澗風三面樓高日一弓角聲催騎動恨不住山中

秋夜看烟火

紅烟湖嶼上霍霍不曾停鑒影天垂月飛空地有星秋  
情生永夜春色入重扇欲挹仙人掌閒階已露冷

秋夜雨中懷靈洲周大樽敏言上人琵琶洲徐鐸

愚却寄

秋色雨冥冥懷人夜氣凝一聲山院磬兩地草堂燈  
影教誰偶栖心不自興寄書期命駕遲爾采湖菱

喜周大樽來集小齋

月明還入晦始得見夫君遠札貽旬日空山但白雲  
雁飛霜葉進鐘遞島松聞轉憶依僧舍秋燈共夜分

喜徐鐸愚至

別離何太久終日盼庭柯咽露秋蟬晚吟霜病葉多  
石牀眠自好湖屋待人何絡緯衰燈下期君一放歌

喜陳獻孟至

六堂堂二集卷之六

三

詩書軒校刊本

遠水秋帆至湖中日夕佳白雲留野館朱橘墮空階  
高論君能發浮名我欲埋一燈持永夜燭燭照人懷

十五夜值雨同諸子分韻

木落風歸樹室深雨薄檐明珠真有淚寶鏡謝無鹽  
對酒難勝酌籠燈亦下簾誰能三五夜閒坐悶厭厭  
聽雨儘堪憐良宵不肯眠水烟行作地笺畢欲爲天  
素魄高難溼明河暗自圓豈無元兔影雲散卽當前

十六夜雨

不分富圓景嫦娥滿淚痕仍將團扇掩誰使玉盤翻  
天

半魚龍泣秋陰草木繁何時倚芳桂流影到前軒

十七夜月

好月秋難得中天首重搔直升銀漢上橫影玉繩高  
積雪連湖樹依人上布袍不無圓缺思吟望幾宵勞

過李馮山湖居新齋翫月

愛爾來湖隱清秋月下談地涼成水殿人影落水潭  
結社無新故通家况二三共聯詩句好佳事在城南

新齋招卽到向晚不勞緘月淺才開扇湖深直似巖  
受風張綺席防露滴秋衫漾漾空明境苔花入鏡函

六堂堂二集卷之六

三

詩書軒校刊本

題家止山笏齋

一笏高人宅容身仰屋梁半明天逗日長白地留霜  
筆架承衣桁泉聲到石牀猶然佳客滿開甕酒苾苾  
天地吾廬在何妨一放歌僂行原斗室瞠目卽星河  
鳥影穿窗少鐘聲隔寺多有人來問訊居士本維摩

新雁

邊頭千萬里一夕到南中月照水烟白霜清林葉紅  
遠能通漢札高亦避胡弓目斷征人婦長天影在空  
高樓驚過雁秋日信佳期霜露方初下關河又一時  
影



寒因遠道聲苦是相思閨閣開書淚邊庭恐未知

自我不相見于今已一年幾羣斜度嶺長夜黯連天野水臨無限疎燈聽可憐莫將吟出塞留取破秋烟

有贈

使君予舊好百里特相過值雨流金溼逢秋薦玉禾水聲穿廡遍山色捲簾多不待傳封鮐清風滿縣歌

鷹

野草變蒼蒿蒼鷹下赤絲郊原何靜兀天地盡寒號風疾迎排擊雲愁墮血毛豈堪斜日下孤嘯石崖高

六瑩堂二集卷之六

五

詩雪軒校刊本

春晴四首

大地陽和裏春回景自佳陰晴分氣候俯仰入人懷正好尋花去誰能向酒埋園林爭送喜黃鳥亦啾啾

社鼓繁繁響聽來覺一新市無賒酒帖門有慶燈人笑語黃鸝巷軒車紫陌塵更看呈百戲何事不如真

入春晴已久靈雨亦須時地井泉流少園花夢吐遲閉簾團日影開閣繞天絲海國占耕稼農祥未可知

靜者自無事勞人車馬喧雖然居郡宅一似掩柴門逐物爲人役棲神見道存近來因誓墓更欲卜山村

東楊子慶

海甸春光滿懷君在客居草封雙屐蠟花枕一牀書高詠常裝卷名山特贈予幾宵明月好相訪待何如

贈黃漢人新婚

山橘經霜熟官梅夾路逢青袍同白馬黃雁卽乘龍吉日詠連朔良宵慶在冬香奩新有詠知定向釵茸

年少爲才子拏雲是汝心祕書繙宋本高曲操唐琴刻漏傳銀箭神鸞吐玉音待看春氣入紅蕊綻芳林

將遊羅浮過龍沙精舍留宿有賦

六瑩堂二集卷之六

五

詩雪軒校刊本

知公住江寺相訪到江邊幽石引孤徑妙香聞定禪夜寒依佛火鐘暝出山烟高語羅浮頂繩牀不肯眠

羅浮五龍潭

剛得龍葱竹行來不用扶龍潭穿洞曲鳥道立人孤冰雪風難斷芙蓉影欲無請看銀作殿何處不仙都

宿羅浮葉叟山莊

且醉一杯酒爲君今夕歡菊花方滿把冬月幾曾寒白髮還相過名山取次看羣仙如遇我抗手碧雲端

贈隱者

舉世無援溺看君意獨深力行仁者事殊有道人心  
線爭長日移花出舊林神農書後師授到于今

昔爾羅浮去高登四百峯身常騎暗虎手自割乖龍海  
日通瑤室山雲起鐵筇靈蹤如不隔仙夢繞芙蓉

聖代容真隱君家有白田稻芒春石臼菰米煮湖船  
許誰人拂詩多隔歲編養來新綵鳳花下舞翩翩

予將北征過訪天公方丈賦此志別

過與老僧別洞門方丈幽話深孤磬冷坐久夕陽留少  
秣黃驄馬新裝白罽裘更勞詩送我佳句以湯休

六瑩堂二集卷之六

詩雪軒校刊本

晚泊海幢

向夕隨潮至山門海氣重波光浮睥睨星影定魚龍靜  
極風過梵寒深雪度鐘不知天報曉帆立在前峯

舟夜

海色夜照曜渡江人漸稀月明當峽靜風滿趁帆飛宿  
雁沾霜薄寒魚上釣肥暫停漁浦口村火隔林微

乘月出峽

高峽月倒出江心仍峽心照流孤櫂顯移影隔峯陰白  
失霜浮水紅添燒入林遠空風不斷處處有猿吟

飛來寺

入寺禮金磬逢僧問玉環猿鳴竟長峽鳥影度前山斷  
壑飛泉下歸雲落照間立來苔蘚壁衣染幾重斑

軒轅二帝子祠

福地仙人宅軒轅舊日祠萬重龍蛻甲千瀑羣飛絲山  
色鴻濛鎖江光遠近移與誰留太古巖壑自題詩

山中宿峽口夜泊

戍樓傳驛火隱隱在山腰月落疑江曉雲飛似峽搖無  
人成獨坐有夢託今宵記得來時路風帆趁晚潮

六瑩堂二集卷之六

詩雪軒校刊本

舟過王峽寄同年冀明府

灘激千竿下橫空玉一條閭闔通鳥道睥睨跨虹橋風  
勢吹何疾江波束未消分明知地主翻似舊時遙

晚泊匡廬山下懷金輪峯開先瀑布

晚望夕陽落倒射青芙蓉幾點湖上雪半空雲外鐘昔  
尋即舍宅高上金輪峯得與高僧共黃巖飛白龍

小孤山

小孤神女廟屹立海門高碧色芙蓉佩蒼流日夜濤百  
靈朝棟宇一石奠鯨鼉彷彿乘雲氣虛無現采旄

揚子江夜行

不可無茲快長空縱一舟風同明月滿天入大江流縹緲來吳岳微茫隔楚邱波濤中夜動元氣幾曾收

早發馬當

豈意鱗魚口朝行卽馬當奇哉橫楚塞險絕過瞿塘飛渡防傾覆排空立混茫乾坤那易徹日出正東方

自雄縣至白溝河阻雨投宿漫題

柳色遮雄縣波聲出白溝斷雲斜傍馬微雨暗沾裘一飯過中食長途入夜投舉頭看北斗身已在皇州

六堂堂二集卷之六

詩雪軒校刊本

題陳健夫西峯草堂

野馬塵埃外城西得地偏峯形書閣迴塔影草堂圓倚醉吟春竹求涼聽夜蟬桃笙置吳下隨意抱雲眠

初夏同陳健夫涂幼清集博問亭將軍白燕栖分

賦

大雅知名久相過忍遽分退朝多暇日拖閣半閒雲金雞明書簾琉璃織簾紋繁華眇何託幽事絕人羣

宮槐接苑牆蟬噪夏初長翠幄遊絲靜晶盤薦食涼拾來皆蕙草傾吐卽珠囊 試題練素波清墨滿牀

王賓與少參與予客居道院晨夕過從將歸嶺南

取道潞河賦此致贈兼以爲別

世情那足道君有古人心自我一相見高齋同至今繁華任時節懷抱存邱林經夏少出戶石壇孤逕深過從晨夕慣爾我幾曾嫌棋局排心陣瓶花障棗簾院鐘清到枕齋鳥靜窺檐蔬食爲官膳青葵與白鹽不信乾坤小雲霄氣自高萬形原寂寞雙眼盡纖毫匣已藏孤劍人猶識敝袍潞河秋水至歸去夢魂勞

十三夜月

六堂堂二集卷之六

詩雪軒校刊本

皎月已如此高看忍遽眠露垂仙掌外秋向帝城偏漸覺清光滿翻思後夜圓嫦娥隔河漢隱隱立當前

十四夜月

古觀聽鐘閉空階看月升鑒來千縷髮光隔一痕冰天濶連珠斗河明挂玉繩欲遲明夜滿牕牖幾回凭

十五夜月

佳節仍爲客長空月一輪望中元兔影天外白頭人浩蕩浮寒水纖微見玉塵九重丹禁地滴滴露華新豁落天河所千山影盡稀對來雙眼醒寒入一心微列

宿涵光滿栖鳥絕夜飛城南有戌婦明鏡盼人歸

集金仰亭蕉軒

淨域分高館清秋納早涼半林蕉葉大一角蓼花香地  
接紅蘭室牕移白石牀欣逢良友會風雅幾曾亡

秋夜宿博問亭東臯草堂分得秋字

不知帝城近但覺山氣秋萬籟蕭孤虛高天涵一樓微  
微見林薄灑灑聞溪流稍待溪邊月沙光起白鷗  
燈影靜相對冷然庭館幽僧鐘隔水度天露向人流宿  
鶴警孤夢高歌聲送秋兼葭風數動半夜有行舟

六堂堂二集卷之六

三

詩雪軒校刊本

訪洪秋巖何洛亭書室留題

不斷河堤柳高齋在隔林幽花眾香滿秋色遠峯陰合  
坐依簾幕微言送古今夕陽城一帶歸路遶蟬吟

南歸道出潞河金絲五出送流連信宿於其還自

都門賦此誌別

薊門桑葉落吾亦潞河歸瑟瑟寒沙漲遙遙北雁飛酒  
遲深話滿燈吐一心微不分侵星曉教人兩地違  
河流聲不斷都爲送行情霜暗前村樹舟停一日程浦  
漁圍遠火秋角隔重城念爾還京誰人爭識長卿

癸未九月朔同沈大方舟自潞河買舟南還分賦

四十里沙路一車行李輕喜遵鷗鷺渚同別鳳凰城遠  
水澹俱寂高秋空自清今宵滿船月應得向人明

九月雷

不道雷聲破高秋變積陰歸帆驚客路列缺見天心日  
月中流失蛟龍一夜吟最憐關氣候人事共升沈  
已近重陽節猶聞百里雷風雲人不測天地爾何哀野  
燒枯霜盡寒汀旅雁回艱難真滿目誰是濟時才

霜樹

六堂堂二集卷之六

三

詩雪軒校刊本

如何滿林樹祇覺一株紅野草燒兼盡山桑枯半空天  
留眞性命氣得古鴻濛休道清和重還堪護朔風  
秋深亦不窮獨立影童童凍極含元氣高仍拂太空明  
霞當谷口斜月卧湖東待得陽和日扶桑重挂已  
朝氣籠如霧蕭蕭獨倚風寒雲無處所斷絮與誰同山  
屋孤烟瘦溪橋一角紅照來烏帽側人影馬頭東  
單枝自作叢疎葉會高風雪色淨山綠藤絲搖地紅渾  
疑洞庭橘好是吳江楓相對不相似秋心澄夜空

西沽

晚來風四面片席落西沾近海全漁戶前村半酒壚河  
明天不隔人靜月巡孤多少微霜照歸飛滿夜烏

獨流夜泊同沈方舟

野燒孤村外長檣夕照中水將天入定人與月同空落  
葉分飛雁寒聲聚暗蟲坐來忘夜永霜色上衣紅  
繫纜依村舍吟詩向水濱關河一歸棹天地兩閒人漁  
火侵星亂汀花捲雪勻數行沙際柳煙景似江津

不寐

短燭燒三寸長船儼半間坐深同白日心遠及青山病

六堂堂二集卷之六

詩集軒校刊本

鶴高秋唳寒魚獨夜鯨都將杜陵夢付與早潮還

丁字沽

漠漠烟蕪晚蒼蒼野色孤氣黃知海近沙白見霜鋪村  
柵圍鷺鴨漁莊傍荻蘆還聞榜人語此地出東沽

舟夜

靜吟寒不覺衣帶任蕭蕭散髮星千點連空燒一條烏  
巢驚葉落村影上河搖深夜聞魚擲前溪第幾橋

次德州作

半年留薊北一月入山東水漲寒無色雲愁暗有風夕

陽鵝影瘦曠野草根空入夜聞孤角高樓驛火紅

病中偶成

呼吸元關隔舒和玉炁平苦吟堪一死佳句卽長生天  
與聰明極人當老大成驚心坐中夜所得是無名

寒夜

孟冬寒尙淺入夜已難勝沙鶴紛拳足河魚半負冰斷  
崖驚裂石破屋射深燈靜極聞鐘到空山一箇僧

寂寞當元夜孤舟客獨乘黑沈前浦火寒結滿篷冰遠  
近聞風勢空濛見雪稜故鄉冬較暖歸夢向南陵

六堂堂二集卷之六

詩集軒校刊本

寒月

風定始見月夜深寒漸稀喜看當斗柄忘却倒裳衣太  
極本至靜太虛能鑒微殷勤問形影吾與汝同歸

板閘

關河初見閘放溜一聲長水急沈漁簑帆高挂女牆夕  
林鴉背月寒色雁頭霜正有南還信雲中託寄將  
冬寒天途迴客夜清心魂鷄犬靜深巷茅茨如遠村都  
忘傍河曲相與聚坡根驛火傳更後風聲動水喧

東昌道中

逆流風斷續雄郡岸迂迴水激淮波去樓邀綠色來望  
遙韓信壩行近魯連臺落落墟烟晚槽烏集不開

舟中夜雨

纜舟風數動人夜幾曾消燈暈生紅雨沙痕沒暗潮迷  
離分燒影沈重壓寒條不覺星光起高天掣阜鵬

分水龍王廟

九河來馬頰一水出龍湫客路隨南下神功斷北流波  
濤天地轉日月古今浮再拜瞻宮殿蕭森萬木秋

泊濟州

木瑩堂二集卷之六

詩

詩書軒校刊本

日落長堤迴霜流列堞沈吠船多岸犬宿樹半沙禽東  
關河聲滿傳光驛火深待遲明月滿還聽櫓歌音

蠟梅

生意先春見深寒對石房枝橫高落木花發半斜陽細  
浥金盤露微含絳雪香肯教兒女髻留影學鵲黃

讀錢唐朱夫人柔則桐花鳳草漫題

東陌尋芳遠南樓對酒濃禽言聽屢變花徑掃仍封夫  
壻原詞客君姑亦女宗新詩相倡和一一比芙蓉

春曙鳥驚眠春粧花欲然小釵宜挂燕輕蟻欲棲蟬畫

許姬人學詩從弟子傳西鄰雖有美豈敢並姬娟

蕪城早發

舟人爭早起挂席受風斜岸消殘雪長江山細沙水  
聲驚客夢星影落魚叉便欲推篷望雲山一半遮

樵舍夜泊

逆流行百里所得是長風遠水孤帆外前山落照中薄  
寒愁過雨長默聽歸鴻月黑無人見漁燈徹夜紅

送潘厯余入都門赴選

幽居少人事曉起送君行宿霧紅山驛寒雲白海城候

六瑩堂二集卷之六

詩

詩書軒校刊本

潮占五兩發權捲雙旌製就黃鵠曲低徊無限情  
國士知名久山中任苦辛蒞蘿常挂戶風雪忽征塵西  
掖聞清珮東堂揖大臣一官初帶印看爾讀書人

東周冷泉病兼寄靈洲敏上人

白蓮開社後五度見秋螢野寺今朝日寒池昨夜星斷  
吟驚木落瘦骨倚山青肯信等僧去雲深斷茯苓

稱詩共郊寺高盼出青冥墜葉蟬收響盤風鷗刷翎故  
人茂陵病新著神農經好與山僧約松門莫漫扃

同彭紫屏遊羅浮賀其五十舉子兼送歸溧陽

明珠今始見伯玉早知非絲鳳來阿閣文昌入少微花  
光沾蠟屐雲氣上征衣願逐羅浮蝶爲輪駕汝歸

送人

綿綿寒食雨脈脈海棠春以我仙湖曲遲君永雪人稱  
詩敦大雅有道托先民歸日聞蠅噪山中夏正新

立春日李水澤徐鐸愚李世臣謝靈湫陳士皆劉

湖南屈甘泉韓橋村劉方城李葆光陳天草鄺

白伍壻李敬宣姪王顧枳山暨心月敏言樗木

松衣上人過集六瑩堂分得佳字

六瑩堂二集卷之六

詩書軒校刊本

春至萬物益客來初日佳關關喚黃鳥鬱鬱寫新懷白

喜同禪悅誰甘拌酒埋詩心對芳草抽絲滿空塔

元夕同諸子集紹風堂卽席賦得芥茶

佳客高僧並華燈徹夜堂四圍蘭雪氣一坐豆花香易

得頭網賜難親廟後嘗芥茶以廟後莊者佳中冷泉最好誰羨酒

鵝黃

欲雨

春來晴亦好占雨爲農祥潤氣生衣桁光風變草堂升  
沈關日月消息托陰陽怪得前宵臥雷聲蟄到牀

輕寒

雖然春到淺風力已難嚴餘雪晴開戶當花半捲簾酒  
邀名士飲香愛美人添以此爲閒日風流亦未嫌

恭頌

萬壽詩有序

歲在昭陽月應姑洗桐葩始拂倉庚乍鳴玉河渠柳

演漾龍鱗綺陌宮槐分明兔目惠風四扇甘雨以時

值我

皇上丹陵表瑞華渚流虹之年泰山玉策探得長生義

六瑩堂二集卷之六

詩書軒校刊本

易紫著撰來大衍統萬一千五百以準後天之河圖

合元會運世數卽爲上元之甲子加以神珠在握金

鏡燭潛八柱天門用建皇極四維地軸以尊帝居鴻

號遠施王猷允塞筵蒲著孝躬侍玉衣鶴禁示慈傳

頒銀印感麒麟之繡紋一幸尼山遡洙泗之塔源重

新魯殿筆提紅管星動奎文箋染白龍香流鳳藻搜

能嚴之祕笈兼訪漆書集虎虎觀之諸儒或來石菌勸

農則神禾滋畝問織則紅蠶上益屢賜金錢頻蠲租

賦燕衣養老嘉石平民颺發北庭威讐丁零之塞化

訖南瀛波平玳瑁之城迺者河辨淮黃新疏馬頰因  
而渠通鄭白直遡龍門地平天成增耀日月表綴山  
川文德武功制作禮樂告祀郊廟煌煌乎誠今古帝  
王繼萬年之鴻緒廓六合之版章享九州之貢賦所  
未有也臣希有遭逢濫膺侍從久居嶺嶠似庾肩吾  
之返會稽茲入承明詎劉中壘之留天祿惟  
聖人萬壽來萬里以觀

龍顏斯嵩岳三聲望三殿而觀虎拜紅雲如蓋早已兆  
羅浮於丹井之泉蘭葉受圖定得見天姥於翠嫺之

六堂堂二集卷之六

詩雪軒校刊本

水臣謹拜手稽首獻詩曰

天上開仙仗鉤陳列羽旂萬年編鳳紀五色耀龍衣佳  
氣霑香滿祥雲遶殿飛小臣欣拜手長此奉春暉

青陽當石个紫極奠中央寶曆添萱萼瑤星應壽昌上  
元今甲子至治卽軒黃秩禮圖王會登歌合太常

聖德先仁孝

慈寧見此心

璇宮承淑訓

蘭殿嗣徽音愛日依堯母薰風撫舜琴還聞教胄子銅

鶴夜香深

崇儒因幸魯尊禮在先師盛事傳千古斯文值此時長  
林瞻檜柏古壁聽金絲直欲磨厓記

宸書十丈碑

周宣傳石鼓義畫肇河圖辨字原三體披文重兩都龍  
章鈐玉璽御墨漬金壺侍從承恩賜洋洋誦

聖謨

北伐雷霆動天兵一指戈射鵬騎善馬飛翮息蒼鵝紫  
雪消金海黃雲覆玉河燕山書奏凱傳檄定南訛

六堂堂二集卷之六

詩雪軒校刊本

屢下蠲租詔頻施解網仁間閭那異俗天地本同春吹  
簫常通夜看花每及辰生當樂堯舜不覺白風淳  
耕織爲圖畫題詩遍幅中儉教吟蟋蟀勤欲講幽風秋  
稼經霜實春蠶上箔紅

聖心深雨露一一願年豐

疏鑿通河洛南巡豈爲遊蒼螭乘翬輦華蓋御龍舟水  
息桃花漲風迴竹箭流百神爭效順功不盡陽侯  
聖朝無棄士搜剔盡羣才巖壑經時閉風雲一旦來衣  
留蘭蕙帶天作鳳凰媒已見朝天闕高居向玉臺



功德侔天地聰明極聖神渾儀開氣運王制備經綸御  
柳垂青鎖宮花映玉宸一時通禹貢萬國仰

堯仁

崑崙爲帝宅星宿是天潢黃氣蓬萊頂丹霞太乙旁馮  
唐臣皓首曼倩歲東方晚進長生水羣真禮玉皇

五言排律

贈陳省齋學使二十韻

造化賴靈跡山川啓哲人二儀肇紫蓋三極曜朱鸞翼  
軫星相接衡巫氣盡新蕙蘭初結佩俎豆已能陳敏捷

不堂堂二集卷之六

早詩軒校刊本

題鸚鵡聰明對白麟早承嘉客禮深譙曲江春吹律回

風暖飛鳧引維馴擢爲蒼水使端職扈鳩民入直銅龍

曉分班

王陞親

帝心專繾綣

天語重絲綸遂有皇華命遙臨瘴海濱奎文垂暎旄

節擁洗沐浴先冰雪精誠諒鬼神洪爐開煅煉藏壑

搜沈淪翳翠無遺羽明珠備採珍斯文真主壘大雅復

推輪叔夜閒依柳西施久負薪雲泥瞻碧漢道德仰人

倫遇賞元牛鐸當鋒卽免覲倘蒙滄海水應縱尺波鱗

壽石瑯公制軍

聖治垂衣日

皇恩下詔年梯航通萬國烽燧息三邊兩粵東西合明  
公節鉞專波濤平鯢海牛女次星躔察吏觀民物提軍  
閱蒐田屬僚青綬綬諸將錦鞍韉士習無佻達農祥盡  
祇胼龍鱗阡陌見鐘鼓頌宮懸桂嶺連荆楚巴江入洱  
滇往時臨下土幾處載高天盛德聞人說豐碑歷久鐫  
彩雲殊未散紅鄂至今傳開府聲名重元功史冊編銅

不堂堂二集卷之六

早詩軒校刊本

陽那足比馬援莫能先日出松臺峻霞生錦石圓萬松

浮玉頂雙峽定山前鵲尾聯爲舸魚鬚曲作旂轅門紛

遡沓鈴閣日喧闐申伯誰堪誦崧高自有篇不才宜弱

管私喜進長箋香露三危水卿雲五色烟江湖原浩汗

金石本貞堅象席分麟脯叢霄擬上仙黑頭尊劍履黃

髮豈徒然

壽魯謙菴方伯

方伯今人傑朝廷倚重臣遭逢頌異數施濟每深仁  
早得文章譽曾推掌故新青綾聯騎省斑管侍楓宸

一自垂花綬羣瞻佩玉麟茸城雖卧閣薛殿會行春  
節過淮甸恩波及泗濱魚鹽通大編輿誦勒貞珉法曜  
端門肅嵩中豫俗淳韞巾罪人所著聞不犯聽訊號如神擁  
傳龍川地攀轅象郡民政和全變雅俗古漸歌陶

帝命綏南土

皇居仰北辰高才承拔擢溫語下絲綸庚申期三日屏  
藩被九真一時蠻板楮幾處屋魚鱗共覺瘡痍起齊沾  
造化均從來思召夷今獲見君陳黃氣回鐘律紅盆湧  
日輪徽垣常坐斗崧岳特生申天仗排金闕仙人禮玉

六瑩堂二集卷之六

聖

詩雪軒校刊本

晨並驟惟孔翠奏樂必韶鈞歌是神鸞嘯觴爲上帝賓  
飛光看刻缺入夢辨吹塵我處軒轅宅公依日月身彌  
羅玉帝所居殿名天界裏誰復計由旬經云八萬四千由旬

御書嶽鎮海瀆祠額命告祭官賚送懸立恭紀

聖治高千古

宸書邁百王聰明優

聖學雲漢採

天章玉斗奎文麗金盞墨汁香龍蛇分體勢鸞鳳並翱  
翔秩祀昭河嶽懷柔遍朔方告虔教祝冊懸額重球璫

東岱天門頂南衡紫蓋旁到時尊俎豆瞻典誦虞唐使  
節星輶滿春旌驛路長仰觀成絡繹瞻拜喜非常轉憶  
蓬萊殿朝天禮

玉皇

六瑩堂二集卷之六

聖

詩雪軒校刊本

六瑩堂二集卷之六

六瑩堂二集卷之七

國朝南海梁佩蘭芝五著

七言律詩

浴日亭和東坡先生韻

入夜滄溟欲漲天，沙痕猶白露前灣。  
風吹不動龍銜燭，潮上分明雪噴山。  
一片鴻濛騰赤氣，百年衰老變朱顏。  
乘槎莫問當年事，眼見星辰落坐間。

越王臺

睥睨天低夕照迴，登臨人認舊時臺。  
話來今古頻回首，

六瑩堂二集卷之七

詩雪軒校刊本

望去江山但舉杯，象郡尙畱邕管地。  
龍川誰識伯王才，

玉熙宮裏傷心處，無數棠梨別院開。

五仙觀

山院秋深白日微，道人壇上紫蕭飛。  
騎羊化石仙何去，碧海神山夢竟違。  
金闕定知朝綵節，玉清長憶著霓衣。  
歲星偶謫人間世，亦欲來攀織女機。

石門

漢家兩度平南越，東下樓船據要津。  
建德自難長有土，嬰齊身後竟無人。  
風鳴江動鼉鼉窟，雨過花開薜荔春。

一代伏波勲業並，珠崖銅柱莫傷神。

靈洲

衣冠白首稱南海，今日來登望氣樓。  
天入石門分兩峽，山迴鬱水截中流。  
神魚大宅吞溟渤，朱鳥高躔翼女牛。  
碧落東南渾一片，不知河漢隔年秋。

花田

渚雲汀日柳條風，入望青遙白又空。  
幾處玉蘂清雪裏，一團烟散積香中。  
冥冥金鴈沈，塚漠漠黃龍失故宮。  
那似美人花十里，至今遊賞衆人同。

六瑩堂二集卷之七

詩雪軒校刊本

鎮海樓

海樓百尺瞻形勝，山勢千盤擎巨靈。  
今日遊陞同北塞，中原天地盡南溟。  
悲風畫角孤城戍，貫月高秋太白星。  
欲瞰大荒無處所，直窮飛鳥入青冥。

石門二首

不待當前恨已深，愁雲先結南崖陰。  
本無甯蜀金牛險，難怪波濤玉壘沈。  
少帝乾坤移白日，孤臣社稷見丹心。  
白鷗亦是空山鳥，猶似哀號直至今。  
諸君不抵黃龍府，宋室興亡早已分。  
天地升沈原有數，

海門風雨豈堪聞  
奸臣失計安南渡  
飛將無緣入北軍

一上高崖重憑弔  
慈元荒殿又斜曛

端州

百尺墜臺兩高峽  
端州形勝正當中  
魚龍海國成行殿  
冰雪幽燕已故宮  
天運不堪沈草昧  
野人偏喜見華蟲  
于今祇有牂牁水  
一氣西流直向東

曹溪

一燈陳後一燈新  
不到南華總未真  
寂寞袈裟惟半幅  
繁華天地已微塵  
溪香盡是葱河水  
山靜都無獵戶人

六瑩堂二集卷之七

詩雪軒校刊本

便過雲門亦如此  
手開金鎖悟前因

臺閣

臺閣天半五丁開  
鳥道迂盤蟻垤迴  
翡翠越裳能北貢  
橐駝邊塞亦南來  
秦人舊是居睢入  
漢使曾經陸賈回  
休說一丸堪自守  
幾番王霸已成灰

蒼梧

九疑縹緲蒼梧際  
誰信重瞳竟不還  
風雨未能迷大麓  
衣冠翻似葬橋山  
黃陵花落增愁思  
北渚波深冷佩環  
想見南薰舊時奏  
二妃靈瑟滿江閒

玉屏峯頂觀梅

七星天半紫芙蓉  
繞人梅花路幾重  
石屋正流前日雪  
玉屏橫立一邊峰  
渾忘視聽心同寂  
誰覺鴻濛氣盡封  
飛鳥不來雲不見  
老僧何事忽相逢

端州道中望峽口積雪

南方雪色由來少  
江上今看積翠屏  
覓路已驚雙峽斷  
插天猶露一峰青  
連連洲渚迷沙雁  
落落乾坤入草亭  
最喜夜來寒不得  
繞舟漁火似繁星

瀝湖舟汎

六瑩堂二集卷之七

詩雪軒校刊本

翡翠飛來竟不知  
瀝湖冬暖散冰漸  
磨崖石室尋僧後  
倚棹漁舟汎酒時  
望去鈴羊迴峽影  
浮來星宿作天池  
湖頭更有清湘水  
誰與騷人唱竹枝

過虔州是程周量舊遊題詩處有感和韻

萬壑風高木葉哀  
四山雲起鬱孤臺  
關分江口東西合  
帆向灘頭日夕來  
纔入成樓聞畫角  
憶歸山驛認紅梅  
故人把筆題詩處  
不得登臨不擬回

虔州和程周量韻

入天雲影萬峰低  
旅鴈歸飛恰恰啼  
宿浦野雲留斷壁

過城山雨洗紅泥關前鳥道通蠻貊亂後人家厭鼓鼙  
記與舊交登眺處望來都被晚烟迷

題畫

亂鴉飛處雪紛紛蹴踏驢蹄認未真蒼莽好同關塞路  
空濛都作畫圖人雲封大壑寒無影樹壓高崖氣已春  
何日探梅花事早瀟陵尋伴動經旬

韓觀察席上次韻贈吳蘭次太守

官舍相逢動隔年寒梅冬日放春烟憶從林屋藏書處  
歸傍羅浮賣酒田取給蠻箋供綵筆待看星影下高天

六瑩堂二集卷之七

五  
詩雪軒校刊本

詩成跋燭吟千遍不數黃金半段錢

贈韓公吉觀察

嶺西綱紀外臺臣年少多才眾所親四郡干城歸憲節  
百年壇坫續騷人戈船影息銅魚寨斥埃花開錦石春  
官閣比來成燕洽青山歸去夢空頻

滕王閣下作

南州幾度經高閣不得登臨亦暫停人嶺寒鴻隨日暖  
出灘秋草遶帆青章江水激千重浪廬嶽峯懸九疊屏  
天遣騷人擅詞賦茫茫今古有誰聽

東余中丞

中丞節鉞威名重外制官僚盡肅聽奏事久聞傳疏草  
埋輪今見在都亭霜清震澤魚龍遠雪暖吳山草木馨  
天上星辰那可仰擬圖南嶽面真形

顧梁汾舍人以製竹爐詩見示次韻二首

妙形纖製總天然楚竹湘波冷坐邊煮石有時同藥臼  
籠雲長日護茶烟親承名士爲佳器生長青山記昔年  
心憶九龍峯頂去夕陽花落試紅泉

見說幽居思渺然簾櫳清影竹爐邊一春茶事添香雪

六瑩堂二集卷之七

六  
詩雪軒校刊本

滿地松風上綠烟長似茂陵忘渴病絕無寒食禁新年  
山中更有高僧約放鶴歸來探夜泉

梁汾製竹爐蓋倣明初聽松菴僧性海所爲也當時王舍人孟端爲圖畫贈僧李文正策竹爐新

咏四字於卷首而邵文莊吳匏菴諸公各賦詩

紀其事梁汾製竹爐後於成容若侍中復得王

李詩畫卷乞歸配積書巖中亦盛事也仍次韻

二首紀之

寶閣收藏尙儼然乞歸紅藥草堂邊細看蜀繭絲絲雪

漫數吳山點點烟淨侶已無廬嶽社詩人猶載永和年  
從今畫卷兼茶譜長把山中聽惠泉

舊時人物想依然卷裏山齋野寺邊孤磬不堪過晚水  
斷雲何意出蒼烟最憐松柏畱冬日豈有桃花識漢年  
今古茫茫共圖畫與誰閒酌一人泉

春日王黃湄給諫招同郭匡山梅耦長周雪客方

田伯讌集次耦長韻

旅思燕雲一片孤閉門誰復過相呼人從諫議高韓注  
客有文章愧左徒宴會即今同輦轂行藏終擬向江湖

六堂堂二集卷之七

七  
詩雪軒校刊本

嶺南天外扶胥海歸去何由賦兩都

燕市書懷

老馬騎嘶實可哀四年兩度上燕臺青山笑我不歸去  
明月親人還肯來薊北一秋惟大水嶺南十月有寒梅  
妻兒信息憑誰寄昨得家書午夜開

上徐健菴夫子

黃河萬里來東海旭日三更上玉峰東盡衆流金激盪  
擘開千仞玉芙蓉

聖人耳目資明辨天下文章待鼓鐘名世昌期真不忝

及門何幸得相從

文昌高向太微臨兄弟荆花第宅森玉佩共趨 丹鳳  
闕瓊林同冠巨鼇簪百年元老忠誠悃四海蒼生仰望  
心虎觀即今尊制作銀魚休過碧山岑

山岳端凝古大臣儒林高望更無倫關閭濂洛皆吾道  
稷契夔龍豈異人身入鴻濛當閒氣手將雷雨布青春  
齊州九點蒼烟遍俱荷陽和翼贊仁

平生曾不爲身謀社稷關心獨未休忽覩河清頻作頌  
每聞牛喘便增愁真宜宰相培元氣豈獨尙書是黑頭

六堂堂二集卷之七

八  
詩雪軒校刊本

博物張華那足比新成金鑑擬千秋

大雅相將變楚騷雄才何用擬枚舉西清作賦題黃絹

南館承

恩賜錦袍銅鶴影圓宮日午金螭風滿殿雲高姓名第  
一懸霄漢五色龍香上 御毫

金鼎行看不日調堂前甘露下丹霄訓儲銀印隆三少  
秉憲霜稜肅百僚得向承明通

帝座况司喉舌坐天杓尋常退食南臺下半值官鴉噪

晚朝

匡時經治在巖廊德業還將遠後行一飯未嘗忘吐握  
大賢誰不在門牆朝回鶴蓋庭陰合客坐蘭臺月色涼  
美酒縱教清夜讌講堂琴瑟尚鏗鏘

太平天子坐燕闌入貢梯航盡百蠻忍使故人雞鹿塞  
尙同寒雀紇千山黃金重載明駝出青草晴看遠戍還  
風義古來能有幾平原絲繡滿人間

芳樹叢蘭繞戶扉趨庭誰不是朱衣紫薇判事仙郎入  
金筑乘輶使者歸已見神風盤日馭卽教雛鶴向天飛  
三吳世澤輕虞魏植得官槐已合圍

六堂堂二集卷之七

九  
詩雪軒校刊本

斯文今見大宗師

聖主求賢值此時任取金椎歸掌握更無銅律吹參差  
天高自覺星辰正地廣偏多草木滋沙柳溪桃千萬樹  
春來一一照龍池

直是憐才一片心江河爭與此心深明珠近日來南海  
翡翠從今宿上林望去蓬萊三島見行聽風雨一龍吟  
美人且莫傷遲暮落葉哀蟬遇賞音

孤桐半死真憐我三十年來未發聲在匣豈無寒瀑澌  
動人惟有草蟲鳴低徊斜漢雲俱斂拂拭空山雪盡清

千尺龍門滿輪月奏來今夕得分明

送嚴蕪漁子假南還次原韻

十年簪筆侍

垂衣久別山中信亦稀豈意身隨三殿上翺然心逐  
二泉飛青松不厭成高節黃鵠從來有舊磯京國貴游  
冠蓋地幾人爭訝宦情非

祖帳當前驛騎催悠悠旌旆出之萊山從泰岱千盤下  
水抱黃河一線回雲外直看孤鳥度日邊還有幾人來  
鄒枚詞賦堪憑弔更上梁王舊吹臺

六堂堂二集卷之七

十  
詩雪軒校刊本

平生心事薄秋旻除却銀河不問津謾道文章歸太史  
生成冰雪見高人觀空始覺雲無影習靜方知性是眞  
眼底燕來蝴蝶去岸桃堤柳劇青春

風光無處不淹留物外何時得暫休精舍自今依馬跡  
蓬池猶憶扈龍舟高天日月難長照盛世麒麟不再  
遊好語昔年共閣友園林新種橘千頭

畱別余大司農陸翼王冰修魏禹平諸同學次司

農送行韻

雕盤綺食炙銀羊縱飲都忘地滿霜官燭坐消宮漏永

尙書情爲野人長江南江北連天路黃葉黃花照客裝  
他日府中賓從過芙蓉溪上有漁郎

未得金華去收羊暫從漁父厯烟霜吳船一葉懸帆小  
蜀紙千篇贈卷長草屨自今畱野興弓衣誰復似重裝  
前途不患雙魚斷信有湖心白石郎

風吹沙草徧牛羊正是燕臺九月霜納手自知憐袖短  
騎驢誰送出關長雲烟過眼猶能記書卷隨身不用裝  
別後故人相憶處匡廬山色對彭郎

嶺表山閒好種羊海田秋老未凝霜黃柑熟日聞香遠

六瑩堂二集卷之七

詩雪軒校刊本

甘蔗甜時覺味長最憶東鄰鵝鴨陣久拋盤劍蜡魚裝  
腐儒天縱還邱壑不得金錢學拜郎

王孝揚將軍招同屈翁山陳元孝方鶴洲幕府雅

集時牡丹盛開分賦得鹽字

將軍武庫本森嚴儒雅風流掌玉鈐自喜著書同杜預  
誰從作賦擬江淹光風綵燕穿紅幕綺席新詞續昔鹽  
況是采蘭天氣候牡丹花發正當簾

送嚴藕漁歸錫山次子假原韻

時嚴客在粵

久客炎州已葛衣閉門終日見人稀芭蕉遶屋蕭疎放

蝙蝠拂簾高下飛自寫法書矜葢扇別裁新研勝撻磯  
相過似我憐同調三耳無勞較是非

江流長夜雨聲催水出新苗沒野萊鷗鷺一羣沙浦去  
鱖魚三尺釣船回山川對酒供吟咏歲月驚心感往來  
昨日粵王城下別豈知重送在崧臺

傷亂無憂賦小旻太平是處有通津南溟持節新關吏  
外國揚帆渡海人歸去定知忘客苦交遊難得見君真  
烟波轉憶吳門棹惆悵梅花已隔春

許爲離支十日畱晶丸初剝幾時休那能楊柳沙邊路

六瑩堂二集卷之七

詩雪軒校刊本

更放芙蓉月下舟朱鳳自應丹穴宿仙人多向赤松遊  
嶺南景物何曾異五月江清漾鴨頭

答吳畱村制軍

兩粵山川天下險八年手定太平來夕烽無復傳邊事  
金鏃徒然備弩臺諸將一時驚妙畧  
聖人當殿嘆奇才成功却訝歸來晚綠野青尊對客開  
近來無事日揚舲聞說佳山必暫停霜橘遠並前浦暗  
雪松高立萬峰青聽鐘每宿靈洲寺觀海時登浴日亭  
大笑世人無此樂獨吟詩句倚空冥



答贈

乞歸曾一拜 楓宸十載湖頭學采蓴嶺外有誰知漫  
叟淮南今日見高人閒吟剪燭長忘夜久病當花亦負  
春自笑不如鴻鵠羽茫茫天地老漁津

高大立從嘉禾來訪予六瑩堂以詩見貽次韻奉

答

閉戶從過野馬塵一春長病負佳辰自憐丈室同居士  
何意高帆揖故人踈地楊絲垂綠暗遠江稻色覆黃新  
林間竊羨丹山鳳五色翩翩被綵珍

六瑩堂二集卷之七

詩雪軒校刊本

寄陳獻孟

只在珊瑚洲裏住已離南海萬層波連朝細雨真無奈  
獨夜疎燈又若何美酒正當新甕釀好風相待一帆過  
緋桃堦下紅將遍漸覺禽聲入戶多

贈石瑯公制府

尚書名位冠樞曹家世通侯國史褒鐵券山河推帶礪  
玉門天地著勳勞霜凝素籥嚴朱榮風掣蒼鷹下赤絳  
晴日更擎仙掌露蓬萊宮闕五雲高

送沈度汪太史歸茗上

高懷落落見君真風雅相過日更親近向戴山爲孝子  
自來仙禁作詞臣銀鱗江上鱸魚滿朱實山中橘柚新  
況有梅花照行路嶺南十月已成春

贈丁鴈水觀察

虔州鎖鑰東南地建節真宜不世才五嶺雄關並壁下  
九江秋色捲湖來斗牛過伏中宵見士馬防邊昨日回  
想得使君多政暇賦詩時過鬱孤臺

光孝寺同龔衡圃方鶴洲賦

戒壇草積不曾刪僧逕松門盡掩關幡影似迎天使動

六瑩堂二集卷之七

詩雪軒校刊本

石頭爭向老夫頑芙蓉古塢金浮殿冰雪寒池玉照山  
世外幽尋那易得風塵能有幾人閒

閏七夕和王紫銓韻

開秋長使夜如斯天上無勞寄所思閏月特來成作合  
雙星全似不曾離雲車軋軋停新駕衡漢明明赴昔期  
添得女兒頻下拜動余重補鵲橋詩  
細細車聲動似雷紅樓乞巧復相催只言靈匹經年隔  
誰料銀河兩度來天入綠雲香四塞地流明月扇初裁  
人間離合等常事仙佩殷勤且謾猜

上元後二夕長壽石公邀同龔蘅圃王紫銓陳毅

菴方鶴洲朱漢源陳中洲李偉公陳元孝屈翁

山廖南暉黃葵之攝之社集離六空分韻

滿池星影上空階  
觴詠松門夕自佳  
已覺暖風生白袷  
況當明月人高懷  
燈邊鶴柴藏沙嶼  
烟際僧鐘出水涯  
往事匡廬那比得  
南皮風雅在吾儕

石林好似綠槐街  
不論官鞞與笳  
幽處儘堪延步履  
閒來真欲外形骸  
十分春色馮花笑  
一片孤情向酒埋  
擬學維摩畱半榻  
夜闌燒燭話空齋

六堂堂二集卷之七

圭  
詩雪軒校刊本

過惠州訪王紫銓太守

不解丹楫長江路  
今日東來謁使君  
謳祝遍聞循父老  
交遊幾見客同羣  
新詩且喜呈花下  
良會何難至夜分  
憶雪樓頭看明月  
鶴峯高插碧天雲

代汎亭雨後望湖

郡齋難得此亭子  
太守詩人作畫圖  
抱郭好山經雨洗  
貼天明鏡帶雲鋪  
新虹映日飛紅翠  
碧漲添流長綠蕪  
有約更過湖上宿  
采菱風起月明孤

飲鶴峯賦贈

北城高擁鶴峯孤  
千載人猶揖大蘇  
上界仙人來下土  
東江流水入西湖  
晶盤玉盃陳瑤席  
翠苻朱荷出白鳬  
令尹騷人爲地主  
賦詩真欲懶提壺

贈許蓋臣將軍

河魁天上應星文  
大將高名自昔聞  
三楚地行鵝鵲陣  
八閩波定水犀軍  
談兵玉帳停珠勒  
識客紅筵奏紫雲  
粵國河山今復奠  
明堂應見策功勳

俞介石郡佐招飲官齋

六堂堂二集卷之七

圭  
詩雪軒校刊本

湖亭五馬昨相邀  
仙吏官齋復見招  
匝坐竹光流翠釜  
障簾花影瀉紅潮  
將然畫燭聯長句  
且聽清歌閒短簫  
公譙一時推大雅  
美人何以報瓊瑤

送周舍人歸吳門

幾年鄉夢遶蘇臺  
今日揚帆粵海回  
紅蓼滿灘猶未落  
寒梅十月已先開  
心驚物候聞鳩數  
夜雨燈前賸酒來  
不忍別君非一事  
湖頭風起莫相催  
客舍勞勞亦自閒  
歸心先擬住包山  
板輿一奉慈親樂  
竹杖兼看雉子斑  
蹤跡有誰尋  
鳳閣丹青當日貌  
龍顏由來野鶴橫  
天上只在雲霄縹緲間

送王礎塵歸毘陵次原韻

江南風景晉陵城四面芙蓉鏡裏行  
草色自齊平楚綠花光爭掩繡川明  
支藤處處逢岩壑著屐人人識姓名  
怪得越臺烟水暖欲從征雁數歸程

厯塊平生遍九州黃河倒日看飛流  
雄心靜後猶時動仙骨生成不待修  
世路風塵憐北首土風詩句紀南遊  
惠山茅屋還無恙聽取泉聲共耳謀

憶羅浮梅花

名山屢有梅花約肯使花時與願違  
雙屐不忘瑤室遠

六堂堂二集卷之七

七  
詩雪軒校刊本

一筇先擬鐵橋飛朱明達曙冰含日  
玉女深宵月照衣  
最憶幾縈香雪裏綠毛么鳳遠人歸

至日

陽氣初從子半回眼看殘臘又將來  
長貧只合青山老  
多病徒驚白髮催  
薊北風雲生羽翼嶺南天地有蒿萊  
幾年戀闕丹心破愁見梅花五度開

冬日漫興四首

一假歸來五冬臘青山私喜得閒居  
寒雲莽莽浮天地  
白日深深到屋廬  
往事風塵長矯首故人京雒久無書

連朝大雪臨湖嶼猶候湖晴自鬪魚

聖人郊祀通靈貺憶昔曾爲侍從臣  
泰一帝臨星八極  
壁壇神沛月重輪得聞赤鴈歌成闕  
擬奏甘泉賦又新  
筆札賜來仍潦倒子雲才思近何人

歐駱東南已太平龍庭猶自重佳兵  
邊頭舊設飛狐塞  
關隘新添殺虎城元勇勲庸書鐵券  
將軍壁壘樹銅鉦  
雪中縱獵陰山下部落歸降已勒銘

西秦告糴北防邊經國今時屬大賢  
搜粟正除都尉日  
收羊新拜大夫年從來銀甕能祥地  
豈有錢星不應天

六堂堂二集卷之七

大  
詩雪軒校刊本

堪笑腐儒窮巷老重將詞賦向人傳

王紫詮觀察招同李山公宮詹袁休菴通政藍采

飲山人遊靈洲寶陀寺畱宿敏言上人精舍限

韻九首

四圍山色靜當門入夜風來水石吞  
歸鶴認巢投樹杪  
定鐘迴響落松根官船大旆停孤嶼  
漁網深潭接一村  
長夏幽尋能有幾佛幢燈火與僧論

話到佳山意已遙松門今始共良宵  
照林水色疑霜雪  
點地山花滿桂椒清夢石牀移簟冷  
白檀香篆向人搖

孤心獨憶三生事容易繁華托寂寥

水上孤峯入望遙到來紅雨沒山椒雲垂瀑瀉陰厓隱  
沙漲溪連碧草搖百感易生猶昨日半年難得是今宵  
都忘後輩兼前輩三竺天中總汰寥

冠蓋追隨得暫閑入林初見月銜山談禪正好同深夜  
銷夏何妨別一灣寺背禪聲藏竹裏地中人影立雲閒  
牛頭自昔傳金鎖當下誰能便解環

江館侵星出郡城卸帆剛及暮潮平登山衣落千重翠  
渡水雪開幾片明曲渚漁燈連野火半天人語禪經聲

六堂堂二集卷之七

九  
詩雪軒校刊本

慣遊也似初來客猶遠迴廊處處行

寺前溪水到房房不待風迎客盡涼貝葉自翻金殿暗  
藤花時落石厓香樽前得句裁湘管梵後聽歌出笛牀  
遙望薄雲天上升魚鱗吹去又清光

稻田風定隔溪烟返照山中似曉天一帶水光惟匝地  
半間雲住是何禪虛空鈴鐸飛簷下愿落星辰迫坐前  
同在白蓮清淨裏蒲團雖設不曾眠

了然江上見孤峯磴道紆盤復幾重沙岸遠生前浦月  
石樓高閉一山鐘求心擬自調狂象入定看僧制毒龍

深夜獨眠還數起斷吟閒倚寺門松

爲訪名山得得來島邊林麓石室開相忘鷗鷺閒臨水  
一揖袈裟便上臺地白坐堪三五夜院深行破幾層苔  
諸天月色青冥上忍逐波濤發懼回

贈馮躬暨太守

淮陽臥治稱長孺太守今時又一新齊魯世家傳袞烏  
女牛天畔見星辰千叢桂樹香流露五色桃花綬照人  
不獨師門通孔李等閒風雅更相親

和諸公重陽前五日集雲半閣

六堂堂二集卷之七

三  
詩雪軒校刊本

半空層閣背山椒歷歷郊原障黍苗遲日待等黃菊遍  
閒情先對白雲遙風歸隔院沈孤磬鴈度寒江落晚潮  
知有佳遊難共賞獨吟湖畔倚霜條

九日同陳元孝姚敦仁王蒲衣暨遠公雅集訶林

風旛堂遲徐虹亭不至分得江字

寺門停午鐘初定居士今來是姓龐未有菊花簪鬢短  
早從旛影證心降風雷半死欲壇樹苔蘚全封夾石幢  
同赴佳期君獨否粵城仍似隔吳江

禪堂四面敞虛窗葉落閒堦樹一椿香飯熟時飛鳥下

寒池深處毒龍降佳遊莫過因花事大笑何妨向酒缸  
風雅愛君酬唱好夕陽天際眼空雙

冬至岑霍山吳承雲周大樽過六瑩堂分賦

日南天氣似春融冬至教人畏北風白髮漸生容易老  
青山長在未應窮陽回斗柄時過半子到泉心月正中  
獨把一盃燈下酌夜深還喜故人同

送顧復齋北上

北道江關去上書嶺南今日就鋒車預知囊筆隨金殿  
準擬宏文典石渠鵲鳴雪晴仙仗曉蓬萊春暖帝城

六瑩堂二集卷之七

主 詩雪軒校刊本

初故交兩地頻翹首肯念山中有敝廬

東林一代領儒宗姓字千秋俎豆崇講學帳中分甲乙  
著書湖上遍芙蓉育來渥水無凡馬占得名山是九龍  
幾葉文孫酬祖德看君朝待景陽鐘

送左我菴學使時往修永定河

五嶺山川一奧區文章高動女牛墟爲羅翠羽皆么鳳  
曾拔鯨牙得鯨魚清鏡冰壺人鑒裏紅盆金柱日華初  
天邊近喜承 恩詔會向河渠更著書

送黃燕思遊羅浮

登臨難得值春晴况是名山夙願成巖壑聳來皆黛色  
瀑泉飛出半風聲天從牛女星邊落人向蓬萊頂上行  
試聽雞鳴才夜半海門初日上朱明

石磴銅梁面面逢分明天畔插芙蓉何緣拔地三千丈  
得到磨厓第一峯身在鴻濛高處立眼看雷雨下頭封  
勝遊不減尋幽興知對山僧夜叩鐘

曾訪三茅讀道書羅浮今控羽人車紅雲擁路聞搖珮  
白日當空見步虛洞口有人騎蛺蝶松根無地捉蟾蜍  
石樓往日軒轅宅我亦將尋去結廬

六瑩堂二集卷之七

主 詩雪軒校刊本

廣帶天風日夜飄雲螭驂處即叢霄能無仙仗排銀殿  
好並長虹跨鐵橋絕頂望窮三上界半空飛下九靈簫  
誰人爲作青精飯朱草神芝摘土苗

有誰筋力勝孤藤直上高高見汝能雲日薄來隨上下  
罡風吹不到峻嶒青鸞白鶴瑤臺樂絳雪丹砂石室燈  
何用華陽將十賚只須南燭兩三升

杜鵑花發卽爲春靈境都忘節候新衡岳接連同巨鎮  
南溟空闊極朱垠浮雲上結金銀氣倒影斜安日月輪  
手翳鳳凰還得隨賦詩那惜贈仙人

壽李叟

世閒容易得長春好是寥陽一上真  
慣飲紅漿忘甲子  
生成玉角見精神  
中庭早種三株樹  
五福同稱百歲人  
遙望綵雲天  
半起羅浮佳氣一佳辰

博羅江上卽丹邱  
君住仙家十二樓  
老去祇知爲善樂  
心閒長若與天遊  
翱翔日下皆朱鳳  
驂駕雲中半赤虬  
晴日譙來王母笑  
玉桃方朔已三偷

浮邱和楊子慶韻

片石端然見古春  
客遊兼喜挂衣巾  
注來丹井泉聲細

六堂堂二集卷之七

詩雪軒校刊本

遺去蒼苔鶴毳新  
葢地不知何藥草  
掃壇恐卽是仙人  
朱明門戶分明在  
誰信三城隔一塵

入門暗數一千春  
頭戴華陽自製巾  
憶得上仙前度去  
坐來小劫幾番新  
丹房易啓青銅鎖  
玉局難逢綠髮人  
亦是乾坤餘隙地  
世閒無處覓吹塵

袁休菴通政來自廣州以詩見貽次韻奉答卽送

其歸昭江

高秋絕壑外人羣  
深掩松門對夕曛  
滿地菊花開隔院  
半天鴻影落重雲  
常憑好夢尋良友  
久乞青山仰

聖君何意忽來江  
上駕報人鵲鳴喜紛紜

爾我真宜物外盟  
行藏不似世閒情  
何難大雪乾坤死  
容易東風草木生  
試傍酒廬諸事減  
偶逢僧語萬緣輕  
珠江一別昭江去  
白鷺沙灘照眼明

寄答鄭禹梅太守次原韻

乞歸天許作巢由  
築得山齋引瀑流  
遠地草根吟促織  
出牆花影墜牽牛  
身閒自覺無餘事  
性懶都忘逐貴遊  
誰道高涼賢太守  
賦詩猶爲寄清秋

答陳山農次韻

六堂堂二集卷之七

詩雪軒校刊本

新詩累月不曾酬  
終日枯吟但倚樓  
忽憶往時尋泖水  
幾回同客在并州  
題來黃絹驚雙絕  
佩出金箱賦五遊  
老大交情誰得似  
與君重爲說從頭

次韻答雲間朱彥則時客石制府幕

青山一椽傍精廬  
與世行藏總不如  
學稼祇隨田父語  
養生頻檢道人書  
雲中野鶴成孤往  
溪上芙蓉有故居  
幕府君才推十倍  
何時相見揖巾裾

贈張樞侯方伯

萬里雄藩出帝畿  
多年猶著侍臣衣  
南臺班裏傳烏

府北斗天中坐紫微三月青錢榆莢滿一春靈雨麥苗肥扶桑不隔蓬萊島會見卿雲擁日飛

送岑霍山歸九江

幾宵湖屋被霜封草樹當階亦換容寂寞正思留好友別離誰忍話深冬孤城却月沈寒角遠寺空山到曉鐘愁絕掛帆江上去一天雲暗石門松

戊寅元日

半旬春氣入湖光今日朝元色更芳垞北一時頻爆竹城南無地不燒香夢回仙仗排銀榜覺後齋心禮玉皇

六瑩堂二集卷之七

詩雪軒校刊本

莫道隔年人易老鑒來鬚髮尚蒼蒼

今年人是舊年人看歷無端又紀寅懶逐青旗迎太歲愛和濃墨寫宜春圍爐剩有蹲鴟火虛室都無野馬塵客至肯同花下飲不妨飛鳥過衙巾

題錢霞潛太常半舫齋次韻

圖書几榻列縱橫一椽居來亦八瀛鄉味總忘葦菜滑聖恩常賜蔗漿清得同博望星邊汎休說麻姑海上行竹塢漁菴舊湖屋任他鷗鷺掠波輕

鐵船祇合石峯橫弱水何當泝大瀛御史高名曾激濁

太常齋日本來清櫻桃入夏冰盤薦芍藥當春玉甸行翻笑江南徒汎宅捉鞭新喜馬蹄輕

和李水澤盆蘭盛開二首

拂拂香風溢素蕊冥冥霜雪正相宜能令白室深寒日却似芳林絕盛時銷歇豈容當晚節繁華難得是清姿瀟湘水澗湘君遠不遇騷人且漫貽

莫道花開已太遲玉盤幽賞也偏宜人疑空谷聞薌澤天與高齋閱歲時絕世不煩誇盛色出羣還有耐寒姿尋常物態嗟零落芳草無言只自貽

六瑩堂二集卷之七

詩雪軒校刊本

送王君道歸會稽

楓葉照水烟遠空鴈飛叫霜天暗紅離筵把酒共九日送客賦詩予老翁峽勢參差瀉新瀑江流朝暮迎長風家山歸去有何好書屋湖上蘭亭東

見說多才善屬文何難天上化為雲聲名後輩無雙士家世前賢有右軍一片夕陽人並立半空寒影鶴誰羣錢塘八月潮來往書札還思再報君

答徐竹田次原韻

郭外青山日日登世情於我復何曾寒湖相過惟沙鳥

遠丸頻來有岳僧秋老芙蓉隣墜露夜吟蟋蟀對燒燈  
幾回細把君詩讀擬學新裁却未能

但得閒身住百年休論天上葬神仙支離久已同桑扈  
騷裏都忘坐錦韉聽說黃鐘鳴尚啞飛來白鳳筆何鮮  
懷君擬拉羅浮頂共酌人閒第一泉

送毛中菴歸香山

秋老高天見鴈行送君歸去海茫茫移船好似風吹樹  
別夢應知月到牀百里波濤行日夜千重崖嶂夾青蒼  
重陽菊後無餘事便欲題詩過草堂

六堂堂二集卷之七

毛  
詩寧軒校刊本

送田克五明府榮擢還朝

官船笳鼓疊中宵竹箭奔流趁早潮三載政成良吏去  
一時心折故人遙英州學校留碑記南國聲名在斗杓  
忍上越臺翹首望嶺雲銜樹暗河橋

題余兼五山樓

高樓開敞見孤鸞人在樓中氣自尊收盡好山歸坐底  
望窮飛鳥落城根風過隔院棋聲細月上疎簾塔影翻  
登覽不愁詩思苦枇杷花發向人繁

五峯如列正當樓置我繩牀得臥遊入縣人烟連鳥道

出天帆影半漁舟玲瓏倒日浮寒水紫翠堆雲上綺裘  
歲暮幾何能聚首況逢臘月酒新篘

一雨中青慘墨濃曉來不覺有雲封諸峰日色當窗見  
大壑泉聲入澗春性懶出門長閉戶天寒爲客覺忘冬  
愛君樓閣頻頻到遠樹冰池路幾重

元日

紫禁香生五色烟蓬萊仙仗正朝天山中又得看新  
歷湖上都忘隔舊年往事鬚眉明鏡裏及時花柳曉風  
前誰能不飲黃柑酒一任鶯聲到枕邊

六堂堂二集卷之七

元  
詩寧軒校刊本

人日

春氣今朝暖漸增湖頭已瀉臘前冰學簪絲勝憐嬌女  
擬薦辛盤待好朋白髮只當尋暇日青山誰與策孤藤  
難忘送老書千卷入夜殷勤自剔燈

早春次答周梨莊枉顧仙湖見贈之作

客  
即雪

海螺朝吹不成哀鴈翅春城繞粵臺已覺好花開壓屋  
待尋芳草藉銜杯紗巾稱我蕭閒日鐵匣驚君著述才  
嵩少久虛三歲字羅浮何幸故人來

鄴下多時賦七哀南遊還上九成臺尋常弔古求金盃



次第編書註玉杯青眼幾曾容俗物白頭終見出羣才  
忘形爾汝仙湖坐莫遣幽禽剝啄來

周梨莊雨中見東次韻

春鐘寒隔度湖聲鶴立閒階亦嬾行花雨六時沈野寺  
木棉三月暗江城報難久分無生理輕薄從來是世情  
永夜一燈堪對語客心應動草蟲鳴

送李山公官詹奉使祭告南海還朝

扶桑東盡卽南溟牛女天邊見使星金冊一函昭

帝饗璧壇千載祝神靈波濤日射魚鱗紫城郭峯盤鴈

六瑩堂二集卷之七

元  
詩雪軒校刊本

翅青歸去拜陳三殿上海邦應爲進圖經

送佟偉夫明府還都門

滿天明月照人來竹屋蕉窗昨夜開送客不堪臨野水  
懷人從此上高臺山迷紅葉秋鐘斷路界黃河匹馬回  
近北自來霜雪早帝城歸去謁蓬萊

貴戚承恩雨露濃鮑陽家世半侯封一官豈但隨琴

鶴雙闕還應傍

袞龍註就盡魚編爾雅教成歌舞愛吳儂高帆忍見頻  
撾鼓指點江楓照遠峯

八月十五夜

眼見星辰列四旁中天流影到閒堂分明夜色人難舍  
不待風吹氣已涼欲吸光華歸肺腑若爲冰雪化衣裳  
年年此度催頭白莫嘆芙蓉是拒霜

佟啓遠栗園看早梅同趙秋谷中允王紫詮觀察

陳元孝處士賦

黃村久訊無消息爲向訶林寺裏尋孤夢可憐前夜月  
名園今副一冬心冰池影落寒猶淺衫袖籠來氣已深  
高會尙煩供紙筆篋書徧酒人吟

六瑩堂二集卷之七

三  
詩雪軒校刊本

送姪星度歸金陵

草長堦前懶去芟年來宴坐擬寒巖那能心掛天門樹  
得似君移海上帆五嶺清明當禁火六朝花柳襯輕衫  
垞南垞北頻相過誰忍今朝別阿咸

初冬舟發東江赴錢蔗山明府遊羅浮之約先此

奉柬

郡城長夏同攜手節候驚人忽過秋病後幾番疎遠訊  
身閒今始赴佳遊江空極浦沙盤鶴天入高帆月照流  
欲訪名山尋地主故人先爲說羅浮

華首臺夜坐同陳獻孟賦

歷歷高崖隔斷烟夜深人似坐空天四方星列衆峯外  
一院月明雙瀑前松影暗移巢鳥亂石堂寒閉定鐘圓  
與君笑指山僧樹此是維摩不二禪

至日同鄒邁公陳獻孟登鉢山分賦

十萬人家烟火裏登臨雙眼見來新陽回短日才生子  
山擁高城却近人天外鳥飛連睥睨海中雲卷散魚鱗  
鐘聲送客前溪路返照空岡落木頻

臘月十九日江上立春作

六堂堂二集卷之七

詩雪軒校刊本

一冬行盡又春來子午循環十二迴舟上夜聞江上雪  
馬頭朝見嶺頭梅關心兒女時時憶到眼山川處處開  
不忘故人書萬里 聖朝詞賦重鄒枚

韶陽江行

不須愁處是晴春津吏富關許問津白髮未曾忘報國  
皇天焉肯滯斯人山峯送我雲爲馬沙磧吞篙石作麟  
明日計程江北路雪中應見柳芽新

春氣薰人欲上眉衿衣初試正相宜波明只似常融日  
冰斷何曾有結澌靦面峯巒藏紫邏回頭城堞捲青旗

虞祠彷彿聞人祭欲薦蕪詞續楚辭

只有青山疊疊斜更無江路入人家舟浮淺水如鳬翼  
石斷高灘半虎牙望去直爲衡九面分來好是蜀三巴  
夕陽一幅行人畫鷗鷺蕭蕭映水涯

飲楊人菴總戎署齋賦贈

虔州自昔稱形勝幢節公今控上遊天入粵閩擎一柱  
地臨章貢奠雙流軍中樂府歌朱鷺座上清尊卸紫裘  
舊雨情因儒將重臨淮功業本封侯

除夕

六堂堂二集卷之七

詩雪軒校刊本

年年守歲居湖屋今日征途憶故園永夜波濤浮一葉  
幾聲爆竹聽孤村無言伴我惟燈影有夢牽人是枕痕  
不久又行江北路日中騎馬到黃昏

癸未江上元日

今年元日半陰晴新歷看來紀驛程一片春晴人未老  
十分寒色初全輕江聲逆走連天動山色虛涵逗水明  
且薦辛盤傾柏酒好風還待晚潮生

吳城元夕

天上烟開水氣澄望中漁影出層層新林鳥宿無殘雪

大澤龍吟有斷冰最好一春惟此夜可堪紅燭當華燈  
湖亭簫鼓連村巷擬作游人懶未曾

鄱湖夜泊

候旗風轉便揚舠不斷寒吟獨夜醒湖上月明天在水  
蘆中人靜鳥迴汀茫茫身世空無象歷歷山川畫有形  
遙望匡廬高絕處騎龍直欲上青冥

秋日訪金仰亭於靈佑寺蕉軒畱宿

爲愛尋君宿石房孤情相對語偏長照來竹影窗三面  
坐斷鐘聲月一牀漸覺夜深寒似水况當人靜地畱霜

六堂堂二集卷之七

詩雪軒校刊本

山僧不見維摩詰那得天花落講堂

答陳健夫次韻

細竹疎花貼院牆照人一一到琴牀經旬過夏忘殘暑  
幾日臨秋覺早涼檢篋尙存龍尾硯佩身將製虎盤囊  
桑乾水長吳船至歸去思君萬里長

壽王阮亭先生

本朝元老公爲最劍履頻邀

聖主恩身是仙人餐沆瀣名垂風雅並乾坤高天北斗  
三能正泰岱東方五嶽尊遙望蓬萊滄海上金銀宮闕

見朝暾

答傅問亭寄懷次韻

閉門只似守元關誰識并州作客閒秋入漸蘇新病骨  
別來無復舊時顏驚心獨夜聞初雁歸夢寒林憶故山  
遲日待循河曲路名園相過一追攀

津門九日飲狄向濤舟中同沈方舟賦

滿天秋色大河來佳節教人笑口開邊塞正逢鴻雁到  
津門新買菊花回倡酬不可無詩句茗芋誰能負酒杯  
莫憶去年當此日望鄉難見是燕臺

六堂堂二集卷之七

詩雪軒校刊本

話到登高亦強名客行長日數歸程河流九曲從天下  
海出雙沽接地平薊北寒雲森碣石嶺南秋色滿陀城  
手栽叢菊誰同把目斷家山幾弟兄

臺庄夜泊

漸覺青山入眼多照天紅葉映滄波分明一帶江南路  
繞盡孤帆濟北河日落漁烟燃楚竹夜深船笛送吳歌  
人家燈火圍兒女門外烏栖奈爾何

過維陽賦贈左界園太守

薊門歸櫂出長蘆相訪還停轡社湖指佞昔年簪獬豸

行春今日佩麟符民間喜得黃丞相

主上深知汲大夫想見冬來明月好一簾官閣鑒冰盞

贈蟾使

赤墀丹陛列班聯許史家聲輦下傳德澤遠霑南詔遍  
旌旛高建兩淮前鯨波滿湧銀沙雪鯢海長流火井烟  
百萬金錢資內府度支誰得似君賢

平山堂識集

山堂冬日似晴春天氣融和物態新勝地合爲風雅會  
佳遊總作畫圖人松聲到寺疎鐘斷峯勢趨江去鳥頻

六疊堂二集卷之七

雲

詩雪軒校刊本

倚醉並吟猶未了紅橋僧影立前津

貽浮村上人和韻

天竹穿籬蔽短垣夜分無處認長旂煨來芋火還相對  
證得桃花在不言堦下四飛忘怖鴟林閒常挂有寒猿  
明明孤月當頭照猶向師前問太元

一椽精舍對城垣殊勝香幢與寶旛離見見時尋此地  
不聞聞後欲何言當空梵樂流天樂習定黃猿領白猿  
怪得維摩老居士懶從身世覓關元

贈石濤道人

閉門長許日相尋不負神交十載心亂後王孫成白首  
對來風雪况寒林蒼梧八桂天何遠楚水三湘夢獨深  
得似神仙住人世丹砂還學鑄黃金

壽張印宣母夫人

桂窗紗日射來明好似金樓十二城天上玉酥陳象席  
雲中法曲奏鸞笙神芝五色生青葢萱草三花結紫英  
丹訣尙從王母得麒麟車降自蓬瀛

題孫虞橋先生遺訓冊

陸地平沈遍水烟救時無計可回天欲循禹貢疏淮海

六疊堂二集卷之七

雲

詩雪軒校刊本

反笠明夷厄聖賢膝下諸兒畱示訓山中老宿對談禪  
龍池灰劫那能壞身在三千與大千

京口畱別茅巨瀾次原韻

未到臨歧已愴情誰從江上過吹笙離人落葉聲聲斷  
出浦寒鷗箇箇輕日落僧回京口渡夜深潮上石頭城  
煩君送我江南路得向長干取次行  
剔燈幾夜語深情憶得吳門舊聽笙載酒妓樓寒雪重  
鬪茶僧舍晚烟輕人閒羽翼憐黃鵠天上逍遙羨碧城  
不信風塵成老老年年波浪一回行

春日郊行

出門頻被鳥聲催，郊郭初迎淑氣迴。  
新水挂帆天外去，午鐘遲客竹閒來。  
掉頭烏帽花枝墊，近眼青帘酒甕開。  
遙望昔時歌舞地，等閒還欲上朝臺。

西園春望

西崦春來作意濃，園林景色遍晴空。  
天圍水國三江外，城接滄溟一氣中。  
翡翠尙巢烽火樹，珊瑚誰見尉佗宮。  
石門往日樓船地，細柳新營落照紅。

畱別翟天言

六堂堂二集卷之七

詩雪軒校刊本

海內論交能有幾，與君相見即相親。  
將從萬里爲征客，不禁多情別故人。  
擊汰正逢珠海雪，捉鞭先指玉河春。  
帝城到日還高望，二月鶯花簇簇新。

東江右劉王衡觀察

官槐如列鬱青葱，鈴閣森森入望中。  
久識賦詩追謝監，人言折獄勝于公。  
千峯廬岳飛晴瀑，九派江流泝遠風。  
倚棹不辭趨大雅，灌嬰城畔正春融。

贈李太守

碧天三十六芙蓉，遠映雲山紫翠重。  
共覩一麾來太守，

誰言五馬似飛龍，行車繡陌並春雨。  
臥閣清香出曉鐘，況是近時烽堠息。  
海邦相勸事耕農。

中秋後二夜飲雲載青蓼懷堂賦答

猶是前宵一掬明，銀河寶月照長庚。  
當天坐挹芙蓉露，近海晴看玳瑁城。  
追昔事親同陸續，由來任俠似劉生。  
休論玉角神仙骨，不朽人間有姓名。

賦答

薊門惜別著秋衣，歸後無因見面稀。  
心似紫駝仍北向，身同朱鳥已南飛。  
空餘日月畱詩卷，詎有珊瑚拂釣磯。

六堂堂二集卷之七

詩雪軒校刊本

今日故人來聚首，論心知我昔年非。  
懶戴紗巾著草衣，溪村剝啄聽來稀。  
水邊孤磬爲誰發，門外野花空自飛。  
幾樹佛桑藏蟹舍，一閒茅屋覆漁磯。  
故人相過勞相笑，昨日今朝總較非。

賦得雨洗亭臯千畝綠

雨後青郊歸穩畫，望來新綠滿亭臯。  
龍鱗阡陌層層見，鳥影雲山疊疊高。  
好景可堪忘酒會，健吟真欲託詩豪。  
農祥已卜占豐稔，不費田工有桔槔。

黃匏齋夫子入粵有見懷佳什錢蕉山方鶴洲暨

諸同人皆有和章余自北歸恭次元韻奉答

野馬塵埃共一廬相逢都不辨誰歟但令五岳平無礙  
便可孤舟縱所如薊北早爲歸日計嶺南長憶傍湖居  
多情慰藉惟師友金錯琅玕枉寄書

次韻答朱向安

自笑蕭蕭白髮人住山無計不知貧夕陽片影鳥飛盡  
古柳一株蟬噪新甫里先生通風好維摩居士說前因  
秋來明月天河迴自覺觀心午夜真

霜角

六堂堂二集卷之七

元  
詩雪軒校刊本

霜角呬呬遠欲空城南城北更西東一天黃葉四山樹  
滿院鳴蟬前夜風話到夕陽遲不厭看來流水去何窮  
分明海上懸帆影翻似江光照落楓

月夜寄尚櫟山

佳時難得在長安久客思歸亦暫歡酒會不忘良友共  
月明同在隔城看黃榆刮地邊風到白露霏人朔氣寒  
明發挂帆秋水去一天楓葉照前灘

壽學使翁蘿軒同門

論才誰與敵三長詞藻香沾七寶牀已近紫微尊執法

還臨朱鳥翼文昌紅潮盡見珊瑚出珍木都無翡翠藏  
嶺嶠經秋叢菊綻凌霜清質遍芬芳

芝蘭氣味本同根相賞幽懷豈待言雪色照人忘向夕  
日華升處見初暎蓬萊宮裏成天路薜荔山中亦  
主恩我有羅浮峯四百擎來飛壺進匏樽

贈人

斯文砥柱今時少君在儒官仰者多身老漸希秦伏勝  
名高猶繼漢田何生徒絳帳時聞樂介冑橋門亦解戈  
自是白沙風教遠珠江流水溢前波

六堂堂二集卷之七

罕  
詩雪軒校刊本

壽錢塘顧玉涵

扶鳩放鶴樂天真明聖湖頭萬綠新手采石華分雨露  
自春松屑見精神左思早擅三都賦伏勝同稱九十人  
繞膝羣龍紛下食怡情歡指躍雲津

祝貞節嫂馮太君七十壽

高節真堪擬伯舟翁姑能養更誰儔關心烽火過塵世  
出腹孤兒已白頭誰信壽年初太耄早知名姓定千秋  
板輿官舍歸來好徑寸雙珠夢裏投  
昨姪廷佐官定安  
本母還連舉二孫

六堂堂二集卷之七

六瑩堂二集卷之八

國朝南海梁佩蘭芝五著

五言絕一

過東林作

東林日下春老衲始出定黃葉落幽泉閒雲引孤逕  
得我山中人了然證心目吹來殿角鐘雪壓一簑竹

柬于連平使君乞香海棠

草木南方好稽含狀最奇海棠香不見今見使君詩  
聞說銀梅水澆來紫葯房嶺南無此種輸却北丁香

六瑩堂二集卷之八

詩雪軒校刊本

金絲綴閒館紅讓九連花願得君持贈香風引木瓜

桃葉渡

不道是桃根不道是桃葉家本江南人來弄江南楫  
感郎尊貴德相送郎渡江桃葉似浮萍處處迎著郎

狠石

霸氣銷沈盡還餘一石頭道傷人不識相向說孫劉

女兒港

港口諸女兒的的嬌唱歌月光飛白鷺共唱定風波

蕪湖

水闊天無限舟輕楫易孤大江風不定三日到蕪湖

題蛟磯廟

四壁蛟龍氣朱旗日降神東吳無霸主靈澤有夫人

蓮兒渦

大風搖板頭小風捲鵲尾不避蓮兒渦賴有鐵鹿子

菊影

寒河上夜燈的的射一舸分明燈在菊反覺菊是我  
若云菊是我便當我作菊如何不相離孤燈照幽獨

岸影

六瑩堂二集卷之八

詩雪軒校刊本

水流岸亦流動靜不在岸莫驚屋上烏明星列河漢

漁影

河曲聞暗流釣舟一竿落魚上有魚行燈光兩相薄

題陳黃公采菊圖

秋空湛烟宇霜氣達林菊靜者自無言含情媚幽獨  
仕隱不在貌高風隨所爲脫下朱鷄裘手把黃菊枝  
衣帶既容與科頭不須櫛長松豁遠峯瘦竹倚孤石  
往往賦新詩泚筆龍尾研今日對幽花騷人於此見

卽事

主人齊物我童子亦忘機頓出籠中鳥高天自在飛

題狄向濤舍北林塘二十首

柳柴

好是楊絲港長條閒短條渡江人不見烟雨暗南朝

詩夢草堂

不妨夢過來一說夢中見手裁五色雲日華照金殿

款竹步

脩脩半園竹落落孤烟晚相對如幽人瀟湘意何遠

響臻樓

六瑩堂二集卷之八

三  
詩雪軒校刊本

朝看江水流暮看山月起天地如空虛萬籟入雙耳

杏花春雨林

春色畱人住年年一度新漫將紅杏雨細數落花句

海棠塢

過雨何曾黯當花著地開欲畱香燕睡喚醒海棠來

紅笑亭

幽蘭香可懷木末紅宜笑佇立待夫君美人善窈窕

珂月郵

夜吟喜高秋瀟灑踏溪月疑有玉珂來溪聲送清越

雙芝閣

彷彿神仙窟雙芝燦有光但令生紫蓋不必問齋房

五餘軒

放鶴教童子燒香付侍兒拌將中散懶一學嗣宗癡

高靜閣

孤閣高出林蒼烟半空溼居然石笋屹卓地雲根立

花梁

初日上虹梁花影落水面采摘有誰來香風動釵釧

櫻桃徑

六瑩堂二集卷之八

四  
詩雪軒校刊本

芳林使我深信步忘却坐黃雀歷亂飛櫻桃熟將破

漁唱亭

瀨江秋氣靜獨坐意蕭放往往聞夜漁歌聲出吳榜

初日芙蓉亭

玉漱紅雲滿金房綺日新三閣騷些後謝客一詩人

水木清華閣

曠懷托高空撫化翫流轉水木一相鑒冰雪誰能卷

淨香庭

綠淨浮寒水紅香上薄簾都將聞見絕閒坐讀楞嚴



適適菴

豈無居士禪也入老僧定宿浦兩片雲寒林一聲磬

橘鄉

朱橘香千樹江鄉似洞庭與誰明月夜牆角數秋星

雪堂

高堂敞疎豁大雪不教閉寂寞看乾坤鴻濛養身世

題朱竹垞太史小長蘆圖

貴日閒身在長蘆入畫圖不同三泖水常釣四鯢鱸

題王丹麓西湖草堂

六瑩堂二集卷之八

五

詩雪軒校刊本

不知南屏鐘疑是山下雪湖月上塔時江光射山缺

幽人抱孤桐衫袖倚修竹飛鳥掠一聲高齋落新瀑

送汪寓昭查德尹歸餘杭

我有荔枝酒遲君不肯來別離無限意相送越王臺

珠海光如雪珠娘倚棹歌虎門潮水至爲爾導風波

珊瑚踰躅花翡翠枕椰樹俱有好容顏何時共一處

峽裏猿聲斷雲中鳥翼齊湘灘二江水誰忍各東西

舟夜

船頭見落星夜半凡數起不覺送人行雞聲出江水

羅浮通天巖

玲瓏上通天側疊下結屋莫策猢猻藤入驚白蝙蝠

卓錫泉

高僧靜無言山影寂相向石臼聞雪聲神泉出禪杖

合掌巖

老僧冥坐時終日長合掌山鳥無一鳴惟聞瀑聲響

曼陀石

分明一道泉練練垂石上好是曼陀花諸天來供養

藥槽

六瑩堂二集卷之八

六

詩雪軒校刊本

藥槽飛節芝香氣上衣領時有搗藥禽龍潭過畱影

白榕

在藥槽之左

藥槽枕冰潭草木不可狀礪礪一白榕虬龍絡根幹

丹竈

蝴蝶如團扇麻姑拾作衣可憐丹竈在不見紫煙飛

題漁洋山人放鵬圖

多少雲中思秋來寄白鵬無人知片影冰雪照空山

無心任出籠直與高天脊黃葉蔽前林疎風散清曉

六言絕一

送人歸晉陽

江城白布張帆山驛青帘買酒東來書卷牛腰立向河  
橋馬首

礫格鉤輶隱隱枕榔榔葉冥冥歸人千里萬里送客長  
亭短亭

西望輟輶度關東臨滄海觀日豈無越樹珊瑚自愛唐  
風蟋蟀

江夜二絕

入夜江天一幅水雲山雲畫成船船漁火星亂片片蘆

六堂堂二集卷之八

七  
詩雪軒校刊本

花雪明

寒雲四面浮山遠燒一條映水人共鷓鴣眼明雨隨鷓

魚風起

七言絕一

春閨詩

春服

上衣珠玑下湘裙道是巫雲忽楚雲十二碧欄何處倚

杏花桃葉故紛紛

春鏡

百花齊放向朱欄釘得珊瑚作鏡奩新水玉波晴色裏  
遠山微露一峯尖

春繡

絲絲嫋嫋向春風少見神針在女工持出繡幡新樣鉤  
蓮花四角佛當中

肝腸五色綴芳枝繡黻文章實我師除却瑤姬天上女  
人閒無處著機絲

春閣

高閣無鄰不上關半空禽影落林閒含情多少句簾裏

六堂堂二集卷之八

八  
詩雪軒校刊本

背坐屏風隔一山

春轡

紫鞵紅鞵白鳳衣城南新柳影依稀朝來結得蜻蜓髻

一任風吹滿鬢飛

春瑟

多情二十五絃中都付湘雲一片通斑竹淚深何處寫

黃陵花落照人紅

春酌

寂寞誰能放好春玉杯傳著漫傷神窓前鸚鵡頻頻喚

抵却彈箏勸酒人

春句

閑來燕語迸鶯吟靜到無言一寸心香夢不曾離好月  
梅花何事總難尋

春簾

簾紋如水漲新潮冰氣黏人玉一條醒後轉將裙帶解  
有誰花事報今朝

春汲

玉泉冰井雪香無一滴新嘗百病蘇天氣困人那禁得

六瑩堂二集卷之八

九

詩雪軒校刊本

海棠連日不曾扶

春札

簪花筆格寫來新歸雁南中已報春湘管一枝和淚滴  
有誰持去寄情人

春繭

掃開桑葉拜蠶神玉繭今朝上箔新滿腹好絲抽不盡  
生成衣被世閒人

一春蠶作向花前才得三眠又八眠冰雪結成光似水  
玉蛾飛出自生烟

縱繭何妨一月忙絲車輾輾對花光元黃篋篋分明在  
誰識冰丸與錦囊

迎春詞

亦知松柏耐冰霜爭似春來草盡芳東望白雲郊外去  
一齊同看打牛忙

小園生菜切如絲新綠堆盤薦酒厄方寸翦來紅帖子  
學人門戶貼迎禧

臘殘天地逐年新不待朝元已立春二十四番花信動  
松門容易作閒人

六瑩堂二集卷之八

十

詩雪軒校刊本

新禽婉轉語堪聽羽翼初齊燕最輕知爾不忘貧舊主  
桃花如錦結巢成

錦帶紅韉踏作雲魚龍呈戲名紛紛衆中老大誇年少  
不使春光減一分

兩年春併一年過淡沲微雲淑氣多山色照來青入地  
水光浮出綠搖波

市上春人入畫圖醉歸無處覓人扶太平曲作蠻歌唱  
小隊驍鷹莫設吁

眼見風光到處新紅烟霍霍蹴珠塵排門白髮催人到

莫惜金錢買好春

烏帽春官綵仗陳  
句芒大歲值行春  
兒童不識欄街笑  
道是穿鞋著屐人

看春歸又打鞦韆  
綵索佳人欲上天  
相約新年人日好  
共穿花勝壓釵鈿

早春東王蒲衣十二首

打牛又是一年春  
海國山城氣盡新  
爭貼金錢千萬戶  
看來不似閉門人

青簾晴日捲蝦鬚  
鸚鵡當前一任呼  
搗得鸞箋書小字

六瑩堂二集卷之八

士

詩雪軒校刊本

莫將詞賦怨薜蘿

愛君池館似深山  
肯信春來亦掩關  
一曲自吟還自賞  
琵琶飛出鳥絳羅

海上新潮即舊潮  
誰言白髮不相饒  
東風有意吹蝴蝶  
賺得春人弄柳條

花裏尊春也可憐  
上元甲子至今年  
等閒無事同翹首  
好鳥高飛只在天

到地花枝潑眼光  
糟牀新注酒茫茫  
閒來與客分棋局  
睥睨當窗入草堂

城東城北兩頭分  
曉日香車簇似雲  
共道探青郊外去  
菜花拖滿織金裙

鴉姑飛過野塘西  
水暖菖蒲葉漸齊  
遲日待尋田父去  
學騎秧馬試扶犁

老大心情百事拋  
名山有願托神交  
羅浮峯接蓬萊島  
不是飛雲不結茅

底事新年感歲除  
眼看明月到湖居  
三城元夕華燈滿  
猶自齋中夜讀書

綵燕能飛未是真  
蠟枝爲樹暫時新  
銀錢福字金牌鎖

六瑩堂二集卷之八

士

詩雪軒校刊本

日抱嬌兒笑幾巡

辛盤堆菜卷香蔥  
獨酌無人笑倚風  
春色到來誰禁得  
隔林花落小園紅

徐紫凝和予十九秋詩題二截句於卷尾見貽次韻答之

滿林黃葉照窗幽  
月入牀頭只半鉤  
不是誦君詩句好  
怎令人不賦悲秋

此心長似磬聲幽  
精舍風簾不上鉤  
何事夜來眠不穩  
苦吟蟋蟀報深秋

一幅藤箋寫素詞雁堂燈影伴相思江鄉八月尊鱸美  
莫道南中總不知

豈有重華薦楚詞先將斑竹寫相思鄉心一片珠江水  
飛入閨人夢裏知

徐虹亭和予十九秋詩復作二截句見贈次韻奉

答

蓬萊宮殿列班頭君是詞臣第一流欲向羅浮觀日出  
特來天外度清秋

小築城南坨北頭閉門長日引湖流看來十度螢乾死

六瑩堂二集卷之八

三

詩雪軒校刊本

不待西風已覺秋

日射寒雲海氣黃誰從風物識蠻鄉騎龍控鶴朝天帝

也下人閒俯大荒

家家橙橘照霜黃秋色分明在海鄉今日珊瑚新筆架

徐陵詩句紀炎荒

送徐虹亭太史歸松陵

籬菊未殘梅已吐嶺南十月似陽春山中正好尋芳訊

江上翻來送遠人

六朝耆舊多零落誰似詞臣尚白頭一日風帆三百里

不勞歸路聽鉤輅

花時棋局屢相邀蕭寺鐘聲暮復朝今日別離憐處所

綠楊秋後不成條

銀瓶灘口噴風雷記取珠娘送棹回他日越臺高處望

松陵書札渡江來

仙湖茅屋似深山剝啄無人自掩關才喜君來君又去

有誰同對白雲間

入夜寒帷一點燈尙煩細字寫吳綾離情短幅那能盡

頗耐詩成墨已冰

六瑩堂二集卷之八

四

詩雪軒校刊本

老大如君事遠遊東南天地盡羅浮明珠翡翠無顏色

篋裏新裁十九秋

鄉味河魴魚最美紅柑三寸更何如十年簪筆黃金殿

依舊名山老著書

曉出後園偶作

黃菊籬根已漸稀尙畱香氣撲人衣梨花也似白蝴蝶

不待春來慰亂飛

南海探梅

廟門銅鼓動波閒黃木行來有幾灣三十里中皆是雪

不留一片認青山

四天垂下遍花峯一疊峯盤數百重便欲結茅峯裏住  
冬來長日作花農

乍來一見稱奇絕直至前頭總不言任是美人難得比  
有誰還憶苧蘿村

花時寒色倍精神倒壓高崖氣盡新不是千年老松樹  
如何根幹滿龍鱗

如烟如霧總茫茫半衣霜紅半日黃五色照來無定轉  
也畱人影在清光

六瑩堂二集卷之八

五  
詩雪軒校刊本

看到斜陽未忍回纔掩布席尙徘徊要令刺眼光凌亂  
不避橫身玉倒頽

清明前一日作

柳絮風吹白勝縣城南榆莢遍青錢柴門狼藉春無色  
不待清明已禁烟

杜鵑花

一到春來便可憐眼看花發海棠川蠶叢往事難憑弔  
忍聽人彈蜀國絃

子規啼暮復啼朝似向東風恨未消染得滿山成碧血

散來幽澗總紅潮

錦城無地不生春紫邏烟開幾簇新乞與薛濤箋萬紙  
寫將花藥舊夫人

寄祝潘函觀

麻姑洞裏高人宅冬日梅花雪盡扁借問別來何所得  
琴心三疊註黃庭

鬱羅天半任逍遙朱鳳依人傷赤霄不用華陽通十賚  
自揮如意對賓僚

石牀林子祝萬寫禽魚花卉如生因以詩代札索

六瑩堂二集卷之八

六  
詩雪軒校刊本

之

黃筌魚鳥影層層寫出生綃見汝能齋閣肯無遺一幅  
不煩重買米家燈

三年許我猶難得祇有湖光透碧虛藻荇散來波上下  
不知何處聚文魚

驪珠不照野人家孤負窗籠四壁紗撥燄坐煎龍腦片

披星行看麝囊花

席閒有談羅浮神蝶者詩以紀之

天上文章被數重羅浮山色共慈龍仙人藉爾爲來往

騎踏飛雲第一峯

洞門深處綵雲開  
珠樹花中結異胎  
大似車輪小團扇  
好遊金闕住蓬萊

陳安期自陽羨來訪住六瑩堂忽病棄世于其櫬

歸詩以唁之

當時痛哭一登牀  
客舍人琴已盡亡  
擬得大招同楚些  
竟無上帝告巫陽

只似神仙葬玉棺  
生前骨月幾曾寒  
無言有路憑秋草  
碎盡人間鐵肺肝

六瑩堂二集卷之八

主

詩雪軒校刊本

送陳傅舟歸陽羨

蕭寺鐘聲聽已稀  
故人相對尚依依  
白雞夢破三千歲  
丹旆船頭一片飛

嶺外秋高海氣空  
吳門一半落江楓  
依然蝦虎城邊路  
不得還家共阿戎

祝楊五聚

福地由來三十九  
始豐山色翠成圍  
夜來紫氣千牛斗  
知是山中有少微

令子新從嶺外回  
羅浮進爾芙蓉杯  
仙人把臂何難得

策杖還從五岳來

題自公禪房

禪房粉壁光如玉  
盡寫師僧卷上詩  
我亦欲來題數首  
白蓮花裏結心期

蒼苔行盡掩雙扉  
檻外花開上客衣  
聞說江頭持鉢去  
夜深應見咒龍歸

題朱文益月波吹笛圖

射鴨人稀落晚潮  
高樓倚月水烟消  
一聲長笛湖魚出  
菱葉蘆花歷亂搖

六瑩堂二集卷之八

大

詩雪軒校刊本

柳條霜折凍聲多  
湖尾湖頭送玉波  
却笑高人忙底事  
滿船星宿尚吟哦

題春筍

青笋初生纔一寸  
女兒玉指競纖纖  
宜人最是鶯花候  
薦入金盤勝蜜甜

題王黃涓給諫紅袖烏絲圖

瑯琊兄弟聲名重  
今日風流見郤陽  
手裏一枝斑竹管  
堂前七十二鴛鴦

誰捧吳綾白雪氍  
龍文虎脊候君裁  
驚看太華垂天下

疑是黃河伏地來

朝回無事愛高吟豈有青衣解用心幽是梅花豔桃蕊

一時香氣滿南林

使粵歸來無一物清風贏得滿朝聞侍兒重索羅浮繭

學製麻姑蛺蝶裙

洛浦何妨賦洛神琵琶相喚卽相親憑將一幅烏絲卷

識得黃門萬古人

題棟樹圖

并序

棟樹李司空完壁手所植也司空及其公子荔軒繪

六瑩堂二集卷之八

元詩雪軒校刊本

爲圖乞諸名公詩予友宋旣庭倡之予亦和焉

一見畫圖憐大孝司空手植意無涯傷心好似冬青樹

三月孤亭哭棟花

題梅藕長天寒翠袖美人圖

一叢修竹森如束幾疊琴溪曲似灣獨立美人無限意

愛君詩筆寫春山

微吟長日畫屏中翠袖當前颺晚風老去風流誰解識

昵人鸚鵡語金籠

友人席上賦得頻婆果

一種清香合坐於眼中凡果豈能勝燕山五月珍無價

莫付時人比賣冰

王桃如雪滿寒漿那似頻婆八齒香生長南中難得見

却來今日學初嘗

日南北果少人諳誰伴鵝梨寄一緘不獨清甜同石蜜

愛他香氣上衣衫

食罷頻婆自愴然荔支紅閉草堂烟珊瑚萬樹香千樹

不得林中夜聽蟬

嶺南五月蟬鳴則荔支熟

余仝廬司農新齋落成自題四絕屬客酬唱予亦

六瑩堂二集卷之八

元詩雪軒校刊本

和之

點綴官齋也一椽碧花紅樹傍來妍野人相過容疎放

學得吳蠶緩緩眠

玉泉新水碧於紗日午惟煎內賜茶閒倚石闌吟不斷

爲誰心折報瑤華

箔牀低度玉波涼粉壁輕黏白紵霜不是江南無此景

謝公裙屐帶來香

冰紈宮扇却煩暄水淀風荷靜到軒劍履十年猶髮黑

休將橘柚問家園



送陳季和

北來南去依慈母一奉嚴親復暫離  
青草漸枯多雪獵黃河初凍已冰澌

三楚文章舊有名比來聲譽滿神京  
龍髯鳳臆原天馬看取嘶風逐電行

萬松深處遍寒梅近水霜枝繞屋開  
湖月湖雲滿湖口一天香雪待人回

送爾天邊雁影疎懷人從此似山居  
幽州白日誰憐我深掩茅齋讀道書

六堂堂二集卷之八

王詩雪軒校刊本

送陳景夫

北道冬深塞草枯平原縱獵走韓盧  
紅衫雪笠黃驄馬見爾真堪入畫圖

湘水湘江橘柚香看來難得似君鄉  
尋常湖上觀垂釣雪後鱸魚五尺長

江行雜咏

北顧江山稱第一絕奇兩點是金焦  
移船便向瓜州去徹夜鐘聲應海潮

漁翁樂事少人知北顧山邊月上時  
網得鱸魚四十九

不須重去放鷗鷺

官船笳鼓疊聲頻州吏爭迎實要津  
記得往時王學士紅橋修禊只詩人

真州估客賣鹽人拋擲金錢不計緡  
大編珂駁千萬隻風光占盡廣陵春

觀音門外治城東今古山河在眼中  
獨上孤亭還獨立大江流水去何窮

六朝遺跡草荒涼野寺疎鐘過景陽  
聞道孝陵宮監在不應晴日上牛羊

六堂堂二集卷之八

王詩雪軒校刊本

青絲白馬識先成學佛焉能損太平  
惆悵蕭梁人已去獨尋衰柳到臺城

先朝國祚共靈長勲業中山異姓王  
誰識戟門飛燕子路傍人指大功坊

江上今年候不同江豚冬日拜西風  
行人纔入蘆花港只在秦淮一望中

三山縹緲插天青數日江程總未經  
倏忽風帆爭過鳥回頭空覺水冥冥

李白飄飄紫綺裘醉乘明月下扁舟  
騎鯨也是神仙事

謫降如何得久留

風流太傅人千古  
攜妓當年想像閒  
朱雀橋西那得到  
隔江頻看謝家山

泥汊港裏過新年  
屈指初來戊戌前  
一樹桃花數行柳  
照人顏色醉春烟

一江流水兩山分  
帆入天門日正曛  
月色下來銜斷壁  
雁聲高去度寒雲

京口蕪湖三百里  
江行十日阻風濤  
南船北去何容易  
片席穿雲鳥雀高

六堂堂二集卷之八

三

詩雪軒校刊本

江頭葉落晚紛紛  
月出江空但水雲  
永夜獨吟牛渚下  
竟無人繼謝將軍

白竈青鎗活火煎  
芥茶香發滿秋烟  
此來不飲中冷水  
那識人間第一泉

舟停曉起沒沙堆  
力盡篙師拔不開  
昨夜江龍吟不住  
大船風壓小船來

風迴江岸雪初收  
吹落江波作水流  
望裏雲山垂一片  
九華峯影在船頭

拍將銅斗見漁歌  
歌向西風舞短蓑  
射鴨欲從何處去

白沙洲上滿馱鵝

片帆飛度大江邊  
雁叫蘆洲雪滿天  
此去樅陽三十里  
故人高臥在龍眠

謂依巖方田伯

不信鴛鴦勝水鷗  
鱗鯉七尺亦銜鉤  
先朝舊設鱖魚廠  
今日江邊作酒樓

江深夜靜水聲多  
一一吹來枕畔過  
知是挂帆明日好  
馬當山下順風波

黃茅峽口楚江流  
正好風濤又泊舟  
一夜峽中防過虎  
算來那不白人頭

六堂堂二集卷之八

三

詩雪軒校刊本

彭澤高風懶折腰  
門前五柳影蕭蕭  
我來借問柴桑里  
猶有人能說晉朝

三尺紅船兩箇僧  
小姑山下繫寒藤  
朝來乞米波濤裏  
日暮還歸古殿燈

半領禁寒白兔裘  
夜深江雪壓孤舟  
高燒銀燭推篷坐  
貪看銀花落水流

風時高浪打船頭  
亂石堆邊撼石尤  
關吏放船仍欲驗  
馬家灣口最堪憂

早來輕雪散絲絲  
午後陰雲黯不知  
欲乞魚龍定風雨

湖神一為降靈旗

春日東林策蹇歸來湖上歲將除一年兩度經廬岳  
悔不山中去讀書

一閒茅屋幾株松中有高人曳短筇除却畫圖描不得  
雪晴間聽虎溪鐘

昇輿銜壁事堪哀一笑句吳失霸才天塹豈能攔鐵鎖  
龍驤果下舳舻來

雪晴江上滿魚叉水曲舟迴路有沙遙望一村何處所  
吳城烟火渡頭斜

六堂堂二集卷之八

重

詩雪軒校刊本

前湖江岸後湖沙竹樹臨湖有幾家昨夜雨來湖水長  
當門應得縱浮槎

舟泊潯陽水氣陰九江流入洞庭深榜人月黑連檣語  
半是吳音半楚音

吳中雜咏

三吳泰伯開基地廟貌于今始見新不是清廉湯御史  
狄梁公後有何人

謂中丞湯潛庵公

山連茅屋水連鄉傳說中丞到上方晴日太湖沈五聖  
不教兒女更燒香

蘇蓮巷口河水清紅板橋頭秋月明對月如花兩旁坐  
夜來不見酒船迎

一時萬姓共呼嵩

聖蹕初臨海湧峯畫閣紅樓瞻日月黃門宣諭語從容  
金錢幾箇裏朱囊老衲懸來供佛堂共道

君王親布施恆河沙數不相當

萬歲亭高靚碧霄伍胥廟口匯靈潮魚龍拜舞尋常事  
應有河神日夜朝

江南澤國盛東吳新製龍舟世所無專候

六堂堂二集卷之八

重

詩雪軒校刊本

翠華重幸日錦帆張去汎西湖

光福楊梅赤玉漿洞庭紅橘白魚霜棹橋更有梅花酒  
開去當壚索酒嘗

秋塘放鴨圖六首

清東溝西陂水清柳波涵日風日晴相喚塘心咳紅藕  
綠頭吳鴨太聰明

草屋疎烟竹裏飛水田菰米一時肥野人放鴨塘蒲晚  
月出滿城猶未歸

屏風鏡面楓林野放鴨天時日初下我亦前溪抱犢人

畫圖一幅知誰也

塘水汪汪不上塵羨他花鴨往來頻蜻蜓舴艋還隈岸

鳬茈雛頭欲闖人

雨後山烟一抹收照入新水湛空秋浮沈總在空明裏

露出菰蒲幾萬頭

沙面波心見曉天竹根流出水濺濺誰知物外人閒世

一隊新雛傷母眠

王將軍以吳太史送行圖索題

九峯晴色變蒼顏大將征南指顧閒可愛喻行吳太史

六堂堂二集卷之八

詩雪軒校刊本

生綃一幅寫寒山

畫圖長對碧窗虛細菊霜花日上初想到明公憐舊好

興來還搦右軍書

壁閒粉水桃花紙閣上句簾瑋瑋樓筆研琴樽與圖史

不教人擬富平侯

題王蒲衣姬人彈琵琶圖

紅蠻捍撥按彈頭鳳尾從從指上游總是王郎新換子

不會翻著舊涼州

盛鬢元雲拖繡領清臚寶月湛香衫知音識曲聰明甚

拾出冰絲似玉簪

贈鄒羽四廣文納姬十四首

子時寓鳳城  
鄒中山舍

溪上梅花欲報春鏡中如雪對佳人官衙紅幕青簾裏

一任香車步玉塵

交題文錦並心氍鳳脰燈光密坐邊今夜博山爐裏火

清香一氣上雙烟

冰簟生鋪七尺綃楚雲巫雨漲紅潮居然天上來神女

誰道人閒有小喬

齊容二八髮垂髻齋舍于今作鳳巢龍骨不愁投藥店

六堂堂二集卷之八

天詩雪軒校刊本

黃河原喜定阿膠

因緣未必無天姥結束懸知學內家不吐龍涎香一點

也應長繫守宮砂

紅鸞星影入高樓殊勝天河會女牛十斛明珠難得買

不煩佳麗問蘇州

白紵如銀製襦襦霜來刀尺亦生香愛他貼體容寬窄

欲向君前問短長

不信諳癡便是乖桃根桃葉入人懷釵梁却月牀頭落

猶自關心到錦鞵

歌來樂府愛鳥栖日出東頭月出西爲囑汝南雞唱少  
莫將長夜盡情啼

只道無人緩緩眠金籠鸚鵡立窗前相思本自韓朋木  
初撥琵琶第一絃

忍寒冬草不成茵近煖桃夭欲嫁春北阮較貧南阮富  
爲官今見讀書人

眼看人月總相宜書幌彎環月上時妾意早將含豈蔻  
郎心休更奪燕支

更從何處覓知音靜對無言解用心添得滿帷蘭麝氣  
六瑩堂二集卷之八

元詩雪軒校刊本

綠衫斜倚聽彈琴

金盤一一飣檳榔聰慧教人進客嘗孤燭照來無半夜  
寒林吹落滿庭霜

寄何季長

攬溪兄弟連枝好第五高名獨憶君相對幾回同語默  
素心不使外人聞

絕塵標格出層霄海國天圍不可招鴻雁北來霜又落  
竟無書札報秋潮

讀書門巷掩秋風黃葉今爲絳葉紅深夜不知城角曉

一燈湖影照來空

青鯉紅鰕和飯煮瓦盆盛出未朝烟漁翁飽食橫舟臥  
笑我都無半頃田

題家虛齋西山草堂

西山地僻成高隱手植青松過五山除却白雲來往慣  
更無人跡到柴關

長廊飛閣掩山形閣外高林露小亭人自閣來亭上立  
一峯銜入草堂青

水面高蘿百尺絲薔薇花綻一枝枝夜來不用燒銀燭  
六瑩堂二集卷之八

元詩雪軒校刊本

化作紅燈照小池

三十年來此重過迎人惟覺鳥聲多青山不改當時色  
空翠層層上玉波

與君同是歲寒心壓屋梅花覆地深且喜羣龍爭下食  
日隨老鳳發清吟

送黃愚峯之岡州

細菊穿離照眼黃冰池冬草尙畱芳經旬作客來高館  
帆影何因向夕陽

山樓長日對清虛仙令岡州遠報書百里客程頻數驛

一簾高閣快停車

甘竹灘頭霜雁飛白沙村口鯉魚肥江門一幅好圖畫  
明月滿江漁艇歸

蕺扇因君寫素辭五山從此費相思誰憐寂寞蕭齋夜  
點案燈花共劇棋

蘭湖大師以燈夕詩見貽次韻奉答

佳節空齋不點燈金錢欲買實無能明明如月琉璃下  
誰似蘭湖一箇僧

綠烟紅雨浸成迷花樹穿牆壓欲低燈市尙聞人到少

六瑩堂二集卷之八

至  
詩雪軒校刊本

與師明日試扶藜

獨坐無鄰夜氣漫擁爐惟有炷沈檀敝裘一領猶嫌少  
不畏春寒畏雨寒

霑泥桑屐懶行遊寫得藤箋當遠郵借問菜畦春漸長  
采青前夜幾人採

西堰城南咫尺閒如何各住似深山羨他沙鷗來湖上  
爲啄青蒲數住還

送竹垞

海樓山寺雨題詩勝日登臨酒一卮正喜追陪翻惜別

刺桐初葉柳初絲

題畫

萬山深處最高峯雙瀑飛流日氣封天畔石房誰得到  
只餘空翠落芙蓉

遠寺疎鐘隱半山小橋流水隔人間青谿松影重重閉  
幽鳥無心日往還

題朱竹垞太史小長蘆圖

錦袍爭似紫荷巾異代風流賀季真若道文章畱館閣  
一竿秋水又何人

六瑩堂二集卷之八

至  
詩雪軒校刊本

綠研詩爲嚴藕漁賦

灘鷁鷁鵲逐浪迴山根水濺峽門開誰人採取東西洞  
刷得龍宮綠玉來

一尺生烟幾寸波端溪溪上浴來多鴨頭春水無顏色  
持與詩人作玉磨

半天人語下叢霄寫盡吳中百幅絹最喜玉堂人不  
錦袍獨白倚芭蕉

謾說文章似鳳凰山來身世比鴛鴦珊瑚筆格堪相配  
畱伴紅絲付女郎

文犀紫貝橐中珍大笑南來盡俗人歸去綠天無事日  
一回重拂一回新

題方葆羽鶴洲圖

種松十里翠參天一水浮山萬壑妍繞膝兒孫爭授簡  
便如羣鶴噪芝田鶴洲書屋在浮山巖洞最奇勝

又題三畝宅養親圖

龍眠山護白雲肥我昔經遊歷翠微白髮故人歡笑處  
種來瓊樹盡成圍尊公依巖子女孫曾滿百人

又爲鶴洲題秋林讀易圖

六堂堂二集卷之八

詩雪軒校刊本

選石投閒寄野岑團團梧葉覆秋陰讓君撥藻揮金手  
一洗青林碧澗心

鰲龍屈蟠自如如性定能融太極初把得先人書在手  
幾回消息悟盈虛葆羽曾祖中丞公極楚軀賊忤相被逮著周易時論

題侯大年鳳阿山房圖

帝京騎馬過日日忽憶故山成一林清夜月明何事好  
竹梧風起亂交音

山房準擬學丹邱高對仙人十二樓天上鳳凰長自嘯  
不勞凡鳥更啾啾

香臂詩東沈原衡殿元

沈香長燕博山爐得似仙郎玉臂無休記南湖舊湖屋  
鴛鴦一對宿金鋪

九重恩詔下深冬閨閣初膺紫誥封對雪正思燒蠟鳳  
合香先已入銅龍

每日朝天佩紫囊還家猶坐鬱金堂怪來身滿梅檀氣  
透出天香異衆香

鏡奩捧出射朝霞詩卷箋來倚絳紗香氣盡攜衫袖裏  
不應紅白咒桃花

六堂堂二集卷之八

詩雪軒校刊本

只道天花手上開誰知天女散花來司香侍女聞香慣  
猶向人前說麝煤

未得聞香也自愁羨君芳氣滿紅樓黃鸝紫屬諸年少  
只喜蒼鷹下臂韜

蠟梅水仙詩并序

史蕉飲有二童甚芳潔一靜而昵予曰此蠟梅也一  
逸而遠予曰此水仙也各贈二絕句戲東蕉飲

蠟梅幽絕出羣芳側近簾櫳盡冷光日把一枝香在手  
夜來應得枕琴牀

呢人無語太多情密坐誰當近眼迎想見玉瓶甘露滿  
滴將香雪到心清

右蠟梅

天上神仙白玉童人閒何處被香風雲容水態看難定  
只在微波一鏡中

神光離合苦難親豈有花飛度襪塵何意天寒官閣裏  
特來相伴讀書人

右水仙

傳自遠明府招同韓醉白汎舟紅橋捨舟上法海  
寺遶蜀岡登平山堂而還得十截句

二十年來尋好夢于今始得客揚州錦帆莫笑隋天子

六堂堂二集卷之八

三

詩雪軒校刊本

風俗依然尚冶遊

故人知我好遨遊買得蜻蜓一小舟共向綠楊深處棹  
不須桃葉亦淹留

誰家園子百花香半出青山半女牆晴日滿河瓜蔓水

照人巾舄盡生涼

荇田荷渚放漁箭山徑松門石路高試著青鞋凌絕頂

茫茫應見廣陵壽

傑閣孤峯杳靄閒迷樓新作道場山蜀岡隴阪青松路

贏得高僧日往還

城郭樓臺烟火裏平山堂上豁然開江南江北看無際  
建業鐘聲又到來

當時名姓早相聞絕代詞人孰似君今日山頭聊一拜

白楊青草已成墳

謂江蛟門比鄰也墓在平山堂之左

不飲那知水味全冷冷香雪寺門前怪來未試龍綱餅

孤負名山第五泉

前頭金箔後銀簫隔浦歌聲向晚嬌醉倚夕陽人影外

綠烟如水浸紅橋

憶從水上跨虹蜺歸路誰知傍竹西愛殺城南好風景

六堂堂二集卷之八

三

詩雪軒校刊本

萬家燈火酒樓齊

題禹尙基江村圖

生綃親自寫江鄉雁汊漁汀聚一莊身入蘆花人不見

與誰閒去弄滄浪

釣船幾隻青溪泊刺竹千竿綠浪搖雞犬不知人世上

柴門終日廣陵潮

好鳥歸山不厭頻孤雲飛處隔行塵微微甓社湖邊樹

隱隱紅橋畫裏人

贈某翁



八寶城邊僕射陂春堤春柳正絲絲想君日在高樓裏  
坐到湖心月上時

舟過琵琶洲是徐驛愚村舍以詩招之

數聲寒雁一洲前潮去潮來薄暮天知是故人村舍在  
讀書燈火逗江烟

漁人星下挺魚叉一路長江出細沙吟向珊瑚洲上去  
櫓聲猶自撥琵琶

舟夜

虎門潮落晚帆開大纜風鳴石闕回相隔東陂二三里

六堂堂二集卷之八

三

詩雪軒校刊本

一聲寒柝報更來

入夜熒熒一點燈船舫相對靜如僧江閒星影兼天動  
正是寒魚欲負冰

不知何處祝融峯深夜魚龍氣盡封倏忽日浮南海上

琉璃波散紫芙蓉

贈聞上人兼送歸廣陵

老去觀心自不疑眉稜如雪白差差世人不解稱迦葉  
錯認彈琴是樂師

上人善琴

江南江北鯉魚風歸去揚州六月中盧橘楊梅都過了

嶺南方覺荔枝紅

踏遍名山一杖回依然鐘定觀堂開蕪城曉月何難得  
曾候羅浮日出來

送李偉公歸錢塘

十年相見不曾親祇見詩篇分外新一束蠻箋千百首  
遍貽香草與詞人

羅浮山色到重局臥榻高看眼盡青最憶惠陽酬倡好  
與君同客郡西亭

楚尾吳頭路幾遙蟬鳴堤柳影蕭蕭君歸湖上西泠口

六堂堂二集卷之八

三

詩雪軒校刊本

已過錢塘八月潮

歸去南屏自結廬不須長盼越江書青荷碧荇蓴絲菜  
紫蟹紅鯪鰓葉魚

送甥曾秩長之韶陽

燈下題詩連晦朔豈知離別在今朝渚雲江樹微微雨

汀鶯沙鷗緩緩潮

黃葉千峯遠客身小園才見菊花新寫將雙闕毬門石  
送爾登臨憶故人

高館山中又一年生涯只用賣文錢誰能採菽供慈母

似爾書生有研田

吳承雲從白園來訪予湖嶼盤桓旬日相與唱和

得詩二十首

君歸何日更重來一院秋花昨夜開四十年來湖寂寞

于今始見五雲回

菱荷風起不禁秋湖上驕人只白鷗除却月明無好夜

一羣飛雪過南樓

郎官如許自名湖過宿何關御史烏十日歡留分鶴米

一簾清影臥蝦鬚

六堂堂二集卷之八

詩雪軒校刊本

量酒誰當飲數升稱詩君似玉壺冰磨來墨著紅絲研

書遍研光白雪綾

小妓官粧盛藻翹玲瓏衫袖約金條燈來舊恨安黃額

請出新詞唱綠腰

遠書裁寄隔江僧昨夜秋堂共一燈人影在牆燈在水

傍湖紅溼幾多層

錦雉蒼鷹落玉弓荇絲菱葉自湖中月明風起夜魚上

鐵笛船頭一老翁

白園山色照江郊歸去秋風自翦茅我亦欲來雲際宿

煩君爲結一人巢

縱饒萱草肯相忘恨不長繩繫日長湖曲露團蓴菜滑

山中糖結蜜房香

青苔不上地衣塵山舍依然舊日新斤竹萬竿通各口

可能燒笋待詩人

未明相對到侵星紅稻餐來當玉粒多謝故人來慰我

田家秋作幾時成

京洛書來慰食眠門前烏柏曉霜天除過白社無他事

占得青山已六年

六堂堂二集卷之八

詩雪軒校刊本

西崦人家向水濱南園北垞更東鄰湖心總在芙蓉鏡

波而居然貝闕人

蓮葉東西縱所如一船笙笛一船書紗巾對客飲無比

草屨撈鰕興有餘

醉後翻憐醒自知夢中蝴蝶是吾師畫圖一幅蘆花屋

天地悠悠任爾爲

出天明月影幢幢入座星辰隔水窗窈窕不聞山鬼嘯

猖狂應見毒龍降

不妨僧過戛龍吟這是湖中却在林一夕誤爲翻水調

十年懸抱住山心

不向黃龍著死灰也從金粟悟如來談詩共作談禪客  
恐有曇花燈上開

但得存心在有恆何妨世事百無能年來一勺仙湖水  
陋巷顏回也共曾

經句只似片時談赤葉丹楓落日酣一別不曾離隔浦  
鶴飛猶擬見盧耽

送敏上人歸靈洲

閉戶梅花滿雪封經旬酬唱迫殘冬猶嫌車馬填城市

六瑩堂二集卷之八

聖  
詩雪軒校刊本

歸去空山自扣鐘

佛閣燈花結小除松門長夜白如孤峯有影新林月

四座無言一卷書

送吳諸樊白歲歸金茆

木蘭新築待君來幾日籬門特地開正好月明留不住

西風斜挂峭帆回

禾黍高低繞近郊溪山曲折入金茆人回沙浦看漁鱖

月出松枝照鶴巢

百年能得幾清秋聚散無過一水鷗飛去飛來天地闊

不勝惆悵上湖樓

對來語默似真僧入夜誰能記點燈待得月弦牆角出  
滿堦黃葉落層層

銅瓶汲井日三升香薷煎來綠化冰供與詩人吟徹夜  
重煩新句寫吳綾

少年射鴨竹枝弓老向湖頭矮屋中樂府唱來空自笑  
人間不識有柴翁

秋柳蕭疎盡見湖夕陽何處更藏烏老來自分頭如雪  
覽鏡誰知尚黑鬚

六瑩堂二集卷之八

聖  
詩雪軒校刊本

烏雀爭泥踏蝕塵蔭薇烟火逐時新豎儒識字終何補  
合把黃金讓貴人

君家兄弟總難忘別日情添到日長約我入山同一飽

夜煨松火芋頭香

卽看園菊散金翹爭似山梅白玉條烏帽跨驢吾已定

待君同去雪埋腰

送吳承雲歸白園

虎泉一去草堂寂賴有白園頻往來今日白園又歸去

草堂懷抱幾時閒

香草崇蘭共此心  
兩旬明月一湖吟  
尊常杯酒成離別  
哀怨王風屬古今

南頭大阮帝京遊  
小阮風流更北頭  
同在金茅山下住  
一家詞賦已千秋

題殿一姪石壁山房

幾重門巷夾荆扉  
野果深冬墜雪肥  
千尺石屏雲際立  
山風吹上酒人衣  
日射寒林未到堦  
鳥從天半影山齋  
五山隔斷無人見  
飛下長松滿地奴

六堂堂二集卷之八

聖  
詩雪軒校刊本

老樹合圍橫削壁  
孤亭亦壓兩三枝  
看來剝落青銅色  
想到森寒黑夜時

剝啄誰能復扣門  
讀書長日傷雲根  
家僮掃葉燒茶竈  
頗耐泉聲入耳煩

煙霞寧爲野人來  
屋裏看山處處開  
並與盤餐同一飽  
夜深忘却竹燈回

過何瑚山滄浪洞別業賦贈

人烟亦有滄浪地下  
映溪橋上  
映山添我老夫來  
狎坐  
忘機長對白鷗閒

香山書院郡城西  
太傅當年有舊題  
今日賢孫開別墅  
傷人休認武陵溪

夕郎庭訓早聞詩  
年少聰明衆所知  
緡閣賜書皆祓本  
不煩門外更尋師

青螺香脆味沙糖  
紫蟹經霜甲內黃  
更醉欖溪千日酒  
便拌身世在糟牀

形骸爾我都忘却  
兩世通家意自親  
輕薄世閒惟有笑  
鬱洲居士本狂人

題藍山人躬耕圖

六堂堂二集卷之八

聖  
詩雪軒校刊本

杏花蒲葉迸春齊  
阡陌龍鱗事一犁  
家在武夷山下住  
飲牛時得過清溪

天下山川雙屐遍  
年來長嘯復滄洲  
形骸放浪原無著  
誰論騎牛更覓牛

北地共尋桑落醉  
南天重看木絲開  
高雲鳥下青蕪夕  
作客不如歸去來

胸懷落落實君真  
道是詩人亦酒人  
除却畫圖無處寫  
肯容毫髮入風塵

題何開仲帆園

帶郭人家似水村溪邊帆影上離門微紅淺白深黃菊  
十月花開直到根

見著好花心欲死與誰荷鋪向花埋龍鱗老樹欹臺側  
也被風吹葉滿塔

絕塵風磴出飛梁十字闌干貼短牆却怪冬來霜雪少  
平池沙暖睡鴛鴦

地主無過陳仲舉同來觴客亦詩豪北城鎖鑰籠燈入  
歸去城南月漸高

偶題

六瑩堂二集卷之八

墨詩雪軒校刊本

黃豆蒸來滿甌香白鹽調下白如霜更加半碗紅黏飯  
便是幽人一日糧

爲王令詒題竹溪聽雨圖

紫蘂深綠覆溪長浸得衣涼簟分涼不覺雨敲金鎖碎  
又疑身在碧瀟湘

又題梅花村晏坐圖

鄧尉諸山望欲空茅茨村舍遍香風蒙頭雪裏無人見  
只在鴻濛一氣中

又題南行圖

更隱無如嶺外閒攜家先出泖湖灣一船琴鶴連書簞  
頗怪先生似入山

又題擁書萬卷圖

甲乙帷中分秘本琳瑯金薤昭來新若非三舍神仙字  
那得當年著述人

送袁休菴歸昭江

朱槿花開繫纜邊黍苗新雨漲晴天山高直上羚羊峽  
灘淺橫撐木馬船

大湘小湘當上流蒼梧山下雞籠洲明玕玉色昭江水

六瑩堂二集卷之八

墨詩雪軒校刊本

沙際迎人滿白鷗

無日不同文酒會城南觀察最相親尋常夜語深燈燄  
離別如何不怡神

虎門潮上石門潮潮去潮來暮復朝莫怪送行人易老

綠楊如髮已垂條

鬱水鯨魚飛雪鮪增城挂綠溢瓊膏君來兩度經長夏

歸去應知夢寐勞

江樓面面對青山鳥道屏風入座閒除却讀書無一事

達官長作野人閒

送周恆梅歸山陰

兩世通家弟與兄廿年相見此時情無端挂席西風去  
海上潮生明月明

岸動江根槩劃波微涼天氣入秋多韶陽山色重重見  
一派灘聲到五婆

老鶴橫天任意飛雙雛銜翼側相依秋風水國蘆花白  
萬頃雕胡待爾歸

黃葉千山客路遙蟬鳴山驛柳蕭蕭錢唐江上潮還到  
無復英雄更射潮

六瑩堂二集卷之八

聖  
詩雪軒校刊本

佳水佳山遠會稽湖田湖屋榭幽栖黃龍會下猶能記  
居士觀心得本樨

端溪硯詩

一塔二塔擁嵒臺釣舟橫向峽門開端江五月鱗魚美  
日日冰盤進饌來

靈山寺鐘聲入雲天寧寺鐘江上聞永夜魚龍眠不起  
獨吟孤燭對星分

題履公詩冊卽送歸吳門次韻

芭蕉葉葉捲秋窗竹樹當風掃地長深院閉來無一事

與誰閒咏在松房

見山才悔入山遲金色頭陀羨我師一指豎來人不識  
木樨開過已多時

話到吳門憶舊遊人生何處不淹留維兒塔畔寒塘裏  
半月桃笙臥一樓

送沈方舟入秦

匹馬西行首護迴插天華嶽壁雲開仙人笑指三峯畔  
待爾芙蓉掌上來

新詩想到渭南多醉擁秦娥日夜歌若問咸陽古時事

六瑩堂二集卷之八

吳  
詩雪軒校刊本

出關青草隔黃河

答佟聲遠次原韻

雪花黏飯菜王餘舊築華跼嶺外居念爾七年歸薊北  
隔秋猶寄日南書

筆格珊瑚總不羣幾人風雅得如君請題新句書紅葉  
送我還山弄白雲

老大相逢各鬢蒼蛾眉容易颯秋霜近來學道稱居士  
早已觀空禮法王

海內論交意氣傾世情誰得似君情關心往日三閭裔

眼見鵝雛已長成

鶴立階前破積苔與君執手尚徘徊黃花酌酒不成醉  
白髮變時能再來

草堂那比鄭公鄉在村看君似謝郎別賦寫將高麗紙  
夜深虛費眼明靈

一椽仙湖接雁城呢人鸚鵡太牽情聰明解識餐紅豆  
種得相思子又生

騎驢一踏薊門春便擬抽身作隱人將上羅浮峯四百  
黍珠菴畔結山鄰

木瑩堂二集卷之八

寒

詩雪軒校刊本

紅梅

一枝茅屋凍難禁  
豔蕊當春又遍林  
望去玉烟浮絳雪  
吹來香氣結檀心

題友人天女圖

詞人好色使人猜  
君是維摩大辨才  
獅子不曾畱一座  
半空天女散花來

白始興江口取道山中度嶺作寄示述兒十首

墨江一水兩山分  
早起山烟蔽水雲  
村巷幾番鵝鴨亂  
隔松僧磬不曾聞

田乾不見收油菜山響猶聞剷茯苓最愛雪晴峯數點  
寒松高插一峯青

分明春色未曾深  
霜氣朝封烏道陰  
石栗滿山誰拾得  
怪來天半有猿吟

淺淺沙灘水易消  
幾叢蘆葦白蕭蕭  
無人解住江邊屋  
一就迴汀架小橋

紅柏照人山舍好  
梅花開日較冬遲  
尋常不見當壚女  
也有風來颺酒旗

燒笋烹葵少是非  
春晴長日晒松衣  
人家大半千峯下

木瑩堂二集卷之八

平

詩雪軒校刊本

不見青天一鳥飛

射獵平田隨地有  
山莊泥屋自爲鄰  
看來亦似幽州道  
獨少紅衫跨馬人

山行多少帶弓刀  
爭似衝寒著罽袍  
同在路途人不覺  
一峯低盡一峯高

楚水平分一派流  
雄關相隔似鴻溝  
梅銷嶺上黃茅屋  
可有人家是故侯

著述從今向石渠  
回頭猶自憶湖居  
烏衣子弟推王謝  
不信門庭不讀書

度嶺

路入青冥紫翠重山城天半遍提封南離赤日當鶉火  
莫問寒門住燭龍

嶺路高低總是天龍人衣帽半蒼烟孤亭記得紅梅驛

今日重來十四年

黃雲滿地堆禾黍山舍流泉映夕陽冬暖近來春雪少

山人天上放牛羊

一線行人鳥道回雲埋石硤不曾開峯頭白日聞雷吼

倒挂蒼龍百丈來

六瑩堂二集卷之八

至

詩雪軒校刊本

望去中原無幾點貼天高劃一痕青誰能不拜張丞相  
驅得神人是五丁

遠山持鉢見僧回古寺昏鐘向客催立馬臺關疑雪色

梅花飛滿一天來

南安舟中卽事

行人解識稱庾嶺平越高名與嶺齊鳥道只同騎馬入

當時誰請一丸泥

舟行初放幾重灘向晚灘聲欲作寒掩映畫圖人不覺

隔江晴雪挂魚竿

九十九曲上猶水篙師蕩楫往來頻牛羊滿目平田上

不見芙蓉渡口人

片帆飛去幾灣環總在春流杳靄閒萬樹高松天外出

江行難見此青山

東山古寺一鐘鳴半夜吹來雜水聲星蔽遠峯猶未出

漁燈幾點照人明

分明江水葡萄綠翦出鮫綃入眼新誰識卸來青黛色

石君山上有夫人

儲潭卽事

六瑩堂二集卷之八

至

詩雪軒校刊本

山頭長日廟門開估客船舷去復回打鼓祭神人不斷

前灘爭抱白雞來

舟行百里盡灘聲灘石堆來似用兵不信風雷行地底

舉頭波浪幾曾平

雄縣店壁和衡陽女史韻

九疑如黛落湘中疊作湘烟畫不窮莫咒桃花學兒女

此身台在蕊珠宮

泱泱溝水路淒淒日向東頭月向西曾見茂陵長渴病

誰能嫁娶不須啼



題朱子青橡村觀稼圖

梁上好同丁字水橡村應是午橋庄四天爽氣秋風遠  
一帶高原夕照黃

村前村後稻花深蟋蟀田閒亦助吟寫入畫圖誰占得  
鵲華山色落龜陰

偶題

客舍長安書掩扉落花何苦上春衣紅樓畫閣人難到  
新燕身輕自在飛

題吳樵谷小照

并序

六瑩堂二集卷之八

五

詩雪軒校刊本

照貌頭陀披紫伽黎衣趺坐蒲團顏曰寒崖枯木

披來金縷紫袈裟誰信維摩未出家至貴只因甘蔗種  
妙香常供鉢羅花

龍樹聰明貪好色杼山清淨喜吟詩人閒結習那能免  
要識闍黎默坐時

琉璃廠裏絕塵埃精舍經旬閉不開剔得常明燈一點  
夜深天女散花來

寒崖鳥道冰千尺枯木龍吟鐵一枝不是撥殘煨芋火  
此中滋味有誰知

南歸襍吟

白驢雖瘦四蹄輕細犢車隨蹠踐行載得張華書十乘  
不須迴顧舊塵城

笑指天邊放白鷗紅舷先泊大龍灣買將發櫂長河去  
日聽吳歌告霽閒

黃船塢口接通州一拜龍祠別鮑邱從此入南窓入北

九河流到九江流

潞河水消三四尺香河水消五尺餘聞道衛河猶作漲

枕河人半未安居

六瑩堂二集卷之八

五

詩雪軒校刊本

千扇高帆一線過舟行今日好風多村童岸上吹黃葉

溪女沙邊喚白鵝

沿澗村岸傍河濬驢放秋田嚼草新一縷水烟林影外

打魚人喚買魚人

丁字沽連西直沽天津橋外屬長蘆白魚紫蟹青菰飯

我欲烟波作釣徒

遶河堤岸幾灣環湧出陂陀卽是山忽見夕陽移浦口

不知帆影落林閒

平原秋草著霜肥放鵲擒鵝列四圍何似蠓蟬關塞好

海東青貼碧天飛

津門流下卽碑河三日川程一日過楓葉幾時看得到

東南秋色渡江多

漸覺秋殘朔氣回重陽節後菊花開酌將金盞千杯醉  
買得銀魚百尾來

九月鴈風窳地新河流深處總無塵堤邊萬樹疎楊柳  
映出紅衫畫裏人

得從漁父棹歌回動地邊風聽莫哀不見雍奴三角淀  
漢家曾破五幡來

六瑩堂二集卷之八

雪

詩雪軒校刊本

坐來深夜倍精神起向船頭立數巡兩岸水聲風在樹  
一奩天鏡月窺人

颯然風起大河傷氣候何常是北方怪得今年多雨色  
秋高木葉不曾黃

曲渚圓沙竹影團客行遙作幾重看人家楊柳爲門戶  
半挂魚脣半釣竿

處處霜封隔聚林家家門掩拭秋砧月明不照勞人夢  
水定能空靜者心

土屋孤村絕四鄰馬蹄長日撲沙塵經過競說桃花口

那得秦時避世人

熏爐一片菜花銅天氣初寒著火紅珍重竹牀兼紙被  
女兒香蘊在當中

凍死無過黑貉裘毳毼一領更蒙頭天行肅殺尋常事  
莫向風前怨石尤

舟行遲速不由風只在前舟有路通逢著夾河行欲斷  
一林柿葉照人紅

野老田閒打麥回茅堂新釀撥缸開村前萬頃黃芽菜  
都向船頭日影來

六瑩堂二集卷之八

美

詩雪軒校刊本

朦朧星月浸秋烟風起舟行未曙天却使飛禽翻向後  
看人騎馬幾能前

次臨清作

只道舟行不用催經旬能得幾回開督漕賴有巡河使  
今日殷勤進閘來

月色微微涉漫波關前頻聽榜人歌那能一汲琉璃井  
已度新通孤子河

爲沈方舟侍者倚風作

學梳新髻出花陰小立春風聽早禽只向閨幃熏繡被

何曾首飾耀黃金

暫時秋葉各飛林終擬春潮入海深願作玉盞擎在掌  
奉君咳唾到中心

贈蔣高卿隱者

歸去湖山臥紫煙幅巾遙映釣魚船囊中定有長生藥  
誰道韓康不是仙

送雲錫五

紅雲方宴荔枝頻嘉貺那堪更薦人欲向河流看馬頰  
先從江水汎龍鱗

六瑩堂二集卷之八

五

詩雪軒校刊本

生來標格自堂堂車從威儀入帝鄉仍近人前道詞  
賦相如貲乃得爲郎

年少多才出衆中都官知爾立奇功安流不待桃花水

築得秋風瓠子宮

送人之安南

海上烟開雨氣消滿帆風信報今朝星辰日月波濤裏  
一夕飛行萬弩潮

白袷輕衫穩稱身看君汎海似遊春微茫一點龍門泊

艾嶺花開已待人

題藥地愚者畫石

有序

前相國方密之先生出世後號無可自稱藥地愚者  
開法青原山時以焦筆寫畫奇峭生動如公峻節非  
人所能及哲孫鶴洲出畫石見示盥沐展觀敬題軸

額

一柱東南扶地軸偶圖巖壑亦千秋分明烏道青原上  
那許閒人問石頭

題唐新禪小照

誰識儒裝亦似僧伽黎衣覆一層層選官選佛尋常事

六瑩堂二集卷之八

五

詩雪軒校刊本

慧業文人見汝能

暗裏聞香見始真靜中形影自相親蒲團穩坐梅花下  
一樹梅花一箇人

題冊子

虎旂芝蓋集仙賓玉葉雲芽出薦新今日得逢許斧子  
君家元有魏夫人

千尺蒼藤百丈松子孫鱗鬣長虬龍麻姑海上頻來往  
知在蓬萊第幾峯

題查書雲騎驢踏雪圖

幾株老樹欹邊岸一疊寒溪折小橋人入畫圖天地裏  
不妨驢背影蕭蕭

銀州金海玉門關龍驤貂裘雁磧閒那似高人閒策蹇  
斷吟風雪出豳山

蒼淋古道沒荒烟絕照孤情捉一鞭納納乾坤何處是  
寒崖千尺立當前

題贈

一雙霜鬢映童顏滿屋梅花點地斑何必龐公共妻子  
鹿車相挈入青山

六瑩堂二集卷之八

詩雪軒校刊本

服藥尋仙自可求羅浮門戶是浮邱葛洪丹竈分明在  
翠宇還開大小樓

一枝葛令龍葱笛五色麻姑蛺蝶裙羽爵進來丹醺滿  
紅樓歌宴正紛紛

朱陵佳氣落簾鉤雲母屏開二石樓添得日芒兼月腦  
不須還仗白浮鳩

題贈

鶴禁賜書金鳳紙幾人閒臥得如君光依少海金輪月  
香染蓬山五色雲

四時天平作吟龍翠鬣蒼鱗百尺松明月照來雲復挂  
南高峰並北高峰

大將

十萬旌旗走似飛山鳴谷應震軍威無諸國裏彭湖島  
誓斬鯨鯢奏凱歸

老僧

莫道無形是有形能從寂寞現精靈人間盡具光明藏  
只要堅持七寶瓶

詩餘附

六瑩堂二集卷之八

詩雪軒校刊本

南鄉子

荔枝

南海最知名孰與胡桃比重輕釘出金盤親手擘程程  
不信胭脂盡化冰恐是許飛瓊恐是仙人下碧城翡翠  
裙香嘗也未卿卿一笑能教一坐傾

莞香

點汗透單衣著箇薰籠也却宜難得馬蹄岡馬尾如絲  
急取銀灰撥玉匙霧結隱蛟螭不數龍涎與麝臍小  
紫囊藏幾片稱奇莫惜黃金問女兒

了蘭

夏月養風涼吹出蕪蕪別樣香好是趙家嬌姊妹昭陽  
不管騷人願結裳 空谷也揚揚一氣同根沒短長半  
夜酒醒看夜合相將清夢還思入碧湘

巖硯

小雨半池荷滴到蕉窗葉幾多似有峽雲埋洞口來過  
指點疎星在絳河 開匣不曾磨已覺生烟滿玉波筆  
格試來誰最好吳拖肯許人知換白鵝

玳管

六瑩堂二集卷之八

空 詩雪軒校刊本

玳瑁海人乘蛻甲猶堪重管城碧血結爲紅瑪瑙通明  
三寸拈來當紫瓊 斑竹怨湘靈淚溼離騷一卷經爭  
似綠天無事日書成現出珠崖動四溟

素馨

開白一汀烟市出三城日萬錢綰得佳人頭上髻堪憐  
掩映鴉黃綴翠鈿 朱雀小窗前斗帳香籠不忍眠供  
養世尊無內外燈懸總作天花落梵天

葛衫

纖葛出增城就是蜻蜓翼較輕三伏製來衣貼體清冷

怕逗風吹習習聲 猶記纖初成花下靈梭緩緩停添  
向兒女箱第一聰明入貢雷州浪得名

藤簾

宛在水中央捲起蝦鬚夏日長人字結將千萬箇成行  
不待風吹入夢涼 輾轉貼衣裳猶帶崖州草木香一  
任蟬鳴深柳下斜陽潏潏波光上屋梁

葵扇

湖外種芙蓉那得清涼入屋中惟有蒲葵裁六角搖風  
不覺人人學謝公 隨地助談鋒障盡吹塵十丈紅思

六瑩堂二集卷之八

空 詩雪軒校刊本

向羅浮看瀑布黃龍蝴蝶飛來撲又空

榕陰

一片綠當心四面高空自作林地籟過時天籟起風吟  
箕踞其中獨鼓琴 夕照不知沈虎倒龍顛蔽葉陰謾  
說牆頭桑羽葆堪尋杖策歸來月已深

點絳脣

素馨花燈

箇是花神美人生長花田大心情無那結出鴛鴦帶  
供養世尊願作燒香會香成蓋琉璃世界處處無邊外

踏莎行

江上聞笛

高峽雲愁清湘水咽龍吟夜半飛寒鐵孤舟獨釣四茫  
茫紅衫幾點露殘雪斑竹蕭騷黃蘆淒切江樓夢到  
關山月關山月苦照何人閨人淚作燕支血

醉花陰

翡翠

紅袖綠衣花上冒風颭芙蓉扇雙影碧波圓攪亂佳人  
欲棄珍珠鈿荔枝時節紅雲宴遊戲珊瑚殿鸚鵡母忒

六瑩堂二集卷之八

詩雪軒校刊本

聰明來自隴山都把炎洲羨

鳳棲梧

天寧禪院燕集

積雪初消江峽口孤寺相尋又飲端州酒隔水鶴歸松  
暝後禪堂僧定金鐘吼燈影照人如白晝紫廟青綾  
台坐皆舊舊密字真珠書滿袖吟哦適盡蓮花漏

點絳脣

送友人

薊北歸帆江鄉直溯秋潮去玉鱸肥處飽聽孤浦雨

一度春來鄧尉山中住梅花侶吳姬笑許斜倚吳簫語

白舫青簾雙江記憶乘流去墨雲圍處纂纂跳珠雨

忽設相尋客舍城南住同灌侶燈邊共許酒後琵琶語

月下清淮思君夜汎吳船去征人歸處點點珠湖雨

蝴蝶飛來邀我還山住軒轅侶羅浮寄許書報長安語

木蘭花慢

竹葉符贈王使君

是誰人拾得飛去也尙依然絕不似朱砂又非黃紙一  
片句連洞天羅浮道院定綠章封事押其間崇印雷文

六瑩堂二集卷之八

詩雪軒校刊本

上下松釵鳥跡旁偏當年曾袖石樓邊夢向小窗前  
有金荃詩卷蓮花梵夾映帶鮮妍翻憐洞庭零落只隨  
波流恨摺湘煙縱辟蠹魚散帙怎如驅鱷長篇

六瑩堂二集卷之八

右六瑩堂集九卷二集八卷 國朝南海梁佩蘭芝五  
著先生與屈翁山陳元孝稱嶺南三家海內所稱藥亭  
先生者也王盤麓所刊嶺南三家詩固已不脛而走而  
專集顧罕流傳集中 國初諸老評詞附錄卷首幾於  
重規疊矩然竊謂不如自言者爲獨見真際所謂飲水  
自知其冷暖者歟先生與王蒲衣書謂於古人神化處  
微有理會飛衛之爲射也燕角之弧射貫虱心庖丁之  
解牛也秦刀至於口不能言此神化之說也書今存文  
集中以殘缺過甚未及重梓陳元孝獨漉堂文集有答

六瑩堂集跋

詩雲軒校刊本

先生論詩書謂先生之言曰性情欲流規格欲別詞語  
欲化又曰於燈於影水取空風無聲雲無色煙無氣此  
皆氣象之似須成詩後觀之非可按爲實法必信斯言  
韋蘇州猶有慙色王仲初去之益遠元孝各爲下一轉  
語而原書已不存矣然亦可知當日兩人稱詩固有相  
喻於微者宜其如異軍蒼頭之特起與 國初王朱查  
趙諸老並張旗鼓於中原也洪北江論詩絕句謂饒有  
昔賢雄直氣嶺南猶似勝江南北江江南人也其絕無  
鄉曲之見者歟是書爲譚玉生明經藏本合刻於康熙

戊子爰屬校勘而重梓之設識數語以質之海內之言  
詩者庚子竹醉日後學伍元薇謹跋

六瑩堂集跋

詩雲軒校刊本

評詞

王阮亭曰柴翁每過余漁洋言羅浮之勝周廣綿袁高列四百三十二峯鐵橋橫亘石樓互聳其中璇房瑤室靈樾有芝珍禽怪獸無不備具今盡讀柴翁詩何異從仙人華子期登華首入冲虛上上界三峯高立青霞下臨丹竈飛雲奔瀑舞蝶翔鸞周環俯仰之間目快心怡觸處俱成異境信乎山靈毓秀文字傳神未易易也

朱竹垞曰藥亭之詩其筆若游龍其養如木雞其才肆

六堂堂二集評詞

詩香軒校刊本

其學富其氣磅礴若滄海溟濛中巨者細者無一不具靈異之氣其奔鯨摩竭電激雷响卽棘鬣吐光螭蝶噬沫皆非常類可擬

方依巖曰藥亭敏性潛心銘異才於正矩之中其詩凡數變少年才思奇特闢語驚人一變而渾含包舉意槩恢宏再變而骨淨神融體舒氣靜今則洗滌烹鍊廣博澄涵神骨聲色皆備之矣先君向與陳臥子先生主壇坫論詩之新緊刻動比讀藥亭詩於眞實處見其新於寶緯處見其緊於平淡處見其刻於安靜

處見其動眞九轉之丹可以療纖薄膚腐之疾

宋牧仲曰性絕外營則心澄內照讀柴翁詩得其超曠淵深便可想其生平澹然塵境之外

蔡九霞曰人見其奇異者才也雄渾者氣也沈鬱而靜細者學也要其天人並到故安章命意琢句鍊字無不由學以發其才而氣自貫乎神脈之內

嚴藕漁曰藥亭詩如蒼松古梅受日月之精華歷雪霜之凝結體堅氣厚自然鐵幹虬鱗橫斜聳立卽柔枝嫩萼亦別具幽姿絕非凡林可比

六堂堂二集評詞

詩香軒校刊本

梅藕長曰老將制敵熟其地勢察其情形故用正用奇用虛用實出於莫可測度然後戰無不克藥亭詩之勝人者於未落筆時審之精富非人所能測也

龔衡圃曰南交山海靈異才人人殊柴翁之才畢具讀其詩如長江秋注千里一道極汪洋之觀則其才之浩瀚也如危峯絕壑穿倚河漢徑路俱絕則其才之雄特也如空山月明遙天鶴唳清曠無塵則其才之超軼也如蒲團入定爐烟細裊能資人靜悟則其才之沈穆也如鐵騎疾馳笳鼓競作時增悲壯則其才



之雄邁也如疎簾午風雅琴徐撫有和平之樂則其才之幽靜也才無不備而有學以充之故獨拔南天之萃

王南邨曰詩固神明變化之事其聲也氣也其神也情也心之所觸口不能宣而默喻以解此余在嶺南與三大家論詩之義而六瑩先生尤深契之今別忽七年復於燕臺旅邸得讀公詩接席傾篋長嘯高吟其情之至也神之融也氣之渾也聲之和也神明變化之能事備矣斯之謂詩斯之謂古今來所必不可少之詩

六瑩堂二集評詞

三

詩雪軒校刊本

白易菴曰梁公澄懷峻品疎與儕俗侶杜門撰述屢空自如不異爲諸生時余以風塵吏欽其生平愛其著作十載過從投契於形骸之外今公歿鶴洲編其遺集示余余見之愴然讀之奮然曰此天地之間氣風雅之正音也宇宙之珍世所共寶况公爲名壇老宿揚風屹雅者六十年海內尊奉得其寸箋尺幅如晴珠和璧安得不亟謀剞劂以慰同心之好鶴洲爲之倡其校讐之役余何敢遜

姚齊州曰大雅之音貴於高渾乃聲盛者情僞意真者語鄙卽事雕鏤終傷淺薄非才氣超特學力充贍未易意闢鴻濛聲諧金石也余束髮學吟咏隨先大夫宦游西江一時如李太虛黎博菴陳伯璣諸前輩論詩比卽聞嶺南有梁解元名厯二十載余始與公交今且十年簿書之暇時吟咏就正公有所作亦常錄示蓋公之性情高潔學問淵博每一振筆如游龍夭矯馴鶴翱翔余深契於公惜公遽騎箕尾以去不忍公著作之沒與同志者商以行世使天下讀之知公之氣骨如玉立晶瑩其神味如蘭香蓮潔皆其才學深厚如淵停岳峙也

六瑩堂二集評詞

四

詩雪軒校刊本

李澄園曰吾鄉王山史先生曩與余論當代詩推嶺南三家爲海內詩壇之傑太史梁公尤嶺南之傑余心志之常詢於鶴洲得悉公道德文章之備今余量移爲臺關長至仙城正擬高會君子之堂炙其儀範因過鶴洲寓舍見其斷簡殘編手自抄輯謂余曰梁公不可見矣此搜存遺稿具在余讀之累日夕愛其清音浩氣洗滌陳言取境嶠崎安神渾厚真風雅之正

宗信學易老人月旦之不少欺余思詩有公評美當共嗜亟與鶴洲廣計流布爲宇內讀者所共信也

齊峻谷曰詩家論神骨論氣味然神骨之清氣味之厚在用意深渾非讀書融貫者不能余慕梁公久今承乏粵土而公已赴修文之召悲訪遺集幸於鶴洲方君旅次見其編輯得盡披覽如游大海中浩沔澎湃浸灌天地儼而波溢風定儼而雨激雷驚儼而日轉月輪錦雲綿布儼而巨鼉舒臂影聳山立天吳揚鬚勢逆濤奔儼而方丈瀛洲璇宮瓊室儼而瑤音璫奏

大鑒堂二集評詞

五

詩書軒校刊本

鶴舞鸞翔萬狀靈奇莫可名象益信公之才超意擊神骨氣味皆積學以充之也有此異觀安得不公之海內

趙秋谷曰詩之作者益多而詩益少其文無情其情不文也藥翁詩情至文至得於性成於學其渾融葱蘢氣色未易爲俗輩望見

史蕉飲曰詩言志原以寫其情聲調格律中自有融洽纏綿之致如珠玉之光不自外飾此柴翁詩之令人彌讀而彌深也

顧桐村曰昔人稱山巨源如渾金璞玉人皆欽其寶莫能名其器藥翁詩慧心積學渾氣清音光采內含真可欽而不可名者一讀一爲心折

朱西圃曰梁公抱不世之才著述等身爲名壇老宿自余領郡五羊倥偬簿書而孤介之性與公投契時造廬爲道義交每寫懷作韻語得公和章便令劇郡勞人若飲澀餐霞超然作塵外想今公歿得吾鶴洲亟傳其集而公已千古矣

大鑒堂二集評詞

六

詩書軒校刊本

樊潛菴曰先生爲嶺南三君子冠其文如韓潮蘇海浩渺洗洋莫可涯際若夫詩挖揚正變高渾樸茂直抒性靈而才識並軼西崑諸公論詩以氣味標格之清者爲上乘先生直浮屠合尖至於造極故噪名字內垂六十年余自學拈韻時卽於吾鄉顧書宣史蕉飲兩太史案頭得讀祖饒寄懷諸作及他著述心契神往欲得拜牀下未能也癸未令臨高始得詣大鑒堂交先生盡讀辛酉以後作其前冲融之氣至是擴而爲排蕩磅礴昔人謂昌黎眉山晚歲詩文益奇肆宕岸良足徵也

張損持曰藥翁詩如其人其品高其意篤其氣溫厚其  
內蘊淵博其體格超越絕非凡近可擬

王崑繩曰讀六瑩堂集文藻繽紛幽思綿渺高吟默會  
悠然神氣冲和真乃冰雪淨聰明也

余與藥亭少游里閭老慰京華惟中年罹難去鄉參  
商三十寒暑然此繫戀情深不隨離索少間何也藥  
亭蓋畏友也博極經史而尤深於吟咏以翰苑瓊琚  
之學盡寄於騷壇風雅之林其超越則天馬行空樸  
畧亦周彝漢鼎非負絕特之資察乎古今天人之變

六瑩堂二集詩詞

七

詩雪軒校刊本

而通其洪纖動植之情安能緣情托物憑藉而出有  
如是也余不敢謬與精神凝合物我都忘方冀倚托  
流餘詎意夙因先證其五福雖云差備而不朽盛事  
尙未盡傳今幸世友方鶴洲雅佐學使翁羅軒先生  
暨諸令君不忍此淚珠煙玉長祕山川就其後人孝  
穉函一搜羅遺稿悉登梨棗余垂暮無似得參校閱  
其中種種精妙諸鉅公品藻最真足堪不朽豈容妄  
贅駢枝因而表余投契畏友之私附名公評定之  
末以誌人琴之感云八十三耄弟廖煒識

哀詞

旃蒙作噩之歲病月晦日太史梁公鬱洲先生以疾居  
正寢清寧靜穆熙然浩然而逝一時聞者驚悼歎息里  
巷咸輟舂杵其子若孫率男婦戚串呼號哀痛羅跪牀  
下玉以通家子亦得入視含殮哭之失聲蓋棺後閱旬  
日始能銜哀搵淚拜奠於几筵而爲之詞曰嗚呼宇宙  
亦大矣一時之歿者何多或夭或壽或貧或富或窮或  
達或樂而逝憂而逝逝各殊形而哀者泣者悼者惜者  
聞而慨嘆見而欷歔者亦各以其情相屬關一身者哀

六瑩堂二集附錄

詩雪軒校刊本

止於子孫關一家者哀及於宗戚關一邑者哀遍於鄰  
里鄉黨若關天下之大古今之重則人之哀之也豈獨  
其子孫宗戚鄰里鄉黨而已哉太史梁公天下所奉以  
爲人表者也與公交者雖公侯皆折節師事奉爲規範  
聞而慕者必得見而後快或不遠數千里造廬以學業  
來就正凡抱詩書入士林者詢不知公名卽面有慚色  
蓋公之立名於世也垂六十年非世之剽竊浮譽者所  
能擬公天資穎特於書無所不讀潛心研晰條微貫會  
每振筆如游龍夭矯莫測其往來之迹而意闊鴻濛語

錄丹火核之皆由輪字矩之至理無一字經人道亦無一字爲人所能道蓋其性優學厚其氣充積如江海之勢淵淵浩浩靡不湧騰流暢天蓋以斯文寄任於公公接續前賢引掖後進實克肩仔以秉衡宇內固不僅以科名重也公之立心也內蘊天真孝友施於家仁義洽於衆不事家人生產性儉素自甘荼蓼而蒸嘗惟謹賓至如歸雖日夕朋儕滿座不厭公固無求於世少而成名輕金重義通籍而後屢空晏如予告歸田築室於仙湖擁書百城手不輟三寸之管上下於四千餘年間馳

木瑩堂二集附錄

詩雪軒校刊本

騁蒐獵或發之文章或託之歌詠以自寫其志士大夫之式廬者或歡然言論相接從未嘗一曳裾以蹈俗轍有以他事請者引疾不聽聞持詩文至則披衣倒屣縱譚指畫疊疊不少倦噫公之持躬亦何其廉以潔哉公與家君交最善王自束髮時即聞公名歲壬戌金臺舉社事推公與朱竹垞父執同家君主壇坫一時風雅稱盛公每有所作爭相鈔誦傳簡交道路王時隨家君從公遊嗣丁卯公公車入京邸王得日夕奉公教戊辰南宮榜發之日王正坐公寓論正平岑牟與摩詰轡輪袍

事公得捷音色不爲動第曰老而成名歸得肆力於邱索足矣辛未玉入粵公授之館有討論必探流溯源時廖南暉父執歸自都門文章道義亦參公神契玉依依父執間共晨夕歷寒暑並隨陳屈兩先生與一時宦遊於粵者往復作詩會公秉筆論次玉惶懼竊自奮勵公善誘得稍稍進益無何別去玉待罪桃江兩父執時以手書相勉勗昨重遊於粵也至即謁公適公北發閱一歲歸登堂拜視夙心怡懌公清癯如故而玉之鬚髮已皤然白矣執手歎歎其情較曩昔彌篤間以家事語玉

木瑩堂二集附錄

詩雪軒校刊本

曰生平心血盡嘔入詩文欲付剞劂願力不逮家食六七十人歲僅入穀百十斛子之成立者性謹樸苦拮据以支門戶熒熒幼稚無以給餽粥王曰先生固窮敦品化於家有年矣諸世君性孝友皆善承父志雖蔬食飲水自能共之詩禮有訓必雍雍於一門之內守父書弗墜且天下之人爭奉公著作爲拱壁當必有倡而梓之者公爲輒然一笑又還憶曩者依寓仙湖值歲除公與客坐廳事意鬱鬱不樂玉趨而前公與之坐而不言詢之乃知公爲人代有所遭索者以他事語公可杜其負

且得餘爲卒歲資公以其事不直拒之曰吾寧負債待  
還無敢負理作忍心事王聞之肅然至今志之弗敢數  
嗟乎如公者求之古人豈得多乎王先世以理學爲薪  
火先大父文忠公託孤忠於別路王患解餘生不克繼  
先人志落拓奔走困風塵三十年一官棄擲百口流離  
今爲買山耕養計以贖鈍之身載筆遠遊屈己靈以摩  
人意猶得於羈旅中依父執奉辟咄私心竊自幸何意  
別去三月北旋而遂值公之變嗚乎悲哉家君重交遊  
今海內至交若晨星不滿指數昨猶以所著古事比一

六盤堂二集附錄

四 詩雪軒校刊本

書板索公序以爲弁命王請於公噫老友淪亡其何  
以慰數千里外之拳拳乎通門之子其何恃以資者問  
乎斯文之任其將安歸乎士大夫之來於此者其悵然  
何所之乎後進之士其何所引而趨於廣博之域乎王  
固自悲而更爲世悲也世之知公者當必爲之傳表而  
得易名之典惟是哲人之萎爲吾道傷敬輯其遺集商  
之同志梓以行世而悲悼之衷有不能已於言者公天  
下之文人也不絕於世不污於世其柳下惠之介歟敢  
抒中心之誠請於南暉父執與吾黨人士共稱之曰文

介先生噫天之篤兮地之毓兮嶽林淵珠稟貞淑兮惟  
公確立資九德兮華中樸外元精蓄兮鑑之澄兮履之  
潔兮文爲德表範作則兮霜雪之姿松與柏兮日星之  
光瑩球璧兮天衢高峙超區域兮奉禮休終垂芳烈兮  
世固難忘兮而玉彌切兮罔有極兮香山長皖桐通家  
子方正玉拜頌

東坡詩至京師王定國李夢皆有疏文哭之甚哀晁  
以道聞劉器之凶問對賓客誦南嶽新摧天柱峯之  
句至哽咽不得語古人於師友之喪其悲慟真切若

六盤堂二集附錄

五 詩雪軒校刊本

是藥亭爲鶴洲世執而又詩文知己之感宜其情  
之不能已也蘿軒弟翁嵩年識

顏延之誄陶淵明諡曰靖節蔡中郎爲陳太邱作碑  
諡曰文範前賢之尊德稱名既誠且確故越世不能  
易梁太史公高文至行素所尊仰得此情真氣厚之  
文表揚稱美公固傳人此亦傳文也北平同學弟王  
源識

藥亭詩集二卷

江蘇周厚  
堉家藏本

國朝梁佩蘭撰佩蘭字藥亭番禺人康熙戊辰進士  
改庶吉士是編乃休寧汪觀所選皆近體詩卷首  
有朱文小印曰古體嗣出則不但非其全集卽選  
本亦尙未刻竣矣

紺寒亭文集四卷詩別集一

卷詩集十卷

〔清〕趙俞撰

首都圖書館藏清康熙刻本

附《四庫全書總目·紺寒亭詩

集十卷文集四卷》提要

天地人物古今事理運會日遷治亂迭出其機。一皆載之於文前聖作之後賢述之凡載籍之獨舉夫宇宙以內耳目所經鉅細本末靡有闕遺其所爲維持乎氣運整齊夫世變者亦莫不具焉此古之論文者以爲貫道之器經世之業而非豎儒小生所得哆口掉舌與乎其間也三代以還文之傳於後者雖純駁不同要之能名其家而爲一代文章之宗王者未有不依於道切於世用而可以行遠垂後者也故夫辭之倍理傷教者固不足論他如駢枝儷葉取青妃白鬼瑣冗長之作亦唐宋大儒之所辭而闕之者也韓歐曾王而後南宋迄元軌範猶存至於元之末造明之中葉古文之學幾絕其弊始於一二遺民夸士爲之渠帥由是不說學之徒希風竊響靡然成習會稽歷下所主不同其失則一而已然鐵崖之謬種祇東南一隅而方宋諸君子承傳舊業淵源自在也惟嘉靖七子以狂易之說驅率海內海內望走狂奔盡氣幾於不可挽止當是時旁賴一二耆儒宿老尊聞行知遠有端緒中流一壺獨在嘉定若王常宗傳金許之學詆康夫爲文妖歸震川守歐曾之矩斤王李爲妄庸數十年來流風遺論猶未漸滅後進承學尚知信從而誦述之嗚呼其亦幸而徒存者矣七子而降文章之病又已再變始之剽賊秦漢以爲占及其敝而思反也病在於叫囂佻脫迨其後又

變而之於鈺釘膚蕪是三者皆不依於道不切於世用雖窮而思變變而思通亦以云救也然而三病者中於學人之膏肓展轉傳變至於今未已也眉山詩有云學如富貴在博收仰取俯拾無遺籌道大如天不可求修其可見致其幽願子篤實慎勿浮發憤忘食樂忘憂是詩也吾取以爲今之爲古文者法焉仰取俯拾以盡其博修見致幽以及其約夫惟篤實勿浮而大道可致也彼三病者將霍然而自已矣余同年友嘉定趙子蒙泉篤實君子也鄉先生之緒言在所聞之世素所服習也而又厚自刻厲績學不倦其爲文具有根柢眉山所稱篤實不浮者蒙泉有焉向時文章家剽賊叫囂膚蕪

序

二

之病一不以涉其筆端惟其積之也厚故其流之也光蘊之也深故其發之也久其談理必精其指事必確其敘述必簡而該其結撰必整而逸本古人之矩度而運以自得之機行卽所歷之境事而抒其素抱之經綸可謂卓爾不群超然獨詣者矣蒙泉才力雄厚衆體悉長而獨謂今之以制義以詩鳴者猶不乏人惟古文世所不講謬謂余爲知言屬余論定其集而序之余雅好古文學焉而未有成然於蒙泉之所以爲古文者功深力至歷歷可指不敢以不敏辭也竊意世之學爲古文者非篤實不浮未有不蹈向時之病則居今之世而欲追及乎古言依於道而切於世用其必以蒙泉之文爲津

遠也與康熙歲次庚寅夏四月青浦王原謹序

序

三



紺寒亭文集目錄

卷一

賦

論

序

卷二

碑記

記

傳

壽序

論文

策問

卷三

墓誌

序表

廣碑記

祭文

紺寒亭文集

目錄

啓

尺牘

跋

述

卷四

說

檄

文

紺寒亭文集卷之一

曆象賦

嘉定趙

俞

溯三才之肇始伊太極之未分紛陰陽其雜糅包胚胎以渾淪俄升降乎清濁遂剖判夫乾坤古哲皇其崛起首仰觀乎天文爾其昭回于上也日陽宗以爲之綱月夜明以爲之紀三垣環衛以壯其居五星錯布以參其緯曰表其度則二十八宿之行列曰辨其野則一十二辰之躔次北辰則尊爲帝座宰制羣動北斗則運爲帝車斟酌元氣南極入地北極出地所以持兩儀之樞紐冬行南陸夏行北陸所以別四野之塗軌一晝一夜其

紺寒亭文集 卷一

周天也三百六十五度左旋右旋其去地也九萬一千餘里寒暑溫肅于是乎乘除句萌蠕動于是乎蕃生農田食貨民用于是乎利賴布德行惠王政于是乎修明然而覆釜偃蓋之喻彈丸卵白之形分至啓閉之候遲留伏逆之情天脊天腹之正側黃道赤道之縮縮非曆書無以志其效法非象器無以測其精微蓋必上有以熟悉天度而後下可以敬授人時彼夫春秋冬夏四時終始晦明弦望輪轉推移無形者氣有象者儀有象者以無形者爲之運動無形者以有象者見其端倪是故天無體以二曜五辰爲界域天無度以壽星析木辨綱維月行緩故三十日而日一會日行速故十二月而歲

一期列宿經天而相爲附麗七政運行而自爲疾遲非  
帶非彗推測曷施是故聖人以玉爲衡以璣爲規而宣  
表周髀之失考黜折天安天之無稽列校前人之制作  
而莫精於渾天之儀長八尺而橫設徑一尋而直垂孔  
一寸而能受闔二丈而有奇漸密于壽昌平子之制而  
一本于唐虞三代之遺至於唐有三辰六合四極三重  
之增置元則簡儀仰儀候極諸儀之制或以候卯酉  
之出入或以隨南北之高卑或以候樞星之立極或以  
象天體之圓規或分晷影于芒杪或辨交食於毫釐凡  
夫單環雙環之用斜倚側倚之宜橫簫以度燭龍有機  
御輪故旋激水能飛皆所以贊氣化參天工此象所由  
相寒亭文集 卷一 二

節宣不觀象而天道或且有差忒故夫制器尚象必待  
夫聖人之才治曆明時實本于天子之德國家當淳熙  
之累洽皇上以聰明而首出爰來西術六儀攸名黃  
道赤道東西兩營地平之設辨析微萌總以珠璣萬象  
俱并曠觀百代一空作者故閉戶而驗則星中星沒皆  
如合符植冀而視則月盈月虛隨其開謝此惟至治有  
象而異術遠來所以月令四序如臣僚之各就其職洪  
範庶徵如喜怒之適順其宜日有兩耳重輪之瑞雲有  
三商四慶之奇聚于東井者連珠不斷會于交道者合  
璧無虧後天而與天爲一先天而天且不違其制制顯  
庸同黃帝之迎日推策其裁成輔相並有矯之端拱垂  
相寒亭文集 卷一 三

衣固大撓容成所不能助而旁要句股所不能窺此則  
至誠配天之功而非止西洋利瑪之爲師故曆象與天  
同運而曆數與天並垂

理學名儒論

彭西范君著廣理學名儒備考。皖江龍君雷岸取方正學以下三十人各系以贊。余乃爲之論曰。學者何以求聖人之道也。聖人之道何在。曰。仁而已矣。蓋自其在天日命。具之於心。則曰性。人所共由。則曰道。行而有得於已。則曰德。道有至有不至。德有全有不全。而仁則天德之備也。其常惺不昧者。卽智也。其措之合宜者。卽義也。其天理之節文。卽禮也。其實有諸已者。卽信也。此理真實無妄之謂誠。能造其極之謂聖。五言之則曰五常。一言之則曰仁而已矣。仁者何。無私心而當于理之謂也。夫人隱微念慮之內。人欲有毫髮之不盡。則天理必有毫髮之未純。人欲盡矣。而施爲因應之間。或少有偏倚。過不及之累。則於物則民彝之本。然猶未協。而與聖人之道猶有間也。楊子曰。知德之與知言之要。仁也者。德之與言之要也。聖人一理渾然而泛應曲當者。此而已。由此以事君。則純忠也。由此以事父。則至孝也。其見之于辭。受取與。則爲廉讓。其見之于死生患難之變。則爲氣節。要之仁其本根。而凡此皆其發用之一端也。子文之忠。文子之清。夫子皆未許其仁。子路殺身。原思辭粟。閔子却費宰。亦止以爲日月至焉而已。而三月不違乃以歸之深潛純粹之顏子。故曰。天下國家可均也。爵祿可辭也。白刃可蹈也。中庸不可能也。三代迄今。均國

紺案事文集

卷一

四

紺案事文集

卷一

五

辭爵祿。蹈白刃之人。蓋不乏矣。豈不與日月爭光。與天壤相敵哉。然或就其天資之所近。出于一時勉強之爲。能必其盡無矯激之過。怨悔之萌乎。未可知也。有怨悔不可謂之無私。有矯激不可謂之當理。此聖門忠清仁之辨也。古今豪傑與聖賢之分。賢人與聖人之分。精粗大小。其以此歟。孟子叙道統。自堯舜至孔子。曰。見而知之。聞而知之。韓子于羣聖相繼。曰。以是傳之者。皆指夫德之與言之要也。不縱天高地下。魚躍鸞飛。道無特可息。不待人而傳。數千年忠孝廉節之士。傳播人口。者豈盡無當于聖人之道哉。夫亦謂道有至不至。德有全有不全。不欲以發用之一端。槩仁之全體。是故道統相傳。不在彼而在此也。孔子以後。上自顏曾。下迄程朱。或具體而微。一聞未達。或知已及之。而行有未逮。要不可謂未涉其闢。與未窺其指。要者矣。或者不探其本根。而但求其發用之跡。不極其全體。而止徇其一端之著。遂欲伸彼以抑此。其用意亦淺矣。果爾。則孔子舍却萊夷。誅少正卯。將無以爲聖人。而顏子不遷不貳。穆然無所表見。又何以高于羣弟子耶。雷岸潛心理學有年。贊語多得體要。筆尤雄肆。可喜。立意間有與有宋諸儒未吻合者。不可以不論辨。而以余生平所得者著於篇。俟當世史學者折衷焉。

駁正贊語七則

陽明立良知之說排駕宋儒而直接孟子恐不能勝故  
雜綴朱子語謂之晚年定論蓋欲以朱子攻朱子事涉  
權譎其傳會穿鑿紕繆弘多學部通辨一書辨之甚晰  
今猶沿襲其說其可商者一

陽明文章氣節機略固多可稱然朱子當日說經講學  
敦陳時政心氣和平事理通達卷舒以道難進易退風  
檢澄峻其任郎官監司秘閣措置建白炳在史冊但未  
大用不能究其施耳遂謂三者不及陽明毋亦未深考  
耶其可商者二

周子光風霽月默契道體伊川涵養用敬進學在致知  
爲朱子淵源所自出學者並極推崇贊中而況乎濂伊

耕業亭文集

卷一

六

云云語氣低昂故爲簡忽其可商者三

孔子時中之聖能集大成惟其從心所欲不踰矩大而  
化之聖而不可知方可當此今以陽明爲集大成爲儒  
之時分判未合其可商者四以上王陽明先生贊

立言有體世宗之惡曠古未聞如此措詞似欠典則其  
可商者五楊斛山先生贊

德必修而後成學必講而後明必欲禁絕之者陳賈沈  
繼祖之徒所以領朱子也吾黨方以扶掖斯道爲已任  
不可復導其波其可商者六顧涇陽先生贊

聖人之心渾然天理見義則爲乃其隨處發見耳必以  
氣魄爲真道學而不然者非偏則假則是顏之卓曾之

唯亦不足取信于人矣其可商者七鄒南皋先生贊

耕業亭文集

卷一

七

萬壽節擬上聖德神功頌序 癸酉年

臣聞兩儀必有所待而後開三才必有所憑而後立人倫庶事必得其人而後理文物典章必際其時而後興蓋自天降下民莫不有繼天出治之至以爲億兆之君師然而元會運世之統續久而一盛聖神文武之姿間世而一生夫非數有靈緒氣有盈缺德有偏全道有隆汙揆以天人固莫之能違乎是故鴻濛初剖荒絕勿傳羲軒之紀畧而未備炎劉以降世有諠嘩雄武傑出之林寬仁大度之貌或淬勵以圖治或與民以休息循其往跡卓卓可述然如燭火之耀也潢汗之施潤其于縣泉著明百川吐納方茲茂矣是故儒者述精義冊歷選

新宋事文集

卷一

八

前哲功莫尚于三王德莫尊于二帝而子姒受命再傳中落蒼姬之錄幽邵肇基郊郭定鼎典禮作樂垂憲萬世重熙累洽淪浹肌膚其在成康桃蟲并臻軼出爲患繼序其皇僅稱守成而已若乃放勳重華光岳人文明穆交會巍巍湯湯號曰中天膺圖御宇罕有儔匹而天下重器王者大統于其胄子弗克負荷易姓改物百年再見然則天運盛衰之理人事興壞之端史書以來畧可睹矣蓋有其位矣而或德未稱躬其德矣而日不暇給制度禮樂之未迄則道不備焉道備矣而錫祚之不永繼世而衰微者有之也是故道也者德也者存乎人者也氣也者數也者存乎天者也二者雖以聖人有不

新宋事文集

卷一

九

能爲而造化有不能合蓋其難也上帝以皇清克肖其德俾作元后太祖太宗神謨睿算締造王業世祖繼承光大撫有區夏六合內外悉主悉臣經制畧定規模弘遠固已駕前軌而啓後昆矣皇上以聰明首出之聖縉紳熙敬止之修兼資性學統綜道法仁智合德剛柔並濟秋肅春溫陽施陰設躬備克舜禹湯文武存心處事開物成務全體大用之要而集唐虞夏商周之大成凡處覆冒之下範圍之內雖窮極智慮豈足名其萬一然臣不揣鄙陋伏而精思畧能通其條貫測其涯涘其致有七可得而言焉皇上明目達聰知人善任情偽畢照勞勩無疆甲寅乙卯之間叛臣逆節掃地湖山之阻連結方鎮之兵天戈一麾如拉枯朽元惡就戮如剝羊毛狼藉都鄙懸首禁衛解散脅從帖若無事彭蠡嶺嶺海氛不靖枝蔓數十年於此矣一旦披其腹心搗其巢穴繫維降王稽首闕下扶桑出日之區張官置吏疆以周索凡其摧鋒陷陣決機廟堂英謀果萃臣莫及可謂有馭天下之大器在廟在宮雖離書出入起居以禮自防宮室器皿服御之需恪遵典制不爲封靡不貴異物賤用物至于小心昭事克謹天戒大孝尊崇篤于所生尤兢兢加意焉其或象緯偶失常度寒暑小有伏愆躬默思道減膳撤縣坐致災沴潛沍和氣協應至若視膳嘗藥之殷勤春露秋霜之悽愴已貴

我而敬愛不衰已遠矣而思慕勿替恭以自持儉以恤  
物誠以合義順以悅親可謂得臨天下之大本以天德  
爲必可達以王道爲必可行以霸功雜學刑名術數爲  
不足法以晚周以降時君世主淺業薄效爲不足師心  
法則必宗堯舜道統則必接鄒魯儒術則必追濂洛關  
閩躬詣闕里行九拜禮親酒宸翰書萬世師表以  
示指歸有宋諸子立祠賜額崇儒重道度出前古可謂  
有高干天下之大志知民力之易竭也東南賦重時歷  
客嗟明季濫加詔許豁免往者軍興饋餉動以億計肯  
出度支正供常額之外無取盈焉關隴告饑則爲蠲田  
租以甦之不足則爲發帑金以助之不足則爲轉漕聚

制寒亭文集

卷一

十

以哺之又爲通糴給牛種以招徠之知刑獄之易寬  
也廣布條教所在請誦諸司所錄時子平反其入死刑  
者亦酌量減等歲終慮囚特旨傳免哀矜惻怛之仁  
常求其生而不得也知征徭之易困也修築堤防繕完  
城郭入夫商賈水挽陸運僱役差役纖悉官給不以及  
民巡行所歷簡省車徒訪求民隱以防上壅可謂有生  
天下之大德至若前代立國各有流弊皆力反其弊傾  
消其弊而逆閉其途前代有深居高拱不親政事而參  
贊中隔者皇上大小章奏親覽裁決廷見大臣必率  
其屬則壅蔽撤矣前代有勲臣內握兵柄藩鎮遙執朝  
權者極重難反爲虞臣測國家之制選將出師則受

命專征兵休事已則各歸部署有重兵無重臣有大將  
無人將也則跋扈無矣前代有兵力削弱而邊鄙入侵  
有武臣解體而國勢不振者國家設防星羅棋置大  
帥授鉞燕見無特偏裨技勇破格拔補則捍禦固矣可  
謂有周于天下之大慮優容臺諫虛已受之問下明詔  
諭使盡言其稱旨者面可其奏且賜褒獎即有小忤  
不加重譴可謂有容天下之大度黃河遷徙無常歷代  
爲災皇上威靈遐暢神祇効順修治故道增卑倍薄  
宜房氣不積用告成可謂有濟天下之大功更乃天縱  
多能旁通游藝天葩蔚發爛若星雲寶若琬琰楷隸波  
磔之法磬控縱送之長靡不窮極要眇出入鬼神蓋其

制寒亭文集

卷一

十一

英明果毅仁孝恭儉者德也其宰制萬物役使羣動邊  
防民政長駕遠馭綜理微密者道也其所能爲者皆唐  
虞三代以下之至所不能爲其所能備者皆唐虞三代  
以上之聖所欲備而有待者也氣數極其盛兩儀待以  
開三才藉以立豈非千載而遇一時千載而得一人也  
乎猗歟盛哉于是聲教翔洽威德暢茂年穀順成雨暘  
時若民氣康樂山陬海澨無鈴柝鳴吠之警武夫悍卒  
投戈講藝十室之聚聞絃誦聲南界桂海北抵冰天西  
踰流沙東極扶桑繩行懸度之塗航海梯山之阻貢琛  
執玉奔走恐後天無旬始伏幣之祿地出銀甕丹床之  
謁雖聖度攝謙有而不居芝房赤雁不以告璫寶鼎黃

龍不以紀年而三十餘年中。和氣薰蒸至德浸灌亦可云。備至爾。曰王道浹而頌聲作。此其時也。在昔唐虞之世。帝庸作歌。曰元首明哉。股肱良哉。庶事康哉。君臣反覆。若不足者。蓋當日九功惟敘。九叙惟歌。勸之以九歌。俾勿墮。惟唱歎淫泆。不去于口。則不忘于心。不忘於心。則不倦於事。在已有歡欣厭厭之意。在人有興起愛樂之心。其于修身立政。非小補也。其他三代以後之臣。如王褒班固韓愈柳宗元之徒。各抒忱悃。作為歌頌。文采斐然。學者艷稱。然按其事跡。豈真有純明篤實之懿光。融昭顯之業哉。文過其情。名爽其實。君子弗取焉。彼諸臣者。皆耆父魁碩之儒。瑰麗閎偉之材。使生當今日。親炙休美。沐浴聖化。其鋪張揚厲。又當何如也。臣智識庸淺。學殖荒落。其于前代文學之臣。不能髣髴萬一。譬如以筵撞鐘。豈能發其聲音。然大地之得春也。園林草木皆吐其秀。聖人之利見也。鳳皇麒麟咸儀于郊。況臣叨遇聖朝。更無他才能。思惟文章可以報國。曾近雉尾。螭頭之下。覩山龍藻火之光。而曾不得比于肖翹蠕動之物乎。雖至愚極陋。其何能已。臣考詩人之頌其君者。曰降爾遐福。惟日不足。未已也。又曰豈弟君子。何年未已也。又曰如月之恆。如日之升。日之中者。易於月之盈者。易虧。而此光景常新也。如山如阜。如岡如陵。言其蘊蓄者大。而積累者崇也。如南山之壽。不騫不崩。

如川之方至。以莫不增。如松柏之茂。無不爾。或承南山言。不以歲月移。川流言源源不絕。松柏言繼繼相仍也。臣子願望之誠。至此極矣。非獨愛其君親。分所宜爾也。夫人情莫不欲富欲安欲壽。王者既有以予之矣。上以是錫厥庶民。下亦以是祈天永命。天子有萬壽無疆之遐福。則天下亦享萬年有道之長慶。况道德之入人者。益深。則氣數之存乎天者。益處其厚。瑟彼玉瓊。黃流在。黃流不薦于瓦缶。盛德必臻于壽考。自然之理也。王者必世而後仁。父子相繼為一世。三十年亦為一世。皇上繼承丕基。三十餘年。光被四表格于上下。胥一世而登于仁壽之域也。而春秋鼎盛。四海臣民望之若日。月光華之復旦。山陵岡阜之高下相因。泉之始達。而百卉之欣欣向榮。萬有千禩。豈有紀極。臣不敢瑣瑣曼辭。塗飾聽聞。而粗陳梗概如此。竊比詩人祝嘏之意。虞廷虞歌之義者。蓋效忠竭慮之思也。臣謹上。

封吏部尚書澤州陳太公捐粟惠民錄序

金木土穀。民生所資。以養而天地之所寶畜也。其在唐虞。尊之曰六府三事。而箕子衍九疇于五行。八政皆致詳。蓋基重焉。然世有居奇釣貨。囤積窖藏。固利封殖者。眾則相與訾聲之。豈財之能為人累哉。蓋勤於取而儉于施。豐于奉已而廉于及物。非財之能為累。其所為者私也。是故君子惡之。乃有三散萬金如陶朱。盡燒賣紛。

如田文其輕財任俠傾動一世與夫專已自私者異矣而君子又有所不取者何哉蓋彼之所贖者貨也而此之所贖者名也彼之所嗜者利也而此之所市者義也其間清濁汙潔相去遠矣然其所為者亦私也故君子亦不道也古者大道之行貨惡其棄于地也不必為己力惡其不出於身也不必由己不必為己故無私利不必由己故亦無私名無私者天道也王道也天道養萬物而不尸其功王道養賢以及萬民而不知誰為之者夫人君者承天以出治者也公卿大夫代君以宣化者也人君奉三無私以出治於上公卿大夫廣此德意以行慶施惠於眾兆民遠及于海隅出日而近不遺乎州

耕寒亭文集

卷一

十四

間族黨之間則體信達順天不愛道地不愛寶雖有凶旱水溢民無天札物無疵癘諸福之物至而王道成矣今觀封吏部尚書陳太公出藏聚累萬石以貸鄉人而焚其券其施博矣所司請旌于朝乃固謝却之既不尋利以自封殖矣又不欲有其名庶幾近于無私者歟今天子仁覆區宇含生之倫浸灌滋潤秦隴告饑漕粟哺之鰥寡孤獨人無失所說巖先生以禹稷已溺已饑之心佐之君臣可謂咸有一德矣先生推其道于天下太公亦試其道于一鄉王道四達而不悖舉其近可知其遠則公家庭父子間作述固又有自也太公捐粟事跡當代鉅公紀之已詳茲不復贅而竊論其合於王道

者如此

讀律辨訛序

高郵王君金樵官刑曹郎著讀律佩觿萃亭盛子魯得就其書作讀律辨訛十則蓋律文簡質箋註者苦不能暢其指觸之為物用以解結讀律有糾結而不得通者則用此以解釋之云爾然其意駿快而其辭博辯駿快則或遲一時之見而博辯則務伸一己之說其失也漏其所本有而鑿其所本無者容有之矣解亂絲者紬繹之其緒乃見不然者母亦求通而反窒也乎夫天有四時人有四德聖人以仁應春以義應秋故周禮以刑官為秋官然而雷霆風雨無非至道慶賞刑威無非至德

耕寒亭文集

卷一

十五

天地以生物為仁聖人禁民為非曰義正所以仁之也惟天下之仁人為能用刑惟義之盡者乃能仁之至故夫刑也者聖人仁天下之大法而律也者則義理之權衡也彼獄之弊也惟官惟貨惟來其審克之而不盡此也天下固有特廉秉公而不得其平者矣無它好作聰明而恣行胸臆權衡一爽大法倒置每以生人之意出為殺人之具其初不過逞一時之見伸一己之說而不知其貽禍烈也夫用刑之先其所失猶止在一事耳况乎講讀律令筆之于書傳之于世其流弊又何所底耶辯訛之作其王氏之諍友而律家之功臣也歟噫律之為義精微非法吏所能究切也根極于天理民彝而量



于人情事故非窮理無以察情爲之端非清心無以祛  
意見之妄非養德無以調血氣之平非持敬無以合中  
正之矩盛于少攻經學沉潛玩味老而不倦其于讀律  
蓋亦推明仁義之一端豈好辯乎哉皇上好生如天  
明慎折獄方勅儒臣修改律令是冊將上書館用備參  
考而余方出膺民社日置座右且以自省焉

侍御郝純齋先生七十致政歸田序代

古者用人自鄉人子弟卿大夫餘子皆入學歷升諸司  
徒大學正司馬而後受爵祿焉四十曰強而仕五十曰  
艾服官政年七十則致事焉其進之也非苟富貴之而  
已將老其材而任用之也及其致政非簡棄之也日子  
耄耋幸文集 卷一序 六

大夫勞勩懋矣齒髮衰矣不復煩以政事蓋筋力于是  
乎休頤養于是乎遂先王之世遇臣子始終以禮者如  
此也是故入而登于朝以爲顯榮退而休于家亦不以  
爲困悴近代以還頗長華競遷階晉秩則賓客駢闐奉  
身以退則僂焉若不終日其戚黨朋侶亦但爲之慰安  
焉而不敢以申賀則上之所以遇其臣與士大夫之所  
以自處者古意寔微矣然其間老成宿德遭時遇主以  
功名終如漢世疏廣疏受之徒傾朝餞送噴噴人口傳  
爲盛事史亦不乏賢者所爲又未可以常情論也余同  
年侍御純齋先生爲畿輔望族自其父兄少司農公冢  
宰恭定公清忠粹白先後爲名臣先生以卿大夫世傳

起家邑令拔置風憲巡歷河東所在有聲蹟其直節勁  
氣可以銷姦萌其忠言嘉謀可以裨國是臺中以巨人  
長德推之前後總憲綱者咸倚重焉皇上明目達聰  
任用臺諫條奏所上雖格吏議每賜優容其最績者多  
列九卿先生資望當柄用自以年七十請老夫以公之  
忠貞世篤非愆然于其君者也然而不欲戀國之榮者  
古人臣之以禮印處者然也以皇上之眷念賢勞非  
忽然于公者也然而不欲戀公之意者古聖王之以禮  
遜其臣者也然則公所辭之時遠出前人萬萬而其  
所以自處者殆亦過之矣乎抑更有說焉二疏故里在  
琅玕去長安數千里又父子同日辭官浩然長往若不

耄耋幸文集

卷一序

七

反顧君親恩義尚似缺然先生出國門一舍而近兩嗣  
君列侍從官章毅一家之內壯者効忠宣力于廣厦鄉  
解之上老者怡顏樂志于松山桂海之間瞻望蓬萊想  
辭之曰影而身不繫于朝班吟賞章曲杜陵之風花而  
家不違乎帝里廊廡江湖並行不悖夫非前人之所無  
而公所獨有也耶余叨先生同籍而齒少後揆席重地  
夙夜悚惶累疏陳請而國恩深渥年未及耄非尚有  
待他日得歸田里亦在先生後矣今值懸弧之辰寮案  
之素知公者丐余文以侑一觴余卽爲道此義以中賀  
也亦猶行古之道也夫蓋以述先生之高致推諸公之  
雅意而亦以志余歎美之私也是爲序

送吏部考功東江唐先生典試浙江還朝序代

歲丙子。天子分命朝臣典直省鄉試。而吏部考功唐先生來主浙省。即海內所稱東江先生者也。先生官天官。屬爲清要官。而東江者。禹貢三江之一。先生家其上。因以名其集。學者即以此稱先生。夫非所謂聞望可名一世者與。先是秋試屆期。兩浙之宦京師者相與語于朝列。謂必得斯人蒞我浙。文運庶其有亨乎。其高才生好古力學者相與語于庠序。謂非斯人操文柄。古文終無用于世也。既而朝命下。果斯人也。則京朝官奔走相稱慶于朝列。博士弟子奔走相稱慶于庠序。其他省士大夫及舉子。豔羨嗟歎。恒然若有所失。蓋士林素所

待東江先生集

卷一序

六

尊尚願望如此。及揭榜所收多紆餘卓犖之材。研練攻苦之士。于是獲雋者歡忭騰涌。其淹滯久者。甚至感激奮發。涕淚淋漓。即被放者。亦復低首下心。厚自悔艾。而不敢以尤怨。自前丙子。浙中最稱得人。天道凡一屆而人文蓄洩又極盛矣。事既竣。而尊人丹崖先生春秋躋九袞。將便道省親。即還朝門下士設祖帳餞其行。以余忝師友淵源之末。又兩從子及稚孫某。則諸士後徵一言。頌述先生以志仰止之私。余不敢以不敏謝。則詰之曰。而欲頌述而師乎。亦就而之所窺測而師者。一各言之。而余爲折衷之可乎。則有執爵而起者曰。吾師穿穴六經。鉤貫羣史。沉浸含咀。發皇制義。稟溫栗剖析毫

待東江先生集

卷一序

七

芒應合規矩。發必中的。直空其曹。此非制舉之閤中肆外者乎。余曰。是則然矣。雖然。願有進。則又有執爵而起者曰。詩道榛蕪。雅鄭迭奏。久矣。吾師上規韓杜。旁參蘇白。鋪陳排比。大或千言。現遺奇古之氣。放曠精清之思。入對便殿。則至尊改容。落筆中書。則公卿避席。此非詩格之渾涵汪洋者乎。余曰。是則然矣。雖然。願有進。則又有執爵而起者曰。頃者從賓階升。吾師德容道貌。藹若春曦。然聞其辭受取與。進退嚴毅。不可犯。恬于榮利。視不義物。若將浼已。表裏自然。不假矯飾。此其律躬者然也。尊人丹崖先生。蓄積未施。大耋之年。康強如五十許人。太夫人先生繼鳴。年亦踰七旬。吾師膝下承奉有嬰兒色。進厄區滌廁。臉不收委。諸其下事。兄允中先生問餞飽視寒煖。如司馬君實之于其兄。居官以廉善稱。而勤于其職。此其篤于門內。又將移之以報國者然也。余曰。由前之言。可以見製作之美焉。可以見學殖之深焉。由後言之。可以見直方之槩焉。可以見純懿之性焉。可以見忠勞之益焉。物備矣。余則又何言。雖然。願以而師之學行勉而多士也。則執爵而醺之曰。諸士其務益廣其學。而達其材藝。砥礪其廉隅。而惇篤其孝友。忠敬之思。匪是則無以副。而師之期許也。則又執爵而告平先生曰。願先生特進諸士。而教戒勗勵之。培養其所已至。而擴充其所未能。他日登公輔成器業。使天下見

其弟子知其師曰此必東江門下士也見其師知其弟子曰東江門下士必亦如此也則不但浙人之幸而聖朝亦收得人之效矣先生及諸士皆曰然因其語書諸屏障是爲序

丙子廣東鄉試錄後序代

國家令甲京省三年一舉鄉試仿周禮賓興賢能遺意甚鉅典也今上臨御之三十五年歲在丙子丙於行爲南方火子者陽之始生文明象也又字書字者子也子之爲言孳也孳乳相生而成字也然則上觀天文下察人文其炳炳麟麟而日新月盛者此其時矣蓋皇上欽明濬哲天璽首出媲美中天陵轅近古而又崇儒

紺寒事文集

卷一序

干

重道稽古右文于是桂海水天文物漸被山陬水濱有絃誦聲夫非鼓舞作興之所扇而沐浴浸潤之所蒸也乎微外小醜偶爾通誅天戈一臨應時灰滅易于摧枯薄海內外罔不來王七德之用成而九功之歌作固開闢以來文運極昌之日也五月中旬廣東等省試期屆所司列名上請臣某以某官副某官臣某主廣東鄉試臣關西邵儒起家邑令叨蒙聖恩拔置銓曹帝懼奉職無狀隕越貽羞衡文任重弗克負荷其與同官互相鏃礪夙夜祇愼者臣某前序盡述之臣不敢再贅而屬言簡末者臣之職分也臣亦敬摭愚悃焉竊自裁籍極博總其條貫有四曰經史子集宋真德秀又以四體

該之曰敘事曰議論曰辭命曰詩賦其體製皆出六經中然而解經別有訓詁體曰傳曰註曰疏曰箋漢唐以來取士或用對策或用詩賦經義故明全用經義而以八股爲程式蓋卽訓詁之意而曉暢疏達行之以議論者也抉發天性之間與辨析王霸之醇疵體周情孔思之蘊抽未註漢箋之粹取士之法擇術之端莫近乎此也其必以偶儷者何也蓋自太極中涵二氣分爲其動而生陽靜而生陰者二氣之對待也一動一靜互爲其根者二氣之流行也四子五經中凡夫天德王道全體大用致知力行仁育義正雙行並峙交進互發者皆陰陽之對待而一理貫通一氣折注流行寓焉此自然之

紺寒事文集

卷一序

壬

分刊節度而非人力私智所能安排也是故國初定鼎百度維新制科程式因而不革雖暫更張輒仍其舊而輕俊之士每矜其風雲月露之作以爲古文而目制義曰時文夫唐初沿陳隋之習張說富嘉謨之徒不能改韓愈皇甫湜柳宗元輩力爲古文以振之宋劉筠楊億之體號爲時文穆修尹洙歐陽修之作出世稱之爲古文然則原本經術者謂之古文其浮飾塗澤者乃謂之時文耳曹學佺之言曰古文今文無二理也古之爲文簡而當今之爲文繁而蕪是也今之所斥爲弁淺庸劣者士子未流之失耳試以前輩王荃唐順之歸有光八股之文與夫世之抽黃對白刻翠雕香者相提而論

果孰高而孰下與况夫論策表判古文體裁亦已畧備  
乎嶺南人文比跡中土前代張九齡姜公輔崔與之炳  
列史冊卽制科中如丘濬陳獻章游瑞楊起元理學經  
濟卓然名世而起元制舉業尤爲學者所推號爲復所  
先生諸士素所取法也關中與同事諸臣虔恭淬礪以  
不負 聖天子壽考作人之意雖所收之人槲梨桮柚  
滋味不同其務遵濂洛關閩之學以推明夫鄒魯之指  
不敢毫釐軼也夫校藝衡文援其英異升之禮部者考  
官之事也量能器使按其資敘課其職業者銓司之事  
也諸士其講究切劘益湛深于經術將來入則登侍從  
備顧問出則膺民社効句宣本此經術以經世務器業

耕業亭文集

卷一序

五

勲名于是乎出則上應 熙朝文運之光人材之盛不  
獨爲嶺嶠山川生色而已

范筆山詩文序

韓退之有云物不得其平則鳴余謂不盡然也雷出地  
奮豫先王以作樂崇德蓋取其聲之和是故金石弦匏  
所以暢其情也卽候蟲時鳥二氣鼓動自然翕張豈必  
有澁鬱于其中而後宣哉乃至以盛世君臣僚友賡歌  
警戒而總歸之不平之鳴何也夫羈人思婦之離愁公  
子王孫之托諷悲涼激壯固亦有之而以概古今立言  
之塗則過矣當日東野阨于卑位其所作多凄清寒苦  
退之亦齟齬于皇甫錡李逢吉之輩每故爲昇兀以抒

耕業亭文集

卷一序

五

其憤懣結轡之氣故其自道云爾未可謂篤論也我友  
范筆山先生起自四明稟其秀淑資地絕人鉤貫六經  
囊括百氏發皇其學一出名世又其師友淵源究極天  
人之際而體驗之日用動履之間其于人世苑枯得喪  
升沉顯晦一切可驚可喜之事視爲寒暑晝夜之相代  
于前而不以易其慮故其文章自肺肝流出靜穆深遠  
優柔厭厭不披讀之如望見其德容道貌徐而辨之記  
敘簡潔而嚴重議論明暢而精微兼綜廬陵南豐二氏  
出之詩清麗閑遠根底陶韋參之錢郎元白以博其趣  
游之石湖道園遺山以暢其支如風水相遭波瀾詭譎  
潏激橫生皆自然成文如奏韶夏擬金匱玉和諧而不  
失之嗶嘰緩發而不病于噤殺令人渣滓消融而邪穢  
蕩滌嗚呼此非偏才畸勝之文而儒者有道之文也可  
以觀其所養已公之文歌舞戰鬪光怪惶惑不可偏視  
而卒要之春容和雅者何也曾子曰出辭氣斯遠鄙倍  
矣辭也者文也氣也者所以爲文者也尤怪慤慤者辭  
也公之文也春容和雅者氣也公之所以爲文者也或  
者謂公生當盛時得遇知己占巍峩官侍從卽出牧一  
郡而太守古諸侯也得位行道故與坎壈失職者殊等  
是又未足以知公者也名位外物也公固有湛然足於  
內者矣豈以是爲加損乎哉如以遭逢論不用其英華  
果銳之氣而待之服官強仕之年不留之廣廈細旃之

地而置之蜚烟瘴雨之鄉他人處此未必不歎老嗟卑  
形之楮墨公文如元氣流行春秋溫肅有異候月星明  
晦有改觀而元氣固自如也余戊辰試禮部叨同榜又  
經房同出月川梅先生之門余授世網瑣尾流離窮  
顛頽之狀時時有所發洩見者頭髮上衝目眦盡裂詞  
氣不平誠有如昔人所云者視公之器識學養相懸萬  
萬矣文之工不工又無論也康熙丁丑陽月訪公延平  
官舍以敘見屬輒為引其端因以自託焉

送項惟一序

同年項子鳴先謁選至京師舍館相近晨夕數過從未  
匝月入內城去有從子惟一以醫名與相依云鳴先盛  
稱集事文集

卷一序

高

稱惟一負雋才攻舉于業文戰不利因屏去習醫術輒  
工會治開府斬公劇疾應手愈今比部郎夏公權准關  
事竣遂挈以入都自達官貴人親藩戚晚爭迎至其  
家車馬闕咽戶限為穿病者方寸七入口即活餽遺銀  
幣藥中裝常充仍又多致美衣服酒饌騎從甚都擬于  
尊官然每以不竟鉛槧為憾余告之曰所貴博一第者  
下之不過養尊處優上之生殺予奪在手得一行其志  
耳假令惟一讀書成進士如其從父需次選人必且行  
李之困備書負春蹶躅行車塵間泥雨沒髀暑日炎背  
欲珍裘名馬持梁刺肥如今日得平區區奉養不足道  
醫者察脉處方補虛導滯生人之柄苟得自操今司牧

方者催科獻獄皆有法程尺寸出入動則齟齬即居  
言路秉樞軸而左右前後羣掣其肘設有一人陷于吏  
議明知其無辜相視獰不敢發一語也豈能自生一人  
耶二者相較孰為得行其志耶然則惟一所得與從父  
孰多耶聞吾言當亦啞然而笑也惟一久客將謀歸省  
其家遂書此以為序

時雨賦序代

蓋聞飲幽陳力穡之艱衍疇念庶徵之應凡以年穀熟  
而後民物康陰陽和而後雨澤降自昔哲王肇禋則以  
祈天宗蜡饗則以賽田祖其于調燮二氣之宜農用八  
政之務蓋其重焉皇上湛恩汪濊至德薰蒸御極以  
得集事文集

卷一序

高

來愆伏潛消雨暘時若瑞麥岐穗而合莖嘉禾異畝而  
同穎誠能合漠和以召祥書契所紀維斯為盛今者祝  
融司令之初臨來牟登鋤之將屆少遲霖霖之施未有  
焚煥之烈悄乎有民隱之傷感焉如天戒之謹祗肅齋  
宮質明蒞事中微諸司虔舉百禮明神克相精意用歆  
少女起于土囊泰山合于膚寸列缺隱曜豐隆振威三  
日霑足初非破塊而鳴條萬井歡騰真若衣珠而餐玉  
近已決于郊圻遐知敷于海甸非徒二麥之有秋抑亦  
多稼之是卜精神通于呼吸昭應捷于數桴彼商祀桑  
林之責周雅雲漢之嗟或踰時而後舉或孔夙而未寧  
豈若今茲未災而懼隨禱而孚真可參三才而並位駕

百辟而無前者矣臣與被膏澤不勝忭舞敬獻蕪詞上  
塵 黼座敢云侍臣珥筆之紀聊備田夫擊壤之歌云  
爾

治陶紀實自序

治一邑猶治一家也天子以天下爲家諸侯以一國爲  
家定陶方五六十古附庸諸侯也自司牧者視居官爲  
傳舍視百姓爲隔膜視其職掌爲奉行文書而已是故  
其田野不闢其溝塗不修其賦役不均其綱維不張其  
隄防不立教養無法刑賞無章而百爲皆廢雖苟且塞  
責而精神不貫注情義不繫屬無他疎之也使其在一  
家汙萊有不治與道弗有不除與門闕有不謹家塾有  
得樂事文集 卷一 序

不設僮客有不飭與不假思慮而周知不待戒令而整  
肅無他親之也余才智短淺不能爲陶發皇事業惴惴  
所積惟是視陶爲一家陶之人爲我人陶之事爲我事  
而已薦紳我伯仲士子我弟姪民我幼稚人役我家衆  
廬井我資產疆域我門戶百爲舉民得所我樂豫百爲  
廢民失所我疴癢關切也于是晝而作夜而思惟此日  
孜孜坐堂皇對神明臨百姓庶幾無愧色焉斯編皆紀  
實也噫夫人之不以此爲家而別以家爲家也以其貽  
遷厚自封殖然付托非其人荒落者多矣何異委之塗  
人苟成蹟猶在遺澤常留去而能思久而不減其爲家  
計也遠矣朱邑之于桐鄉是已然則未爲失策也康熙

壬午六月定陶令嘉定趙俞自題

丁卯河南武鄉試錄序代

功令三年一取士于鄉文武科並設焉 皇上御極之  
二十有六年臣某備員河南巡撫秋八月監臨文場既  
告竣迄十月武場期屆臣例得主考校之事惟時布政  
使臣某副使臣某職提調按察使臣某職監試僉事臣  
某職關防臣薰沐誓戒致慎致恪進學道副使臣某所  
錄士若干集之廣場首校騎射樹的張侯舉幡鳴鼓與  
之約曰中多者雋蓋得者半失者半次校步射約之如  
前而加毖焉挽強用長射疏及遠其合格者投石超距  
又再試焉蓋僅有存者爰督率同考官知縣臣某某命

得樂事文集

卷一 序

五

論發策丹黃甲乙三日撒棘得周載輔等六十人循例  
錄文六首以獻而臣拜手稽首颺言于簡端曰自昔詩  
書六藝皆聖人所以教人之方而射者六藝之一其法  
有五曰參連曰白矢曰剡注曰襄尺曰井儀夫豈徒以  
殺敵致果而已哉虞書言候以明之辨材論官取決於  
此是故諸侯歲貢士于天子天子試之于射宮其容體  
比于禮其節比于樂樂至則不怨禮至則不爭此所以  
養諸侯而兵不用之具也故夫射也者禮樂之事也古  
者四鍤如樹多主井儀今之一發三矢其猶參連白矢  
之法與至於論以明暢精微策以揆度情勢是即宋儒  
經義治事二者課士之意要以原本六經聖功王道體

用畢該包蘊甚鉅問者造端設事引而不發如矢有的漢唐以來謂之射策其得當者亦名入彀武科雖尚用兵家言然道無在不存功隨事可立其用雖分其理則一也我國家九功七德洋溢區宇桂海水天梯航賓貢膏澤南洽威靈北暢開闢以來實所未有而文教武衛兼收博採臣不敏祇承休命夙夜寅恭馬步互核技勇兩舉一時風雲驅虎騰躍奮迅之材固已出于其間矣而糊名摸索一出入低昂參伍則亦非樂括事類襍積塵言滑如炙輶者所能弋獲也其于韜鈴諒亦夙有講求矣於以任爪牙之寄佐帷幄之籌庶其無負矣乎抑臣又聞之中州宅四隩中央得水土剛柔之和

書集事文集

卷一

序

故在禹貢為豫州豫者和樂也人心和樂以應其上可以建侯行師可以作樂殷薦諸士生長此土其益求之于志正體直之方澤之於敦詩說禮之教出而跨馬穿札入而雅歌投壺行則捍禦牧圉坐則折衝樽俎則三軍之帥即六卿之長矯矯虎臣即克廣德心之士而文武科可合而為一矣此古者聖人以詩書禮樂射御教人之大指而諸侯歲貢士於天子之雅志也夫國家清和威理億萬斯年海無颶母星無伏驚戎器雖除兵革不試射以觀德而不以耀武脫矧尚祀登諸明堂與天地之氣相應區區張材官有不足言臣亦與介此景福矣惟時有事茲土諸臣例得備書謹列銜於左臣

謹序

丙子浙江鄉試錄後序

代

皇上繼天出治三紀以來湛恩汪濊德化覃敷六合內外浸灌滋潤邇者荒裔不恭致干赫怒六飛一出親總戎行指授方略苞葉剗平會未淹時文治武功書契所垂未有倫比聲教涵濡士皆嚮學山川鍾靈人材蔚起歲丙子特敕所司增廣直省鄉舉額數著為令甚盛典也而浙江東南重地尤稱材藪省試屆期禮臣列名上請皇上特以臣某貳某官臣某往典是職臣聞命悚仄深懼限越無以克副簡書竊念臣蓬藿寒陋晚登第業授外吏荷蒙皇上特達之知召

書集事文集

卷一

序

試禁庭特命畱用擢授儀曹又轉銓司顧臣新進自分庸虛曾不二載超歷官階茲復委臣以衡文重任臣遭逢知遇即捐糜頂踵無由報塞萬一伏思臣無它樹立惟自束髮受書航嗜典籍庶幾于文章一道麤辨珍陋比于識塗之老馬銜命抵浙入闈之日即同諸臣焚香顧天力矢慎公務為國家求通經學古之士期以報答涓埃閱文數千得士七十一人其中往往多幽隱孤仄挾閭博達之材此皆仰由皇上重道右文庠序之所漸涵禮樂之所陶冶思皇多士雲合霧集應運並生非臣之驥後所能倉猝而求也臣竊惟自昔聖門教人之法條貫統宗不越博約二者先儒謂學者



不可以徒博而亦不可以徑約自漢以後百家繚戾羣  
言雜糅學者患在不約有宋諸儒出指趣既明統紀既  
一學者又患在不博夫精一危微之介與衰治忽之幾  
知及仁守之全功出政臨民之大本則顓通一經局守  
章句要領亦無不在然不肆求之十三經與夫諸儒傳  
注箋疏之繁則閱興無以探索隱微無由抉擿不流覽  
羣史則數千百年天運汗隆政治得失典章沿革人品  
貞邪無以辨不旁求諸子之言別集之書則學術同異  
議論醇疵無以參互而考訂蓋惟蒐之也富故其得諸  
已也益粹以精討之也詳故其會諸心也愈專以一彼  
其食多務得細大不捐者非徒以傾羣言之瀝液漱六  
紺案事文集 卷一序 序

劉基于謙孫燧王守仁之文章經濟謀謨忠烈彪炳史  
傳不可悉數要其學問淵通而蓄積深厚諸士之典刑  
不遠也况 聖天子振起斯文表章古誼發孤山處士  
之幽芳溯永和羣賢之雅集豐碑矗焉 天章輝爛於  
越水稽山尤加意焉斯固髦士奮興之日也聞中所收  
卓犖紆餘不名一格功力分際亦有等差而塗澤剽竊  
空疎舛鄙之文斷不敢錄庶幾有通經學古之士出焉  
於以傳習往聖而黼黻休明此臣以夙昔之所自勗者  
期多士而卽以之仰副 明詔者也

登封耿逸菴孝經易知序

召康公從成王遊於卷阿於時鳳凰集於梧桐史臣以  
紺案事文集 卷一序 序  
爲美瑞而康公推其所以致此者則曰有馮有翼有孝  
有德解之者曰人主與慈祥篤實之人居必能興起善  
端涵養德性四方以爲則而福祿至矣然則國家之可  
以爲馮翼者孰有加於孝德而夫人之所以爲德者又  
孰有大於孝者哉人而不克盡此則所謂始於事親中  
於事君者固已無其實矣朝廷不得是以處之朝夕  
論思之地則夫德教加於百姓而刑於四海者將誰爲  
之助耶聖門言孝顓發義蘊在孝經一書古今箋疏互  
有詳略登封耿逸菴先生風檢澄峻沉潛道味述作甚  
富上接洛閩余客汴梁先生以孝經易知見示余受而  
卒業見其折衷諸家芟繁舉要剖析毫芒統壹條貫其



所以恢弘孝德之義厥功偉矣而余尤有獨契焉者蓋天下非言之難行之難子曰文莫吾猶人也躬行君子則吾未之有得詩曰維其有之是以似之君子耻有其言而無其實耻有其事而不根本於心之誠是故深愛切於中則愉婉動於容有孺慕之真而後有嬰兒之色和順積而英華發仁義孝弟之人其言藹如矣夫經學之別於辭章者惟其躬行而心得耳否則箋疏亦辭章也豈必雕蟲末技乃爲枝葉哉今逸菴之於此書吾知其誠有之而誠似之矣孟子論事親以守身爲本又謂惟送死可以當大事先生堯舜君民引爲已任出處去就動輿道俱可謂不失其本矣執親之喪哀毀盡禮服

紉寒亭文集

卷十

三

除之後若將終身可謂能盡其大矣詩曰鶴鳴于九臯聲聞于天言有諸內者之不可揜也易曰水流濕火就燥雲從龍風從虎言德之不孤而感孚者之不知其然而然也睢陽湯宗伯東吳汪鈍翁理學文章爲寓內所推而知人取友惓惓於先生宗伯且薦之於朝以爲聖天子焉翼之佐夫弗信於友不能獲上弗悅於親不能信友而反身不誠何以悅親然則驗之踐履篤實之素本之精神心術之微以此悅親以此信友卽以此事君其必有誠能動物者在矣僅僅箋疏云乎哉孝德之彥一升於聖朝孝治之隆多所裨補此當世所稱美瑞而斯世斯民馴獷悍進仁讓消兵刑而淑之禮樂

者於是編重有藉也學者慎勿以空言視之庶於作述之意不負爾已先生問序於予爲櫟括大指而進之以誠之一言若乃弘闡聖經而推求夫天明德察之理先生之述既備矣

### 王震來制義序

歷代取士之法孰爲近古曰漢爲近漢重明經孝廉其時朝廷決大疑斷大獄皆援據經義而州郡亦多以經術潤飾吏治自唐以詩賦取士論者謂辭章之學無裨治教然詩者六籍之一賦者古詩之流與經義非有二也而顧獨營營之者何也勝國用宋王安石八股說經之法試士謂之制義聖朝因之視近代務華絕根之

紉寒亭文集

卷十

三

學此爲復古然論者乃以詩賦辭章研練聲律者爲古學而日制舉業曰時文夫唐初沿齊梁之作宋初尚楊劉之體當時以時文目之自韓退之李習之尹師魯歐陽永叔輩起而復西京之舊斯謂之曰古文而今皆反之何與無他追其本初則辭章亦出經義循其末失則經義亦一辭章又其甚者空疎弇鄙不學可能校之枝葉之詞研精覃思工力顧有不及者矣嗚呼豈國家設科取士之意云爾哉制舉業自故明成弘迄萬曆初元最著者八人尤以守溪荆川震川思泉爲極致後則專意提掇醋摹口脍而體漸卑矣啓禎間豪俊出而凌跨一代逸氣無前然或浸淫於紫莊國策詹山蘇氏之學

於粹然儒者之言則微有間矣其能以唐宋諸家之文發洛閩相傳之指論必合經才不詭道雖孔曾思孟分際各出銖黍不爽者舍荆川震川氏安歸而如僕淪淪磅礴灝灝孤行直據其胸中之所欲言而印不違於法度斯可謂之大家制舉以來三數人而已方諸漢之董仲舒匡稚圭之治經殆有過之無不及者然守溪立朝未得有爲荆川以談兵少展謀畫震川與思泉義仍皆爲邑宰而治行未有稱焉由斯以論雖以湛深經術之學而立言立功體用合一猶或難之乎邑侯王震來起貴竹負絕人之姿通經好古年甫壯成進士平日根柢六經沉浸百家理足於中而氣充詞溢閱深奧衍一以

紺棠亭文集

卷一序

三

震川爲師泣膠之三載律已持躬愛民禮士振興廢墜稽攷典文動與古合觀所規爲皆書卷氣蓋於前哲之所能者既追配之而無多讓矣於前哲之所未能者又兼而有之非通經好古之實用而制科取士之明效也與前後稿付梓成帙猥以序見屬余自念平生寢食於歸文治陶亦頗竭駑鈍然以視先生則瞠乎後矣蓋有志焉而未逮者今無能爲也已識之以示相知之切而竊附同志之意云

慰明府王震來思親序

黔陽東北距蘇郡七十驛道經辰沅洞庭楊子以達京口湖波浩淼江濤湍悍號稱險遠然仕宦商旅往還者

項背相望也黃平王公以進士來尹嘉邑年壯志盛俯視一世舉天下事若無足當其指揮者則區區道路之險遠豈足累其神明哉明通公溥蓋由學問使然而剛方介直有不可奪之節練習官書當機立決掄才課藝自爲程式興行教化百廢具舉夫作吏者之困於文法久矣公有推行之利而無束濕之嗟宜以得行其志爲樂也然常燕居深念時或凝睇遠望者何也蓋公年才強仕而堂上春秋高矣公既素負大節有潤澤生民之志而至性篤孝不忍以定省獨諉其兄欲退而聚順於家則勇戰敬官之道缺欲進而効忠於國則循陔陟屺之願違萬里迎養則犯風濤越險阻非秀翁黃髮者之

紺棠亭文集

卷一序

三

所能堪也余廼探其微意而爲之言曰昔王尊王陽先後過九折坂論者以叱馭爲忠臣回車爲孝子吾以爲此猶膠於一曲之見者也何者忠孝二端其道廣博而其致精微苟出而盡心所事無忝厥職是能顯其親以揚其名者也雖馳驅皇路可也君子以爲此孝之大也苟其道不發聞功業不著見是沒世而名不稱者也畏難而退雖逮養其親而已君子不取焉詩人道孝子之思其親者曰父曰子行役母曰子季行役兄曰子弟行役非必其父母兄果云爾乃孝子以意逆志如此云爾且爲此言者以尋常人之情度其父母兄其父母兄亦以尋常人之事望其子弟兄女子情事故如此假

使有卓犖俊偉之概明惠博通之識則所期許決不止此入則坐都堂佐天子號令賞罰出則捍牧圉管兵走萬里次亦爲國家愛養元元殷富完實名垂竹帛照耀丹青斯爲克家之子公尊人學行有聞於人隨父宦金谿實左右之才術器業略見施爲母曹太君相夫教子以有樹立夫非所謂卓犖俊偉明惠博通者與而肯作惘惘離別可憐之色耶至於奉卮匱進飴蜜先意承志者家督事優爲之其又肯遺我弟以累心而不成我弟之名耶明府亦力其遠且大者而已 聖天子以孝治天下侍從之臣 特詔省觀士林榮之明府政成擢用旌旄羽葆白棒籠街郡邑之長前驅負弩兩尊人朱衣

紺案事文集

卷一序

美

翟芾升堂萬福鄰里聚觀儼然圖畫計日可俟然則江湖萬里直几席耳漢臣之所執誼毛詩之所道情猶眇小之見而烏足以言孝思之極則也與以是復於兩尊人度高堂之所色喜而明府夙興夜寐亦可以無忝爾所生也已

明松陽令唐天寵先生祀鄉賢錄序

吾邑唐天寵先生諱恩明正德甲戌進士知浙之松陽縣以清惠稱撫百姓若嬰兒刻勵修潔家人紡績以給薪水至不能飽其僕沒于官橐中俸金三兩而其事具松陽嘉定兩邑志禮所謂沒而祭于社者斯人與而鄉賢一祀至今尚缺其裔孫士愷常涕泣以告邑之耆俊

相率陳牒當事士愷子太學生焜從其季父士恂凡歷二十餘年卒成父兄之志今督學使者內閣學士韓城張公從所請置主入祠煇等採志書及上下往復文移批荅掇其畧節編成帙名曰賢鄉錄余覽之而喟然歎曰漢世重親民之官萬戶以上爲令減萬戶爲長績著者遷郡守宋建隆初懲五季之弊詔重令選然重內輕外相沿積久司馬參軍皆得以手板相臨進士注此選者至以相訾訾盡心厥職者蓋寡矣先生在仕途爲屈滯而奉公砥節以死勤事不能一日居京朝陟清要淹沒幾二百年士論爲公惜然事久論定廟食妥侑清風峻節山高水長逸老遺民咨嗟歎息屈于前而信于後

紺案事文集

卷一序

三七

何憾也夫仕宦之升沉功名之顯晦就一時之論以爲有低昂其間耳及世遠人亡聲勢榮利剝削消磨盡矣然後清濁汙潔判若縑素至是而物論低昂又一變矣公同年登進士者幾四百人其以勳名節槩著稱當世殆不數人乃有居榜首官列卿言論風采赫然震動一時然其大節所存隱微之積或不滿人意者有之矣即使其邑人廟食之如公今日而翕然無異詞未知視公爲何如也然則高位有時而蹶盛名有時而歇而惟志潔行芳亘古不可泯滅一時庸夫豎子之豔羨不足誇而千秋萬世之公心不能奪也或者謂公宜世有象賢而詩書遺緒久而後興疑天道不可信然綿綿延延子

姓之賢垂絕復續正以見君子之澤五世未斬其留遺者遠且崇祀之典舉行速者或出勢力之振援惟歷世久者迺爲定論耳余治陶謨劣何足仰追前軌然辭受進退以公爲師殆竊比之云爾恐涼德不足留餘慶他日繼志述事如公後人者蓋未敢冀倖也故既樂道公之風節而又歎譽其裔孫之難得如此云

先師南溟龔先生詩集序

順治癸巳甲午先生館余家塾案頭常置杜陵劔南道園松圓集荷亭竹垞先生時一吟諷脣齒間作宮徵之音磨墨伸帋疾書則篇翰成矣今集中所載如舟亭諸詠是也余方受經生業未暇及音韻然時時有會于心

緒集序文集

卷一序

長

就試郡城登瑞光塔呈五言一章云獨上浮屠頂蒼茫日落時天低疑接水樹遠若無枝雪色含春煖鐘聲帶濕遲髫齡負逸興登眺不嫌疲先生驚喜謂孺子可與語此因指示詩家源流正變曰汝謹識之先生爲唐叔達先生外孫一時耆宿皆通家世執側聞緒論確有師承大抵以唐宋以來四家爲宗其他旁流一切吐棄粗厲雋殺不形于言俯仰疾徐務中其節意有激發間亦衡從放恣溢爲奇怪然肌理細膩章句妥帖故在也余作雁字錦機諸詩極爲歸先生恒軒二侯先生桓園掌亭所賞先生務引繩墨于鋪叙結束離合出沒轉換聯連之法必造于深微而後止則余固欲登先生之堂而

嘖其蔽而至今病未能者也嗚呼先生亦非一詩人而已先生尊人與外家上谷氏後先殉國難義烈在人口先生賦離黍而興嗟誦匪我而隕涕河山忽改銅駝荆棘之淒涼城郭亦非爵馬魚龍之銷歇家冤國痛有非筆墨所能抒寫者矣詩特其所托寄焉耳已先生子概綵之言曰先公平生有欲言者尚有不欲言者欲言者見之于詩其不欲言者亦終于不言而已矣平生所著甚富今但存其近體長句如螳螂捕蟬歌絕句如和先子西湖詩十餘首與會淋漓格韻清拔絕可誦而集中無之則其失編者良已多矣然則先生所欲言者猶不能盡見于世而況其所不欲言者人又烏足以知之哉

緒集序文集

卷一序

長

李漢趙德輅呂黎遺文爲有功于師門而余不能網羅放失書之以志我媿焉

王西亭給諫詩類集序

詩之作也其有感于物動于心而不能自己于言者乎彼不能自己于言而才不足以達其辭而不能工者則有之矣若本非其意之所欲宣強作之而能工者古無是也古之作者登朝廟則恭敬齊莊以述上德與燕饗則懽欣和說以盡下情王事獨勞作歌告哀天步艱難鼠思泣血貝錦青蠅之憤痛美人香草之騷懷動于中而發乎其所不能已境之所歷者切故辭之所道者皆其真也蓋時有汙隆則志有通塞遇有夷險則情有慘

舒哀樂不可相反而歌哭不可以偽爲也至于曲直繁  
瘠廉肉之不同皆其自然之音響節族而或湮鬱不能  
自通蕪弱不克自振則才分稟受之殊而學殖有豐蓄  
講究有精粗也要有出于真而不必工者矣無僞爲而  
能工者也是故詩之爲道先別真僞而已矣感于物動  
于中而不能自己者乃其真也余同年友給諫王西亭  
鉤貫經史明體達用抱匡濟畧文章無所不長尤邃于  
詩初就外傳已能作韻語驚其座客淵涵渟蓄磨鑿切  
劇擺落凡近消融渣滓造詣深微如蠹漏珍香剝蝕殆  
盡獨存真液求之當代幾罕其匹如斯人者雖不涉萬  
里塗不徧交天下鴻生魁士其精英光怪亦必不遏抑

紺寒亭文集

卷一 序

早

掩蔽而況使之苑枯榮悴倏忽變易甘辛燥濕先後備  
嘗而謂能無感而動于中乎方其浮沈諸生蠹老螢乾  
麻衣蕭帽困頓非一日矣釋褐得嶺南之茂名補官又  
得黔陽之銅仁南際朱崖西窮楚塞浮天浴日之浸繩  
行縣度之程皆蛟龍鼉鼉之所窟穴遷人竄客之所羈  
栖也召拜瑣垣得預聞朝家人材政理國計邊防之大  
出入侍從法駕鹵簿睹聲明文物之盛而彈劾不避  
嫌怨以直被擯立朝才數月耳未竟其用於是風人之  
榛苓邁軸二雅之陟山采杞形弓湛露與夫茂良夫寺  
人孟子之作無不見于篇什蓋所歷非一境所觸不一  
端故其爲詩亦非一體也士大夫所遭如西亭者何限

然不具此心胷其志氣亦不能激發雖激發亦不能寫  
難狀之景吐難言之情窮極幼眇如此西亭縱天授非  
久閱歷亦何以爲奇聞壯觀之助而盡有古詩人之衆  
體也叩西亭著作甚富余爲序其詩類畧發明其大指  
如右嗟乎君子身處江湖不忘廊廟其忠君愛國憂盛  
危明之意得毋有不能自己于言而言不盡意者乎後  
之人誦其詩論其世知其人其必爲之廢卷而三歎也  
夫

王樗園覆譔集序

余友王子樗園輯其詩名覆譔集見示余覽未終卷不  
禁喟然歎曰王子非所稱阨塞磊落之奇才者耶豐于

紺寒亭文集

卷一 序

空

天而嗇于人富于才而窮于命其孰使之然耶方今海  
內蒸蒸向古學而子獨爲于舉世未爲之日浸灌六籍  
貫穿羣史其間字義箋釋偏旁分部音韻翻切無一低  
悟纖悉不漏世未有如此之精且博者也及其淳蓄出  
之如餅瀉水萬言落紙若不經思閭深奧衍鯨鏗春麗  
世未有如此之敏且瞻者也然而躋于文戰老困免園  
破屋數間上兩旁風出見賓客攝敝衣冠一剪頭雖常  
有領廟之色世亦未有如此之乏且困者也或者以其  
負才不可一世時時使酒難近以是病之余以爲不然  
犬凡物之有殊性者乃爲殊珍人之有奇能者必有奇  
癖雄黃烏頭猛悍不可常餌然去癥瘕下蟲蠱非此無

以奏功驪龍之珠文羊之角厥直不訐然皆蠻夷山游  
殺人之物非可狎而畜也假令王子俛首帖耳盡斂其  
雄才直氣則其爲詩亦必輒美甜滑盡去其盤空硬語  
人豈復成須眉男子而詩豈復有拔地倚天之句格哉  
卽以此擬高第躡華要王子必不顧而吾黨亦不以望  
之王子也夫何病余性選儒言行常自檢飭而忌者出  
不意擠之死地複壁橐籥隱忍偷活亡命京師一住五  
稔憤懣發摠得詩千餘篇頗爲通人所稱假手鑪錘鍛  
鍊成就獲益良多矣師友愛我未有若斯人之篤也  
自笑才氣遠不如王子而所遭尤酷但今所存詩不知  
視王子何等也蓋余所謂中人困心衡慮而後作而王  
紉寒亭文集 卷一 詩

子則勞筋骨餓體膚以當大任者也嗟乎文章一道古  
今大任造物不輕以予人者也集爲侯子鳳阿評選侯  
子深于詩所論定同人莫能易也余故不復及而發其  
詩之所以作與其作詩之所以深造如此云

紉寒亭文集卷之二

嘉定縣重修文廟碑記

嘉定趙 俞著

皇上以神聖文武繼承大寶誕敷文教需用儒術臨御  
之二十三年苞葉剗除癘弓舛甲扶桑出日之表納土  
置郡六服內外悉主悉臣清和咸理年穀順成於是循  
虞周盛軌柴望岱宗 躬詣闕里釋奠 先師兼留  
御蓋以示隆重 親麗宸翰題萬世師表榜大成殿并  
頒行州郡其學官有廢壞者所司葺治自昔詰王尊師  
訪道稽古右文罕有僂斯者也而嘉定邑侯聞君重修  
文廟於時適成嘉定居吳郡東偏其水土質重人物近  
紉寒亭文集 卷二 記

朴野然婚喪賓祭動引古禮士大夫喜談節概卑榮利  
文章師王常宗歸太僕雖制舉業皆有根底羞爲剽賊  
塗飾之言居官任職所至有聲蹟伉直骨鯁仗節死綬  
之士歷歷可覩記邇者稍稍陵替鄉里暴桀子弟公行  
不軌黜者舞智御人獄訟繁滋士氣亦浸長華競矣然  
其間多振拔克自樹立鏃礪名行切劘古文辭猶能不  
墮其家法豈獨其土風然哉夫亦甄陶乎禮樂之場厭  
飫乎仁義之圃漬于肌膚骨髓之深故歷久而猶有存  
不變而能不失其正與然則聞君學校之整頓又可以  
及併與先是學官修者屢矣官斯土者有哲有愚日久  
廢弛丹堊漫漶棟榑崩陁上兩旁風神棲露宿聞君一

下車奏記臺使者得塘夫銀若干兩庀材鳩工不一似手推舉耆儒有學行者裹糧襍被晨夜督護相度周匝綜理微密材良斲堅釘絞漆髹精緻華好侯不時巡省調度悉心諮訪工善役勤費減功倍未半歲大成殿落成雕甍畫棟銀榜璇題趾棘翬飛星輝霞爛雄敞閎麗有加于舊其餘工作次第告竣廟貌以妥庶祀以秩講肆有堂齋宿有所春秋上丁祝嘏陳獻登降典俯肅肅雖離皆中儀式飲射讀法以時具舉經術于是乎明王政于是乎備嘉之人士其務沐浴至教涵泳聖涯敦本尚實抱質懷文勿替舊服仰副令君作人之雅意余將從容觀文治之盛焉侯律已以潔肅下以威撫眾以慈

附集事文集

卷二記

二

他政卓卓可紀者多其以是為先務可謂知政本也已聖天子振興于上司牧得如侯十許輩率先奉行于下斯世斯民欲不回心向道返朴還淳不可得也然則嘉邑其即成周二南風化之首與余自官禁近以至承乏政府違里門幾三十年而侯之政聲籍籍邇下今予友辛廉趙俞孫致彌國子生侯開國先後至京邸以碑記請為撮其大指如右聞侯名在上浙之山陰人佐之者教諭畢天庚訓導任國鑄經始是年之三月竣于冬之仲月凡重建先師廟禮門鄉賢祠名宦祠魁星閣若干楹仰高坊一座增修兩廡櫺星門明倫堂若干楹工料以緡計其費三千有奇趙俞云

建寧會館碑記代

夫人有羣萃州處之地然後有同方合志之人有同方合志之人然後有考德問業之助要之居則聚於鄉黨出則聚於京朝此其大分也然方其在鄉黨則往來酬酢不出戶庭里巷之近凡夫六德六行六藝之務可以互規勸而相劇切一在京朝而朝夕游處者皆東西南北之人至若生同鄉居同籍者或顯晦異轍則不能聚顯矣或京職外任之不同則不能聚其或對公車候注銓而至則會者動以歲年為期而別者不過旬月而計然每僦居僧寮僑寓民舍同城闕隔邈若秦吳是故聚者多非其鄉人而鄉人又若異域散者既不能以常聚

附集事文集

卷二記

三

而聚者無異於散處於是宴會之時疎桑梓之誼薄宗黨朋舊之無與敦好而道義學問文章政事之無以諮謀君子以為病故明時天下府州縣例立會館在京師而吾郡舊在粉房街本朝定鼎後為勢家所占曾與同郡計偕者入都圖復故業勢家故設難以配之事遂寢康熙丁卯北城十間坊里有洪氏業欲售索直若干同郡孫子方子輩與余議合余捐金償其直而諸子漸次襄厥成焉然後對公車候注銓者輪蹄交錯至則如歸蓋未入國門而此身已若有寧宇矣又不但此也吾郡八邑山川秀發由宋迄今儒宗名世前後相望今郡人至止者羣聚一堂朝夕考稽彼此浸灌游泳豈聖之



匪漁獵藝文之圃辨析道術之汚隆究討政理之善敗  
務思接軌前哲上可以裨補國家下可以擴充志業則  
此館固造就人材之地區區卽次之安蓋不足言也夫  
八邑之人士方其各居一鄉近者相距百里其羣萃州  
處反有不若在京朝者矣而謂此館可已乎不可也余  
齒髮就衰方乞 聖恩歸老故里諸君宦京朝者幸毋  
廢墜而益光大之余雖優游泉石間乎且拭目俟之館  
臨街門房五間中棲本府城隍神位次層堂四間又新  
構廂房一間後屋四間左右小廂房二間屋後馬棚一  
架廚爨廳櫺門扇板壁及炊具坐臥具食飲便汲滌浴  
器粗完其伙助姓氏及屋並井修葺備辦等用別有籍

附集亭文集

卷二記

四

康熙甲戌六月朔郡人某記

定陶縣濬渠碑記

余以康熙戊寅夏六月謁選得充西之定陶是時 廷  
議允言官條奏凡州邑守令銓注皆引見稱 旨然後  
赴所任前此未之有也七月十有八日 上御暢春苑  
之澹寧居吏部引同選官一十六人 廷見事既剋起  
而余又以科分先猷居班首 上注視者久之侍臣傳  
天顏甚和粹班退道遇 諸親王趨朝同輩皆跪迎  
道左 諸親王問左右知引見官改容禮焉蓋 聖朝  
承天理物于惠元元留意司牧雖外吏末員猶鄭重若  
此顧自視益戰慄悚惕恐無以報塞副 朝廷德意九

月朔入其境積潦布地行人皆相避于淖餘糧棲畝滅  
沒沮洳中負郭居民就食他治廢瓦頽垣氣象蕭索進  
父老問故則曰邑苦窪下每夏秋淫潦四境一望瀟瀟  
陂塘穡事之不登非一日于茲矣縣東北穿鉅野有大  
澤西北亦有古河道未盡堙而田塍平漫無所滲洩前  
邑侯吳君欲於南北壘成二渠奏記行臺經畫伊始規  
模粗具以代去速厥緒殆未竟也其有待于公平余怒  
然傷之既視事之三日單騎相度其在南境者廣可五  
尺深殺三之二其在北境者廣深視南渠有加而未施  
畚鍤者亦七之三則固平陸也余計所鑿淺隘不足受  
水微令兩渠皆廣十五尺深五尺襍被畏糧屏去輿從

附集亭文集

卷十記

五

風霾冰雪不爲避百姓感其勤率先興作雲蒸雷動集  
者如蝟間有踰情予誚讓亦頓首謝無怨懟意工大起  
所至士民踴迎馬首獻饌餌壺漿果蓏爭邀至其家婦  
孺亦羅拜欲一望令君顏色冬十二月以地凍工輟今  
年二月復踵前事民趨事益力四月工次第竣南自牛  
王村接曹縣界東至柳河村又東北歷麟過班枝鐵渠  
南丁小王坡招遠諸村至大烏集凡四十里又十里北  
至孟家海入苗垆店白家河爲南境之水北起丁家口  
至袁姑集有古河道仍其舊從袁姑集東至棠林坡京  
城店郝岡屯凡二十二里至孟家海西南與南渠合同  
注白家河迤東北十里入鉅野境爲北境之水所云二



渠是也此則用民之力而以官治之者也又自順河集與中渠分道東北流亦仍其舊至棠林村東歷北林鎮萬福集入鉅野凡三十三里此則聽民自為而不以官治之者也然知渠成之為已利也亦踴躍奮迅惟恐或後工程與二渠埒先是浮土多堆岸口易淤則令築治平寬可容兩馬人畜行其上堅實如河堤雜植桑棗榆柳椿樗木根入土歲久不驚崩而落石取材可資民用夏六月雨決句自渠迸注若激箭奔馬汗邪下隰亦無水患出行堤上坐樹間倉庚戴勝鳩鵲鸛鵒下泳上翔飛鳴自得因與耕夫餉婦參雜間晴雨課樹藝萬眾歡忭謂出昏墊而享粒食者君之賜也余遜謝不敢居

附案事文集

卷二

六

然欲不以民之樂為樂不可得也薦紳耆老請立碑以紀道里遠近工作始末俾後有所考余不能辭為譏次如右乃作而歎曰周禮十夫有溝百夫有洫千夫有浚萬夫有川所以待蓄洩備旱潦者法甚具自開阡陌以盡地力而千百年無講求之者矣今天子湛恩汪濊覆育區宇而勤恤民隱農田利病水道通塞明詔訪求歲常再下而東省開府監司郡伯多在廷所慎簡威明廉直愷悌慈和能教督屬吏闢疎文網故雖以余之謏劣亦得鞭策驚鈍展布手足以報答非常恩遇之萬一陶之人去所患而即所安地之荒蕪者日以闢戶之流亡者日以復村墟之稀少者日以密坊巷之傾圯

者日以完夫其所以如此者豈余一手足之烈哉遭逢盛世聖天子休養生息大吏承流宣化使然百姓沐浴浸灌於其中深矣而莫知誰為之也於一邑見其端也已若乃丈尺務中程度泥沙每歲刷治架閣橋梁不使病涉分疏支脉轉相灌輸漸而及之推而廣之則繼今以往余之責而不獨余之責也夫故記成而別為條約并勒諸石吳君名階玉江南儀真人余不敢忘所自始也故及焉

定陶縣修路記石

縣之通衢凡三一驛路東北由孟家海抵鉅野境四十里經治城夫馬便于添換起解錢糧走此一舖路東南由高遷村抵城武境二十五里蓋兵夫額少并合城武金鄉乃行也又南抵界牌店曹縣境十五里又自西關北關兩路西北由佃戶屯抵曹州境二十里上下公移傳送走此一便路東由姑姑庵抵城武境四十五里商旅走此三者不修是生三害三渠雖濬平疇遠道猝難灌輸決旬乃涸而農病矣人牛車兩一陷于淖平臍沒髀尺寸不前而行人病矣塗泥所限橫驚別驅黍豆已高踟如麋駿而農重病矣余檄令修治路皆廣一丈五尺可容二車兩旁鑿溝廣五尺即以溝土培路路高不受水田水盡從溝引入三渠人畜又不能闌出蹂躪一舉而三害除三利興焉古者雨畢而除道然止以除

附案事文集

卷二

七

道弗已耳此則與農田水利相表裏者也噫此政之小者耳苟盡心焉于物必有濟也患不講求耳餘可推而及也邑令趙某記時康熙壬午端陽前二日

定陶縣重修文廟碑記

聖人之道盡其所得爲于已而不責報于天凡夫知仁聖義忠和孝友睦姻任卹修之于身而措之于事者皆民義之固然而根極于天命人心之不容已不盡乎此則於已有缺而無以副天之所予至於福善禍淫之報宜聽之陰陽而已不與焉苟有所爲而爲之雖義亦利也雖公亦私也一念之中差以毫釐謬以千里蓋如此也自戰國以降人心浸淫于功利聖人道否及二氏興

射美亭文集

卷二記

八

而福田利益之說熾于是舉世背儒入墨如水就下不可隄防其爲善者非果爲善也不過如農家之操豚蹄祝篝車商賈之善奇贏利市三倍而已夫道義之動人不足以敵禍福之誘則舉世趨之無足怪矣所趨在彼則所棄在此自然之勢也今釋老之宮徧天下而先師廟郡縣所立不及千萬之一釋老之宮粉金爲泥雕香成像崇麗閎敞無有限制男婦絡繹道塗千里不絕頭目身髓不吝施捨至于文廟傾圯剝落則曰此儒生事耳夫學校之立豈專爲博士弟子科舉出身計哉嗚呼其亦弗思耳已設孔子之教不與君臣父子夫婦兄弟朋友之倫數朝廷無以出治禮樂政教刑罰皆廢而人

道或幾乎息矣然卒以爲迂闊而置之者無福報之說以動之也 聖朝修舉王道綱用儒術設施措置一以孔子爲師累 勅郡邑繕治學宮守令以是定毀故有司爭奮起以應 明詔余以康熙戊寅九月蒞斯土既肅謁進諸生問狀則先師殿尚翼然而表裏漶漫不治其他破缺須整飭者尤多余割俸以倡庀材鳩工而諸士踴躍爭爲之助夫諸士豈有所冀倖而爲之耶可謂以義相先不惑于流俗者也首建一坊奏記開府王公題其額曰聖澤流長金碧輝煌照耀一邑于是先師殿啟聖公東西廡綠垣棖欄楹門扉榻扇神棲供桌帷幔一切修舉綴以黝堊塗以丹漆聯以釘鉸施以綵綺

射美亭文集

卷二記

九

工善材良盡皆完好其從祀位次考據闕里誌書秩其訛亂又改造櫺星門起門樓釐出東華門舊址補建敬一亭一座而規制畧備矣嗟夫陶人之汨沒于水患也久矣自溝洫道塗之政修田野闢而流亡歸獄訟衰而生齒息陶始爲善國矣然使官墻鞠爲茂草教養人材之無地其汨沒有其甚于水患者矣則茲役其可緩圖哉所以能然者余何力之有此 聖天子稽古右文之盛心而行省臺使諸名公卿喻德宣譽之力也諸士仰承上指惟周官六德六行是講求而文字制舉者其六藝之一也倘不力其大者徒思以此邀取世資已耳是即功利之入人其賢不肖之相去者幾希

紺寒澗亭記

風人善狀物葛藟之篇曰在河之澗說者曰夷上灑下曰澗狀如人之脣也兼葭之篇曰在水之澗說者曰水草之交曰澗水之有草如目之有脣也余家雷墩浜上所居西偏有場圓旁有池可一畝半春夏作紺碧色味極清冷故取周茂叔濂溪紺寒之語以名之池中畜魚千頭水次雜生菰菱芡芙蓉又因澗池岸左築長隄如束帶隄上梧桐高四五十尺斑竹稚松離立其間紫荆紫薇著花爛然草葦大如斗俯瞰池上亭外曲欄可凭見池水澄澈如玻璃魚游恍在鏡中盈盈如人之目睛而花木竹樹茂密扶疎遠近映帶詩人所狀躍然

紺寒亭文集

卷二記

十

肖似可愛也夫人五官在面各有司目之所用最急而眉無所効職若閒散然一有不具則不復成人形用雖緩而不可相無者蓋目以用爲用眉以不用爲用也余性拙于人間事多不能又遭輟軻無所見于世獨喜古人清辭麗句心摹手追凡夫月星明晦雲烟舒斂草木華實魚鳥泳翔鏤刻其情形發洩其先怪當世之不急者莫此若然世之大人先生獨用于朝作天子耳目而余潤色休美歌詠太平未必非不用之用也則夫青葱紫綠之點綴于沙汀水渌者余得毋象之乎於以名我亭固當余友廣陵禹子上基工繪事屬作圖巧知已爲詩歌以張之恐不得其說爲述其端如此水亭

隄岸餘于木頗有嵌空之狀然不取彼而取此者余以口舌賈禍夫亦有所避之也乙亥陽月既望日蒙泉俞記

昌運宮看古松記

京城西北昌運宮傳有栢子松甚大石子五中約司志者五人夙戒治具連騎出西便門行十餘里至其地宮蓋正德中太監張永所建道觀也雄殿傑閣凡四重金碧輝麗上插雲表繚以周垣初入門見六古栢如偉丈夫帶劒佩直殿階再入則栢子松七株左五右二大者圍可二丈膚若琅玕鬚若孔翠輕颺振拂復若蘭蓀響若笙竿地平如拭無鷹毛馬矢諸不淨物跌坐其下不

紺寒亭文集

卷二記

十一

復知天街中塵高十丈也再入則十二株對列比前差小又一大株離立牆外蕭疎簡遠若不屑輩行者最後入又得四株大小視前七株凡栢子松二十四他松及槐柏雜木又二十餘銅柯石幹天龍神鬼詭態殊狀不可方物石子出脯鮮果祿命僮奴拾松殼炙酒日晡始跨馬歸按李東陽碑記宮作于正德辛未栢人憑藉寵靈奔走宰執揮霍金錢窮極奢靡迄今甓破缺丹粉漫漶不二百年而威燄消歇盡矣獨其樹在耳可歎也地去闕闕遠輪蹄征逐所不及士大夫待漏而入則奏對在廣廈細旃之上退食而歸則酬酢于平泉午橋之莊此樹閒冷閭寂固豪貴者之所棄而不有也造物者

以待夫爵棲失足淒清寒苦之士嗇彼豐此理固宜然  
今同遊者或禁近侍從之班或民社司牧之選方翺翔  
皇路沐浴日月乃與余同婆娑把玩于此殆不虞君之  
涉吾地也蓋其托寄高遠胸次灑落雖腐褻冕而皆有  
希古振纓臨世濯足之想故能不以士大夫所共有者  
爲樂而自樂其樂歟余又惡得而私之同遊者許先生  
山濤先生子董傳與石子五中皆如舉人戴子衣聞德  
清人余嘉定趙文僥各爲詩以張之而余又爲之記康  
熙癸酉三月十有九日作

梓晉軒記

胎堂之東偏公退宴息之所有軒三楹前令吳君執如  
題之曰留荆蓋舊傳此爲田真故宅適有小株傍砌生  
似紫荆因以名之然紫荆一名收花綴枝幹間密如虬  
蟠故又名虬蟠而此樹夏初生葉攢葉杪類粟米作白  
花乃梓也初生未花不能辨又因前賢故實傳會之耳  
詩椅桐梓漆爰伐琴瑟梓美材也尚書大傳伯禽康叔  
見周公三見三笱商子曰南山之陽有木名橋高高然  
而上父道也北山之陰有木名梓晉晉然而下子道也  
荆以教讓梓以教孝親親長長二者居天下之大端矣  
義各有取從其實可也改名之曰梓晉而爲記以申其  
說用以風示邑人焉夫孝弟仁讓人道也草木無知者  
也人也者萬物之靈也根于天率于性皆其所素有也

以所素有之理顧觸于無知之物而後動人而不如物  
乎其亦可感也夫

黃陶菴先生祠堂記

嘉定當吳郡東偏濱大海其俗勁悍然頗以義烈聞鼎  
革初王師南下嘉定起民兵登陴拒守不爲屈攻圍  
旬日守者力竭城破士大夫多以身殉者進士黃公淳  
耀偕其弟諸生淵耀入城西南僧寮庵其從人出闔戶  
取片紙大書絕命辭衣冠北向再拜就縊死最烈血漬  
壁甕入寸許風雨莓苔剝蝕漫漶經久不磨滅過其地  
者猶髣髴見公怒氣鬱勃髯須戟張精爽閃閃從壁間  
出也嗚呼壯哉或言公未任職可這一死然既受國恩  
賜出身矣豈復可自解免况謀人之軍師敗則死之黃  
冠故鄉信國亦誤古人可以無死之說不如是也登第  
初同榜集都下者挾術以鑽公行請托公杜門不赴館  
選貽書其弟以百千年間一人自期許論者偉之按崇  
禎癸未八月方舉會試次年甲申三月都城陷戎馬蹂  
躪社稷丘墟近在睂睫間而當軸蒙蔽新進浮競航榮  
罔利積弊叢奸牢不可破士節隳敗國運隨之未嘗不  
歎惜痛悼謂科目之無益於人國而公名播華夏傳及  
島國大節炳於千秋高文式於來者翰墨之存學者寶  
若天球姓氏之芬土人誇於鄰境可謂與日月爭光大  
壤相敵者也夫非百千年間一見之人與公之志酬而

公之言信矣向目之豔美於庸夫豎子之口者其可與  
公同年而語耶公湛深六經浸灌穿穴務求心得直究  
性命之指詩冲澹仿陶彭澤文師承荆川震川尤熟於  
史學凡學術醇疵事機成敗典章沿革人物臧否著論  
抉捷悉中肯綮間從制舉發揮援古鏡今沉著痛快義  
蘊畢宣沁入心脾凌跨前輩海內宗之然公之文公之  
人爲之耳文以人故重非人以文故傳也三百年來以  
制舉名家者不乏而光談萬丈如公者幾人哉曾子固  
作顏魯公祠堂記不一語及其法書從所重也雖然世  
知公殉國之烈矣余以爲知公猶未盡也彼臨難苟免  
者無論亦有迫於事勢計無復之而然者要當觀其生

附錄

卷二

七

平耳公早歲立自鑒錄知過錄以檢察身心又與同志  
起直言社互相鍼礪後更設日曆書之所爲夜必書之  
蓋公天分清剛學養完粹讀書細見理真任道勇飭躬  
密而總貫之以一誠生平言行無一不可告人者德修  
於已而道根於心故窮達一觀而險夸一致其仗節死  
義者時至事起隨方順應本分然耳豈故爲激烈以要  
後世之名哉假使身際承平不逢國難公遂一碌碌無  
奇節之人乎哉公自有所以爲公者在非小夫感憤自  
殺者比也由斯以談氣節猶不足盡公而況於文章乎  
然則天下之知公者其淺也學者由其應用求其本體  
則慷慨赴義之勇和順積中之發其于公也或庶幾矣

公宇蘊生晚自號陶菴久俎豆鄉賢而專祠未立黃平  
王公泣是邦篤學好古砥行立節一以公爲師法振興  
廢墜百爲具舉捐金若干兩贖廢院之售劉姓者葺以  
祀公及公弟偉恭偉恭卽淵耀學行如其兄死時互以  
大義相勗勉士論竝重之從紳士請奏記兩臺暨監司  
皆報可 聖朝褒獎忠節破除拘攣高出前古而官斯  
土者以是風厲人心激勸頽俗可謂知所先務而他政  
亦可推也已祠坐城中東隅庭中壘湖石植桂樹枇杷  
栢子松瓔珞栢各一株公魂魄當依此俾先生子孫世  
居主香火焉祠成猥以記見屬不以不敏辭者見賢思  
齊之志亦冀附公以不朽也謹撰述如右王公諱樓號

附錄

卷二

七

震來丁丑進士貴州黃平州人

嘉定縣重建鐘樓碑記

王者建邦啓土立壇壝繕城郭區市廛設學校俾莫厥  
居各有寧宇皆以人道治之而已然必仰以觀於天文  
俯以察於地理綜三才以爲用乃備焉公劉遷幽周公  
營洛衛文公徙楚丘流泉夕陽之拱向東瀟西澗之經  
絡景山堂邑之映帶條理微密周緻如此者夫非獨固  
疆圉備非常而已以爲不如是則陰陽必有所疇勝風  
氣必有所湮鬱器用財賄必有所匱乏而聲明文物不  
能以振興故慎之也其或偏陬僻壤限於形勢則必爲  
之衷多益寡繼長增高參以人力裨補缺漏此亦聖人

經緯天地贊助化育之一端也嘉定地平衍無谿山邑治偏西北境虞山馬鞍山上諸峰遙峙三面而東而接大海雲煙湧洞日月吐吞萬里空闊無屏障天官角亢象蒼龍位東方主長養參伐象白虎居西方主犂斂於理白虎宜蹲伏而蒼龍宜奮張今顧反之右軒而左輕陽乏而陰饒形勢既乖錯而人事將應之不可以爲邑明嘉靖間建樓於城之卯位而架巨鐘於其上雉堞蜿蜒若龍蟠危樓矗起頭角崢嶸欲上雲霄巨鐘鎔鉉鞳鞳宣洩聲光滌蕩陰滯故陽明用事氣常發生居人完富而西與費官相應文教亦以昌明後民之升於朝列者前後輩相望其後頽廢而邑日以凋悴解額亦寔以減矣 聖治休隆黃平王公以名進士洎是邦壹用經術凡有圯壞銳意修舉從諸生請重建樓於其所割俸以倡好義者爭先欣助卽命高材生主其事卜以墨食度以繩直材良甃堅費省功倍下甃石作臺高一丈強上作丹樓兩層中施梯級旁布欄楯上層設文昌星座經始癸未之春凡五閱月工竣用錢以緡計若干千登樓望之則一城廬舍竹樹指掌可收遠睇天海亦滅沒隱見於空濛杳靄之間髣髴神物之久踰伏而今昂首奮迅而升天衢也蓋地氣完天象順人事修而三才備矣王道於是乎全也他日戶口蕃滋蓋藏充侈秀靈傑出彪炳宇宙其有加於舊者謂非諸士之昌言而侯

修舉之力也與鐘以樓廢移學宮後爲濱海僧人所攫會令君以艱去檄之未果夫僧之惑其土人者謂能福其地耳譬之寰宇邑治猶京兆也京兆理則邊徼皆從治矣未有身首病而指臂能自運者也有達於理者可不令而行俟其自歸可也侯諱樞字震來丁丑進士兩學博汪君志琦張君仇諸生陸嵩張觀光陸縉唐煥與有勞動焉樓成置酒以落之屬余識其始末而并道樓之關於一邑者如此以示後人又系之以詩曰  
震於卦位 萬物所出 惟木德王 乃就華實  
金行所勝 防其過盛 損剛益柔 俾若其性  
丹樓層城 蔚如霞蒸 朝冠簪笏 兆其文明  
甸甸華鐘 絙以旋蟲 如雷出地 衆聽以聰  
民大和會 士皆奮庸 士民之從 惟公之功  
浴日堂人日雅集圖記  
古者五畝之宅二畝半在田二畝半在邑余城莊在回春橋迤西從白板扉入有石甃方池小如印綠池磬折出池北作水檻凭之再入門有廡堂四面皆步欄每朝旭初升遙見池光與日色相吐吞光彩盪漾燦人目晴因名之曰浴日堂堂後架湖石作小山斑竹鬱鬱離立其右每歲人日賓朋多出南郭集余雷墩莊今城莊度歲就近過從是日雪花翻舞大如人手竹木森森僵立客破曉踴展畢至觴數行客有謂余曰子辭月俸之

而甘家食之陋沾焉反以是爲幸邪非人情有說乎  
余應之曰人情莫不欲避所苦而就所樂然所謂幸不  
幸者殆亦有不同焉有以幸爲不幸者有以不幸爲幸  
者櫟枿杞梓登于天府然以此而戕其生此以幸爲不  
幸者也輪囷離奇匠石不顧然以此保其年此以不幸  
爲幸者也今夫世之地望清華而官階雄峻者其園林  
第宅之美遊讌賓從之盛刻翠雕香炊金饌玉窮極侈  
靡然而榮悴無常高臺易傾曲池易平欲如今者之柳  
塘竹墅踏雪探梅有不可常得者矣況仕路嶮巇駭機  
不測戈鋌起于談笑酖毒伏于豆觴其能發摠胃臆吐  
露肺腑如今日乎又有以知其必不能也由斯以論果

續事文類聚

卷二

集

孰爲幸不幸抑抑又聞之古稱洛陽名園爲天下最計  
其飛樓傑閣奇石珍木冠絕一時然圖記多不傳其同  
時酬酢之賓亦泯滅無聞于後世若乃栗里浣花蕭閑  
淡泊而南村素心之人錦里角巾之老預其遊者古今  
稱嘆籬邊一菊坊底一芹附以不朽以余謫劣叨從諸  
君子後沐浴光潤披拂清芬風流佳話藉以傳播則此  
日之池亭竹樹猶爲生色豈可不謂幸中之又一幸耶  
同集者學博汪子又韓志琦張子辛巖仇時先生用咸  
炳王于樗園度侯子鳳阿開國張子恒占易漢昭觀光  
二爲龍光陸子紀雲縉唐子微衡煥組佩燦作圖者陸  
子桐源道淮而余爲棠泉趙俞作記圖成因題其上時

康熙丙戌季夏六日

印氏孝義記畧

周官以三物興賢能其一六行曰孝友睦婣任恤行乎  
家庭宗族閭黨之間皆出乎義之所當爲下之非市德  
於人而上之亦不責報於造物者其相應與不相應皆  
聽之蓋聖人之教盡其在已者而已邑之望族印氏有  
上下先生學行著聞有烈士風族弟詢僉早世其遺孤  
撫存方稚弱旁人覬覦之上下毅然以身任刮摩淬礪  
教督成就儼若嚴父雖習於印者不復知其爲族子也  
迨成立補博士弟子乃以所托莊宅田園臧獲貲產什  
器及所享息籍歸焉凡二十餘年中服用資給束脩餽  
終集事文集 卷二 記畧 廿九

問則纖毫皆已出也上下捐館舍其冢子秉家政而張  
孺人所出幼子建存亦若撫存藐孤之歲其兄深念鞠  
子哀方圖有以慰其母人撫存慟哭前請曰某受世父  
大恩康躋頂無以答涓埃此則造物者所遺以爲報稱  
萬一之地也字孤有不如事主者死無以見世父地下  
越十餘年建存亦採芹於泮凡所仰成於撫存與撫存  
所仰成於其世父者先後不失銖黍人兩賢之夫同一  
厚德事或應或不應豈天道有可問不可問哉有心無  
心之間而已無所爲而爲之者義也有所爲而爲之者  
利也方上下之垂德於撫存也盡已之謂忠而非豫期  
受之者之必我報也此天心也故與天道合而自然之



應如此璋判而圭合墳囑而篋和不假人力者也易曰  
不耕獲不菑畲言無所爲於前無所冀於後也于印氏  
一門信之矣然張孺人者亦賢母也性恭慎礪志節三  
十年中上治所天旁治昆弟下治子姓備有衆德以成  
家慶蓋多裨補焉昔韓退之爲董生作淮源詩敘述其  
家生祥下瑞馴及異類怪奇奇而毆陽少師亦言恨  
不多見人間奇跡不得騁其筆力如司馬遷之作蓋人  
間奇偉事非文人筆力不能發然雖有卓詭之才不過  
此等事筆力亦無由而發今印氏之事殊可喜而惜不  
能有如古人之作者爲可愧也

孫頰菴先生傳

先生名和鼎字九實頰菴其別號中丞火東公長子也  
中丞以援勦兵諱見法國論惜之先生痛父以忠勞殉  
王事死非其罪比晉王裒之傷其父儀而又奉中丞遺  
教以伍員爲父讎君之爲非孤憤鬱塞噴耗煩冤椎心  
泣血中夜起立蓋無一日釋懷抱也中丞知兵乃其天  
稟而又精于西術凡衝堅陷陣制勝設伏遣謀用間運  
若神鬼至於繕城垣製器甲輸糧料舉目周知咄嗟辦  
治人莫窺其際以書生贊軍事起家歷職至登萊巡撫  
所在有顯功爲勢家所激忌者所撓功罪不白齎志以  
歿所著水一方人集其平生英謀勝算及所歷勞績畧  
見此書而卷帙繁重先生撮舉要領以子美出師未捷  
身先死常使英雄淚滿襟分十四卷纂言紀事以類相  
從枯坐水亭足不踰閭闔藁凡數易雖子姓不敢翻閱俞  
幼爲館甥輒命校讐間以已意進質多首肯焉或遇時  
祭及中丞諱日先生變服承事面深墨色望之如死人  
氣旁人不敢近窮愁著書年未及耆病輻結以死既彌  
留呼其子不及他事惟以先集不得行世爲憾嗚呼是  
真沒齒不忘其親者也中丞死忠先生死孝蓋亦不忝  
前人也已中丞事當世多有苛論謂拔用偏裨反爲戎  
首夫殺敵致果非爪牙之材不勝束縛之亟乃奮其搏  
噬耳又謂任用遠人故變生肘掖夫遠人避禍內徙土



人日與爲警戒諭不倭乘機難作中丞固知其禍及也至於叛將反戈相向其氣慄悍難與爭鋒然事出激變非其本謀既就撫矣忽以異議中格困獸計窮思鬪官軍肥弱豈能相抗耶火攻之法創自西人中丞在遼用有奇效我之所長轉爲厲階孤矢甲冑古聖人能預料後日而逆廢之乎蓋以出身乙科驟膺節鉞才畧太高功名太盛衆怒羣猜其擠於禍敗自然之勢也身受灰滅之慘而又橫遭汗穢之謗此貞臣孝子所以抱憤泉壤而不平者也敘先生志行而追論及此者蓋先生生平疾首痛心此外更無餘事余非阿附外家乃天下後世公論所在故發抒其指以備史家參訂焉

蘇呈祥傳

卷二十一

定陶地褊小于充爲下邑然陶唐有虞氏遺跡猶存自赤帝子起豐沛卽位汜水之陽名將多出其間漢末又爲梟雄曹操呂布之徒設伏陷陣轉鬪決勝之場故其俗負氣好凌競多沿雄霸之餘習而淳樸未散秀民耆德今亦往往猶及見之余治陶踰二載欲行古法以柔道治其民然著姓強宗亦必久而漸馴其恂恂謹飭有士行者無如田蘇二姓雖其旁枝派別無有一人陳訟牒被勾攝者斯固邑之望也已以余所聞蘇君長發誼至高篤學有文則尤其族之望也君諱呈祥邑廩膳生先世自青州徙至此因家焉勝國末有諱於令者官萍

鄉令遇國變仗節執笏不食死君性樂易然辭受取與一不苟鄰有持金求庇徭役者麾其金不受而陰爲之力賊渠李化鯨倡亂獨雅重君乘夜饋黃白金數餅助膏火資君異辭之一日途遇暴客君下蹇躡避之一人急掖之使上語其徒曰此吾鄉之有德者吾不敢失禮蓋公氣和色仁故能狎猛噬若胖豚然遇事一裁于義其視財利反毒螫若蠶蠶也少失侍事其祖如父尤篤于同氣垂老怡怡終日不厭倦獨御子姓嚴雖成人亦不輕假言笑焉平生研覃六籍工爲舉子業而卒不售者命也然不及其身而得之後人者亦其理也子琮瓚黃皆上舍生能世其學瓚與今進士田君雲翼同舉于鄉二姓之發祥亦符合焉余將修邑誌故序次其行能如右以備採輯云

徐節婦傳

節婦生員徐伯安女端重寡言笑適嚴聖始年二十二寡婦踴欲從夫死旣而曰舅姑方在殯兩叔俱天沒我又無子我死則葬祭皆無主我未可以死時從叔又初尚孩稚曰未亡人不取以爲嗣叔他日所生長子卽吾子也請待之遭國變蒼頭乘亂爲不逞節婦以身翼蔽三柩叱諸奴曰若曹敢無禮耶吾貴可刼頭可斷柩不可焚也賊怒縛投烈焰中火隨滅人以爲精誠所格卒營葬舅姑及夫如禮因歎曰吾志已畢吾今則可以死

矣與一老嫗同卧起手一帕自隨曰脫有不虞卽以此畢命其立志堅確如此長齋繡佛至老人未見有惰容年七十八以壽終趙俞曰節婦俞母同產姊也類類與母極肖似母早見背不得見母見之如見吾母也知其生平最悉雖前史所錄曷過焉序而傳之殆亦母志云

印烈女傳

烈女印堯民女性柔順工組紉旁涉書史父客遊佐其母養祖母得其歡祖母病疫禱於神願以身代曰可使吾父抱終天恨乎字徐吉士以攻苦致廢疾竟不起女年二十一請守志母慰諭遲其父歸取進止女閨戶自經者再皆以救解因陽順母意故緩之伺間潛投園池

附宋事文集

卷二傳

四

家人驚救已不及所司上其事以從死例不得表格不行論者哀之嗟夫其美之於其伯蓋已成婦道者也若烈女則未識兩髦何狀也比古所云加一等矣而顧靳其典何也干律刲股療親者聽之而旌不及爲其毀傷親之遺體也從死於理何悖與說者謂女未適人則父母主之而已夫婦未成恩義猶未篤不必爾也然禮爲風教勸與其過而廢也寧過而存之可乎後有議者從而更定焉未可知也存吾說以俟之

張彥士傳

彥士字龍弼先世從濠梁徙居定陶遂爲定陶人彥士生而敏惠讀書數行俱下爲制舉業有聲九肆力於經

史家藏書甚富多手自鈔寫丹黃所及重複稠疊微文與旨靡不抉擿旁及天文地志音律術數之學雖顯門無以過之幼卽能詩晚年工力深造古今各體窺前人風格文戰屢扼於有司以明經司訓黃縣規條可爲天下式黃令以私怨將寘諸生某某於法徵仕率同官申救甚力監司出危言虛喝彥士以去官爭之不少屈監司義其請更益賢之夫天下惟利害之計太明而瞻顧之情太密故直道有不敢伸而公議常至於屈身當大任樞柄在握遂巡退怯噤不發一語者往往是也彥士以卑官不畏彊禦如此謂非守道不阿者歟使之立朝廷秉鈞軸其風采議論又當何如也觀一節可以信之

附宋事文集

卷二傳

五

矣性至孝居母喪勺水不入口者累日父沒亦如之事繼母如其母鼎革初有守將戰敗將大掠以逃一邑兇懼彥士冒死造其營曉以大義守將感其誠城賴以完所全活萬計大帥劉澤清浮慕其名欲延致幕下唱以美官却其聘不受其孝義節概又如此遷赤水衛經歷秩徵仕郎不就年八十六以壽終鄉人私謚之曰文康余請於學使者得從祀鄉賢所著讀史齋疑等書詩文集若干卷藏於家次子謙能世其學

沈二裴傳

嘉定羅店里有逸民曰沈二裴少負奇志治經生業不就然性嗜古書家貧多從人借讀不能博覽有所見必

窮其底蘊而後已事母篤孝而性狷潔菽水而已非力不食亦不以奉其親也生平志節無可發摠仿元人傳奇作數十閱不爲見女子恩怨爾汝情態獨寫孤臣絕塞勇士敬場義心苦調之英發立懦廉頑之高躅抱節引裁之死靡悔者狀其聲口按以點拍怒氣憤張躍出紙上陰威慘淡矣在目前吁觀其所嘆嗟則其所趨尚可知也已面尖危長不踰六尺語訥不能出口世有驕貴自侈大者邂逅遇之必不肯折節與交豈知其胷中皆卓犖不可一世之士所謂磊落軒天地者眼光作何等其視若輩肥白如瓠直狃饋耳不足當其一呌也幸生窮巷目不出三家村倘歷名都奧區所遇都無一當

續集亭文集

卷二

六

其意便謂于今無千古自命人物生輕世肆志之心大不可也傳語世人過村墟闕閭問好檢校或有抱負奇偉如斯人者睥睨其旁未可知當謹避之嗟乎二裴老矣度終不能發聞于人爲之傳庶後有好奇者可考焉

二裴名晉公二裴其字

外祖沈服伯傳

外祖沈服伯諱續祖祖陽明嘉靖庚戌進士官御史有直聲先是族人有名照名灼者兄弟同時官科道皆以風節著因號沈氏三諫臣祖少負奇氣爲邑諸生不稱意一發于詩不喜爲亭榭縝密之作當其得意雖古人不讓門第既華要得徧友海內薦紳先生奇偉卓犖之

士眼底每不可一世貧老以沒終不一屈于時輩俞繼母其愛女時來省視俞方孩稚謂先君子曰此兒異口當以文章鳴于世今猶愧此語云

節婦吳氏傳

族弟時賢妻吳氏年十九來歸歸十年夫死子一成在妊甫三月力耕織事翁姑盡婦道沒爲營葬撫其子成立宗黨稱其孝謹卒時年五十三旌典例合而力不能請于官可悲也或謂氏農家婦守志節非有奇行何亟稱爲余曰男女居室人之至情朝命簪組身外物耳視之則有間矣崇禎甲申之變文臣殉節者二十一人此外蓋有文章稱名世而屈身事二姓者矣彼難其所易

續集亭文集

卷二

七

而此顧易其所難耶然則氏真奇節也哉

座主南昌司空公六十壽序代

司空蔚懷熊公以康熙丁丑九月五日值周甲攬揆之初度其門下士某官某某等將乞余一言以介其觴是年天子以武功成分遣廷臣祭告神祇公承命之南海夙戒車徒即日就道誼不敢顧其私冬十一月蒞其所禮成越次年春三月入復命還邸第某官等中前請益力余與公先後登朝居同坊巷門外儼從輿馬常交相錯休沐時時得過從蓋十餘年所矣知公不可謂不涖乃爲之言曰人臣之馳驅王事也曰膂力方剛經營四方然而國家所倚畀一則曰天壽平格再則曰尚詢茲黃髮必耆德宿老乃專用焉蓋訂謨定命遠猶

甘寒亭文集 卷二

辰告不爲一身自便之計而爲天下之計不爲一時苟且之慮而爲萬世之慮非老成人不能也余謂顧其人器識局幹何如耳世固有弱冠登朝而忠言至計莫安社稷不動聲色如老成人者矣亦有耆艾髦髦之歲而奔奏先後不敢告勞精彊少年自謂弗如者矣要不可以一格論也公以名進士由庶常改官御史前後章奏二十餘上其于銓途清濁民生疾苦律例參差邊防扼塞國家大計洞悉情事剖別是非忠愛溢發明白剴切而雍容不迫辭氣動人文質繁簡悉中程度凡所條議一切施行朝野傳誦比之陸忠宣蘇文忠以爲此必老成訂謨遠猶非少年剛銳倖直者之所能也屈指垂三

十載矣而今始及耆年哉然則當時公齒尚未踰壯也而才識深沉德器厚重已若此矣古大臣具公輔之望者蓋不待入政府納百揆而知之也公資性嚴毅器能不好弄燕居無惰容終日危坐淹貫典籍富有才藻然非儒者之書不觀非垂世之文不作不獨生稟異人亦由學問涵養而然也今上知公可大用擢卿寺歷官大司空所至皆著聲蹟以河工異議奉身還里杜門却軌絕意榮進上念公舊人即家起用拜太常卿不二年三遷至今官寵眷出廷臣右懷柔百神典禮所重非才望不策遣而公連奉使中州南粵具茨伊闕之窺襄黃木珠江之浩淼踰越險阻而不以爲勞閱歷寒暑

甘寒亭文集 卷二

而不以爲瘁撰述碑文典則閱麗炳煥星日不假掌記筆不停綴精彊如三十許人較之官御史時耳目筋力亦未甚異往時也公豈可以尋常人老少盛衰測量者哉方公之少壯也人以爲耆德宿老寧知游歷清要垂三十載而膂力方剛經營四方乃若此耶先儒云人能好學則老而不衰吾於此徵學力矣自此而往入論思預密勿則所謂詢茲黃髮者舍公而誰蓋在諫諍之地早具公輔之望而况辛甘燥濕久已調劑矣震撼擊掩久已鎮定矣學問積而愈厚功名老而益昌自然之理也國家當清和成理之日元氣鬱蟠篤生英哲留柯熙朝國祚之靈長無疆惟休則公之永錫難老亦無

疆惟休也九州四海方倚公爲安危必覩公年齒精力  
增減以爲欣戚余故樂道之爲斯世斯民幸而非顛爲  
公一人慶也某官知必首肯于余言矣是爲序

翁康伯母袁宜人七十壽序代

錢塘南達閩廣北走吳魯齊燕之郊爲舟車之會襟江  
環海包絡河山風土清嘉多生秀民以文學行誼相高  
士大夫居家皆有禮讓家法往余與崑山故尚書徐公  
京邸數過從道舊故因言曾客湖上翁于康伯山莊翁  
子敏瞻工詩文下筆俊爽有奇逸氣爲名輩推重作小  
畫亦得宋元人骨法爲人至性惇篤事高堂有嬰兒色  
而通明樂易軒豁磊落以朋友爲性命然不獨翁子與  
翁康伯母袁宜人七十壽序

附宋孝文集

卷十

三

其尊人淨業先生皆名士乃其母袁宜人者亦賢母也  
時余偕賓侶登眺吟賞與馬僊從供億頗煩費淨業先  
生以博雅自負襟宇瀟灑米鹽零襍一切不問宜人夙  
戒晨興刻羊治具飲饌甚設家無中人產青芻白飯多  
截邇判薦以佐之咄嗟立辦留連浹月而內外肅然廚  
傳不聞人聲尚書語余如此余心識之後與尚書同爲  
考官翁子出門下升自賓階執禮溫謹而翁目胸次間  
露倜儻卓犖之概乘閒言其世德外祖邁危疾宜人割  
臂療之迎養外祖母于家三十餘年又爲葬外氏先世  
之未葬者事姑以孝聞佐淨業先生秉鐸德清有聲蹟  
宗黨內外有所求無弗應雖或負之終不爲厭倦益信

尚書語不謬能知人得士也周禮以三物教萬民而實  
典之五比之閭書其敬敏任恤四閭之族書其孝悌睦  
嫺五族之黨書其德行道藝皆全五黨之州從而考之  
而實典之升諸司徒曰選士升諸學曰俊士升諸司馬  
曰進士自以聲律鉛槧取士而能合于古所云者蓋難  
矣余謂士人材行之成闢德實有助焉內而箕帚詒泮  
之愆外而乾餼雜佩之缺不克相夫子以教其子者比  
比也翁子既以六德六行自切劘矣而孝友于家睦于  
本宗嫺于外族信任朋友恤振貧窮如此無忝於盛世  
實典之典矣然皆與宜人懿行淑德相肖不可謂非平  
日耳濡目染之力則宜人所以成就之者深也茲屈七  
十設悅之辰翁子乞余文以侑一觴余不爲時俗雕繪  
之詞而述其性行以展剛陵之祝余齒髮就衰方擬乞  
恩解組退老三十六峰之下取道還里必出錢塘尚書  
公逍遙之山莊故在也于汝信宿親炙德輝宗黨鄉人  
頌述徽音必更有悉于此者余亦以通門被榮施矣恨  
不得起尚書而與同之也

戴衣聞母夫人六十壽序代

德清戴子衣聞自壬申夏謁選留京師數過余談論其  
人氣和色仁而中嚴毅有不可奪之節如良玉溫潤而  
栗然余甚器之今春注選得江西之永寧令承寧在萬  
山中去其家二千餘里而其尊人似聞先生已踰耆母

蔡太君以秋七月屆六十設悅之辰戴子仁孝人也薄  
定省者三閱歲矣將服其命服與其家人婦子列拜堂  
下迭奉觴上壽以娛其老親而之官有程限不敢以私  
情後王事乃其中有不釋然者余諗之曰士人一身通  
之事父遠之事君二者居人道之大端矣是故未仕則  
厄重修隨以承順于家既仕則奔走後先以効忠于國  
其道適時自盡而不可以相廢也然而瞻依膝下則人  
臣無以竭匪躬之職馳驅王路則人子未免有靡盬之  
懷其序又若相違而不能以兼盡者余謂此固未達於  
義者也古賢父母之勗其子者曰入則盡孝出則致節  
職思所司義思所立而皇華四牡之詩所以勞其臣者  
一則曰不遑將父再則曰不遑將母蓋子以孺慕悅其  
親親以遠大期其子忠厚悱惻以待其下下盡瘁竭  
忠以報其上上是故白華南陔之志不傷而楊柳雨雪之  
思不作情雖各致而未嘗不兼盡其道似相違而未嘗  
不相成也似園淑質貞亮博通經史為東南耆英太君  
嫺子內則能相夫子教其子以有成其所志必有大焉  
者戴子亦勉承其大焉者而已戴子抱質懷文假令昵  
噪名場鵲衣藿食以待養兩尊人于家雖樂乎不樂也  
今掇高第被寵命為天子保障百里朱芾斯皇映照  
閭里雖不待兩尊人亦樂也三載政成且入為股肱心  
膺之臣戴子之報國家者日以大則國家之所以榮

續集事文

卷十

五

其親者方日以崇又况自浙西取道章貢江深秋暑退  
輕舸迎養二旬可抵官舍刑清政平規畫具金柑銀  
杏芳潔旨人兩尊人必為之加餐斑斕娛舞少後一兩  
月耳而何介介為夫膺力方剛經營四方者人臣之分  
也陟咭陟吧瞻望父母者人子之情也國慶家榮纏綿  
稠疊者聖世之盛典也至于稱述朝廷之德意砥  
礪忠孝之志節則公卿大夫之事而師友之誼也余故  
以慰戴子而即為其兩尊人侑一觴焉

杜斐君中書母駱太孺人壽序代

續集事文

卷十

六

王化之行本諸修身而達之家國天下然未有不托始  
于門內者也人倫有五父子兄弟夫婦門內之治居其  
三聖人繫易于風自火出之卦象之曰家人而必曰利  
女貞者何也蓋異長女也母道也離中女也婦道也家  
之內居尊者躬母道以作則於上處卑者執婦道以承  
順于下則女正位乎內矣由是以篤父子而孝慈興焉  
以睦兄弟而友恭應焉以和夫婦而唱隨叶焉則男正  
位乎外矣苟肅雍柔順之德無聞則家不可教矣未有  
能推諸遠者也成周二南之化盛矣其所紀者后妃之  
賢貴而能勤富而能儉締綌綌之勞衣裳煩擗之瑣  
皆如執之而諸侯大夫之妻亦采蘋藻澣澣以盡其  
職然則王化之端可見矣君卿大夫士庶蔑不由此也  
是故聖人制禮以教天下內則幾居其半凡夫織紵組

訓之務酒漿五飯之法櫛髦容臭之飾棗栗飴蜜之養  
皆以成就其德性使之承尊則如冀缺之妻之相其夫  
也撫下則如文伯之母之教其子也後世士大夫退不  
能賦伐檀之清漣進不能爲羔羊之節儉豈獨其志行  
之卑損哉蓋往往以家自累也內之琴瑟有未靜則外  
之雜佩不能投上之菽水有未甘則下之官鮓不能却  
夫士人居室而有德配與爲人子而有令母豈非幸與  
余家同出祁國公之裔近屬兄武成公爲會稽高才生  
以學行聞於鄉母病刲股額天請以身代邑有東關驛  
郵吏巧以累居民兄爲直之又捐貲治泥鰕塘七百餘  
丈二事邑人德之余兄賢者亦嫂駱太君有以成之也

紺寒亭文集

卷二序

七

姑衰年廢疾太君代盟櫛十餘年無情容姑奇愛長女  
則傾家財推讓之叔姒早寡待之尤加恩禮家頗溫子  
斐君以高科起家宦于朝矣然不事華飾總持家政常  
不敢即安殆所謂貴而能勤富而能儉者與蓋于詩禮  
所稱述教戒者皆備之矣故能相夫子而父子兄弟  
各得其理又推其餘以及鄉里也斐君昆仲皆質直厚  
重通經術太君又躬孝弟敦廉讓以率之他日必以名  
卿爲宗黨光耀夫既盡婦道以相其夫矣又能盡母道  
以王其子於成則夫正乎內以正乎外而王化所自始  
者于余一家見其效也今某月日爲七十初度之辰余  
承之中樞不獲登堂而以一言介其觴不爲繁富之辭

而樂道家人貞順之語以志余家慶且爲斐君昆仲勉  
也

陸命侯七十壽序

兒子方淑自家抵官署余徧問親故及表兄命侯兒子  
因跪請曰表伯今年十月下浣值七十懸弧之辰令子  
紀雲乞大人一言以侑其觴兒竊代有請也憶余自壬  
申走京師忽忽忘其年齒以爲才踰耆也乃遂繚杖國  
叩惘然久之因語淑曰古之人頌禱必稱壽故詩曰永  
錫難老曰壽考維祺雖在平時亦爾不必其生辰也是  
故介壽古也生辰而爲壽序以張之者非古也我不能  
就散作世俗之文烏乎可雖然試歷數兩人平生所遭

紺寒亭文集

卷二序

八

之異同爲賓筵歡噱何不可蓋余與兄有同者四有不  
能同者亦四兄望族沈所自出而余繼母沈也與兄輩  
行稱昆弟同一兄宅在回春橋之右與余浴日堂共坊  
巷相距不數武余乘行艤予入郭登岸每先詣兄書齋  
問訊余才入門而兄與令子屢已在戶矣衣冠迎送都  
忘主賓禮知交莫逆無逾此者同二兄彊直負氣不爲  
娵阿時事是非人物臧否言由中發更無迴互雖有挾  
機數善傾陷者毋面折其過而余亦以性韻剛疎與異  
已者寡諧同三以故余櫻世網備受荼毒而兄亦爲離  
家所中幾破其產同四若其不能同者蓋亦有焉先人  
薄田不給饘粥責家敦迫燒券無期兄則負郭常稔稔



有餘粟貳膳常珍足以娛老其不能同一矣紀雲天分  
絕人富有學殖工制舉業每試必冠其曹溢爲詞賦娟  
秀豐潤清麗閱拔鴻生宿儒視爲畏友昔少陵贈李舟  
有云自恐二男兒辛勤養無益每一念至意色沮喪家  
有少盞方在孩稚敢誇貽厥其不能同者二矣兄付托  
有人不預家政優游乎香山白社之侶倘伴乎茂林修  
竹之間心胸無事魂夢皆安而余目倦乎勾稽手疲於  
批荅調撥千里單馬疾驅生菜胡餅以爲饗殮豚柵牛  
宮以爲棲宿督郵聽其鈴束府帖動有請詞吟興詩懷  
經時寢閣其不能同者三矣行臺英毅發茲摘伏夙昔  
所警與衆共棄究憤已泄弟在往日如墮雲霧變怪惶

相寒事文集

卷上序

九

惑不知主名雖鄉邦清議萬口如一當事鉅公昌言於  
朝而苦痛次骨不能自喻其不能同者四矣夫所同者  
四其三幸而同之者也其一不幸而同之者也若其不  
能同者則冀其同而斷斷乎其不能者也他日倘得報  
滿歸臥雷墩追隨杖屨庶幾林泉之樂或可翫翫然計  
其時紀雲昂霄聳壑在日月之際必且迎養京邸則同  
不同其又可喻度否耶請以此誓之屏障兄其粲然而  
進一觴也夫

長洲相公六十壽序

昔聖門論君道以知仁勇爲要而貫之以一誠其於擇  
相則主于斷斷誠一宋涑水司馬公本其意以匡君亦

曰仁曰明曰武至平生所以自立者則惟誠惟一誠則  
有以實此心而不欺一則有以純此心而不問君非此  
無以懋厥修而臻上理相非此無以致君堯舜而厝天  
下于泰山之安然則君道之立極與大臣所以格君心  
而孚主志者槩可得而言矣今上覆育九有湛恩汪  
濊可謂天下之至仁旁燭無疆幽隱畢照可謂天下之  
至明威靈遐暢延袤萬里鈴柝不聞可謂天下之至武  
其宰制羣動弘濟艱難陽施陰設莫可端倪意諭色授  
無爲而成約以斷之曰惟誠惟一而已相國忠貞世篤  
由名進士起家侍從歷九列遂登政府總百揆今上  
所以倚毗之者甚至自入中書治具恢張清和咸理邊

相寒事文集

卷上序

十

鄙不登牆人奏功靈祇效職河決就塞七政順序而不  
動聲色人不能名蓋在侍從則景星慶雲也仰其光華  
而已在九列則春溫秋肅猶專司一氣也在政府則旋  
乾轉坤幹運元化人固不得而見之雖然間嘗有以窺  
其際矣夫相臣一身百責所萃黜陟欲其茹納震撼欲  
其鎮定辛甘燥濕欲其調齊盤錯紛結欲其解抒詩有  
云秉國之均周官舉相職則曰統百官均四海鳴鳩之  
美君子始之以其儀一兮終之曰正是四國鳴鳩之于  
在梅在棘在櫟不一而其母在桑如故誠一之至也誠  
則一一則均能一能均人情事理有不足平者矣相國  
之所以相天下者其即今上所以君天下者與書曰



惟尹躬暨湯克享天心所以然者惟咸有此純一之志而已以今視昔又何讓焉抑又聞之周公繫大有上九予以吉利之占夫子推本于尚賢言主臣一體交孚福祿所自集也是故其頌天子者曰何不萬年而于精白純一之臣亦曰天壽平格平者均一之謂也上格于天天斯壽之矣今朝廷方賡天保定爾之歌必有齒危髮秀之英以固億萬斯年之統而况相國年才及耆頤養完粹永錫難老眉壽無艾黃流玉瓚理有固然忠宣正獻繩武接跡綿綿延延豈有紀極此蒼生之鴻庥國祚之昌熾非止一身一家之純嘏也茲值攬揆初度之辰練邑人士向獲知交與列在門墻者各爲詩歌以志

謝東亭文集

卷十

十一

崗陵之祝而某敢以管見所測者附于簡端云

嘉定教諭汪又韓七十壽序

自昔卓犖命世之士其學識閎深而才氣淵達卑官每有所不肯就而瑣務常有所不屑爲是故以王佐之材而不能治百里以天下之宰而不如一治粟都尉蓋任大者多遺其小志遠者或忽于近未有能兼舉者也然陸子靜之在荆門州陽亢宗周茂叔之先後在道州綜理周密事皆辦治安定之教授蘇湖按其規條經世宰物莫之能外天下固有卽其小可以觀其大就其述可以觀其遠者矣夫又不可以尋常測論如此也新安汪先生又韓戊午春與余同以明經對大廷通敏彊

續東亭文集

卷二

七

力年壯志盛謂天下事無足難我而視天下之人材無可與已頡頏者歷官垂三十載適復以博士教諭吾邑始至謂邑故文獻邦欲以孔門四教周官三物唱導學者間亦爬梳剔決以舉學政旣繫不得施用則曰吾其已夫先是茸治學官糞除未竟荒榛叢棘狐虺竄伏溝渠皆澱淤而礎礪半沮如先生用千夫之力治使平寬驟雨鳴雷瀧奔箭激老栢八九株根幹盤露寒翠自殿庭聳入雲表風詠其下心胷洋溢爲一蕩滌又積土固作屏山山下鉅竹千挺置級其間上設交床俯瞰平畦鹿葱鴛栗雜英爛若綺錦人客在座剪韭斷壺可供鮭菜煨芋燒笋具少茶果不煩入市其蒔莖滋培之法場師殆無以過夫先生以瓌璋雄傑之姿上不能立朝堂平章軍國次不能握文柄蒐羅豪俊使老于儒官非長駕馭于短馭者與而荒寒寂寞并不得羞其藻芹之米收其夏楚之威一官匏繫下儕老圃前賢所遭又相徑庭吁亦德矣而先生咀味道腴有自樂者存况竹頭木屑之務米鹽凌雜之間其經世之大猷匡時之遠畧亦可微闕其運用之萬一而烏乎少之先生初登七十精強可四五十許人才力正可向用然余嘗出膺民社者也其不得展布猶廣文耳先生今日可謂爲所得爲者也同官張芋嶸亦同籍友也三人坐屏山談諧如此值懸弧之辰因書之屏障以介一觴

錢瑞侯夫婦雙壽序

余性坦易與人交不立厓岸然亦泊然相遭不爲翁翁熱無厓岸故人多樂就之者不爲翁翁熱故雖同里閭素親暱往來亦不數數也錢君瑞侯去余居可半里三十年來服用所須以有易無必之其家以信行聞于四方走浙東西諸郡千金之直不煩契券德配呂孺人淑慎辛勤有子克世其業閭門之內稱素封焉雖逐什一引分克已知足無求余形跡雖疎私心雅重之易天澤之象曰君子以辨上下定民志古者農工商賈各安其業庶人不募爲士士不募爲大夫大夫不募爲公卿民志定而後上下安自西漢開武功爵而入累拜官初亦

維興事文集

卷二 壽序

三

冗官散階而已其後寔盛而銅章整綬得擅威福監司州將坐制方面于是厄茜所收煥燼所養出其奇羸羽葆鼓吹繁纓誕馬其從夫之爵者亦且翟轅魚軒翠銅珠鞞照耀都市閨咽街衢瑞侯捐其所有何難與之頡頏上下一鳴得意然不以彼易此者其見理明而守已定也蓋素位而行不願乎外雖古之賢哲猶以爲難瑞侯能若此者其天資自然不假學問而能然也昔梁伯鸞隱于吳閭門龐德公隱于鹿門山皆有賢妻以相厥夫故能成其志若范少伯既變姓名泛五湖矣二子不克守父教戒致有遺累然則瑞侯之得于天者全有古人之幸而無古人之所不足蓋其秉德度義之心知

不辱之訓有以得于已而又推之以刑于妻子也茲伯瑞侯與呂孺人同屆六十其親申爲雙祝之舉不求達官輔轍之詞而願乞言於余何哉豈以余有進身之階而甘于恬澹微意有適相合者乎夫不但里居之相近而已請以爲勸導之俚

俞勉菴六十壽序

黟峯黃海內巖壑鑿古松怪石圖記所傳仙靈之祕府寰宇之真區也然生其間者多有四方之遊或仕宦京朝或懋遷有無與金木土穀之利上佐軍國之需動涉萬里以客爲家而僑寓吳中者尤多則雖其桑梓之鄉而能歷其名勝者或寡矣然吳郡亦天下一都會也具

維興事文集

卷二 壽序

古

區林屋山水淵藪而胥江環帶金閭危樓傑閣星羅繡錯蓋十萬家四海九州之物產聚焉每春山豔冶秋氣澄鮮錦纓牙橋玉簫金管浹旬達旦歲以爲常以此易彼亦未易優劣也勉菴俞君休寧之著姓敦本尚質而潤達明敏具有幹畧客遊吳中樂其土風之美居焉于是水月風花之麗觸錦帆香徑之芳踪坐收于牕戶几席之近歸而人衽中上天都砂泉乳穴搜剔奇詭亦不待褰櫳而後命駕人生欲希其一而不得者勉菴固已兼攬而全有之矣家素封通儒術好貯經史子集間亦鑄版藏之紙墨精良士大夫并金縣購不可易得注官當授民社不赴選宵次洒落不群豈非天下之勝流故

能與勝地作緣如此夫余家阿咸與君家有姻連歲戌寅丐余文視君五十初度時余方謁選曹距今十年矣回首十年中勾稽文簿揖拜上官跨馬單馳辦治供億小城無脾睨官舍如雞栖都無山水林麓亭館之觀歸田以來敝書數簾魚菱鳬茨似息荒莊而已而勉菴出入谿山之閒嚙傲琴書之側蓬壺閬苑無以爲喻人之福命相懸豈可強齊哉今孟夏之吉君屆耆年小阮復請余文書之障子然未及躋君之堂也爲吾致語俟中秋暑退汎月山塘道舊故相笑樂以勸大觴期亦不遠更有請者婚宦早畢筋力尚用新安非在天上樓鞋笈舫千里過從于汝信宿圖記所有一一印證以了平生

續集壽序

卷二 壽序

五

夢寐之緣其許我否也耶然則後此之祝嘏酬酢者固非一書再書而已是爲序

唐亮臣夫婦六十雙壽序

古之君子其立身行已常存抑損執謙退有不敢侈然自放之意蓋以約失之者鮮其自守當如此然而亦不可過也何者人事酬應禮儀交錯其繁簡疏數皆有常度不可過中和不流于徇俗而介亦不至于戾物有平易近人之美而無稜角峭厲之傷故可貴也今世俗年及者艾以上親朋多以其生辰奉觴上壽從來亦久矣其或風靡俗競踰涯越分華燈綺席調絲擲管注玉傾銀侈汰無章有識旁觀用相訾謗于是守禮之家務存

抑損過執謙退以卻爲恭余以爲不然夫時常其事舉其中則卑幼以娛其尊親姻婭以申其私昵里黨以修其治比于人事則不可缺于禮儀則不爲過又豈必因噎而廢食懲羹而吹壺乎中表余唐子亮臣其先世天寵公由名進士令松陽以廉白祠鄉賢爲衣冠世世與余同居公孫里世爲婚媾亮臣于趙爲甥令子祖佩又趙壻祖佩愛女又字余長孫君天性孝友質直徑介言行篤信有古人風義人有以事爭辯君出片言剖之立解常面折人過感其誠終不愠也德配陳孺人動循禮法克相厥夫今秋夫婦並屆耆年親串將製屏障以稱祝君拒之甚峻且笑謂余曰兄前者登七十矣浮舟

紺栗亭文集

卷二 壽序

六

郡郭以逃焉而顧以強人耶余蹙然不安者久之曰此亦有故余遭險數萬里奔竄一官浮沉朋舊交際闕然多矣君周匝繁委纖悉不漏而康強履順終始亨途固不同也且余忝竊科名引年致事其介一艘禮亦宜之前之固讓者正以余性韻剛疎器量狷狹不克裁度事理調適物情以合于中道等亦悔之矣余嘗貽湯都諫書謂敢以清白標名直是拘迂任性此余生平自知其微而學問力淺不能變化所致夫石有暈木有瘳星有通皆物之病而世或以爲寶不已過乎曩者既不能以禮自處矣今又不以禮處人而可乎且君平日持守太嚴與余性行相近自今互相切磋矯而正之操而直之

作融渣滓一歸于和平樂易而不過乎古君子之節慾  
于前而益于後修于身而教于家自此耄耋期頤綱繆  
稠疊遵洪範平康正直之訓受詩人單厚多福之休于  
今茲始基之矣是爲序

論文十四則

四子書中所載天人性命道德仁義之言皆聖賢存心  
處事身體力行須臾不可離者日用起居人情世故在  
在可體驗真實今人不設身處地潛心理會只作說話  
看過胸中無實見故說理易淨

經義行以八股或以俳體少之非也天地間元氣一而  
已而氣有陰陽先儒謂遇物皆成兩片二而一者流行  
之用一故神也一而二者對待之體兩故化也聖賢所  
言終始本末表裏精粗每每對待而流行寓焉文有比  
偶乃與天地相似小技云乎哉

前輩分比有題面自相對者有題意中搜出對柱者又  
紺寒亭文集 卷二 論

有一意實主淺深開闔自相對者作文出比對比只換  
視貼字是不知有對待也成一硬局子而無乘除屈伸  
舒卷之妙是不知有流行也

作文有三節審題則務析理構思則務鍊氣措筆則務  
修辭然理足則氣克氣克則辭沛是以窮理貴焉

布置須得勢全在入手處入手得勝勢浩然如水之流  
不用節節補綴矣但前輩順題說去便如高屋建瓴今  
人好作騰那却如鼠入牛角何也

文辭于古必已出但不可剽賊句調耳醞釀自有根底  
否則鑿空杜撰雖詫爲奇作終是俗下文字

詞貴修潔湜湜澄澈足鑑毫髮自爲佳勝若氣勢大則

亦有所不及。顧黃河落天走東海。浮槎斷梗。詎足爲病耶。

老莊國策史漢唐宋八家與四子書不能強合。高才博雅之士往往不事持擇。攪入篇中。惟荆川震川粹然儒者之言。卽顏曾思孟各有分際。亦各各自似。尋繹兩先生文乃見。

文以說出題卽其意爲難。差一針鋒已落旁論。前輩評守溪五就湯文可語。

文貴說理。然不真則爲孤禪。文貴作氣。然不真則爲客氣。能別真僞。然後文無遁情。此外總庸論耳。

山川流峙。日月升沉。鱗羽翔泳。草木華實。鎮常如此。却甜寒亭文集 卷二 論

似逐日斬新然者。以其有生氣也。有生氣則臭腐皆變爲神奇。

擬題最足誤人。欲杜勦習雷同之病。先在出題。使書義總無坊本蹈襲。皆在闡中構思。則人人得盡所長。真才自出。苟學殖荒陋。便不能著筆矣。

如庚午闈闋三題。無受爾汝之責。晦翁與趙註是兩意。大士二作皆兼用之。然以說書體分開說。故各不礙。趙註實字是平日醜惡之行。無字須著力。大註實字乃羞惡之真心。無字連下讀。克字方著力。若口氣中夾雜。便不清。照大註正講小註意。但可于後段暗補點題處。必須畫一。闡中能斟酌者是爲高乎。

時習波頰。非振奇側古之作。不能興起頑懦。論文宜嚴。取士宜寬。故閱肆者類狂。峭刻者類狷。亦可節錄升堂。入室。庶幾可俟。若鄭之似雅。秀之似莊。斷所不消耳。

策問

問古者建國君民教學爲先唐虞以來法制雖異而  
之學小學在內大學在外天子之學小學居後大學居  
內其說可得而考與舜之命后夔端以教胄于而已鄉  
學無間焉周禮師氏保氏大司樂大胥小胥所教者國  
子也設官三百六十職悉畢具州序黨遂不見有設教  
之官然則比年入學中年考校誰實司其事與東萊呂  
氏謂學官設教不領于六官者其說然與學記家有塾  
有庠有序有學或者謂仕焉而已者歸教於閭里大夫  
爲父師士爲少師今昔異宜不可倣而行與泮水之頌  
猶可想見古人教學之法始之以明其德中之以廣其  
心終之以固其道所以爲學之本威儀孝弟之修師旅  
獄訟之習車馬器械之能所以盡學之事胡安定之經  
義治事或即祖其遺規與皇上慎師儒之官增弟子  
之員其崇重道術廣植人材米廩黻宗茂以加斯矣夫  
學官不治他事則朱子所議道德可爲人師者久其任  
而少殊其體貌其亦可與至于魯頌所載蘇湖所定問  
體達用使爲通儒者宜立于學校否也其詳著於篇  
問小民之依在衣食衣食之源在農桑一夫不耕或受  
之飢一女不蠶或受之寒西北宜黍東南宜稌原隰蟠  
濕與也禹貢充土宜蠶曲風蠶月條桑在早寒之地而  
今絕少豈今昔風土殊與浙省北境襟江帶湖田多沃

壤畝皆一鍾近南則地氣稍煥歲可兩稔至于蠶桑之  
利爲天下最上自燕冀下至閩粵皆取給焉曲植籩筐  
之器浴種風戾之方莫有精于此者矣其果用度饒足  
民俗殷富與抑歲有豐歉收有贏縮或亦有失業無聊  
者也豈地力有未盡發人事有未盡施與抑尚有望于  
爲人牧者之督率其惰窳而資給其乏困與其所爲登  
場功勸蠶事者州郡尚有未墾之士可推行其法與若  
乃本富爲上末富次之則夫濱海者有魚鹽蜃蛤之產  
山居者有茶筍橘柚之饒物土之宜皆可以贍民生而  
濟民用者也夫蠶桑之場園廬漆林之利蠟山封水上  
可足國而下可富民者王政不廢焉斯民既富方穀而  
毋棄事文集 卷二 策問 二

貨惡其棄于地也爾士子將出而經國豈桑梓近地不  
留意焉其條悉陳之毋隱

紺寒亭文集卷之三

嘉定趙一俞著

皇清賜進士出身誥授光祿大夫總督雲貴地方文武  
事務兵部右侍郎兼都察院右副都御史加三級  
奉嚴丁公墓誌銘

康熙三十三年秋八月總督雲貴兵部右侍郎兼都察  
院右副都御史丁公以疾薨于雲南之官舍公之由湖  
廣調補雲貴也其出境則軍民攀轅號泣數百里不絕  
擁馬首不得行其入境則具壺漿芻蕘逆諸途惟恐公  
輿從之不前也三省軍民相爭于境上亡何以盡瘁  
王事遘疾致不起遠近聞者巷哭如喪私親喪車出舊  
紺寒亭文集 卷三 墓誌

治剪紙錢設糗糒弔祭者絡繹于道視向之送迎者加  
勤焉訃聞 天子震悼遣官 諭祭所司給葬銀五百  
兩朝士知與不知咸失聲歎恨偉公才器而以爲未竟  
其施蓋公忠誠幹畧爲 國家所馮依非尋常一節鉞  
之臣而已也公子克昌等將以康熙三十七年四月初  
五日丑時卜葬于房山縣東南甘池之原述公世系簡  
里治行乞余銘其墓公敬歷中外前後勳勞銷亂萌  
者不一軍務尤所練習以余掌邦政平日於 國家邊  
防屯政城堡亭障阨塞險易頗蒐討倡能窺公一二者  
又辱與公交好其取以不敏辭案狀公諱思孔字兼行  
號泰巖先世本江南之鳳陽有世襲指揮諱世魁者穆

駐廣寧右衛遂爲廣寧人曾祖諱博升祖諱國富考諱  
文盛祖妣張氏妣任氏齊氏黃氏以文盛貴國富 部  
贈光祿大夫張氏任氏齊氏黃氏俱 誥贈一品夫人  
文盛初爲廣寧衛學諸生 太祖高皇帝天命六年入  
籍錄黃旗 太宗文皇帝崇德三年中式舉人授兵部  
啓心郎出征朝鮮大同俱有功七年考滿一等稱職授  
拜他喇布勒哈番 世祖章皇帝順治元年從入關任  
登萊道山東布政司叅政次年陞山東巡撫多典釐利  
病其大者請寬民力端士習併衛所汰營弁蠲荒糧停  
開採疏輒報可地方至今以爲便以事左遷終福建左  
布政使所在皆爲立祠生一子即公也公生而儉儉有  
紺寒亭文集 卷三 墓誌

志節天資過人讀書數行俱下年十三作文卽中程式  
福建學使者聞公度見公所作驚歎稱國士公因受業  
焉布政公卒于官哀毀備至家貧幾不能治喪士民設  
匭投贈得千金公欲成先志卻不受服闋銳精舉于業  
順治辛卯舉于鄉明年成進士年才十九公幼爲父友  
范相國文肅公所器見公神姿風度知必登大位曰丁  
氏子未易材也至是與文肅子忠貞公俱以少俊中甲  
科高第士林榮之後皆官總督侍郎忠貞既以大節炳  
史冊公亦爲時名臣論者以是科爲得人選庶吉士在  
館博涉史傳焚膏繼晷不少輟翻譯 國書最號通敏  
儕輩莫能比歷陞侍讀調補督捕副理事官改禮部儀

制司郎中預修 玉牒十八年外補漢中道副使丁母  
艱哀毀如外艱時康熙七年補通薊道副使順天等八  
郡錢糧直隸戶部欵項穀雜巡撫金清惠公請設道員  
總核公以才望應其選立法簡明吏不能欺後人祖其  
法不變撫標額兵業領餉旋奉裁公更厚為賞給使歸  
農而別設法補公帑裁兵因以帖然十四年陞江南安  
徽按察使時逆藩變亂告密牽引者眾良民重足而立  
公悉為開釋治獄以平允聞十五年陞湖廣布政使未  
任調江蘇布政使軍前需用烏船沙船工匠晝夜造作  
刻期敦迫羽書旁午動干軍紀公調簡人吏給發糧料  
竹木灰釘咄嗟而具馳驅効用人得其職樓柁帆檣靡

結案事文集

卷三 墓誌

三

不中治堅緻牢實軍賴以濟文移裁決不假他手剪燈  
達曙常不解衣福建官兵凱旋民夫船隻地方煩擾巡  
撫委公料理軍無停泊市不易肆公之剿決繁劇解釋  
膠滯此其一端也于清端公總督兩江風檢自持待屬  
員甚嚴冷公入謁于公方閱文卷積疑案不能剖公從  
旁手口指畫如別黑白處置明了案無留牘于公驚起  
揖之曰此席不久屬公矣與巡撫合疏舉公卓異部議  
以違例駁 特旨勅部註冊益 上知公奇才已有意  
大用之矣二十二年湖廣湖南巡撫缺遂陞補焉所治  
七郡湖山環互民獠雜處反側于初平餘孽尚思煽惑  
前撫臣屢芟刈之不為止公謂不誅鋤則威不立不效

而殺則情可憫陰察為首數人諭之曰爾等以湖南為  
天外耶克渠以百萬之眾 天戈一臨舉族灰滅狼籍  
都市懸首藥街近事可鑒爾輩何為者不過窮困失業  
耳資汝生計可自求多福國法不汝貸也皆萌厥角曰  
公活我敢不如公命湖南于以無事公之力也方軍興  
時州縣吏那移支應輒陷大辟公原其情咸奏請寬之  
長沙軍民房舍雜以茅竹數被火災公捐資倡率易以  
陶瓦此患遂少在湖南凡五年多惠政然整飭憲綱剪  
除豪猾不少假借有不便已者為浮言以撼公公不為  
動 上亦稔知公事卒得白二十七年調撫河南是歲  
湖廣總督奉裁標兵無所歸逆豎夏逢龍等噪發戕殺

結案事文集

卷三 墓誌

四

撫臣湖北諸郡恒擾朝議以公能辦賊仍調公巡撫湖  
北時變起倉卒省會官署一空兩司官皆自京師出未  
抵治所公冒暑兼程往凡軍機奏報文移批荅身兼眾  
職一手任之與將軍瓦公代提督徐公治都邇相犄角  
蹙賊黃州公布置形勢調遣將吏慰諭民人解散迫脅  
悉合機宜逆豎聞公威名惶駭失措束手就擒即磔以  
殉而賊黨胡耀乾尚據武昌城上張旗列械鼓弦注矢  
以待公至漢口即命具舟眾謂賊情叵測未可入公不  
顧又請以勁旅從公麾之去單騎直前叩漢陽門使人  
傳呼曰新撫軍開汝生路汝欲抗拒耶大兵至汝口無  
熊類耀乾出意外倉皇不及計又見公不設防信之城



門鑰啓公機轡徐行從容曉譬然度耀乾終持兩端密與瓦公徐公計議因其人謝賞擒斬之賊有狡謀竟不得逞事既平或謂公以身試險不勞而定者何也曰緩之得以爲防急之使不及備我擁衆入勢必生猜阻我單騎往彼亦圖苟全矣夫事變之乘如器欬傾未墜于地機會所爭間不容髮或以輕爲啓釁或以重發喪功務在逆塗其罅隙而先壞其機牙此非智者不及見非勇者不及決是故見事在明明貴斷斷貴速也使公徘徊江上方舟濟師困獸思鬪奮其角毒非攻圍旬日殺傷多人未能拔而公談笑指揮應機立決不疾不徐無他料之明而斷之速也可謂膽智具備者已當日武昌得如公者以鎮撫之亂何自生猶惜用公之不蚤也是年七月復設湖廣總督晉公階兵部右侍郎任其事次年五月有陳龍越八者逢龍餘黨也謀以夜半再作亂酉刻有上變告者公密收之一訊具服即請王命戮爲首者于市餘人釋不問蓋亂本不除則枝蔓易生誅求之則人人自危矣公長于濟變多類此湖北游饑公度饑民不能忍死待乃便宜動庫銀四萬兩糴之江西而平糴于民事聞上竟可其奏在任二次協同欽差官及河南巡撫運米賑西鳳水陸道里僱募車船躬往相視區處有方官民皆稱便三十三年四月調補雲貴而疾不可爲矣既彌留惟以國恩未報稱爲言不

一語及家事公生平于師友誼最篤性澹泊寡嗜好衣裘或淋濯至故舊有乏困雖傾貲不惜屢干亦不厭也江蘇校課士子賞識者皆知名士在湖南修撰麓書院延宿儒爲之師疏請濂溪先生裔孫周嘉謨爲五經博士如程朱二氏例有知人鑑所薦文武吏官列卿節鎮者多爲時所稱工書翰富詞章軍府閑暇賓朋觴詠筆墨揮灑雖顧家之士無以過也出車之詩曰方叔元老克壯其猶烝民之美仲山甫曰敷政于外四方爰發茲天生魁奇挺持之彥制勝廟堂折衝樽俎用以奠定攸圉勛勤王室今昔一也如公之德惠被于方州而勲名震于藩輔既家與召伯之思人下羊公之淚矣論者猶以年未副其志用不極其才若乃廉白謹恪之節睦婣任卹之行於公爲不足矜余所聞者其一二也謹撰次如右公生于天聰甲戌年八月初六日申時卒於康熙甲戌年八月初五日子時享年六十有一配蘇氏誥封一品夫人子六人長克昌松江府知府次克懋四川永寧道副使次克廣次克成俱候補知縣次奕昌次奕懋俱太學生女三一適天津道副使范時崇一適候選國子監典簿祖應徵一幼未字孫四澍洛泗澍銘曰惟世運昌惟股肱良曰有名世立大以方玉德溫潤金性堅剛鏘鳴雅樂奮怒敵場物有猛噬騰擲跳跟公往省括若虞機張披其腹心竟斧其吭脅從罔治盡脫介

裝人驚號虎公直率羊倖和鎮惡烈于桂蓋以慈和濟  
雨露雪霜赫赫我公式是南邦其他功績不可論量然  
在於公曾不毫芒卜龜墨食曰歸其藏體魄則降神用  
飛揚上為星辰吐耀寒銘億萬斯年日月爭光

文林郎上虞縣知縣張公墓誌銘

余同年友單父盧晉侯以其鄉先生張公之行狀來曰  
吾邑有先達愚菴張先生由名進士起家以文章政績  
聞于世既宦達矣不竟其施歸老林丘歿于家其子嘉  
績等請余銘其墓余自童稚辱張公知然銘非有道而  
文者不能傳知交中舍先生其誰屬也敢轉以陳乞余  
重違其意不忍辭按狀先世河南開封人因河決遷山

甘棠亭文集

卷三 墓誌

七

東之單縣公之屬籍也高祖開封府教授一枝生貢監  
生方方生增廣生蔚然以子貴封文林郎生子三公其  
長公之世系也公諱元鎮字翰白愚菴其別號也少敏  
慧善屬文年二十四領山東乙酉鄉薦明年丙戌成進  
士初知江南宿遷縣再知浙江上虞縣以負氣與當事  
者意不合投劾歸事白還里年才逾壯不復出有勸之  
者應曰余視當路者無一事合余意則余無一事合當  
路者意可知發婦豈能再事人耶手一編自吟嘯與其  
宗族故人雍容禮讓修孝友睦姻任卹之行以終餘年  
人亦不復知其為晉紳先生也年若干以壽終此公自  
少迄老終身之所歷也其知宿遷未期月丁外艱及補

上虞山田磽瘠值大旱闔邑惶擾公為文檄城隍廟雨  
立應歲以大稔民共神之土寇據嚴險為巢穴時出剽  
掠鎮將統兵至期盡殲之公曰大兵至彼磨破矣宜無  
之不懈利用兵未晚也乃單騎詣賊壘宣示朝廷威  
德賊皆羅拜曰某等慮罪重誠無由乞餘生如公言曷  
敢拒命全生靈以萬計此公之居官治行也公令上虞  
時上官某有所干公自持廉白拂其意遂撫拾不根語  
罷公職會同年某為按察使獄此獄某往在京師杯酒  
談諧甚款款其人深中多數謂輕已陰銜之公事皆無  
實而獄不得竟公日偕名輩吟眺西湖上胸次與烟嵐  
水月相吞吐忘其身之在險難也某隨以不檢敗後至

甘棠亭文集

卷三 墓誌

八

者白之事得釋此公齟齬致政之大畧也公在上虞多  
惠政歸里後絕不言故人罕知之今所述者蓋十不一  
二也至齟齬公者可謂無餘力矣公大度置之不校夫  
已有德于人人有怨于已而公謙退長厚如此則公之  
為人可知凡生平存諸心而及于物者由此可推也已  
公事母夫人孝年及耆尚有嬰兒色田產悉以讓二弟  
語其子曰吾非不能封殖恐轉為若等累耳公之質實  
廉讓又如此娶趙氏側室何氏子四人長即嘉績次中  
植皆邑庠生次嘉猷國學生次嘉則邑庠增廣生孫信  
嘉則出嗚呼天生才實難公負學術有吏幹能已見于  
世而中異已者之忌早歲擯廢可歎也國家文法相繩

束自縣令而上郡伯監司皆得彈壓意欲以防官邪然  
每怙勢作威而妨賢病國者不少也公非由此獲戾者  
歟又自制科以來有同年生李絳唐賢相也引用多同  
年上詰之絳不為諱乃或有猜忍相蹂踐者何與昔向  
柳與顏峻素友善顏既貴向不為之下曰吾與士遜心  
期久矣後柳得禍顏竟不之救豈非崇卑之勢懸殊義  
舊之恩易狎召覈招尤職此之故與余撰公行事見公  
生平峭直無他腸亦以示炯戒也銘曰古制官刑黷貨  
是戒善于其職而反以廉敗謂麟不祥謂鳳無德以茲  
為曲而取鉤之直嗚呼天生是人既發其蒙矣而旋即  
于屯曰惟以不仲為仲鬱積元氣以待其子孫

射寒亭文集

卷三

九

唐吉臣墓誌銘

嘉定有清白吏唐南田先生起家進士令浙之松陽以  
廉辦稱年不副其志士論惜之其裔孫曰吉臣者余族  
姑出也與余少相善余有所疑多就吉臣可否吉臣必  
傾心告之已巳庚午間邑中大獄起詞多連染且并及  
余吉臣為余籌畫甚力料後當云何已而皆中時獄獄  
者欲用余入人罪被許者又欲用余出已罪引辭誣服  
皆不可如服瘠藥心知其毒口不能言嗚呼命也然吉  
臣之料事可謂審而愛余不可謂不至也可謂良友也  
已丙子冬自京師抵家則吉臣已前數月歿矣余走其  
家哭弔其二子焜燦檣額伏地不能起請曰吾父歿語

不及家事但撫藐諸孤泣曰蒙泉知我恨不及見也他

日葬我不得銘如弗葬銘不得蒙泉銘如弗銘痛吾父

臨歿之言先生必能哀死者之志而賜之銘也嗚呼微

子請吾固當銘也其何忍不銘按南田公諱恩中明正

德甲戌進士五傳至宜甫諱之義娶余族姑生一子即

吉臣也吉臣生而直諒孝友益其天性然父病羸藥劑

不去口吉臣視衣服飲食寒煖分劑節度必躬親之凡

有所使令輒先事迎之父怪問所以曰父子一氣每心

動故耳繼母命亦奇愛之吉臣自以為繼母出也繼母

亦以吉臣為已出也繼母病事之如其父與後母弟亮

臣析產田園爭取其荒頓者奴婢爭取其老瘠者相推

俟

射寒亭文集

卷三

十

讓久之反若相爭者然里人至今稱之有以孤兒托者  
撫之如已子卒以成立親黨有約婚而貧不能嫁娶者  
為出聘財治奩具故人陷冤獄傾身救之幾中危禍亦  
不憚資地斂以父病不竟學然旁涉書史識世務如為  
余料度前事其驗也君諱士愷吉臣其字生于某年某  
月某日卒于某年某月某日享年五十有八娶劉氏繼  
娶張氏生二子長即焜次即燦銘曰

向學也而不得竟其志可用也而不獲見于世譬之兩  
山過峽脉落平地蓋蜿蜒磅礴以厚集其勢然則君之  
克篤前烈者又在其嗣人與其闕此幽宮而勒諸石以

一誌銘體唐人沿六朝之習仍用俳句韓公變爲古文乃全法左氏馬班柳子厚猶間用唐體

一退之務奇變間入他事以作波瀾歐曾亦多事外遠致荆公最爲刻峭有直敘籍貫年壽不贅一語者今於上二條欲酌文質之中

一古人正敘補敘順插倒插單敘夾敘省文互文萬變不同然要不離規矩不敢東塗西抹漫無紀律

一吾邑四先生中婁先生最長於碑版之文謂古人於誌銘載女壻而不及子婦以唐宋人文集考之良是今人或敘及外家之祖先族黨以爲夸大俗人非此不悅識者未免胡盧此頗泥古未知可行否也近見

附集亭文集

卷三 墓誌

七

韓元少先生作錢庸亭行狀猶不徇俗

一古人合葬誌銘甚少文內帶及而題可不及今是預撰或卜葬日再酌可也

張南松墓誌銘

君諱佳緒字貞武別號南松姓張氏系出宋大儒橫渠先生其子孫有徙居嘉定之淺江里者遂家焉明嘉靖間有進士諱楸者仕至南京車駕司員外歷任有聲蹟歸震川先生志其墓君曾祖諱潭祖諱問達考諱萃熙世列衣冠有學行妣徐氏君生而凝重寡言笑風骨異凡兒就外傳篤志力學穿穴經史務窮其根氏補博士弟子員同學多就君質問不敢以輩行視作帖括有出

塵姿蕭疎閑遠肖其襟度間潑墨作小幅畫烟霏雲歛水走山飛得米南宮倪高士筆意然多適興爲之持絹素求者非其人或裂之以爲襪詩不騁才情陶寫性靈而已居家對客終日怡怡然苑枯豐悴不一動其心長余九歲與余性行最相合約歸田日與晨夕商確古今而今前死矣年七十有三娶趙氏余從姊稱德配事姑相夫子盡婦道生男子四人鍾和鍾良鍾純鍾美鍾美邑諸生女子三人各得其良夫葬某地銘曰

汝南黃叔度言論風旨少著見于時而學者以比顏氏之子先生其庶乎求諸遺文則已未矣蓋默識其爲人焉而口不能傳

附集亭文集

卷三 墓誌

七

潘子升元配黃孺人墓誌銘

余友潘子升有賢妻黃氏以孝慈聞於宗黨其沒去今四十餘年矣子升時向余乞一言志其墓余因稔知其賢者然卒卒未有以應也今子升年八十餘精神尚完固然氣體德矣命其子扶掖踵門涕洟中前請且曰吾之所以痛吾妻者非爲吾妻也痛吾親也非子銘無以傳吾妻而宣吾之痛然願及吾之未填溝壑而賜之使吾及見也嗚呼其忍不銘案潘氏爲上海甲族明嘉靖間有恭定公諱恩者官至左都御史以器業文章爲一代名臣事具國史從孫于王諱雲柱崇禎初應巡撫登萊都御史火東孫公禮辟佐戎軍府板授行都司事兵

變起倉卒力戰不屈死甚烈子升之父也時子升甫十歲母沈相繼卽世子升痛父以忠壯死王事肝腦塗地旅魂無依母又宅兆未卜椎心泣血中夜起立而孤苦伶仃寄食舅氏力無以辦孺人名家女性溫惠嫺禮訓事母及繼母皆以孝稱年十六來歸卽以大義勉其夫曰生不養死不葬君之責吾今與有責焉君資斧脯吾請以織作佐君夜篝燈熒熒然佔畢與機杼聲相間已而相持泣祭掃見木皮棺權厝草露間夫婦泥首哀慟悲感路人用堅忍力口但屑糠粃飽匏自飽節縮錢一二枚設一撲滿投之坐域所須寸累銖積十餘年始克具父衣冠合葬母沈及前母沈畧如禮蓋襄事舉而

紉集亭文集

卷三

墓誌

孺人之兩手偏生肱矣非篤于天性而明于大義者不能也余座主崑山尚書公之贈公潘之所出子升于贈公爲尊行其家執禮甚恭子升以布衣抗行不爲貶損時人兩賢之孺人周旋饋問豐殺疏數皆中度蓋有助云家計漸裕而艱于舉子孺人性廣逮下竟以有後父疾革犯風濤歸侍湯藥以勞瘁致不起年才四十生某年月日卒某年月日葬某鄉某阡之昭穴虛其左子升自營壽藏焉子升諱煥曙子男一名竟俞側室出孫一尚幼銘曰

良人少孤養不逮姑蓋殯于五父之衢矣三斬板而封之者誰與手口並作其所蓄租曰以相厥夫不必出已

無子有子孝婦之貽忠臣之裔天錫之類以長有其世我銘以識之示其世世子孫使知所自

紉集亭文集

卷三

墓誌

雷墩阡表

先府君以康熙乙丑五月棄諸孤其年十月雷墩浜塋兆成卽舉襄匆匆未及乞銘於當世作者而今無及矣與弟介謀嵌石穴後之土岡畧仿歐陽文忠公瀧岡阡表之意撮府君世系年壽治行卒葬月日刻其上如左俾子孫有所考焉

趙氏自宋元間從河南南徙始祖墓在邑之公孫里有銀杏二株圍可二十尺如雙龍天矯上雲際九傳至定川公諱中行明嘉靖癸卯舉人十年不入城市邑令高其風就見焉貧無廳事葢草軒具賓主禮而去生邑庠生繼川諱承易力耕置莊宅二區今俞兄弟所居南莊

封榮事文集

卷三 附表

也生庠生以寧諱世熙稱高材生自定川以下三世俱載邑志以寧生三子府君其季也府君幼敏慧讀書卽能見古人微辭與義大學中庸章句易繫辭性理大全儒生攢眉如墮雲霧者府君鉤索穿穴了然心口如瓶瀉水滾滾不窮俞初就外傳歸得少間卽呼講貫常至夜分重習熟復務令通曉文喜蘇學詩愛選體間作咏物遊湖詩皆有致每爲俞指授作者大意俞忝竊科名文字稍稍有聞於當世非俞克自勉勵而能蓋得之先人庭訓之力爲多云旁涉岐黃易卦姑布青鳥壬奇遁甲勾股皆通其術然不欲自名至性過人祖母陳病篤顙天減算七年以代祖母果七年而沒祖以寧公病肺

癰喉間喀喀作聲則府君手已承之無一沾頰頰者與

伯父三石公異母友愛白髮怡怡然終日不暫離也府君諱某字九英晚自號松存邑庠生生于明萬曆庚戌七月二十六日卒於大清康熙乙丑五月二十九日年七十有六以是年十月葬元配徐孺人外祖母奇愛之既老病常蓄白金一器欲私授之孺人婉辭不受歸以語府君曰母以此娛老苟失此必忽忽不樂故不忍爾府君曰此吾所爲也若亦能之耶生二子長卽俞康熙戊辰科進士見任山東定陶知縣次卽介邑庠生二女長適生員孫之鳳次適江慎早寡守志不移所司建坊旌獎繼配沈孺人生二子權衡皆夙權之歿孺人病

封榮事文集

卷三 附表

已亟家人諱之孺人語俞吾已悉知然不足悲若猶吾出耳其慈惠明大體如此後又娶金孺人皆耐葬俞以祖命嗣伯父廣生公今切一命倘邀 覃恩封伯父暨伯母王孺人將以俞及妻孫氏之封地封府君暨孺人而時方有待親恩罔極 朝命尚懸蓋恫乎有餘思

兩兒墳碑記

方舒字之曰董醇邑庠生導以前輩作文法能得門戶業漸有成夏月扇枕先嫡母後生母夜以爲常余被急徵兒素怯懦宜人行臺陳訴不少憫當事色動以哭生母過慟暴心痛死年三十四余時客外家人以病聞淑兒省余至杭州入門余亟問哥何在淑瞪目不答淚雙注方知兒死已五越月已無子俟裴兒生子當爲嗣今與婦孫同權厝竹莊後祖塋有穴異日可從葬

方淑字之曰漢荀由府學生入太學以余選險毀早任家事不竟學視異母兄弟忘已爲嫡出也江寧獄急朝夕納橐饘父子從園扉間一流淚相視而已從定陶官

附錄文集

卷三 墳碑記

署間呈舉子業家學故不墜病目黃久竟不治年三十八臨訣乞弟裴子來復爲嗣痛而許之與兄舒同厝俟嗣子成立圖葬地

公祭座主刑部尚書崑山徐公文

嗚呼先生天地炳靈魁壘鴻碩應運而興同時奮發三鳳齊鳴金淵玉海霞蔚雲蒸起家侍從歷官上卿博學明辯潤色朝廷天下宗之異口同稱資性明敏乃天所授衆說之邪百家之部包羅心胸囊括宇宙舉其菁英薈其根莖直抉根底別開戶牖含咀沉浸海潮地負發爲文章天機結構氣味綿遠骨力深厚子雲辭賦宣公條奏郊廟鋪揚埋學切究巨製鴻裁一出公手鸞停鵠峙鵬騫鯨吼變怪惶惑歌舞戰鬪排突馬班凌轅韓柳一時後進辟顏類首單詞隻句并金縣購至其立朝規模閱闕式憲舊章興行典物尊王賤霸崇儒黜佛扶掖俊髦驅駕豪傑出秉鈞軸入直禁闥時備顧問預參密勿獻可替否潛移默奪雄姿大度弘才亮節其佐邦禮度數森列其銜天憲紀綱振刷其長秋官平反洗雪其司文衡爬羅剔抉銛如干莫當機立決鎮如鐘鐻不可屑越又如巨山雲礽滅沒德施普博四時宣洩又如滄溟波濤蕩潏浸潤灌輸百谷吐納世被其功不可名說盈滿是懼用行舍藏桑梓之里水雲之鄉浮家泛宅別墅山莊書局自隨同司馬光金題錦暉塗乙丹黃坐花醉月一啄一觴雖處江湖不忘廟堂帝念史館非公莫當特勅所司敦迫儼裝且有後命軍國平章何天不憖哲人云亡恩綸重疊素旌飄揚山頽木壞斯人痛傷

而况吾徒辱廁門牆失聲相向涕泗淋漓殊愧昔人築室于揚嗚呼公之立德孝友睦姻公之立言典冊高文公之立功開濟經綸成公業者玉友金昆述公志者孝子慈孫公共笑來格來歆

### 公祭座主刑部左侍郎建安鄭公文

四時有官五行有吏各効其能孰主宰是渾淪磅礴曰惟元氣會合冲和四德皆備天維地絡賴以不墜其在國家聰明才智智名勇功忠勞謀議凡所宣力咸足有濟惟老成人邦之根砥正直忠厚和平純粹是爲元氣國脉所繫唐有房杜漢則丙魏以今視昔誰與接軌卓哉夫子可以不愧孝友性天純明資地起賢邑宰由名

書集事文集

卷三 祭文

二

進士擢居華要晉登卿貳三十餘年徹終徹始處事存心立身行已事君交友服官蒞治自微迄顯從巨及細言行相顧表裏一致洪河大川不可涯涘白日青天絕無陰翳其爲民牧兼施威惠水利圩田澤在百世其職銓司予奪廢置抑絕僥倖疏拔幽滯其主文柄不隨不詭不以名徇不以恩市其掌邦禁畫一條例理所可否不爲骭骸惟明克允當而後已一官七年久於其位帝難其代以生殺寄其居他官皆有可紀生平廉白苞苴不至視不義物棄猶唾涕論公之清其清如水然公之清廉而不剋心口洞達言無矯僞別白是非不爲隱諱論公之直其直如矢然公之直直而好義奉公守職

小心抑畏爲所當爲不可奪志不爲戚怵中有斷制故公之愼愼而不愼藹然春溫坦懷樂易其視天下人皆如此不知世間有機詐事意有不可終不阿比故公之和而不靡上知公忠每加優禮廷有大議分合同異視公依違以爲進止祥慶威鳳世之美瑞與益鸞擊亦不搏噬雖有微薄無能嘗毀性度冲恬淡於榮利遭遇主知循資按次故吏門生衡文校試從未請托私其子弟窮交故人不絕問遺動于宴勞豐其委積邸第數椽蕭然僧寺葛帳布衾室無姬侍公之大節且炳惇史公之內行無纖瑕類至其文章羞爲綺麗典則有體一衷於理寸善片長莫可舉似真如元氣克塞無際國

書集事文集

卷三 祭文

三

論所憑民生以遂斯人云亡斯世之瘁上達朝紳下逮闡閭泥首几筵失聲涕泗卹贈之典立碑賜諡生榮死哀備至耳矣公千門生恩猶已于某等今者如喪考妣行護公喪歸六千里公之精神上騎箕屨返于太虛天壤同敝嗚呼哀哉尚享

### 公祭同年高惕菴吏部

諱人龍四川人

嗚呼猶憶戊辰之春上對公車雲集響臻而雋南宮者百有五十人聚首京師往來過從如同隊之魚相與衝波而躍鱗內則迴翔禁近外則作宰牧民雖名位之升沉不一當白首如第弟曾未數年而人事遷變不獨離別之悵而歿存以分越在四方亦既有聞至如先生者



吾黨之肖目而中朝之鳳麟文苑之珠淵玉海儒林之  
雪白蘭薰何皇天之不憖遺而降此災迫以公體貌豐  
碩素強無疾或幸傳之非其真令而既然矣嗚呼其又  
何言茲者同人會哭公之邸第撫公之弱子幼孫含哀  
拭淚畧爲具陳蓋仰公之學行惜公之器業痛公之旅  
殞而悼公之清貧嗚呼公生西南楚蜀喉唇高江急峽  
雪浪雷奔融結奇秀蔚此人文完璞不琢元氣渾淪儀  
觀蕭穆性行真淳心胸雪淨氣誼雲屯馳騁乎騷雅浸  
灌乎丘墳其思風發而言泉涌摘華敷藻如園林之得  
春磨墨伸紙捷若有神初簪筆乎玉堂旋含香于粉署  
既典冊高文之瞻麗亦朝章國故之討論及晉銓司正

村集事文集

卷三 祭文

四

本澄源清通以汰渾濁簡要以滌苛煩嚴冷不爲謝莊  
之笑和易不學顏延之嗔同人私相推許謂此實公輔  
之具而異日必秉邦國之均益偉器可以當大任而重  
望且以陟要津豈意推轂之方殷而公已不能起乎九  
原公外方以直中多惠溫望之若泰山之巖然不動卽  
之若冬日之藹然易親暮夜無私謁門庭無雜賓服食  
淡素刻厲清苦公則足于已而有自得者存若乃朋友  
故舊遇有急難拯諸水火如疾痛之在身故不獨受其  
賜者知感而聞其風者薄夫亦可以敦今者拜公之柩  
登公之堂布衾楮帳木榻繩床枕無完衣厚無見糧以  
五尺之稚孫爲喪主以六旬之命婦爲孤孀桐棺不

槨漆布旒不能飄揚况味淒涼之如此豈復知其爲吏  
部之郎客途萬里旅櫬他鄉孰辦車馬孰具舟航某等  
薄宦罄室空囊贖金致賻粗能爲公治裝而返公于蒼  
江之旁若其文學治行風檢節概方將彪炳宇宙自不  
與亡者而俱亡嗚呼哀哉尚享

故汀州府推官徐公祀名宦祭文

代

嗚呼効忠宣力股肱竭奔奏之才崇德報功俎豆隆饌  
芬之典蓋擇在牧圉者百爾所以任馳驅祀于賢宗者  
千秋所以昭激勸先其言以靖獻多出平生誦說之人  
資于父而敬同必在世篤忠貞之族生有顯德則歿爲  
明神國有貞臣斯家稱肖子豈獨方隅之被澤抑亦諸

村集事文集

卷三 祭文

五

牒之增榮荷惟伯兄幼有令姿早流文譽一時游燕傾  
西園冠蓋之倫羣從聯吟讓春草池塘之句才宜刺任  
職在明刑理官承繡衣托斧之威事皆要領汀郡常蠻  
烟瘴雨之會俗急爬梳兄器度恢弘才猷敏練豪強情  
服薛宣殺貴主之蒼頭冤滯平反于公雪養姑之孝婦  
富韓公荒政具舉蜀文翁化俗爲先若乃蠹寇安邊奇  
兵搗其砦柵發奸擿伏先事壞其機牙無不格易風移  
者知其有後荊州都督涕洟灑峴首之碑漢代循良魂  
魄依桐鄉之縣茲者從姪孫某恭膺 朝命典試閩閩  
國士盡入網羅邦人推爲水鑑而兄墓木已拱公歸尚

留東國之思廟貌猶虛士類盡起西州之慟當年陰雨  
曾膏下土之黍苗此日清風遂薦泮宮之芹藻蹟具詳  
于傳史論可定于蓋棺某等未能越境以駿奔敢不緘  
詞以申歎嗚呼昔在中允號稱得人今茲大行克光前  
烈兄以卯歲分校義經先後相同波瀾莫二兩朝盛事  
未逾四紀之年三主文衡皆在八州之地家之積慶靈  
其來歟

祭狄向濤庶常元配陳太君文

吁嗟太君坤順所鍾閨閣之秀出自德門簪纓世胄賦  
性幽閑稟質端厚耳濡目染益自其幼奉事二親不間  
宵晝伯姊諸姑追隨先後不獨女紅組紉刺繡亦習文

君集事文集 卷三 祭文

六

史離絕句讀母史太君學殖閨富旁及楷法皆所切究  
太君親承得其指授溫慎明惠女士之首憲英道蘊于  
今而又庶常先生英絕領袖肺腑冰雪神姿淵茂夙馳  
令譽鵬翻鯨吼尹姑崔盧願與婚媾尊人藩伯宿德耆  
舊曰惟賴川其可以就盟竟得諧既見既覲鷄鳴問寢  
皆佩容臭恪捧卮匭潔治邊豆饌具娛賓珩璜贈友惠  
于煇庖仁及獸畜尤能逮下獲侍左右連遭大故焚瘞  
在疚先生哀毀幾于顛踣太君脫簪以相佐佑凶儀柏  
裝事無缺漏從容辦具咄嗟輻輳歲在辛未南宮捷奏  
郵書往復賀其得售以忠孝規戒其無徂先生高明不  
為物誘雖列侍從泊然自守惟是文苑耘耔耕耨落墨

翻飛歌舞戰鬪筆床鏡奩紛紜雜糅太君乘間互相擊  
扣黃庭石榻波磔結構先生妙品亦能步驟內庀家事  
外佐應訓和氣薰蒸宜天之佑二豎為祟遂此疾逆如  
此淑德而不遐壽吁嗟先生匪特喪耦失一良朋于何  
復咎我等通門匍匐往救吁嗟太君家榮國慶亦既皆  
有而况徽音傳之不朽何妨逍遙脫去塵垢陳此生芻  
酌此清酎神爽有知以妥以侑嗚呼哀哉尚享

祭福建巡撫張公元配米夫人文

鴨綠江澄醫閭峰秀扶輿清淑物產豐蔚生才傑疏  
附奔走不獨摺紳智畧輻輳其在閨閣多挺華胄明惠  
淵懿皆有稟受芳馨所播輝映前後嗚呼夫人世有功

君集事文集 卷三 祭文

七

勲丹青竹帛華殺朱輪生具異質士行恂恂幼奉姆教  
纖紆組紉曰嬪于張其從如雲厄匪飽蜜筐宮璫紫洛  
恭朝夕以孝謹聞居上使下處卑承尊內外親疎無有  
間言維中丞公人中之龍雄才直氣峻節英風鎮若寶  
鼎粹若金鐘明良際會賢聖遭逢弱冠登朝試用及鋒  
敵歷京邊夙夜靖共戮力盡瘁不有其躬國爾忘家執  
庀內治實惟夫人曰克佐理公刺泉州嶺海屏蔽賊人  
揚帆乘潮狎至肉薄攻圍飄忽悍驚公目矢石激勵將  
士燒其鉤車殺傷萬計血戰六旬挫賊銳氣卒完郡城  
泉以無事惟時守具倉卒未備糗糧芻秣百無一庾夫  
人敏練亦助一臂傾筐倒篋不遺簪珥罄其家財皆供

軍費昔聞捍禦自督諸婢號夫人城載之前史以今視古亦云比美公擢觀察旋長憲司屏藩東服節制南陲變調溫肅又用德威河海同潤嶽鎮爲低輕財好客不倦于施及其自奉羔羊素絲公既賢豪不計家貲贏縮中度豐儉適宜簞簋以飭籩豆有儀規模閭閻條理整齊公之職業夫人成之公被急徵對文法吏聲嘶股慄事出不意夫人從容相度經紀如王章妻勉以大義謂公生平可以不愧果開湯網免于顛躓夫人氣識可謂賢智性又慈和能不妒忌惠于妾媵仁及支庶夫人間德美不勝志公罹嶮巇方利出否借老可期轉憂爲喜琴瑟靜好以娛暮齒何天不弔而先湊近坤貞婦順典

附錄事文集

卷三 祭文

八

刑曷恃况在閩人親受公賜懿行薰蒸尤所仰止乍聞愕眙能不隕涕留遺後人光大可俟嗚呼哀哉尚享

祭戶部侍郎王公元配宋淑人文代

嗚呼天之祐人國也必生篤棗彌亮之臣以贊其治而天之昌其家也亦必有溫恭淑慎之配以相其賢蓋觀之名卿碩德之家而莫不皆然矣然或稱其性行之懿或歎其容範之端凡夫承先啓後之際事上使下之間又或舉其衆美而未免遺其一偏乃至夫人而女貞婦德母道之無一缺焉某受賞識于文恪公在逾冠之年迨司徒公之視學兩浙某以鯁生而備儒官今釋褐而通籍又承乏屬吏而得奉命以周旋是以遊處于廣平

附錄事文集

卷三 祭文

九

琅邪者久而熟聞夫夫人德美之全文恪公如安昌侯之愛女甚于男而夫人則如辛毗女之肖其父行而曹壽妻之得其家傳既粗細之練習且典籍之窮研才能詠雪智可辨絃蘭儀之清芬自挹而玉德之溫潤以堅及歸司徒公則珠樹瓊枝之交發而瑤琴寶瑟之相宣琅邪累世卿族唐之崔盧漢之楊袁而田園宅第不能不中落于陵谷之變遷夫人潔鉤釜飭籩豆尊章之沃留必謹姑姊之問遺不愆惠逮下衾裯而禮浹乎賓筵不以分崇而自弛且以身貴而益虔蓋司徒公卓犖軒豁之性雅容侍從之班方以文章職業爲報効堯舜君民爲責難米鹽零雜一切不問夫人酌其贏縮劑其嚴寬出入有節輕重中權事皆辦治人得靜便公乃以盡瘁于朝章國典而納忠于廣廈細旃夫不但宮商唱和之叶應抑亦爲規爲箴而道義之勸拳人見司徒公之起家禁近參知機務網羅人材之鼓枹堯泉貨之源舉朝欽其粹白多士被其陶甄而不知夫人之默相以成之者一似兄弟之扶助而朋友之勸錫彼其相夫子者既合符于內外矣而况啓後人者又且輝映乎後先昔苗夫人以宰相之女歸延賞而嘉貞弘靖又以三世而蟬聯夫人之氏族鼎貴亦幾與相抗然兩家之勲望直方駕過之而夫人之修于身而刑于家者又非彼之所能比肩司徒公行晉朝班之首夫人亦將居命婦之前

奈何齒髮未衰遽厭塵世而上仙嗚呼夫人之光形史而垂閭德者固已無餘憾矣特以通門世講之末不能不涕泗之如泉嗚呼哀哉尚饗

祭邑侯王明府尊人文

嗚呼先生令子衆人之母廉公有威正直忠厚百廢具舉一介不苟士膏於庠民安於畝尊師重道親賢擇友此邦之人或哲或否然而說尹終不去口聞有歸志辭親日久欲拜堂上爲二老壽職掌所羈或掣其肘恐便後時罹於凶咎終天之恨此生有負都廢眠食不間昏晝東西萬里使命奔走珍藥善物傾篋所有公有難兄實能左右內則之修善事姑舅手書諄切戒其無徂奏

柑寒亭文集

卷二 祭文

十

記行臺一官微帶得伸省覲死且不有人士驚惶轉相告語公我翁姥我公嬰孺公舍我歸我誰哺乳日躋寶沈律中仲呂壽母設悅慶以時舉伯觴之文略爲勸阻事父與君義可相輔勇職微官亦親所許援据古賢可以無去公不謂然志不可奪封章報可當不匝月囊琴籠鶴傲裝待發篙工柁師計日必達江山在目小孤大別命服輝煌班衣戲劇家人團圓重叙契闊謂此娛樂旦夕可掇豈意昊天有此降割前者躋堂時已訣絕方被郡符上郡入謁忽接報書五內崩裂無間遠邇知與不知失聲隕涕如哭其私公以艱去公者誰爲父母痛亦爲已悲先生外孫自署遺歸已在彌留疾不可爲

述公治狀稔公孝思子道官箴兩無玷虧快然無憾伸解頤頤騎龍上天白雲俱飛吁嗟末俗嗜利耽榮授情爵服薄於所生蟬翼爲重九鼎爲輕先生父子存順沒寧家遺清白世篤忠貞處脂膏地無世俗情此之所棄世之所爭志在逮養嘗君之羹解組以去戴星而行事雖不及哀其篤誠彼忘親者真莛與楹某以衰野致枉高軒閒談風月挹其清芬今者入哭一奠溪蘋恐失怙恃凡此下民尤敬公者無愧天親至其家世宿德舊勲士林宗師比漢荀陳前迹備矣故不具論嗚呼哀哉尚饗

祭朱漢章文

柑寒亭文集

卷三 祭文

十一

陶丘之壤伊耆故封舊有河患蛟龍所宮河既他徙乃舉農功物產蕃庶人愿而忠太平休養民氣冲融順成年穀八蜡以通土風儉隘不崇華侈間以餘閒園圃滌治海棠垂蕤南燭繁子將離紛披鳳始旂旆適或市廛遠則郊鄙花時富盛爭華鬪靡君旣挺特顧盼自偉其所栽植亦異他卉往在都下名熟於耳歲攝提格筮仕此始名紙通謁則老成矣余性畏蓄其門如水間傳析鈴繁花簇綺銅餅磁盎薦烏皮几詢厥從來乃君所使或亦肩輿訪君別墅古藤纏絡長松翻舞坐君苦磴入君花塢殷紅膩白分曹列部淪茗之外殺鷄爲黍君旣歛留我亦不拒諒我素節無塵俗語邑有汗萊爲疏賦

滄海水下注以獨民害又爲除道毋輸爾載便我行旅  
蕃我禾稼凡有諮詢悉心條對所言公言當衆慷慨禮  
賓之館旅揖而退親申楚游宦於湖湘容歲秋晚同治  
車裝岳陽之樓巴陵之岡煙水空闊雲峰微茫整鞍命  
楫不煩襄糧人出一切塔然若忘無何病疾與疾而馳  
奄忽數月遂至於斯節屆穀雨花放之期新有結構花  
在軒輝庭柯交翠如帷幔施疎快宜人豈獨自怡名花  
玉酒與客共之而乃有此人事差池物在人亡蓋無見  
時對花蹊淚轉覺凄其徒悲無益已而已而靈其有知  
盡此一炬

祭張樸村母李太夫人

續集事文集 卷三 祭文

三

吾與樸村但姓異耳蓋兄弟也不復論蓋然則君母亦  
吾母氏以母視吾吾則猶子吾有弱女及笄而字母家  
孫婦投入懷裏撫若女孫能承意旨瞻昔登堂執通家  
禮諸昆傳語云且有俟奄忽不逮遂及其死嗚呼痛哉  
咎責在已八旬介壽屆期伊邇擬隨子姓勸加一匕此  
意莫伸而今已矣當食間計投箸而起便擬制詞哭泣  
拜跪水涸舟膠不能尺咫三月會葬屈指無幾敬須俟  
命以定進止蹉跎濡滯十月之尾肺附骨肉豈宜有此  
駢顏內愧其類有此生錫雙雞街哀誠導以燕詞與  
淚俱傾親之望子能揚其名子之事親無忝所生今之  
所尚勢位憑陵古之所勉德義戰兢就世俗所重賢哲所

輕奕葉貴盛漢稱韋平平晏失身已曠家聲太丘名德  
累世簪纓卿既慚長公又慚卿夸毗之子倖進踰登銀  
章艾綬赤轡惹珩貴錫泉壤煥耀門庭小夫豔羨識者  
譏評其親賢者實應且憎濁則俱濁清則俱清辱則俱  
辱榮則俱榮太母令子以禮自持束身圭璧無點瑕疵  
言坊行表學者宗之非聖不讀非古不師醞釀蓄積大  
放厥辭突鴉老鴟搏象狂獅奇情橫溢浩無端倪元氣  
裹結智巧不施根本六經任所發揮羣公禮辟幣聘交  
馳有欲羅致不敢及私廬陵翁山百代所推彼二母者  
亦播芳徽自非此母不生此兒假令媿阿希取世資輝  
煌命服最顯豐碑其爲光顯豈過于斯孰得執失爲平

續集事文集

卷三 祭文

三

不爲又其篤孝天性過人飢飽寒煖燥濕甘辛不假婢  
子不問晨昏如穀在抱如胎在娠出不遠道留不經旬  
伯仲叔季友愛最真分形共氣常若一身門闥之內和  
氣氤氲以兄爲師事必諮詢器業文章切磨日新節義  
所入用亦平均更無私財專以奉親孝義充塞雖貧不  
貧照映四鄰道德風雅會葬舟車盈川蔽野東江考功  
主盟中夏走也不才實出其下以題輿主以告標社時  
酒降神乃敢匹亞珍玩法書聘禮用假京兆容臺滕王  
天馬不以天下儉其親者嗚呼太母早歸太翁經緯  
史廣覽博通未竟厥緒是生五龍母性柔順淑慎恪恭  
德備母儀配又儒宗叩贈有侍食報無窮前所述者親

串私痛後所慰者高朗令終嗚呼尚享

祭顏茂明文

嗚呼吳郡號文獻邦俗多暴桀猶餘敦龐民之秀者禮義隄防薦紳逢掖廉直剛方什伯一二蔚爲民望學殖根底蘊蓄發皇前哲矩矱今茲未亡倚嗟老兄復聖苗裔生有異稟英特瓌璋嗜奇汲古焚膏繼晷與旨微辭必齊其藏家富藏書一歸腹笥卷帙釋手如魚失水至其下筆心嘔竭枯火齊木難紫鳳天吳漁獵百家多所蓄租于古文體亦不可無俯視一世多不我如末學弁淺嚼蠟杖藜高明鄙夷直涕唾餘顧乃于余獨有契分共試白門騰躍奮迅同儕翕集許與矜慎盛相推挹過

謝寒亭文集

卷五 祭文

七

于篤信致于衆怒幾蹈覆轍余嬰世網旋涉宦海中駘違者幾二十載操刀小邑不敢廢怠粗述一編猥蒙見採辱詩投贈詞句清灑塘水淪漣園英蓓蕾杯酒論文以消塊壘追數疇曩而兄不待兄之尊人先子老友同歲寒社齒相先後每一過從自辰逮酉侍立隅坐間亦有某先子捐館弔哭之慟感此氣誼至今悲痛兄有愛壻清河之仲爲子求婚不謀于衆猥以葑菲卜吉云中知己情深通家義重又忝葭莩今昔一夢嗚呼已矣此何人與峻嶒傲骨磊落丈夫筆千鈞力臂萬卷書未登仕版不涉世塗俗子引避識者歎其逝可傷其生不虛述其節概保其遺文此在難弟與其後昆

祭王袁山文

嗚呼學者之有文也可以得朋而取友而學者之有友也所以進德而爲仁非友則道義無以助非文則講習無由親然而友務得夫直諒多聞之友而文必在乎羽翼經傳之文蓋獲交當世之豪俊多矣而同道合志求如我袁山者生平亦不幾人天一旦而奪我良友之逝矣志氣昏塞誰爲之開心身過失孰使之聞嗚呼痛哉兄幼有異稟智過其師數行俱下一字不遺日新富化大放于辭嘗論帖括經義博大精微王道聖學一以貫之偶儷本陰陽之定體錯綜合造化之圖機有明於世文氣日卑辭繁者無才逞者難繼仄則體乖妍美則壯

謝寒亭文集

卷五 祭文

七

遼吾兩人磨鏡格製剔抉瑕疵見則相勉別則相思余欲以理爲主輔之以氣理湛則不假于修辭氣盛則自足以達意兄謂蘊藉深則優柔厭飲之味長音節諧則俯仰揖讓之容備然其不悖于先儒不詭于前輩者其致不同其歸不異不沾沾爲科舉之學而以爲究極于性命之事兄席帽麻衣數錫省門而志不獲伸者乃科目之缺而有司之愧余晚晚系竊辭章粗播于士林聲節幸收于清議而當日駸機所發幾膏斧鉞夫據圖刳吮愚夫不爲况區區者特鼠肝與蟲臂以視經明行修身爲國表學爲人師者殆不啻彼軒而此輒况夫通鑑綱目者紫陽之所以接春秋而寓命德討罪之典大

全小註者諸儒之所以闡發章句而為枝分節解之書其間採輯衆說不無純駁義例先後容有抵牾兄發所未發而獨契其旨精益求精而間汰其弊我方欲追隨往復聞凌跨千秋之議論商做法昔聖之工夫而斯人不作我其已夫蓋悼人文之凋喪而痛惜予吾道之孤至其內行之醇備親故能悉之者蓋不復云而獨揭其志業之大者以存先友之梗概謂有儒者之規模彼死而有不死者存自不與徂者而俱徂俟成書之行世當附一言于簡和迺風昔之所許有渝此者我則非夫嗚呼哀哉尚享

祭座王工部尚書南昌公文

紺東事詩集

卷三 祭文

十六

豫章與區風氣完厚左涯彭蠡右據廬阜大江屈蟠山水結構文章節義理學淵源遐稽前史蓋無不有歷百年所蘊蓄積久篤生大賢其靈秀巨山屹立洪鐘撞扣瓊瑋特傑則自其幼起家常吉推著作手辭麗以則風清以瀏撰述制冊醇深典茂御史法官朝堂執奏上箴道揆下飭法守外及節鎮內則省部民情壅閼官方雜糅不唯以呵衆可曰否氣溫詞厲言約理剖優詔報荅和顏聽受出按河東持斧衣綳通商惠工爬癢刮垢廉白自然不煩矯揉江左譽髦向稱輻輳公操水鑑室其倖實入網羅者十已八九云拔其尤屈指某某特簡卿貳不以次授秋官天官皆秩其副公與和衷互相左

右義有不可不屈已就晉拜司空官以德懋黃河落天奪淮南走兩雄力抗勢欲戰鬪聲撼百里魚龍鳴吼高寶之間人失耕耨職有司存而法逗遛重臣相度且以法究許假便宜如躬巡狩須其還朝即柄鈞軸忌者銜之輩語上構彼何人斯殆有使喉思禮始終優閑龍畝進退出處無所于苟竹光筭煙嵐雲岫若將終焉公未白首昌期名世生為宇宙相公入相人望其復即家起公朝紳領袖通天犀鉤旋還其舊禮祀羣神特牲用壯禮崇典鉅執執籩豆太昊祝融公其祭酒一之為重况乃可又寵至而驚戒其無徂引疾乞骸非為老瘵避賢樂志義蓋此取洛社香山以娛老壽燕子詒孫決科

紺東事文集

卷三 祭文

七

昔售王者瑞應盡在却極公侯之復于其世仙翁從秋賦忝竊入彀中蹈駭機賃春杵曰為典朝衫輪邊營救完其故物白骨而肉視師掄父母亦吾母之德之心肺肝刻鏤官比亭長安其固陋如鼠歸穴曾無簞數今已頽齡寢與抱疚逍遙杖驚聞其赴設位而哭眩瞽顛仆卽贈殊典黃腸題湊公之器業海涵地負公之心事青天白晝公在言路繩愆糾繆公在文苑凌韓轅柳一代完人備三不朽元氣根底萬化樞紐斯人云亡誰補闕漏送不執紼哭不憑棺其情何極其顏有忤焚此生芻醢此醇酌嗚呼哀哉尚享

輓浮屠約中文



上人族姓繁于晉宋系出馬糞世居鐵甕江如白龍雙  
角扼控金貂蟬冕閱閱勢重上人異稟弱不好弄父奇  
此兒釋氏抱送父以醫隱薄遊練水攜之東來使侍杖  
屨嘗其泉甘愛其土美錫飛所卓住道林寺初營智渡  
塘水之濱蓋以筏喻導其迷津遽廬一宿覽息勞筋棄  
而不有厭其蹻塵東有小刹俗尤質淳古佛莓苔地已  
荆榛上人弘願感其殷勤衆力邪許匠者運斤莊嚴雄  
麗曾不兼旬霜鯨鳴吼鐵鳳嶙峋先子題額大士慈雲  
結放生社活此介鱗蒼藤碧篠紫菱白蘋禁不採捕長  
魚如人迫其晚歲規模日廓隴西廢地清川長薄林壑  
之窩可以安樂半直許售卒踐其諾迴溪環不待疏

紺栗亭文集

朱三祭文

六

鑿廣輪數畝跨以畧約兩刹相望亦相匹若瘦竹千竿  
老梅百樹既挺寒翠亦標淡素屋雪未消林月欲吐六  
時禪定聲聞數步心清妙香我摘杜句取材落實亦以  
充賦其他雜英蔬畦藥圃供佛及僧賓饌亦具咀誦餘  
閑農功是務徒衆指繁皆有督課自食其力不爲耗竊  
衣鉢相授各付其嫡東西過從惟意所適廣施善藥精  
通醫術摘飾和合不取其直百里馳赴辰出酉入里人  
倚仗而無德色余今歸耕樵牧爲伍散髮披襟山莊湖  
嶼方外之交舊所遊處蘭若相距近皆數武羣從兄弟  
命僦嘯侶汲泉淪茗撥火煨芋一左一右臂猶別墅而  
今蒼涼誰爲之主山河大地歸于何有況上人者所得

已厚以肉眼觀多福老壽所嗟我等失一禪友耶具辨  
香共一稽首

公祭時用威先生文

維我用威時先生年踰八袞賦詩飲酒精強可四五十  
歲許人近避未疾候之者無間親疎少長戶外屢常滿  
既良已無何又作以某月某日捐館舍于是奔走哭弔  
于其家者空一城以往問巷皆闐咽焉其薦紳人士謀  
製屏障爲文以宣哀痛之情以余通門後輩忝末戚委  
執文字之役其敢以弁淺辭乃爲之言曰昔歐陽文忠  
公論士之賢于一鄉者爲一鄉之望賢于一國者爲一  
國之望賢于天下者爲天下之望蓋就其道德行誼學

紺栗亭文集

朱三祭文

九

問文章差等校量而不問名位之顯晦身世之行藏然  
屢修潔之操而或涉于簡亢懷謙冲之懿而不足于剛  
方內行淳備矣而記聞該博才思敏贍又或非其所長  
是故蔚爲士表尊爲經師而偶未厭于匹夫之口暴慢  
者致其忝狡僞者獻其誠而非必其擅作者之場然則  
世有才誠合一德藝兼優其人者豈非萬夫之望而邦  
國之光歟有其人矣方日挹其言論風旨而忽厭塵世  
去而上仙豈非邦國之珍萃而士林之所痛傷歟嗚呼  
先生王父侍御公繼衣持斧振刷紀綱世有令聞俾爾  
熾昌先生聰明淨于冰雪孚尹達于珪璋于是宰相崔  
盧之甲第樂爲相攸東吳顧陸之耆宿忘其輩行騰踏



萬里不可禁當長駕屈于短馭乃擁鼻比之席而奇與  
于洞庭林屋之蒼茫孝友睦姻任恤施于家邦坐八千  
光風霽月而嚴氣正性如松栢之耐歲寒而植立不偃  
臨大事決大疑据經義引前史料之如燭照龜卜而益  
乎道氣無一疾言遽色而但覺其千頃之汪汪執經問  
難人人意得聽之者常若堵牆有韻之言穩順聲勢參  
亭銖兩溫潤縝密之格放曠精清之韻下兼范陸上掩  
錢即工于楷隸結體道媚對越矜莊戰鬪歌舞無不畢  
具而神鋒內斂不爲怒張在昔吳彥枝山微仲白石白  
陽其在同邑程李婁唐先生粹德直疑過之而風流照  
映則先後頡頏某自歸田常隨杖屨踏雪衝泥探梅問  
紺寒亭詩集 卷三 祭文 三

紺寒亭詩集

卷三 祭文

三

菊詩宗學海沾丐膏馥而今且歸諸無何有之鄉後生  
小子其將焉仰知與不知能不涕泗而淋浪哲嗣孝廉  
紫鸞朱鳳照耀高翔聯苞並蒂作賓于王朗陵大丘于  
其後起桓圭衮裳況名位未崇而德望已崇其晦于身  
而顯于子孫者亦天道之常嗚呼哀哉尚享

徵詩啓

茲聞道風秀世食舊德之清芬善氣迎人敘天倫之樂  
事對萬石君之醇謹藹若松雲接太丘長之笑言灑如  
蘭雪不獨型仁講讓身稱坊表之師必其能敬且和家  
有肅雝之範鍾郝閭中之禮法蔚爲女宗梁孟無下之  
唱隨敬如賓友從此自他有耀皆出積厚所流翠竹碧  
梧看鸞鶴之刷羽瓊林琪樹欣庭院之交花曩冊所傳  
今時早見恭惟戴老年伯似聞先生德配年伯母蔡太  
夫人賦姿明惠稟性幽閑蕙質蘭儀承襲簪纓之澤金  
題錦暉沾丐翰墨之香伯姊諸姑族盡崔盧之望兄弟  
羣從肩隨羯末之班姆教織紉之從必敬必戒婦功酒  
紺寒亭文集 卷三 啓 一

紺寒亭文集

卷三 啓

一

梁之潔無非無儀謝道韞承謝傅之家風高標獨映辛  
憲英具辛毗之器識淵鑒無雙壹與之齊惟淑人能配  
君子克昌厥後知新婦必大吾家于時似園先生燦若  
紫鸞清如白鶴漁獵瑯環之秘面擁百城吐吞奎壁之  
光胸羅列宿攻研鉛槧方騰涌于雞林付托箕裘遂道  
遙乎鹿砦大曆才人之句格韻猶存剡溪名士之舟風  
流斯在門無雜客結交多香山洛社之英口不言錢放  
情在顧渚蘋洲之畔太夫人辛勤相佐柔順祇承水碧  
金膏鉛華盡洗聚栗飴蜜旨蓄是供容臭以朝每近慈  
顏之色喜輝庖下逮皆叨軟語之春溫一左一右之閒  
顯篋自什何有何無之際琴瑟常調爾其西天綠玉之

珍寧抵鵲南海青嬰之浦珠自探驪既並蒂以聯苞  
旋昂霄而聳壑衣聞年兄骨力追風聰明淨雪英才淑  
質孔融引爲同心麗句清辭李邕求其識面子瞻之繼  
明允人號大蘇仲容之比嗣宗家稱小阮驚序鵷班而  
直上鸞停鵲峙以飛翻商璉夏瑚重器之不襲其寶孟  
勞葛黨利刃之新發于硎由清白之流徽雲蒸霞蔚出  
義方之懿訓目染耳濡可謂曹大家著有母儀桓少君  
善成夫志者矣行見居高以臨下必且移孝以作忠教  
子有却鮒之廉則報國必有懸魚之節治家有斷慈之  
度則當官必有拔薤之威措笏書思柏府梧垣之雄峻  
秉麾節鎮軍旗熊軾之丰稜白棹兩道龍街朱纓前行  
誕馬綬垂銀艾誥映金花當與慶之朝天位尊八座如  
旭華之出海樹正雙扶愛日暄妍暖夢大椿之慈蔭廉  
泉清冽滋榮慈竹之檀樂今少昊之司利喜商飈之送  
暑前此先生之攬揆星已三周茲逢大君之及耆筵開  
初度井桐飄砌助玉尊之爭飛朔鴈穿雲催銀河而欲  
寫佳辰肇啓勝友來賓蓬島集班鹿之驂郇廚勞素麟  
之脯聚中朝之冠蓋笏已盈床傳北海之尊疊車皆投  
轄某等追雷陳之末契忝孔李之通門敬已酌兕烹羔  
祝岡陵之筭尤籍騰蛟起鳳光琬琰之章仰祈學海宗  
工莼林哲匠發隴臬之墨紙帶雲烟揮虎僕之毫芒  
星斗片詞隻句亦撮安石之碎金巨製鴻裁直傾

之武庫庶義門仁里得以表厥井疆而國慶家榮亦且  
施于孫子矣謹啓

賀武定相公啓

代

伏以運際中天必需弼亮寅清之佐篤生名世適當貞  
符會合之期益咸有一德之臣乃可左右厥辟而納于  
百揆之地斯謂股肱惟人虞廷四岳交詢疇若予采周  
室三公不備常闕其官恭惟師相大人閣下間代真儒  
濟時良弼文章懸日月決決表東海之雄氣節傲風霜  
巖巖有泰山之象繡衣持斧兩浙皆避鮑永之聰諫草  
批鱗九重曾葺朱雲之檻郭汾陽收復冀北再造唐家  
裴晉公宣慰淮西遂平吳孽計安社稷勲宜公侯五等  
之崇柄掌銓樞望隆文武萬邦之憲簡原在帝行且相  
卿立德立言立功姓氏已垂於天壤曰仁曰明曰武謀  
猷入告於朝廷中外騰歡人情賢于夢卜邊鄙不聳天  
下視爲安危某久願識荆無因御李昔叨大厦曾依半  
壁東南今仰崇階奈隔大河南北霖雨之及物遐邇將  
沐其恩膏景星之麗天賢愚咸知爲美瑞伏願出後樂  
先憂之素展調元贊化之猷智勇功名之不居斷斷兮  
若無他技竟舜君民之已致巍巍乎莫之與京則懋績  
鴻施將與伊呂爲伯仲品得志行道直接鄒魯之淵  
臨啓可勝榮幸之至

又

恭惟 器業無雙才誠合一由諫官而歷宰相真人臣  
不世之奇逢定亂畧而致太平建今古無前之偉烈况  
潞公平章重事正在耆年以尚父入爲太師實惟舊德  
三台鼎峙知辛甘燥濕之能調一氣鴻鈞如春夏秋冬  
之獨運此舉錯公而民心悅乾坤交而泰運成者也某  
自愧濫竽謬叨秉鉞察吏安民之務搖若懸旌盡忠補  
過之難惴如集木不逃北轍尚籍南車前者屏藩逃賊  
之時不惜齒牙餘論之及禮絕百僚之重地無級躋攀  
壁立萬仞之高標私心仰止

上立齋總憲公論明史啓

恭惟閣下儀刑多士爲憲萬邦大冬嚴雪之標碩佐克

附集事文集 卷五

持風紀景星慶雲之瑞王曾不負科名澤沛商霖方資  
調鼎書存殷鑒特借如椽竊謂馬班二氏稱良史才尚  
有低梧晉宋諸書出衆臣手尤多穢雜廬陵寓賞善罰  
惡之權不立忠臣之傳陳水先踐霸尊王之旨未免後  
儒之疑明史一書不但典籍淪亡網羅未備亦恐子孫  
陳乞事蹟難憑自非一代之正人不能立千秋之定論  
蘇氏謂宇宙之權有三史官實居其要司馬歷前後之  
任凡六書局皆聽自隨末學將於此觀光而 聖朝且  
由之爰立某襁褓衣衫形骸土木曩者當老年伯大人  
長翰苑之時值陸菊隱先生在臯比之席適有騰箋轉  
塵清覽不過闊達夸言疎慵習氣乃蒙齒牙激賞遂使

毛羽生輝屢以計借晉謁接之以賓階寵之以嘉宴倒  
中郎之屣登元禮之舟不足喻其榮籍矣年來獻賦未  
收傭書自食蓬飄行跡匏繫中州閣下收攬四方之寒  
峻成就一世之英多如姜西溟輩皆荷汲引海內知聞  
倘許効其庸論寫之生紙節錄片長稍爲延譽曾識孔  
融于童穉幸拔石父于泥塗脫吳坂之鹽車拭華陰之  
赤土豈便榮光之上燭能無振輿以長鳴素蒙知愛日  
昧以陳臨啓局勝戰慄之至謹啓

答宗伯健翁師論文啓

恭惟老師天下爲任斯文在茲躋夔龍四岳之班寅清  
弼亮追唐宋八家之作鼓吹休明蒼生望其爲霖多士

附集事文集 卷五

沾其化雨今世兄聯鑣競秀薛鳳荀龍未足爲喻加以  
三晉雲山俱歸水鑑八蠻烟雨遠被天書德門嘉慶榮  
籍何似某僻處蓬衡志窺藝圃毛衣之炫彩僅類山鷄  
蒿食之自甘有同野鹿蹉跎強仕壯不如人踰蹕名場  
瞠乎其後夏間晉謁餞領諄誨方期久侍春風而輪蹄  
征逐行裝匆遽未及稟辭至今歉仄梁伯鸞賃舂于廡  
下王仲宣作賦于樓頭敢云書記翩翩未免因人碌碌  
往者投贅行卷寵賜弁言示以故鄉前哲之典型謂得  
太僕陶菴之遺教幼嘗奉爲繩矩豈便涉其津涯黃有  
沉著痛快之思歸兼渾灝流轉之趣論其根極理奧皆  
我所師然惟舒卷自然乃爲入聖與其克實謂美未離

方體之間孰若變化從心莫測端倪所在某才疎志廣行未掩言今者三戰失利十口饑驅塵縹素衣毛生名紙老師轉移文運鎔鑄人才雉尾螭頭知宣麻之有日螢乾蠹老歎釋褐之無期所冀拂使長鳴賞之化牡驪黃之外斷之成器不遺離奇輪匠之材特在恩襲附候崇禧兼陳下悃

賀湯潛菴陞工部尚書啓代

伏以天生兆民必賴先知與先覺帝簡良弼端在啓心而沃心傳說應夢賚之求將行爰立伯禹有總師之任先宅司空恭惟學貫三才道宗千聖經天緯地極宇宙之大觀志尹學顏出平生之素蘊司馬公反求諸已

附錄事文集

卷三

六

惟有一誠程叔子入告其君不離主敬惠綏南國皆公平正大之規模輔導東宮有講論切磋之贊助四海想望其風采九重眷注其清忠今者考工職在六卿最爲重地尚書權同三省特轉崇階惟其人不惟其官工虞水火之司皆爲帝佐居其位則行其道貴匡襄之力正仗儒臣時當誕降之嘉辰恭遇升座之寵命長安雪後挺然百歲之貞松大地春回留此一陽之碩果某向仰昌黎于斗極登元禮之龍門昔年鈴閣之雅容曾叨提命今者郵筒之往復總稟規條國家待之爲棟梁門牆亦依之以蔭庇伏願咸有一德特總百司已治已安洪範錫建中之福爾昌爾熾皇天壽平格之臣則啓

石樹不拔之基而耆艾有無疆之慶矣謹啓

賀健翁陞總憲啓代

伏以位冠三臺副相領司空之職望尊獨坐中丞號肅政之官統兩府之權衡兼資文武參六曹之掌故督察公卿蓋雄峻莫之與京而彈壓實難其任恭惟朝端碩輔儒雅宗師典冊高文必折衷于六藝雄才直氣久歎服于羣公比翼齊飛真符合璧聯珠之盛一門上第不數朱輪華轂之榮陪宴賞于龍池明月與夜珠而爭麗承恩光于鶴蓋春華與秋實而兼收欽典秩宗夔龍讓伯夷之命榮知貢舉韓偓出陸贄之門歲旱爲霖方仗平章平軍國風霜在簡特資振刷夫臺綱以清華侍

附錄事文集

卷三

七

從之臣操風紀激揚之柄尹吉甫作萬邦之憲列辟儀刑裴晉公長御史之階累朝宿德統鳳閣鸞臺之署用以警惕官邪領袖衣聽馬之班將使澄清言路邦之司直國所憑依某鉛刀鈍質獲隸微長南國持籌承乏梓桑之舊中州推轂幸蒙岳牧之知恭捧驛書倍深燕喜風裁蹇諤知朝廷之有李綱謀斷公忠望國家之相司馬伏願展後樂先憂之蘊獻正心誠意之箴內則嘉謀嘉猷入告于我后出則不茹不吐表率于庶僚大慰雲霓愜堯舜君民之素願爭光日月垂伯仲伊呂之鴻範矣謹啓

賀翁寶林閣學啓代

恭惟 藝苑斗山朝紳領袖庭日角鍾清淑于兩間  
威鳳祥鸞騰德輝于千仞文章雄冠百代俯仰揖讓  
之容學術原本六經有敦厚溫柔之旨早看花于上苑  
遂視草于承明東魯諸生半在門皆收鳧繹龜蒙之秀  
國于先生晨入學盡陶丹砂玉札之材朱華綠池陪恩  
榮於鶴禁紅泉碧樹侍燕賞于螭頭久著啓心沃心之  
功爰有汝翼汝爲之命自周家有貳公弘化之任儀寶  
同于三司在宋室重參知政事之官權並尊于兩府陸  
宜公入爲內相李郭侯行拜平章真儒既以柄用景運  
于此日升某夙忝膠漆之知傾心有素仰瞻雲霄之上  
無翼而飛親此鴻禧倍深燕喜風塵勞瘁候問闊疎特  
相案事文集 卷三 啓

在久要惟冀淵鑒

賀川撫姚岱麓生日啓

恭惟 廊廟珪璋儒紳領袖分光芒于翼軫瑞應星躔  
挹浩渺于湖湘胸吞雲夢入司諫院孤標峻青瑣之栢  
出佐憲綱直節凌鳥臺之柏壯劔門之扇綸保障重關  
平鳥道之崎嶇提封千里登樓船詠芙蓉濯錦水之鮮  
仗鉞威靈煙雨洗黃茅之孽郡守皆前驅而負弩朝班  
需後命以持衡茲者璇杓指亥之辰逢嶽嶽生申之旦  
青城洞府獻石髓于仙廚南極老人拱白坦于帝座銅  
梁玉壘足徵岡阜之庥甲帳牙旗正合桑蓬之兆况應  
鐘叶律將浮六琯之飛灰即易卦純坤喜有一陽之碩

果值八方之清晏以國慶爲家榮幸百祿之駢臻以壽  
身者福世某無由縮地徒跋遐天渭北江東尺素寄思  
于雲樹綺筵樺燭良宵未預于笙歌看紫氣之過關承  
錫難老頌黃流之在壺盛德攸宜謹緘芹儀聊申燕賀  
平原總憲公爲令于吏部君聘沈東田姪女啓

恭惟 車十朱輪門雙榮戟譽士之風標峻拔清白

流傳雲卿之律切精深聲華輝赫後先繩武金淵玉海  
之英伯仲齊驅璧合珠聯之秀固知世濟其美人稱潘  
陸之辭章亦復能敬且和家備郝鍾之禮法爰聞令質  
誕自華宗憲英本出辛毗自是名流之系道蘊早依謝  
傳定傳叔父之風茲憑執柯之言敢有委禽之請弱息

相案事文集

卷三 啓

九

某班聊乍點殊慚丹鳳之毛令姪女閭範夙嫻特乞青  
鸞之髓江都相裔舊存春秋儒雅之遺齊國詩篇欣得  
鳬鴈烹調之助既承千金一諾用申六禮以將式被寵  
光自知翰褻伏祈鑒納曷任屏營謹啓

答前任吳執如啓

留去思于何武輿頌方新承舊政于子文典刑在望但  
恐兼葭之難並未免沙磧之自慙恭惟 鑒髮情新珪  
璋特達名高虎觀騰紫鸞朱鳳之華才試牛刀傳馴雉  
懸魚之績撫字與催科不悖兩便公私農田與水利兼  
興百爲振舉第久困鹽車初登仕版撫此方五十里彈  
丸黑子之邦到來涉一二旬集木臨淵之地蒿萊在野

閭閻無繡錯之形杞菊克廚僮僕有饑寒之色陶潛五斗米何以善事上官劉寵一文錢豈能問諸百姓束修菲薄且難酬入幕之賓行李往來必獲冥脂車之客典摘來之琴鶴不足補苴愚夙昔之詩書未通律令將縑比素自愧不如執斧伐柯取則未遠訓農惠工之政事上使下之宜即日特觀風儀臨時親承咳唾莫吝教督曷任企懷

候座主南昌尚書公啓

恭惟老師翼聖真儒應期名世卷舒合道欽難進易退之風知覺前民抱後樂先憂之志人材求舊九重帶懸側席之思主眷聿新五年遂有賜環之召司馬公昔棄事文集

卷三

十

之起西洛軍國正待平章安石卿之歸東山林泉豈容高臥吟風弄月還辭五老之峰望日瞻雲行入六官之署海宇之延佇已久門墻之榮籍有加命駕何時搢衣以俟某素遵教督自守拘迂祇緣敝邑遘及溺之災忽于師門有震鄰之恐不惜以身而累蔽竟嗟無罪之淪鋪親故每復壁以藏公卿或脫驂而贈幸罰金之可贖與碎玉之重完然成功聽之在天焉知究竟如歌器未安于地急藉扶持老師董正百司陶鈞萬類尚師商霖之餘潤定知孔鑄之有方遙望旌麾敬操几杖不盡積悃另署別行

候傳令王文重

貴州黃平州人丁外艱去近聞僑居湖廣常德

恭惟老父母秉節剛方居心易直向用儒術不以吏師興起斯文表章前哲士恥陽鱉之習民歸衆母之稱久而如新去而益咏無奈伐柯之則未遠而縑素之工不如王後盧前比擬初非其匹渭清涇濁妍媸正在相形力疾誅求讎民若寇傾心豪右對客無官歲儉人飢施之爭奪俗頹風靡長其臨陵方百姓之倒懸望將拯已雖萬程之遙隔如對神君聞邇者修墓在防已合其祔自齊葬魯暫止于羸洞庭岳陽退處不忘廊廟秋霜春露順時宜節哀思又况麒麟之祥降從天上不久鴻鶴之兆必入臺中第寂處荒莊鑽他故帙時人毀譽聽之無心邊報差除一切不問前者叨同臭味常累形骸追

集事文集

卷三

十一

候同年保定太守林碧山

昔撫今事殊人異倘念夙契勿吝騰牋恭惟年兄先生藝苑蜚聲宏辭拔萃入居禁地神仙兼宰相之榮出領雄州郡伯北諸侯之重右握紫荊之鎖鑰控制雲中左聯絳闕之巍峩瞻候天上霜威三尺開府倚以澄清冰節一條班聯行歸侍從末光所照同籍增榮往者京邸過從朋簪翕集方承密坐連各脂車蕉黃荔紫之辰棹歸劍浦鱸膾純絲之味帆指松江先生旋任民曹正迎銜刃下走忝爲人牧小僅彈丸敢以清白標名實是迂疎任性不爲五斗米故園三徑依然再讀十年書舊屋數間而已側聞加驂之駟馬出作半壁

之長城歐公自乞亳州賢勞敢憚漢相多由太守資望  
久歸茲真定司馬程舍親家世忠厚年力精強在鄰郡  
爲唇齒之依自宜予倡汝和况行臺有腹心之寄端望  
右望左提賢者之相得益彰知同臭味君子之成人有  
素不俟丁寧然諾自在心交感激便如身受閑居栗里  
情移天際之停雲重話巴山腸斷秋池之漲雨小集附  
呈懇賜斧正臨風北望曷罄神馳

侯本房梅月川老師

客冬時孝廉計偕入都有寸函附稟孝廉歸具悉老師  
倚畀之重福履之綏曷任懼忤初願老師提衡江省然  
京師首善尤稱重地 帝心簡在自有專屬玉堂侍從

續集事文集

卷三

十一

仕路之極榮水鑑人倫儒臣之本事老師于秋自命之  
宵一覽無遺之識必能倡明經術成就人材其于振刷  
頽風以復古學別裁偽體以錄真文素所優爲人皆共  
信其間過慮敢竭愚忠當路要津知交多有勳臣戚晚  
勢力非常迎距之間介通難定不分涇渭豈甘老氏之  
和同太峻門牆反謂仲尼之已甚一予一否則缺望生  
嫌不吐不如則摸稜無至物情可畏人意難厭老師知  
柔知剛審于接物無意無必妙合時中方智圓神泛應  
曲當無俟瑣陳某力衰路遠不能一効馳驅拘謹之見  
聊獻末議而已肅此稟候不宣

與湯西崖編修

連年京邸晨夕過從檐花細雨更唱迭酬一時同人自  
命千古忽作末吏揖拜上官卑于奴隸案牘簿書糾紛  
旁午塵務填胸詩腸枯索幾月以來都無一字迴思疇  
昔判隔仙凡矣然既居其官思盡其職 朝家付托豈  
敢惰弛陶邑福小水潦滿野村墟稀少常如疾痛在體  
決獄催科農田水利手披目覽早作夜思庶或裨補百  
一語焉不詳者另具說帖在松坪札中茲不贅自念此  
身晚晚一第遭逢坎珂叨荷師友有此寸階不自濯磨  
貽知己羞亦何顏異日相見耶地方微薄公私費累不  
能抵當責券重大淪胥是懼節縮衣食刻厲清苦以支  
吾旦夕矧此下邑無一素封之家亦從不知有苞苴之  
事雖貪夫處此不能黷貨區區微尚天意亦正成就之  
云爾所許序文何時命筆錫我百朋慰我調餽歧予望  
之

侯寄園叔

清風戒寒天氣始肅伏惟珍攝想闔府俱迪吉也園中  
水木清華烟霞映發吟興所動必登梨棗望時賜讀以  
藥塵俗姪荷福庇于九月初一日抵任所地小面齋左  
支右拙惟是恭以事上儉以自奉慈以臨民威以鎮物  
勤以辦事謙以待客和以交鄰皆稟平日易勉至意不  
敢尺寸有違一切情形未便瑣陳者另具說帖呈覽



與孫松坪庶常

兩次遣人到京俱未得知年兄實信秦使來備悉情事  
至尊色動慰勞殷勤一時傳聞以為盛事將來必且  
枋用故物何待言乎回憶兩家同時為宵人構陷寒灰  
料不再然風塵下吏所不足道年兄復能振拔泥塗升  
騰天表我黨重為吐氣十年夢想今已得之初聞涕淚  
漸漬衣裳益喜極而然亦不自知之矣弟承乏此邑方  
五十里不堪支撐未知何所底也官舍况味使者熟觀  
不用瑣述須知弟不全是不諳時務雖改節換調終無  
裨益徒敗檢耳故不為也中堂師處從未通候今勉具  
一壽禮其外同譜知交受其恩禮寢食不忘目下概未  
能報答涓埃弟非孤負大德者晤諸公希為道念

謝棄事文集

卷三 尺牘

候健翁師

伏惟老師天留碩果國有老成貞下起元否轉為泰方  
春時和諸福物至為道自愛以副社稷蒼生之望三千  
里外可勝翹切某浪跡飄蓬望門乞米支離顛顛星霜  
移換忽忽都忘去秋以來無一字稟候匪特病懶也誠  
以當日區區之心告之天地而無惡質諸鬼神而可鑒  
鄉黨之見聞不容掩京朝之清議不能消日月之明萬  
萬不為之播奪而或不能不問于左右之言眾口鑠金  
積毀銷骨雖復曉曉亦復無益故不敢復干瀆尊嚴然  
又嘗思之師之于弟子猶君父之視臣子也弟子之于

師猶臣子之事君父也老師長養人材主持國是以天

下為已任以民物為度內其理學可以接先儒其文章  
可以追作者其闕博可以包六籍其茹納可以容四海  
遭遇聖明薦陟鈞軸伯仲伊呂在指顧間而曾不三言  
忽已投杼况聲聲擬欵如某者其入牢籠而踏坎阱又  
何論也然去春面謁以後歷捧手札一則曰責備汝者  
皆屬邪說再則曰有血性人能具肝膽三則曰諒其無  
他雖有浮雲不能蔽白日其與皇上不忘舊勲始終  
不替無以異也是以兩年之內備嘗險阻銀錦縹緲枉  
拮困圍萬死一生而不敢避厚自誣譏包含荒穢而不  
敢雪郡邑承望風旨隸卒操兵到門如追逋寇妻女啼

謝棄事文集

卷三 尺牘

號家口狼狽而不敢怨行求乞食暑日炙背風雪打頭  
而不敢以為羞無他師門執誼地厚天高頭目身髓皆  
非所惜其與老師惟有全家感恩之意無以異也至  
于師門故為疎外以示從前非由抑勒非出牢籠此種  
委曲某亦深喻一切罪戾皆甘身任矣雖然功名付之  
逝水性命付之劫灰矣累世清白半生拘迂區區心跡  
必欲槩為塗抹鑿成瘡痍揆之天地父母裁成萬類之  
心所不忍出乎古今來孤臣孽子盡忠竭慮遭進讒言  
而死不敢自明者何限其所遇不幸故至此老師自許  
何等人物而使青蠅貝錦得行其術乎區區軀生不足  
惜天下後世其為大人先生惜者更大也怨而不怒風



人之旨委曲具陳伏惟原宥不宣

與唐東江考功

客歲之春曾寄一函中候未知達掌記否年兄歸臥婁江之湄肆力研覃請力深到遊心澹泊不役榮利有嚴棲谷汲之高閒必有天想霞思之放曠但恐彈琴成聲知已趣駕未必久享斯樂耳弟塵務攪心動有危機子墨管城經時寢閣彼此相提而論何異泥鰌之於雲龍乎臘月翁年兄郵到手札憂弟儒緩藥石之言最中病痛勸善規過朋友所貴今棄如土矣不圖得見古人風義謹勒座右常自儆省但此語亦自有由同鄉人在敝署導之以邪不從拂其意乃造作播傳耳邑小民寡不附寒事文集 卷三 尺牘 四

與湯西厓掌科

詩文天地間元氣之流行也生理內涵生氣外達自然成章如星雲輝爛草木華滋皆沾潑潑地故能起發人意久而不厭咀之愈出陸士衡所論猶是六朝人綴文技巧爭于其末者辭達一語方是洞見根本與造物化機相似大凡命意遣詞不奇不透不老不穩奇者非他

透之極也老者非他穩之極也不透不穩意象必有欠缺理總不達歷下風痺公安僉荒竟陵鬼趣非不各自求奇然皆求奇于外胸中無此一股元氣耳拙著不敢謂窺古人間奧引掘有謬誤意與近徑露然自覺有一股生氣貫注其中難狀之景難寫之情隱躍行墨間使人得之心目之表似畧能達意耳往者衆搜行寄番閱累旬云從前雖稱同年生今乃真同年矣終身誦之不忘也豈敢謂唐公見推妄自矜許然庶幾知己者以爲可乃可耳又有啓者遭逢坎壈離憂結轡間有陶寫流連之什然哀至于傷剛近于虐未盡得風人和平之氣亦或有之望爲藏拙莫輕示人則愛我尤深耳

附寒事文集

卷三 尺牘

五

候同年湯掌科西厓

恭惟先生羽儀爲盛世之光骨鯁有直臣之概正大剛方以定國是從容鎮靜以審事機有守有爲不茹不吐以文學而表諫諍之風以忠益而具鈞衡之望從淵發年兄處備悉榮問曷任欣幸某以年力就衰得遂田園敢謂素無宦情實恐有違時局然教養之道畧見施爲廉恥之防未嘗廢弛在任在籍迂謹如一才分所限不免見嗤知已耳拙集奉求大序勤拳之意必能俯鑒其誠也漢唐兄序并續刻一册附呈覽

候同年松滋縣行取戴衣聞

憶壬申之秋琉璃廠晤聚年兄同房石二年兄首唱高

誼同志翕然使枯株再含生意鏤刻肺肝而不能報答  
涓埃愧恨如不欲生也近晤談選君云年兄已行取進  
京喜極欲狂又未知石五中得預此典否也貴治福小  
加以猗潔之守竟能獲上公道不泯亦一奇矣年兄志  
節過人才足以濟立朝風采必異尋常但雖際景運而  
危行危言尚須斟酌朋友規勸損過就中爲賢者更進  
一解也弟年衰才鈍款段之與上駟豈能齊軌耶勵志  
濯磨不踰繩尺庶幾無忝良友但孤思負德耳外如筆  
山木伯清聲皆有所歉而蘿軒爲最還數爲債家折閱  
實未全償地方瘠薄無可爲計抱疚沒齒知已前一道  
鄙衷而已拙著請正臨楮神依

續集事文集

卷三 尺牘

六

與同年新樂令張昆詒

京師握別忽逾一紀言論丰采如乍脫口如乍分手然  
思之甚邇卽之已遙離懷所積諒亦同茲老門兄東海  
之邦歌思未艾西山之麓德澤方新但同籍之人半在  
館閣雍容之地而異等之彥未免周南留滯之嗟良爲  
扼腕然資望既深柄用必大拭目俟之耳弟以師友援  
手復廁選人編小則刵勝之亞儉密又唐魏之遺然時  
局不足應酬而素懷且喜成就催利折獄廉辨爲四境  
所稱鑿渠溉田利澤可千年不朽然出則官廚冷淡歸  
仍故帑鑽研知已聞之得毋失笑至干昔年伙助未荅  
萬一平生抱愧是此一節而干蘿軒尤爲顏顏限于地

力無可如何也輕裘良馬敢望季路之與人同賈分金  
還恃叔牙之知我小集呈正希爲教削臨風懷想握管  
神馳

與同年史蕉飲學科論陸稼書先生從祀文廟

伏惟先生以承明著作之才居補闕拾遺之地言行道  
行權作宰相凡吏道清濁人材臧否無不當言而學術  
純疵道統正閏定一王法爲萬世表尤禮垣所職非先  
生其誰主持竊意文廟從祀一席代不數人歷朝以來  
按籍可考 本朝崇儒重道聲明文物駕軼前古乃六  
十餘年未有應此典者睢州平湖海內並推而睢州卽  
贈有待平湖沒後追思有提督學校之命則知久在

續集事文集

卷三 尺牘

七

聖明睿照中矣孟子旣沒昌黎韓子起而肩荷然必待  
有宋四子而朱子又集其大成自宋末迄元明闢發四  
子佐佑六經者多矣象山新會餘姚至今猶有異論卽  
涇陽景逸念臺諸公之學若剖析精微不無與紫陽有  
毫釐之繆據某臆見自宋以前紫陽直接孟子之統自  
宋以後稼書直接朱子之傳其間諸公或爲羽翼功臣  
或爲旁支餘裔而大宗一派直讓之二子而已自謂聖  
人復起不易斯言先生以爲河漢否也舉此鉅典非當  
代第一流不可戊辰一榜前後輩皆自謂不及今先生  
與仁和膠州謂湯西庄王文子同列諫垣此千秋大業從祀者  
不可磨滅舉之者亦不可磨滅知不肯當前錯過倘斯

言足採其遺書哀集都在虞山席氏便令捆載至都下  
同志者可參攷互訂二席平湖高足弟子留心斯道凡  
事可倚辦必不辭也草茅衰朽忝同臭味輒敢忘分及  
之蕪城集古澹冲恬格高味足時一吟誦滌人煩襟拙  
刻附呈勿吝教益是荷

與同年王西亭給諫

秋池漲雨荷香可挹吟酬信宿思之如昨今荷錢又田  
田貼水面矣未知何日復此良會也聞仿王官谷裏自  
管生擴此真前哲高風然于衰遲退老之人分所宜爾  
先生未竟厥施亦便有終焉之志乎當日立朝風節聲  
震天下實錄史傳彪炳千秋神龍見首不見尾斯爲善  
緝寒草文集 卷三 尺牘 八  
藏其用車前無八駟未爲久事襟度如此私心竊有合  
也所委詩序忸怩不下筆者久之度不獲辭勉力脫稿  
未能闕宗廟百官之美富徒供覆瓿而已非敢妄作  
亦長者強人以所難耳吳淞衣帶水未便限天塹國境  
料亦不遠臨楮神馳

跋少保劉申徵先生墨刻後

昔人謂歐陽率更書莊若對越俊若跳擲又謂蔡君謨  
書筆筆皆端人正士而其中戰鬥歌舞無不畢具少保  
此帖用筆嚴謹而豪逸之氣軼出行墨之外方諸前人  
未知孰爲先後也少保清忠粹德發其光華溢爲篇翰  
旁及書法持其典寄耳然展卷披覽其胸宇之灑落廉  
隅之孤峭猶髣髴見之蓋亦其精神所流露耶王逸少  
風節謀議爲晉名臣而世反以書名掩之曾子固作顏  
魯公祠堂記無一語及其能書意有所重也學者勿但  
以一斑蔽全豹則于知先生也或庶矣

題慈溪張亢友集唐詩卷

傾羣言之瀝液擧衆英之芳腴涵澍涇渭流乍同乎支  
派檀梨橘柚味適調乎甘酸意思妥帖能按部而就班  
氣化生成若從根而生榦紅葩丹綺之離婁殆不啻過  
紫鳳天吳之顛倒吾知其免如通此以作相彥聖若已  
有之或推之以行軍敵人皆爲我用蓋已技進乎道筆  
墨有神勿謂擬不干倫冠纓欲絕

書總督漕運兵部侍郎與公事蹟後

遼陽與公起家監司秉麾仗鉞跋歷南陲削平逆亂綜  
理紛繁膽智過人雄畧蓋世其馭軍吏上封章有不可  
犯之色有不可奪之節近代名臣無與倫比以死勤事  
卹贈有待士論嗟傷吾邑姚子松濤辟佐戎幕籌畫決

贊厥功居多慮史家採輯無有依據擬其大畧以備遺忘用意深矣昔少陵從嚴武樊川從牛思黯其主人皆豪修無器業即退之在徐汴二州所遇亦未足稱知已惟從晉公宣慰淮西古今偉之然專摠征討不預民政事平還朝爲日未久與李正封輩觴咏留連而已晉公位極台司名垂竹帛亦不待書記而後傳也與公忠勳勞績上配前哲他日聖明念舊追錄事實銘功太室非有紀述于何考信耶姚子非獨報知已亦有功于國與已嗚呼戮力王家之瘁盡忠所事之誠于斯編也亦觀感而興起也夫

跋陸桐源唐宋元諸家畫縮本後

續集事文集

卷三

二

魏晉間人畫天龍仙鬼人物唐迄五代始及山水宋元乃用水墨以寄蕭疎淡遠之趣要以求物之似而已然吾嘗疑之夫天下之真者舉目皆是也顧不之貴而反貴其似者何也蓋物之生非物能自生也二五之精渾淪磅礴風霆流形庶物露生非物物而刻雕之也畫雖一藝然必其人稟扶輿秀靈之氣讀破萬卷書胸臆虛明無點塵土傲岸孤高有平揖公相不屑萬鍾之心胃與兩間之元氣不隔礙故常胚胎于其中而動與物肖物之奇不在物而在化工畫之奇不在畫而在與化工同運故足貴也昔人論畫竹由與可真而不妙東坡妙而不真世之摹古本者其于岡脉之起伏水痕之近遠

林巒之疏密雲烟之斂散可以不失銖黍然得其似真而止矣其妙不傳也是故可用力而能者真也不可用力而能者妙也然則妙終不傳與曰斯不可從畫法求也尚其志節堅其骨力發其奇聞壯觀充其浩然盛大流行之氣而已蓋古人之以畫名世者皆宇宙間磊落奇偉之人非專以畫鳴者也其專以畫鳴者特畫師焉耳雖工弗貴也余友陸子桐源家莫釐峰下得湖山之秀靈年少氣壯周行萬里結納皆天下士長材無所不遇尤肆力於繪事其仿唐宋元諸家筆意直追神理殆入其妙者也同郡王學士麓臺宋中丞堅齋器業文章爲士大夫領袖而畫格亦上掩近古桐源將走京師就

續集事文集

卷三

三

正焉乘間以鄙言告之余非知畫者倘以強解事見哂余愧矣

題三子遊仙圖卷

余解邑組歸檢敝篋得舊書數冊立程課丹黃不其十卷則督奴客栽藕花培蘭荷以消岑寂除執丈老安三數輩往還外時髦少俊不輕與酬酢恐以陳人爲所嘲笑也張子漢昭陸子紀雲唐子徽衡三人者能不簡棄余時時過從或出所評騭古人書印證或請余近作玩誦數番微意所托嗟賞久之犁然若有當也余因思三子不可解者有五人皆嗜榮進而余方脫簪纓服野人服一人皆逐浮名而余逃名不酌荅四方知交二人以

杯觴爲樂事而余經月不設饌三人好談邊報差除而  
余憮然若世外四人莫不擅技能而余拙鈍無一長每  
袖手旁觀而已五未知三子何所取于余而親昵若此  
以是知三子曾次高明洒落書卷所浸潤無一點塵土  
氣遠于流俗人萬萬而余衰殘廢棄于時猶幸獲收干  
世之卓犖不羣之士亦用自解慰也此卷吳門張兩升  
爲漢昭寫照并及二子樂其同志也冠方山冠飄六銖  
衣採紫芝餌黃精所遊若在委羽青城之洞非人間世  
者噫此歸休退老之人所棲心憩足三子方出其有爲  
之才馳驅皇路蓋不虞君之涉我地也雖然人之心跡  
不同或隱居終南而借爲捷徑或宦于京朝而不忘松  
風之夢我又安能測三子所寄托哉雲水窟穴中能添  
入白鬚丹頰一衰翁共吟嘯于其間乎三子其引我爲  
同調否也

續樂亭文集

卷三 跋

四

亡妻孫氏述

余令定陶之五年壬午秋八月以衰病上書乞骸骨邑  
人奔赴行省控留余申請益力既得 旨候代未卽行  
疽發腰脅間口裂如鋸度無生理吾妻孫氏省侍晨夜  
不交睫余幸就痊可而妻病作療治逾月竟不起薦紳  
人士空一邑來弔旣畢匆匆移輓歸里途次濟寧兒子  
方裴伏地請曰母婦道母儀非尋常可比今抵家當訃  
於宗黨大人不可以無述嗚咽不能起余念吾妻賢明  
實有不可泯滅者非特哀兒之請也乃就所記憶者節  
錄焉孺人出邑之望族祖火東公起家贊遼官至登萊  
巡撫功在邊圉事具明史父頴菴先生名父子學行有  
聞於鄉國孺人其季女也幼奇愛之先生仲弟子余同  
年進士今編脩公松坪生有雋才先生求壻可與頡頏  
者特以字余年二十來歸余繼母沈孺人待子婦有恩  
義吾妻尤稱其意沈孺人遘危疾先喪其所生子不復  
哭曰吾得子婦如此足矣雖已出何以加余乙丑下第  
歸未抵家先君病亟孺人以婦代子職事皆躬親瞬息  
不離左右有謂孺人宜乘間問所遺者孺人不可曰是  
傷其心也吾知奉侍吾舅而已忍因以爲利乎視舍斂  
訖終不他顧歲時祭祀脯餼酒漿必豐潔祖先忌日一  
入門問知終身不忘常先期告戒辦治無遺忽者性廣  
逮下娣姒氏乳媪子孩稚時妹畜之白產一男不育卽

續樂亭文集

卷三 述

留侍巾櫛生子女互相乳抱不分別計校兒亦忘其誰  
出也庶長子方舒爲聘兄女妻之曰毋使舅家輕之柝  
產不少低昂子婦喻其旨亦無自陳乞者本宦家女工  
刺繡入余家卽詣農事地力肥磽穀性早晚課督僮奴  
雖老農亦不能過所收常倍他家瓜畦菜圃躬自灌治  
筍藟匏菊每有旨蓄余館穀不善治生家人賴之以給  
首飾至老祇一銀簪猶贗物也冬夏絮衣苧衫余食祿  
後終不改在陶署不食肉樓後片席地每課姬婢蔬白  
菟紫茄以供饌每上公車必曰君秀才時吾耕織差能  
贍生今布衣多歸質庫吾不望君中第也居官出視事  
必丁寧曰君平恕必無濫刑然是日不聞朴責聲吾乃  
謝案事文集 卷三述 二

憲愜耳編脩以便道省姊必以 主眷 國恩相勗勉  
編修亦敬諾焉已午間有歸志力贊決曰君治陶已不  
負所學急流勇退正其時矣官廚淡泊與家園無以異  
吾力作供魚菜成君志可也嗚呼而夢知竟成虛願也  
乎夫旣敝屣一官不沾榮利矣造物者猶靳而不與乎  
方欲百年偕老而忽成鰥目之魚方思千里同歸而已  
作孤飛之雉元微之悼亡詩云貧賤夫妻百事哀俯仰  
生平真罹此酷矣而況其孝慈恭儉味道安貧多丈夫  
所難能者而可使其有美不傳乎梅聖俞爲其妻謝乞  
銘于歐陽公因附以不朽世有有道而文如歐陽者知  
必不却余之請而樂爲之銘也爲述其梗概如右以備

裁擇焉

謝案事文集

卷三述

三

竊賊照律發落不盡處死說

邑人有進言者曰竊盜爲民患往日獲之多用連鬚筋大板每十板加二板責過用牛倒拖以畢其命又或用鐵錘折其脛今皆不爾得毋寬縱乎余曰非敢然也律文併賊論罪甚明初犯杖三犯擬絞原無立殺之條今獲竊盜得實者夾訊責刺枷號分別發落比照律文不爲輕矣且大盜殺人立斬奉文處決亦須半年果如往例比大盜之死更慘而速小盜視大盜反加等論乎三人共盜一瓜事發皆死前史有之此乃衰晚之世今聖明好生大盜尙有減等發黑龍江者有司敢以非罪非法盡殺之乎古帝與其殺不辜寧失不經于死中求生

紺棠亭文集

卷四 說

浚池說

地以厚而載澤以虛而通于易卦見之其在人亦然老子曰虛其心實其腹爲天下谷指雖不同蓋有可相發者余堂下有石甃池歲久澱淤爲草所宅穢惡無所洩煙蓼無所宜而堂後地卑濕竹木皆不蕃盛意弗善也春杪具春鍾移其土于假山之陽使瘠薄者得豐肥而

池旣蕩滌中栽蓮藕兼畜魚苗數十頭旁植拒霜花栢欄樹左右披拂春勑屬玉飛翔唼唳其間風霜刻露月星明概碧落銀河倒入清影乾端坤倪髣髴可見時曳杖竹石間有順德積小以致高大之思而馮檻臨流庶幾銷世味觀物化嗜欲不爲桔意見不能膠可以見天之心仁之體則老易之微言于斯領會也書之以告同志者

紺棠亭文集

卷四 說

季考諸生檄

照得士者民之表故善風俗必先與賢能言者心之聲故觀文章便可知器識况六經四子皆聖賢身心性命之微卽八股雙行亦天地奇偶陰陽之數自非鉢肝鑠腎豈能涉此聖涯若但刻翠雕香何足窺夫理與周情孔思之深遠久听夕以研覃宋註漢箋之異同藉友朋之講習惟爾陶邑惇龐未散有陶唐氏之餘風信義是崇沿魯周公之遺教迺稽前志歷挺哲人命世之勲庸形圖麟閣名家之矩矱價重鷄林嗣因世故相仍少覺文風中落幸茲 堯年舜日制科已破天荒際此喬嶽洪河勝地豈無人傑或機雲妙齒初騰入洛之羣或李

紺棠亭文集

卷四 檄

杜盛名未預曲江之宴官袍花朵 禁庭春色可娛席帽麻衣官燭風簷不遠若欲奮迅而往必宜摩厲以須本縣久歷名場頗嘗義味開闢漢洛劍閣古君子之緒言瞿薛王唐私淑鄉先生之成式如伯樂之相馬能辨蘭筋臂庖丁之解牛自迎銆刃多士其聯鑣以至使者當憑軾以觀諸生定于某日進考童子卽於是日同考逞妍抽秘啓夕秀而謝朝華按部就班軌軌先民而稟大雅放恣橫縱之態吞萬頃于心胸精清要眇之思引千鈞于毫髮垂紳擗笏備揖讓俯仰之容挈領提綱極開鎖鉤連之巧不妨奇正雜出自當細大不遺大約先求諸心心平則辭自達一依于理理足則氣必充不獨預

決來歲科名亦將遠覘他年事業至若別學士子不域封疆一體收考繡鴛鴦于機上暗度金釧採珊瑚于海中廣施鐵網敢謂文星朗耀光照四鄰庶幾空谷響傳聲聞百里幸勿觀望不前須至示者

決科檄

照得工善其事先利其器學精于勤而荒于嬉今者秋試在邇多士摩厲以須奮迅而起行有日矣茲當早春合應傳集拈題會課以望聲光袍衣賜襲染綠可期翰墨生香殺青以試豈他山之有石得備磨礱幸老眼之無花粗分菽麥除童生另期示考外諸生先期報名擇於某日黎明赴縣聽候會考二書一經早集早竣萬里

紺棠亭文集

卷四 檄

飛搏培風而直上兩軍決勝憑軾而縱觀况含咀英華借以潛消鄙吝卽擗撫利病當不獲戾高明萬勿觀望不前有負虛受之意

城壕栽蓮檄

爲勸民栽蓮以收美利事照得內外城壕寬深蓄水土性宜蓮頗有栽者而棄地尚多蓮之爲物易生易茂不藉人工而結房窳根皆可供食今勸諭爾民盡行栽植仍免起課俟有公務量行貼工聽政之暇雨後最初疎槐高柳憩息其間碧水紅葩一爲披拂民人旣享其美利而司牧亦挹其清芬取之不禁或亦不厭其取乎慎勿觀望不前特示



祈晴文 戊寅十月初到任

爲民父母惟在愷悌以慈良禱爾神祇所賴聰明而正  
重瞻茲陶邑戶口鮮少土地荒蕪每苦潦水爲災總由  
溝渠未鑿今者十月場功粗畢農隙可乘而雨雪乍消  
陌阡未辨必待兼旬之晴照庶可并力以鳩工倘畚鍤  
之難施必耕鋤之盡廢忝居司牧常如疾痛在躬食報  
此邦定爾幽明一理伏惟尊神默相佑贊務使冬陽布  
暖杲日當空水利可興秋成永賴若或行苞苴而飢法  
任喜怒以淫刑煩擾以病林坊情媮以曠職業官有此  
失宜罹其殃民乎何尤豈降斯戾齋戒越宿激切陳詞  
惟此愚衷仰祈俯鑒

謝樂亭文集 卷四 文

告神文 己卯三月

官斯土者欲安良民必先于除盜然獄疑獄最難于得  
情今有劉源長家失竊一案證據似真供狀未吐訊治  
不嚴便恐縱釋有罪追求過峻又慮冤濫無辜惟僉思  
昧不敢忽疎惟神聰明尚祈默相謹于二十二日移獄  
在神廟公審如匪人姦賊果具必求天誘其衷如事主  
誣妄有因亦仗神奪其魄倘僉意見或偏喜怒自任於  
赫在上升監豈逃謹此預疏伏惟照察

祈雨文 己卯六月

蓋聞雨暘時若而後年穀順成今者炎帝司權林鍾應  
律雖來牟已堪粒食而稌黍正藉滋培自非旣優旣渥

之施難望滿車滿篝之慶某忝司牧敢辭星言夙駕之  
劬勞神贊元功尚答秋報春祈之禋祀伏惟月躔離畢  
郊野立沛以滂沱岱宗出雲須臾已合於膚寸爲民請  
命鑒此微忱臨禱曷勝悚仄懇切之至謹疏

祈晴文 壬午三月

天道以生物爲心王政以養民爲本今茲二麥漸已抽  
旗凡在三農皆資乃粒所慮沾濡之澤過則成災遂恐  
飢殍之聲神弗用享蓋凡九年耕三年蓄民藉以康若  
使一日暴十日寒苗將不實伏祈冥漠特爲主張當朱  
夏之乘權正離明之月事豁除陰翳照耀晴曦俾千畦  
成黃茂之祥卽萬戶錫蒼生之福夫牲牷粢盛之告潔

神既常歆卽政教號令之有愆民則何罪敢以齋禱希

鑒惻忱

告神文 壬午六月

生民利賴厥惟五穀必風雨以時昆蟲不作而後民得  
享其成螟螣蠹賊皆能食苗而蝗蝻最惡比之旱潦災  
爲尤甚茲聞沂州泗水滕縣各境多有生發相距不遠  
恐其颺忽而至禍且不測彼撲滅之具焚瘞之方古人  
成蹟今猶可考但與其救之於臨事不若遏之於未形  
譬如放賊入境與之決戰何如先聲奪人使之不來夫  
主宰一邑明則有令幽則有神惟令涼德不能蔭庇惟  
神正直是可憑依伏惟尊神出其精爽震其威靈迅雷

以驅除疾風以掃遺珍其種類毋犯邊疆古稱蝗不入  
境赴海以死夫豈誣與若或刑政不修設施迷謬所有  
咎殃宜移之令毋以病民神之聰明必能默鑒謹疏

紺寒亭詩別集卷一

古今體詩三十首

嘉定趙 俞著

雜詩十首客郡城作

暮夜懷金事有無一人寬憤萬人呼投荒代友寧辭播  
鉤黨除名不爲蘇鍛鍊收承反是實摧殘漸使正人孤  
王生執誼師門重未敢偷生比薄夫

黨禍牽連也見收非關薄命與警謀此囚豈必無生理  
若輩偏宜置濁流人遇來侯寧有倖名齊李杜更何求  
寒灰他日重然否元老於今是乞休

髮上衝冠吐白虹直辭慷慨兩人同書生氣已吞奴輩  
豎子騷能敗乃公勢作連雞俱就縛肉投餒虎竟何功

紺寒亭詩別集卷一

霜飛六月沉冤極萬里君門若箇通

海陬萬井忽惟騰 特詔蠲租得未曾長駕偶因小駟

債神叢應有老狐憑積薪厝火人誠誤覆酒伴偈我獨

承徵尚於今還共白細塵不到玉壺冰

雀鼠成羣亦壯哉行人有得邑人災蜚蛇失酒多添足

射雉張弓借作媒些子事無天外落等閒人入局中來

雄鷄斷尾先幾在毛羽驚人是禍胎

戢翼卑栖似伏雌無端一矢忽加遺吏威急峽高江吼

命賤千鈞一髮垂屠岸賈能傾趙盾楚懷王願得張儀

吾宗積累宜餘慶且待天心漸轉移

負郭田荒正苦饑羈愁何更及團扉黃楊有厄多逢閏

宋鶴當風忽退飛欲脫函關無何盜蚤歸合浦臥牛衣  
升沉已付浮雲外清議他年有是非

黑白分明造物怪居身合作老癡頑金曾同舍應疑攫  
展縱非卿也願還但得臣心寒似水未敢此判重于山  
須知威鳳翔翔意自在無窮寥廓間

樂志城南水竹居十年辛苦赴公車京師米貴羞彈鋏  
名紙毛生未曳裾附尾寧思千里驥投竿偶上直鉤魚  
楚弓得失今何恨憂患人生是讀書

邸第春風桃李榮野芳何幸殿羣英後堂未預笙簫會  
此日方逢水火爭殺我原知三長史捐軀甘爲一先生  
大冬嚴雪枝柯在苦節松筠傲晚晴

謝寒亭詩別集卷一

又雜書四首客白門作

一敗奔崩勢莫遮誰欺謀者亦非耶但充孤注功難倖  
白壤長城事更差須賈久思傾范叔賀蘭終不爲唐家  
原情尙冀蒙優恤莫使旁人扼腕嗟

貝錦成文巧亂真讒言銷骨太無因能令曾母驚投杼  
誰信羊公不耽人謀敵莫如行反間惜封只合戮功臣  
他家酌酒方相慶塗地身名獨苦辛

一身業許爲驅馳前隊橫衝百萬師壓卵已知必破勢  
累禁失在欲成時李陵軍敗功誰記許遠城亡罪可疑  
獨有精誠應不沒啼鵲血灑向南枝

拂衣奮袖恣餘酣一室悲鳴劍在函伍子胥存終報父

睂間尺死亦奇男時嘗懸膽心誠苦共戴高天事豈甘  
三子肝腸誰肖我養雛方似燕呢喃

感遇

漢時有趙禮不幸爲賊得兄弟互爭死挺身陷不測賊  
亦義其請竟保此鷄肋爲人司牧者而乃不如賊殺人  
充筐篋借口起羅織彼既湯撻播此亦斧斤副脂韋少  
須眉光燄怒氣力豈能自低昂如馬聽銜勒草菅人性  
命止爲已官職曾聞來俊臣終亦遭誅殛

巨魚

巨魚人曾見一大魚乘潮至觀  
在石礁不能脫而僵焉記其語

瓊海來巨魚兀若一大洲其廣蓋千里未有知其修衆  
魚皆屈從一湧數萬頭噴霧星日昏蹴浪乾坤浮乘漲

謝寒亭詩別集卷一

掛山椒頰頰中曲鈎奮身不能脫馴若繫鼻牛衆魚倏  
驚潰拋擲等懸疣漁者割鮮肥脯之以爲羞餘脂付熬  
煎藏作充膏油咸神盪海岳到此颯然收取精誠已次  
時亢理則休神龍摩天飛蜚藏乃泥鰍老行固有道可  
以逍遙游

禿鷲詞

禿鷲步魚梁其志在卑濕暗鶴巢雲松豈復稻梁拾碧  
虛鴻蒙抗紫氣烟霞吸寧知餒腸鳴口亦吐饒汁穴石  
探腹蛇所在腥穢集毋笑禿鷲爲救過恐不給羽毛雖  
潔鮮文采非所急

同年唐子實君有時世公子行紀述時事意在風

屬末俗余中有所感亦作一首辭指各出匪云效  
顰也

貴家公子鬪裴展倚藉聲勢氣輝赫問津學海驚望洋  
掉鞅文場俄中格要地便欲衝天憲卑官未肯爲邦伯  
目攝縉紳若贅疣胸藏麟甲恣毒螫私人廣布張爪牙  
異已舐排樹柴柵九列羣公讓主盟十道諸侯侍置驛  
困倉狼籍比櫟駭財寶充仞如麥積麗人髮唇金翠翹  
嬖奴面首珠屐烏璇題繡戶拂行雲寶馬香車臨廣陌  
鸞刀縷切繪成絲鳳尾嘖嘖響裂帛纏頭不惜紫駝尼  
醉眠亦設綠熊席十千蘭陵傾萬斛百萬豬窩今極微  
李清照打判一鄭秘戲方傳幸舍郎當關敢報侵晨客  
馬圖序

紺寒亭詩別集

卷一

四

但沉麴蘖迷煙花何用圖書親粉墨出逢故人豈下車  
平揖先生或岸幘窮極驕奢宜召殃遭逢 明聖還薄  
謫怙威鄉里肆憑陵餘餽州郡猶辟易椎算錐刀及舟  
船漁奪膏腴美田宅蒼頭酌酒醉顏紅白晝殺人刀光  
赤一朝觸突羅法網怨家齟齬亦抵隙平時鼻息衝霄  
漢此日肺腑森矛戟因識樹有角鳴鳴哀報腋應蒼狗  
滅先德或能庇十世豎子竟爾逃三尺淮夫幸值頑水  
清張糸欲俟水山圻吁嗟乃公稱人豪賸收家聲亦可  
惜

上已行

柳作鵝黃天蔚藍冀北烟景如江南東山堂中春事酣

公子移尊勝賞探紫宸班退蚤朝罷龍街喝道當橋下  
主人後入衆賓逐衆賓勝席主人謝蘭亭勝咏述作于  
名輩風流能繼否今日不爲文字飲選伎徵歌一賭酒  
殷春芍藥春未闌花枝裊動春風寒運鬢酒名蓮鬢白  
泛碧玉婉婉琥珀光射赤瑛盤翠袖裁鉤飛急酸銀甲調  
箏勻按板華筵何止一金釐下箸欲破千家產豈知風  
塵牛馬走短衣至盱矜露肘哀告無門乞錢米晨突不  
黔直到酉不念窮桑有餓夫相結高陽皆酒徒所慮豪  
家鬼物瞰亦恐數孽他人狙主人大笑君勿憂但折花  
枝當酒籌秦人德我不我讐於期窮困今來投我已乞  
得將軍頭

紺寒亭詩別集

卷一

五

明相嵩于世蕃送西市坊巷皆置酒召親故聚觀  
居人猶相傳識其處作二詩紀之

法司參決獄已具得詔縛送獨柳樹坊市傳觀車塞路  
于思白替肥如瓠怙威不數秦繆屬贖貨已過羊舌鮒  
平日伎害機腸多那保首領上丘墓嗚呼相國誤國深  
汝父還應由汝誤君不見李斯李由被顯戮父子咸陽  
相抱哭世蕃誅相嵩免肅呈當日猶輕典

江陵相公負才氣舞智御人亦雄鷺振刷朝廷扶頽綱  
排突英賢戰公議咄哉相公斗筭器功成乃欲居龍利  
諸子貪祿愧不愧分宜柄國最齷齪吾謂此老猶知足  
不教豚犢玷科目

同年唐實君以詩見贈次韻答之

憶昔對公車門乃出司寇彼此信所投心迹兩無疚  
福逢姚張隙怒成殺洛關功奪伯氏駢計墮叔孫耶懷  
機各張致毒矢交鏃勢同燧炭灼力豈纓冠救有戈皆  
倒前無軍敢袒右氣盛雷正殷色慘日重昏不謂軒陞  
囚忽及牛馬走祥鷲不能搏神羊非可嗾痛如螫蝮蛇  
俄至探雀穀抑勒作左驗縣揣使射覆堂陞昔泰交主  
臣接晉晝殃生統稊倭福過酒肉臭始既密雷陳末突  
攻田寶進取有淵源生死識去就赴難吾不辭慈讐其  
可又親以嫌成讐疎敢新間舊勸修潘楊好肯助秦楚  
構踰垣未新祛見圖已絕袖張教獄代申庚斯弓不教  
射案事詩別集卷一

六

唐原唱

禍生非有階閉戶常致危如子邁奇殃拊心無內疚  
林灼爲猿亡魚淦因龍鬬爭桑戰吳楚芥羽警季郗  
飯生虱其間端坐中飛鏃赤車到門前親戚哀莫救  
妻孥相訣別慟哭感鄰右雲霾日無光天地爲昏翳  
亡命一身輕勢難舉家走搏噬虎而冠指縱黎方噉  
張羅爲掩禽毀巢將取敵桎梏陳五刑網絡施七覆

倉皇入圍屏沃鼠拱白晝夜聞羈鬼啼旁有積屍臭

君言獄急時求死苦無寶鉗灼困貫高刺剗脅戴就  
寥寥千載間此事今難又聞君無撓辭足知感恩舊  
是時輕薄曹謔言猶扇構旁譏骨競膏當局手各袖  
臨危翻下石顛岸復驚聲鳴號號悲夫羣曾不知鳥獸  
丈夫求死所一命豈輕授據圖自刎喉愚夫亦遲留  
未聞造次間欲請於期首幸逢解網恩沈濯還天有  
仍收斗極魂骨肉得相守患難或發身含谷且忍詬  
事往勿復言正直神所祐

再次前韻

古有君子爭廉聞及賈危今異古所云內省當有疚我

射案事詩別集卷一

七

忽失火延傷焉匪佐闕亡命入京都分宅幸有邱痛定  
還戰悸癡青想金鏃當日桑梓切誼本同室救立意洛  
蜀乖戈鋌起剗右礮擊震天地塵沙漲昏昏側聞戚曉  
門曾亦發奔走瑕類相蔽匿搏擊互使喉馴狎如秦龍  
卵翼如巢駁凶終乃傾軋便欲發其覆嫌怨已胚胎迫  
遙炫錦畫思別渭流清久亂鮑魚吳鵠毒一朝烈牛口  
驚入寶鴻亦挂魚網挺身獄已就駭浪尚未既噩夢矧  
多又平生好根郤猜忍及故舊陽爲結交驩陰則相煽  
構告密使投匭文書若銜袖拔刀逼登閣伏機暗入發  
借罪快私讐人命同孤獸義異舍生取死非見危授反  
欲申責備軍法罪逗留判人誘之兵兩端更鼠首誰爲

操兵者乞憐圖矜宥沒當如灌夫床頭鎮相守厥子實  
階屬舉家蒙世祐天道惡詐謀蒼蒼其能祐

捕蝗詩

蝗飛高密于沙蝗飛低重于鴉禾穗未抽禾稈折禾無  
完稈稈無葉大于側席南向顧多遣官司往掩捕官司  
捕蝗民不安民不苦蝗轉苦官蝗食民食民川官食民  
食民肝郡縣斂送橐駝駝燈籠奇錦金叵羅馳騁上書  
告天子蝗不爲災蝗盡死民自苦官自樂嗟哉蝗蟲猶  
未惡

哀精衛

精衛鳥么麼形區區何所恨乃銜木石填滄溟不聞滄  
溟氣勢盛下可浸坤軸上可涸圓靈其所戕殺億萬萬

精衛集詩別集卷一

八

庭匹夫冤憤之所激可使西北柱折東南傾莫言滄溟  
大細若儲粟聖莫言精衛小雄若摩天鵬况聞法焦方  
圓四萬里水勢涸縮自煎烹不必訴眞宰造六丁憑將  
憤氣填作桑田還民業當使蠶者可蠶耕者耕穹龜長  
魚不得窟穴爲妖精

東莞尚書行有序

明季經畧尚書東莞袁公崇煥廷議謂有異志逮  
問寘極典市人共齟食之罕有知其寃者 本朝

太宗文皇帝實錄成乃知當日 廟謨蓋用問也

袁以誅島帥毛文龍招疑忌然毛龐材無能爲袁

誅之雖過要不足爲袁罪也余既歎 典朝機畧

之神武而悲勝國舉朝之愚也爲作東莞尚書行

日日得一城不如用敵破敵兵日日拔一寨不如用敵

除敵帥勝人以謀不以力敵人自擾我自逸君不見郭

開信李牧死陳平用范增逐秦漢以興楚趙覆明德既

衰運祚促東莞尚書管中督沙河門前血戰勞舉朝疑

駭賜蟒玉賜蟒玉尚書有詔下詔獄斷肢體湛家族

普天義士未吞聲市人許罵食其肉嗟哉尚書何寃酷

長白真人廟算神得臣已死莫余毒當年朝士皆豚

精衛集詩別集卷一

九

憤功臣俄作罪臣戮 聖朝謨烈既輝煌孤臣心迹亦

表暴不用上書訟陳湯 太宗皇帝有實錄

車騎行

宣武門前逢車騎居人竦立行人避連錢飾馬鞍關裝

飾馬轡銀貂襜褕紫貂裘猩紅靴尼光照地前導是何

人蒼頭結束充武士驂乘是何人面首微白如女子鼻

息衝人氣過雲是何達官盛權勢歸來奴子色慘沮帖

耳垂頭私自語何爲蹴躡車塵問他人爲虎我爲鼠我

叱奴子汝勿言此太富今時世賢能爲朝家應募輸粟

賑西邊銀章文綬腰間懸玫瑰珠麒麟錦與金輦貨不

論錢公卿入門皆把臂士人側足不敢望隨肩卽今翰

林玉堂稱神仙告貸錢米絕可憐以我視之何啻九地  
隔九天嗚呼丹梯直上只咫尺朝爲酒家傭暮作方州  
伯何用金門苦射策汝但牧羊牧豕致萬石他年亦是  
青雲客風塵顛顛吾老矣奴子汝輩各努力

養性苦

山羊萬頭澤斂千噉雞鶩不論量所至與坑害舊車裝  
送陷泥淖官符督促聲雷暴百司執事已班齊 鑒輿  
未抵直沽西大官割鮮 上供用日給口糧如給俸市  
價粟豆比珠璣但得汝肥勝官肥不聞蒸餽食人乳且  
典朝衣來哺汝監司廉白開府賢不費民間一緡錢

丁夫樂

紺寒亭詩別集

卷一

十

點夫如點兵插旗分隊如安營青綦履履胡纓黃帽襪  
郎一色明二十三站十萬丁嗚征伐鼓聽使令咄汝丁  
夫飽食坐餘錢得枚妻兒餓豈知州縣心力破寢不解  
帶飯吐餽急裝縛袴直僮奴嗟哉美食安坐曾敢望丁  
夫

嘉定趙文饒成進士需次家居赴師友之難被吏害  
幾殆既事白留京師其同年友唐東江儀部招同舍  
去余寓咫尺於是余三人者常相過從論詩無虛不盡  
要自不與外人同趙子幼攻詩晚乃盡汰其少作獨存  
近年詩凡數種名紺寒集屬余論定趙子之學廣博與  
衍於古人無所不研究尤得力於老杜而兼綜韓白蘇  
諸家其大放於詞氣渾以醇溢爲奇怪如頤文縉策三  
代之敦彞恣突如崩堤勁健如屈鐵一言以蔽之曰古  
而已或謂趙子近體大半多妍美不可以古概之余曰  
夫深山之大木百圍輪困膠輻狀若神鬼春至發生滋  
榮繁花彩萼掩映風日凡草木之麗者不能過也如此  
美芹  
可謂之非古乎疑者乃服然趙子詩愈古身愈困彼爭  
新競艷於字句之間者灑然自得趙子矜貴不輕以示  
人過而不問者相輩也豈古文直無用於今世然京師  
及四方鉅公宿老一見其作皆驚詫竊歎以爲古人復  
出不是過或鈔錄其全本以去一時奉使出牧錢送投  
贈以得其詩爲榮趙子幸自愛古學其終不可泯也詩  
之爲道源同派別隨時宗尚互有廢興趙子學古自得  
於心不逐時尚波靡其久而不敝無疑也然趙子不困  
阨詩亦不能深造如此則天之窮之者正天之所以昌  
其詩也哉康熙甲戌陽月慈谿姜宸英序

古之詩人孰有過杜少陵者乎人之稱詩者孰不知以少陵氏爲宗者乎然而學之者恒鮮學焉而近之者又加鮮何也王介甫曰詩其難惟有甫哉蓋人之才力各有能有不能稟於天者既有分限而極其所造亦如是焉而止不可強也譬之水焉沼沚也江河也易沼沚而江河不可也譬之山焉丘陵也岱華也易丘陵而岱華不可也人亦自度其所能至者而已子美之亡千有餘年所號爲詩人者何代蔑有求其一近似者而不可得明初有袁凱景文氏最以學杜名自李獻吉何仲默錢牧齋程孟陽諸人皆亟稱之以爲能近杜以余觀之亦特仿像于音響節奏之間耳至杜之函蓋百家光

杜集序

酸萬丈者能望其氣象乎感時觸事無非忠愛變化閨闈法律彌精者能窮其旨趣乎以景文擬杜正如具孫叔敖之衣冠而效其抵掌談語猶懼不能盡得之而況有深于是者耶吾邑趙先生蒙泉幼習爲詩見者驚其才傑已而稍稍奪於舉子業既成進士乃肆力焉數年之中若水涌而出不容以抑遏其沉雄浩博怪奇偉麗千變萬狀乍合乍離而又精之以陶鍊疏之以脉絡推其意直欲如介甫所謂至乎杜而後爲詩者先是禍發於師友牽連困辱屢瀕于危視杜之流離瑣尾幾亦無異用是益激發其魂磊磨礪其志節磅礴蜿蜒於行墨間尤不可以控搏而測識先生之詩遂以大成出而

與通都大邑之人角其技無不聘貽而斂手曰是固幾于少陵者庸可爭乎乙亥丙子之交余與先生同客京師時美編修西濱唐考功東江惠庶常研谿湯給事西厓查庶常夏重編修德尹侍講聲山楊編修顧木顧編修書宣王舍人赤抒吳給事西齋官貢士友鹿錢編修亮工及同邑孫中允松坪之十數公者皆方今詩人之豪也唱酬往復官商相宣風雅互作而其間氣道力健足以追躡少陵者必推蒙泉無或異詞又數年先生辭官定陶梓其集問世而屬序于余余在諸公間最爲不材與下乘顧以游從之久各能道其所以然而特於蒙泉斯集作江河岱華觀非過也竊謂景文之學杜以其形而蒙泉以其神形之肖者不離乎聲音笑貌而神之肖者淺之在氣體深之在情性一則求其似而人易見之一則不沾沾求似而識者自有得其深也西濱數公與向之獻吉仲默牧齋孟陽其言論之足爲輕重者吾不知後之視今爲何如而以蒙泉爲善學杜非余之私言也之數公之言也余特爲之絮量于景文氏而以爲猶有短長焉讀是集者當必能辨之同邑同學張雲章

敘

杜集序



紺寒亭詩集總目錄

卷一

古今體詩一百四十一首

卷二

古今體詩八十六首

卷三

古今體詩一百三首

卷四

古今體詩一百十二首

卷五

古今體詩一百二十四首

紺寒亭詩集

總目錄

卷六

古今體詩一百十四首

卷七

古今體詩一百八十八首

卷八

古今體詩八十七首

卷九

古今體詩一百七首

卷十

古今體詩五十七首



紺寒亭詩集卷一 古今體詩一百四十一首

嘉定趙

渡太湖

晚泊橫塘橋理棹及平旦旭華映林霏白霧忽開幔未  
視湖蕩瀟已見山秀爛掛席從胥口豁然耳目換四列  
翠屏圍中排青玉案風最龍颺爭翔泳鳬亂峯勢各  
詭譎朝爽精彩煥莫釐空濛浮圓顆僅一蒜西山連馬  
蹟雄傑力拒扞崩濤萬雷吼猛氣欲奔竄初疑三萬頃  
函受乃如盥豈知林巒外風檣正浩汗倘欲恣遐矚凌  
風跨碧漢

舟次葑門泛荷花蕩

紺寒亭詩集

卷一

柳巷通塘似碧紗放舟落日具茶瓜溪鱗衝岸因跳子  
陂藕穿田自作花水氣虛明山吐月秋風涼動客思家  
還知歸路重經此白荻丹楓雁影斜

泊湖心亭

幽意夙所愜輕橈破白蘋湖山如舊友魚鳥亦親人水  
共秋容澹亭迎月色新樓臺百萬戶十里隔紅塵

遊靈隱宿祇園僧舍

山房水簾淨借我一孤眠石骨僧俱瘦園蔬味亦禪盃  
中嶺外月夢裏竹間泉曉看滄溟日蒼茫盪紫烟

陸忠宣祠

忠憤遭時否昌言國史存元和佛骨表真不愧師門

岳忠武祠

檜樹芝生宋祚微將軍那許總戎機出師果捷身應死  
與敵同讎事已非脫幘收時光談動屬饒賜後怒濤飛  
孤忠願抱千秋恨不共斯王早見幾

于忠肅祠

孤臣奉國有心肝晁氏身危劉氏安靈武豈能虛主祀  
澶淵却得悉回鑾計全宗社捐生易欲保功名震主難  
金齒歸來要領在兩間浩氣是誰完

桐廬道中二絕

桐江天外落秋空峭壁崩崖一徑通西去四山嵐氣合  
片帆飛入翠屏中

結寒亭詩集

卷一

二

新涼睡思已清酣枕上疎簾月一彎夜半發船聞打鼓  
多應夢裏失青山

登嚴子陵釣臺

危巒高漸漸清江流淅淅側足眇層霄雄勢壯蔚跂水  
雪巖花洞峻嶒但石氣伐奇性所耽躡險色還憚左甄  
獅豹蹲右亦熊虎異厓前突怪峯削鐵擎雙臂陽岡瞰  
莽蒼陰壑肅清閭長松舞蒼巖谷底雲濤沸夕陽盤林  
樾輕颺涼薄醉曩哲遺芳躅沉冥契道味不爲故人屈  
綸竿有深意回眺微茫間淪漪漾寒翠

蘭谿縣中

乍得陰崖豁遙空縱目觀天青一鳥破樹碧四山掛村

塢炊烟直江城日色寒世途方偏仄寥廓若爲寬

水碓

鴻鈞運大化輪轉無終始二曜兩跳丸四序一激矢造  
物者何爲元氣實所使中古聖有作曰杵出糠粃良止  
震上動人力詎他設物僞機巧熟飛輪乃以水築堤立  
斗門迫令驚湍駭圓儀象天體地軸貫其裏穴石成窠  
曰春撞利牙齒關捩互起伏一一取進止乍疑役鬼神  
嚴若奉勅旨貨春索高價獲利且億秒何異賜銅山奴  
隸皆金綺國帑不可盜盜者罪至死况乃盜天工厥罰  
當何擬巫陽告上帝六丁下遣視澆風還淳古機且務  
立燬不見抱甕者先民有遺軌

結寒亭詩集

卷一

三

古樟行同王子令貽賦 在衢州城東二十里

王子好奇如好色與余同年亦同癖俯探松壑聽飛湍  
仰躡雲峯看危石夜行艤舟樟樹潭傳有古樟圍百尺  
酒闌高興忽飛動天氣墨黑水慘碧鵲銜猿引扶掖行  
崩崖仄徑僅容跬趾松明一照心魄驚凍口吐哆眼雙白  
盤根疑將地軸翻迸土直使山腰拆颺颺風雨枝柯交  
飽蝕雪霜皮膚磔其高撐突捎斗星其廣扶疎越阡陌  
其大千夫曾翼蔽伏兵三千人于此 其重九象當辟  
易半空屈鐵勢倒垂到地未到俄騰擲老龍攫拿下胡  
髯昂首衝天天爲擎北山蒼鶻不敢巢月下青牛見一  
隻夜久僕人促歸舟恐有鬼神氣輝赫吁嗟乎大材難

用可若何何似孔明廟前柏榭神豫章充棟梁零落江  
墳亦可惜我乃乾坤一腐儒子擬壇坫文章伯胡爲淒  
滅示衰單萬里天涯同作客

### 江郎山

日行江山道不見江郎峯今朝山翠濕濛濛突見峯巒  
撐青穹注視不得徹顛頂一半已入晴雲封山腰盤屈  
路轉側中問白光一道流玉虹初疑突兀擎一柱忽見  
天矯騰雙龍聳身入雲斂鱗鬣似被天書上天宮北峰  
圓峙逞雄傑南峯琢削帖耳從巨靈欲露山骨瘦斧落  
劈作兩片銅中者脆薄泗濱磬琉璃滑澤經磨礱上豐  
下殺歛顛躋排界直壓東海東其南一片相檣柱迴環  
紺寒亭詩集 卷一 四

### 仙霞嶺

浙東山水天下無山行水行皆畫圖清湖合船上與  
漸從雲麓升天衢翠微挿漢漢芙蓉谷底矮山落瓊珠  
排峭壁壁瞰清渠欲墮不墮萬丈餘怪石猗猗老愁胡  
怒倪毒龍掀髯鬚水石喧喧相齟齬收奔騰十里氣  
未舒白雲瀾漫平林鋪遠近一抹水模糊岡巒變滅若  
亡通日高一露頭顧仙霞凸出疑天都羣峯朝拱列

四隅玉帛職貢殿陞趨仰睇丹樓危巢居青葱香藹雲  
氣俱通天一路箭栝如鑿級故作羊腸紆後者冠簪承  
履絢白蠟綠磨虱緣襦僕人驚瞿與人呼息肩暫得憩  
精廬摩娑景物蘇喘吁簷簷萬畝松萬株雨浮黛色染  
衣裾風振天籟鳴笙竿吾觀此嶺真與區區窰嶺梨嶺作  
外郭大竿小竿捍門間山坳平田土膏腴乳泉百道交  
灌輸栝栢可樵溪可漁萬山環抱若盤孟陬塞隘口一  
戶樞會稽太守昔上書一夫當關敵萬夫古人之言夫  
豈誣老詩白首逞狂愚東藩駸雅一孤雛憑陵險阻氣  
頗寵何乃百萬化爲魚金書鐵券委泥塗狼籍都市飼  
狗豬犯順自古千天誅失計不在隄防疎我來七月大  
紺寒亭詩集 卷一 五

大狙山風襲人山月孤山行不厭山崎嶇收拾煙景付  
鍾鎗蕩滌萬有歸大虛筆底清映水玉壺一爲此山洗  
此污

### 溪聲

結廬何日住深山竹月松風相對閑却笑溪聲忙底事  
奔流偏欲到人間

### 黯淡灘

危石崩雲壓高江匹練拖波心潛伏脉峽口旋成渦船  
向屋間落山從柁底過此中忘世者雪月一漁蓑

### 詠物

盆盎東吳徧傳聞產七閩閩中帶露摘應說遠遊人

紫暈檀心展華堂貯玉缸心聞妙香者一榻對書牕  
肪作羊脂白膏流瑪瑙紅蹉跎應自惜不敢怨秋風

以秋初到不及嘗

貴亦知龍種勾圍抱顆珠側生偏擅龍顛倒乞為奴

白髮醉顏紅攜歸邑笑融望雲增感憤不忍置懷中

齒頰輸崖蜜胡為性所耽未知苦澁後可得望餘甘

味慙金橘甜香遜霜柑破離離密葉間空如五升大

臆紗映綠痕舒卷自朝昏豈有爭心在墻頭共雨喧

避暑亦佳哉濃陰數畝苦梗柝成大厦庇得幾人來

長舌真尤物當年曾沼吳越王膳在口此味得嘗無

說狀亦曉巖波行首尾衙旅人一借問可是北歸帆

紺寒亭詩集 卷一 六

殺機曾此動名似忽驚聞相國原無意知卿未有勲

苗肥玉指長纖白一珠娘銀燭歡娛夜殷勤索郎

閩人種煙初出時日豐苗又厚婦人曰珠娘

海錯雄南服名應占八州不能撐半壁豈為入糟丘

射虎行

居人傳言郭有虎白晝咆哮出林莽將軍蝟毛鬚倒豎

遣吏發卒悉所部白羽長箭大黃弩皮作車茵肉治脯

虎見千人若無覩千人驚顧色如土箭未脫弦弩折弣

虎起攫人如捕鼠突出圍場公然去當今四海樂昇平

軍士逍遙無什伍將軍錦裘玉帶醉理趨胡為輕料虎

鬚遂虎怒從今軍府耀威武只射平民莫射虎

舟泊洪山橋口占

荔枝熟後卸征鞍暫眼楓林又染丹江月漸如人面冷  
海天未比客舟寬平津龍氣沉雙劍富渚羊裘釣一竿  
名勝都收圖畫裏溪山莫作倦游看

聞鷓鴣

月照霜華石磴危鉤輶苦怨客歸遲故鄉亦是驚魂地  
只恐山禽也未知

舟行次竹崎從農家購得盆蘭二架

名種稱魚魴花色白土人貴之相尋野老家輕裝小艇子疎影

隔燈花直豈兼金惜歸嫌破屋奢竹聽同作供還覓武

夸茶

紺寒亭詩集 卷一 七

其二

獲惜真成癖忙因好事增便與愁度嶺水檻怯層木吟

賞宵眠廢清寒僕意憎南中知已少千里羣良朋

汎南浦

浦城縣南江淹有遺蹟

繡嶺夾清渠秋容畫不如霜林紅照野天水碧涵虛別

賦魂銷處孤城血戰餘醉歸忘日暮月色到前除

通籍

通籍何妨歲月淹人間榮利頗能恬蒼松白雪寒中豔

青子紅鹽澁後甜佳句耽吟還是病好山貪看未為廉

北燕南粵憑遊賞造物應知不我嫌

酒後聽侍史按歌

夜泊寒汀酒易醒燈前人出試娉婷鶯黃漸滑聲初轉  
鴈柱輕調拍乍停江浸一天涼月白曲終兩岸遠峯青  
主人應是千金惜怕有魚龍水次聽

宮詞六首

吳宮

霸業銷沉絲管中屬樓血射舞衣紅浣紗人伴鴟夷去  
不共君王老甬東

漢宮

紫臺一去亦何辭莫爲和戎惱畫師若比夫差愛歌舞  
五湖正好載西施

晉宮

謝安事詩集

卷十

八

掖庭斜月上牕紗夢斷鴛鴦冷臂紗誰道城南小史入  
不須竹葉引羊車

齊宮

內家妝束小弓鞦銀燈金蓮兩瓣開烽火亂傳君莫信  
周人也爲打圍來

隋宮

朱雀門開萬騎譁臨春風折後庭花小金合子同心勝  
別有宣華似麗華

唐宮

野鹿街花別院春華清浴罷玉無塵沉香夜半來生誓  
牛女無言冷笑人

咏史 六首

龐氏夫其鹿羣雄互吞韶沛公木強人任使何英決炎  
威赫絕張西楚遂灰滅楚項真殊勲鍾室殷流血身雖  
被菹醢功亦歸三傑

秦趙會滎池相如稱勇智秦已無邯鄲趙亦嚴兵備  
五五雄長計實同兒戲何不講戰守乃以人國試留侯  
赴鴻門此亦行危事項莊劍已拔亞父袂屢示間道馳  
車中幸值驪龍睡輕兵躡其尾寧不遭顛覆不聞楚懷  
王沒身爲秦質

庾氏昔富樂高樓鳴歌鐘犀筋鑿玉饌縷切鸞刀紅金  
綺羅朝旭賓友氣如虹豈知腐鼠墮俠客髮怒衝毒憤

謝安事詩集

卷一

九

恣所凌歎宴未及終非有睚眦囊胡爲怨咎叢人生有  
遠慮禍患百交攻灌園樹露葵旨蓄可御冬冲然明淡  
素亦以保厥躬

侯生隱抱關朱亥鼓屠刀車騎雖貶損風義亦已高一  
朝赴急難殞身如拔毛壯烈夙所激兩者皆人豪士不  
遇知己毋寧死蓬蒿

王季營宅光瀦水陸前和臣民得縱觀改卜崇山阿祖  
龍鑄三泉水銀注江河冶金成鳧鴈設械森矛戈亡羊  
俄失火白骨撐嵯峨雄猜及工匠其如牧豎何君子務  
明德不在智數多

符堅在景畧國柄一以委昭烈有孔明譬猶魚得水漢

鼎方貌碗猛辛半道死大業偷垂成尤譽將在是扁舟  
變姓名吾愛鳴夷子

同歸孟遊朱方廣周文長登靈巖

徑轉山腰似鹿盧老僧指點一浮屠天圓嵐氣青疑逼  
樹杪湖光白欲無金粉夢沉香骨冷鐘魚人定月輪孤  
梅花有約穿雲去十里登臨不用扶

如舟亭即事東大年漢瞻諸子

葢箇茅亭傍古祠簷廊迴疊屬玲瓏夜看水月當三面  
旁許風簷占一弓試茗泉分春沼碧讀書燈映遠村紅  
扁舟出郭能相訪麥隴平橋萬柳中

同陳穎長張漢瞻盧素公北園看梅

謝東亭詩集 卷十

十

過雨烟光潑眼新城坊閑却一園春當門老樹如迎客  
映竹橫枝亦可人雪後已教吟興動月中應與夢魂親  
村莊水次年年發對此低徊一愴神

再同諸子北園看梅是日遇雨

虛堂敞處萬花深濕翠微茫落遠岑黯黯香從盃底度  
垂垂白向雨中沉春遲猶覺三分在興到都忘百感侵  
勝地明朝還結伴東風一爲破輕陰

題盧素公學蛟園

出匣光鉞照水寒老湫從此得安瀾南山尚有於菟在  
莫便藏刀袖手看

何須長劍倚崆峒下筆雄文氣似虹不見潮州韓刺史

鯢魚遠徙惡溪空

遊秦園雨阻不能上載泉以歸得詩二首

一望蒼茫裏名園在上層嵐光濃欲染雨氣潤如蒸放  
艇違茲願觀泉記昔曾水符原可調寄語問山僧  
况味風塵外甘寒稱此清懸巖千尺鴻餉友一甌輕雲  
壑澄詩骨松牕煮月明建溪春色好活火試新鎔

同年張韋存約登金山不果

山水平生嗜登臨亦有緣帆輕過似鳥寺近遠于天極  
目毫芒入孤吟想像懸故人珍重約千里意悽然

丹陽道中即事

柔艣輕鷗浩蕩隨水牕野色望中移鄰船北去如奔馬

謝東亭詩集 卷十一

十一

他是風帆正飽時

展閱楊忠愍公題龔梅軒畫梅詩卷有作

展卷龍蛇鱗鬣張驚翻風雨撼書堂毫端勁氣猶衝髮  
嶽底孤臣正屢創國步艱難成壯烈交情生死重悲涼  
鈴山亦有遺文在光燄于今幾許長

不隨桃李鬪妍芳却伴椒山水一方未得春回雷鬱怒

恰如人淡月微茫松筠世外水霜染翰墨宋傳鐵石香

元氣栽培留奕葉孫枝秀已向朝陽

椒山先生劾相嵩下于理知已畏禍及無敢省視者

時蘇門龔梅軒官秋曹獨左右之梅軒有畫梅卷先

生爲題長句辭旨激楚筆勢飛動覺廣平一賦猶爲

英雄氣少也名賢續題遂成三巨卷丙寅冬客大梁  
梅軒之孫成都守渭公出以示余爲題其簡末如右

夜步庭中有述

推書擁燄裘油燈暈成雲霜氣砭肌骨慘白驚戶闢起  
視天宇澄疎星如散豆南箕舌已啞狼弧矢擬殺大者  
儼當尊小者類犖幼芒角各奮張其勢欲戰關堙蟲縮  
菌養宿鳥忽鳴雉嗟余病悻悻人毛焦面生皺自顧見類  
類怪此孤鶴瘦側聞秦隴間黍稻失耕耨斗水直嬰孩  
截骼飽豺獸奈何豪貴家忍使酒肉臭恣橫或湛族騎  
奢亦召寇殃禍人所致務宜塞其竇三吳今與區降割  
焉可又明明 聖天子八荒皆在宥發粟賑邊鄙飢溺  
甘棠亭詩集 卷十

引已咎妖墓冷久消格澤行可候飯生宜愚駿長夜憂  
天漏高枕酣宴眠日色下攏窗

渡江

倦客征帆破曉歸江風作雨襲人衣驚濤如屋連空動  
濕翠迎船夾岸飛世難翻疑此地穩秋光其奈客情非  
何時許臥公孫里所居名上簾圍臍蟹正肥

江行見牧童

短筇橫吹午餉餘當年吾亦把犁鋤羨君一覺高眠穩  
兩角彎環少漢書

重遊長興題金蓮塔院

回首三年跡未陳山環睥睨塔隣幽寺僧仍掃維摩室

旅客重探罨畫春絡樹紫藤花作幔護巢白鶴翅如輪  
烟光不厭兼旬賞况是逢迎有主人

留別長興令同年任萊源

倦令風流天下聞周旋義舊亦殷勤才教名紙通津吏  
許並肩與看嶺雲細酌簷花燈下落新茶紗帽雨前分  
抄帶頂弁政成指日鷄行裏可憶煙波鷗鷺羣  
山茶名

誠子詩

三雛咄來前長跽吾語爾人生具支體同此口鼻耳或  
爲雲中螭風霆供役使或爲井底蛙顛顛泥滓騰變  
須臾間所仗惟書史吾家負郭田不能辦薪水此外無  
長物鑽研有故紙六經重溫煇根底在四子餘編麟次  
甘棠亭詩集 卷十

陳丘明司馬氏汎濫靡津涯量力聽所止展對肩稜重  
欠伸口吐嗟如人啖橄欖苦澁澀牙齒旋旋甘芳回舌  
齟齬餘美斑駁披奇趣奧窔窺妙理江峰嵐氣青大海  
波瀾紫曉讀鷄催曙夜讀燈弄藥簷月漏秋影圍英敷  
春蕙萼皆驟雨鳴竹屋密雪委一一發天趣琅琅官  
徵醴釀茁萌芽簸揚去糠粃下筆驚瀾翻吐辭脫凡鄙  
朝家右科目轉眼當大比爾淑已十九爾舒又踰二資  
地苦魯鈍學業多廢弛大者耕石田爾裴焉足營兒曹  
日鹿鹿令我心胸痞宵眠不交睫當食忽投匕各名大  
猛省頑石可就砥鵠化鵬鷁橘柚爲枸杞物稟有定  
分好醜任轉徙何乃自頽情甘此不才謏莫羨輕俠兒

身首耀統綺肥澤白如瓠吾視猶罔不彭亨填腹腸索  
養守一死志趣慎旁歧去此恐近彼譬彼投五木轉躍  
方未已苟不厲聲呼求盧乃得雉汝矐眼昏花經紉迷  
尺咫阿爺困公車蹉跎偏四紀大父春秋高侍奉缺甘  
旨爲學希聖賢豈徒獵鷹仕家貧圖祿養一念雜憂喜  
婚嫁正糾紛從甲數至癸放船煙濤中茫茫何日艤筋  
力未就衰歲月弩激矢鴈鴒萍鉛刀剗割志一擬汝曹  
不早奮忍待流光駛咄爾兩豚犬庸虛厠多士三年兩  
校閱能不慮三稅果羸負螟蛉伊嚶求肖已恰恰羽翼  
生宛宛翦翦似精誠感異類矧爾屬毛裏人稟五行秀  
而不如虫豸歸家行料檢學詩富問經失簡若伯魯杖  
耒案事詩集 卷一 十四

痕捫瘡痂昔人譽兒癖曾聞王福時吾寧便老詩偏此  
務詆毀他年撞烟樓志願此畢矣爾父實京薦祖德或  
可恃作詩忘漏殘長庚爛階圯

孝子唐惠疇疇替母復明而邑乘不入孝行傳可

慨也以韻語紀其畧庶後之觀人風者有采焉

東郭有孝子曰唐惠疇氏阜比升都講脯脰充滫瀡頭  
須半蒼艾色養嬰兒似母老忽天膏不能辨尺咫扶持  
與抑搔一一煩護理屏人滌廁胸不敢委小婢鍼砭百  
無功所患未良已極哀叩北斗一夜臥十起禍祟出宿  
因代母願以已雙膝徧生厖尻高首至底如此積懇苦  
黃衣見指示華泉一勺許甘寒留齋齒鬼神事怪迂厥

夢有根氏詆目目忽開雙瞳仍剪水日月再光華永歎  
近一紀昔聞盛氏妻蟪蛄雜餅餌沉疴雖倖瘥薰蕕豈  
匹擬精誠貫金石實乃神所使此事遺邑乘無徵類宋  
杞當年載筆者顛倒任臧否角鴟爲孝烏破鏡稱麟趾  
送米得佳傳陳壽寧信史抑亦網羅疎顧此反失彼當  
今開石渠編纂奉勅旨幸義首所重豈曰遺閭里以此  
上史館榮陸及桑梓大書炳丹青末俗庶可砥

雙節詩 爲座主刑部侍郎建安公而專人作

皇帝御極臨萬幾六官皆得職百工亦允釐惟時建安  
公歷陟股肱耳目司 帝曰惟汝賢予其寵嘉之公拜  
稽首言臣職臣所治顧臣何以圖報塞戒飭皆自先臣

耒案事詩集 卷一

圭

詒臣今奉職無廢墜尺寸稟承臣敢違臣父有學行束  
修圭璧無玷虧漱滌六藝窺聖涯抱質懷文蓄未施臣  
母有閭閻肅庀家政通書詩出入凜教督最與古賢齊  
宋臣有王曾溫飽所羞爲又有范仲淹憂樂不以私臣  
父臣母訓終身以爲歸痛臣邁閔凶盡室及顛隤迄今  
逼四紀圻裂焦府摧肝脾憶昔 王師下南陲赫濯不  
用天戈麾狂寇張僞幟官軍築長圍變故起倉卒匪云  
蹈危機困獸思格鬬鋒刃靡孑遺盜賊不足死苟免亦  
可嗤積薪命縱火肯受賊屠封臣父含笑入父唱母亦  
隨遺言飭戒臣努力支門楣汝負環瑋器汝挺廊廟姿  
夙夜勵匪躬風人美素絲吁嗟乎杜鵑冤號常帶血夢



我廢讀衡餘悲臣願踵頂効捐糜臣若偷情先臣欺再  
非再稽首仰見 天顏怡汝汰官方濁汝刷臺綱纂汝  
貳秋曹長左右咸具宜汝學有根源父訓亦母儀汝世  
有大節予其可弗知所司誥贈如其官龍章鳳篆封紫  
泥穹碑屬最高百尺大書深刻蟠蛟螭當日義心成苦  
調今茲雲爛星日輝既爲節烈勸亦留忠孝規請下太  
常付史館欲徵信者視此辭

又

世德名賢出時艱抗志存從容輕鼎鑊剛大塞乾坤今  
古成雙節綱常在一門簡編長照耀譜牒見淵源曩代  
忠貞篤家風儒術尊先世平苗劉有功又有純明資地與謝疊山先生齊名者

附集事詩集

卷一

七

厚孝友性天惇癡癡還羞疊篴吹總叶垣六經窺突窆  
十畝卜丘園領畧溪山秀包羅星宿繁上宗千聖學自  
立一家言北極初環拱南州列外藩車書歸正朔烽火  
撤邊屯蠶爾頑民便俄然漲海翻蜀兵燒棧閣邑寇斷  
崑崙竊據鯨鯢窟旁鈔鷄犬村笙竿雜柝械珪組亦鉗  
兒不是危邦入非無義旅援參苓藥裹使松竹草堂菴  
鷄驚軍聲合魏貅勇氣吞何由生羽翮無計出籠樊桀  
逆魚遊釜鼎猖狂虎決躡烟腥骸入幾水赤井無智君子  
寧由寶完人豈喪元少君躬臨餉中饋職績繁同日捐  
軀烈登樓盡室燔從夫成婦順教子荅君恩琬琰繩前  
史簪纓屬後昆柏臺風肅穆棘木獄平反廳事難容馬

鼎烹不染龜宋臣箴可佩滂母訓曾敦太夫人每以王  
誠格同寅協才長簡昇煩金花虜寵錫碧血慰忠魂  
次第登三事哀榮貴九原武夷高作鎮劔浦東如壘與  
此長流峙千秋共討論

中秋同年鄭禹梅戶部貽書枉訊惠葡萄月餅奉  
酬二律兼柬同年杜斐君中翰

故人珍重慰平安白絹封題墨未乾萬顆驪珠驚燦爛  
半空蟾魄共團圓充廚絕勝枕椰麪作供寒添苜蓿盤  
但恐先生月俸減囊中可剩一錢看

大比金柑滑似酥江南此味未全無水邊聞架藤初引  
隴上腰鎌麥乍枯客邸驚心時物換秋風回首故園蕪

附集事詩集

卷一

七

解憂杜酒能相勸爲寄郭簡滿眼酤

戶部來詩有果餅賺來詩律細之句復成二絕

詩鈞先生誇得采筆耕我亦未全輸賣文已倍長門價  
十餅黃金一斛珠

亦欲文章開戶牖未能聲病較錙銖低頭東野慙知已  
敢道他人得我籠

小園竹樹秀野可愛客中輒憶情見予詞

何日賦官旋村園樂靜便小庭樹老大古屋竹蟬娟離  
笋隣畦過藤花木杪懸山妻直北望頻到板橋邊

陸子稚水倦游不能治裝九月著單衫爲作芋  
衫歌二首

白苧單衫耐貼勻六街幸未染縑塵妻其不為秋風別  
戀汝殷勤似故人

九月燕臺木葉飛霜華拂袖爛生輝公卿莫解金貂換  
珍重山人一白衣

以維水客况聞之徐比部章仲遂有兼金之佩為  
賦此

無計冬裘辦木棉日高猶擁舊青氍知交輩下多名輩  
特為先生選一錢

同年張寄亭葉淵發二編修為維水治裝又作

少府支錢有幾何晨餐未許爛蒸鵝只緣友誼綈袍重  
添得儒官債券多

新寒事詩集

卷一

十八

大風陡作寓舍紙格皆裂聊短述

昨夜天邊暈已生今朝林際旭初迎奔騰陡作崩崖勢  
霹靂俄聞裂帛聲鄰樹葉添土銍暖屋梁月漏紙應明  
還愁聒耳秋宵永客枕淒清夢易驚

漫興東同年項鳴先

不作蝸涎壁上枯隨波信似水中鳧字曾生續終為福  
雉若成盧豈待呼布被秋溫暖玉釜糜午餉飽餐珠  
朝來訪友尋詩外搔首青天一事無

荒園雜憶

露重枝應亞鵝虛影已交龍孫新解籜可過舊時梢  
鵝挿還教惜瓶枝恐未堪秋霜百卉謝留取晚香甜桂

他年五株樹產得茯苓無皮作龍鱗老何心拜大夫  
佳氣漸冲融書齋已送窮明春穀雨看色比去年紅  
君稱輔相材却置少城隈南城小庭中不使花王近  
何時貶謫來有藥

翠蓋擎紅日芳根比白圭濂溪周夫子知道不沾泥  
衆艸亂墻坳休教臭味滑雪霜摧折盡不忍化為茅  
無語淡秋容籬邊三徑封遊人攜酒過只看木芙蓉  
歲歲卅堂依飄零故壘非明年春社蚤可共主人歸  
銀鯽樹綠白刀魚帶子黃寧知北客苦入口貴于羊

寄內

貧易催人老應增兩鬢星官租釵釧盡市券米鹽零夜

新寒事詩集

卷一

十九

火縫衣線晨水汲井瓶遠人無可慰子舍望添丁  
望之

示兒子

子姓燈難續名籍已除魚緣失火及卯是破巢餘鵝  
鴨防鄰惱垣牆有物狙村莊守耕讀十畝帶經鋤  
物以剛先缺身因拙故存席宜野老讓顏為債家溫情  
旭烘茅屋廚香爛菜根旋傳先業在不復望高門

九日同同年戴衣聞房湘崖石五中琉璃殿登高

房石二年兄留飲寓齋同席凡七人分韻得官字

七賢吟社共登壇九日臨風各正冠帝關遙瞻五色鳳  
山人長嘯半空驚詩城破險如降敵酒政分曹亦得官

不是佳辰開勝賞愁中歲月若爲寬

疊前韻二首

同上崔魏舊築壇蕭騷短髮不勝冠籍中亡命悲張儉  
廡下依人笑伯鸞敢信茱萸能鎮惡未嘗尊茶已休官  
他鄉慰藉逢知己對酒看花強自寬

敢題鸚鵡擅詞壇野性疎慵或不冠愧我雙蹄難附驥  
看君百里懸樓鸞幸蒙齒錄隨先輩唐人稱同却免腰  
響謂上官家去綠簑浮釣艇烟波萬頃五湖寬

再疊前韻二首

丹梯躡處近天壇布襪棕鞋箬簪冠奉引未騎沙苑馬  
游仙思跨女牀鸞妄希窮老成詩伯翻悔追隨上禮官  
湘東事詩集 卷一 三

禽鹿不堪挂組繫愁康還乞故人寬

風高旗颭石仙壇此日登臨脫楚冠滅頂慘同沉白馬  
煎膠禍忽及青鸞匡圍誼合從尼父獄祭終無拜李官  
黃菊丹楓猶領畧 聖朝法網尚爲寬

詠史八首

十萬燦燿出蜀江旌旗照耀戟磨撞只憑鐵鎖當強敵  
忽報城頭已迭降

休將一飯結王孫非爲壺殮便報恩豫讓殺身緣底事  
當時吞炭不能言

豈是輕生等一毛域中名義不能逃當庭慷慨陳詞切  
願赦張敖坐貫高

七尺微軀一劬酬侯生慷慨更何求須知車騎謙恭意  
不得君頭亦不休

蹴躡曾經洞口行洞中寒玉落秋杵樵夫只怪樵柯爛  
局內誰知有鬪爭

功成自是禍機藏况是無功豈責償六百商於割六里  
秦王未負楚懷王

危計能令社稷安手提匕首髮衝冠荆卿自身身植臨  
不說燕王太子丹

感激當年國士收低昂殊愧一蒼頭平時受得千金賞  
賣王還封不義侯

感遇

湘東事詩集 卷一

三

虎性耽野逸鴻志適寥廓置羅忽抵觸肌體俄焦灼本  
無絲粟爭胡乃刀俎虐百年終有盡一死良不惡尸既  
暴牛衣勲亦上麟閣平生微尚存愧不古賢若豈惜頂  
踵糜敢臨鼎鑊却誰爲發機牙既已入彀箭去時水波  
寒歸日節毛落聶政腸自屠漸離目空矐崢嶸淩寒松  
掃葉等秋籜此意何終窮無言對冥漠

吳牛行

南村有吳牛不中天廟犧枯腸支葉薦土花蝕毛衣西  
鄰見之歎得此悔已遲贖之麥一斛飼以屑豆糜主人  
殷勤前致辭膚革堅緻無瘡痍我家春社缺秧鼓汝勿  
敵棘惜汝皮吳牛老淚如綆縻既承顧盼恩割制任所

爲所痛生三饋食未知飽餒一朝忽棄捐坐此摧肝脾  
吳牛不願主人特達知但願負轅老死犁此坂田泥

憶昔

良夜西園飛蓋隨輕明簾箔關腰肢口香暗逐金尊度  
心事偷傳絳蠟知春上海棠添萼蕾漏沉寶帳落葳蕤  
舞衣歌扇今何在夢裏歡娛覺後疑

湘崖五中招同潘書源賞菊宿寓齋限韻得花字  
客到迴空騎庭昏有暮鴉清言精似子韵語淡如花酒  
後旗槍鬪燈前屢寫加支願俄失曉應日已蒸霞

不寐

衆籟千囀萬木凋霜天孤枕黯魂銷敲殘客髮驚嚴鼓  
相寒亭詩集 卷一 五

吹出雄心有洞簫白酒鄰缸香透壁黃精山雪凍無苗  
晨餐未辦還慵起恍惚吟鞍上灞橋

得家信

鄉書如警檄未易得平安不敢人前拆挑燈背地看

觀物二首

天寒水成冰水暖冰亦潰人見冰已消不知水故在見  
冰不見水昧者觀其外達士契元化胸豈留窒礙富貴  
雲烟空生死晝夜代縣象固其常薄蝕了不害不以得  
故欣不以拂致慨中有真宰存刁調皆天籟莊周齊萬  
物此意悠然會

龍騰薄九霄然以有欲果虎威惕百獸乃爲食已猶私

蟬飲葉露遠死在高寄箔垂飼園桑近人故爲祟文種  
亦奇才不如范蠡智子房受食邑將爲漢高制禍迫豈  
能逃君子慎其始

同諸子過吳幼日編修齋頭看菊

連朝花社集復此酒徒偕露氣澄初夕寒香散一齋主  
賢耽野趣客賞動秋懷泥飲難言別微醺亦復佳

出塞入塞歌

爲北平吳鐵庵母汪夫人作

汪夫人侯門婦威範孫俊如翻風鵲警如騰木猿弓弦  
霹靂箭入雲能騎生馬將一軍良人官誥有功勲一朝  
坐事謫沙海吏卒操兵夜到門主人束縛如蟠蛇婦孺  
踉蹌脚不襪哭聲撼天天爲昏夫人從容擲機杆部署

相寒亭詩集

卷一

五

家事食頃許纖悉不遺一銖黍白飯青芻已夙戒黎明  
登車驟風雨長跪告夫君慎勿憂遽屯行且生入繁  
此離別魂上帝九關虎豹尊伏闕上書詞酸辛臣妾某  
氏臣某妻臣妾萬死昧死聞願傾家財充營繕贖某兄  
弟骸骨歸中原天子哀之制曰可便指鞭梢向遼左黃  
塵百丈鞭車裹馬首駛駭知是邨僵臥車茵最後來皮  
作栗皺骨枯柴悲嘶腸已斷歡笑俄轟雷置酒張筵衆  
樂作銀燭金壘射錦幕座中哀絲白雪飛燈前衰淚紅  
水落今夕何夕是耶非耶離合悲歡豈夢醒人生最苦  
是生離不是生離無此樂家破會無僦石儲盡天危樓  
成須臾熏篋既式好琴瑟終調娛白首團圓二十年自

古佳話有此無君不見馬遷靈室竟誰贖孝女浮江亦枉死汪夫人奇男子世上鬚眉兒女耳

冬夜口占二絕

極目南天家萬里清宵夢魂通菱湖一曲雙漁艇  
桂竹千竿半畝宮

燈火沙隄照遠峯玉珂曉騎影重重不堪蓬髮羈樓客  
也聽金門午夜鐘

慈溪姜西溟邀余同作斷硯歌懶久未就京邸無  
事補作此

舊坑端石今希有膩如馬肝大如手鵲鴒活眼文左紐  
摩挲愛玩等瓊玖舍人席上戲賭酒語相訾訾忽被肘  
附寒亭詩集 卷一 五

蛟龍墮地失聲吼先生悵恨余否否主人癖嗜亦癡絕  
余嫌此物頗怪醜龜頭縮短項蟄顧嗟澗口高不中柱  
礎窪不中杵曰厥質既磊砢其理又沉黯墨瀟有時雲  
烟翻筆尖能使元精剖贈證名場淚萬行磨耗壯心血  
一斗世人欲殺室人交詬匪汝妖祥誰咎投之瓦礫  
計已後何用歎息吞嗟久先生謂余此物數奇  
亦不偶昔人慟哭尋符余忍棄捐同易狗但得光耀  
動星文不羨頑穢增老壽先生用意亦良厚此研得此  
已不朽趙子作歌紀歲時斗杓在亥日丁丑

王惟凝寓壁畫梅爲題長句

白壁白似鵝溪絹鏡面滑澤無點瑕不知何物妄男子

農歌輟議塗老鴉淮海惟揚有俊人却立踟躕痒欲爬

酒酣大叫捉筆起墨汁淋漓勢欲斜轟崖乍怪囊駝臥

斗室膽悸騰蛟蛇醜石蹲地可半畝古梅屈鐵又兩丁

打油釘鉸傲變賊牛溲馬勃開奇葩其餘聖帝不到處

水仙三朶兩朶花消融滓穢餐沆瀣鍊補不數古女媧

月落紙牕烟雪動砭人肌骨開風沙法螺菴前有此樹

老僧爲出天池茶吳客眼中突兀見回首江南天一涯

壬申陽月望前二日座主宛平相公設宴怡園席

寵堂同長洲施長六梁山高霖公清苑張來菴鄧

州彭直上會稽杜斐君高郵房湘崖霸州郝子權

德清戴衣聞隴西宋子濤宜興潘書源金山戴丙

附寒亭詩集 卷一

五

章天長陳伊木江都史蕉飲邵陽范談一如舉石

五中代州馮敬南登眺亭臺觀家樂恭紀一百韻

紫極星辰拱蒼生霖雨懸中書贊密勿上相佛仟肩周

典經邦重虞廷宅揆專貞符泰運啟光嶽嶽方全間氣

人名世宗臣事格天徵庸由 藝祖勲冒象聖賢 補

座心傾注鴻鈞手轉旋禹謨吁戒舜坤道順承乾若采

天工代如綸 帝命宣無爲致治者有技必容焉寅亮

調元鼎平均執大權能皆推岳牧澤已徧埃壘一德躬

威有三公齒最先荔夷惟盡赤銀髮又重元章杜君閣

近楊袁世賞延綢繆當畫日枋用及耆年上理臻仁壽

餘閑愛靜便凌霄甲第起別業午橋連垣綠依樓傑

層嶺巔巔包羅衆巖壑疏鑿一山川秀野疑郊塢卑喧  
隔市塵沙堤曉騎散漏院火城還初以匪躬瘁今仍勿  
藥痊吏人休賜沐賓從却闌咽賭墅攜楸局輕輿駕箭  
使小春花阿娜澄景月嬋娟往者數求切諸生已事竣  
虛懷常子細達識破拘學鉛槧銷官燭絲繩上選錢鑿  
空千里足人遇九方歎譽擅雲霞蔚材期竹箭堅爲耶  
宿墨授侍直紀花輓席上摺衣舊亭中問字前班行排  
鴈序唯諾亦蟬聯仰觀光風霽都教苛禮樹溫良親孔  
父老健似彭篴便許名園涉始從曲徑穿煙空浮翠嶽  
砂穴噴紅泉薦發胭脂潤藤垂嬰珞牽鱗披松骨瘦翎  
刷菊英鮮過雨繁枝弱含霜小朶妍鹿馴覓碧沼鶴舞

謝寒亭詩集

卷一

三

買青田靨靨聞蘭芷潺潺奏管絃低柯猿引臂卓石驚  
拳拳苔磴壁如拭莎坳軟可眠洞陰深窈窕峰峻不崩  
騫度隘成魚貫循梯作螳緣後先時抗墜左右互回沿  
嶺越平林外暄因傍日邊蓬萊宮隱見鳩鵲飛翔雲  
絢銅池出盤和王屑研微茫擁隊仗髣髴聽鳴鞭層數  
咸三五皇圖鞏萬千屏藩雄朔代形勢壯幽燕列嶂參  
差叠神京拱抱圍憑高極目攝攬勝賞心偏候吏迎津  
道行廚簇綺筵廣庭交檜柏疎影漾淪連藻井闢菱荷  
侏儒斲杙榱桷思虛映微闌檻屈蛇蟻屋角聳飛疎櫺  
牙貝齒編天章輝墨寶虹彩爛題璇雨露恩沾渥丹  
青色未填吳綾光滑蜀紙粉泥箋漢代賢臣頌崧高

吉甫篇鳳毛材濟濟龍尾度翩翩情洽文能秩官尊體  
益虔立監錫政肅入座鼓聲驚錯落華燈燦流蘇錦帳  
褰朱提容似斗腰裏鑿成船瑪瑙盤盈尺珊瑚樹拂椽  
緋衣駿奔走紅袖舞福福扇映芙蓉日紗籠芍藥烟串  
珠勺象板輕玉度雲軒果自仙家種膠從內府傳松鶴  
流箸滑濃齰點羹圓海岸珍香燕江心活火煎橫參酒  
茗芋湛露意纏綿杖屨叨親炙規箴共勉旃他年何報  
答此日幸陶甄玉送新班筍金移舊院蓮榮施誇李御  
曜聚應奎驪愧我鉛刀鈍于今草土跼艱難歷試售辛  
苦一階鐫代友辭原直無兄事不然鍾儀冠戴楚寄武  
棠盛饒聞樂翻增愴離羣實可憐王陽堪作宦景倩羨

謝寒亭詩集

卷一

三

登仙書未陳梁獄貴誰贖馬遷囊空覺羞澁裴啟幾煩  
擱品類資亭毒陰陽少伏愆鴻纖歸覆載上下及天淵  
爲布三春暖寧令一物瘼衡茅守耕讀經史久漁佃但  
得餘光照原無舊染漸祥會生白領窮豈牧鳥健蔑轉  
行飛管膠黏好續弦匪同戀棲馬堪比戾天爲因篤師  
恩大財成王道平蚤知蒙顧盼竚望脫連遭

戴衣開留諸子小酌醉後戲爲四絕句

六人促席戲藏鉤勝采懽如得狀頭愛殺西園王駟馬  
家姬佐酒最風流承開行令用恭于吮美人猶奉勝者

今夕但爲文字飲何妨座上有紅裙當筵狂客眞唐突

乞得君家一紫雲余先得采

廚內堆盤出鹿脯缸中大杓瀉鵝黃書生素富今希有  
獨擁金釵十二行 又連得采

豔冶須教金屋貯輕盈要覓雀屏圖他時可用官錢買  
先賭宣城太守歸

衣間買紹興酒三大瓮湘屈綱章五中與余連日

索醉遂罄其一衣闕戲欲止酒至除夜開飲余不  
謂然以詩代口

戴子客京邸日日逃醉鄉呼僮付酒家盡出囊中裝僮  
告煤米缺長炊無見糧掉頭不復顧鼻已聞酒香車箱

三巨瓮一瓮五斗強如昇三石鼓臥置太學旁過客披  
惟入瞥見耀眼光南鄰召潘趙西鄰石與房傾注老瓦

附集亭詩集

卷一

天

盆瞿唐倒蜀江佐以壘數寸鹿脯亦羶薌雄氣濕海嶽

高論開洪荒歌呼撼四壁星斗爲低昂余不勝桮杓亦  
以澆詩腸回視三巨瓮歸然存一雙六國志并吞不可

更禁當明日勅止酒約法用申商崢嶸歲將盡留此充  
椒漿出語不中治座客皆譁張曾問無酒沽未聞有酒

藏自古散鉅橋奈何閉教倉子豈能墨守川壅必潰防  
簪裾易凋落烏兔疾奔忙螭坳侍直者袍韉沾曉霜晉

宋人風味吾輩與頡頏從此迄逼除爛醉五十場子乃  
好滑稽故作此頽唐客况雖索莫那便東餒僊吾有木

棉裘宵眠蓋土床子欲歸質庫亦可當鸛鷀

合肥相公母夫人八十

閱閱台垣傍九霄膝前娛舞盡金貂添針助補山龍袞  
視膳親煩鼎鼐調官誥恩從黃閣老寢門班退紫宸朝  
久知上壽歸宅格可卜高堂鶴算遙

同湘崖五中過養齋齋頭誨存敬南適幸款留竟  
日

踵門已倒屣不厭客侵晨被服真儒者杯觴及故人堂  
清圖玩古地暖物華春倘許時時過還看詩格新

小寒日衣閑留同綱章湘厓五中小飲忽元衡修  
撰携尊到寓二鼓始別去

蕭齋五友聚草具一尊開忽枉金閨彥兼攜玉饌來鐘  
聲風送遠酒力雪消堆酬勸忘賓主簪廚手柄迴

附集亭詩集

卷一

天

落托

身休嗟落托境尚歷巉巖步代巴賈馬寒添越苧衫出  
言瓶口守懲忿劔鋒剗天許生還遂明春好掛帆

綱章湘厓衣閑五中爲余乞貸小詩用酬其意  
古人慎假蓋朋舊况乘車急救窮桑餓麤求鵝鶩餘自

傷道氣寒重累物情疎此事行休矣南村有敝廬  
臘月六日再謁座主宛平相公垂問被禍始末嗟

惜久之慰謫甚至成四絕句含毫歆墨不自知涕  
泗之洗滌也

邸第優閑賜沐餘公卿迎拜却迴車聞人傳唱開行馬  
特許門生奉起居

燕寢香凝暖欲浮簾鉤日射紫貂裘麻衣末座呈行卷  
歎惜才名爲點頭

絲桐悽惻有哀音注峽寒泉澁易沉指下分明已領畧  
房公眞是解琴心

身歷羊腸險百盤解衣猶見故創瘢何當揆席尊嚴地  
亦爲殷勤拭淚看

憶梅花

嚴鼓聲催短景斜皇州漸已轉春華卽看嶺樹消殘雪  
却憶江梅吐蚤花舊日青鞵曾結侶無端白首又離家  
疎鐘邵尉山前寺夢裏微茫路正賒

歸計

歸集事詩集

卷一

辛

隱矣文焉用歸與事正難亦思漁艇樂無計鳥巢安禍  
被雙眉妬生期兩足完長江未敢渡百尺有驚湍

官允黃硯芝先生辱以詩稿見示走筆酬之

才名豈獨秀江東大雅中朝屬鉅公排駕前人開戶牖  
收羅列宿在心胸微塵足嶽曾何補良玉他山却借攻  
自是先生度量濶往來長許寄詩筒

嘉定趙 俞著

聞家中得孫志喜

新婦免身已得雄山妻附書報阿翁是日朔風正被酒  
雪花白映燈花紅我家土著三百載嗟余不天遘閔  
愁雲罩山水裂谷猶如百卉丁嚴冬竹松愁荷損寒翠  
花藥旖旎凋春叢豈料根荄含生意勾萌忽茁僵凍中  
乾道剝落無絕理孤陽乃復生黃鍾始知世人欲殺我  
皇天未欲覆吾宗我今頭須半蒼艾三子脆弱等秋蓬  
年逾五十始抱孫雖得泥鰌亦雲龍儒冠既恐逢世難  
詩筆更慮致身窮不願聰明露頭角但秉犁鋤作村農

紺寒亭詩集

卷二

一

明秋阿翁返故里定騎竹馬隨鄰童所愁香秬賒未得  
掩面索飯啼門東

侶臺第以悼妻哭于詩索和顛顛婉婉篤蓋情有不  
能已已者又以見伉儷之淑嗣續之賢可痛也然

余欲其發乎情而裁之以義也輒有是作

至痛君難割前型我所師延陵于禮合奉情太情癡尚  
有君親重休爲兒女悲節哀宜引義不敢再題詩

除夜質君侍御招同年諸子小飲余與實君舌戰  
諸子互相角助極懽而罷以一律紀其事

庭喧樞馬更初動筵設椒盤務已閒快論獨持劈正斧  
詭詞巧亦解連環滿堂客醉銷殘鴈侍酒僮清當小



僕本恨人旅思惡追歡一為破愁顏

題興化李松嵐所畫黃山百幅圖

出門車塵沒馬蹄面目浮垢作凍梨入門矮屋如鷄栖  
瓦溝堆雪壁落泥有客二屨在雙扉清入鬢斜水玉肌  
一古錦囊手自提吳綾裝璜籤文犀鳥几晴窓試一披  
瀑水直立山怒飛崩雲壓巖日氣低林巒窅冥山鬼啼  
良久軒轅露端倪天都一峰高天齊危逼天漢捎尾箕  
羣峰負氣爭雄雌垂手拊之等嬰兒硃砂乳泉穴湯池  
敢激亂石散鳧鷖西望天關張兩頤虛化萬仞黑於磬  
義和日馭下崦嵫倒射石壁凝胭脂又有裂厓不可粉  
石梁天半巨虹蜺鬼斧神工誰設施又有危磴絕根梯

續集事詩集

卷二

蹲踞巔頂一後倪或如萬劍相磨治或如獨柱孤撐持  
側立一片如牛脾嵌空百尺如蟬磯水簾懸厓纖千絲  
蓮花聳擎擎雙枝虬松著壁皆倒垂竹篠攢翠藤威蕤  
其他靈境多絕奇更僕悉數有闕遺自入罽中渡客  
峯迴路轉兩眼迷畫手布置辨毫釐如到新豐識舊  
大小將軍君所師諸家眾妙兼能之濶作劈斧細麻皮  
人物樹石生動姿烘染設色具情思我一見之神為怡  
心身滓穢得脫離并金縣購價不啻勢家欲奪未可知  
借書還書各一癡畫記昔聞韓昌黎吾欲與君一彈碁

又題黃山三怪松圖

駭峯三十六低昂相揖讓元氣既鬱盤雄勢亦奔放坤

儀洩靈闕謫說窮意匠石罅挺怪松一一龍鬼狀其一  
據巔頂丹梯不可仰絕壁忽倒懸半空驚擲杖垂梢拂  
谷底托根疑天上雲螭掉修尾烟海為簾盪白日雨氣  
浮萬壑新線漲其一高三尺延蔭一畝廣圓頂平鋪茵  
淺檐低設帳千僧可跏趺百席容布向其一破壁飛橫  
空少所傍天子禮天神躬秉一匕鬯巖風振林樾排莽  
力不抗不知歲月久何以得無恙造化弄狡獪無乃太  
孟浪平生嗜烟霞未辦屐幾緇先生遊歷富盡收書畫  
筋妙理入毫髮全勢出醞釀蒼潤照眉宇意慙神為王  
豈但十日遊如以百非餉所歎工師求梁棟是憑仗慘  
淡蟠寫蒼蒼恐亦非骨相余本支離叟結契用自况

續集事詩集

卷二

送吳商志之河南中丞幕余丙寅丁卯客汴梁回  
首七載風物猶歷歷在目感舊抒情得詩二首

白馬銀鞍出帝京天南遙指雪峯晴蘇門空谷聞鸞嘯  
緱嶺吹笙控鶴迎烟景吟鞭供跌宕河流攬轡已澄清  
時平不草陳琳檄鵬詠樓頭對月明

久客蘇門類繫匏流光荏冉七年交雪鴻泥上曾留爪  
雲鶴天邊記舊巢綠絲添圍柳線徑紅燠入海棠梢  
壁間題墨應追和為寄新詩取次鈔署中垂楊拂地海  
棠大皆數圍花時  
落英如鋪首會  
有題句在壁

謝友人惠米

研田亦出橐中贏買送紅蓮米赤  
邑首耀眼明車載還應疑

蕙苴晨炊不用雜蕪菁他時日給三升足此日官如五  
斗輕但怪淵明稱嗜酒林田那得只收稅

同年潘子集山謁選來京師與袁聞及余同舍館  
宋子鶴岑房子湘厓家侶臺亦時過從觴咏酬唱  
間雜詼諧爲笑樂風雨晨夕無間凡四閱月余窮  
悴頹頹實仗友生差銷岑寂集山以需次未得假  
裝南旋同人醵飲祖餞賦詩爲別不辭拙鈍輒步  
後塵追叙曩曩宣道情悽頌美既陳規勸亦備寫  
之赫蹏凡三百有二十字猶覺簡短情長也

崇安富山水文彥蔚軒翥風氣所宣洩靈秀若孳乳吾  
友瓊璋姿風軌騷雅趣芳潤既漱滌格製亦磨鑿壯思

甘棠亭詩集

卷二

四

激鴻篇逸足舉早譽嗟余嬰禍患羈迹悲孤露息茲薄  
宦遊仗彼高朋助稅駕仲冬交接席客館聚盍簪多勝  
流襟韻鮮塵慮棋壘機蹶張文江波澗瀨角采梟虛躍  
關酒旗鼓樹庭素雪已堆牕昏月俄吐有時岸不冠都  
忘食在嗟但得矢靡他如此亦無惡 皇運際赫曦銓  
途忽填淤旅或喪資斧儒乃鄙章句命僕治歸裝掉頭  
不肯住翻然鶴南飛浩如水東注需次將自及遄征毋  
乃遽銛鋒利干莫大器鎮鐘鐻封章時政砭鈞軸人材  
鑄况丁強仕年豈便遂初賦有子方御輪歸妻宜俟著  
乘暇婚嫁畢庶免家室顧對酒驚怯啼長空鴈橫度蘆  
溝一鞭揮蘭溪片帆渡園卉韻漸抽離筍美可茹棲鷺

莫後期飛隼行得路自笑真鰥生顧影同老嫗分以舊  
雨投禮爲故人想望子崇班跬指日要津據努力念前  
修幸勿失故步

同年吳西李宮允有夢蘭之徵詩以索醉兼柬石  
子五中四首

海棠庭院月如鈎鶴禁朝回賜沐休爲採春華得秋實  
家丞庶子一時收

佳氣充閭賀客新檀樂慈竹霽生春自携繡襦銀鹿  
裘越王夫人愛庶出子特出金錢洗石麟

大官舊有千錢給內醢寧無一斗藏緒秀久知能治具  
不煩主孟作羹湯大夫妻稱主孟

甘棠亭詩集

卷二

五

湯餅筵開燭燭紅管絃清入棟花風後堂樂作誰能入

張禹門生有戴崇五中吳門生也

同許山濤戴衣聞許董傳石五中看昌運宮枯子  
松

經年墮塵埃胸若受醎毒一朝適郊坰足若脫桎梏  
旭映林霏芳潤出新沐側聞神霄宮碧幹挺寒玉茲行  
愜幽賞放意恣遐矚入門煩慮蠲頓使神觀肅綠垣餘  
椒塗雕甍猶鱗鱗盛霜皮逾十圍盤根欲礙屋兩行列冠  
紛百尺樹旄纛先生玉堂仙人地清子鳴同遊饒雅趣  
野逸如山鹿酌醴焚枯魚形骸少拘束高頂白雲流仰  
面蒼雪撲久聞衣袂香忽覺須眉綠且教尊竿洗莫便

輓銓促此時曳裾者侯門方穀觶

宮僚進講恭紀代

龍樓初問寢門安鶴禁俄看列講壇禮備儒臣瞻肅穆  
詩陳王業起艱難宮槐綠轉觚稜雀御果香分赤玉盤  
歸院花磚移日影月輪清映木天寒

甘霖詩二十韻

帝德三辰協天心一氣通庶徵皇建極萬寶歲成功盛  
世灾能弭綏邦慶屢豐偶愆雨澤降轉慮麥秋空瞻仰  
嗟雲漢炎蒸困祝融股肱八郡切疴癢四方同不獲饒  
由已如傷疾在躬詢謀卿士順祈報禮文崇珪璧循周  
典庭巫陋魯公撤縣避正殿昭事宿齋宮仁覆垓垓外

謝寒亭詩集

卷二

六

誠手默禱中氣隨收早魃威已振豐隆海氣藏龍甲雲  
端下馬驟注檐飛似瀑歸壑迸成猗霑足彌三月滋培  
稱五風潤生長白北灑徧太行東山曉林初沐波添岸  
欲攻果園垂纂纂禾壠秀芑芑湛露分金掌甘泉出玉  
螭精神真合漠并舞盡呼嵩

元日蚤朝十六韻代

元氣調鍾律鴻鈞轉斗魁中天蓬泰際大地得春回庭  
草初生蒨林芳欲吐梅星河萬戶動闔闔九重開玉勒  
沙堤簇銅壺漏箭催露還凝花柳旭未映宮槐委佩  
仙仗微垣近上台屏藩修職貢侍從列卿陪燎火疑  
旦呼嵩儼早雷龍蛇旗送影鳩鵲雪消堆布德始和

徵祥太史臺皇仁方浸灌品物乍胚胎夏正高三統東  
風徧九垓篤恭其至矣庶事亦康哉北闕千官隊南山  
萬壽杯自慚真朽鈍無以荅涓埃

孝譽詩二十八韻為同年沈元衡修撰尊人賦曾  
萬里尋親

秀民挺閭閻淑氣萃扶輿卓犖聲名大清揚眉目疎聖  
涯深浸灌菰園久耘耨奕葉乘丹轂新綸賁石渠徵祥  
方翕集感舊亦欬歔曆數謳歌順乾坤締造初天文皆  
拱極邊徼未同書庚嶺梅花信駕湖水竹居宦遊隨一  
鶴親問阻雙魚仗策干戈滿征衣涕淚餘驅馳騰澗谷  
跋涉廢舟車吏卒人皆散王孫物易狙穿羣雜虎豹間

謝寒亭詩集

卷二

七

道訪樵漁萬里風霜老三秋日月除白雲親舍得春艸  
寸心摠重話此離恨還疑夢寐虛鄰爭携酒饌大搜入  
衣裾萊子娛斑綵陶公返故廬汗編垂國史錫類大門  
閭繞砌芝蘭茁中朝梁棟儲碧梧棲鶯綠水漾芙蓉  
燕翼榮宗祏龍光有慶譽綺筵簇袞繡雜佩贈瓊州鄉  
味尊絲滑隄芳柳眼舒追隨多過末詞賦出應徐星象  
賢人應恩波孝水潛債能操契勞獲已享菑畬繼茂如  
松柏綿延似漆沮

旅懷五首并序

癸酉初夏舍館內城東北隅庭宇庋隘氛埃全積意  
頗不憚忽自歎曰往者蓋入于坎窞矣胸次洒然而

顧不足于此耶。病悶爲之水釋既而糞除滌治。韓蕭  
撤慢亭張繁英被砌輕條依藻物色生態機趣盎然  
時而短垣天外雨氣浮青時而矮屋隱虛月光漏白  
于是孤緒忽抽歡悰亦暢諷影澤停雲之句咏太中  
招隱之篇涵濡昔聖之涯漁獵菰文之圃吟懷既觸  
遂形毫素考槃之詩人曰獨寐寤歌永矢弗過蓋閑  
曠之適嘯歌之樂造物者之所畀君子常慮其過也  
余材朽質陋德謝曩哲不自揣量願踰涯分有識之  
士能無病之乎余方蹙然自懼矣

霜簪辭故條忽信所至棲泊依濯莽危若逆旅寄一  
朝輕颺襲東西俄易置豈有雲露滋不惜泥土漬紫葢

甘寒亭詩集

卷二

八

托崇柯穠豔光自媚苑枯有定分物理可罕譬嗟余嬰  
罪罟夢豈生還覲未遂丘園適猶幸刀鋸避脫身囚鎖  
間蘧廬亦卽次我家綠水灣萬竿聳寒翠別來此相憶  
中夜發清喟

靜覺天地寬人苦自縛繫坐臥一蝸殼墮似寒蟲蟄忽  
驚庭戶間浮天空翠濕嵐氣西山來百里遙拱揖砌花  
吐新妍盆魚啞殘粒悠然足生意無異在原隰適興弄  
柔翰幽討窮秘笈隣寺鐘磬徹虛室星河入未與閨闈  
遠豈復塵埃集

擁腫一病柏圍合可八九項縮凸作癭腹枵穴成曰耕  
牛或礪角過客且遺漫世情便獲利物態鄙老醜乃有

素心人嗟賞不去口質理含芬芳皮膚畧癢垢剔治使  
除蠹拂拭爲加帚氣尚蒸芝菌根未委衰朽春意一敷  
腴培莖能百畝樵者方見薪人棄子獨取對之三歎息  
此豈今人有

書能益神智六籍乃梁穀菰林芳鮮擷頰波綺麗逐如  
腹方苦饑徒思啖龍肉雅言詩書禮紬繹在孰復春秋  
洎易象分年麟穴讀爬梳義理根刊落箋疏複身髓滌  
滓穢肝肺膏沐馳騁班馬篇跌宕莊騷錄陶謝韻在  
絃韓杜崖崩屋廬陵態軒餘南豐味淳樸寶氣圭瓚陳  
軍紀刁斗肅發若繡林葩汪若飛巖瀑斯願倘獲伸窮  
愁寧非福

甘寒亭詩集

卷二

九

杜老避兵禍遠得眺岷峨太白構譏讒險乃浮牂牁人  
世足機阱床第有驚波奈何守環堵暴足等抱疴鄙人  
病懶放耽逐山水窩涉江睇金焦點點水面螺入閩沂  
紉津矛戟相春磨十度泰山麓五走太行阿咫尺不得  
上瞥眼雲烟過客言武夷山神仙窟宅多風竹五吞吐  
溪谷皆盤渦巖樓去梯級帆轉走坡陀山田富茶筍飽  
食供吟哦臥石雲生袖垂釣雪滿簑便欲生羽翮飛翔  
隨駕鶴莫待婚嫁畢歲月易蹉跎

寡鶴歎爲徐之駒母鄭作

梨山高高帶嶺陰崖六月飛蒼雪老松援地千尺鐵護  
雖白鶴巢其巔雄引圓吭雌應節雄飛盪作雲烟滅雌

雄哀叫口流血銀河低墮霜月缺巖石迸落山竹裂朝  
橫溪毛芳暮酌乳泉列素衣不教緇塵涅華陽瘞骨死  
同穴此志此生已早決養成一雛亦奇絕聞苑氣高華  
鳳池地清切毛質排風風骨別嗟哉此母真義烈萬古  
高名日月揭梨山高高嶠此節高與梨山埒

送江繡文之任臨邑二首

聖代崇經術銓途首制科燕齊錯壤近魯衛故交多  
治所  
去京師只七百里又繁縣常遷次廉名共濯磨省臺虛  
同年四人同在郡屬  
席待四十未蹉跎

才長臨劇試俗易使淳還下令如流水尋詩亦看山禽  
魚相映發民吏自寬閑他日名臣錄寧徒卓魯間

謝東亭詩集

卷二

十

見賈秋壑蟋蟀論戲題三絕句

瓷缸平視紫羅襪嚼齒街鬚亦壯夫  
論有昂頭卷鬚鍊齒趣諸品目

自昔怒蛙能作氣憑君退得北兵無

分棚押隊盡紅裙得勝傳呼娘子軍師相此行親督陣

廟堂應爲策元勲

爲嶺餘閑小著書品評風格但蟲魚舊臣宿將銷磨盡

人物當年似不如

贈友

蚤歲吐氣如白虹鼻端火出耳生風弓挽南石控雙勒  
馳射平田疊數肋軍前曾持半段槍鞭撻剗盜等驅羊  
功成長揖辭節鉞歸臥淮山看山月一甌乳酒一枝藤

鶴骨凌嶢鬚未星膝下有子佩朱魚不願封侯願爲儒  
送家侶臺之任沁水

斯人具奇骨健若霜空鵲眼中吾未見此亦一俊物  
目呈秀爽肝鬲盡披豁當其意所向萬夫不能奪  
得除目凌晨脂車轄襪被赴千里慷慨有膽決太行  
右麓岡脉勢盤屈遺黎舊完富淳氣未宣洩吳鉤淬  
鵝芙蓉光豔發鋒鋦朽株豈有不斷割風檢又際峻  
厝注必闊闊直從政本清務舉臺綱刷萬物可吐氣  
軸在轉幹人世聲利場豈能汝汨沒物情慎所處未俗  
惡修潔夙齡騰文譽承家况替笏當塗苦難採制科世  
抹鐵守口儼防敵發機常省括德以有容大物因用壯

謝東亭詩集

卷二

十一

缺良馭謹轡銜致遠乃可達塞余冒世網忍死草間活  
念我骨肉故乃不鄙薄劣時時誦詩句愛我氣清激平  
生志願乖升沉異塗轍如在幽谷底輝光仰雲月朔雁  
叫寒塘嚴卉帶晴雪後期渺何許相思各天末不能琢  
曼辭恕我才樸拙

送同年彭香谷編修歸廬陵

一官匏繫五載淹如嚼橄欖未回甜清入肺肝寒澈骨  
秋空落月浸霜潭紙牕木榻四壁立枯禪老衲棲山龕  
齋廚日食但杞菊硯田月俸給水鹽燒花疎影燈花炮  
六經諸子力研覃勾當公事奉 特詔涉筆紙尾皆列  
街 聖主知臣臣不負逸興已飛南山有出岫怪事乃

有此赤梢鯉魚甕底醅旁人義憤皆欲裂先生微笑口  
不談料檢家具無長物古琴一張書兩函金柑銀杏鄉  
味美豈肯纏縛如春蠶早晚扁舟泛彭蠡湖光雁影天  
倒涵香爐峰頭桂瀑布康王谷口拂水簾萬境雲烟皆  
變滅但見飛流千尺下晴嵐

水仙花二絕句

斜街花市走車鈴短葉疎枝似鶴翎忽憶書齋燈火夜  
銀梅同插祝頭瓶

孤根別却舊巖阿大邑堯缸細馬馱翻是內城收拾得  
江南莫道故人多

三賢詩

附寒亭詩集

卷二

十三

平湖陸稼書先生

聖道若大海朝宗赴百谷有宋真儒出四子乃四遺源  
同殊派別宇宙翻參駮沿流金谿禪旁出永康駁門庭  
各標幟犄角等逐鹿夫子挺淞西元晦遠私淑研理析  
毫釐謹幾步幽獨浩氣兩間充完養百行篤大道試小  
邦政成期月速及夫登朝列志在唐虞復務養聖德純  
豈但風紀肅當寧改容禮同官爲頸縮學已見本根廉  
直亦節目千載得斯人羣言有歸宿手編今具有言行  
皆實錄

睢州湯潛菴先生

忠介昔撫吳至今稱其賢銳意抑強宗清剛氣亦偏公

不用擊斷純以德化焉事功羞管樂志學乃伊顏疑香  
肅燕寢鎮若無事然坐使淫昏滌吳中有五聖神爲能  
妖怪公教然除之

令淳樸還入爲青宮傳良玉待劇銷忌者摘公語吹

毛索得瘡共欲執退公公笑但引愆聖主知公忠君

臣恩禮全公事繼母孝退食侍膝前不以老故衰不以

貴自便公亦非尋常儒督兵平吉度雄畧足膽智妙算合

機權立德既云卓論功亦不刊姚江直方駕紫陽且隨

肩易名秩廟食待後命宣

蔚州魏環極先生

在衛史鑑宜在漢汲黯懲朝有骨鯁臣國是所憑仗謂  
謂尚書公負氣老倔強儀觀巨山屹響答洪鐘撞嚴冷

附寒亭詩集

卷二

十三

霜一潭峭直厓千丈諫垣司封駁一日章十上特詔

起田間歷階官副相墨吏穢蹟腥佞倖淫巧蕩公疏劾  
程汝璘

下快之公窮魑魅形疏列姦賊狀正邪兩觀誅驩兜崇

山放風稜威晚斂飭戒朝堂榜公有申飭巡城巡  
監諸御史榜文儉飽

魚菜羹清絕米肉餉不爲名位傾亦無親暱黨粹德始

終一完節故無兩巡行按畿輔無和難獨唱豈遂行有

遺要亦神弗王春秋責備義于此或缺望

萬壽寺姚少師所鑄巨鐘歌

永樂天子坐法宮統壹萬國車書同不崇辟雖崇塔廟

鏗鉤爲鑄萬石鐘山靈不敢闕精氣銅官盡括銅山銅

槩蛇汗喘車軸折役作鳧氏驪祝融鐘成架閣難撻往

千夫僅乃扛旋蟲我時跨馬山郊墅敗垣突見日觀峰  
自趾迄頂十五尺腰圍殺一唇加豐腹背華嚴八萬字  
鸞張劒拔筆出鋒土花鏤澁鸚鵡綠日色絢射棘鞬紅  
冥濛有物下呵護人非人等及天龍昔日燕王潛龍初  
奮螯少師病虎志吞齧白溝河頭戰鼓衰金川門外降  
旗揭封屠朝士如刳羊英魂夜夜啼腥血忠憤鬱寒元  
氣枯二百年來國脉絕區區法力仗浮屠便欲消除舊  
黑業君不見蒼姬寶鼎泗濱沉典午銅駝荆棘走此鐘  
不能人水與龍鬪氣不斗牛衝鳴不鯨魚吼礪碗凝重  
亦何有吁嗟乎二京宮闕失嗟哦九廟鐘虞已銷磨鐘  
乎鐘乎奈若何

紺寒亭詩集

卷二

十四

感遇 三首

神龍冬蟄海震霆亦收聲一朝典雲雨天地為晦冥先  
春光氣發豈復能升騰孔明臥南陽望早四海傾昔  
魚水合僅迺鼎足成沛公定大業出一勝下生登壇受  
將印至使一軍驚勒兵會垓下竟決楚漢爭士荷懷遠  
畧勿矜赫赫名

絡緯張角翅本出朽樹蠹蛭蛻升糞穢修柯雪月露得  
意已蜚鳴寧復念故步元化無停機疾若矢激弩炎景  
俄西顏林霞忽飄素芳序有消歇榮落易回互昨日傳  
烟霄今朝委泥土妙理靜者知動者豈能視  
牧人荷簑笠日豈識簪裾困羊乃及馬因馬又得車遂

夢張高蓋旌麾耀廣衢前者鼓吹導旁有闕戟趨日瞞  
一欠伸變滅了無餘須悟覺亦幻夢境良匪虛焉知王  
侯尊不夢為胥徒夢覺互得喪彼此豈乘除試看河淮  
流清淺已溝渠

趙子昂畫二馬圖歌

黑馬黑如鈔錐鐵白馬白如峨嵋雪鵝溪生綃光皎發  
頓覺長風激林樾俊物骨格誠權奇畫師心手亦詭譎  
低昂伸縮各有致布置描摹出新意綠槐抽葉如垂乳  
黑馬仰秣足倒豎欲齧未齧饒涎吐作勢憑陵欲上樹  
白馬透木踏晴沙奚官卸鞍手梳爬鬣鬣舒眼也斜  
四蹄僵立痒欲麻須知馬意亦如人百脉牽動皆精神

紺寒亭詩集

卷二

五

松雪愛馬能作畫蒙泉不畫能知馬文人筆貴有生氣  
畫家詩家總一理

贈嘉善丁茲兌先生

同年丁燕公尊人尚書清惠公孫

南國論耆英先生秉大雅在器為瑚璉在木為梧櫟不  
注黃流薦天神不斲素琴奏韶夏朱霞白鶴自來往風  
格高騫韻瀟灑胸中貯書五千卷如張廣樂洞庭野筆  
端典會溟渤漲氣可食牛力奔馬驚驚湖東烟景濃勝  
地髣髴梅根冶連岡竹挺翠嬋娟平疇稻翻紅穠稭先  
生抱膝正高吟輞川淪漣月上下君不見尚書勲名星  
斗寒元氣久入人肺腑先生眉秀鬚未斑胡乃弋釣山  
水間先生有子如龍鸞蹴踏學海倒詞源丹梯直上碧



漢端臺閣事業付仔肩閉戶著書歲月閑君不見陳太  
丘荀朗陵元方慈明皆名卿君家公侯哀哀生腹松吉  
夢信有徵攬揆之辰中大呂南燭垂穗山茶吐銀燈弄  
藥斑斕舞門闌照耀瓊林樹太史應奏德星聚武塘陳  
水十舍許吾爲先生撰杖履

同年戴衣開迎養似園先生暨太夫人蔡之永寧  
官舍仲秋值太夫人六十設悅之辰輒賦長句用  
申頌禱通家末契因道故舊相笑樂先生見之而  
喜可知也

吾友戴子衣聞氏才力富有年強仕卓蹕氣可敵三軍  
散朗胸曾無一事傾倒友朋肝膽破揮斥勢利涕唾視  
爾來事詩集 卷十一

與余定交杵臼間彼此折節各有以模範有如金在鎔  
性行直同乳投水阮咸既稟生民秀王湛亦善談名理  
太爾季悉君家世有根底乃知波瀾莫二先生聲華  
擅才地赤刀琬琰天廟器討古已窮義理根觀物能窮  
天人際一簾山色一卷詩筆無一點塵埃氣黃憲云是  
顏淵亞孟光况是梁鴻配堂上捧卮進飴蜜室中鳴琴  
叶宮徵雙棲碧落層霄間一家太和元氣裏始信臣清  
似父清乃知是母生是子官衙迎養及新秋圓月隨人  
送千里九派潯陽波漾碧五老廬峯霞映紫廉泉甘冽  
杞菊芳玉食鼎烹從此始賤子局趣爲人叢不獲追陪  
余媿矣

送秀水嚴叔子之山石

草隸書工詩句新清言撲去鼻端塵自知大雅歸吾輩  
不謂長安見此人幕裏忽開蓮的樂眼前無復玉嶙峋  
心胸鄙吝誰消得非爲臨岐一愴神

送同年宋鶴岑之任夏津

前旌遇上漢金隄夾道槐陰送馬蹄才調驚人稱二宋  
風流指日徧三齊雙飛鸚鵡晴灘下百里鸞鳳借樹棲  
丹陛朝天還咫尺故人無那隔雲泥

送同年呂山劉之任臨朐

如君端合入承明特爲齊風表正聲意匠冥搜翻舊樣  
詞壇自闢一長城山容相映筆花發臣節還同詩骨清  
爾來事詩集 卷十一

他日聖書徵渤海東行又見續編成山兄前行入秦書集已就梓

坐古槐下有作

濃翠檐端落身疑在茂林風生度疎磬應曙響聯禽抱  
勝素心恆掩書餘味尋高人乘興訪遙見白雲深

送同年王令詒之任茂名

萬里雲山話別離低徊往昔不勝思子卿此事真親見  
鮑叔于今更有誰鵬怒欲翻天際浪鵲飛猶遶月中枝  
憑君骨鯁登言路重爲鄒陽雪獄辭

送同年戴衣聞之任永寧

會因賣餅收逋客更得分羹飽餓夫晨夕三年慈母戀  
交遊四海老兄無龍豬定分升沉異鴻燕離羣形影孤



剪燭思重話舊蒲帆秋老渡晴湖

題王令詒松南柳殘畫卷三首

絲漲平隄似不流  
芙蓉貼水荻芽抽  
嫩綠不用驚芳餌  
無意求魚下直鉤

簾櫳長竿鼻鼻垂  
輕風拂處漾淪漪  
他年大展經綸手  
繫鼎千鈞在一絲

百尺虹蜺繫釣綸  
珊瑚拂處碧鱗鱗  
巨鯨跋浪翻空去  
不食人間無義人

送同年石五中之任靈丘

刻溪名士循江潯  
潯開洛北先生出壘亭  
地在紫關外  
三子

依如騁有新半年  
稀似旦時星  
贈離芍藥千畦紫  
送遠

謝美亭詩集

卷二

六

芙蓉萬仞青也欲追飛  
霄漢迴籠禽未易養修翎

送同年陳遶三之任平江  
將由故里赴任所

路邊錢塘向岳陽  
官衙入已近新涼  
筆含鏡水嵇山秀

身帶江離沉芷香  
朋舊雷陳遙接軌  
東南吳楚各分疆

與天開郡會同榜  
承吳西境  
四鄰光映聯鑣起  
同補

山龍日月裳

貧富吟二首

無貧富不樂無賤貴不尊  
臨深易為高培塿成崑崙  
舉世盡鼎食梁肉亦菜根  
不與糲袍立寧知狐貉溫  
見者愧欲死受者喜欲翻  
吾聞至人者泊然道自存  
近谷不為寒春臺不為暄  
下視塵寰內擾擾何足論

貴者莫得富挾勢營錐刀  
富者又欲貴入貲為郎曹  
兩者互健美置膏火上熬  
當其兩相求頭低尻為高  
一朝

有蹉跌身死家屠鈔窮巷  
一迂叟程積穢離腕力  
聖神鬼筆底捲雲騰坐覺  
陶倚儉頓失金張豪不願  
以彼易吾誠惡此逃

賦得廣渠門行送座主刑部侍郎公致政歸壽光

廣渠京城上東門  
輪蹄昏曉轟雷奔  
冠蓋雜遝蔚雲屯  
門卒長跼告余言  
但見官人入朝集  
不見官人歸田園  
今日門東設祖帳  
馬凡幾匹車幾兩  
借問送者大人誰  
路人歎息客惆悵  
侍郎聲節玉雪清  
由名給諫為名卿  
在唐楊宿宋趙槩  
天子股肱國老成  
一朝上書力求退

謝美亭詩集

卷二

九

重瞳屢顧難其代  
他人捐職重捐軀  
先生解官易解帶

蓬萊閣外日吐吞  
之采山頂松  
氤氳有子十一子  
生孫

江湖歲月皆君恩  
先生蓋古狷者徒  
知交落落豪雋俱

餞送豈必傾東都  
時行時藏道卷舒  
進可還朝退可居

君臣禮遇完節少  
嗚呼其在斯人  
與嗚呼其在斯人

送同年王士先之任平遙

填門賓客賀除書  
土沃民淳游办餘  
鄭驛人欣官有馬

汾河廚豈食無魚  
詩追唐魏山樞古  
秋入岢嵐寒柳疎

訪第北來沁水近  
魯恭正值頌聲初  
家仙臺官記水

送同年陶于師之任昌化

窮荒吾道非耶是  
匹馬嘶人嘯也歌  
緩貳員隨官長馬

魁保尹在水雲窩用少陵為魁黨禍曾標榜欲殺才名是制科百鍊剛成知不挫高堂其奈老親何

送同年潘書源檢討省覲還宜興

暫別花磚跨錦鸞蘭陔南指白雲邊到家初試茗盤頂名茶奉母同登罍畫船萬頃湖供魚鱸饌一囊詩當俸薪錢君親恩義知兼盡玉局行看特詔宣

甲戌五月再移寓司寇公建寧館中月給米炭資云有乏則以告敬賦二律奉呈

入門童稚競牽裾去此重來半載餘復壁二弓橫榻地卸裝一兩短轅車隨緣飄泊皆安堵也弊樓遲返故廬檐樹團應依舊綠月明落影正扶疎

荆案亭詩集

卷二

三

清卿月俸能餘幾却與門生共有無計日遠叨米肉餽之時猶許癸庚呼恩波幸活潑蹄鮒素飽深慙反哺烏往事寸心蒙節錄至今人說甯俞愚

擬暢春苑應制十六韻

馳道穿青靄離宮上翠微玉泉一水引繡嶺萬山圍星拱天垣應林蕃土脉肥川嶺皆秀發臺沼有光輝周圉文功大禹宮夏德巍不煩千騎衛時見六龍飛和氣行春至輕涼避暑歸節宣觀物侯巡省念民依秘笈藏紺素清班列紫紱賜常撤御膳動且戒宵衣蒐討翻疑義諮謀贊決機法從八柄馭化但五絃揮帝道存淵默王風暢德威恩波叨海潤燭火借朝暉作頌心難喻傳經

事不違歸途落湛露未覺蓼蕭晞

擬夏日侍內廷應制十六韻

奎壁鴻章煥圖書景命昭懷文多待詔講藝亦圖橋月試分曹校天邊侍直遙螭切齊簇仗鸞序正聯鑣肅穆趨三殿傳呼上九霄得為香案吏入自紫宸朝委佩穿金鑰鳴珂度綺寮薰風絃應軫炎令斗旋杓長養恢台盛平均澤暑調櫻垂紅帶濕榴噴赤如燒火傘職方赫水街鬱頤消占經窮義府挾藻發辭條聖作追姚姒儒臣陋賈晁地清同白鶴彩爛嫺文鵠大冶爐能鑄匪材僕待雕未應巴里曲仰欲答簫韶

賀顧書宣及第

荆案亭詩集

卷十一

三

藥榜懽傳鳳所欽離襪威鳳起千尋盛時館閣須名輩今日文章在翰林硬語盤空雲海濫微思入渺羽宮沉廿年冰雪研覃切從此光芒逼斗參

京東三河縣晴畫有龍從片雲下長數十丈萬眾聚觀日色照射鱗甲正白目不能睇白氣空中騰

涌而上俄頃大雨龍失所在癸酉五月間事也客有述其說者以韵語補記之

赫曦燒空勢于火飛鳥橫天無一箇海外濕雲墨一朵初但髮縷旋磴磨霹靂一聲天海破蜿蜒有物雲中墜捲柱百丈車輪大鱗甲翕張如箕簸金葉燦爛目閃挫須臾白練半空拖不用吸取以氣裹急雨翻盆泥沒蹀

黍豆夜高三尺過荷嗟汝龍功亦夥 當今聖人御黼  
座均調六氣無偏頗若欲霖雨用汝作去

送同年葉淵發檢討奔喪南歸

前有文莊後文敷二百年來遙接軫文莊風度既端凝  
文敏聲節尤澄峻不營貨產不植交官居二品如寒峻  
鄉邦式閭動咨嗟 至尊今尚勤清問近代名賢似此  
稀操履完篤無瑕先生秉哲挺魁梧百尺琅玕抽玉  
筍學問不肩盤悅家剝落皮膚琢肝腎別裁偽體引繩  
墨盡返真淳汰駁踣推誠見披豁奉身彌溫謹有時懷  
慨義憤宣頭目身隨皆不吝賤子局趣轅下駒土木形  
骸最拙蠢人業置酒下鈎吻我亦延頸就白刃時事九

續案亭詩集

卷二

三

鼎沸書生一髮輕何惜要領作蓬粉痛定思痛痛已深  
言不盡言言亦隱先生一見極憐憫親為裝釧口為吮  
廉吏子孫家艱窘邊粟代輸指百困嗚呼當日但得此  
人殉一切冤親皆泄忿先生何為獨不忍先生不語但  
微哂昨者從容對 便殿 天顏有喜許省觀倉猝見  
星出國門已聞哀毀凋容鬢長途方苦溽暑蒸到家漸  
覺父妻紫先臣志業比伊巫 聖主遭逢是堯舜大孝  
古人戒滅性他年正欲矢忠藎嗚呼君母猶吾母生未  
及登堂喪未能執紼我難君真病癢關君憂吾未毫毛  
盡淚如縷縻手雙攷不覺悲風起虛牝家聲世德芳規  
近但願先生白龍勉子孝臣忠兩不恨賤子竄伏孤蘆

中亦被恩光沐餘潤

閏五月十九日有 旨宣九卿并翰林院官集

午門 賜觀 御書禹王亞聖駕嶽淮瀆四祠額

恭紀 擬作

聖人恭已垂衣裳治咸五帝登三皇武功赫赫濯文教昌  
東壁圖書耀寒芒特設石渠開天章金題錦障萬軸裝  
海涵地負心胸藏亦時游藝翰墨場不用臨摹搨硬黃  
大或尋丈小針鉞蹴踏崔杜卑鍾張哉在闕茂月敦牂  
闕門左扉居明堂觚稜日上曉色蒼官槐浥露殿微涼  
翰林承 旨口勅將班隨夢龍集鳳凰執戟不陳殿陛  
郎侍臣珥筆劔佩鐙鵠立螭坳誠悚惶捧出琬琰十尺

續案亭詩集

卷二

三

心重若龍文九鼎扛寶氣騰上架虹梁紫鸞朱鳳驂  
荆陟盤鏡面滑笏光蛟螭攫翠纏兩旁字應律度中員  
方凡十六字成四行經星緯宿添輝煌乾瑞坤倪為低  
昂怒猊渴驥太披猖銀股漏痕亦麤迤俗書么麼敢頌  
頌此與元氣接混茫神會不但筆力降况復大義揭表  
坊功追夏姒配虞唐學崇鄒魯疵荀楊靈祇效順薦馨  
香鬼神福饗民物康道參兩儀贊百王五嶽四瀆職貢  
常响嶠石刻近誕荒肯數周宣蒐岐陽但從書畫論精  
良大海如以蠡測量小臣拜手難頌勳勒垂球鼎金玉  
相億萬萬年永無疆

上座主宛平相公四首

崧高峻極篤生申社稷匡扶弼一人世際中天臻上理  
力如元氣轉鴻鈞兩朝論道經邦地四海先憂後樂身  
奕葉伊巫勲德在丹青同肖入麒麟

名相開元更數難九齡當日繫安危端凝風度今重見  
會合貞符又過之天語如綸縣日月御書潑墨走蛟螭  
史家盛事流傳美千載明良此一時時江風夜四半

帝治無爲庶事康阜夔業已贊垂裳論思曉入綸扉閣  
休沐春生綠野堂調燮陰陽歸輔相品題風月亦平章  
太和宇宙真充塞萬物同遊化日長

曾隨多士雋南宮宋鶴飛因阻逆風驂脫重收越石父  
莊荒悉負陸宣公根荇萌已承栽植雲霧迷還待發蒙

甘泉亭詩集

卷二

五

倘得天工再披拂一枝猶許殿春紅

房師南城梅月川先生生日

星斗精英聚湖山氣勢高左肩依嶺嶠右臂控江皋儒  
雅于今盛人材自昔豪忠賢挺卓躋理學久薰陶詩席  
沿宗派文瀾捲怒濤先民存矩矱維伯建旌旄夫子今  
無量清時得所遭規模規大器襟宇飲醇醪性敏才華  
驟功深追琢勞鎔金成夏鼎切玉試昆刀盡闢榛蕪塞  
郁教茶蓼殫蔬林推哲匠鎖棘巧殘膏冀野空凡馬滄  
溟掣巨鰲鑿峻制誥珥筆振風騷鐵網千絲織水蠶  
一繭縑羣公交贊幣後學執鞭棄往者提衡鑑諸生集  
寒毫腕能操慧片日欲入秋毫巨細歸容納妍媸豈遁

逃蛟螭借雲雨鷹隼解籠絛趙織俄先授是科榜也齊  
出本房  
竿亦濫叨桐音蒙獨賞筆斷不旁撓授受真傳脉脉依  
似屬毛材常憐樸樸身尚困蓬蒿千里仍羈旅三冬只  
緼袍振衣時負劔侍酒獲持螯崧嶽神生甫陶堂禮獻  
羔綺筵浮玉竿注曲響雲敷衍慶綿瓜瓞投詩當木桃  
昌期方際會作頌愧王褒

決句霖潦庭院皆成江湖

山籠雨氣如遮却雨挾雷聲若怒然檐下龍湫飛瀑布  
牀頭漁釣好乘船千畦龜拆愁鄉國萬龜蛙生憶舊年  
去年京師夏潦江南苦旱今夏開江南又旱 郡邑災傷頻入奏史家傳說未

臣賢

甘泉亭詩集

卷二

五

乍晴書事

積雨初收水漲渠交床竹几坐前除穿泥蚯蚓黃綠上  
結網蜘蛛壘斷居機智物情有類此風波人世欲何如  
白衣天際晴雲好出岫無心任卷舒

大潭孝子殺虎歌有序

崇安大潭村人某隨父入山樵採虎忽攫其父去某  
揮斧直前砍殺虎同年潘子就亭述其事爲作殺虎

歌

爺展錄兒腰斧爺年五十兒十五日暮下山尋樵路林  
巖忽迅木葉落叢薄騰擲勢揮霍兒不見爺心錯愕但  
兄猛噬據地睛閃爍舉斧中虎虎前却不復理勢論強

弱筋既摧殘廢兩膊虎亦頽唐換雙廊瘦皮食肉付鼎  
鑊君不見北平太守夜射石強弓長箭沒三尺將軍見  
虎不見石暴結精神出全力此兒見父不見虎奮迅踴  
躍若神助將軍不見虎不怒此兒見虎神則挫嗚呼世  
上只緣生死利害明身家計重君父輕此兒至愚乃至

歌

歟危藏螫毒其利若針筆意非與物讎蓄毒蓋自防兒  
童惡者已寸挺倏已僵彼既城府設此亦戈甲張不見  
花間蝶翩翩任徜徉乃知自防誤亦轉用自戕擾擾塵  
寰內微智何時忘

相集書集

卷十

五

同年陳伊水出守兗州有詩留別依韻奉酬四首  
冰簾疎簾閣枕眠瓊瑤惠我到床前開板夾比秋空月  
輪格高如正始年淮海俊人拖紫綬宣城太守出新編  
橋邊未恨臨岐別輝映朝霞燭遠天

憶曾飛蓋入西園

伊水去夏設席孫公園會諸同人

密坐開尊朋舊存

河朔共陪袁紹飲韓崔同出陸公門菱龍集鳳隨中令  
駟馬加鑾典大藩指日南歸東道主郡齋還續笑言溫  
才名端合鎮巖疆游弔寧憂美錦傷柱笏雲看吳觀上  
新琴材取嶧山陽潁川蝗盡無風食清獻廚貧有鶴梅  
畫戟森嚴刑政肅望風屬吏已徬徨

二千石最與民親漢代賢能說鄧晨篆刻符應分虎竹

聖書詔許近龍麟彈冠富路皆知已作郡今朝是送人  
却幸聲施光寵及使君美政頌如神

詠鷄冠花二種

槐籬苔徑淨無塵容得嶙峋七尺身  
肉莽石家老衛尉他年未保墜樓人

本向雲巢刷羽翰化成小艸也無端任他霜雪摧殘後  
不改千年一點丹

鶴頂紅

輓座主崑山尚書公二首

先生歸臥太湖濱未肯垂綸老此身  
方欲雲霄扶日月忽騎箕尾上星辰  
九重眷顧勲庸舊四海交遊涕淚新  
不是師門私歎息國家失一老成人

相集書集

卷十

五

無奈皇天不憖遺在廷四岳正疇咨  
可堪龍命臨軒日已是逍遙曳杖時  
名世文章光燄在臨朝顧問聖明思  
焚黃冀有恩綸貴重起文貞舊仆碑

荆寒亭詩集卷二

玉堂寒為編修許山壽先生賦

先生之官玉堂仙玉堂近天高且寒玉堂詩人詩格清  
高于玉堂寒于官奇詭直搜鬼神秘騰踏欲窮天地寬  
當其腕力怒生筆花發漠泐冰翻蛟螭蟠才情爛熳轉  
孤迴總無一點塵土犯毫端正如漢家赤瑛薦水樓月  
下瑩澈但空盤賤于落托困飛博思腸窮餓衣裘單先  
生父子驚顧歎脫畧禮數盤桓靜氣孤峰對石澗清  
言微雪洒庭蘭時解金魚付酒庫亦割月俸具豬肝誰  
與惜者追古歡鮑陵王子崇安潘潘王宗玉潘當冠拓

卷三

嘉定

俞謫

希墨未乾險韵弁拱下急湍作者手敏天機迅豈知絕  
巖峭壁躋攀難先生詩賞目不還先生詩富囊無錢奸  
官多錢亦安用富貴管眼如雲烟但得新詩千百首  
傳三公萬鍾肯易焉先生豈是時世賢賤子欣慕為執  
鞭

送孫鼎文之任銅陵

孫浦城人新近故里以明春赴任

極目泉山萬里遙拜恩初出紫宸朝歸鞍曙拂千巖雪  
畫舸春乘二月潮玉樹臨風叨接席金門曉騎許聯銜  
燕臺把酒三年隔不覺尊前綠髮銷

上座王南昌尚書公三寸韻

民譽卿材擢臣清國論稱金鑑知貴重玉斧仗威發

歷居臺閣升沉變谷陵位仍三獨坐節似一條水俯仰  
成今昔低徊感廢興逸羣千里奮蕤苑九霄騰志在鷹  
鷂逐身俄聽馬乘官邪霜拂簡后聖米從繩考蹟名  
懋遷階寵秩增司空伯禹宅少辛貳公登柄且平軍國  
才應作弼丞忠遭卿士譖眾害大夫能碎首原防鵠無  
瑕豈玷蠅岡雖炎玉石派乃別淄澠呂相初無黨虞廷  
自一朋江干林壑臥闕下璽書徵其代天喉舌汝為帝  
股肱垂裳資火藻故浦別魚菱二府嘗虛席羣公舊服  
膺登庸若采待翼亮厥躬勝擬汰河流濁還教海宇澄  
業看光稷契文亦紹歐曾棠棣花芬馥芝蘭氣蔚蒸陰  
陽有剝復日月又升恒問字曾操几端居忽挂晉甯命

卷三

二

愚足錄公治罪宜矜霜雪侵雙鬢犁鋤老一廛同人多  
結綬偏我愧傳燈倘附追風驥猶為駕海鵬可能添羽  
翼再得上峻嶒

天氣連日陰晦欲雪不果作長句紀之

低雲幕空天昏黃庭蔽初集輕于霜天意欲雪不能雪  
如米釀酒未得漿策作霧淞失檐樹又漏煮微射紙聽  
長安貧者寒無裳何不消此霏暄開晴光不然亦須大  
雪三尺強殺却蟻蟻蠹賊蝨蜂蝗明年禾稼無災傷吾  
聞上天有真宰奈何乍陰還乍陽任彼穢阿列缺屏翳  
膝六負勢爭低昂旅人對此掀髯但一呷天地萬物皆  
亡羊雪深可蠟屐日暖好負牆葡萄酒三杯已落肚黑甜

且人無何有之鄉覺來不問日昏曉鼻間指袖爐火煨  
芋香

頌袁宜人二十韻 同年翁康伯母夫人

東漢三公系西陵一丈宗夙齡姿婉婉內則禮雍容侍  
藥誠能格嘗羹命益恭晨興催弋鴈淑配是乘龍羊子  
歸猶織鴻妻賃亦春官曹寒首藉詩句秀芙蓉友解衝  
牙贈寶留截髮供瑟琴調在御弓冶邁前蹤下璞終藏  
橫庖刀正及鋒庭闈輝玉樹廊廟發金鐘畫荻曾勤課  
繙錢不啟封鵷班家慶集翟邦恩重莊墅依城堞湖  
山疊嶂峰烟嵐螺黛點水月冶銀鑄奉母穿青靄攜孫  
坐縣葦春明萬嶺度孺慕板輿從鼎自天廚饌針堪帝  
鍾德門綬福履奕葉勒勳庸

題姜西溟洞庭秋望卷

我知先生我尚少我見先生恨不蚤馬上相逢憶丁卯  
丹顏蒼髯髮欲縞是日風塵正瀕洞頓覺濕翠晴空掃  
先生見我癢為爬我見先生饑得飽去年瞥眼逆旅間  
骨格峻嶒一孤鷄怪我水霜顏面枯愛我瘦寒詩句老  
先生文奇草草裁妙蕭疎如共竹柏清個強能與鬼神拗  
捉筆微吟忽狂叫細者蠅頭大楷怪我亦從旁助力勢  
直就手中奪草稿東西過從互主賓彼此唱酬失昏曉  
我遭世難集茶琴君且名場打盹穩知君文章不薦達

爲君一生氣孤峭誰爲先生寫此照雄姿蹶張如驃姚  
斯人何人隱者歟而乃一竿五湖釣先生掉頭更不言  
巖岫皆冥水蕩瀾劃然但聞鸞鳳啼

送同年沈昭嗣之任監利

荊州介江表監利近肘掖頗開山水勝亦苦俗險棘文  
簿一填委所司且咎責沈子神觀恬旁觀或不憚坦途  
有顛蹶何但羊腸仄氣如養嬰兒心如攝強敵靜則神  
理通順乃糾紛釋如人遭風船艤宛防墊溺身與船下  
上已忘船艤宛意一與船抗眩掉輒歐逆又如解亂絲  
紬釋理緒得彼或心氣愈愈解縛愈急沈子今真儒完  
養且清謙隨身所遇安其視夸險一耳聽口酬荅手持

足循級官止神則行百應百不失處事皆就理用人亦  
得職此可宰天下區區率一邑

送同年潘綱章之任曲沃

青松凝膏露甘芳逾乳酒苦竹飄積霰稿禿類聖帚真  
宰理亦均品物乖所受豈能彼敷腴迺潤此凋朽君家  
樓亭峰白雲生衣袖巖茶絕品收谷蘭奇葩秀宰邑介  
河汾民淳土豐富廣廬京洛擬珍貨燕吳走君又嫺賦  
咏神味得寧柳咀嚙出宮徵山泉寒以冽清才况應仕  
於今有此不經綸素醴醲功業在馳驟其視阿堵物醒  
醒真何有君固礪志節毋亦念朋舊君材國棟勝我骨  
霜筠瘦分會膠漆投命已雲泥剖筋力任耘耨陂塘饒



菱藕再拜謝故人不足煩援手

送同年錢叔暢之任蒼溪

錢子魁壘姿氣若波浪湧談笑胸臆開慷慨鬚髯動意  
所悅可人意欲性命共憫余遠危禍切膚勝已痛注選  
得近地飲助許割俸川北一彈丸而乃屈鳳凰譬彼大  
黃弩但爲鷹鼠中豈足勝全力怒勢有餘勇天地生汝  
材小大信所用况聞褒斜間咽喉秦蜀控高江千尺懸  
巖峰萬仞聳礪汝骨堅強添汝筆放縱成汝公輔器造  
物意嘉寵夢想蜀山奇窺天思出覽雪霜危棧怯不獲  
執鞭整坎珂守磨竭束縛類繭帛彼中產寶布一匹綺  
錦重如念故人寒可能遣騎送

續宋書

卷三

五

午門賜觀御書恭紀 四言有序 續作

祝融响嘯之刻岐陽石鼓之鐫雄視百代凌跨千秋  
謂非皇王之極軌史冊之美談哉然皆文學侍從之  
臣粉飾太平斧藻至德而已非必天章煥爛宸翰揮  
洒也是故魏家殿榜之懸題由韋誕唐宗戈法之妙  
得自歐陽然則天縱多能羣臣莫及自昔希邁 聖  
人乘乾超軼前古游心絕藝符合造化仲夏閏月之  
十九日傳集午門賜觀 御書功存河洛昌明仁義  
嵩高峻極靈瀆安瀾四題額凡十六字肖主壁之圓  
方應乾坤之闔闢玩其輕拂徐振緩按急挑之法游  
龍舞鶴未足擬其神姿渴驥怒倪豈能仿其力勢因

袁昂所不能評楊泉所不及賦也臣躬睹斯盛心目  
愕眙次早謝恩復蒙茶燕禮意稠疊無以爲喻紀以  
四言一首鼓腹之歌擊壤之唱用貢愚忱忘其蕪塞  
也

曰嶽與瀆蓄洩雲雨潤及千里曰聖與賢參贊天地功  
存萬世廟食豫壤惟神所棲匪今伊始 帝曰欽哉其  
勅有司祗承厥事 帝曰欽哉璇題銀榜予其特賜字  
凡十六數之以四大尺有咫命集廷臣汝其予爲惟力  
是視于時廷臣再拜受命奏能効技 天顏一顧蓋曰  
弗哉未稱任使一日便殿宣石鄉侯詔管城子旋者中  
規向者中鉤折者中矩如龍鸞翔如鵬鷁翻如鷹隼起

續宋書

卷三

六

崔張義獻帖耳俯首瞻乎後矣觀其筆勢相其骨力不  
可涯涘直與兩間鬼神造化同根一氣 聖學崇深百  
千萬億曾未一二豈臣愚陋管窺蠡測能名所以竊覩  
煥煥道接鄒魯德煥姚姒綿綿延延與水同流與山同  
峙

贈江西督運王副憲

勲名數歷著邊陲帝簡天南駐節應饋餉軍儲司轉運  
屏藩牧伯待恭知氣凌五老嶙峋色筆繼三王絕妙辭  
旬月政成人吏肅傳聞兩府牘交推

范方仲精篆刻贈以絕句

惟倖主爵亦雄哉銷印還能刻印來漫叟但耽林麓趣



特煩妙手起亭臺 文特詔自言每于圖記上起亭臺

余家雷墩浜上竹垞魚塘可供吟眺時與山妻度

暑約課耕獲行溝塍間意甚閑適適世難客京師

三載斷梗飄蓬隨綠棲泊回念曠昔恍如隔世未

知餘年尚能享此樂否也行寫胸臆得詩四章

旅鴈泊寒渚墨燕銜春泥所托各異域歸亦各有期唯

雄相追逐子母亦因依天邊一窮鳥乃寄他巢棲豈不

念鄉土風雪摧毛衣故雌鳴嘶酸况有黃口兒仰睇雙

飛翮悵此形影悽有家長離別雖生奚以爲

京都市朝集雜糅紛亂麻聲勢走指紳下亦利姦邪我

于世無求棲棲何爲耶弱齡負奇氣筆燦扶桑霞昔爲

卷二

七

蟠雲壘今爲失穴蛇進退鮮所據浩如泛海槎咫尺瀛

溝渡濟會不濡軌欲歸歸不得愧此桑乾水

我家溪南村溪流抱村曲沿流萬竿翠挿天圍老屋春

夏雜英繁長藤絡古木蓮茨滿陂塘鷺鷥白於玉逸情

時孤往野趣寄遐矚三年別此來夢境猶在日坐吟溪

橋上新月浸寒綠無端忽攪眠饑鼠窺殘燭

家世本老農幼曾親犁耙壯雖困行役舊畬得乘暇大

婦知課耕小婦行次亞秋風稻花香十畝紅穠穠稚子

隨母歸手亦有未把此樂未易再老境殊嗽蔗家有乳

下孫不教入學舍慎莫似阿翁擇術良已下

潘綱章納姬人同之任所戲贈二律

靈犀犀一點濃愛翠雙眉絡秀相逢地羅敷未嫁時門

因此女貴匹是使君宜音果吳娘否燈前細語知

入郭真仙更同車有麗人檀奴雙璧映花縣一鶯新茶

潑團爐夜香銷半臂春莫教官燭燼蓮漏已催頻

翁姥詞

上堂見翁姥語笑相和諧晨昏寢食共乃云有嫌猜翁

欲獻醜毒此豈新婦爲婦覆手中酒罍此升堂齋翁意

終不言亦脫姥于危翁姥許罵交婦死良已遲若問翁

姥意中事新婦到死那得知

同年唐子實君選授朝邑令 特詔召試稱 旨

擢授禮部儀制司主事兼辦翰林院事自昔綴文

卷二

八

之士多矣受知 聖朝膺茲異數于稽前史良爲

罕邁謹撰一篇以紀休美云

精鏐不可使投龜良璞不可使抵鵠天生重寶寧棄用

鴻材自合居臺閣文家才薄學殖荒杖藜嚼蠟傷淡弱

先生雖博力扶衰吐吞日星簸海嶽凌韓轅蘇輕餘子

六百年來無此作當日玉堂失綸選銓注河西一大縣

輝赫才名動 九重當廷交口公卿薦有 勅傳宣遣

騎催草莽之臣許燕見 內府特出陟釐箋從官親倖

滿星視脫稿萬言漏未移勢挾風雷迅掣電蔚作夏雲

濤奇峯燦若春叢發芳甸 至尊嗟賞 詔傳觀宿老

詞臣拱手敘翰林供奉儀曹郎不必遷除循故典杜甫

落筆中書堂李白醉登天子殿文章遭遇似此稀特爲  
才人開生面先生弱歲知名早四十餘年樹旗纛從此  
十年作宰相五十登科未爲老君似舊慈嶺上松栽比  
凋枯澗底草人生榮悴各有分何爲鬱鬱懷抱未聞  
田家老瓦盆好盛黃流薦天廟

題查夏重放鴨圖四首

須應鈔舟輕葦岸邊一篙插處水紋圓舟中方作華胥  
夢鴨亦晴灘相對眠

相喚相呼出入偕歸來夕照滿西厓指揮小用行軍法  
兩翼分行一字排

過雨黃梅水拍堤襍從已覺羽毛齊將雛共入天池去

結案書集

卷三

九

可復蘋花戀故溪夏重父子同鄉馬

飲啄何曾似瓠肥亦無文采炫毛衣綠頭只爲能言誤  
不得追隨一隊飛此蓋自况

奉輓座主建安侍郎公十首

前史耆英內何人可輩行律躬百行備待物一誠將鄉  
黨太丘長朝廷司馬光留公在宇宙元氣未銷亡

馳驅許國早坊表立朝端共事忘門戶昌言吐肺肝一  
家羞倖寶三品序遷官寤寐知無疚如公歿亦安

能自捐身累何曾與物爭忘機天廣大寡嗜水空明和  
豈同流俗清原不近名無煩追琢力完璞自生成

匪敢阿私好清忠不可泯事皆從目擊論到益棺真史

傳名臣首碑文 御製親同時望恩澤異數愜斯人論  
金謂我師立廟  
異數蓋衆期之

七閩留正派四子接真源

朱蔡胡劉學問無權術文章  
皆建寧人

見本根治能三代復脉得一支存俎豆宜專祀千秋廟

祝尊

問常修禱行供但給蠶鹽治具朝衣典窮交食指添心

胸開洞達禮貌降尊嚴不屬門生籍今朝亦淚淹

七旬誇老健二豎近交攻坐勞愁偏痺驚看減下豐便

乘黃鶴去竟應白雞終豈是先生病斯民斯世窮

甚感丈人意能推當日心災憐無妄得痛悉不言深篤

論存公道微誠勸士林焚琴有知己指下發哀音

結案書集

卷三

十

愧我三年裏增公一倍憂羈縻叨養養垂問及彌留乳

哺于今失師生有此不苦無尺寸地報答更何由

近憶生前語如瞻有道容身疑依絳帳夢斷是霜鐘夢

合三年守車思千里從天南精爽在今到幔亭峰

寄園歌爲家恒夫給諫作

寄園在何許乃在慈仁古寺之東南天街紅塵高十丈

遙見攢翠滴層嵐上有春曉蒸雲之蒼巖下有霜空印

月之澄潭曲磴盤迴出入兩行拔地皆杉楠長藤蟠

結老龍怒欲奮爪鬣張鬚鬚園中何所貯珍珠壓槽一

百斛錦罽掃架五千函主人吟興每孤詣亦時與客共

追探不知晦明易不知寒暑移但收滿園溪光山色入

一簾主人何年得抽簪卽今猶帶朝官銜九重方念舊  
羣公正且瞻齒髮未衰筋力堪北身未許泉石淹主人  
泉石性所耽遊賞亦不廢朝參晨趨釋關花迎佩暮歸  
平泉雪覆檐山林朝市二樂兼如人食蔗老愈甜閑中  
小試平章手已覺禽魚卉木皆熙恬謝公緣竹意清酣  
遇未封胡不我嫌時時命駕東山墅許我從容共手談  
題柘城竇筠峯先生祠先生名如珠字帝珍與湯潛庵先生同講學爲潛菴所推

謝東華詩集

卷二

十一

送同年唐磐菴之任鎮海

百春車騎渡清淮官署風流亦可懷潮送月明環近郭  
枯柏烟霞鎖綠垣學有淵源傳北宋天留文獻在中原  
何年道出朱陽近獲與春秋一駿奔

次韻荅海陵宮友鹿兼呈姜西溟唐東江楊韻木  
諸同志

到京三歷三冬嚴顛毛種種枯髭髯挂鱗雖幸宜網脫  
鍛翮正苦泥坑淹出門對人羞縮瑟三日新婦閉車幃  
不能備保賃春碓不能操作織箔簾郎子分宅古高誼  
譬如春燕巢屋檐胸中煩冤無可訴口欲咄嗟有物鉗  
兩望鄉井歸不得雲山萬疊碧天枯朋輩時來強慰藉

不識痛癢論針砭用黃浩翁語山妻老瘦兒駸稚白首乃不

寸祿嚮吁嗟吾衰亦已矣紅爐未燎鴻毛絨精氣銷亡

家產破餘剩僅此筆鋒銛宦興不敵詩興豪焉用詹尹

拂龜占近逢詩老皆雄霸昧者欲攻弱者兼姜侯遠掩

姜公輔唐侯豈數唐彥謙我每當局不敢賭斂枰收子

入碁奩君與弘農尤英敏一日能成五丈繖以我下材

抵四傑惟鈍那比卓錫尖謬欲芝蘭同臭味無乃煎茶

攪薑鹽公等虞裳繪火藻我獨秋水一霜兼江南四月

二麥熟率我婦于同腰鎌野麋山鹿有本性休爲京洛

細塵沾負薪謳歌郊廟樂或爲天飛或泥潛樊遲采齊

大制作異時流播及間閭餘年散髮江湖上願學詩仙

謝東華詩集

卷三

十二

白玉蟾

同年朱信昭母夫人八十

棘水新洋江名百里賒雷陳契分舊通家數留范式供雞

黍曾侍宣文隔帳紗奕葉清聲看諫草一庭春色煖交

花捧觴再展登堂拜象服魚軒鬢未華

藏藥九筍中鼠耗其大半又損余衣冠作二詩歎

之

篋篋虛何有九丹病所須乘時燈月黑欺我夢魂孤智

計成三窟朋徒在一呼衰齡齒髮損看爾日如瓠

昨已無心置今還非意干利惟憑術爪毀乃及衣冠在

爾曾何補於人已不完世途機網密獨爲此蟲寬

宮友鹿疊前韻枉贈再疊韻酬之

詩筒催詩軍政嚴東西郵遞走長鬚終未尚思穿七札  
豈便才盡同江淹硯屏筆架鎖相守四壁縣如車圍幃  
應紙隙光漏白影康王飛瀑捲水簾周環洛福循床走  
不覺矮屋軟帽簷硬語盤空迸口出迫束未為險韵鉗  
此唱彼和往而復驅驢二物互連粘東江西演况詩伯  
許指瑕額子針砭先生風格力追古枯腸竊此芳潤霑  
杜陵昌黎氣沉鬱玉溪長吉態穠纖開械未開已却走  
怖此吳鉤葛黨銛姜唐讚歎稱希有三人則從二人占  
我廁其間驂有靳求退恐遜由也兼損山之高增地卑  
褒多益寡庶成謙此夕月輪吐東嶺光似批鏡脫半奩

和查夏重啟表詩二首

卷三

古

雙扉已鏡聞剝啄又貺新篇價百鍊波瀾疑包滄海濶  
吼峰恍透蜀山尖刊削皮膚搜脂髓咏雪才高豈道鹽  
何時共泛滄浪趣罩江楓葉翻蒼兼收拾詩料歸囊底  
筆力剪裁快于鎌一鼓再鼓有餘勇八又八韻無滯沾  
勢若捕蛇騎生馬機若鳶飛魚淵潛未計他日角壇玷  
且喜今日同閭閻先生毋笑井底蛙爬搔欲效月中蟾  
再題寶筠峰先生祠一首

豈獨鄉邦重老成諸儒誦法有先生切磋地接睢州近  
脉絡源從伊水清栗王歲散羊豕薦桐孫瑞叶鳳凰鳴  
風徽自是千秋事未藉燕山奕葉榮

古意二首

蚺蛇能吞鹿確確撐腸肚巴蛇能吞象出骨成林莽又  
聞金翅鳥啖龍以百數鎔堅難厭盈食常不滿索搜奪  
憑爪牙晝夜無停所所奉愈以奢所求良已苦不睹枋  
榆雀殘粒但拾取軀小易充肥意豈復他慮世路有艱  
虞多為後汰誤

東鄰製純素瑩澤如稀膏西鄰矜奇麗視之若絮袍美  
惡無定分妍媸隨所遭未得恐不得自謂所得饒既得  
隨厭薄又欲空其曹美服于人身曾未益毫毛奈何含  
羞憤辱若撻市朝適已易為恆徇人蓋云勞我本衣褐  
夫亦聊以解嘲

和查夏重啟表詩二首

和查夏重啟表詩二首

卷三

古

無復如青耀日輝關河難禦雪霜威配宜東郭先生屐  
緩勝西華公子衣絨絨餘清節在蒙戎轉覺旅情非  
只應五月能忘暑披上江鄉舊釣磯  
飯牛五穀事艱辛敝垢于今也足珍十載歲寒曾共我  
一朝金盡尚隨人縱教索醉難沽酒何忍謀新再鬻身  
多白雪中僵臥者先生有此未全貧

之以詩

斷削長錢甚滋培抱甕迂何緣春萬朵猶發架雙株結  
習風懷在繁華夢境徂人間多勝事亦似此花無

刺繡詞

貧女工刺繡衆女云不如繡成雙鴛鴦鮮彩奪芙蓉非  
但花樣別殆亦手指殊褻以綈十襲珍若塔納珠鄰父  
議償直出廢還脚踴售之非其人何異委泥塗晨羞雖  
已缺不以易所須高價良可欲惜此繡工夫

豆腐詩和唐實君二首

屑豆成來有化工初如水乳兩交融盡除渣滓清虛在  
縱少甘肥嗜好同熟落何羨輸淡素蕪蔓亭粥欠懋態  
常餐不用蒸鵝鴨雅稱簞瓢儒者風

休美侯鯖雜俎兼毛時但費水精鹽奏刀劈易銀絲細  
下箸又難玉糝粘盤案能消肉食鄙齒牙回抵菜根甜  
屋梁錢在堪耐直不損郎官月俸廉

補遺事詩集

卷三

五

許山濤編修遷宮允

承華妙選知無輩宿望羣公正具瞻文筆舊留鸞掖重  
官坊今許玉堂兼猶嫌此舉循常格真覺從前是久淹  
秋實春華應並賞九車尚有渥恩霑

旅懷

極目晴雲度遠岑燕吳萬里鴈聲沉開簾看月閨人淚  
對酒當歌客子心世路鷓鴣啼處醒歡場蝴蝶夢中尋  
翻因令節傷懷抱三見春花發上林

遊仙詩

夙齡抱微尚耽翫巖石趣幽討願既乖夢遊茲亦屢未  
辦裝候糧何已命儔侶恍惚泝迴塘伊軋鳴柔艣崖壁

揮翠屏溪雲起白縷習習風微生軒軒霞中舉林霽乍

明晦石磴數仰俯挂藤猿一啼隔谷僧對語轉徑松門  
開遙天嶺月吐虹梁跨虛空龍湫勢飛舞雲海盪心胸

水雪沁肺腑極傲勝賞探忘此歷險懼鎖鑰闕靈關金  
碧豈天府髣髴龍眠可騎白鹿馴相乳氣若冬春交候覺

星漢曙乍疑入圖經倏又迷處所我友杳無際前境渺  
何許營魂猶惘惘神骨自栩栩他年位業圖昇仙有門

戶

歲寒三詠

慈仁寺古松

枝柯猶想像鬱律似騰蛟霜月三更影風檐百尺梢僧

補遺事詩集

卷三

六

跌曾挂笠鶴夢舊棲巢過客徘徊意攜尊坐石坳

郊外沈園竹

愛此湘山色能禁朔雪寒煙光攢野翠天籟落風湍背  
郭堂應好肩輿吾造看此君共賓主鎮日自憑闌

崇效寺梅

塵外禪關靜水花一樹新微冷木部句驚眼帝城春驛  
信愁看汝鄉思惘殺人吳中開最蚤腸斷太湖濱

偕隱篇爲婁東顧抱山作

織簾先生垂青芬抱山先生家食貧婁江淪漣漾月影  
一卷新詩江月冷有時微醉發高歌梧風蕙露皆春和  
問君食貧何以樂家有萊妻躬操作機中縑素禦冬寒

畦中菘芥薦春盤上食舉案敬如賓巾櫛更爲置姬人  
有子能紹父祖業行掇青紫大門閤抱山此樂誠希有  
彤史重見顧家婦練水婁江未別派如此家風可敬愛  
事非日見耳熟聞吾友東江先生云

乙亥元夕姜西溟招同查夏重官友鹿及同年唐

實君查聲山集寓齋分得花字

髮髻凌晨至入門手一又便云蓄斗酒待自相邀遮五  
人先後到翁如集木鴉王客圍爐坐簇作六出花珍饌  
列江鮪法酒名五加君家乏厨娘味乃奪易牙唐子肅  
觴政全部寂不譁僻事窮腹箭搜半徧梳爬其有餘勇  
者一發每五犯他人或缺漏鍊補得女媧酒戶吾最下

集事詩集 卷三

七

厄小僅一蝸一有不中治畏罰甚鞭撻人生聚還散放  
手比搏沙茲與數君子接迹况京華分得膠入漆直幸  
蓬生麻今夕是何夕六街走鈿車兒童雜鉦鼓婦女盛  
笄珈庭宇蟾蜍墮屋角參旗斜良會不易再不樂何爲  
邪明年今日夜爛醉在誰家

雙桂 述先德也

童童雙桂樹濃蔭一畝大寒翠鬱浮空連瀟湘環帶植  
可二百年吾家祖德在宗人望衡宇田亦共溝澮一門  
和氣蒸族稱淳樸最禮法修恭謹服膺寧儉隘到今子  
姓行髮髯存風槩粵自吾高曾詩書尤清麗世澤既滋  
培根柯宜不壞笑予小子而竟與禍會如樹秀一伎

旋遭霜霰敗撫此雙桂樹京德重自慨

茹荼 憫險難也

六齡就外傳八齡失所恃奔崩邁戎馬麻鞋足露趾身  
又抱沉疴骨瘦存枯齒夜讀共紡燈晨炊仰鄰米五踏  
省闢門計偕走萬里幸船上逆灘進寸翻退咫緣梯忽  
墜谷一落萬丈底譬彼茹荼蓼苦乃徹首尾造物易缺  
陷得一每遺二偏此諸艱辛不惜一以畀已矣復安望  
所欠只死耳長跼問彼蒼茫茫是何理

炳燭 惜日力也

陶倚未爲富喬松未爲壽人生宇宙間所貴志業就長  
安多貴遊高車垂組綬以吾觀其人未死骨已朽幼讀

集事詩集 卷三

八

古人書頗亦窺戶牖放筆追所見苦未叶心手力欲逞  
華妙却已呈拙醜愧我耳目隘兼亦疎切究經籍乃蓄  
畚斯夕可耕耨積使學養充久當神理奏少壯歲月虛  
及此補罅漏不聞炳燭光猶可當白晝

谷鳥 求朋助也

谷鳥方春鳴類求聲則應彼此互感召金鐘諧玉磬朋  
儕切琢資合亦有性行苟非臭味投一室亦徑庭  
友多邦彥修名水雪淨居心好抑損秉躬皆勁正文史  
富漁佃光芒發清映縹緲采愛數腴老筆驚瘦硬良辰慙  
勝賞高咏動吟興銷我羈孤愁我膏肓病翻以放懷  
閑得此晨夕訂及時望教督逆旅非不幸

采菽 旃式穀也

田不給餽粥授况海風作官司怒殷課債家又責諾丁  
男有三人皆苦筋力弱老妻齒髮凋允腹半餓三載  
吾羈縻身比繞枝鵲鄉書久隔潮家門難料度救口知  
不暇鉛槧定皮閣既已逢軾軻寧望科第博青槐惜故  
物舍此又焉托緘膝防口過水淵慎履錯善尚不可爲  
敢效汝爲惡詩人采菽義易汝乃良藥

同年翁蘿軒戶部移居斜街東以二律

舊住街南曙色連于今移傍郭西偏教因奉母居三徙  
家亦如官歲九遷稍覺詩筒訓句遠定食廟市買花便  
涼師花市離羣未比燕吳隔總在長安紅日邊

附寒亭詩集 卷三

草堂不用自詠茅何氏園林得舊交宅是高陽相公故第戶部通家也

與友春當鶯集木羈棲我幸鵲成巢雨餘遙嶺煙浮黛  
月上鄰牆樹拂梢如此風光幽意慙小牕可許借書鈔

樂府三首倣張文昌

牧牛詞

大兒驅黃犢小兒騎烏犢黃犢跳擲不可制烏犢馴擾  
隨人使特入草叢時一鳴母鳴犢應如孩嬰今年雨足  
田好耕斜日橫簫牛背平昨聞府帖急星火募民出粟  
許官作去西村某姓賓客賀道路喧傳高軒過小兒無  
禮口誚罵阿兄何遽出人下困中新收幾斛麥我不騎  
牛去騎馬

養蠶詞

桑穗綠簷下箔桑枝禿蠶上簇一畝桑園十箔蠶墨無  
粒粟頭無簪蠶絲抽盡蠶作蛹人亦如蠶眠不動蠶絲  
白似蠶娘髮織就吳綾脂樣滑不中豪家剪作複西吳  
近山多桑田東吳近海多木棉養蠶作絲尚可售木棉  
作布不直錢坊市俠少皆執袴鄉里牧豎亦可惡盡著  
綺綾不用布

採茶詞

山頂地瘠茶窠稀山坳土潤茶窠肥採茶日旰未得食  
茶商買茶不酬直往年品目重陽羨紗帽基盤今亦賤  
京師近興武彝茶次者紫芽貴白芽巖頭僧家皆茶戶

附寒亭詩集 卷三

簪籠箬葉裝束固頭網蚤到河西務一網茶百餅金公  
卿朝衣歸質庫嗟平公卿買茶那敢嘗棄駝送入內城  
去

宮友鹿題北鄰詩二首在便面枉贈率爾奉酬兼

東西濱東江夏重聲山諸同志

誰欺癡詠共斯晨甚有于思美且仁骨力恰如詩勁爽  
風懷還勝酒溫醇孤蹤業許稱同社避舍翻思別卜鄰  
珍重留題狂便面天街特借障縑塵  
五君朝夕每聯鑣高會連旬各見邀幸厠騷壇同研席  
豈期宦海狎漁樵人如弦月迎圓影我比村江落晚潮  
所賴宗工模楷近枯荄猶得發詞條

合肥相公宅憂有白燕來集墓道蓋幸徵也海內

詞人多賦詩張其事余亦有作

燕入懷中兆已成綸扉蚤歲晉阿衡今看玉剪迎風舞  
却值麻衣映雪明華表鶴歸同皎潔樹頭烏哺共嘯嚶  
相公忠孝天應格感動還教及物生

再和豆腐詩

朝餐容易辦行厨負擔無勞入市沽玉印形模方中矩  
肉芝軟美滑干酥太常齋自充腸慣丞相嘗隨有齒無  
世事多從濃處壞淡中滋味勝鮮腴

送同年吳朝若補任武邑

吳前令涇邁

曾試銘鋒盤錯間庖丁此日有餘閒預知聲蹟騰三輔

相寒亭詩集

卷三

三

舊勒文章在百蠻龍偶潛淵終躍出鳧因近闕易飛還

烏衣粉署多同調待爾來參鶴鷄班

同年任萊源朱儿山皆由邑令入補

侍郎

寄內三十韻

不謂衰遲逼翻茲形影睽三年神悵惻兩地話酸嘶憶  
昔依環堵相期飽糗藜君能躬執爨我亦手扶犁課種  
鉅離外看晴畧約西春培笋迸上晨灌韭分畦縫綉肌  
生掌斲髻髻不并膏莢時具肉伴讀必聞雞踰蹬初離  
僑飛騰乍踏梯駭機俄蹈險累汝共含悽未是無家別  
所悲失路迷旅懷差慰藉朋好仗提撕藥裏經時斷詩  
囊到處攜遠人魂夢擾怪此信音稽早勢焚如火相收

賤似泥急難輸戶稅貧莫乞鄰醢女大憂釵釧孫餓缺  
栗梨停棧雙臂痛

開跌損手臂

濕枕兩行啼霜鬢元應換春

郊綠又齊卑官甘放廢元惡待屠到何日還初服先時  
傍舊溪向會力稼穡今是一蒸黎麥熟雲連畝秧抽水  
拍隄釣筒收鰾鱧菱線亂鳧鷖上壽偕兒子傳餐侍小  
妻人間容落托天許出顛隲老健無須杖安榮勝執圭  
循環有反覆轉轂見端倪雪暫留鴻爪秋當試馬蹄漫  
教傷契濶先為寄封題

柳枝詞二首

新綠搓條軟勝絲人前迎舞鬪腰肢無端也被春風折  
却愧青松傲雪枝

相寒亭詩集

卷三

三

鞦韆架北畫樓西籠却笙簫白晝迷昨日池塘歌舞散

黃鵬飛過別枝啼

庭中丁香一本為人畜所損課役夫塗以堊塗用

故蒲蓆褰之以四韻紀其事

生理看猶具於人力可施瘡痍如在體襁褓似收兒繁  
盛花千穗艱危命一絲始知枯樹賦不為得春遲

翁歸來

蓑笠春翠密千簣疾雷抽筍過三尺山妻手捉長鑱行  
嬌女稚孫相扶掖山妻悵然遠人憶阿翁愛此簪龍食  
聞道京師此味珍阿翁欲食何由得屈指離家四寒暑  
即看竹亦枝柯易鄉書曾報歸期近轉眼新年春又盡



奇語阿翁歸乎來有孫今已長如荀

蓮子苦

陂塘不養魚養魚足猶懶不如種荷花千枝萬枝發上年旱涸陂塘廢白藕出泥如人臂今年故恨發新花映日蒸若聞風霞江南六月嘗蓮子薊北此時亦入市家人手擘香透指旅人口爵寒水齒蓮子甘甘如飴蓮子苦知不知南北分嘗心各苦阿翁未便告阿姥

同西濱研谿他山聲山西厓友鹿道泳集東江寓齋文燕分得龍字

儀部官清暇花朝客過從侶能羣野鶴句共探驪龍衰衰風生座遲遲日下春得交天下士淪落亦遭逢

補寒亭詩集

卷三

題畫冊

誰寫清江晚烟霞恍故丘梳翎小鳥倦照水一花秋筆理通神境鄉心落遠洲採芳竹墅外何日寄扁舟

雪中集陳子文戶部齋即事二首戶部前見招以他冗未赴戶部意弗善也故次作戲有諾責之句

仙郎儼直下清班詩社風流收往還雅集開尊同北海雪應共客對西山鼎鑊盡出商周舊人物都如晉宋間自是先生能好事不關小地一官閑

唐詩人稱史部郎為小地

比鄰地隔一牛鳴曲巷泥深信馬行折簡舊曾煩諾責急程祿是赴尋盟停雲有待心傾久今雨能來眼倍明

補貼從前期後會西郊紅杏照春晴

題殷彥來歲寒吟卷一絕句

新詩鮮豔比芙蓉珍重公卿有報書俸薄平原方食粥數行已算足瓊琚殷作饒處詩致諸公有和其詩者故云唐昔京官俸薄顏魯公刑部尚書有舉家食粥之帖

讀晚唐人詩集題十韻戲效其體

舊是吟來熟新如見未曾迎眸濃可染沁骨爽于水秀句飛騰入微言蘊藉能安章字妥帖拔俗氣憑陵嚮去含宮徵揮來中準繩稍嫌逸足騁轉覺碧空澄意與元機會階難躐級登玩常銷蠟炬鈔敢惜溪藤世自矜高步吾今最服膺庶幾窮日力猶可得師承

補寒亭詩集

卷三

為項霜田題讀書秋樹根圖

斯人負逸氣放曠類嵇阮科頭坐樹根託寄良云遠顧乃手一編對此秋容晚當其會心處亦不在書卷翳禽返故林牧笛下前坂天宇渺無垠但覺秋思滿此意不能言知者蓋已罕

輓趙晉襄侍御

令麻城有善政戊辰歲有守城功

豈徒一邑頌神君風節還兼膽略聞京兆猶傳桓典馬雅陽不借賀蘭軍名爭日月垂青史骨返湖山葬白雲著述千秋龜鑑在後生好為錄遺文

送納言勞書升先生省親還石門

詔許清卿省親歸春晴嵐色照驂駟廿年捧日層霄上

萬里看雲一片飛，速養有親此願遂。乞身未老古人稀，聖朝豈便遺簪笏。還看斑衣作袞衣。

二月既望同慈谿姜西溟長洲惠元龍海寧楊顥木查夏重陳子文楊次也仁和錢石城項霜田全椒吳永年武進錢亮工嘉善柯南陔泰州宮友鹿溧水狄立人同年太倉唐東江興勝寺看杏花限七言古體

張安三月氣清和，晴雲捲空白于羅。郭西杏花有宿約，花神恐笑人蹉跎。出郊聯作同隊魚，凡十五人肩相摩。我與姜侯怯騎馬，果下小馬等豪駝。手抱鞍橋欲側坐，平地杌杌皆驚波。錢侯宮侯都部署，後入興勝先摩訶。

補寒亭詩集

卷二

五

先至摩訶寺有微暇晚張筵擁聲伎甲兵關楯呵誰何，侯占此不得入。撥馬紆迴到興勝，入門苔徑松杉淨。心地空明肌骨涼，禽鳥無聲一聲磬。寺僧前導雙扉啟，萬斛春光一夜迸。花氣初酣發紅暈，耀眼生花光不定。火齊欲吐蕊珠攢，海棠雪梨相照映。虛堂四敞鋪地衣，層臺百尺開天鏡。山嵐環疊插翠屏，花霧溟濛浮玉甕。旣行劇遣騎已策應，分曹酒政儼軍政。雄談眼底空千秋，真宰亦爲助吟興。枝頭未開忽盡開，詩人筆與化工競。城市馳逐真營營，鈿車微曉若雷轟。猶幸此花不世情，閑此百畝無人爭。長安此地看花好，此地看花須及蚤。人自匆忙花自閑，不見種花僧已老。湯查二子病潦倒，不預此遊知悽愴。

回頭爲問寺僧道，每年看花幾人到。西崖巖山兩同手，送同年王宗玉之任平湖王武進人。

雙鳬飛入萬花叢，百里春城圖畫中。俸薄惠山先較水，裝輕笠澤好乘風。箕裘家有尚書履，肅公天順相太宰文。臣模楷人傳御史聽，鸞鳳于今原得地。卷阿行集碧梧桐，陸稼書先生邑人也故有模楷之句。

其二

半載聯床話夜分，燕鴻南北恨離羣。彈冠結綬吾何有，戴笠乘車古所云。訪舊宿春三日恨，尋秋閑釣一湖雲。青芻白飯都無用，細雨檐花再論文。

狄庶常立人約三月二十八日同諸子海棠院看

補寒亭詩集

卷三

五

花以花謝不果行，是日鄭宮諭肇修先生招同劉司業宣人陳掌坊謝浮兩先生飲胡氏谷園。薰風扇朱夏，園卉吐華滋。南北異物候，怪此喧妍遲。側聞祇樹林，爛發珊瑚枝。豈謂夕露實，倏已朝英披。心賞乖夙契，神爽弗爲怡。鄰牆得廢苑，花垂葳蕤長。者折東召杖屨相追隨，芳徑散餘綺。高槐蔭成帷，弱羽弄好音。輕鱗漾文漪，勝友簪組集。良譙尊疊飛，談諧寡俗韻。接對皆天機，去彼乃適此。睽合寧所思，清馨襲衣袂。永日亦忘疲，出門望西嶺。香霏含斜暉。

三月晦日狄庶常立人邀同諸子遊賞葛陽相公

寄園

荷差數君子藝林稱雄霸筆底奔波濤風雲隨叱咤鄙  
人朽鈍姿材器豈匹亞今年吟社舉首春已涉夏徵詩  
如責逋看花日不暇相國平泉莊乃蒙片席借複道繚  
垣通曲塘危梁架臺層瞰樹杪藤根穿石罅遠嵐淡若  
無密蔭濃欲瀉名酒珍珠紅新出糟床醉決關各分曹  
其意欲凌跨豈有尚書期亦無官長罵詩豪縱酒狂一  
若觀于蜡姜唐最老成風神獨醞藉我亦歸二老謹避  
退三舍所怯酒戶小逸與堪方駕緬懷古哲人秉燭恒  
逮夜昨者海棠院芳華又凋謝相國裔孫賢猶保此亭  
榭花陰暑未移落英撲檐瓦吾輩逢勝場務此極歡罷  
明發莫催詩宿醒且乞假

紺寒亭詩集

卷三

七

同年何倬雲戶部招同諸子看藤花

尋花到處似搜牢折柬開尊快所遭跨馬喜霑微雨濕  
入門突見紫雲高寶收鐵網千絲絡機織水蠶五色纈  
席上聯吟詩句好恰逢何遜在郎曹

送同年馮敬南任梧州郡丞

萬里南行莫黯然江山能助筆清妍官程寒帶三湘雨  
詩派遙傳五嶺天回首鳳池書漢迴關心鶯谷曉春遷  
治中暫借才賢重不比潯陽夜泊船

初夏得絕句一首

侵晨微雨過庭宇若新沐樹色透鄰牆送此一簾綠  
未知新月上檐前一杯酒忽見杯中影月痕落我手

送同年范筆山出守延平三十韻

四明范先生老成具風格淑質秉貞亮束躬寡缺失胸  
無塵土翳語皆肝鬲出其發爲文章充氣異鬱勃蛟螭  
挾風雨爪鬣恣搏突一範于規矩指不離經術襲者上  
春官羣彥輻輳集一百五十人先生文第一主司互傳  
觀滿堂皆歎息文苑得斯人爛然增氣色民曹小司馬  
兩俱清要職然以處先生猶嫌小屈抑奈何刺遠郡須  
此文章伯先生不謂然浩然中有得內外服王事義不  
容別擇州將非龔官方岳寧卑秩身既親百姓地况領  
七邑龍津落驚湍山峯環劍戟物產云豐饒民俗聞悍  
急所務布慈和亦宜持強直意在興民利先去民蠹賊

紺寒亭詩集

卷三

七

意在風官廉先除官貪墨學豈章句爲文正以經國漢  
家數賢相多起二千石矧茲溪山奇亦足發筆力從此  
八郡人爲文有法則賤子視先生于分尤親睨同出梅  
宜講師門分半席可許退食餘共此登山屐不但陪燕  
遊用紀公勲德

送同年鄭禹梅出守高州并問訊同年茂名令工

令詒

廣南星氣分牛斗山勢戍削水清瀾瑤瑤珊瑚孔翠羽  
文木珍香無不有但恐文教遜中原永得宗工開戶牖  
潮州曾識昌黎韓柳州又見河東柳天教騷雅變蠻荒  
特出朝廷著作手寒村先生一文匠耳白過面今歐九

人清如鵠氣如龍筆端落紙雲烟走自出杼柚扶叮咛  
盡剝皮膚掃稟曰已離水署歷郎曹又建隼旗作牧守  
先生利器迎刃剖如遇有間入無厚燕寢寢香鈴閣閑  
妙緒直與化機紐文瀾萬頃溟漲開千載能繼古人後  
況是遭逢勝古人拔擢本出廷臣右一身官居四品尊  
雙親年登八袞壽父祖子孫自唱誦衙齋此樂豈有偶  
青浦王子同年友僚屬相承聯臂肘政術文章相擊扣  
他年徵拜共還朝合璧都爲一集否

白燕詩爲合肥相公作

時相公方宅愛

王謝堂前故壘依穿檐忽訝是耶非舞衫乍失斑斕彩  
珍羽皆成縞素衣孝水點時增潔白相麻映處亦光輝

紺寒亭詩集

卷三

五

異徵他日垂青史應繼包公起合肥

包孝肅  
合肥人

送同年吳青聲之任祥符二十韻

豫襄臨中土坤輿據上游蜿蜒聯嶽勢環帶束河流赤  
縣股肱近黃圖指掌收廣輪踰百里綱紀領諸侯行省  
旌麾駐通津冠蓋稠未能辭况瘁亦易困誅求重地需  
高選斯人是拔尤禔躬風檢峻涉筆綺霞羞汗血初馳  
坂奇毛乍脫轡政和宣惠愷才捷釋紛糾廉白同水蛟  
剛明濟水柔閭閻依大厦臺府借前籌燕坐香凝寢開  
觴月滿樓羹門古蹟在梁苑秘思抽指日飛雙鳥他年  
擁八駟河橋今折柳山驛正噴榴遙翠勻螺黛征軺護  
碧油故人方逆旅官署漸新秋維佩勞投贈郵筒未阻

修簿書倘暇逸詩句待吟訓

古鼎圖

其青若翠羽其丹若雞冠三足上承附兩耳可貫銀欵  
識無年月富在夏商間吾聞昔大禹鑄鼎辨神茲應魁  
破膽走不若不敢干誰爲貌此圖猶見色爛斑光氣方  
豔發慎莫輕傳觀

紺寒亭詩集

卷三

紺寒亭詩集卷三

終

紺寒亭詩集卷四 古今體詩一百一十二首

嘉定趙

同年王木伯注選得湖南之綬寧令意若有所不  
然者賦長句贈其行且以慰之

君不見陽林日暖土豐肥樹未十稔已十圍輪囷夜滿  
速朽腐厥質不中斤斧治又不見千尋柟樹生陰岡危  
峯絕壑相低昂根柯磊砢鐵石强大匠乃用作棟梁吏  
道于今稍稠濁注銓未盡奪科目朝家俾汝司民牧豈  
可居官但食肉王于西秦卓犖才筆與灞漭同奔放氣  
共終南太白爭崔嵬接對令人鄙各釋恍若春水融東  
秋爽開謁選乃在衡山之南桂嶺北萬峯環挿溪潏洄  
紺寒亭詩集 卷四

枕柳柳于充廚傳豬都熊館伴衙齋山城僻遠地硤堦  
得無紆鬱傷胸懷嗟乎人生歷境不必皆膏腴腸胃脆  
薄勝理疎漱滌清泉弄白石礪汝骨幹勝馳驅君材自  
是天廟儲豈肯蔽芾同薪樗當今 聖人真有道明堂  
辟離方營造千霄大木故應少上貢闕廷知及早風霜  
水雪慎護持當為天下重此寶

家二聞以僉憲分巡充東詩以贈行俯仰今昔慶  
茲遭逢且申情懷故復有末章之云

口銜天憲壓諸侯都水監司管鑰收一柱障能迴二瀾  
雙旌遠直控三州宣房宮束桃花浪太白樓開齒苞秋  
况是君門親舍近長安只在五雲頭

其二

新又堂開憶戊辰奇園中堂名戊辰三月十年往事好  
重論昔逢牛李參商日今是韋平嗣續人青瑣風霜存  
舊草紫泥雨露沛新綸吾宗天水根株共可許欣榮也  
得春

送同年侯開公之任資縣

賤子孤窮如趙壹多君俠烈似侯嬴肝衡論事須眉動  
感激知心涕淚橫酒一尊傾祖帳蜀山萬點送官程  
東川寄語蒼溪令謂錢子道我吟多太瘦生

送家慎齋之任安義四首

遠赴南州戒首塗蕭然襤被一琴俱到官莫厭齋廚薄  
紺寒亭詩集 卷四

彭蠡平吞萬里湖

五老峯前江似帶滕王閣外月如環鄰邦南北相唇齒  
南昌新建武寧德化新任君在康泉讓水間  
昔同年安義居南北之中君在康泉讓水間  
暮裏蓮花照水開為掌書記登樓嘯咏共銜杯三年  
最續朝天闕挾得關東客子來

宗人同榜推才俊武進新河兩不羣戊辰同姓四人常  
三人慎齋新河人武愧我衰遲岑寂甚廬山為寄一葉  
送同年張魯生之任高明十韻

桂海雲天末春州嶺嶠間驛程雖悵遠王事未投艱課  
蚤秋先辦風淳古易還經時稀案牘出郭看溪山瀑響

春琴筑峯橫疊髻鬢舊坑鸛鵒眠文木鷓鴣斑地出嶺溪石  
力自是民豐阜何愁吏曠瘼銀章行晉秩玉筍舊同班  
話別情難剖論交分未慳旗亭方繼絕谷鳥正綿蠻

送同年房相崖之任萬縣

黃牛白馬漲難消百丈牽船上九霄襟帶長江盤水口  
彈丸小邑插山腰親朋餞少知官冷僮僕裝輕是路遙  
却喜邊州吏事簡政成容易召還朝

常少宰尊人雙壽詩常又兼翰林院學士

昇平垂奕葉英哲挺魁梧鸞鵲騰儀采麒麟上畫圖勲  
原追賈鄧族欲壓崔盧戟列朱門峻章懸紫綬紆珪璋  
傳國器霄漢躍天衢身比千年鶴人看五色雞銓衡周

紺寒亭詩集 卷四 三

少宰領袖魯諸儒門盡登龍舊庭還效鯉趨瓊林花四  
映旭日樹雙扶象簡文犀銙魚軒夏翟綸臣清真似父  
婦德一從夫滋珠櫨梨並調娛琴瑟俱芳辰欣設悅同  
甲近懸弧舞袖翻鸛鵒歌喉響鸛鵒池紅浮菡萏酒綠  
插茱萸客入操塢杖孫嬉採蠟珠漏欄傍帝宸珍錯出  
天厨寵異宣優策儀同筦要樞德門繁社集聖世渥恩  
殊永錫人難老徵祥事豈誣

康伯寓齋看芍藥歌同西溟東江研谿查田聲山

霜田六謙文子倬雲亦坪諸子作

主人愛花住花市圍戶裝送如輪租後圃前除無隙地  
入門爛若璚璣鋪主人愛花又愛客庫中貯酒常百石

退朝尚未解朝衫座上賓朋已脫幘對客看花笑口開  
不計郎官月俸入一日不飲不看花自言何異魚離濕  
京師四月花事集芍藥羣芳稱第一猶膏膩白猩紅殷  
高者起樓大徑尺主人不欲走馬看欲使邸第繁盛成  
巨觀大車小車捆載得頓覺豐臺千畝春闌珊定州白  
玉磁湘江斑竹闌霞蒸霧涌萬朵攢髣髴丫頭花面堆  
風鬟主人特出南酒治豐膳浹旬召客皆分班今者詩  
人海內士名輩不必定尊官一觴一詠有高韻丰格宜  
如晉宋間主人無錢性不慳主人官忙性好閑賓主相  
看兩不厭名花相對追清歡豪家不少看花客如此風  
流良亦難

紺寒亭詩集 卷四 四

贈金汝砥官詹事府錄事家洞庭山

更隱風流繼昔賢秀眉黃髮及耆年薊門烟柳聲華地  
林屋巖扉洞府天管領湖山原作主徊翔京闕當遊仙  
宦成倘憶滄洲趣吾欲隨君上釣船

乙亥六月座主宛平相公具疏乞休以耆舊大臣  
方殷倚畀不允所請明良一德致茲隆理齒未懸  
車奉身思退顧乃晚念忠勤用滋裨補君臣恩禮  
近代罕覩忝附門牆與被榮寵恭紀盛事以備珥  
筆者採輯焉

三公坐論道不共百職列萬幾從此理四聰由茲達古  
者難其人無人官則闕後或稱令僕名實云消雜國家

設六曹庶務既鈴轄內閣象三台端用贊密勿制蓋倣周官事皆應古法相公命世英志尚卑管葛不矜已技能務汲引才傑不形喜愠色度量包闊闊坐致清和理削平三孽孽躬逢堯舜主言無不聽納凡有所勛勩潛機嘿開豁退不尸厥功禁中語不泄山嶽出雲雨潤澤在萬物不能言所利無可見施設年力雖逾耆臣精未耗竭飲啖猶雄健視聽極清澈念久柄鈞軸功成奉身乞前者且疏陳情詞吐剴切汝惟一个臣尚詢茲黃髮王言霽如春來章勅斷絕今茲夏令屆溽暑蒸濕熱忠勞所鬱積小覓病痛發拜俯滯屈伸白謂腰脚劣沐浴具衣冠再疏申前說臣願糜踵頂臣衰減毛血中

謝東亭詩集

卷四

五

書政根本典司王喉舌 聖主優容臣臣戰懼隕越

帝曰吁咈哉遣官傳詔答汝世篤忠貞汝蚤侍 禁闥

世祖章皇帝廷臣汝簡拔遂留以相朕四十年一節

汝尚未衰遲汝益加護攝平章軍國重不以煩瑣屑五

日赴都堂休汝筋力乏公拜稽首受仰視 天顏悅虞

延明穆交殆于今爲烈彥博呂公著方茲良已幾當公

引疾時舉朝氣爲奪奈何樂烟霞不上扶日月朝則有

大疑於誰乎剖決遠近頗亦聞謂公若是忍何不留政

府公豈不我潯及公出視事中外歡聲徹景運際隆平

邊鄙皆寧謐人物育其間無疵癘天札邇乃汾晉災亦

傳吳會溢 聖世不爲診予辜若已捷行見和氣蒸天

心將轉幹調變功用全大化無漏缺曰寅亮天地作六卿表率請爲社稷留請爲蒼生出相公營邱第仙靈一窟穴巖岫通香冥軒牕迎月雪郊墅東山莊花藥繁如繚未暇自娛嬉四海想餓渴後樂先人憂芳躅追前哲欲遂林泉遊他年臻耄耋盛事今所希史臣備採掇

康鉉出宣德紙作畫見贈因題三絕句用酬其意

坐覺林壑烘染勻溪藤癢眼墨痕新先生妙手天機會

能使枯株再得春

自愧無成成懶散如君宦達亦蕭閑要知彼此忘言意

相對長松片石間

矜貴尋常不爲過百朋特爲慰遂窮邠卿珍重題年月

謝東亭詩集

卷四

六

正在孫嵩復壁中

送查夏重遊大梁時考取中書舍人夏重不就考

輟行

君來雪作花君去秋尚暑君昔來何爲君今去誰主問

君君應不自解睜目注視無一語君不見中丞餘杭官

坐御史府廚傳無烟空轡笠中書舍人兄枝官其在先

生又何取眼光當出牛背上羞與傭保雜作伍一鞭月

黑蘆溝曉行囊半卷新詩稿瘦馬獨吟秋色老蘇門林

慮插晴空吟興聲身入飛鳥繁臺梁苑久無人要待先

生發文藻所惜吾徒多潦倒詩社推君長句好今朝祖

餞唱驪駒四座相看色悵悵嗟君此去苦亦樂座中有

客雙淚落君今四海多逢迎我今一身暫棲泊看君南  
出廣寧門何異雲鴻上寥廓冬春倘得脫樊籠訪舊亦  
期向河洛君能遲我梁宋間便欲與君訂夙約

康伯作畫竟爲題董文敏舊句有不把聰明持贈  
君之語復作三絕解之

雨餘石徑淨無泥竹樹平岡不厭低便欲移家來此住  
此中聞道有愚溪

分君才藝真能了乞與聰明些子兒剩有癡飲堪報答  
投桃未是失便宜

人如錐銳我如椎人盡雄飛我伏雌檢點平生亦定分  
東家朱許學西施

紺寒亭詩集

卷四

七

贈嘉定新令

吳儂此日快遭逢豈但循良一魯恭如早望雲能作雨  
若苗有秀最妨農萬間厦廣叨安宅百鍊剛成正及鋒  
聖主方求強項令巖廊會見策勳庸

同年何倬雲戶部以畫扇索詩爲題絕句

極天圍處萬峯環觸撥鄉心髣髴間記得吳儂霜落後  
橫塘橋外看西山

自檢詩稿四題

與到詩成信手拈苦吟轉覺意難厭還嫌棘澁同菱刺  
梅聖俞詩苦詞未那便中邊似蜜甜蘇子瞻論陶柳詩  
如人食蜜中邊皆  
甜  
謝米乍春時節未得錄語丹非熟候火須添自知仙

骨何由換欲進真如上竹帖

王瞻形應考中書至京以不得與試南還作詩送  
之得二首

千里承明詔其如格所司豈知鴻鵠志不惜鳳凰池  
秋賦充應首春官上未遲遙期一載後我去又何之  
夙昔相期許平生願未乖霜蹄終奮迅劒氣不沉埋我  
得翻非福君遲正復佳文章能問世畢竟在吾儕

王麓臺都諫以畫擅名當代矜重不妄予人查季  
廉夏重贈詩一章王遂以畫酬儀部唐東江和其  
詩謂不宜啟此例便令斷後余甚不然之爲破其  
說依原韻呈一首

紺寒亭詩集

卷四

翁子日下直坐對蒲桃架名畫共品騰微茫參造化吳  
中舊手誰太常宗伯亞都諫得家風高如並太華時賢  
今林立都未追逸駕氣格分雅鄭純駁辨王霸琬琰不  
易求匪但日不暇倘許尺幅賜合以綺錦藉翁畫亦偏  
古氣乃肯相下孝廉五言呈遂爾百城借詩老畫筆善  
彼此互驚詫巨能包眾壑細至無一罅循例將陳請韻  
險吾未怕好事古罕聞風流見亦乍儀部飽炙人不使  
人知炙載書申屬禁壁屋許田假用意良不惡欲重先  
生價息壤旣在彼寧以拙劣謝稍能窺妙理吾或非田  
舍

送友佐戎江寧



南出桑乾指蔣州雍容裘帶最風流龍潭月曉千帆影  
燕子磯寒一劒秋名勝登臺堪作賦太平無事覓封侯  
吟謝好仗郵筒便烟水微茫憶舊遊

題荷花畫扇

初日迎眸秀可餐孤標擎出蓼花灘世情誰似濂溪叟  
敢把青芬壓牡丹

虞山黃尊古于扇頭作松雲疊障圖

清欲寒肌骨悠然對壑丘瀑懸千樹秒雲上一峯頭昔  
憶扶筇入今思閣枕遊十句恐未徧尺幅已全收

自五月至八月苦霖潦中秋夕忽開朗月色浸庭  
中如積水蘿軒戶部席上作

紺寒亭詩集

卷四

九

西山雨氣勢欲吞畿南畿北白晝昏陰雲罩樹未撤幔  
飛瀑注簷還翻盆十句幸一澄夕霽五更俄已失朝暾  
龍舟簫鼓既銷歇鵲橋星漢尤沉淪一年佳節復有幾  
坐此不樂心煩竟屈指中秋最新爽年年對月開尊賞  
今年人意却徬徨正爲天心難倚仗朝來白霧漲烟濤  
頓起狂飈振林莽天公面目久埋藏特自主張一掃蕩  
碧空一片磨青銅山缺木輪已湧上澄澈萬象見秋毫  
始覺四方上下廣槐椿疎翠印前除菱荷交加水泠泠  
主人命酒集高朋急管繁絃發清響林間鳥鵲忽徘徊  
應際花枝乍俯仰開簾人醉月當頭月亦隨人欲墮掌  
人生佳景須歡娛對此不歡計則愚聞道江南苦淫潦

湖波十丈溢具區燕吳千里共明月能得清光似此無

送周明揚還吳郡周忠介公孫時與羣從乾益偕  
行

客中送客黯銷魂半載襟期酒一尊謝氏風流兄弟並  
楊公清白子孫存言傾肝膽矜同調思入毫芒許細論  
昔以所業屬余點定剪燭西廕知不遠明春歸定過吳門

虞山周乾益謁選郡倅需次南歸期以來春到都  
詩以爲別

宦遊行欲駕驂駟文譽年華比陸機鵬翼猶爲六月息  
鴈羣且作一行歸及探吾谷霜林晚莫戀東吳葦菜肥  
轉眼故園春事蚤驚花晴色送征衣

紺寒亭詩集

卷四

十

題畫幅

麋鹿呼羣飲澗濱樵蘇徑斷鎖松筠巖棲定有高閑者  
世外還應著箇人

結交篇爲忠介公孫周明揚忠節公孫魏超宗作  
緬昔乙丙間拯人虐焰熾緹騎出縱橫忠良皆逮繫魏  
旣檻車徵周弗鼎鑊避吳民激義憤頭頭拔毛易當時  
物論歸二公尤完粹往事今百年父老猶涕淚兩姓迄  
三傳家風不失墜茲觀兩裔孫波瀾故莫二一如解條  
籠一仍謹銜轡清俱璠璣姿重皆鐘鍊器雄文驚駘宕  
直已羞靡媚肝鬲傾素心須眉餘勁氣以此想前徽  
鬚知肯似吳俗嗟波頰紛營榮利嗜有若兩中表

見亦未業能世其家蓋亦有天意公卿滿京朝顧誰能  
賞異二子不以屑浩然天地際所取繩先烈不在名位  
貴人生三不朽立言已云次芳規豈外求彼此相鏤礪  
驚鈍如鄙人可許共把臂

奉呈阮亭先生五首

大雅今誰屬扶輪有鉅公體兼六義備氣得五方中俯  
視羣山小孤行薄海空顏波重復古手障百川東

穠豈沿溫李蒼非襲杜韓光芒涵不露神用出無端鼓

吹唐虞盛包羅海岱觀漁洋徑路絕何處步邯鄲先生詩名

遊洋山人集

高名鮮貴仕公獨歷公卿地肯脂膏潤身非綬冕榮詩

紺棠亭詩集

卷四

十二

工官自達人淡句同清此意真凌跨千秋不敢爭

夢想風儀切今茲薰炙親躬逢名世者驚見謫仙人島

國傳圖畫天朝比鳳麟泰山幸咫尺對此玉嶙峋

鰕生性魯鈍况又辱泥塗創閤檐前雀恩推屋上烏故座

主鄭司寇時向先生稱豈徒勞齒頰還冀入鍾爐三昧及余先生每謬賞焉

宗風在詞門許達無先生有唐詩三昧之選

寄園十詠為家給諫恒夫公作六言

狂青閣

黛螺叠出千層雲樹看成一抹隱虛作勢可吞山動飛

來欲活

無波艇

塵世風濤匝地茅齋安樂成窩所遭雖動不動縱然有  
波無波

新又堂

劫後園亭無恙庭中卉木皆春持節正銜新命賜環尚  
有舊人

見心亭

隨時應物皆在何必老衲同叅曳杖巡檐有會圓月影  
落前潭

獨倚樓

置身天半極高放眼秋空亦大意中欲覓可人宇內未  
知若箇

紺棠亭詩集

卷四

十三

柱笏軒

曾此伏蒲畫地于今凭檻支頤青山排闥知已白雲出

岫有時

鶴阜

健翮踴躍掠地圓吭嘹亮聞天帶箭還山往日銜書赴

龍今年

瀉玉

銑鳴環佩有聲蕩漾淪漪可愛家有紺寒小溪余家有水亭名

紺源當出一派

雲臥

峯頭縹緲一絲松頂氤氳萬狀夢中冉冉雲端捧日又

來天上

超臺

登眺未踰闌閣高噴自出樊籠若欲別求世外便是猶落寰中

壽高少詹二十二韻代

蓬島真仙府璇霄上帝居誰爲香案吏來校石渠書太白星精出崧高嶽降儲茂醇追董賈綺麗奪應徐祕殷雞棲近清階鶴禁除便蕃榮錫馬褒寵特垂魚密勿諮詢及賡酬燕賜餘手操勞正斧針借指南車出不言溫室休還宿直廬賢勞看日懋忠惓惓得時據倚注高齋舊綢繆晉畫初納行百揆宅擁具八摺輿報國弘儒術娛新來事詩集 卷四 三

頌京江相公母何太夫人

鐵甕雙峰峙銀濤萬里蟠江山相枕帶氏族舊衣冠慶已綿三世尊今總百官卿材家譽早庭訓母儀端節蜜祇承肅輝庖撫御寬齊眉食舉案和脂課嘗九叔德生申甫清風比孟桓一襲方簡界五鳳盡飛搏力分勞勛陳謨効責難始終一節白鳳夜寸心丹中微機猶憤

持廉昨自乾服章八命錫珩佩六宮看環海爲霖偏慰霄濃露溥秀林交舊翠慈竹覆檀欒福祿純休介期頤聚順懽拂簪碧漢瀉入座綺霞攢仙果傳鉤盾天廚賜設盤羣公皆祝嘏上相勸加餐齒未凋顏鬢身疑挿利輪恍追蓬島宴不數板輿安竊附通門契羞因結綬彈雲泥時渡落枯苑跡單寒欲晉登堂拜還同坐井觀收叨蔭似樾但沐氣如蘭

種菊詩爲翁蘿軒賦

百卉含華滋紛然雜紫綠厥類名品殊各各抱芬馥昔賢性所欣殆亦意偶觸淵明淡蕩人高亦不在菊物論易拘墟便謂斯人獨孤山或種梅子猷曾看竹當時意

新集事詩集 卷四

十四

云爾非必嗜好酷夫豈格韻標而顧藉草木士苟矜風尚牡丹亦療俗蘿軒才器偶利切藍田玉能撥曹務忙靜對清于鵠終日蒔花藥砌下繁英簇自引連筒澆手捉長纒劇芍藥初藏根菊枝又繞屋曉露映疎簾庭戶成麗鵬畫筆入逸品潑墨作巨幅雖處市朝喧趣若棲巖谷擾擾長安塵別自出眉目斯花對斯人比况良不辱隱逸誠堪怡富貴亦可欲先生位置間兩者將焉屬登堂嘑其哉內觀理澹足耳食每膚論所見則已格佳展霜未繁槽床酒正流賓朋折簡招重茲勝遊續花神嘿相賞幽意如可掬長年對此花共分此清福既爲先生評即爲先生祝 九月十一日值其生朝

送項霜田還杭州

君不見渥洼水生汗血駒不列天開騁駑駘乃在大行之坂負鹽車又不見豫章千尋大蔽牛偃臥無役工師求風水利使沉沙洲天生殊尤天不惜令人扼腕三歎息咄哉項子人之特腰帶十圍身八尺眼如望羊口懸河胸有五車富學殖筆掃千軍弓彎五石真可下馬草露布上馬手殺賊何不使之管筆直承明黼黻宗廟酒朝廷不然亦宜揚威萬里制一道開府建牙總征討激昂鬚眉露鱗爪奈何長途瞰躡色枯槁上不能取公卿下不能博科第儒冠罷蔽風霜老即今南征策蹇驅雁聲嘶壓槐柳疎放舟兩峯夾西湖自吟自嘯山月孤男

謝東亭詩集

卷四

七

兒四十功名未成就那肯負此瓊姿瑋器守菰蘆天子富今開弘文須君高文典冊煥星雲又聞推擇大吏鎮邊州亦可腰懸金印覓封侯嗟乎天生大材豈淪落埋藏光氣終騰躍莫謂世無匠石無伯樂

虞山黃尊古善畫索贈詩得涌字似字

畫水波淡澹畫山峯峭聳秋空天次寥春到林蔚蕪閣若勞巨斧鐫若披細氈妙手通神解要在氣韻動素壁掛生綃樹石波瀾涌見者耳目換栗然肌骨悚須知元化始發生有根底胸中具結構揮酒中條理拙工求形模所辨在生死子既造深微默能契厥旨吾非知畫者應說聊復爾

吾行山谷間烟景皆可寫林樾鬱窅窅流激湍瀉世人不真好乃復求其假尺素等球圖不吝百金捨云愛骨格似似馬終非馬既以真故好圖寫奚爲者正爲抒胸次筆韻發瀟灑酒醞醞書萬卷于此吐風雅今將論畫意與君結吟社去探奇絕境並馬西山下

送同年盧認齋之任懷仁

嶧陽產琴材其響應宮徵惜哉天廟器乃不充任使雲中古阨塞城堡近邊鄙飛狐萬峯環彈丸落谷底先生驅車行不以介憂喜設官作人牧事匪專利已壤地云僻瘠展布將在是有民可拊循我父汝我子有士可師率我長汝我弟裔故俗不澆剛乃姦易止豈必鄒魯邦

謝東亭詩集

卷四

七

而奏風化美先生惇友誼病瘰如在體憫我顛連故常引爲已恥以此保蒼赤夫寧隔膜視次第觀政成期月而可矣羽儀上闕廷吾當拭目俟

送同年楊慎齋之任光山兼問訊祥符吳青聲

君名起嶺嶠我跡滯燕臺卓犖今無匹輪囷老不材潤常加煦沫蹇乃惜虺虺爲倒囊中粒偏吹燼後灰三年曾未倦萬里是重來出宰推儒術名邦得賦才楚山濃帶雨汝水駛奔雷俗使儉荒換春從星紀回行徵作棹用不次積薪催自歎鷓鴣奇還防鷹隼猜舊交猶剪拂故物復胚胎卹便追霄漢空知仰斗魁天看中嶽近地出大河隈爲語祥符令何時共舉杯

送同年劉尉公之任靈壁

劉魏環先生同里故落何及之古人贈言之

義

匹馬淮山指斗墟平生蘊積一時攜駭機乍出驚弓後  
劉近爲州製錦今看游刃餘仙吏風流應拜石官廚廉  
白有懸魚邑產奇石水澤多魚魏公郡望君能繼前後勲名可得如

初冬

尚涉初冬候俄驚朔氣催月穿檐似雪風入樹成雷瘦  
竹槎枒立寒花勉強開包含春意在即此是栽培

題畫竹

拂梢已挺千雲勢倒地俄成壓雪枝知是畫家逞筆力

集事詩集

卷四

此君推折不禁持

查聲山湯西厓二編修同時遷居椿樹巷過訪之

見兩家圖書皆挿架喜而有作

此生不恨蹉跎一官晚但恨讀書蹉跎不曾破萬卷却  
喜寓郎閒日力補貼工夫差自勉去年儀曹東江家今  
年戶部難軒館當其退食罷朝參共討精微訂駁舛浙  
西玉堂兩翰林南里東街互瀾連車塵十丈汗淋漓一  
旬未得一息欸卜居同住椿樹巷比隣不復辨鷄犬我  
一聞之色飛動布襪青鞵足接踵入門未及修寒暄瞥  
見縹緗萬軸充屋棟彼既圖球陳此亦雲霧漏恍有異  
采耀眼光更來古香撲鼻孔家具只此五車書囊貨全

損七品俸左唐右姜前吳郎直似五星奎宿拱以我邀  
遊諸老問經史子集探各種不用借書償一甌何異百  
城我自擁有人問我何特一階得我方坐君齋頭鎮移  
日漱滌芳甘窮幽蹟揮手勿言且謝客

陸詔九所藏王麓臺都諫畫幅索題

六街塵空如漲海西山疊翠兀天外側峯橫嶺不得見  
但隔城頭望杳靄先生豈有移山術寫向鵝溪絹四尺  
山容夾雨石氣青瀑布捲簾林霏白危梯置級羊腸紆  
老樹挿坡箭幹直嵌空矮屋懸厓半斷逕小橋跨澗立  
動蕩疑是蛟龍翻陰森怕有鬼神出我見此圖適被酒  
逸興亦隨山飛走先生許以詩易畫箱瑟至今慚出口

集事詩集

卷四

六

陸生得此夫豈偶萬斛雲烟落汝手一餅黃金未易求  
勝睹宣城一太守寓齋展卷共臥遊不問此圖屬誰某  
人間珍玩固已多何必收藏乃我有

西厓招飲阻雪不能赴

雪意浮空動衝泥怯往還尊前一席地門外萬重山旅  
况真成惡軟場如此慳微吟俄得句亦足破蕭閒

送宮諭鄭芥舟先生請假歸侯官

山行曾度仙霞關水行曾下黠溪灘裂崖峭若刀斧削  
危礧森若劍槊攢吁嗟乎難哉猿鳥偶从愁魚龍雖然  
此路之難未若仕路難人言長安樂西笑開心顏此知  
長安樂不知長安之難令人蹙額摧肺肝莫云山嶺峻

此間平地起峯巒莫云水端惡此中談笑生波瀾丈夫  
豈必輕軒冕九鼎亦須嘗一衛人情未遇望貴顯已顯  
又望官階轉特從既欲兼藩輔儀同自覺卑黃散必待  
功成始拂衣只恐抽身悔已晚卓哉鄭先生四十年來  
擅文苑東序金鐘鏞清廟玉珪瓚官列水衡提水鏡資  
勲正合升樞管天機深世機淺歸興農宦與懶故園山  
水風月寬頓覺鄉心一夜滿傾都出錢上東門霽雪晴  
雲爲點染醉吟坐蕭安樂窩所過溪山皆平坦請急還  
朝有程限故園此席恐未煖先生微尚吾已喻不向人  
言契者罕吁嗟乎丈夫勇退當急流富貴無常有顛蹟  
人謂先生高吾謂先生智他人居其難先生居其易浩  
浩集詩集 卷四 七

落胸襟無一事先生此行真得志但自怡悅自逍遙莫  
教長安知此味

所遭

筆墨日于役驅馳身所遭只緣吾老賤不是獨賢勞借  
此消閑晷翻如任劇曹若論神世用曾未一秋毫

同年陳煥翰庶常出宰秀水脂車待發奉呈二章

用申燕喜亦道離懷若乃義敦贈處體備勸規敬

以古賢相期或未獲異我友平湖令君王宗玉同

志友也與秀水鄰比故問訊及之

視草鑒坡墨尚新驚花暫別帝城春儒林此去稱循吏  
王政何先在養民滿袖香攜今徧野一條水定不沾塵

承恩再入鵷班裏猶識當年侍從臣

每從京邸奉清輝性韻剛仍不我違同出陸公臭味近  
况連吳郡齒唇依脫驂此日先分俸駘座忠言是佩韋  
政績當湖知競爽輿人聞已頌聲歸

頌袁夫人 總憲王儼齋夫人

王謝衣冠盛楊袁閱崇勲曾留漢代譽獨秀江東秉  
哲多人傑溪閩有士風熙時今際泰名世又生崧器業  
包含大文章製作工憲邦尊吉甫亞相秩司空國仗忠  
貞力家資贊助功貴由苗太保德配呂申公巽順幽閑  
性坤柔淑慎躬高堂如篤棐同室亦和衷庀政朝廷肅  
推恩雨露共清芬流女史式訓及王宮翠映烏樓柏春

集詩集 卷四 八

生鳳集桐紫宸方簡昇黃閣且儀同匹調賢相敵成還  
代有終海桑迎曉旭庭樹發新叢前烈衣聞遠休徵食  
報豐龍門叨汲引燕石賜磨礱蓀茀祿光榮被徽音頌禱  
窮千秋長局奕五福正中融

以詩索麗臺都諫畫欣然爲余命筆聞其將成再  
以四韻催之

晴牕好拓睇釐箋面目廬山許爲傳十日定能成水石  
一堂想見走雲烟若論酬直應干絹却喜新詩算萬錢  
昨夜畫圖先入夢香爐峯下聽鳴泉

棄婦辭

妾本民家女結束隨時妝眷言被光寵幸登君子堂君

家盛姬腰寶髻縣明璫獻笑吐妍詞蘭蕙含芬芳妾逢  
君子怒身未愛君牀入門弗問諱乃云言語傷妾身本  
疎賤廢斥理亦當側聞古賢聖未或厭規防妾后脫簪  
却焚姬味不昔妾感丘山重冀欲裨毫芒不獲申微悃  
理我嫁時妾妾語誠乖忤妾意誠忠良妾去已決絕妾  
行尚徬徨所希妾言用不計妾存亡但得去後思妾言  
何異終身承奉君子旁

送郝純菴侍御致政歸霸州

知維西臺獨坐尊朝堂舊有直聲存尚書曳屣難兄弟  
學士垂魚長子孫承宰恭定公為公兄今于權今官翰林綠野林泉依帝  
里鑑湖風月是君恩白頭人九齊眉在偕老何須隱鹿

門  
卷四

塵網

文史娛嬉性所偏何緣塵網又相牽臨門督促追官課  
按月關支少奉錢王福自知巧者賤末清差比巾人賢  
倒懸未為碑文誤我友能為授一塵

送同年戴仲升之任臨邑

托契於今二十秋鄉舉同行藏却似對沉浮朱衣入座  
君藍尾青眼相看我白頭渤海賣刀風再見傅家理縣  
譜新修傳家家有理縣譜仲升同榜鷺鳳自是冲天物  
莫笑枋榆有鸞鳩

惠庶常研溪出宰密雲以一律送其行

斯人氣孤迥飛瀑落蒼巖筆攬東吳秀書探祕府函文  
儒麾出宰詩伯帶頭銜冰雪原無滓風塵亦不凡  
稅駕自茲始風流何處攀吟鞍山入郭官署月臨關草  
木迎春發鶴琴終日閑朝家須著作遲汝舊仙班

歸里

芥舟南去月溪來社燕秋鴻兩不情薊北吟鞭晴雪裏  
江行正上子陵臺

席上戲為四絕句

金蟲碧鳳綴明璫全學丫頭花面妝見說長安歌舞地  
春風不屬杜韋娘

卷四

順隨檀板動朱脣珠玉無言故自珍座客漫勞親勸盞  
知他眼底有誰人

客華照席綺霞羞供奉今班第一流猶為紅顏嗟薄命  
漢家故事合封侯

女三為祭美無度人百其身死亦甘縱使小青今日在  
門楣知是不如男沈周三旦皆常熟人

再疊前韻四首

有時蟬冕映貂璫高髻俄成宮樣妝若許雙飛同被寵  
誰人應喚小娘娘龍川雜志有大娘

愛殺櫻桃一點唇子山曾是掌中珍他年出牧臨江夏  
認取青油幕下人用蕭韶事

偷晴滑笏似含羞香汗歌殘爇欲流豈是破瓜年紀小  
破瓜二八也家文 十三早襲富平侯  
象形人或誤解 一時粉黛無顏色分得餘桃味最甘拋却萱花栽夜台  
但能獨念未宜男

許月谿壁上作老梅圖歌

山中昨夜疾雷過春意迸空寒色被整底失却老晴龍  
飛到瑤坊偃蹇臥鼻觀旁鬚聞古香紛紛撲面蒼雪京  
乃知畫師逞舊手寫出雙枝屈鐵十八長槎桺攫拿鱗  
爪動根須怒磔之而張我初怖畏不敢逼久覺花魂詩  
癖兩相入疑有遊蜂戲蝶穿牕隙月溪家在三山曲千  
樹梅花圍老屋上有層樓高插雲下有清流寒漱玉一

新樂亭詩集

卷四

三

朝走馬長安市何異隔斷弱水蓬山三萬里紙牕月白  
不能眠試作此圖自比擬吾欲先生添後筆更竹疎松  
相間植歲寒之友共晨夕面目水霜心鐵石他年宦海  
正茫茫筆亦塵勞泥殊墨再欲貌此冷韻幽姿豈可得  
上元前四日西厓招同西漢東江漢瞻西齋小飲  
限用昌黎贈張秘書韻

門罕雜賓至剝啄靜不聞入座先一士聯鑣得五君尚  
不辨客主何况乃禮文神怡水釋凍氣盛山蒸雲挹彼  
有字爽吐此齒頰芬東西若樹黨東江與西厓西少長  
仍同羣鴈無苛政設詩竟險韻分地皆千乘賦勢吞百  
萬軍音響淡人古滋味醉易醺庭竹映孤翠瓶花助氣

氤雅集昔所記此樂吾亦云素懷殊蕭散清謹起糾紛  
周既遺房累何未厭腥羣誰為代樽俎絕倒歌帽褰尾  
旆非被楚口鋒莫嘲蚊用范石雷陳誠膠漆曾史盡蘭  
薰志在垂逸作力共討典墳詞源借跌宕菰園資耕耘  
茲者實文戰非徒策酒勲歸鞭信馬去遠山帶夕曛

詩韻

上元前二日東江考功席上同諸子用東坡坡亭

我如鹽車駟汗流漉漉汁又如銜索魚過河寧响濕故  
人惠窮友竟此追隨得文譙張華燈稠疊徵召急豈知  
才思短粗比能言鴨披拂帝里春出井初發羈九衢百  
萬家銘作火城赤仰不見星芒盡奪月光白酒熱透重

新樂亭詩集

卷四

三

裘座上或岸幘連日逢歡飲宵豈夢哭泣所願周復始  
迴環不一缺諸公迭為主許我但為客催詩倘太苛便  
不預茲集

元夕同諸子集西齋寓邸以樂天明月春風三五  
夜分韻得夜字

祭酒家風未凋謝考功同鄉老同社吳如威鳳棲梧桐  
唐如洞庭奏韶夏編修清水盛玉壺蕙谿蓮峯挿大華  
張耒疎秀野鶴姿宮縣噴薄江濤瀉六千分闔建旗鼓  
我合韓刀紅首怕京師上元燈市鬧火樹星橋爭閣架  
同人連夕文燕開相過不用相迎迂思風言泉迷空勞  
壁月珠燈光照射自昔作者登吟壇此道風流歸蘊藉



斐東濟南近驕矜虞山宗伯雜晉罵夫惟卓爾大雅存  
羞爲夸誕卑權詐 聖代詞章軼前古四海宗工集都  
下數千聯吟偶一堂人有底忙此閒暇文人召募亦有  
媒惟有謙和室其鍊姜侯設贈是權輿去年此月當此  
夜三百六十一擲梭猶喜春風入杯竿官軍指日向君  
延 天子出征親祭禱直廬學士著靴半吾曹酒煖儒  
冠卸書生不復望封侯歌咏太平沐聖化

恭送座主南昌太常公奉 勅往河南致祭前代  
帝王陵

清卿 帝簡股肱臣傳 詔今朝 寵命新崇祀皇王  
聯音典分行元愷正同寅 同時出使 一十六人 錢看祖帳千官擁  
謝樂事詩集 卷四 五

禮比 鸞輿萬乘親春煖燕山晴色照抗旌前指大河  
津

其二  
通犀帶銙佩金魚咫尺 天威在簡書 聖世重開龍  
馬瑞 大吳陵 在陳州 地靈原出斗牛墟典司禮樂一菱足製作  
文章兩漢如遙計葵花初向日還朝入對 紫宸居

其三  
十年夢想中州舊未得雍容俎豆旁車騎昔曾留轍迹  
山川今更吐光鉞敢言阮瑀能書記欠許彭宣侍講堂  
爲美衡雲南去鴈一行天際人微茫  
宮子友鹿橋尊約同諸子集西齋寓是日余先赴

月川梅師席歸途昏黑不能如約諸子限韻分得  
衫字

鴈詠知交不立監未離函丈正巖巖同堂東井占星聚  
歸騎西山落日街設醴漫勞虛末席行廚枉費典春衫  
不辭韻險成拘束難逐文江萬里帆

許月溪扇頭畫梅一枝相贈

疎花帶月影迷離不寫全株寫一枝已飽風霜成鐵石  
根柯容易教人知

侯官陳省齋編修自遼左入都率爾投贈

才名弱冠冠羣賢豈料遭逢坎壈纏陷賊會修衣帶表  
投荒竟謫夜郎天 君恩哀白全要領物論雖黃待簡

謝樂事詩集 卷四 五  
編蘇李於今皆返國細將心迹訴當年

戲贈同年李靜菴侍御二十韻李時納姬人

柏府春先到蘭房月最明初桐初引鳳池柳暗藏鶯主  
孟家承乏佳人目早成金能傾駉裘珠乃購青嬰簾煖  
犀釘簾箏調屬柱橫釵梁百琲直衣袂六銖輕簪筆添  
雙燕鳴珂侍五更工詩如盼盼抗禮漸卿卿螺翠嬰花  
映綺紅牙纖爭紅凝銷刻晷漏響動屐屐服匿溫還襪  
輕容對正平葳蕤開午夜豈惹吐新晴驚帳幃噴霧乾  
尼血染猩鍊知珍乳石療不用倉庚明惠生周顒風流  
伴子京簫鉤俾兜庫樽俎善侯鯖異日嘗湯餅今茲試  
鼎烹杏園霞作片蒲筍玉抽萌客且來投轄公宜速舉

觥未應慙宿諾恐有不平鳴

海寧陳節母查夫人聲山女兄也索贈有作

驚影分飛鏡裏孤義方廿載正勤劬機常夜積冰霜苦  
賦就東征錦繡鋪王氏一門稱養炬謝家羣從有封胡  
班隨命婦朝興慶莫戀潘輿入畫圖

陳省齋編修索題寫照卷

陰谷鮮陽曜寒杯無春姿士既抱孤憤安所辭嶮巖繁  
絃扣哀玉悽絕感心脾激彼霜月苦驚此塞草衰衝起  
沙渚鴈拍拍摩天飛黃金易銷鑠白壁易瑕疵敢冀干  
載下復有鍾子期

磁缸中畜金魚數尾愛其游泳若自樂者

甜寒亭詩集

卷四

七

碧益近朱闌悠然生趣完懷文影自匿狎隊意粗安滋  
味庖廚遠波濤江海寬知非變化質不復望雲端

乙亥二月移寓蘿軒值庭中桃花初放今此花又  
發而余浪跡猶昔感物序之芳妍悲旅情之飄泊  
輒假毫素用抒淹鬱云爾

入門曾對此瞥眼又東風人看添衰白花憎依舊紅家  
園繁夢裏春色度愁中莫戀羈棲客芳尊暫爾同

馮文平孝廉痛其室人巧余作詩哀之

惟髻麻衣共食貧半生相對敬如賓可憐與慶朝班裏  
不是堂前舉案人

其二

護觀曾傳賈氏妻南史孝義傳賈思事君家風義古人齊悼亡不  
比安仁詠國史他年備考稽

丙子二月二十九日奉 旨復職叙用用岐亭詩  
韻紀其事

憶昔傳臚唱袍皆染柳汁叨此氣味同如水亦流濕不  
謂遘連遭災乃因福得借我軀命微解彼獄詞急禍樞  
潛伏藏杆弓巧射鳴惆悵五年中舉眼若蒙羅奔走六  
街塵頭焦雙脚赤差幸清論在本末爲別白貲代輪邊  
庭 詔仍賜冠幘痛定悲故創未歇先下泣敢云舊物  
完聊復補其缺况聞外吏賤驅使等奴客知己強慰藉  
憂喜正交集

甜寒亭詩集

卷四

七

枕上口號

鄰寺鐘微到枕勻疎簾漏月白生鱗詩吟舊和如尋友  
花泛清香太逼人攜酒擬同郊外賞禁烟又是客中春  
先望五載虛澆莫腸斷松楸一斬新

丁香花下作

得地根株好繁花一倍增庭陰香霧裊燈暗霞蒸爛  
燄春無賴清狂我尚能主人吟賞共絲管爲張燈

再觀許月溪壁上畫梅得盛字

嶺松要扶疎畫竹要瘦勁畫梅得梅格益亦有情性根  
盤屈菌蠢枝披突恣橫右舒或左紐拗峭傲不應芳馨  
雖內含龍嶺若物病譬彼負氣人全以骨力勝蘊蘊萬

卷書清芬白包孕不肯習妍媚散屈已聽許子高興  
發潑墨及人定我忽睡思消指摩老眼燈放筆落遠勢  
整容已肅敬乍驚銅柯奇旋綴冰花盛冷然雪月姿疎  
應兀孤映京師富桃李宴賞簇鞭鐙此匪物土宜毋乃  
不爲伎強圖在此壁貌腴神弗競我有剡溪藤瑩澤新  
磨鏡繪成伴歸裝庶與此花群

邀西厓西齋二同年題冊子久不至因小詰

二妙今誰匹一言曾久要未應許不與何以慰無聊契  
分叨收錄才情豈吝屬郵筒天際落待此百憂銷

三月上巳秋向濤庶常攜酒饌邀諸子遊賞李氏  
容膝園余以冗累未及赴悵然有述

甜寒亭詩集

卷四

无

勝事今朝并又值清羣賢此會難市喧藏綠野客座俯  
清湍物候同和煦詩成互詠歎吾從想像得恍惚入林

端

蘿軒戶部製江南早春小景系以長句

半幅生綃大如掌盎然涌出萬斛春上膏煖潤水泉動  
林樾意思皆欣欣短衫露頂者誰子飽食剛此山根雲  
是何郡國何樂土有此無懷葛天民先生落墨想像耳  
竊恐粉飾非其真座中吾是江南人

客應

牕紙如雲葉燈斜夢乍醒忽看花送影知是月當庭

其二

客眠驚夜起白浸一階水怪得孤衾寒身在菱荇裏

月溪畫竹了邀余及顧若周賞之

風枝翻舞似翔鸞醉筆沾袍墨未乾燈下狂吟自叫絕  
鄰林驚起爲傳看

送錢石城進士之任洛陽

八斗才名四十強山川清淑出錢塘盡誇能吏成連壁  
今弟幼昆更爲宣公置一莊卜邑古稱惟洛食愛民今  
不貢姚黃龍門伊水乘休暇除却尋詩有底忙

甜寒亭詩集

卷四

手

甜寒亭詩集卷四終

相寒亭詩集卷五 古今體詩一百二十四首

嘉定趙 俞著

朱提行爲羅軒戶部作 朱音父提音時

大地不愛寶五金流其精白之美者名曰鐔乃自蜀山  
朱提生石巖溜作老人鬚據本上匠採取煎鍊成上世  
抑此不用用錢幣近獨此物操奇贏此物一用百物廢  
力勢遂與天地爭權衡寒不可縫爲襦飢不可糝爲羹  
然能驅神鬼狎公卿毫芒銖黍一計校甚者戰鬪交戈  
兵嗟平肺附骨肉猶如此况乃朋友差所輕賤子蹈履  
奔亡命抵郡城僦屋晨炊斷伶仃一孤笑造門乞丐鉗  
在四言詞溢納羞顏辭官家例許輸官馬仍注班簿列

相寒亭詩集 卷五

簪纓評直計須兼金七十鎰腐儒力豈任經營翁子同  
年友視我異姓兄官雖居郎曹標格玉雪清若疾痛在  
已中夜心忤忤有言不我告慮我營魂驚盡出服玩歸  
質庫一時爲我囊篋傾始得此金滿一簾堂上太夫人  
撫我若孩嬰再拜候堂下慰誨乃兼并子弟僮僕喻此  
意出入歡笑相逢迎長安義聲滿先生無德色直寬度  
量闊闊包滄瀛嗚呼天生財寶爲人用先生適得料量  
平但云輕財好任俠斯人爲善豈近名他年柄用秉鈞  
軸或從天憲樹旌旄沐浴浸濯之所及盡拔天下矜寡  
孤獨無告氓先生義問發軔耳笑我小器隘如五十鎰  
瑣瑣以此相測論毋乃猶是持世情

四月五日同諸子出郭遊賞得六絕句

日來束縛比春蠶忽此芳郊勝賞探心腑生凉耳目換  
不知近在帝城南

扶苗莖葉綠初齊如鏡方塘水拍隄十丈平橋連騎過  
一行人浸碧玻瓈

天外浮嵐望欲無千林層疊水雲鋪畫家粉本誰臨得  
一幅元人緩翠圖

別墅園藏一萬叢開時四面壓闌紅須知霧漏雲蒸意  
盡在含苞未吐中 莊主宛平相公園中芍藥舊蓄未放

歸路村墟宿鳥間前驅遠已過溪灣停鞭我尚回頭看  
愛殺林西一抹山

相寒亭詩集 卷五

收羅煙景貯心胸不覺吟教日下春天恐無人爲管領  
且教分付與衰慵

送同年湯西厓編修奉 命主貴州鄉試

前代官翰林必登邦國彥自非鋪敘才不中此妙選上  
則儲公輔近亦備述撰其或主文枋臨軒親冊遣物譽  
夙所歸乃足多士先名與實相副十亦一二見我友場  
編修神明自濯練清製天葩流春工發芳句跌宕豪逸  
姿聲光激雷電使命萬里征從容辭別殿黔陽山環疊  
驛路通一綫屈此文章伯旁人意弗善先生即就道不  
復顧私便地介荆益間久被 皇風扇特允行臺請秋  
賦且增美重以名賢臨炎荒開生面人生素志愜豈必

華廬踐儒臣知貢舉此是職掌擅濁流交清濟自然去  
淤泥大約一轉移能使風氣變湖山供觴咏煙霞入筆  
硯不但志與地煥軒轅文獻頓覺玉堂中異事可矜炫  
同人聚羣下日夕聯遊讌今計子歸程杪冬集雪霰翹  
首望南雲慎莫滯郵傳貧不任治具詩以當祖餞

代羅軒贈其中表弟洛陽令錢石臣

世系聯中表淵源出祖姑分真叨肺腑屬豈但葭莩兩  
姓箕裘續同朝組綬紆班行多等輩患難亦相扶每爲  
通糧粥何曾愛髮膚恩波俄浸灌春谷又敷腴萬里排  
風翮雙驅汗血駒郎官尊列宿京洛據中區臺殿存碑  
獨川原入畫圖遺黎知俗敝大器應時須去日琴隨鶴

對寒亭詩集

卷五

三

朝天烏漾鳬我承曹署乏君共闕廷趨述緒詩書在言  
懷涕淚俱定能追召杜且起贊唐虞

吳門顧子俠君家有秀野堂取東坡詩句名之今

寓京師宣武門外壕上背郭環流雜蒔花藥邀名

輩晨夕吟諷其間查子德尹因榜之曰小秀野有

詩冊屬題作四絕句

爲憶林塘綠萬重僑居點出故山容分明神物推移力

飛到西天小鷲峰

車馬喧塵亦結廬僑移家具未移書十圍試看便便腹

已較標緇萬軸餘

繁花如繡簇階砌但欠修篁百尺梢種得芭蕉新展葉

夜應宛是竹風鼓

城堞嗟峨水抱環玉泉天外顛雲鬢詩人眼底真空闊

只辨君家一小山

奉題大司農澤州先生山莊圖

萬嶺迴環萬壑深東山別墅舊登臨嶽神出已生申甫  
星野分看拱井參嵐翠蒸雲含帝澤秋潭寒月照臣

心謝公久爲蒼生起未得逍遙杖履尋

得家信舒兒生母及患氣噎困篤須人葠不能辦

念其服事久恐便不及待余歸也愴然成詠

先生常作客內子最憐渠乳哺嬰孩共提携女弟如代

桓司汲養隨程亦耘鋤不飽塵生釜同衰雪滿梳關心

對寒亭詩集

卷五

四

將恐及當日共淪胥伏枕須醫藥開械得報書積憂成

痞塞無力補羸虛軀命貧窮賤家人患難疎嗟然其逝

矣可得待歸與茶苦一生足此離萬死餘儘耕今少伴

作偈定辭余寫此凄清意留貽付阿舒

甬黍五日雅集分賦

綠苞入釜不成糜解剝新香滑膩匙吳客分嘗知夏午

楚人傳說弔相鼎千家簇釘娛佳節萬古荒江寄所思

且喜旅中供飽食禁烟絕勝介之推

又賦得穿心石榴花

花心又抽土藥狄阿壽  
庶常米來齋前有此

火齊珠噴萬綠明又看蓓蕾疊重英只緣鬱勃丹心在

不是中間有不平

王麓臺都諫聞陸生吹洞簫爲作橫幅巨卷邀余  
作長歌紀其事

都諫畫手今無敵不吝千金吝點墨費幣填門鐵限穿  
蜀紙吳綾但堆積前除月浸一簾白有客洞簫吹裂帛  
分刊節度人微茫忽覺騰身遊八極鴈蕩龍湫瞥在眼  
熊虎鳴嗥猿欲泣潑墨濡毫追所見十指山水如湧出  
參旗斗柄皆動搖嵐氣天空掃翠濕古人書畫參化工  
牢籠萬象鑄心胸公孫劒器得筆法音律况與鬼神通  
作者天機達妙理花在鏡中月在水但尋髣髴形模間  
外人那能名所以對此絕壑臨青岑眞懷恍到師子林  
只恐秋深風雨夜壁間時聞龍一吟

紺寒亭詩集

卷五

五

送吏部劉省菴主考廣東二首

別酒猶沾九節蒲使星此日指番禺南邦禹貢揚州地  
小宰天官中大夫海底碧枝生鐵網山公木鑑濯水壺  
輶車遙向層霄落一路諸侯負弩驅

人地聲華北斗魁文章能障百川迴漢家經術淵源正  
秦國雄風嶺嶠開劉氏西人滿月香飄鎖院桂小春信報驛  
程梅廷推屬望清卿久早有天邊後命催

晚步至妙光閣坐香林亭

夕陽斂遠峯歛暑乍退避散髮步花宮疎翠落平地磬  
發天籟孤蛙引泉脉細遲月愁風磴樹色上衣袂朋侶  
各有適語嘿道寂異野趣煩襟忘言道機契豈知煙

埃漲門外已隔世歸臥對虛牕清境繁寤寐

爲同年朱凡山題畫卷

疎林澄景帶斜暉上界鐘聲出翠微老衲尋詩何處去  
烟蘿閑鎖一山扉

樂府二章做白樂天

踏車曲

杉櫓作筒檀作軸烏鴉街尾聲歷鹿赤露兩肘腹無粥  
踏車辛苦歌如哭前年井底泉脉枯去年曉甕長菱蘆  
早年掘窩轉水入潦年築堤翻水出車軸斜銳車筒裂  
農夫那不筋骨折無奈今年又苦旱塘水少于衣上汗  
往年車好人盡力今年車破人無食人無食不足恤努

紺寒亭詩集

卷五

六

紡車曲

阿婆日一筐小姑日五兩手腕欲脫脂生掌六月七月  
風水蕩木棉枝梢棲螺蚌明年欲種苦無種入市換米  
米價漏紡成不比木棉重君不見豪家容光耀明月翠  
鈿珠輦玉條脫眼中紡車是何物生女莫作田家婦終  
日蓬鬆亂髮又不見昔年江鄉兵火發城中婦女脚  
不襪窠身荆棘皮綻裂不如田家婦局縮紡車且就活

查德尹繁星硯歌

查田查夏重卷阿一威鳳羽毛雛襍神彩動查浦查德  
尹秋空一孤隼頭腦剽悍風骨緊自我去歲別查田雙

魚信斷兩眼穿今年喜得見查浦愛其新詩句偏古不  
知肝肺何琢鍊規格工夫又一變匣中出一端石硯怪  
我畜眼未曾見削成寒玉色慘綠氣溫而栗骨幹肉膚  
理隱躍繁星簇細者麻子大如菽此不是天上三垣七  
曜布流形乃是擗腸文字五千卷進出融結成精靈望  
之但見紫綬閃閃青眞眞玉昆金友皆邦彥想其爭奇  
闢險賭決戰兩人手筆可對面定有雲雷瀾漫波濤旋  
曾聞蘇家寶龍尾子瞻于山互誇炫對此令人不復羨  
筒袖鎗大食刀能助將軍氣勢豪壓我蜷縮如蝟毛我  
欲就手攘其瑜如探驪龍攫其珠發我才情亦如錦繡  
藻繪鋪先生知必傾倒于老夫吾將并寄查田書查田

謝集亭詩集

卷五

七

其亦許我無

邑中李長蘅客夏斗臺宣州石剪樹作盆景朱清  
父號小松父松鄰子三松離竹根爲文具二物走  
四方每貴重之吳郡金園多巧工獨此非嘉定人  
不能傳其法余暇日各作詩一首譜其事亦微有  
托寄焉以備修志乘者採掇云

誰將百尺姿攢蹙一指大其樹多粉榆亦或用柏檜下  
腫成輪囷上乃揚旌旆膚老薜剝蝕根露水激汰蟠屈  
意不伸凌傲勢無外日月疑蔽虧龍象恣後猶恍若陽  
岱宗大夫肅冠帶又若歷黃海破石偃車蓋黃山有破石松石緯  
橫出數十丈不復知盆盎乃鬱此蒼靄我嘉民朴陋地僅比

曹鄴養樹具神理斯則吳中最嵌石置巖壑一一仿闢  
繪當其剪截時癢癢不爲害攫毛加束縛時亦施鉗鈎  
積久若生成脫換蛇蟬蛻要亦待天機始與化工會沿  
流失古初密布雜叢蒼骨幹罕奇傑嫩茂等少艾琢玉  
花瓷缸貨市走牙僧爛強老風霜不復人炙膾斯豈俗  
尚澆抑亦世眼昧微物固有然君子用深慨石盆樹  
邑有愚君子朱姓鶴其名千孫三世嗣曰櫻曰雅征操  
展皆完潔炯炯玉雪清生當隆萬際嘉運方休明醞此  
神骨秀旁涉藝事精筋竹拳根須魁壘比茯苓斲削水  
蒼玉鏤鉢皆象形筆斗口能受臂間腕可擎藤樹舞麟  
鬣仙鬼凸目睛故作貌醜劣蝦蟆腹彭亨以此試奇詭

謝集亭詩集

卷五

八

精神若怒生瑣細一切物其勢皆蜚鳴畫理及篆刻刀  
法乃交并氣韻貴高古不以智巧爭藏久瑩琥珀爪甲  
觸有聲縣購置几按白金一餅贏後學個大雅又欲開  
門庭玲瓏衆妙備却失前典刑技固殊工拙亦視人重  
輕即看書畫格非其人不馨倪黃孤高士筆墨發精靈  
未聞收碑碣節錄及蔡京晬言念桑梓穆然懷古情右竹刻

江南連月苦旱聞五月中旬得雨志喜

吳中五月穀芽枯州郡空煩禱舞雩澤國何時逢樂歲  
聖朝敢望再蠲租翻盆俄報三農足負郭還嗟二頃  
無倘得宦程南過此一灣水竹綠平錦

荅友人問訊近况

長安樂地應西笑，多恐家居有未知。  
冠蓋京華尚顧賴，風塵客况更淒其。  
口糧累友身如寄，手板逢人殺未垂。  
不是不歸歸不得，故林殊少好棲枝。

古意

城陰一樹桃灼灼，繁華鮮濃露浥光。  
彩晨曦助喧妍鶯，黃粉歷亂綺席咽。  
管絃遊賞茲翁集，雜還無惡賢顏色。  
豈常在根林云已改，坐看枝柯摧樵者。  
將見採春風有時，移未可恃真辛。  
詎待芳華凋始知，危苦逮人事易反。  
覆滂沱若烟海。

艾而張

對案事詩集

卷五

九

稱麥抽旗女，桑肥雄雉將。  
雌穿隄飛雉，銜蟲蟻哺兒。  
餓雌飛撲地，雄中弩繡衿。  
離披插白羽，彼澤之詩狐兔之。  
豕皮可以裘，肉可以脯。  
彼雉何辜，迺登于俎。  
孤妖媚免，狡猾爾雉耿介何由脫。  
雉之飛莫泄，泄既殺爾矢既張。  
爾翳草茸葉泥泥。

將進酒

坤輿缺東南，地勢一如鑊。  
滄溟洩沃焦，海水常不滿。  
山居人苦山，嗟峨水居人。  
厭水風波被蒼蒼者，天知人何屈。  
原沉江買生，死衛霍麒麟亦秋草。  
韓彭見機悔不早，留侯神仙亦荒渺。  
世間萬事夫何有，銜杯明月落我手。  
我性不解飲，殊愧古賢達。  
古之賢達寄托耳，意原不在杯。

公無渡河

中物糟床點滴一沾唇，宇宙醺作梨花春。  
地不偏陂氣，淪淪無劉項，無越秦。  
彼此好結鄰，公等與我皆酒人。  
公無渡河，上有浮天之驚波，下有食人之老鼉。  
叟何人斯而視瞿瞿而行，殺殺躡水如地。  
于河之湄，公此去公不歸，妻泗且咷。  
欲脫汝于危而竟我違，公何愚公不愚。  
豹養其內虎食其外，未聞樵于山而遂無憂患。  
呼夫人之死，夫豈獨水公渡河，公渡河不渡則那。

趙北口

漲痕新蝕岸，策馬踏曉巖。  
村野沙禽點，湖水鏡函稍。  
駐通釣艇林，杪走風帆。  
帆氣驚先到，征人尚葛衫。

對案事詩集

卷五

十

奉和東江出都原韻

龍馬繁縷簇畫輪，傾朝祖送屬車塵。  
會稽郡昔多名士，全折在秦漢。  
昔會稽郡地，貢舉官今最得人。  
人材出地靈，竹箭美生本。  
天骨桂薑辛一班，玉筍門生籍隨拜。  
高堂百歲親。

登前韻

君如瀛海駕鸞輪，我似林花踞作塵。  
結綬彈冠今日事，風櫓席帽舊時人。  
庭梧集鳳分光耀，水蘗生蟲嗜苦辛。  
銀輪升沉霄漢隔，白雲何處更思親。

奉和東江禹城道中苦雨之作

健僕扶輪更夾輶，雨淋鈴鐸亦添愁。  
洛波塗次白鷗鳥，畏濕林間黃栗留。  
齊地登山皆涉水，吳人騎馬似乘舟。



十程未出郊圻近何日張帆下楚州

疊前韻

山禽不用響鉤輅關雨盲風未是愁吏部方叨聯句合  
平原况可洩旬留平原令同年車箱穩坐泥行盤欵  
段徐牽岸上舟縱少腰纏憑藉在定能攜我上揚州

東家山道中

銀錢名橋濕翠上征袍貪看溪山一老饕顏谷餘研成杵  
曰重岡起伏涌波濤灘聲更比歸心急秋氣遙凌嶽勢  
高爲共知交探勝賞功名我已等鴻毛

別羅軒戶部涉二句矣李家莊壁間見其詠堤柳

一絕辭旨婉約有風人之致意有感觸遂次原韻

和集事詩集 卷五

所以自况又得五言四韻并題于壁他日戶部南  
行過此庶交情離緒彷彿于毫素得之云爾丙子

中元前一日

也能桃李關芳妍披拂長堤翠幙連自被官家摧折後  
行人扼腕至今憐

悵別真無奈題詩欲寄誰樹猶如此惜人豈不相思屏  
母因張劬留賓是趙岐江南千里去腸斷一絲絲

曉渡沂水與東江小憇林下

迎朝穿林麓茲晨際沙岸津人理篙楫僕夫馳鞅轡微  
颺殺紋生枉渚中流漫城迴勢若吞禽驚翔欲亂暫停  
執轡煩亦無及溺患後騎遲浦淑班荆及篇翰

瀾翻發疑快水泮輕黃黍穗稠重綠柿陰散塵慮既云  
滌明景殊可玩不須戒前塗亭午日未軒

次東江郊城阻雨韻戲爲拗體

雲霏日車隱驂騑青泥滑滑到古郊濠塹決成瓢于口  
幼堂深作桃花潭枕上釣魚殊可得秋後多蠅夫豈堪  
何時逆旅好發軔身在城北望城南

東江訂以宦成日買宅州之南郭邀余結鄰

聖邑纔成十室聚東江今是百川歸鶯聲出谷思喬木  
鷄序登朝早拂衣某水某丘弋釣共買鄰買宅梓桑依  
兼葭玉樹難相倚多恐蹉跎此願違

宿選道中

和集事詩集 卷五

十丈銀濤下綠蕪風雷半夜吼天吳帶圍隄岸危如寄  
斗大山城浸欲無樓畝餘糧供鴈子傍涯小戶化豬都  
鑾輿指日聞南幸不用流民鄭俠圖

舟次淮安顧伊人自崑山來訪有作次其韵

疲馬山行瞰隣餘淮陰又苦決河渠故人遠地相等得  
新句清風正穆如白藕江魚香入饌碧簾秋水畫攤書  
連床吟和風流甚已當南村共結廬

疊前韻

洛托江湖患難餘汚泥何幸傍清泉茶賭酒相爲樂  
打鼓開船縱所如墊角巾隨郭有道香山社訂白尚書  
秋深定出婁東路好趁歸帆到草廬

弔劉龍洲墓劉名過字改之南宋時上書請九宗  
過宮朝壽皇又謂中原可不戰而復墓今在馬鞍

山麓顧子伊人卜居近其地邀同人作詩弔之

草野孤臣志不磨沉埋忠憤玉山何東朝寢膳虛南內  
萬里輿圖割兩河古墓犁田侵石馬舊宮灰燼泣銅駝  
騷人異代同悲感正似懷湘弔汨羅

嘗藕

湖藕消煩暑能令肺腑澄過江風味別出上淤泥會香  
帶濂溪水清含玉井水吾家莊舍近五款雜魚菱

山樓望西湖

長湖白泛遠峯青一鏡天圍百疊屏依浦漁舟排似雁

對寒亭詩集

卷五

十三

映林燈火亂如螢遊踪曾此尋無逕宿約何年構草亭  
翁康節戶部清福餘齡消得否投文我欲問山靈  
約余住湖上

錢唐觀潮歌

錢唐江口東作壘大海潮汐相吐吞當其浮天盪日月  
排突直已無乾坤有物在吭未得咽海山檣柱扼其門  
元氣歎薄束不住斬關奪隘俄崩奔欲來未來先作勢  
殷雷出地搖山根先驅懸弧一道入大隊廣武千軍屯  
碧落崢嶸雪山峙銀海照耀鹽池翻靈祇恍惚開水府  
跳走物怪飛魚龜西擊桐江三百里天目雪竇山爲昏  
仲秋八月木尤壯江湖應月金行王駢闐士女傾城觀  
花工篙師狎波浪忽訝沉舟入漢濱却又乘榜上天上

我昔南遊黯淡難判得此身魚腹葬又聞蕪州艦頽堆

直下江湍一百丈溪山放溜猶云爾況乃溟渤連天限

粵自陶唐洪水作此江不煩禹疏鑿江岸山翠疊如屏

江亦環流達城郭潛發人文美士膏 皇家東南一鎮

鑰鯨鯢絕種鯢母消州民歲歲觀潮樂

宋堅齋此部爲孫弘九作畫軸索題

一卷秋容墨法新棄裝知是不全貧官今直作西湖主

宰制雲山贈友人

題高樣客菴鄉釣師卷

他日功名唾手成此身未許白鷗盟江天偶愛秋光好  
但釣鱸魚不釣名

對寒亭詩集

卷五

十四

中秋後二日得雨

江鄉溽氣蒸秋半猶餘暑蘚痕上綺疏濕潤生衣褚蟻  
象檐際飛下上類春杵云此陰雨徵瀑溜果如許夜來  
百川漲應已沒洲渚庭宇發新涼細思得佳緒山桂吐  
奇馨遠乃寄湖墅何日理輕橈吾將命儔侶

出京後未便抵家先寄示兒輩

自我別家久凡五換裘葛豈知去家近尚復此契闊二  
三好朋舊愛我甚飢渴不但尋山水胸襟見披豁計此  
五年中南北互驚惶辛苦汝母子慮我官不達卑官不  
救口貧窮已到骨薄田疆畔移大半膏腴割更茲連歲  
廢稼花未粗欄官司催租瘢有誰代鞭撻老妻腰脚衰

近傳左朋折舒裴而毋微歸來是死別舒兒哀致毀魂  
夢半明滅汝爺日夜念龜勉爲我活我昔亡命走官意  
欲放蔡操刀突搜牢衣襖皆遭奪雷墩先人廬應存舊  
房闔新松長過額高梧立如鐵斑竹我最惜捲龍幸勿  
殺藤架扶其傾枳籬葺其缺魚蔑及鳬芡夜恐足獮獵  
慎防他人狙勿惱債家駘翠組既有暇亦勿疎筆札郵  
書數教戒具如我所說抄秋別知已便當假裝發家人  
數歸期眼欲見突兀嬌女攜稚孫屢踟池頭月但恐一  
人門各各驚髮髮此生守介迂平地竟蹉跌五載生還  
人乃從萬死拔選格縱見收警猶再釋褐宦海實迷塗  
我畏同虎穴妻帑幸團團藏此老蠢拙吾家得少盡靜  
謝寒亭詩集 卷五 十五

嶠一俊物蘊蓄所未施且以待詒厥

東江出示闌中二律依韻奉和

鹿鳴嘉燕及昌辰鎖院深嚴兩決旬名士今歸二老者  
官家又得一番人魏我科第傳衣鉢光怪文章動鬼神  
十五國風此最盛 至尊有詔正南巡  
追陪何意廁冠簪瘦馬長堤獨苦吟勾當南來原奉敕  
相逢此地爲修琴兩峯秋氣澄山骨一片湖光聚水心  
更是蘭亭三舍近好同訪友到山陰宋堅齋北都奉  
教修蘭亭約同訪

項霜田文學查夏重楊次也二孝廉邀同泛西湖  
飛樓瞰明湖積水與天通今晨凌萬頃恍惚躡虛空雨

山相對插朶朶青芙蓉宛若雙翠蛾落入妝鏡中小島  
疑火驚修堤偃長虹幽潛搜逸軌宛憤哀孤忠高論激  
壯烈水底驚魚龍陡覺波浪起簸蕩連羣峯俄此霞斂  
景少焉月生東雲物屢增態湖山亦改容勝賞匪易邁  
歡會良有終惟有曠覽識可以觀無窮

題絡緯秋黃畫冊

兩股鳴秋獨繭纈候蟲亦爲不平號絡成但好輸官稅  
世掌絲綸待鳳毛

不共疎林百卉腓別成妍態澹秋暉憑君莫換青蔥色  
黃衰何曾及綠衣

海寧楊侍郎以齋先生索余詩稿錄本成帙席次

謝寒亭詩集 卷五 十六

論詩過辱獎譽以韻語詮次奉呈一首

公昔在疆圉孤軍偏強賊忠勇足機畧竟能伸討逆建  
豎旣云偉奉身退尤力及遂林泉遊專稱文章伯持論  
繩削嚴瑕類易抉摘賤子蓬蘚姿鈍根最昏塞獨嗜古  
人篇宵旦常寢食間喜爲長句才氣頗撐突公孫孝廉  
君愛我有奇癖遂以言于公下蒙訪幽側盡索余篋笥  
很藉汚粉墨公一見嗟賞謂可古人敵更于浣花老搜  
討得血脉規格蹊徑間能離合出沒真氣所裹結章句  
非襲積尋命錄副本裝潢成巨冊賤子慚汗流浹背下  
交趾緬昔作者壇同塗殊轍跡或優柔厭厭或豪蕩威

傲其于詩六義要各有準則彼此互奴王遂若別白黑  
平生肆研覃粗能辨阡陌悉力追所見舉足蹉跌失海  
上三神山雖即在咫尺京師集吟社寰宇聚鴻儒不棄  
邠滕小亦許執玉帛然以比先生千百千萬億矜慎少  
所可何輕此評騰先生不妄語語必出惻惻豈亦愛護  
過故此獎借急我生遇險艱功名愧不立于公三不朽  
楷模已不及既承公教督文詞勉鞭策用紀公勲庸悖  
史備采擇

十月二十一日放舟東郭看菊

吳郡吾邑俗樸野竹塢藥闌地清雅藝蘭種菊各按譜  
花事吟場每結社只緣歲樂物豐阜土人亦有高閑者

附寒亭詩集

卷五

十七

年來旱溢天行酷無麥無禾歲不熟短狐封豕氣憑陵  
含沙射影食人肉圍廬踴作杞棘場何暇栽培及薪木  
五年浪迹今一歸畏避城市如檻穽人傳城東三逸叟  
豆棚瓜蔓藏芳菲我聞此事與逆飛迴塘背郭街斜暉  
白沙翠篠路委宛絡緯籬垣許輕款深閤名姝態靜媚  
棲巖隱君神蕭散初冬天氣留餘煖養得秋香一院滿  
官司催租迫星火叟獨欣欣貌迂緩甘載村墟已改觀  
何幸仙源猶不遠懷舊臨風一歎嗟我來不但尋此花  
落齒二首  
失恃方髫髻齟齬孰與治如才露傑特似命亦欬崎鄰  
並知相札根株久自危今朝忽別去未算是非難

搖動翻嫌贅稀疎却不妨未教吟誦廢尚便菜蔬嘗天  
道常留缺人情忌用剛餘齡得好在于此悟行藏

平湖旅次奉簡令君同年王東巖并索和

霜空落木正蕭疎未覺僧寮是索居折簡每叨禮酒設  
授餐分得俸薪餘屏除車騎來看竹習靜軒應借讀書  
良夜清酣新詠發投桃敢望報瓊琚

平湖西距秀水二舍令君同年陳煥翰相訂往來  
其間將以月之中旬赴其約先寄此并呈東巖

二妙專城恰比肩招邀兩地話纏綿館從東道主人假  
榻爲南州孺子懸讓水廉泉左右近揚舲擊汰往來便  
一句尚此淹留住相對駕湖夜月圓

附寒亭詩集

卷五

十八

東巖分給月奉辱和二詩再疊前韻酬答來詩次  
章有兩地同年一樣月之句故簡末亦及之

故交落落曉星疎花縣相望栗里居憫我饑寒色慘怛  
誦君屬和態紆餘斜封白絹來軍將問訊東橋得報書  
珍重風人雜佩贈蟬珠繩貫玉爲琚

蕭辰寒但聳吟肩接對溫醇煖勝綿半席已安琴劍在  
一心無復旆旌懸兼求熊掌吾何敢坐費豬肝性未便  
倘許弄珠

城東有

弄珠亭

同泛月今宵喜見酒花圓

林升九嚴西武查東亭王鼎調胡國期家雲肆諸  
牟廉招同查夏重遊東湖阻風雪設酌蕭寺卽事

二律

開道東湖勝天連水勢遙地當九派會龍湧一珠跳弄  
亭在湖中央淡蕩波心賞憑陵雪意騎移尊此翁集剪燭話

僧寮

名彥如雲合煩襟向酒開高寒吟雪夜醞釀待春雷千  
頃波仍挹三更玉漸頰來朝除與在步屨出城隈

同年武康高仲友別三載矣訪余平湖旅次余方

束裝赴秀水仲友握手相送登舟悽然不能為懷

別後却寄

君乍停橈我解維入門那及話睽離相逢便是相違地  
瞥見還同未見時雪後風催帆影緊城頭月照淚痕垂  
三年舊雨停雲意仍是江天客夢思

新集事詩集

卷五

九

秀水官署贈令君陳煥翰

使君與我同年友骨力堅強氣沉厚平生磊落無嬾嬰  
祝我獨如左右手鄙人言論亦不苟有時規君君能受  
患難扶持累已多愛我人前不出口秀水浙西一繁縣  
舟車輾集俗巧便君才久登侍從遺決獄催科今亦練  
坊市閑聽與人語期月已被清風扇朱絲比畫水比潔  
嫉惡剛腸性稍下知君素節守不變知君上考課不殿  
行省列名薦特薦他日臺班一鐵面我來訪舊意匪他  
燕寢凝香共嘯歌庭陰苔印舊履跡疎簾瘦柏交霜柯  
使君高閑得此意徘徊夜月相摩娑款留只淹信宿住  
別君吳松江北去兩地相思無處尋離離雲影搖江樹

籠禽四首

鸚鵡

妙質金精擅殊方土貢尊聰明知近貴維繫是蒙恩身  
隱因文誤機危為舌存隴山千萬里故國黯銷魂

鵲鵲

渺形噉禿速微跡寄荒蕪但願庖廚遠何矜觜距雄心  
非樂戰鬪計偶入牢籠當局充孤注旁觀歎息中

畫眉

天成眉嫵好修若遠山侵妝是傳宮樣音還學衆禽同  
時酬唱侶一枝妬爭心別館成淪落無聲直到今

鷓鴣能禦火災

新集事詩集

卷五

十

性狎滄洲趣軒輊汝未安聞能禦火患坐使別江湍焚  
燎人間有烟波天外寬莫輕為世用推折羽毛殘

為馬鍊師題照

青谿千仞碧虛間瀑挂巖頭雲出山詩骨清隨仙骨換  
亦無一語落人寰

飲同年沈芝溪修撰齋中芝溪官翰林十年猶僦  
屋以居席次出箋素索書欣然為余作數幅又故  
人嚴叔子住近巷并招同話舊以四韻紀其事

碧山學士達休暇東野先生共醉吟便向孟公求尺牘  
邱從何氏借園林蘭陵酒美金魚換蓮漏聲寒竹箭沉  
更喜隔籬呼飲伴詩人又合舊朋簪

沈烈女字白沙村民張昂未嫁夫死女歸昂家撫  
昂幼弟第又死女入井以救免後竟自縊死

勞耳當時已用刀此生曾不及同年墳前樹合成連理  
泉下人今識兩髮驚鵲于飛知是夢嶼嶺未似亦徒勞  
白沙翠竹淒清甚夜夜天風送海濤

梧桐皮行皮漬汁可塗髮婦女抹之  
遂無完對作歌紀其事

梧桐皮黏如髹漆膩如脂靈蛇蟄蟬翼髮塗澤光彩勢  
欲飛家家割剝絕根枝嗟哉梧桐辛苦為汝不生高岡  
崇柯百尺棲鸞鳳又不生嶧陽斲作琴瑟天廟用乃甘  
戕賊此身供玩弄我昔走馬大河北人屑榆皮如屑麥  
萬株僵立同白骨彼堪飢民充粒食此但豪家耀首飾

附集事詩集

卷五

五

嗟哉梧桐辛苦亦可惜

二月十一日大雪

交鍾應律泥融凍蟄虫啟戶春雷動晴郊百卉扇淑氣  
夜半峭寒風忽厲曉起銀海暈生花平林一抹天無際  
梅柳攢簇滾作毵竹篠壓梢直到地肖形隨物刻鏤成  
智巧天工恐亦費鄰家好借釣魚船野外江天抽詩思  
吾聞嚴冬天地閉雪光豐年殺虫豸茲當二月土膏發  
大壯陽剛方用事前年早乾去年溢皇天豈可重降戾  
書生胸縮類霜禽鬩無斗粟衣無襟菜根泥爛麥苗槁  
八口其奈飢寒侵調變補救有主者先憂後樂吾豈任  
不如對雪且高吟

丙子十月抵家述事抒情欲有所作未果時吐吞  
胸臆間暇日捫管成之得六首

野塘榮折柳林園燈火微茫叩板扉見面驚看猶好在  
入門細認是真歸西河沉痛還投杖中饋親操獨下機  
長兄前與其生  
母生前死差喜添丁有稚子膝前攔道各牽衣得孫

一別鄉閭歷五霜只今生計更郎當檀栢屋舍皆穿漏

栗里田園半廢荒官賦已愆秋稅限債家縣揣囊中裝  
餘齡何策圖溫飽堪笑年來為友忙在京師送同年  
赴任詩已成秩

嬾未躬耕但目耕草亭臨水昔經營乞來畫卷充家具  
編就詩鈔富宦成魚鳥便如朋舊狎煙雲不共比鄰爭

菟裘此地堪娛老夢寐無勞到玉京

附集事詩集

卷五

五

甘向江頭把釣竿有人仍為慶彈冠官家責重功名小  
師友恩多進退難雞憚為犧先斷尾馬知有毒敢嘗肝  
行藏正欲謀詹尹思慮茫茫集百端

壯歲秋空氣欲凌才華蔚似曉霞蒸見聞鈍覺聰明減  
毛血衰緣病痛增自比虺隤伏櫪馬羨他奮迅解絛鷹  
據鞍顧盼真休矣筆力橫扛我或能

城市看同萬丈潭獨於村曲舊曾諳藤橋仄可尋蘭若  
漁艇輕能到舍南借種樹書程日課赴探花約似朝參  
天邊為報知交道除却清閑總不堪

古風九首

我觀元化初渾侖但一氣圓靈本無質方輿乃其淳全

以剛氣舉終古無失墜貌焉七尺軀二儀厥肖似精神  
天爲徒體魄則應地如物謹柔鑰神完形不敝動雖運  
用周靜斯根蒂繫自非元覽人焉能闕其際

鵠鶴引其雛翻翻集林莽朝哺從上下暮哺從下上王  
者執化權萬物均長養怒亦不淫刑喜亦不僭賞物類  
固甚微于此動遐想

張矢用威敵還爲姦先利姦姬六典書莽新實階厲國  
息既數惡尤乃肉刑議後聖師前古額在行仁義本同  
未則殊沿革隨時世孟軻今復起亦不講井地未聞書  
契作仍可結繩治聖人大法天亦行所無事

鵠鶴列萬品一一自稟賦創觚使就規矩綿忽失素變  
本乃爲奇矜新衆斯爲違反紛相錯物力潛耗教人於  
大塊中果蘇一蟲蠹吾欲追淳朴各名安其故因物賦  
物間斯理則已具

翰音晨引吭斯姦秋切股時至則翕張彼亦豈自主測  
天憑儀器俄已易躔大則暑以刻漏時亦乖啟閉夫豈  
神聖作而顧謝物智任人斯有爲任天故不二

淳于善滑稽蘇秦負權譎謂足聳時主曾不當一哄在  
昔云巧便在今已鈍拙問儒未佞倖伯始匪中庸候智  
百變出別又開鴻濛兒童侮翁媼視之若皆孽江河不  
復返滔滔安所終

我怪隆準公英風駕四海人傑盡半籠王侯半出臨商

山龍猶更豈復顧忌在儲嗣久定計寧以龍溺改借云  
羽翼成但爲幸姬解留侯將順巧事非批逆鱗乃謂衛  
國本仗此四老人遙過二千載則議徒紛紛

風人意托諭指切則敷陳雖復體製別義亦各有存或  
乃務彈緩自謂得溫醇尼丘既刪述學貴尋本根星醫  
隱以約繁霜憤以宣子遺雲漢咏投界巷伯篇鴻乙迷  
所識百川固同源

海南盛物產蟻珠徑寸餘通犀孔翠羽紫貝青珊瑚厥  
直千黃金富可埒荷朱賈胡邀我去欲進還踟躕腥涎  
漲毒霧下恐飽蛟魚蓬蒿一迂士飢寒色枯槁彈琴發  
清商歌咏味至道莫輕被褐夫人各有其寶

出水銀刀尺半強鹽花輕糝帶芽薑秋風莫報京朝客  
要讓吳儂一箇嘗

猶昨  
嬉遊猶昨憶垂髫蒲柳迎霜豈後凋日力看花迷隔霧  
肺家上氣漏如潮精神頤養無過膏塊壘陶鎔逐旋消  
自幸登臨有勝具故人湖上又招邀

鳥鬼行  
鳥鬼一名鳥是杜詩寒家養鳥鬼是也書  
乳虎入山百獸竄角鷹入林百禽亂豈知此鳥入浦淑  
疾似角鷹猛似虎長頸生來知好殺側目看人有餘怒  
槎頭積柴衆魚聚卵有淹溺一水府扶花楓葉影交加

集 255-570

煦沫吹波相爾汝漁舟翕集如風雨衆魚逃遁無處所  
鉤吻鸞同葛黨刀攫身牙發黃間弩瑣細白小宜并吞  
倔強赤鯁還就擄有時貫晴梓其頭有時破鬣鍛其羽  
老蛟窟宅謙他徙亦怕馬陵肆侵侮嗚呼鳥鬼爾誠惡  
嗚呼鳥鬼爾誠樂蚤有微纒鉗其吭况爾枝撐已在脚  
探喉捉魚如倒橐漁師換錢要縱博寧比牛馬啖芻茭  
食已復出還得嚼嗚呼鳥鬼爾誠愚爲人聚歛何爲平  
君不見雲中皓鶴摩天飛不飲汚池亦不飢

題呂紀畫花鳥二首

小禽閑欲占春風栖老棠梨一樹紅園主無緣吟賞到  
白頭公勝黑頭公

紺寒亭詩集

卷五

五

黃雀啁啾滿地蹤場苗啄盡上高松獨憐布穀乘春令  
曉月村莊爲勸農

湯西厓編修主考貴州還朝約會金闕道中前赴  
其約而來舟杳然殊爲惘惘歸途賦詩三章情見  
乎詞

越客方馳傳吳山好蠟鞵郵筒千里訂尊酒一句偕郡  
郭浮舟待雲天極目乖巖頭花正發風雨易沉埋  
若道知心素無須覲面親滄浪亭子古茂苑柳條新風  
月今誰主文章要細論也應見顏色遇夜夢中頻  
來與何曾盡今朝去住疑禽聲杜宇惡心事石尤知命  
駕春猶及廻舟我不辭還期共剪燭一話此睽離

掘得何首烏根

行藥曲池上修藤絡如幔云此有靈根圖經可覆按僅  
奴且長饒神物慮走竄乍得珠磊砢旋露玉璀璨其大  
可徑尺厭食乃百貫餌之療風氣藉以益神觀能扶腰  
脚衰久使容鬢換斷削去麓獵蒸煮防猛悍吾生絕脆  
弱况又涉憂患如木既摧頽根柯須浸灌參苓貴不訾  
金石祕九誕豈若此味珍功倍事則半不但病以除直  
謂死可追吾且充饌糧那便生羽翰

放舟

波紋細作魚鱗蹙林綠勻看鳥毳鋪烟景四時如此少  
荒江孤棹有人無朗吟修竹清流句放眼浮嵐煖翠圍

紺寒亭詩集

卷五

五

歸路乍迷村近遠橋邊我欲問樵夫

中丞宋公修滄浪亭用歐陽公韻賦詩落成一時  
多和之余亦有作歐公序蘇子美集有云當日排  
而去之者意不在子美也後嗣其語篇末蓋自寓  
焉勝賞登臨非聞雅樂而切怛哀音怨亂乃痛故  
創而悲嘶云爾

閨闔城下水淪漣昔人作亭臨水邊風流陳迹今已矣  
但見水碧山蒼然亭荒地已薦杞棘迴首沉埋六百年  
詩人骨朽名不滅又見突兀撐雲烟當日世人皆欲殺  
憐才者誰蓋天焉中丞銜憲持節斧燕寢凝香愛靜便  
執持紀綱風檢校奉揚德意詔旨宣表章曩哲舉廢



登千嶺自山月奉錢騎寮藻井聳傑構下瞰城堞冠峯  
顛西山萬笏揖遙嶺胥江匹練吞長川元戎小隊乘休  
暇時亦把酒問青天盤空硬語風雨落字大逾斗筆如  
椽明公便宜制一道刑威慶賞八柄專時友先民有深  
意淵溪之毛蓋嘉籙登皇潛德勵節概欲使士氣狂瀾  
旋匪徒資佐供吟眺跌宕圖書飛航船吁嗟于美坐黨  
禍何異失火林木延鬱積憤懣泄奇怪歌詩雪寶噴瀑  
泉鯁生坎壈邁險巖往事一轍今猶前臨院祠神亦何  
罪不有清議誰洗前明公聞望今人少歐陽少師直比  
肩陽施陰設在一手日月隔照定不偏拂拭塵埃出幽  
滯千載豈獨歐陽傳

紺寒亭詩集 卷五

七

過南村汪氏看牡丹其家栽此花閱兩世矣

入門花氣若爲通亂石欹斜也自紅時到穠華不擇地  
世間公道是春風藏書兄覺清芬在舊醞還能客與同  
多少名園皆換主年年容易對芳藂

去年六月得舒兒病報冀其尚活歸已半載情緒  
惘惘猶若前日偶步至別墅叢竹間則與其生母  
受婦孫同殯焉嗟然欲絕作詩四章歌以當哭

兒疑留別館我恍客燕臺忽此眼中見初驚夢裏迴殯  
宮侵祥荔稚齒竟塵埃骨肉真成訣于今五載來

都人

死亦浮生有所遭最汝艱欵時身帶經泉下目非鰥却

怪團團在相看咫尺間水雲遮不住腸斷碧溪灣

尋軀曾奮勇虐焰正如焚黨錮鉤張儉號呼一吉羽翻

悲命短折可恨道泥焚孝義天應祐蒼蒼聞不聞

復被急徵兒赴行臺陳

京師

相知愛抵筆謂可付琴書曾是丹青及今皆涕淚餘庭

趨從已矣詒厥有誰歟

凭闌得二絕句

無子

雨催濃綠漲春郊隔水連林勢欲交上番

千十尋已見透煙梢

澄潭如鏡不生漪一隊魚苗逐母嬉忽入蒲芽深處去

柳風飄動驚鷺絲

紺寒亭詩集 卷五

天

閏三月望後五日漢瞻自京師歸來晤相別逾半

載矣漢瞻刻期赴興化李侍郎之約而余將謁選

北行離懷別緒述以韻語余長兄與漢瞻次君去

年皆歿沒余女字漢瞻長君末成婚故頸聯及之

別君槐綠初垂穗今看楊花又作綿遠憶如磁能引鐵

相逢似苦暫安弦賣車營辦追前痛牽犬資裝木了緣

南北行蹤俱不定同遊五岳是何年

彭無山給諫自河工召復原官喜而有作二首

三年薄宦臥江干鳴鳳今朝刷羽翰暫屈鄰侯參幕佐

忽宜唐介拜原官重來寰海皆傾聽一入朝廷便改觀

漢室淮陽終不召須知納諫古今難

直聲當日滿朝端袖裏彈文對仗彈班序望顏曾破膽  
殿廷引領再披肝涓埃臣職思裨補飢渴宸衷想治  
安四友一時同被召科道官四人伏蒲誰獻寸心丹

戊辰秋移斑竹植紺寒亭之右偏今已成叢愛其

風神蕭散處載陽不加妍骨幹幽貞遇寒稜不少

屈婆娑把玩鎮日相依今將北行書此留別他日

相對此君知不遺諾責也

我昔移此竹大才比食指是我性所耽護惜猶兒于往  
者客四方問訊必及此竹今漸成林主人亦歸矣離立  
風潭上寒綠搖颺抵疎韻頽道流勁節嚴烈士湘紋雜  
紫翠斑駁亦有斐凉月墮前除床几明如水拂此蕭蕭  
紉寒亭詩集 卷五 三  
影冷然入骨髓吾方注選格別君又茲始常存懷抱間  
千里但尺咫保此歲寒姿清風或汝似他年歸乎來息  
壤已在彼

嘗鱖魚

銀鱗耀眼甲光榮那許槎頭比玉鉗入夏鮮腴防溽暑  
出江冷冽帶中冷食單自合充方物馬邇曾聞動使星  
何意腐儒染指及品題風味紺寒亭

客平湖令君王東巖出天香亭雜咏見示雨中無  
事和其韻

竹闌四面敞虛亭採得奇瓊架石屏堂吏休閒鈴閣靜  
送花人到一傳鈴

寒蔬抽笋乍穿籬驚栗成囊又綴枝不出堂皇無廢事  
農忙恰是看花時

惠泉齋出綠初稠倚醉閑行不覺頭怪得衙齋篇咏富  
此間常蓄釣詩鉤

塊我疎才獲線長只今亦理嫁衣裳先生贈我無他語  
爲政須知種樹方

題桃源圖

漁舟歸去已無蹤萬樹桃花隔遠峯當日東封曾不到  
大夫讓與泰山松

紉寒亭詩集

卷五

三

紉寒亭詩集卷五終

銅鼓歌

嘉定趙

此是何物厥狀古大圓兩肘高尺許截筒直下下無附  
平面綴文粗類鼓其上隱銅釘手切疑人乳其旁具四  
耳便可貫以組縣之置水中鳴吼挾風雨桐梓削魚形  
其聲更發怒此器昔有稽制云出忠武有人宦楚遊請  
托千金拒嗜古性所癖却彼獨此取淪落禪榻間繡澁  
封塵土緬昔諸葛君匡扶漢室旋乾坤南人跳踉幾盡  
耳其氣直并吳魏吞此鼓雷一震屋瓦皆飛翻淳干及  
刁斗比擬何足云迄今想像臨三軍真可蕩滌菁雨開

紺寒亭詩集

卷六

一

發雲 聖朝神武張捷伐何不用此宣揚露布銘功勳  
嗚呼上天生材原不少鳳皇雞栖食麒麟牛阜老何異  
銅鼓瘠無聲冷月淒風臥秋草

當湖劉氏所蓄珍玩皆有籍記海寧查東亭進士

攜以示余且邀作歌

查侯邂逅在客館文書銜袖出一卷云有宦裔沛國氏  
先世達官任樞管珍藏服玩圖籍存枚數件繫各分欸  
展卷陸離光燄發旭日隱橋正射眼宣銅成密內府造  
蟲漏駝尼海南產宣和玉鞭屈如環藥氏顆珠大如卵  
荒林童子收屏燾故塚王孫出金盃不數裴家瑪瑙寬  
宜欺王愷珊瑚短鄴侯况是千架孽靈寶豈徒一舸滿

懲嚙聖世不貴異物賤用物世祿怙侈遂窮奢定知收

買費萬鎰抑且豪奪破千家劫火有時付灰燼入地亦  
悉化螭蛇當日司馬掌邦政職籌軍國清邊境區區好

此服玩為身家則肥國已病君不見勝國山河一失守

九門洞開六宮走兵馬蹴蹋作塵埃尚方零落人間有  
世臣與國同休咎却獨摩娑歲月久查侯此卷莫流傳  
不妨散滅隨雲烟尤物移人達者少古來何代無此賢

白牛蕩

乍此心胸盪茫然巨浸中岸青山動遠天白水浮空竹  
簾清無暑蒲帆飽受風欲窮湖變態少待月生東

垂釣

紺寒亭詩集

卷六

二

直鉤無餌計誠疎凭檻臨流借看書近日江湖網罟密  
曲鉤下處也無魚

芳菲

舊薇開過又酴醾血色猩紅白豕脂一歲芳菲四季換  
如今不是牡丹時

小雨

驕陽如酷吏忽亦解威嚴土潤黃梅應田收白麥添小  
池聲到枕平野綠侵簾久切雲霓望無妨一日淹

四月七日客當湖聞翁母袁太君之計設位哭已  
發書弔慰口占二律羅軒以兄道待俞俞以母道  
事太君者也悲痛填膺放筆抒寫語無倫次不厭

覆壁藏爲寶石累登堂拜許巨卿親自應君母猶吾母  
不謂今人見古人迎養去家千里遠輕財爲友一官貧  
未能匍匐來襄事愧殺須眉七尺身

逢人爲雪覆盆寬收得哀號失木猿分宅不教井爨別  
闔門時奉笑言溫願爲公子捐軀殉匪是王孫一飯恩  
從此長安誰倚仗先生扶柩已南轅

水次見一細竹可愛因製成釣竿

良材中妙選，凌勁似麋筋。潤帶湘江雨，寒探笠澤雲。絲綸且小試，烟島許平分。用處須臾用，休驚鷗鷺羣。

遊陸開倩陶圃陸昔年同患難故有次章之云

謝寒亭詩集

卷六

三

步欄屈曲到前除耳目虛明意曠如雲岫當牕蹲虎豹  
風潭落月浸蟾蜍希蹤彭澤歸來趣接壤檀園嘯咏居  
知是主人能愛客不嫌看竹有肩輿

駭浪驚魂一夢過君今卜築此泉阿塵中水木清華地  
劫後琴尊安樂窩愧我輪蹄疲驛店何年枕簟共烟蘿  
南塘路近容相訪便擬歸來製芟荷

喜姜西溟登第

吾聞四町間平地萬丈拔其上有戶牖玲瓏四開豁東  
望接蛟門架海撐天闕山海氣鬱積多生靈怪物紫貝  
青珊瑚未足盡宣洩自昔富文彥卓詭吐奇傑夫子神  
骨清肺腑瑩玉雪格韻既孤高文瀾尤駿發近代述作

家其意皆撻伐尚欲無前古豈獨霸東越少便工鉛槧  
大力氣空濶刊削皮膚盡不顧世眼悅麻衣贅行卷十  
歇十見別齒髮老未凋精神怒猶勃清酣發高典低昂  
奮長鬣自誦磨竭守此生苦不達可否再應舉於子取  
裁奪而我相信堅從旁力贊決文得春夏氣事不終衰  
歇主司失此人科目宜虛設李杜不制科乾坤留一缺  
今年試南宮果得巍峩掇郎報傳姓名紙上如凸出世  
人雖忘才天肯教抹殺入血寧帝制奎章爛日月從  
此玉堂中製作有光烈連年同吟唱一旦躋清切作此  
申燕賀且以叙闊別竊亦附知言吾固無妄說

禽言四章

耕寒亭詩集

卷六

四

姑惡姑惡小姑索羹臚小姑嘖嘖姑怒作小姑歡喜姑亦樂姑不惡

婆餅焦焦如墨婆餅焦時莫棄擲田家收得殘斛麥去

脫却布袴兩臂赤露催租瘢大無衣護袴脫却歸質庫  
釜中無糜糲無布昔五襦今無袴

行不得也哥哥山行多豺豹本行多蛟龍手無斧柯可奈何汝知其一不知其他魚有驚波鳥未安窠住不得

也哥哥

野貓二十韻 里中有野貓穴空屋中作巢爲群鷺無遺種且噬及羣豚得食物或生

么麼小醜類昏黑肆闕面目烏圓似爪牙白額兼形  
初潛窟穴毒漸布間閭剽銳穿牆隙黃緣上屋檐應禽  
催曉漏欄鴉待湯餅鉢腎鑠肝碎風毛雨血霑宜欺童  
殺斃並位艾殺穢穢孕子孽無算呼朋勢更炎姻盟皆短  
蚊黨庇是長蚋占地包林麓分肥奪釜藟鈔屠併殺邪  
攜載亦凭鉗蹂踐真狼藉貪饕反約廉妖狐假赫奕猥  
犬避威嚴偶幸網羅脫翻教羽翼添腹腴白似狐血臭  
氣應藪數惡歷年久加誅衆論僉虞衡設伏巧葛黨  
及鋒鋌熱食湛失諸酒淹藏實以鹽人情如此快物患  
一時磨莫爲之蟲惜還令末俗矻鳥國稱各泰人謂豹  
血與見佛圖登傳教表也  
見張平庄進帝符表  
續寒亭詩集 卷六 五

乙酉紀事詩三首 王師南下嘉定城破時事也  
邑志今載入  
侯通政明曾第貢士岐曾子秀才元演元潔  
十萬橫江勢已吞義旗猶復中原謝家才譽連羣從  
袁祭忠貞聚一門累世恩榮簪笏傳經清白子孫存  
東林當日多耆舊到此方能見本根

黃進士淳耀第秀才淵耀  
金殿臚傳下策名城亡便已殉孤城從容約結成雙節  
忠孝文章本一誠信國運嫌燕市死淵明忍過義熙生  
千秋心跡無遺憾伯仲西山兩弟兄

龔舉人用圓張舉人錫爵夏秀才起蛟 城破尚可  
志殉城事述甚明近日修邑志者皆云死于城破出決  
大貴張公與先祖交最厚龔公了得和先生余小

受業知  
之甚矣

雜文清節見儒風殷有三仁致命同守正寧甘由寶兌  
臨危尙是結纓終人疑許遠因傳誤史失韓通曰曰公  
奕葉切從世講後聞知真正自兒童

完節詩爲寡妹故江楨妻作

我同產四人我上有一姊下則兩弟妹肩隨相次比配  
誓以恃失弟出養舅氏三雛相依棲難窠黃口似畏亂  
家崩奔衣衾無完履妹性頗明惠造次有條理挂壁一  
燈昏咕嚕共針黹十八釐于江食貧亦宴爾良人客禾  
中逢盜猝水死妹時盛年華有生才二紀志在殺身殉  
尊章勸停已與焚兩形影孩提小女子龔疎綺執却黎

卷六

六

瘠容毀毀啼痕常在頰言笑不露齒女嫁又短折哀哉  
時運否臥起一危樓閨寂殯宮擬織作供薪爨婢僕不  
任使四人三人存伯姊先逝矣兄嫂及弟姪經年歸省  
視家人雖燕見容止無惰弛內外宗黨親皆謂能守禮  
四十年一節萬丈乃見底誰云茹荼苦其甘甘如薺誰  
云清渭清其清有泥滓如此保完節眞可上悼史具牒  
申行臺褒閣蓋有以旌門尚可俟夫我豈他諉有懷鬱  
不宣此筆且記此一以表幽潛一以志婉耻

燕衍行

紺寒亭前日向軒紺寒主人腹未飯山妻縮瑟供釜糜  
愧葉冷淘已入半昨日到市賒香杭今日無錢而煮汁

奴于慘沮無歡顏主人談笑如燕衍君不見裴令從理  
云人口出入將相押班首况我豐下未尖危耶便領顧  
到衰朽平生筆力造化爭快撻萬有無遁形剪刻元氣  
洩精靈軀軀窮餓我亦應君又不見近日天兵出塞斬  
樓蘭餉道崎嶇糧料艱萬乘優恤六軍苦百官不能  
人二補豎儒齷齪亦何補乃欲靡耗太倉揅腸肚江鄉  
連歲災傷酷兩稅官司星火速豪強乘勢兼併吞嚙宜  
一金換斗粟翁媼飢疲久無粥春得糠粃亦梁肉嗚呼  
主人安得有粟三百困一困皆足三千斛代人輦載輸  
官租江北江南無餓夫區區何但飽妻孥

人覓覓名蔬中常品耳易以商陸同稱史與紫茄  
紺寒亭詩集 卷六 七

並列老杜獨片之爲小人抑過矣輒爲平反托之  
韻語

往牒疏曾及晨餐力亦任孤高君子論籠櫪腐儒心道  
以包荒大名休別白深滋培天意在雨露到庭陰

述夢

五月二十日夜夢先于出白金一笏購一琴材云  
甚佳可斲成琴覺後有述

梅雨燈昏夜寂寥分明管欸隔輕綃繁絃爲解幽憂疾  
寒玉收來入爨焦樂器冀登天廟用樽材不任國工雕  
覺時清淚猶沾濕落葉浮雲夢已還

鍾馗殺鬼圖丙子六月作時興風扇潮大上居民漂沒萬計人鬼相觸符水不能禁

朔風凄緊日氣低陰霾罩樹黑于磐櫟窠訓狐嬰兒帝  
眼睛鏡凸碧頗瑯故鬼新鬼露端倪如照牛渚然水犀  
大厲鬚髻髮不并模糊體手自提嘯呼徒侶爭排擠  
雲車風馬犖女妻突入廚漏混床栖村墟坊市時日齊  
巫現張皇神降叩大索牲酒殺豬雞報賽不敢畧刻稽  
綠袍進士前訶詆指如墨挺面凍梨腰下三尺膏鵲  
青天露拔驚虹霓一揮鼠輩切作齕羣鬼鳴訴聲酸嘶  
在昔鋒刃遭屠刳頭目身隨沙塲泥去年漲海決塘堤  
僵尸十萬塞隧路彭亨飽悶若蠅鯨老魘老魘意亦迷  
馴擾屈伏一老羸役使鬼物等小溪上下南北馳東西  
掠食輦血沾鹽醢汝奉天命來提撕而乃進止但突梯

紺寒亭詩集 卷六 八

虎豹九關誰敢躋嗚呼其奈此蒸黎

題虞山初學集

物望當年朝野傾平生自許亦高明每談忠孝須眉動  
爲辯貞邪口舌爭須袖一時尊復社泉臺翻覺愧烏程  
畫輪懶尾攀何及老壽從來易敗名

天水三貞詩

族人某妻陳氏夫蚤世陳事其姑盡孝姑老病不  
能食陳嚼飯哺之垂三十年不倦

孤嫠身世等浮漚樁柱家門四十秋早死兩髦有母在  
未亡一息爲親留雙飛鵲久分青鏡反哺烏今也白頭  
不但水霜存志節史家貞孝要兼收

寡妹適江楨二十四夫客死一女亦殀生臥一小

樓三十餘年人罕觀其面

少陵有妹在鍾離痛汝酸辛又過之一死一生方弱歲  
無兒無食欲依誰伶仃如此心誠苦衰白同余髮亦絲  
地下老親差足慰清輝真是照門楣

從子某聘江氏女未婚夫死江毀容截髮歸夫家

長齋禮佛矢死同穴

許適王郎早締盟謝家道蘊有才名晨昏廬墓身甘殉  
伉儷同年禮未成白璧連城歸趙重澄波百尺見江清  
布衣蔬食威儀肅宗黨于今是法程

詞門

謝寒亭詩集

卷六

九

筆札閑居借養病良朋倚撫未嫌苛原非典冊高文用  
不待粗沙大石磨世網昔曾逃芥鎖詞門肯教起矛戈  
倘能指授前人法一字師承受賜多

可歎二首

秧未抽針麥乍秋農人那及把耒耨穰州司猶道勾稽緩  
昨夜新來郡督郵  
離露歌聲起四鄰嶙峋白骨偏荒榛幽泉便敢逍遙去  
尚是秋糧漸責身

庭隅紫薇花二株是先君子手植自走京師不見  
此者六稔榮盛加于疇曩六月間先抽一穗如挿  
絳綃其他蓓蕾亦含苞將拆矣聞陸紀雲張漢昭

唐穆衡將枉顧詩以遲其至

茅檐瞥眼便繁華幾尺珊瑚映碧紗獨秀一枝先賜紫  
交花兩樹漸蒸霞叨承世澤根株在敢冀 天恩雨露  
賒嘉客肯來同玩賞不嫌供具是茶瓜

讀史八首

公孫弘

祿賜三公自不貪殷勤脫粟為留賓相君盡欲開東閣  
只怕相逢有故人

蘇武

琵琶勸酒出胡娃百鍊剛腸此事諧料得冰天雪窖裏  
節毛零落費安排

謝寒亭詩集

卷六

十

周瑜

水軍百萬震江關摧破周郎談笑間天許抵當生仲達  
可須六次出祁山

孫權

雄踞江東二百州稱孤南面已垂旒却愁難入桓王廟  
身著曹丕題子裘

王導

本無勲德濟艱危儒雅風流事又虧臣族早知三窟就  
風塵却障庾元規

潘岳

板輿奉養未為真拙宦常思涉要津一片機心何國母

更無心到太夫人

劉義康

供御黃柑迴不如親藩疑忌一時疎靖康秦老真奸猾  
故把青魚換子魚

李訓鄭注

義憤疎狂志未伸一時毒烈徧朝紳閹人勢重多回護  
千古謀臣是亂臣

雨

豐隆砰隱起郊垌膚寸俄看晝晦冥憤下坂來林氣白  
龍歸海去雨痕青中宵尚覺星河濕侵曉微聞草樹聲  
領畧天光與野色梧陰默坐一空庭

謝東亭詩集

卷太

十二

盆荷十韻

盈盈別浦似冉冉涉江非竹簾俄浮綠隱紗忽染緋孤  
擎枝秀發掩映影依稀清潤花窵盞光輝白板扉庭偏  
風氣聚筒引水泉肥種玉移仙骨飄香落故衣輕鱗游  
可數宿鷺下還飛採豈煩蘭漿看疑坐釣磯酒能添韻  
郁暑已解炎威托契原相入高吟興不違

輓惠元龍

天於諸福物施予皆不吝貨貝世所珍箇巾常充物  
服以取貴倖者獲非分其間多僭忒天亦置弗問文章  
小技術於世直餘閨士有挾其能物病一美疾天獨秘  
惜之萬人一人僅其有得之者百計加磨礱身必歷險

感宦亦逢禍疊先生富清製獨秀異一郡智乃過其師

轉覺鈍翁鈍妙緒引一髮霞思拔萬仞格致標孤迥辭

句無凡近余辱臭味投澄潭寒月印識識少低悟許與

山矜慎謂余肯古法老在能用韻口不藏否人其意則

過峻文章速朽物行世此可信一第晚年達玉堂蚤被

損棄之沙磧場璫璣遂灰燼詩工乃召窮曾何裨尺寸

咄哉此虛名反若以身殉筆墨恣狡獪能扶造物蘊天

與人爭名故宜致困頓陵谷有變遷日月有薄暈斯文

終古懸泉阿又何恨

君不開

我聞鱗蟲三百有六十誰爲雄長曰汝龍汝能身上出

謝東亭詩集

卷太

十三

火身下水瀾漫布濩滿虛空云何屈蟠泥滓細小如

蟻蟻噫吁戲世人所玩但徇馬豈有好事者四方上下

欲汝從汝角峭浪凹目深鼻豁只恐形容怪醜驚愚蒙

君不開沈諸梁楚葉公

舟行晚過青浦

孤篷秋氣入此夕客心驚露白浩無際蟲吟併一聲塔

隨帆影走潮湧月輪行傑傑城烏起譙樓已二更

九月六日抵杭州留羅月軒二日特康伯扶母夫

人樞尚滯河北將到延平訪范筆山太守留詩軒

中以遲其至

從此輕裝向七閩遲君尚隔大河津黃花翠竹能留我



白飯青芻又累人負米歸來悲孝子殺雞當日爲娛親  
遙期返棹相逢地洒淚西風及小春

湖錢唐江抵桐廬舟中漫興丁丑九月

前度看山又此經看山人已鬢毛星山靈不管榮枯事  
常帶烟雲弄曉青

其二

江上山形水勢爭揮江石壁露崢嶸清江不教留泥滓  
剔出山根瘦骨成

其三

拍天巨浪打山腰怒馬奔騰氣未消直下吐吞三百里  
不容逆上海門潮

霜寒亭詩集

卷六

七

其四

黃菊紅更無處看遙空鴈影落江寒天嫌行色蕭疎甚  
染就楓林萬木丹

其五

金華臘酒綠初醅爲倩青山勸一杯南北帆檣紛似織  
幾人曾是看山來

其六

此身真共白鷗閑放意清漪白石間一路谿山皆舊友  
不逢安道未空還

累月苦無佳緒江行差快意以長句抒寫之

家居百憂萬慮叢心胸刀槩交攢攻江行淘寫渣滓淨

澹蕩碧水涵秋空羣峯向我相揖讓飛身躍入青溟漾  
况是重陽風景換翠山一帶鷗鷺紅紫筍茶熟香杭軟  
旅人役使有兩僮龍賓毛穎粗備具精舍即在短篷中  
有時豪吟得雋句霜天驚墮雙飛鴻人生安得無一事  
灘頭作一漁釣翁咀嚙溪山飽滋味宦情家計皆飄蓬  
此事造物亦新惜昂首問天從不從舟行漸近七里瀨  
山勢環抱水奔衝歎惜古人不可作羊裘老子真英雄  
雲臺消磨釣臺在百丈突兀撐青穹我正懷古欲憑眺  
斯師忽已乘長風

桐江

四瀆黃河長冠履不可收此江清見石徹底碧千油天  
霜寒亭詩集

卷六

十四

釣臺

上尋源隔人間愛濁流惟宜伴高士寒對晚山秋  
不是居入後古今知者稀讓他與帝業留此釣魚磯漢  
鼎埋秋草名山屬布衣當時尚黃老豈亦見幾微

薄暮

遙天暮靄暗江濤已失前坡萬木林亂石臨流如欲渡  
遠帆貼水乍疑沉風生湍勢晚來急客裏秋光分外深  
總是舟行探絕境一隨天氣變晴陰

樵者

白谷青冥上非關野性諳因謀妻子飽未避虎狼貪官  
稅寬應及山農力所堪代檀古有詠我輩正懷慚

庚午同王令詒徐章仲南遊今王宦粵東徐補官  
人都獨余重來作客感舊有述

千里烟光依舊開莫言孤客意摧頽染成溪碧兩崖翠  
點破秋容一鷺縈箬密不知山縣過樹濃却似晚春來  
京朝昔日同遊者輸我幽尋此一回

金李適所畫龍虎圖贈羅軒戶部并系以詩

畫家寫生須生意神骨肖難形肖易近人臨摹但粉本  
皮毛雖似神不似此幅寫生殊奇特乃是明昌年間李  
適所畫真手蹟客欲展圖試一見只恐紙上烟雲瀕洞  
奔雷電堂前松梧竹柏皆交戰所圖是何物下是一於  
篋豎毛尾倒拂上又一物住虛空頭角鱗鬣雲半封一

新集李詩集

卷六

五

朝相遇不相下此二物者各自雄龍目在虎虎目在龍  
精神炯炯注雙瞳正如秦王趙王殿兵備彼此觀望不  
欲相鬪攻旁一老松根鐵石丫叉怪醜駕牛輓稍垂壓  
地拗復立白雨蒼皮如淋汁風枝雨葉添氣色亦為雨  
雄作羽翼古人心思子細眼孔潤落星蕭疎神理活畫  
工見之氣自奪仙郎畫筆古人俱現論材器今人無金  
鐘玉衡世所須作歌贈君良有意此是風雲際會圖

晨起

篙師晨理檣推蓬夢亦足水面若泛乳漫江布白穀忽  
逃天上下况復辨林麓天東吐一線半嶺光欲燭迺是  
羲和馭扶輪上初旭雲霧俄捲收絢射波光綠遠嶂高

原上山家放畜牧昨夜月浸江一天浩風露晦明倏改  
觀陳迹又已故兩曜罕停機所得靜者趣一墮塵埃中  
惘惘何由睹

由建德入蘭谿界

已穿三郡遠未出萬山圍水碓乘江怒風帆背嶺飛灘  
高魚逆上林曙虎潛歸險境心常穩應知飲水肥

聞蟬

每附高枝占上頭熱時聒耳冷隨休殷勤似汝多情小  
為曳殘聲饒晚秋

泉

霜天襖被正淒涼哀哀春撞欲撼床倦客五更還就枕

新集李詩集

卷六

五

泉聲徹夜比人忙

樟樹潭有古樟圍可四十尺庚午秋過此作古樟  
行紀之今泊舟其地以昏黑不及登

奇樹曾登眺驚傳衆盡呼直疑開闢有若論見聞無風  
雨精靈出乾坤骨幹扶未能重酌酒違此賞心孤

丙子春為王麓臺給諫題畫王用高尚書黃子久

筆意作一幅見答藏之篋笥舟行無事賦長句俟

歸家題其上

先生愛我詩險怪隄兵入蜀如鄧艾我愛先生畫品高  
翠山俯首宗奉岱先生得詩向客誇瓊華遂以報木瓜  
歸家不敢設寒具座中索觀皆咨嗟都諫酬酢倦筆墨

床頭有人捉刀立云此特爲知已贈磅礪解衣揮洒得  
小山麻皮被大山巨斧劈遠峯腰脚雲鎖斷頭頂突兀  
浮空出林深木密嵐氣碧手捫疑帶山雨濕高菟恭黃  
子久下筆驅遣供奔走神工鬼斧出無入有手忘于心  
心忘手自有元氣相樞紐我未學畫愛學詩竊以此意  
推測知緘寄此詩索報書謂我才力近何如

江行快旬皆開霽

半月晴光氣亦攄閑行差似勝閑居沙汀日睜看鷗鷺  
浦淑風恬恬待鯉魚瀑布蒼巖几案接滿簾碧浪水亭如  
家中鹿鹿櫻塵網趁此篷牕好讀書

山家

謝寒亭詩集

卷六

七

未脫人寰內山家俗自成潺湲泉入甕煖爐火能耕犬  
是雲端吠鳩傳谷底聲廿年戎馬地猶有此遺氓

戲爲拗體述所見

封三錢府 皇恩大乘一障行使者尊繁纓誕馬呵殿  
遠握刀縛袴聲啞喧奴人氣沮而無色客子心笑口不  
言鶴鶴光榮時所羨舉世賀賀誰與論

曉過羊牯嶺

客裝綿薄似無襦臘漱雞鳴已戒塗鉅鏘霜潭寒肺腑  
質管風竹拂眉鬚續成殘夢兜輿穩戀送征人嶺月孤  
檐下老妻應炙背客行衝曉出三衢

浦城令同年周方山有惠政過此則前月已物故

作詩弔之

輓牽應計一句留路過魚梁輓各倦欲休地主忽成遼海  
鶴故人空泛剡溪舟山容似帶風霜慘野色曾霑雨露  
稠宇內知交零落易綠波南浦去悠悠浦城古

奉呈延平太守同年范筆山

魏我昔日冠羣英出領雄藩第一城師帥尊臨七邑宰  
步趨遙接四先生中立仲素恩中聯翁詩留題處名山  
重琴在行裝宦橐輕只恐南邪難借寇漢家治行入爲

郭

吸江樓

官署危巖據上頭雙溪南下水交流城根漱玉如環砌

謝寒亭詩集

卷六

六

天外烟鬟欲入樓坐臥已窮千里目畫圖好捲萬峯秋  
明朝話別銷魂地冉冉青猶送客舟

雜興二首

噴色合庭樹兀坐澹孤迥冷然石磬清山風度遙嶺攝  
衣下前除歷歷疎星耿霜空天宇高銀河瀉松頂觸緒  
道抄存忘言意已領

詰朝面羣山近可垂手拊偃僂儼老仙娟秀類靜女溪  
光天際落遠勢亦飛舞一簾碧玻璃倒挂在簷戶挹取  
此偶然溪山自終古

出郭遊花藏迷道因到法雲寺

散步出城闌奔龍激沸茲既越險行衆遂亂流濟崖

口巖勢壓山根石路細仰瞻天可捫俯測下無際盤陀  
小憩足一亭結如響松剛翠遠浮霜林紅特風樹露  
端倪花藏金碧麗回互紆徑折薪薪複嶺蔽乍在目曉  
間相等若相避法雲上雲密却顧落平地歸塗數隱見  
奈此足力廢胸中具丘壑山水但與寄人力焉可窮耳  
目姑一試永夜夢境清尋想有餘味

筆山欽留涉旬未得歸與署中陳同亮毛熙臣陳  
行六周仁百同遊眺勝詠

飛鴻又印雪泥蹤布襪青鞵萬里重愧我未如冬日煖  
多君更比晚山濃登樓嘯咏賓朋共渡水微茫酒炙從  
訓唱輕旬成一集不嫌末簡有哀慵

謝寒亭詩集

卷六

十九

題鄭高州禹梅出守時留贈畫幅

我友寒村子托一宿將論高脂智決句險筆力放直  
是無古今盡空所傳傳聞亦用詩意潑墨生綃障奇石  
立一峰枯梢掃徑丈搜討蹊蹊外刻露溪山狀獨此烘  
染勻秀潤出新樣牛毛石稜燈魚鱗水紋漾人物小如  
豆林莽森若仗黃落秋思深紫爛山氣王遠景寄微茫  
淡趣諧疎暢忽然移我情清明入胸臆畫手必詩人規  
格可意創墨守一家法彼俗特畫匠于本華國彥能洗  
蠻山瘴矜慎百朋錫真意久醞釀故人萬里隔別來幸  
無恙披圖恍接封風懷各滄蕩

詠史二絕句

宮中人幾曉成鸞音泥咏盡蛾眉一野雞得向君王帳下  
死咸姬曾不及虞兮

衆塵西出隴山時猶憶涪州進荔枝恨殺馬嵬佛寺裏  
何人先爲種棠梨

延平太守席上嘗海談出寧波海中長僅寸許夜  
浮水面有光如火燄因名以作羹甚鮮

明州富海錯品格殊最殿獨此形鬼瑣方寸類襪線丙  
夜發奇光閃閃波間電漁師數罟收浮沫聚水面風戾  
日色乾餉遠紙裏便不須下鹽酪瓊蜚碧于靛更欲風  
味疎筆以冬筍片主人出鄉物意頗涉矜銜朕未口腹  
充芳已齒牙澁江瑤牡獮房清供又一換明日過山莊

謝寒亭詩集

卷六

二十

摘此佐遊談

梯田閩人種稻高岡上竹果如竹

戍削連岡拔安排置級層雲根疏水脉木末耕田勝禹  
服隨刊外蠻荒物土增此間開十畝筋力耦耕能

過建寧不獲瞻拜故座主鄭公几筵憤惋彌日詩

以志愧

蒼山削成青琅玕陰森上拂星斗寒公昔英靈出此山  
騰踏玉霄鸞龍驚歷踐清要司詰姦臣心精白臣職殫  
公性和易器量寬然人不敵已私干南山移易此列難  
坐此暗失要人歡以死動事敢即安萬里竟以靈輶還  
不具零落衣裝單山行水宿涉險艱素旄前引藤束棺

賢勞勲伐故不刊未得豐碑立噴吭若牒太常下史官  
議謚于法合忠端事久論定衆所歎春溫必且回天  
顏恤贈定不我公慳白髮門生過江難咫尺不得泊城  
灣瞻望公靈在雲密無力申訴叩九關自傷卑賤嗚辛  
酸風利南下江百盤僂見山城氣鬱蟠

夜雨

四山雨意動嵐氣薄斜照乍怪鄰燈暗俄從客枕聞定  
懸千嶂深應滿一溪雲不謂崇朝霽仍看錦繡紋

鷺鷥

愛此雙飛翼晴江印碧紋分明五彩線繡在綠羅裳

鷓鴣

謝東亭詩集

卷六

一飽何時足求魚沒水深豈知有白鶴寄宿在高林

翡翠

不惜微軀殉毛衣絕可憐麗人妝鏡曉待汝上花鈿

葉方驛水次遇顧友因得同年永寧令戴開亭宦

况顧徧歷海東諸國故首章及之

芳前峰頭翠作堆九龍潭口木成雷寰中奇境尋常過

曾看蓬壺方丈來

三載睽違此乍逢櫻桃樹底話從容故人遠宦傳消息

已當乘船訪戴顒

自浦城抵江山歷漁梁梨嶺俗名五嶺楓嶺小竿茶

嶺羊牯仙霞嶺凡八嶺仙霞最峻楓嶺分浙閩

界西直江西永豐

危巖矗立建雲旂阨塞還應壓二嶂平過林端疑跨鶴  
直升谷底似騰蛟星文躔度三州錯地氣肅涼半嶺交  
莫道仙霞到絕頂仙霞關尚挿山坳

側側見古梅雜灌莽中爲藤蔓所牽絡何條未舒  
而蓓蕾欲綻如高士鬱抑蓬蒿間勝情逸韻自出  
塵埃之表作詩以悲其遇又爲一洗雪焉

振衣上嶽葉揮手披翳翳急景頽雲暗虛化驚颺起衆  
芳生衰歇百卉皆銷毀茲乃秀霜林而獨吐玉蕊托根  
在巖頭橫枝臥沙尾繁香傲雪月寒漪弄烟水結契柏  
竹貞肩伍桃李綺欲使扶疎挺誰爲荒穢雍偶強有本

謝東亭詩集

卷六

五

性棄置固其理夫豈慕世氛竟移此內美婆娑申永嘆  
庶幾發素履

去富陽三十里夜泊風大作不能寐得十四韻

舟昏初下可燈地尚凝釭栗烈當嚴令桐廬况急瀧乍

聞林歛歛漸覺壑深涼氣緊寒生被波搖白入聽水聲

遇接海風力欲翻江直訝龍爭鬪還疑山擊撞屢驚棲

樹鵲助鬧遠村砵砵隱朋沙岸喧應打石在朋簪欣得

偶葛屨僅存雙跋涉人千里艱虞此一邦馮夷頃効順

颶毋且修降但借片帆便無勞百斛扛會城瞻睥睨古

剡望幡幢良友燒銀燭清宵倒玉缸

富陽至鳳山門遇大雪

八年四走浙東道三值秋霞烘晴昊天嫌未窮烟景  
特爲江山換容貌山氣沸涌如炊黍山頂朦朧忽若帽  
已勒滕六爲主張更教封姨相號召初拋鱗珠雜魚目  
旋剪鵝翎翻鸞翻胚胎三日雪始成天工著意如營造  
上天下水兩模糊覆嶺連岡都抹掃舴艋飛墮空明中  
大地山河作雪窖錢唐一股奔海門鎔瀉水銀傾升窺  
微茫賈舶排千帆明滅漁舟拖一棹酒旗不見何處村  
但聞孤鶴橫空叫試問灞橋驢背吟何如簑笠寒江釣  
客興未嫌風力拗客衣不耐寒稜峭再換滄江霽雪圖  
明日千山相照耀

抵杭州艤軒尚未至

謝案事詩集

卷六

五

聞君單舸達宜沽我暫揚帆客艤浦計程往返涉三旬  
剪燭西牕話湖墅府主挽留留不住歸犯山嵐破溪雨  
入門主人猶未歸瓦溝殘雪照廊廡疎松寒篠庭翠交  
似欲迎人相告語北望烟波渺何許淮北淮南正鳴鶻  
我今前出駕鸞湖鴛鴦湖頭霜月苦此夜月明無近遠  
照見離人雙淚眼

由太湖出五龍橋

長湖可假道曲岸放輕舸波闊山形小天低水勢高渚  
禽翻玉雪城塔隔烟濤不復臨洲美羞稱是釣鼈

婁門遇東風

百丈相牽尾接銜水斯逆上似曉巖婁江亦有東風便

只爲來船助一掀

小至夜泊千墩得二絕句

淪漣水面月痕新秋杪辭家已七旬北望村莊三舍近  
今宵終是未歸人

雪後添肥水際梅黃鍾律轉動葭灰客舟今入吳淞口  
好共陽和一氣回

生辰自述 歐寧道中作

攝敝衣冠挂剗緱功名對鏡也駢羞一生蓬矢桑弧志  
千里籃輿笈笈遊烏鵲叫霜山月小魚龍蓄水浦雲收  
今朝爲倩毛錐子寫出胸中萬斛秋

二

謝案事詩集

卷六

五

抱膝高吟但據梧疎慵兀者倩人扶一身無計謀三黜  
四海何人是八廚泉布先生尊似帝鴈門太守傲諸儒  
茫茫稅駕吾何適汎汎真同水上鳬

三

火色鳬肩愧馬周太平天子正垂旒奎章閣閣勤清  
問袍屨屯兵罷久留白衛也思追赤鬣俄驂終未敵伊  
彪金銀宮闕蓬壺近不是鸞輪不可求

四

殷鐵劉班疊已多南山鳥麗北山羅平原一郡皆連染  
元祐餘官許濯磨墨授垂腰外吏賤霜髭飄領盛年蹉  
滯竿可得容尸素朝議聞優拔萃科

五

若論用世一匏瓜物忌春林乍吐葩射影短狐原有弩  
穿牆黠鼠本無牙未因魃觸涸金翠豈有瘕者蝕土花  
磨涅尚留堅白在旁人休擬碧雲駁

六

當年疲馬走天街臭味芝蘭得我儕敢謂珠璣生咳唾  
自憐土木具形骸官階禮忘雲泥隔詩社歡同竹肉諧  
行李今誰東道主還思燈火坐高齋

七

寒縮人唯是凍蠅驚駘尙可踟蹰就書囊志欲追袁豹  
史筆才差比陸澄鯨吸能勝五合酒鳩扶未藉一枝藤

謝寒亭詩集

卷六

五

頽齡那便歸衰朽廣下豐頤或有徵

八

五濁誰能脫垢氛心胸大是費楊耘溫柔鍾乳三千兩  
揮霍黃金四萬斤失此人情皆咄咄逢時我意亦云云  
愧宮有夢無緣入來往山頭看白雲

奉挽翁母袁太宜人以詩代文凡六十韻

俞也少不夭八齡失所恃同父凡四人二幼又早世適  
俗鮮所諧嗟行胡不飲晚乃得民部停篤講古誼痛惜  
護瘡痍扶攜出顛躓我寒解衣衣我飢推食食我郎官月  
奉薄代輸千金易傳聞傾都下公卿高其義登堂因拜  
母撫我若嬰稚兩載客館中禮意委曲至時遣僮姬慰

間勅諸孫侍民部兄事我骨肉猶不啻宜人即我母懷

抱何以異客夏假裝發萬福階前地意色殊慘怛溫辭  
免揖跪丁寧我奴客恐其意怠廢感痛迫中腸掩面潛  
拭淚郵書數問訊美食且安睡今夏抵當湖倏傳已奉  
諱驚眩僵仆席哭泣權設位存不及問遺病不及省視  
歸不及執紼喪不及賻縫我行實負德問心抱百愧想  
像見音徽恍惚若寢寐久廁通家末述德粗能記宜人  
名閨秀幽閑又溫惠女紅及內則蚤歲皆習肄既以德  
配德高標挺格致詩名播海內詞章擅清麗孟光梁伯  
鸞互以操行礪曲承高堂懽順適介婦意贈友解佩琚  
留寶時截髮親事何有亡所求靡不乞其有背恩私亦

謝寒亭詩集

卷六

五

曾不倦施篤生三鳳雛各具排風翅伯即民部君琬琰  
天廟器尚書堯喉舌機務一以畀目覽口酬荅下直無  
一事東園蔬蘭蓀西軒滋茉莉芍藥紅乍翻蒲桃紫欽  
陞其意在娛親凡爲迎養計子壻九列尊外孫三品貴  
文犀雜薦繡燦爛門楣貴看花午橋莊置酒集賢第板  
輿導從容子姓多連騎鶴髮映朱魚可云祿養備一旦  
升白雲奄忽塵世棄金花詰喬皇瀧岡仟最顯會葬來  
遠州弔客走大吏嗚呼哀榮禮千百不一二俞也歷寒  
暑到今心戰悸凡民有死喪弗辭匍匐瘁孤負卵翼恩  
坐臥櫻芒刺不能千里迎空此三月遲隻雞漬絮酒再  
拜前陳饋心守無服喪涕豈一哀出

呼去

烈蒿悽愴問

精爽應不昧孤山峰巖巖聖湖流湧鼻山水無終窮此情曷有既其存此微誠與天壤同儔

張漢昭用宣州石疊成巖嶂邀余賦長句余近自閩浙歸

樹斃斃石齒齒此是富春沿江一帶山不知誰人移到此連月舟行觸碎確硌訝正怕豁灘惡到家差喜得平地又起林巒藏洞壑盡者軍營布置列劔槊坎者猛噬厓柴露斷齧連岡勢蜿蜒元化氣磅礴根株地底相脉絡豈復人工能架閣更欲巖頭挾泉竇放出乳泉文石粲風雨帶應夜讀書驚聽龍湫萬斛奔雷吼我家庭前怪石殊獷頑割君東南半股山邀君躋攀共往還不然

謝寒亭詩集

卷六

毛

君家齋頭常解一榻安拂拭湘妃竹簾冰玉寒春之朝秋之夕容我時時坐臥嘯咏予其間

畢易菴張芋巖二學博訂以人日偕陸紀雲張漢昭唐薇衡過村舍看梅東寄一律探韻得裴字西字

十樹梅花一畝苔相過不厭水雲隈難將粗櫬留佳客故倩寒香爲作媒仙侶同舟追李郭山莊題句有王裴春晴好趁年芳早莫待風飄入酒杯竹上青霄路不迷藤橋蔬圃帶雞棲村鄰驟詫高軒過僕從曾諳野屋低綠泮樹根閑把釣翠浮林外看扶犁歸程休怯廻塘遠城堞參差落照西

人日客來以雨濕不能坐林間只把玩庭前玉蝶梅一株別後再寄二學博及諸子

放棹春陰出郭遲到門泥滑要扶持林間密坐橋危怯檻外疎枝席就移既借花時攀勝友還憑雨意曠新詩須知薄暮臨歧後去住蒼茫各有思

仁和高孝廉則原尊人歷菴以丁丑屆八秩孝廉豫徵海內詞人作以侑觴臘月孝廉謁余翁民部齋頭則歷菴已捐館舍孝廉固請補作歸後却寄彊圍赤奮歲之尾趙子客遊康伯氏座中有客高孝廉鵠骨虬鬚天下士一觀標格意也消熟聞其名雷灌耳向余再拜再稽顙兩手扶之不肯起崔蘭雪涕如縷縻

謝寒亭詩集

卷六

天

氣息才屬陳所以家有潛德未發皇仲弓季和蓋其比杪冬壽已躋耄耄知交投贈爛于綺風欽先生風義高巨製清裁稱怪偉倥傯未及出疆求老親不待今已矣終乞先生吐一辭不榮其生榮其死便束生芻日雨前造次粗講通家禮白髮丹顏在影堂迴瞻孝廉神骨似怪得聲譽傾長安孝廉自是名父子述德鋪張具梗概一紙十行滿十紙迴船人定秉燭讀記事行文中條理先生清白吏子孫性行淑均資地美手鈔九十萬餘言尤熟蒙莊馬班史不以身晦悲時窮不以子貴添色喜獲匿人過憂人憂口不論人無憾否著書佐佑六經籍言皆可垂行可紀其遺榮樂道者與昔有先民夫如是



辛廉立言貴立誠不用浮華美可市我文但苦不能工  
誠求偽應則不爾辛廉又言平生交有道而文幾屈指  
苟非私心向慕者雖有親軀不以委我承此語頗有訛  
未當先生任驅使但可君家覆醬甕敢創草藁取進止

邑宰王翰臣善大書爲余題堂額以詩申謝二首  
門鎖松筠三徑荒小莊粗似碧雞坊忽驚寶氣千天象  
如帶春星映草堂對此衣冠生肅敬時從筆墨露剛方  
法書便是楷模在豈但庭闈被寵光

已見廣文稱特絕又看大令擅無雙一臺二妙能相敵  
九鼎千鈞許獨扛題榜若成方丈閣書家盡是倒戈降  
龍跳虎臥神呵護還仗威稜鎮此邦  
學博畢易菴方工  
大字力量似不及

紺寒亭詩集

卷六

完

紺寒亭詩集卷六終

紺寒亭詩集卷七 古今體詩一百八十八首

嘉定趙 俞著

題早春四喜圖

一鵲獨占高枝梢二鵲雙棲項背交一鵲平莎蹲塘坳  
昂首引吭呼其曹人言此鵲最靈異一噪能召百福至  
婦孕生男利市倍遷轉官階豐祿賜羅巾蟠子夜燈花  
不如此鵲知人事江天漫空烟雪動玉花綴樹攢如蟠  
四禽癡立不自知但覺春風入毛孔和氣薰蒸骨髓間  
喧噪歡欣欲騰踴主人觀圖私自付我逢世難茹荼蘼  
七年瓮得活根芽那便喧妍換淒緊靈禽勸汝一杯酒  
剝復循環有此否昨日寒林今吐葩且對此圖看此花

紺寒亭詩集

卷七

將赴京謁選述懷

玉堂清切未能窺外吏銓仍十載遲幸沐 君恩還故  
物笑如女嫁已愆期出身頓覺頭銜換調拜方愁腰腳  
衰惟有羔羊素絲節平生定力在於斯

渡揚子江

江漲乘春急烟光過雨明黏天匹練曳奔海冶銀傾倒  
入羣山翠孤擎一塔清年來頻涉險此日浪花平

宿遷

西瞻連鳳泗北望接徐邳禹甸當屏蔽堯民有溺飢未  
緣耕稼廢顧在決排施 當寧東南顧方勤四岳咨

邳州

郊垌遙入望蒼翠點春寒山抹蛾眉細河環玉帶寬村  
烟依柿栗鄉味賤魚鰓圯上今何處斜陽立馬看

麻糍

南人不習騎慮有顛墮害羸車製巧妙行役斯則最匡  
郭仿車箱穹頂當雨蓋所苦牽引重兼亦容受隘兀坐  
踵跣交欠伸臂肘礙礙邊水中船搖曳風前旆邸店倍  
道酬津渡衆力憊一旦有蹉跌骨幹易糜敗曾不如繫  
馬揚鞭差意快譬如入仕籍印組縣銀艾出入必傳呼  
人吏皆謁拜豈知束縛苦即在此冠帶旁人謂泰侈蓋  
亦觀其外不見車中人時刻憂顛沛人生安樂境無過  
棲畝澹羸車請借論雖小可喻大

村寒亭詩集

卷七

望峰山

峰嶺連珠起波濤一氣奔旁行如扈從秀出獨若尊飛  
白知泉瀑遙青見石痕大賢生此國疑此是靈根

滕縣

彈丸強國欲瓜分肉袒牽羊未足云齊楚雄圖銷歇盡  
至今人自說滕文

汶上旅店見杏花

緯蕭門巷棘叢中萬顆胭脂醉曉風盡道上林春意鬧  
天工也放一齊紅

道旁塚

前朝葬地賜公卿今見村垠上曉耕山鳥山花不盡恨

石羊石馬却如生子孫聞說離鄉井父老猶能道姓名  
鄰塚一杯荒草內年年麥飯記清明

所見

花鉅鬚蜂鵲翎滑湘水裝拖鴈翅排行過看看宮樣窄  
沙紋留印兩弓鞋

又

春半江梅乍落英林端何處響流鶯柳絲拂地東風軟  
牆內鞦韆語笑聲

孟嘗君故里

賓筵能致三千士食邑還招六萬家故里荒涼餘老樹  
淡煙日暮集飢鴉

村寒亭詩集

卷七

道旁碑

誰說居民涕淚新豐碑十尺玉麟响碑旁亦有甘棠樹  
早爲樵人斧作薪

雜感 五首

自應獨柳澹餘腥未快生前寘極刑楊左諸公牢戶死  
何人許到夕陽亭

熹廟彌留未上賓承祧最是信藩親宮門傳詔須臾覆

紅燭光中別有人

宗社安危在決機西宮不比宋宸妃前賢聽說韓忠獻  
廉撤人還見御衣

臨御英風徧九垓愍懷下謚亦堪哀 章皇度量同天

地曾欲增修陵寢來

見本陳和尚語錄

形勢金陵却未全破亡曾不待樓船錢塘盡道偏安小  
猶保南遷住百年

### 任丘縣隄上

班班車又過河間路入長隄碧水灣平澤寒雲連北海  
遙空晴雪見西山朔風欺我知裘敝春色何能換鬢斑  
百里倘依桑梓近白蘋花裏此南還

### 白溝河

此以北即燕雲十六州地  
建文時靖難兵大戰于此

遼宋分疆衣帶斜燕師戰鏃久沉沙文皇社稷今何在  
禹貢山川已一家日落波心明似練江縣雨脚細如麻  
陰雲天際常舒卷往事興衰莫漫嗟

### 紺寒亭詩集

卷七

四

### 督亢陵

提劍荆卿勇絕倫浪將七尺殉強秦燕讐未復韓讐復  
狀貌原來似婦人

### 琉璃河看鴛鴦

紅鴛對對浴清波半登羅紋護作窩莫謂物情偏近濁  
雙飛從不落渚沱

### 寄園修禊詩

四首

等春何處好春在少城隈莊是藍田舊人歸白社來  
聲穿欄竹檐影落庭槐先後羣賢集叨從末席陪  
天街咫尺接飛不到緇塵緩冕林間意鷺花物外春  
眉皆映發肺腑一清新假館堪消夏看雲住十旬

漫說蘭亭會東南樂事偏襟懷如晉宋人物聚幽燕道

廣吾何有交深性所便風流千載話亦得附前編

放曠無拘束冥搜百匝行摩娑樹老大吞吐水空明境  
遠孤情寄吟安隻字爭詞門哲匠在未收最先呈

### 題王令詒載鶴圖卷王將之官銅仁

兩箇輕舟載客裝開籠白鶴似人長到官月奉無多子  
不辦齋廚辦鶴糧

### 其二

山水蒼茫眼底收侵人詩骨冷千秋嫌君面目烟霞氣  
束帶如何見督郵

### 周儀一南歸爲題小照送其行

### 紺寒亭詩集

卷七

五

伐木聲丁丁霽谷在空谷君子求友生千里同比屋天  
非契分投逐逐羣麋鹿周子淮海一邦彥聞名相思未  
相見往介張子漢瞻氏辱貽長句題便而辭格清拔旨  
溫醇楷隸密行細若霰氛埃溽暑蕩滌空瞥見春林發  
慈荷我時正假裝僕馬具鞅轡吟諷置懷袖一步一眷  
戀地邇人則遠夢寐意弗善暇出新詩一含咀便似一  
江皓月澄銀練有一詩翁豁豁目清言酬唱同遊譙我  
今突兀見此圖失聲爾汝驚相呼眼如望羊領飄須非  
我故人其誰欺我待銓除君征軍聊以木李報瓊琚君  
過徂徠雲氣深君到甓社珠光沉雲水蒼茫何處覓語  
君朝夕且向詩中尋

送同年王學菴之任制仁四首同西溪西厓赤村

蕉飲西齋諸公作

偏是文章伯多教領簿書宜塗尊館閣時論別龍豬領  
煒今初出苗荒又此除藕花香撲岸薊北發征車

二

便道攜房累西南上百盤烟雲天柱小風月洞庭寬秋  
與詩俱老官隨水共寒惟應千古意萬仞挿層巒

三

楚地黔江接編修近此過西厓主考貴州通志樹參天作  
暮山抱水成窩手板封蛛網朝衫染黛螺神仙與賣玉

所得孰云多

紺寒亭詩集

卷七

四

開府師門契監司眾具瞻彭無山先生切礎冰雪共委任股

肱兼人且倚公重天今就汝康驛書騰最續未得幾年  
淹

和劉隨州雜詠八首同令詒赤村西厓元明作

晚桃

獨殿芳菲節容華亦自呈輕紅新染艷綠小叢明  
卉盡無色栗留時一聲釵梁斜挿處年髩暗關情

古劍

二八匣中鐵霜花拂處寒冶應出薛燭功記斬樓蘭血  
蝕芙蓉暗塵埋象緯千未銷今古恨帶此別燕丹

疲馬

怪此風雲亂河能電影爭敵場愁獨赴御相望應驚雨  
驚疲者苦烟羞匹練明將軍終愛惜曾是致時清

春鏡

青銅光瑩發最是艷陽時掩恐妍華妬窺因瘦損疑影  
留新髻樣花入隔簾枝但願圓圈照常如月一規

幽琴

金徽初按發空際一聲飛隨雨落寒澗和雲入翠微  
愁寄苦調禪榻發清機房相歸山後人間知者希

舊井

甘冽堪時用荒榛沒一庭銷沉廢殿瓦怨別古銅餅秋

紺寒亭詩集

卷七

七

老梧桐冷春歸石髮青曾傳龍躍出夜夜想清靈

寒缸

孤燈玉漏斷宵夜錦衾假夢破驚餘燄燒殘意亦灰白  
分霜月苦暗偏吻蟲哀綺席笙歌處搖紅落酒杯

白鷺

廻塘小嶼立更不羨魚鴈孤夢聯拳穩清羸一飽能蒲  
蓮依水靜玉雪怕人憎酷憶池亭外闌干鎮日凭

送家和千由戶部郎陞按察司僉事督雲南學政

儒臣天上應文昌萬里滇南正耀芒秋憲衣看添應  
父郎口尚帶雞香水壺清映昆明水畫戟寒生楚塞  
絳帳笙簫須記省夢回春草在池塘

賦得庭中有奇樹 限用九青韻有序

同年孫松坪庶常宅中有雞棲樹高可百尺庶常  
大父中丞火東公所植也中丞起家贊遠歷功至  
登萊巡撫以援勦兵變被難國論惜之中丞三千  
其季九服嘉定城破死之伯頴菴余外舅仲家菴  
庶常尊人也皆守先志謝諸生不應舉庶常一日  
有宴集中丞外孫侯鳳阿賦庭中有奇樹四首一  
時主賓相酬和多傑作余亦追和如左此樹代更  
兩朝家歷三世矣閱陵谷之變則悲感易生忝肺  
附之親則休戚與共紙筆和墨不自知其羽聲慷慨也

謝家亭詩集

卷七

八

寒翠孤撐奉禮廳  
毳毼鳳羽漾空庭  
將軍去後餘精爽  
丞相祠前人杳冥  
道海夜歸聞鷓鴣  
怨蓬萊雨過帶龍腥  
忠勞志業銷磨盡  
不忍秋堦落葉聽

又

物在人生喪典刑  
樹猶如此歎飄零  
兆占車蓋原成讖  
神避旄頭忽隱形  
望帝魂來啼血紫  
孝陵鬼亦哭冬青  
何人爲洗沉疴氣  
黎火從分太乙星

時方纂修明史

又

陵谷升沉亂渭涇  
留傳奕葉是寧馨  
枝間鍛羽孤鸞鳳  
樹底飛鳴兩鶉鴝  
蕭瑟從遮楊子宅  
扶疎隱見少微星  
靈株豈便隨衰朽  
結得人形一茯苓

又

材不材間易永齡  
孫枝秀出太亭亭  
追隨槐棘應拖紫  
錯比簞簔幾殺青  
雪虐風饕摧玉樹  
汲深綆短想銀鉤  
天家尚有滋培意  
重看移栽入禁庭

奉呈座主南昌司空公

鑾坡侍直早雍容  
執法西臺奏幾封  
抗直盡稱殿上虎  
彰施能繪袞衣龍  
遠收震澤三江秀  
高出匡廬五老峯  
清節鴻才誰比似  
歐陽一代是儒宗

其二

高臥東山特賜環  
聖恩一歲九遷官  
司空宅土仍容

禹南海碑文又繼韓  
近奉命告祭南海  
學術匡時名世早  
始終

謝家亭詩集

卷七

九

完節舊人難入朝  
道路爭回首龍馬精神未改觀

以拙稿屬西厓點定過辱獎譽作此申意

退之推東野至欲低頭拜  
承叔於蘇梅謙自居後輩  
梅孟清峭姿舜欽卓犖慨然以視二公力恐有未逮  
夫豈過貶損乃故爲此態  
世人才僅中人亞便轢陰何凌鮑  
謝始知古人蘊藉多所造愈高心愈下  
我友西厓氏天上太白星降精  
肝肺瑩澈神觀清直疑太華峯頭玉井  
冰結成胸中醞釀文百軸細者入毫芒  
大者包滄溟視述作家笑比蜉蝣  
嗚呼嬰賤子性蠢鈍思澁軋軋抽  
東萌况遭離憂多楚聲放恣橫縱不中程  
先生手此編讚嘆不去口愛我筋骨相纏紐  
愛我色理又沉勁

取澹泊形模畧粗醜謂其用力深苦處頗窺作者得戶  
隔先生廣大不自有顧乃爲我矜歛帶鳴呼岷江不自  
知齋淪泰岱不自名嶙峋百世而下令我悠然見古人  
論詩一章呈湛園東江查田西厓西齋蕉飲赤桴

諸公

黃河萬里混混黃落天東走誰堤防吞吸山岳一蜃蛤  
畜擾蛟鱷如豚狎氣勢偉岸萬夫傑豈復靚倩婦女妝  
若乃渟泓一止水鴛鴦鸞鵲飛泳翔春波嫩綠秋氣淨  
水石春撞鳴鏗鏘此是清冷標韻致未與乾坤接混茫  
詩人以來有李杜造物元氣相扶將牢籠萬彙鑄羣品  
山河大地中包藏運用精微入神鬼不嫌硬直筋骨張

紺寒亭詩集

卷七

十

其他衆流分派出各各一體矜一長學者偏此逸品收  
不營臺殿飾山莊氣魄恒怯磨力薄刻鵠成驚庸何傷  
入主出奴迷顛倒毋乃卑漢尊夜郎未聞八音韻絲竹  
未聞五音缺宮商賦體敷陳興托物風主諷諭頌鋪揚  
皇甫番橘思痛憤朱紱綠滕詞焯煌或收要眇鄙仇夷  
風比義存二雅亡珪璋重可陳法物甲楯威亦衝敵場  
但揮玉塵談元理未窺尼山萬仞墻我執六義論詩學  
天子號令諸侯王天假年力再切究荒言猶恐涉披猖  
寄園用西山白石疊成峭壁賦此呈家給諫公

隔屋乍驚細泉響入門忽怪亂山立復復作勢欲攫拿  
仙鬼向人相拱揖嵌空白石如白雲疑有鍾乳垂乳汁

名園巖谷不一奇此又翻空肯蹈襲主人身在鷄鶩班  
懶入官班愛此山西山琢破紫翠斑清溪瀾出碧玉灣  
無人拄笏自吟賞有客賦詩同躋攀夜枕潺湲憂劔佩  
曉聽瀟瀟舞雩髮京師漫道塵寰內不少林泉似此間  
但少主人似此閑

積雨排悶得二首

繁雲羃四野蒸潤上礎碣急溜驟鳴壑雷怒作斧劈堂  
祀沉積水渺然湖波白高鳥托卑枝騎樓戢勁翮蝸牛  
得氣勢升騰奮角力好雨滋良苗愆伏則已辟坐覲陰  
霾收未愁陽曜匿林麓浮空翠雨過出新綠檐際望西  
山蒼然照晴色

紺寒亭詩集

卷七

十一

昔歲客淮甸河波高壓屋兼以霖潦昏雨聲哀如哭常  
恐二州民平沉作水族側聞今夏災魚鼈上樹木三吳  
脣齒連慮或同斯酷妻衰兒稚嘆仰此年穀熟我求寸  
祿霑顧爲微名縛目斷高雲端摩天有黃鵠

秋思

乍此煩襟滌高涼意思新鳥飛沒孤影秋遠淡無垠幽  
怨寫瑤瑟清謳翻白蘋懷人隔江浦煙波何處津

謁選得定陶令將引見 暢春園先詣吏部過堂  
尚書幸感熊公注目諦視稱老名士者三又向侍  
郎陶公再言之歎嗟良久座主崑山尚書公出公  
門有師友淵源而公門庭高峻實未通謁不知

人姓名何緣得在當代鉅儒名卿齒頰間也昔人  
言天下得一人知己死可不憾况人倫師表如公  
哉賦此恭紀感激涕零不知所云

尚書北斗正高懸刮目驚看異數偏稀閣公卿能下士  
各嗟草野有遺賢身名爲惜蹉跎晚姓氏翻從患難傳  
百里專城承寄托自慚何以副陶甄

合肥相公席次垂問庚午辛未間事即席呈  
銜花黃雀傍檐飛不道琴聲寓殺機清議已憑萬口在  
昌言翻覺寸心違詩雖怨誹歸忠厚禮爲尊親諱隱微  
珍重相公垂問及樽前但有淚沾衣

少宗伯王慎菴先生見招話舊當日先生爲此案

耕寒亭詩集

卷七

三

牽引幾不免

城門焚燎燭餘殃煮鶴燒琴勢欲狂小白艱難曾在莒  
仲尼疑似竟闔匡逝波此日皆東海設筭何人也北邙  
剩得閑身話嚼昔叨陪杖屨午橋莊

上郡謁太守朱公行至獨山風雪大作又聞巡撫  
王公出巡究西急回縣

黃雲幕天天作雪烈風摧山山欲裂前騎後騎相錯迕  
近村遠村都滅没子夜風定昏靈消芒角大星光奪月  
車鐸耶當破曉霜馬蹄蹴水如蹴鐵嗟余齒衰筋力疲  
何事蹶躓車塵爲大府前驅涉洌沂又傳憲使旌麾西  
改南轅還北轍所至尻高頭爲低三日新婦敢自主

嬉喜又恐翁勃怒我性拙鈍一木雞只合故壠把耒犁  
奈何局趣受纏縛凋枯顏面如凍梨路口亭亭一古樹  
寒翠常留白雲住千仞巖頭開看人巖下行人自來去  
過嘉祥南境諸山馬上作

童山無竹樹如人禿髮髮而又乏水泉豈得脉絡活亂  
石落坡陀骨幹負特傑但少華滋泥容顏未充悅泰岱  
羣山宗巖觀日月揭之罕華不注奇亦森映發寧獨濟  
西山美秀讓吳越世好易焚然人情棄朴拙耳目無常  
玩多爲巧麗奪玉璞黃金礦空青丹砂穴其外未宣洩  
其中有蘊結不獨山水爾以此觀人物

濟寧訪少陵南池詩石刻上太白樓眺望

耕寒亭詩集

卷七

三

濟寧是古任城郡今濛溝渠通輓運城中衢陌車馬闐  
城外船艦鏡鼓殷屏騎獨尋南池濱一片秋意落城根  
鳬雛唼喋蒲稗荒古碑剝蝕蒼蘚紋上有飛樓插天起  
動盪雲物萬象奔龜蒙見釋三兩點若滅若沒遠可至  
少陵太白兩詩老當年薄宦殊潦倒公卿權貴炙手熱  
下視鰥生等秋草陵谷變遷城邑改獨有騷人詩句在  
天壤有壞名不壞朱紫金箱皆土芥我今憑弔上百尺  
晴昊烘雲龍鱗白達官呵殿從南來前導羽葆後執戟  
紫貂之褱銀貂褱道旁行人皆屏息有人高聲吟肩出  
金石噫嘻彼何人與誰識得

小除謁憲副宋公回寓作

更初初得出車檐獨酌星河欲墮猶冷淡官府隨旅店  
疲勞手板甚腰鎌鶴琴作伴身無累鳥朝參歲幾淹  
間枕猶堪圖美睡監司聞已霽威嚴

其二

銓曹半載注頭銜一命何曾寸祿霑俸以補司料檢家  
貴餘腹笥考稽日課減書籤才情便恐隨年退歲月何  
緣向後添政暇高吟能不廢清娛算是蔗根甜

已卯元旦河上口旅次口占

迎春送臘似循環客裏驚看正朔頒海日蓬萊添曙色  
宮花紛佩憶朝班敢辭王路風霜瘁欲輸民依稼穡艱  
且喜 鑒輿遊豫近未僚又得望 龍顏去年七月在

新寒亭詩集

卷七

新正二日抵縣

都忘歲月已云徂我馬虺隤我僕痛入縣始知淑氣轉  
滿城換却舊桃符

卽事

曲墀下處綺羅圍鳳尾檀槽隔院微春煖盡留歌舞地  
獨餘寒月照征衣

布穀柔桑已弄聲田家犁耙及春晴官司被檄供糧料  
仗汝殷勤一勸耕

聖主南巡萬里遙珠宮貝闕盡來朝龍舟未到春先到  
一尺河水薄似綃

河注東南日夜傾憑陵二瀆若交爭此行定汰黃泥濁

分出清淮一股清

抵署次日迎春

三日逢春候未違芳菲今日應青旂勞人不是先春到  
天意留春待我歸

士人貽水仙花一盞置筆床研山左右與南燭蛾

梅相映帶公餘清對借以滌蕩煩襟發摠吟興奉  
微赴濟南燈前冉冉若戀別者以長句寫其意

微霰浙瀝下空庭攤書燕坐閑鎖廳門吏侵曉白何事

送花人至傳折鈴小磁斑駁鴨卵白疎葉蕺蕺鳳尾青

玉盤金盞采采鮮隔戶遠已聞清馨此花自是江鄉有

此地相逢恍舊友南燭紅豆綴珊瑚蠟梅檀心包磐口

新寒亭詩集

卷七

五

後先羅致送者誰薦紳之徒云某某花卉聊供耳目玩  
取非其有夫豈苟自提銅餅汲古井愛護直同靜女靚  
我今別花赴行省花若低徊羞顧影藤床竹几悄無人  
檐月窺牕伴清冷客子對花苦憶家祇今又向天一涯  
花不負人人負花回首臨風一歎嗟

由東平至濟南途次得二律

勞筋吾敢息鞍馬漸相宜翻以馳驅暇還辭案牘疲沙  
禽帶暝色津柳弄烟絲不是頻遊覽春深客未知  
遠騎看疑立連山去若隨此情會者少能畫近人誰著  
述千秋事乾坤萬卷詩時時遂幽討精力未爲衰

開河肺嘗魚



下箸能蟠也不如季鷹當日賦歸與高賢漫說公儀子  
只皆爲官不嗜魚

皇甫集赴渡口

寒流澹生漪風力春猶勁疎影一行度高鴻落明鏡漁  
艇別浦收津頭夕陽競歷彼世故紛纒此年華盛波間  
何處笛滄浪發歌咏林壑滿蒼烟餘音入清聽

干役

冬春事干役惘惘靡有省節物夫何時山村已見杏雄  
雉挾其雌蜚鳴過西嶺羣動任所適喧和玩流景而我  
一官繫瞬息百慮并恐此汲井深未便垂短綆白雲依  
孤岫此意已遙領

謝寒事詩集

卷七

十六

題僧舍畫鷹

雲霄自是飛騰物何事支公亦愛鷹多少雄心方外老  
深山枯坐伴禪燈

宿田家集

暮靄前村隱見中到門新月已生東清燈火疑禪榻  
偃僂庭槐狀老翁驛路驚心府帖下夢魂安枕宦囊空  
賢勞不是哀慵事極目江鄉一畝宮

城北劉氏園看牡丹作長歌

人間萬事夫何有但有看花賦詩痛飲酒我昔住京師  
一住五載久是時輦下富文彥酒社吟壇我盡友能仁  
海棠繁似纈豐臺芍藥大于斗花酣墨飽相映發麗句

清裁肯舊手跨馬樽尊無日無我無拘束無官守自作

官人提縣印鎖廳封識出入眞花時亦有送花人瓷盎

銅甌尺寸僅劉家花圃足奇葩上苑移栽曾百車簿

領公事未放衙如頭悶癢不得爬今朝屏人從單馬出

郭托詭辭便恐違反教令徇所私土墻如狔柵茅屋如

雞栖入門絕不見芳菲只見翠柏屈曲三匝圍碧琉璃

屏裕藏藪中藏萬本分町畦麒麟蛺蝶錦紛披其中水

難火齊堆珠璣其外遏抑掩蔽不使寶氣露端倪猩血

殷熊脂白衛國綠衣漢宮黃額新譜題名出傑特惜哉

已被封姨厄獨有芍藥試綽約主人應許再酬酢所恨

局趣受人轅轉眼花開花又落人言宦情濃又言歸田

謝寒事詩集

卷七

七

樂二者校論我未憑但問看花誰疏數

雨

亭午日氣微怪此林霏白雨勢南山來蒼茫宇宙塞下

馬小憩足林廬漲已失仰見雲漏穿行避潦登陟燈火

出木杪前村昏黑及却笑衣襟單不足蒙霑濕明發星

風駕寢興百憂集不如田舍翁雨過卸蓑笠

乘羸車至南陽隄隘不能前登舟遇大風雨

塗客一軌車偃仄南北驛使交馳突絕錢催得行牒子

篷底擁坐雜隸卒人生萬事那稱意下牒水溜遭風逆

乍拂波面蹙靴紋旋打船頭作礮石川氣翳旬一色黑

白雨注射如鳴鏑長魚桀桀挾氣勢騰起衝人人立立

木鶴入雲叫其曹橫拓兩翅闊十尺長年僵臥呼不起  
欲進還作退飛鶴緬余客歲上選曹暢春西苑承恩澤  
天顏望見幸密邇臣敢遲徊避風色粵稽古昔垂典  
文天子巡符臣述職宣布德美典禮讓平反冤滯除殘  
慝城隍繕治溝洫修疵癘弭消麻麥瘡郡國其有不中  
程大者刑誅細譴譴周漢察舉有教條奔走趨承匪所  
亟况今詔旨崇省約尚方廚傳罷供億小臣誼不  
顧其私頭目身隨夫敢惜妄陳典故議可否非乃所言  
但默塞

迎駕至滕縣吳家橋憩村莊加河別駕胡公遠  
自夏鎮餉櫻桃

謝寒亭詩集

卷七

六

匹馬河干徹曉馳歌鞍綫星未晨炊故人遠道攜籠贈  
行在嘗新薦廟時點破桑陰明綠野助添榴火灼  
朱旗遙知帳殿承恩者飽食從容下直遲

棗林羈語悅可人聽觸緒抽思因成二韻引物連  
類情不自禁含毫紙墨寫之於紙累日共得八絕  
句緣遭際休明雖勞人下吏馳驅靡盬猶得寬閑  
手足娛弄景光如此爾

鷺

聯騎南星出郭尋金衣熠燿綠陰沉聽來圓滑還依  
不是雙相斗酒心南星京師  
西南門

燕

鉤起疎簾款款飛若人出入共忘機南來剪得吳江水  
不教梁塵泥故衣

鳩

托迹何妨蔽帝樞借巢哺子一蓬廬任他巧婦能營辦  
自分疎慵謝不如

鵲

羽翮蕭疎尾禿梢遠尋林莽下塘坳駕橋亦是填河用  
敢取桑根自壘巢

鵲啄木鳥

破柱搜牢似詰姦亦應爲物去痼疾須知大塊原容  
不但蟲生朽樹間

謝寒亭詩集

卷七

十九

鵲鳩

呼雨呼晴徹旦宵偷安自比鷦鷯世人不識關心處  
直使陰陽水早調

雉

離襟錦羽簇鵲翎照耀山龍袞繡成文物今時真際會  
太平天子嚮離明

鷓鴣

穿雲力亦闢高風懸峭曾封銀合中莫傍茅簷家食老  
廟堂今日錄邊功

華山湖眺徐沛諸山

長湖望不極遠勢涵空虛洪濤拍天浮上欲與雲俱飈

倚自翔舞洲渚相縈紆直浸南岸山側入如懸壺山亦  
飛迥翠冷撲人肌膚凌縹緲奇懷悵麗囑幽憤懣便欲駁  
駿輪放曠縱所如茲方服簪組動乃繩檢拘他年傲歸  
裝發勒富首塗湖山再覲面斯盟吾不渝

過姑姑巷

車脚衝泥曉帶星天圍平野合如屏雨從山翠飛來白  
草覺沙禽下處青蜀秫見齊志又葉稍初吐穗木棉花  
朶乍垂鈴歲功民隱關心切敢便高吟宿驛亭

閏七月八日夜夢與翁羅軒戶部湯西厓編修展  
畫幅指點巖壑歷歷覺而記之以五十六字

挿天絕壁俯驚濤結伴追攀性所安宦海易教塵網隔  
紺寒亭詩集 卷七 三

畫圖猶許夢魂看烟雲曉覺留庭戶冰雪清如浸肺肝  
迴首風流舊吟社燕吳兩地路漫漫時翁家居錢唐湯官京師

以宦況示舍弟寄土紬一疋志憶

話我爲官近濟西芙蓉繞郭桑垂隄衙齋傳有三荆在  
傳是田真兄弟故家口輕如一鶴攜訟牒餘閑親筆札  
宅今猶存荆一本 奉錢雖前代鉏犁匹繅寄製姜肱被何日還同故壘樓

按事至城北棠林村

蓋聞和氣應民無凶短折而云有道雖赴愬此陳牒夫  
司牧者誰豈非德教缺不敢委諸副逞憚秋暑熱瀟瀟  
原田應望望村墟列隴黍既豐稠林果亦香密皆言秋  
澹修我公能我活拜轡秀木疎出井甘瓜列露彼供

煩毋令耕耒輟耕辛單詞剖道已謝曩哲明因有書  
疑更阿時懷

牆陰移栽小竹一本慈荷有生意公餘時愛  
因短述

荒庭榛莽交艾柞始就理雜英吐芳鮮紅紫爭春  
筍移弱幹高可及昂止已抱干仍姿不隨水力勝  
弄雨連月露滴清泚野性羣麋鹿簪組猶泥滓對此  
環翠心胸消凡鄙我家雷墩莊萬綠圍煙水虛應  
羣猿發百徵恍惚發寐間似環如在耳瘦影兀孤  
西更那復爾嶠首望汀鄉白雲天際起

大駕南巡詩五章

紺寒亭詩集 卷七 五

星威北靖白龍堆 法駕南過戲馬臺凱奏曲成武宿  
夜特是事異上之回岱宗河伯隨方待炎帝句芒應候  
雷草野預知青澤沛惟鳴萬井沸如雷

吳越襟江帶五湖珠旌龍虎舊名都遵循典禮行春  
供奉 慈寧歷與暨據域中尊撫馭遠極天下善古今  
無運宮之災水臥日一執山河指掌圖

龍解平布架通梁蘭殿紫雲小樓郎隔水平隨瓜蔓長  
船風帆延藕花香津亭排列朝紅紫坊巷傳看 御蓋

黃帝縣神州庭戶內羽林無不設明以

軍府金錢勢若傾增卑倍薄費經營直須 萬乘親臨  
帳下決十年計用成昏墊民還寬賦稅助勸人許就刀

名從今善授宗臣在二濱河淮一委卿

丹詔傳宜萬里行普天雨露欽風震舟車額減新加算  
岸獄仁寬殊死刑一榜紅綾恩數關百司黃卷處分停

回鑾更有典釐事中外臣民傾耳聽

顏村店哺食

雲斂天容肅庭虛樹影斜風蟬吟病葉籬萱落秋花溪  
網雙鱗活盤餐一匕加車徒且少憇愛此野人家

渡汶水

水沙初不辨遙見白沄沄駐馬聞濤聲輕橈破濤殺割  
分兩岸樹全浸一天雲不待冠纓濯心空去垢氛

張夏

謝寒事詩集

卷七

五

路穿曲磧上盤陀遙認晴峯染黛螺回首五年三到此  
故園知是別離多

柿林

火傘高擎血色紅霜除葉底已成空年來病喜無消渴  
未藉君家潤肺功

己卯八月望日同主考學士張隨齋檢討李伯猷

二先生暨同寅青城邵賓門魚臺陳密菴汶上樊

詒孫臨胸陳紫取諸城李輝嚴日照張惕菴昌邑

蔡南皋卽墨鄒晉公城武家桐崖嶧縣家禮齋

城家集菴諸明府阜平黃坤五杞縣常靜菴二

博試院卽事得臺字

京動松風萬壑迴鎖鑰嚴嚴敞明催中天宿歷牽牛度

大國人看倚馬才對策盛朝收買董主司今日是歐

梅寵官暫許辭民社得共諸儒議曲臺分校得籤記

登前韻凡三首

東海頽波手障迴先聲疾若順風催扶輪大雅推儒者

聖駕催奇亦雋才舊學粗能分菽麥得人預可備鹽梅

姓名先達尚書府行省今從御史臺

鑒輅新從五月迴賓興典物璽書催三千弟子皆充

賦十二河山豈借才多士入林全是桂求賢若渴正思

梅明春蚤上公車對自有黃金爲築臺

席帽芒屨首重迴今宵官燭又頻催給來法醢三升酒

謝寒事詩集

卷七

五

吸盡文江八斗才隔院秋香聞白菊故衣蒸溽帶黃梅

看泉何日追隨去二妙於今在一臺主考訂出閣看釣突泉

望見華不注山不得上燈下有作

看山便如訪友去豈知靚面還不遇兒童知有華不注

聞名未得到其處馬頭天外卓一峰勢作翻空欲軒翥

失皆忽入飛鳥羣騰身直上峰頭駐古人陳迹已蒼涼

戰血銷沉但烟樹傳道闔都冠蓋聚脚躡手扳趨如鷺

城中驚塵十丈高迴頭已失嚴壑趣何異主人豐蔭具

肉乾人飢不得飫嗟哉吾生福命慳此行翻愧識此山

五十年來到此難已過不遇竟空還壁月銀燈照客顏

恍對林巒紫翠斑好將泉石膏肅意仍寄烟霞夢想閑

鹿鳴宴席上賦

宮羽弦匏奏肴核簋豆踐賓階列鴈序台座映蟬冕獻  
酬既交錯登降數仰倪我裝容服盛棟棟威儀選嚴韻  
清遠聞霽景翳盡捲觀肅人語屏禮成日晷轉緬茲表  
海雄風土浩墳衍秀靈鬱宣洩 聖治有光顯物行法  
周官察舉循漢典 黼座切簡在輶軒親策遣雲松得  
但徠夏翟致羽猷骨相或權奇神姿亦婉孌譽望衆云  
歸公忠近殆鮮顧余久荒落常懼蹈駁舛追隨幸不辱  
燕賜媿已腆束躬比珪璧爲國貢瑚璉紀此志嘉寵益  
用自勗勉

釣突泉

君不見濟水之源發王屋水性沉動色黝綠其流乍見

針集事詩集

五

乍隱伏潛行地道穿山麓東北遙遙一千里奇觀澄淵  
驚飛瀑元氣亭滂土脉盛盤泉上出如星宿相其噴薄  
挾怒勢欲與天漢相連屬翕張一似鼓橐籥推疊豈亦  
設機抽疑有老龍窟宅蟠吞吐噴珠一萬斛不然下藏  
硫黃礬石丹砂床煖氣蒸騰沸百谷煖暑不爲枯嚴凝  
不爲縮觸石淪漪響琴筑翔舞驚鸞翻屬玉下甃文石  
成方池上架珠宮紺殿相撐撐達官貴人維遷至連錢  
錦障卷毛獅捲白波熱落何吹動豪竹撥哀絃張筵作  
伎徒爲爾反厭泉聲聒人耳嶺月溪風韻冷然塗澤金  
粉非其天吾欲披襟散髮石上眠山水清音當管絃

以莊生秋水馬蹄篇

出濟南城野望

郊坰經月別瞥眼乍驚心但訝煙光淡都忘秋氣深木  
花荆苗苗霜葉變林檎歸思翻飛動隨雲渡遠岑

同魚臺令陳提公過寧陽訪令君李惕菴留看菊

花卽席口占

相逢便許設盤餐四壁疎花照座寒秋色留人銷刻漏  
宦途暫此避危灘甘酸况味知心共吐納風流片席難  
明日東西分手去無窮離思在征鞍

九日過獨山集登眺

令節每從馬上過今辰又此陟山阿亦知筋力疲勞甚

針集事詩集

五

其奈雲峯縹緲何跌宕圖書天地小牢騷客恨古今多  
若從官舍拘文墨那得憑高一放歌

秋旻

淺碧平鋪那色勻更無纖翳點秋旻雁行映出微茫字  
界帶欹斜類洛神

又到

棠梨穉柳亂堆叢精石丹砂著色濃前月客遊今又到  
風霜別換一山容

寄懷侯鳳阿張倬菴

文史沉酣彼此耽年來自愧廢研覃知心望欲穿雙眼  
老手今應讓兩髯竊祿浮沉淹歲月著書憔悴臥江潭

聖朝儲邪終尊用引分疎慵我已甘

食辨

可憐往日持螯手曾不停披是簿書客裏得嘗風味絕  
未嘗還憶有鱸魚

檢湯西庄編修使點集

掩卷常有憶相尋似故人思沉入要眇境絕得生新萬  
里山川聚千秋詩史陳奇開發壯采良足慰蕭辰

早行過紙房

我車已脂轄我馬已芻蕘出門看中天歷歷參與鼎遠  
林未辨色微茫但一掃落月停陰岡嚴霜棲衰草宦途  
足波瀾烟海泊孤島我子役未返我妻憂用老百慮相

拙集亭詩集

卷七

三

攻攢端居就枯槁憤鬱寄所直跋涉良亦好雲峯正在  
眼我且事幽討

戒吟

毛穎夫何物猖狂任任所之刻雕元氣盡役使古今疲竭  
俗人難近招窮汝實爲知非隨官收悔已廿年遲

破戒

詩非我好事境觸動吟懷若教篇章斷真教意象乖塵  
襟誰漱滌烟景便沉埋律令終難守食言亦復佳

答客問

積書猶滿一匡床何用脂膏潤客囊若比君魚吾豈敢  
定陶原不是姑臧

送同年行取入京詩三首

滋陽方衍泗

雙鳥遥看向玉京亂山晴雪照行旌久居泗上諸侯長  
今去朝陽一鳳鳴外吏深知民疾苦諫官直與相爭衡  
須知留滯周南者還聽遷喬與友驚

夏津宋鶴岑

江左風騷舊主盟五年勞吏政初成朝端棟鄂雙枝秀  
家世梅花一樣清峭直自知強項在披陳定敢犯顏爭  
聖明不厭危言切焚草還應避直名鶴岑負氣敢言事  
規之義也而諫有直有諷

費縣惠沛菴

拙集亭詩集

卷七

三

九天特下 聖書徵平蹕丹梯上百層行集梧桐生照  
耀不因枳棘困飛騰木從繩直寧阿世佩茲佩韋蓋茅  
各有所規云以茹連况得朋封事袖中應草就舉朝聞已憚風稜

太守李公生日奉呈四十韻

建邦班五等列郡比諸侯汶泗交流地徐揚控上游東  
臨海日近北顧岱雲收沃野方千里雄藩第一州官常  
尊表帥 帝簡正勤求蚤歲聲名著鴻儒器業優鷺刀  
隨所試備衰舊猶留吳苑繁花為洪都直斗牛遺黎落  
宿雨劇任煩新猷威令旌薦變仁風草木柔香清寒畫  
戟間靜御輕裘潤達蠲苛細聰明燭隱幽蒼鷹皆化眼  
疏虎或春喉春作銷懸劍宵行少竊鉤泮林桑柘食

野黍苗稠尚猛卑張趙還淳復魯鄒三風申訓誠六計  
漂繩糾奏記郵筒啟衙齋密坐投煦和陽谷日滿澗洞  
庭秋下吏清如鶴逢人拙類鳩治嫌儒術緩勞愧俸錢  
酬常恐愆尤積全憑教督周愛衆膚髮切語自肺腑肝抽  
德澤彌侯旬恩私重介丘強年服國政餘慶集天休此  
日隨雙鹿他時擁八驂漢家丞相起唐室贊皇伴軍國  
平章事經綸久大謀都堂歸掌握甲第賜遨遊大呂灰  
飛管中星夜指婁桑孤會發矢曆算又添壽彩鳳扶雲  
輦斑麟薦脯脩杯傾銀鑿落屏隱玉雕鏤緩地花成額  
晴山雪滾毳會同接踵至僂僂及階掘謀假崇卑體服  
辭大小球箴規知勒座津涉挈同舟卯翼真無似甄陶

霜寒亭詩集

卷七

哭

有此不榮今誇李御井欲效齊詎永矢二天戴行看百  
祿道

壁間畫爲題四韻

虛堂素壁動秋水浸腋湖漁叟歡相語鳬雛活欲呼煙  
波物態有眉目世情無役役征塗者何年入此圖

雜詩

蚤起風力峭夜來霜氣繁林莽已含滋谷鳥猶未喧驅  
馬歷城邑游目眺丘樊肖翹各有適暫組紉爲煩仲長  
叙樂志淵明戀田園曩哲存逸軌敬尚斯可敦

上巡撫侍郎王公述德抒情之作

聖聖繼承休養寬兩閒磅礴氣厚完川岳孕結

真漢禮祀格郊壇玉衡星精芒色寒篤生巨人起辰韓  
風儀秀整卓犖觀鯨鐘鏗旬鼙鼓驚雷溫寬粟無頗偏  
九德三事皆有焉早許弼亮任子肩奕葉輝晃映貂冠  
連苞朱鳳夾紫鸞維昔太歲在大淵有物跳踉若野干  
天子赫怒奮除殘臥榻側豈他人肝三十萬衆出白  
檀組練耀日山谷漫師不宿糧軍資單萬里饋餉其人  
難公乃獻此寸心丹慷慨性辭上據鞍斷厓千仞獨百  
盤出天入井常懸鉅糧料飛輓揮羽翰馬騰千槽士傳  
餐 天戈遂此斬樓蘭聚米成圖智慮殫功勞謀議激  
忠肝下 救褒美咨嗟歎歲南山左肘掖間淪漠東淮  
黃河環誰予鎖鑰此門關念公舊勳置崇班秩長御史

霜寒亭詩集

卷七

哭

貳六官通犀節斧建旌竿前行誕馬朱纓繁入境翁媼  
俠轍看公餘燕坐鈴閣閒下令流水判如山賓僚參佐  
戒欺謾吏無毛鷄無滅姦民無媮惰無梗頑軍無罷懦  
無囂喧闕疎節目不素癥推誠人不挾術鑽有不中治  
紀法干小者誚詞大奏彈棘矢發必中剛彊調劑文武  
和融酸邊鄙不聳散小團六郡無事厝於磐無風魚  
不早乾年穀成熟麗朴還風厲人士爭磨研經緯史  
使漁佃督課親爲別姓妍高秋勁翻背騰鶩 聖主遊  
豫鳴和鑾觀者拜俯頭如龜上言公仁及寡鰥淪決肌  
隨萬口傳請上太常史館編公拜稽首 天顏惟公  
霜前蠶琅玕直節挺勁冷翠嶺景星含譽甘露溥

解薦仁角端天以福祐此元元公悉機務朝儀燭將管  
喉肩密勿專天下大器公搏抗不但齊安天下安五瑞  
直執止公獻劔履上殿玉佩珊朱戶彤弓九錫頌天壽  
平格眷未闌如日方升月上弦崧高維岳生大賢公卿  
爭進岡陵篇鯁生承之一彈丸警諸匠者操朽鏝盡瘁  
其敢心力慳浚治溝洫繕城垣桑聚麻麥田歷連緩用  
捶楚禮教先抱咫尺義舍豆簞霧雨思養文豹斑培風  
豈志扶搖搏華不注峰立噴瓊珍珠玦突流潺湲公清  
可挹高難攀仰公勲德故不刊旂常鐘鼎日月懸大書  
深刻牢敝列雕琢曼辭備筆刪勺水何足添波瀾鋪張  
盛美播人寰永永無極億萬年

謝安事詩集

卷七

字

又奉呈二首代

功名夙昔著忠勞付托宗臣八柄操勞正斧開蒼玉重  
觸邪冠蠹惠文高雲蒸泰岱爲霖雨日上蓬萊壓海濤  
龍馬精神長作鎮寶筵春色映仙桃

羽葆牙旗出 尚方撫綏齊魯舊封疆典司邦政資文  
武聰領臺端肅紀綱朝論相公宗社繫輿情僕射父兄  
行木僚未敢承顏色特爲軍民介一觴

送同寅郭城施因周以才能調繁新泰

名德重光世所稱下交未厭我無能芳鄰正喜依肩背  
行省其如仗股肱君干澤隨涕瀆遠丈人峯看日輪昇  
郎官漸近天垣去拙宦何人示準繩

脫寒

今日寒威異昨朝霜風撲面刮如刀凜涼傾刻能移換  
幸未春深撤溫袍

再渡汶水遇大風

水勢迎如鬪風聲怒更囂撼崖能拔樹捲浪欲無橋  
命卑官賤年華險地銷苦遭塵網束無計返漁樵

題元人畫出微圖二絕句

飛放連旬雪滿天鴛鴦水濶鷓鴣泉從官一色駝尼紫  
好似宮中詐馬筵

逐臺縱馬下平坡橫射豪豬好製鞭後隊笑聲喧動地

官家親落一頭驚

謝安事詩集

卷七

字

與城武嶧縣桐崖禮齋二弟叙話

清尊密坐話纏綿不是淄澠派別懸琴鶴清風家法近  
龜鳧勝地 國恩偏眼中人看憐吾老世上名應讓汝  
賢利有瘦寒詩句在連珠倘許共流傳

合肥相公輓詞三首

各世昌期出天生佐太平白麻方壯歲黃髮再持衡既  
以忠貞篤還資孝治成

公居喪有白燕來巢之異 普天驚怪事泰岱

一峯傾

四海蒼生望天胡不憖遺遠聞皆巷哭異數輟朝儀哀  
死榮生典清忠粹德碑千秋公議協不但 九重知  
公餘雅好士詩酒盡朋簪吳彥收會及

公與湯西厓編修數東南文學



之士俞湘灝痛幾沉事欠垂問辛未王西州不禁淚易  
相最知音爲是摧殘後街恩入骨深

傳姜西溟編修信

先生垂白甬江東翻爲逢時致此窮環寶宜爲天下惜  
文章真與古人同不應列傳韓非共未必邪謀李白通  
自昔儒林蒙詬有莫將苛律責詩翁

正月二十八日至省會次月三日乃得出郭門

城市塵埃漲冠簪揖拜過出郊晴日在遙嶺白雲多井  
汲無修硬風林借靜柯琴堂許臥理已寧樂巖阿

平陰道中

逕轉山腰入望賒村莊點染也繁華東風催起三眠柳

謝東華詩集 卷七

門巷家家護碧紗

問訊衙齋牡丹

客秋乞得數枝新穀雨看有開句醞釀天香還待我  
朝來上到幾分春

代友贈別

燕臺別酒對遙岑君向秦川我鬱林青草湖邊飛畫鷁  
白花原上返羈禽一應曙色銷銀蠟萬里愁心寄玉琴  
他日同歸霄漢近年華幸未二毛侵

梧桐究地絕少宿土山集民家見一樹深秋密葉

猶愁蒨萼安其下得流字

酒掃庭宇淨藏茲小景幽猶留一樹碧不覺萬峰秋到

枕疎蟬引當檐白月流吟懷正徙倚別汝五更頭

濟寧守吳岸青索竹臂閣寄一枚詩以代簡

微物一毛猶曾因折簡未削成同玉版送去助銀鈎未  
比魚須美無煩鹿角耐蕭齋虛設此名士必相投

未便

漁樵合傍水雲邊禽鹿纓簪性未便浙米矛頭難得飽  
負芒背上不成眠歸耕栗里寧由已燒券田文無此賢  
花發訟堂乘暇日研覃杜集補錢箋

總督河道尚書于公輓詞

臆智韓公決蒐羅祐甫寬封章皆報可許國不辭難鎮  
撫民安堵軍儲士飽餐忠勞有遺恨二漬未迴瀾

謝東華詩集 卷七

林霏

單車又此出郊圻雲漏朝暉上翠微山氣忽蒸五斗黍  
林霏盡著六銖衣鶴翻別渚衝人去牛認遠村帶犢歸  
行野漸教幽趣熟怪來詩格近王韋

署中隙地兩席許課藝蔬本內子性所嗜也滌治

灌漑遂得蕃盛用薦釜鷄甘芬澆齒與薄宦况味

稱且爲異日歸田計也得詩二首

種瓜開故侯園有仲子彼皆遺世榮而我忝祿仕粗  
薪給計傳顧反厭羹蔬茹淹可藏匏匳淡粥自憫雷  
得隙地延表僅容几春陽一布獲發生乃其理採掇及  
芳鮮爾必求諸市修治佐脫粟脣齒有餘美敢辭爲

陋聊謝肉食郎

山妻習勞動作苦性所耐官齋不事事翻致筋骸憊夕  
露荷勸耘晨曦抱甕溉獎婢供使令不以給力代人覓  
敷紫茸晚松擎翠蓋可口秋瓜良煖隔白蘆最日用計  
所須頗謂百物備曾聞鹿門山怡然共畝澮我本淡素  
人敢以食祿快相攜歸田園曩哲逸軌在

土城內外壕皆宜藉自余蒞斯土課種殆徧初日  
晚霞照灼如鋪綺繡暇則吟眺其間人風物序樂  
與邑人士共之也故述之於篇

吏人早衙散金風乍徂暑命駕稅東原還轅循枉渚朱  
華濯清波勁葉鳴秋雨羽風枝亞素鱗溪藻舞芳甸

雜集詩集

卷七

五

游目得靜景會心屢幸茲協氣蒸杭稻或生稻黎庶臻  
豫康百卉亦蕃廡暫釋束帶煩對此野芳吐童豎咸馴  
擾余本海鷗侶一笛聞滄浪葦間有漁父方欲濯塵纓  
迴湍吾所取

聞鴈

蕭索顏雲黯不開一聲如訴客心哀疎槐葉下官衙冷  
慢送關山朔氣來

秋葵花

疎花嫩色比新鵝絳繡雖垣襯淺莎絕代容華知命薄  
斷腸詩句入秋多不堪黃髮淒其甚縱有丹心晚晚何  
人世遭逢無限恨孤根且莫怨蹉跎

再哭妻西溟編修二首

逆知後會少臨別暗傷神燈火生前話鬚眉地下人  
裝餘匣草旅櫬缺溪蘋夢寐寒宵屢詩篇復細論  
才高矜越衆禍酷亦非常未及沉湘水無緣到夜郎  
泉抱孤憤謗駭奪光芒清製難磨滅千秋共痛傷

暮抵紙房

蹴踘凌兢赴急程崢嶸歲暮晚新晴漸看孤鳥雲中沒  
且喜層巒雪後明驛路經年息足少仕途今日折腰輕  
愧他石畔蒼松樹獨抱高寒不世情

濟寧道家大參公與制府議不合投効歸賦詩二  
首送其行

雜集詩集

卷七

五

河渠底積有成書轉漕呼頻年足國儲仗節臣門清似  
水歸裝家具少于車金隄襟帶忠勞在袞繡衣裳涕淚  
餘念舊賜環知不遠未容高臥月張盧

憲府旌麾汶泗邊得穿鈴閣奉周旋追尋清獻淵源合  
淵畧卑禮數獨月旦何應來異議參商自昔在名賢  
中朝當有平衡者歎息鰥生失一天

乘夜渡汶水投宿

林杪遙浮水氣白波間又見月輪生不嫌風景侵人冷  
直覺形神對此清久客尚迷津渡處亂流但信馬蹄行  
歇鞍燈火前村遠愛聽溪灣牧笛聲

自述四首

庚辰冬

爲方五十小如莊滿目沮如官舍荒養豹文時宜霧雨  
是驚棲處卽朝陽白渠水治修農作魯泮宮成諸樂章  
三載敢云臣職畢 聖恩取次荅毫芒

詭激既嫌與物異波流亦未逐人同地寒絕少金銀氣  
尉儉新添杞菊叢清濁之間師密令介通不足定徐公  
無須標榜邀聲譽自在軍民萬口中

書生故習未全除自道如人便不如吏以廉名知宦拙  
治兼儒術是才疎論功競笑遼東豕量力能隨北海魚  
喬木高遷吾豈望卑枝聊爾寄巢居

稅辦蒲鞭不用撻訟堂無事早休衙庭留古樹賢人宅  
官署傳是田真故宅 郭曉清芬君子花 城內外蒙余課  
今荆樹尚發一枝 皆課蔬蓮

新集事詩集

卷七

三

藝吾嘗同屬草勸耕民喜獻嘉瓜他時邑乘煩添入口  
此風流畧可誇

出郭

過雨肩輿出郭便遙空無際蔚藍天杏林蒸煖浮紅暈  
柳陌餘寒曳碧烟韶景正逢三月好風懷未減十年前  
還因事簡民和樂常得尋芳野水邊

見梨花有感

玉雪風姿迥秀林盈盈壓樹不勝任月明冷豔浮空動  
雨重新枝帶綠沉江北江南常歲見花開花謝又春深  
三年客裏逢寒食對此茫茫百感侵

歌者

京州水調教新成珠串歌喉鳳尾笙漫道江南春事早  
此間臘盡已喧鶯

其二

肯因衰白負穠華底教紅妝隔絳紗不是廣平心似鐵  
祇緣閑筆待梅花

麥秋

麥秋天氣曉生寒蔭轉庭柯綠正團閉戶校書如勘獄  
空城出獲似無官漫誇小邑徵三異且汲新泉試六安  
自送督郵腰解帶連旬歲月若爲寬

門人郭子采深自沛上來喜而有述且以勗之

東望任城一水瀾微茫雲樹動離思忽聞遠道驅車至

新集事詩集

卷七

七

恰值餘閑賜沐時入座笙簫非我事當年衣鉢愧人師  
昔生淬礪千秋業傳說忠宣有退之

植槐

小庭可函印滌治平若低乞栽得雙株岐作鹿角觚其  
一受生氣茸葉繁于濟卽此發生敏可以觀仁體滋培  
待甘露濯漑宜清濟深碧張帷幔輕黃攢翠米涼動風  
蟬蟬淨看月露洗召伯曾聽訟尼父云習禮一木豈足  
錄蓋在建豎偉古人歎嘉樹學殖斯爲美

野人僂驚此地甚少三年中僅得之

池鮮雙柳貫野獻一芹微樽俎羞焉小孳生地所稀百  
錢薄俸損重肉素餐非娛老謀清供江鄉理釣磯

復孫隨其父南還追憶四韻

千里追隨至三年，講讀餘老夫詩在口。  
肅客座添渠母望，心知切南歸。我不如秋風一羽，便可會寄家書。

喜雨二首

早勢如焚，禮祀求涉旬。初見火雲收，鶴知雨意摩清漢。  
龍挾雷聲，拔老湫。敢以天行寬已責，還將民隱逐神休。  
寰中自有爲霖者，百里粗分聖主憂。

試憑城牒俯郊垌，高下田塍未了青。禾茂歲將登，大有  
水甜味欲比中冷。驛書轉達觀風使，屏舍應名喜雨亭。  
此是皇仁孚冥漠，典修禮樂緩兵刑。

送鄉賢張龍翔主人祠

新寒亭詩集 卷七

吳

替宗秋祀昔賢難，論定于今久。蓋棺人比顏淵黃叔度，  
家稱曾子朱劉歙。粉榆社共追先友，苜蓿盤曾屈小官。  
樹此儒林坊表在，高風能障百川瀾。

秋山

繁麗春山忽變衰，人情舒慘若爲移。山容只是烟霞換，  
山骨還應是舊時。

河長口歌涼

疑是扁舟泛飄然，一水亭湖心秋氣白。雨脚晚風青  
笠藏漁浦，煙波憶洞庭。沙鷗吾美汝，日日浴前汀。

再過冉家廟僧舍

修林長薄護幽棲，仙梵微微路不迷。梧葉綠能涼夏

木瓜重已比秋梨，渴塵正欲依茶竈。暑雨曾來印屐泥，  
不是簿書期會迫，何妨常過虎溪西。

鼓毛鷹狀類鳩，夏秋間食樹上蟲。生黃脂肥重不  
能飛，江南珍之勝披綿雀。雀定陶有之，而人無知者。  
或勸余採捕，余弗忍以食味導殺機也。以二絕句

示意

吳庖待汝和酸醃，那得嬉遊綠樹酣。淳朴未雕機智  
土風似此勝江南。

齋廚畧可斷腥葷，割得花豬每不聞。何忍貪饕憑口腹，  
驚心又到羽毛羣。

新寒亭詩集

卷七

吳

新寒亭詩集卷七終

嘉定趙

牡丹圖詩 有序

芍藥見毛詩國風李唐開寶間始重牡丹亦名木芍  
藥自唐迄宋盛于洛下稱洛花今多產曹亳二州定  
陶與曹接壤土人亦有栽者花時園主每折枝見餉  
政暇亦單車抵其地坐玩移時故鄉朋舊致書來索  
或從便舟寄與數本然新花經宿易萎去則凌晨出  
抵暮歸不能頻數其移栽者根卷土易未知其能花  
否也成子其章通人工繪事自曹過訪余邀作圖拔  
其尤者成十二幅不能偏也并畧標識花之辨色各

紺寒亭詩集 卷八

爲一詩以咏歎之偶一披圖則無時不花無地不花  
不假舟車而天香國色滴露迎風之態蒸雲涌霧之  
觀常在矚睫間矣吁洵可樂也昔周茂叔取蓮自况  
而於此花若貶損然者亦一時托寄所及耳學者不  
以辭害志可也同一富貴甜紫者弱於其中孤高者  
又逃於其外二者皆過自有道者處之窮達夸險  
而已矣彼以此而喪其素履者非富貴累人人累之  
耳此花傑出羣卉照耀熙春不煩雕飾天然繁富以  
之發皇宇宙黼黻太平富貴庸何傷而顧少之與余  
城壕既種蓮園繞四郭而又常對此圖皆可以遇物  
陶情隨時適趣蓋未嘗區別視之也獨是宣三年

一琴一鶴外無長物而水土物力精英所聚收拾詩  
篋捆載以行邦人大夫致怨盡取於我將何辭謝之  
康熙壬午孟夏二日紺寒亭主人漫題

支家紅色深紅瓣間常濕潤  
欲滴如胭脂著雨

如酥細雨濕紅藍浮動花光得酒酣可以晚妝新浴罷  
比來摘上鳳頭簪

金玉錫花最大純白如堆雪開  
滿有黃斑漏澆心內

服食松花似屑霏朝衫不願賜牙排梁家宰相陶弘景  
只作山人衣白衣

建紅色正赤如蜀茶

南離正色赤如燒花史宜膺九錫褒如玉鉅金魏氏何  
綽綽有餘

年偏擅寵上公却賜紫羅袍近代多以金紫爲極品間  
色奪正人情易移相沿非

矣

綠玉江南有一種含苞作微綠色放瓣即成白花  
此則中邊皆豆綠亦類建蘭瓣色當心間有

杏紅一點

被服輕華靜女姝仙家妝束內家無君看六幅羅裙上  
盡是湘江煙水鋪

金輪嫩白上浮輕黃  
如雪見新出殼

羣芳環衛列鉤陳色配中央比聖人玉燭調和春長養  
看花人是太平民

丹竈流金深紅色裏  
吐黃心

勾漏丹砂井已迷芙蓉此處石牀齊稚川爲此移家住

無復貪心鑄夢跡

香玉白花微帶古色如白脂白  
暗象牙也黑暗犀角也

本是稀膏一片疑漸如礬石露峻嶒水銀皺蝕沉埋久  
玉盤千年出漢陵

墨紫映金直作墨色似江南墨葵非  
深紫也吐黃心綴瓣內

分來驚翅涵星密借得鴉翎作片勻學士當年承詔旨  
金花箋灑墨池春

第一嬌紅色中最輕淡  
如晚霞映水看

不作猩紅血色濃畧施丹粉薄紗籠人情濃處還求淡  
欲撇深紅愛淺紅

銅雀春粉紅色類琥珀池春  
微帶淺碧此微帶輕黃

續集李詩集 卷八

臺殿煙蕪冷夕陽穠華猶憶倚新妝漳河日夜東流水  
常帶歌樓珠翠香

金帶圍正紫色瓣腰有黃鬚作圓宋韓維在楊  
州與徐鉉各簪一朵後相繼登幸孰者是

也牡丹舊名木芍藥當  
日賞芍藥實即牡丹耳

名賢觴咏趁餘閑位望他年盡抑班歎息斯人下載後  
空畱花木在人間

瑤池春花淡紫又淡青  
光奕奕不定

碧類牽牛紫紫藤風前縹緲六銖勝仙姝衣袂還能畫  
衣上雲霞畫不能

園牡丹成卷而各莊芍藥盛開繁麗又過之述以

四絕句

名花婪尾試娉婷邀勒韶光滿一庭早向春風爭富貴  
此時只恐也飄零

斗大花園錦作堆竹亭再此對銜孟河陽縣裏花千種  
誰入詩人賦咏來

花船新送牡丹窠奈此嫣紅膩紫何山縣不勞重表獻  
天香見說上林多

穠粹驚人意也消丹青不教上生綃人間尤物多相妬  
未許同時有二喬

野望

不出未經旬郊原如許春花酣紅欲語溪活碧生鱗潑  
刺魚跳子綿蠻鳥喚人他鄉驚節序已是四回新

續集李詩集 卷八

剪頭二首

剪頭初覆額人說小僮清燕雀看成長蜉蝣易死生韶  
齡委泥土愚豎賸葭萌已負王褒約應餘戀主情

頻年宦海涉汝亦任馳驅管鑰收藏寄津梁扶掖須忽  
如雙鳥去不共一琴俱夢破依稀在風牕骨立癯

士人送海棠花一本三色乃接枝所成花前得二

律

五尺新花短及舂維英巧手化工移昌州有種香難辨  
杜老無詩句贈誰酒暈淺深妝別樣春紅遲早命差池  
主人獲惜同珍重各爲花神勸一卮  
每到花時老眼明况逢殊色各傾城趙家姊妹恨連枝少

號國姨應竝蒂爭盡欲撩人破蕊早誰先結子落紅輕

卜鄰爲近三荆樹可比同根一氣榮

署中有母氏紫劑

再得二首

瓊華瓊玖瓊英重

玉也

瓊瑤何緣到使君花氣庭陰疑

百和春光鼎足許三分魂銷蜥蜴誰先褪生寄螟蛉亦

有歟曉霧氤氳未子細浪猜一朵是紅雲

蜀川西府有奇姿二妙交花左右之骨幹擎能伸屈鐵

腰肢弱欲裊晴絲靈同玉殿三芝秀瑞比漁陽麥五岐

聽訟餘閒常小憩他年可繫土人思

途次得汀字

耕犁農事及煙樹畫漠漠山雨欲來白田塍未了青林

耕樂事詩集

卷八

五

聲禽啄木水霽月生汀萬慮消融盡孤懷入杳冥

偕諸生城壕看荷

雨脚初收日下春蓮塘澹已帶秋容蒼顏白髮看翁醉

斷听清江有客從判得閑身狎鷗鷺愧無秀句比芙蓉

明年對此還相憶踏雪飛鴻不定踪

將解邑組述已意二首

抗懷千載古人師入仕常從退食思居養未殊蓬戶日

擔當恐負秀才時存心利物名還避直道持躬咎不辭

淺薄自慚成小草力能及處畧施爲

倦遊日日整歸鞍素飽卑棲尚未安縱有鷓鴣尋舊侶

敢希鴻鵠下前灘裝輕未覺官爲累身任方知退亦難

料檢挂帆冰泮後山塘二月買春蘭

十二歸詩

宦遊誰憶故山薇多爲津途有禍機此地哥哥行也得

不緣林鳥喚人歸

齒髮初衰血氣微玉門生入國恩稀京朝多少龐眉

叟讓我逍遙畫錦歸

抽簪此日遂初衣莫道官卑易決機宦海名心今更重

也應抵得二疏歸

休待嚴冬雨雪霏天南猶隔萬山圍夢魂不落輕帆後

夜夜溪亭一度歸

朝衫金紫更牙耕七十懸車此事違自昔乞身強健少

耕樂事詩集

卷八

六

我今猶算少年歸

十月風高木葉飛四年前著舊征衣只因馬首攀畱處

染得千人涕淚歸

我友東江契合微

唐實君考功

清詩宮徵叶金徽檐花細雨

聯吟好不是斯人誰與歸

辭官不復受人譏壯子持門十口依慟哭著簪今不見

當年同出不同歸

倘列清班入禁闈不材也可奉恩輝燕山高峻蘆溝險

難得康莊似此歸

千竿桂竹水環扉四壁圖書可樂饒營得菟裘方退老

每緣此誤不能歸

衙齋靜得弄晴暉民樂安閑吏惕威猶恐官程妨日課  
餘年乞假讀書歸

資裝曾不爲官肥行牒風輕水上飛載石沉淵我尚愧  
牡丹移得幾株歸

節孝詩爲馬貞脩祖母李氏作

有序

李氏士族女性溫惠夫馬大用歿於李年二十有一  
子士俊方在襁褓李誓以身殉舅姑守護諭以保孤  
乃勉從夜有刺客掠其莊舅姑皆就繫縛且加害家  
衆走匿李冒白刃以身翼蔽哀籲祈免辭旨酸楚賊  
義其請釋之明季邑被兵其舅創甚李裂裳焚之傳  
以良藥尋愈躬紡績手爲生服事姑曹繼姑王始終

續集李詩集

卷八

七

克盡禮門庭肅穆宗黨咸敬憚焉課士俊勉以先志  
爲上舍生又蚤卒課孫貞脩能世其學亦儔于庠李  
年八十有四以壽終今表其門曰孝貞完德

永夜瑤琴竝坐彈忽驚別鶴半摧殘成仁取義一生畢  
養老存孤二者難此日未亡忍死待惟誠所格轉危安  
清芬不啻共姜節直比儒修百行完

劉子東湖自江陵來訪定陶官舍東湖尊人耐菴

師令宜興時余鄉薦出其門官署晉謁款接論  
常分後師自雅州返葬遠弗能會哭晤東湖泣  
然久之枕上作此歌不復知劇疾之在體也

憶昔相聚神仙窟溪山四映衙齋發我師卓犖包閭

郎君清濯冰壺月鏤礪名行不媿阿吟眺風流許跳脫

到今惘惘踰二紀情緒明滅魂夢底老鶴聞已返華表

峽口雲濤送萬里幻境蜃氣噓成樓我被連染南冠囚

十年幸得出駭浪一官隨覺同浮漚忽傳名紙叩客館

遣我駝尼及火浣師門四郎珍重投豈知我已列閑散

况是宛轉就牀褥疽發于背覆一枕氣息才屬不能言

兒肅衣冠代申款舊事零落亂雲煙悽惻肝脾百感纏

便欲放聲發狂叫老淚迸出奔厓泉山妻劉薦治饌具

粗爲行者辦餼率丈夫感恩重意氣流俗區區但金錢

投桃報李校贏縮咫尺之義弗取焉彼此微尚各有會

銀河瀉地星滿天鷄鳴戒塗分手去馬蹄走蹋天街磚

續集李詩集

卷八

作此長歌撼胸臆且喜沉疴已就痊

扶掖庭中小坐

自我病初作石榴如山查今看椒子熟絳粒攢丹砂羣  
卉入秋氣向實斂其華沉疴倘失療一瞋皆空花兩目  
今辨此吾猶爲人耶計日渡揚子片帆拖江霞天憐我  
衰老許食故園瓜事乃過所期攬物一驚嗟

將南還留別邑中耆舊四首

棲可鷓鴣借風傳蟋蟀遺性淡隨所性便僻與不才  
宜羣羈忘官在憂勞若已私常將勤儉補聊解素餐嗤  
不善虛名飾施爲一樸忠先時早潦備仿古禮文崇民  
喜煩苛滌神如響答遍祈應試看承乏後何歲不年



豐

英獨須臾活衣冠歲月支事殊發粟資恩特軫民饑  
詔今能否屯膏我豈爲老成排衆議當日破羣疑  
非緣憑藉在輿誦赫然新勢去交情見時移物論真素  
衣知不染舊學未全貧豈敢將縑比芳規有後人

與邑中同志預訂看花社官舍作

靖節辭彭澤耻爲督郵下此老負偏強塊壘故未化我  
乃異前軌甘以衰老罷歸與高閑人共結尋花社菊放  
及深秋蘭馨當初夏不問花主誰芳時片席借豆棚絡  
緯垣未礙檐低亞脯鮮攜所有偏提出新榨雅興取微  
酣無致使酒罵舴舺迴塘雙槳乘月夜煙景易曉馳

新集詩集

卷八

九

花開花又謝今者城壕蓮浮香徹官舍經旬一出遊那  
得暑巾卸豈若脫繫縛老境如啖蔗先此申尺素適歸  
行稅駕

甲申人日約諸子村莊看梅以詩代柬憶丁丑人

日會有此集今七載矣二首

人日題詩歲七更草堂今雨又尋盟宅邊柳色添新綠  
雪後梅花依舊清世味何如鄉味美朋情轉覺宦情  
校前况是春晴好滿耳嚶鳴喚友聲

不但離羣別緒長停雲意思入微茫新詩冰雪誰同  
對酒風花有底忙卓犖才名天下士老成規格丈人  
論文未厭過從數藝桂秋深待晚香

送徐漢衡之任嶧縣二首

我黨千秋皆自命君才十倍應時須朝家付託親民重  
吏道紛紜正氣孤所解全牛知導窾不煩老馬問前途  
政成不久登華要鄉友同班二大夫謂松坪方慶

一按圖經興欲飛千溪交絡萬峯圍客程水月掩銀練  
官署煙霞坐翠微名士風流今雅稱真仙窟宅世應稀  
相思雪夜還相訪可許扁舟刻曲歸

邑令王震來明府欲過村莊看牡丹以二律奉迓  
漫叟幽棲在澗阿達官逸興訪煙蘿經旬敢托修琴出  
好事多應載酒過霄壤升沉還結社水雲安樂未成窩  
名花尚可邀題咏曹漢移歸有幾窠

新集詩集

卷八

十

苔堦故土護新芽春上枝頭未吐花篋舫筍與枉重客  
傾銀注玉愧豪家輞川野趣殊瀟灑上苑天香亦僭奢  
豈但光輝到蓬華隨車潤已徧桑麻

元宵聽北菴淨緣上人彈琴

爲厭卑喧避燈市遠尋梅花到野寺當檐瘦竹出老根  
銀杏槎枒半枯死古佛莓苔人閒寂冷泠有聲穿牕紙  
衲僧飄須長爪指獨對閑雲奏流水我生向抱幽憂疾  
身纏坎壈氣結轡廿年浪迹天涯客詩酒強排排不  
一聞此聲神骨冷大華峰頭坐玉井冉冉虛無境孤  
跨鶴吹笙度嶺壘消磨渣滓融百斛醍醐直灌頂  
一鼓木落洞庭波蕭疎鴈影瀟湘過再鼓三鼓春鶯

羣品萬彙皆昭蘇調攝身心平血氣感召鬼神動天地  
此器乃古聖人製情情之德莫舉似昌黎筆力誠橫恣  
微類琵琶涉粗厲昔有審殊與琴聰師亦靜者精神通  
鉦鼓踞塵十丈起來聽此樂亦卧耳不是世少賞音人  
世上閑人能有幾

舍弟盆中種雜樹數本春暇無事各賦短章凡五  
章

黃楊

花既少芬芳實不中採掇膩潤如蒸栗肌理則光悅托  
根盆盎間乃充几桮物後凋自本性夫豈忍死活遇閔  
小厄耳庶以免斬伐

謝安書詩集

卷八

七

檜

虞山七星樹崢嶸各千尺何獨困束縛抑此千霄巨然  
亦挾風雨鬚鬣奮騰擲鬱蟠鋪寒翠孤峰寄傲兀勢殆  
藐一切巨山只卷石

榆

上有天榆星天文歷歷見移栽僅一指蓋亦氣所變錯  
錢匪汝能度亦未中選齊魯歲荐饑擣皮屑作麩存此  
渺小軀全生殊可美

銀杏

名品配金柑用周益公語大可領珠許剪裁豈復有看核何  
以旅適口娛耳目義迺各有取秋老鴨脚黃硯頭亦飛

舞世多飲食人斯趣誰與語

迎春

乍隨衆芳萎乃先衆芳發標致尚妍美格韻在古拙皮  
膚整瘡痂根鬚變筋骨縮使就結構焉得避屈折繁英  
綴修柯籬落恐汨沒

永嘉行爲馬忠勤公作

公諱模永嘉令殉節

機槍竟天光燭地咄咄東南何怪事賊臣蓄毒陰謀秘  
永嘉夜半笳鼓沸白刃揮霍腰領試模糊觸饑血沾漬  
閩越東甌聯指臂內軍外軍合聲勢一城恒援無固志  
左右請公自爲計公怒手搥鐵如意頭髮上衝目裂皆  
同城文武伺便利公已隄防早自貳兵柄不屬賊帥寄

謝安書詩集

卷八

七

欲控生馬無銜轡不能辦賊先賊備不能全城以城棄  
臣則孤恩臣職愧臣愚一死豈有二世受國恩官累世  
敢贖家聲先業墜冠帶從容致命遂隕首視同脫幘易  
生爲忠臣死爲厲日星河岳平生誓公炳鼎彝稱世瑞  
公子珪璋亦國器陷賊不死蓋天賜事聞卽贈稽典制  
難蔭亦拜轉運使猶愍榮哀未備至特允所請排衆議  
專祠肖像予上謚十尺豐碑立最願大書深刻摩挲字  
畫爲孤忠破格例嗟彼老諄吳王渾戚畹黨逆聞張伯  
一朝伏法身首異狼藉都市烏鳶飼兇渠湛族公錫類  
天道衷忠誅不義慶賞刑威天下治藩輔權尊歷羣吏  
入平軍國一以昇續承不但名位貴飽飫德美如旣醉

常瞻廟貌餘涕淚

又題忠勤公祠

慷慨登陣事已難  
變生肘腋禍無端  
爲思身重君親重  
未必城完節義完  
牒下太常膺上謚  
銜加行省贈今官  
傳家清白存何物  
報國臣心一寸丹

浴日堂文謙同令君王明府舉人時期五國子生

張漢昭二爲唐徽衡組珮秀才印彙吉陸紀雲

劉洙傳作二首

羣賢勝日盍朋簪  
特屈高軒過竹林  
適與醉翁不在酒  
閑居栗里併無琴  
雷連水木清華在  
咀味文章耐久尋  
騁從屏除忘夜永  
柴門相送已橫參

續集事詩集

卷八

七

陡起光芒象緯干  
扶輪大雅主騷壇  
春添滿縣花璀璨  
清映方池水紺寒  
立掃萬言倚馬就  
吟安一字寸心  
追隨見獵徒心喜  
白頭衰頽敢據鞍

放舟東郭看桃李卽事二首

十載同袍繫茲晨  
放艇初風花翻爛  
漫水竹映清疎  
此林塘趣都從夢想  
餘遊人無復識我已  
混樵漁  
櫻筍芳時及駕花  
樂事繁隣船姬盪  
漿席地客攜尊  
遇懽場怯狂仍逸興  
翻清明彈指過莫負  
此春暄

奇石行

二百緡錢買一宅  
水亭腹背皆奇石  
李公給諫舊山莊  
云是洞庭剡鑿得  
白雲氤氳出洞口  
蒼蘚晴明帶雨色

濯練可使詩骨秀  
孤迥不厭山峰仄  
一朝遭禍身亡遁  
債家搜牢似收帑  
排牆抉屋氣頗轟  
割其腹臆摘領珠  
謂汝寒乞正不須  
我家有客來京都  
貌得宜春上苑圖  
槩山堙谷費不惜  
刻翠雕香世所無  
鄙人村野忝葭李  
靳此一卷亦非夫  
吁嗟榮悴盛衰勢  
不久梓澤平泉今  
在否不聞金仙漢  
闕辭不見銅駝荆  
棘走尤物自古召  
殃咎我今棄之直  
芻狗石有時泐人  
易朽忍以區區間  
親厚但願君家世  
世守慎勿再落他  
人手

自題觀泉小照

長松編蹊如舞鶴  
古藤纏束垂瓔珞  
松根乳泉百道飛  
噴雪碎雷奔大壑  
山下出泉易有云  
水發高原迸空落

續集事詩集

卷八

七

觸石喧厓勢拗怒  
驚林鯨鏗衆樂作  
元氣欲遏遏不得  
不是人力能疏鑿  
先生靜觀默有會  
海闊天空寄寥廓  
仕路抽身老釣緡  
太和肝肺益生春  
眼底胸中無一事  
氣與水石相吐吞  
手中一卷冰雪文  
世上悠悠安足論  
君不見漢朝西蜀  
楊子雲當日祿位  
容貌豈動人

移居城莊言懷

松筠深處鎖荆扉  
迴首池亭十載違  
剩水殘山豪奪後  
攜琴挈鶴客遊歸  
無花釀蜜空房在  
哺子銜泥故壘依  
差勝浮沉宦海裏  
充西時事近全非

倬兄以他事入城快晤半旬作此索和

翻緣相累轉相親  
久闊情懷一日伸  
入座洒然風骨冷

出門突見月痕新除探書卷原無事如此塵勞亦可人  
便恐糾紛隨手釋屋梁顏色兩傷神

同汪又韓張芋巖二學博往盧會唯家看秋蘭歸  
途芋巖畱飲卽事

壓座花叢大開軒竹屋虛香疑浮枕簟綠已染衣裾鄉  
味菰絲滑涼天鴈影疎芳時常得酒不負此閑居

次日會唯折枝見贈答以四韻

探花餘興在清夢入秋懷遠餉馳銀鹿衰顏愧玉釵茶  
香分格韻視北小安排六一今添一同收畫舫齋

中元日蘇園看荷花因懷亡友子木

豎看煙樹合舟入水天空花欲憑軒上人如落鏡中滄

續寒亭詩集 卷八

生

浪懷舊友彭澤已衰翁腸斷秋風裏明霞散綺紅

王子樗園以余移居城莊枉贈佳什依韻奉酬

一官敝屣一囊輕隨處臨流好濯纓水墅愛看千个竹

鄰莊心怯五言城扶筇差幸筋骸健報刺還愁禮數生

敢附春風桃李盛忘形自有歲寒盟

再疊前韻

迴塘來往野航輕蓑笠衣裝脫組纓種秫田蕪原近郭  
賣碑文活暫依城浣花溪在堪娛老複壁人歸是再生

秋夏讀書常在邑一年強半與齊盟

再疊前韻

砥節平生溫飽輕共期希古振塵纓兩畦韭亦誇千戶

萬卷書真比百城詩社互尋鹿柴呼去主經師同是兔園  
生大材終恐爲時用未必粉榆久締盟補園需大謁尋

再疊前韻

虛堂涼動葛幃輕夢枕何緣到緩纓月沼一泓小似印  
秋香四合暑如城懶延熱客踰垣避便恐陳人入眼生

候過重陽看刈稻南村別自赴宗盟卽與寒宗兄弟訂華樂社

補亭倬菴各次樗園韻見寄再步前韻答其意

飛鴻蹤跡印泥輕自笑行藏幾絕纓草莽臣寧涸市井  
風騷主久仗干城門多長者鄉音熟禮謝諸侯名紙生

四子一堂同講德鷄壇不用割牲盟

將移居鄉莊再用前韻別諸子

續寒亭詩集 卷八

生

夫

鉤金爲重一與輕忍向頽波濯我纓逢世紛如淪苦海

避人急欲突圍城孫知問栗堪攜弄婦命蒸梨也不生

年老土思今且去棟花風後再尋盟

再以三首分贈樗園補亭倬菴仍步前韻

才人眼底五侯輕散髮披襟冠不纓狂醉欲擒采石月

豪吟能撼岳陽城數間茅屋容高卧幾簾殘書不治生

我是腐儒君達者提攜亦得作同盟右樗園

族望劉盧各不輕君家三世列簪纓畱遺舊有青箱業

宜召行穿紫禁城芹藻同遊四紀遠糠粃前愧十年生

林廬仰望清光切他日無忘戴笠盟右補亭辛丑與補亭同補博士弟子

今四十三年矣  
補亭少余十歲

公卿車騎到門輕豈得傲書便振纓筆爲魏收刪穢史  
情同鮑照賦蕪城倬菴前應臺長李木菴先生聘館維揚修南北史南豐類稿  
今名世太僕荒江一老生時論錯將瑜亮並比肩我實  
愧姻盟右倬菴

時用咸表母舅有和作再依前韻奉酬

龍馬精神杖屨輕手提塵尾拂長纓青蒲草舊畱烏府

玉筍班今出鹿城期五出徐鄉國望知小許貴文章法

自老泉生問奇不厭過從數親串追隨兩世盟

奉輓大宗伯韓慕廬先生詩三章先生選戊辰房

書錄拙著最多面推挹過當辛未秋謁司寇師

申相國故第時方以師門事牽連對簿慷慨赴

對案尋詩集

卷八

七

難司寇盛稱許先生在座感動亦爲灑泣語秘

無人知司寇薨逝恃先生左證而今已矣故未

章及焉

斯人間代作筆力發奇觀雲海天空闊乾坤氣厚完立

朝明志節予謚合文端自昔儒臣傳兼斯二者難

吳郡徵文獻尚書文定公風流傳播遠名位後先同似

此耆英少非徒製作工三江連震澤靈異秀天東

品題海內重風義士林欽鉛槧咨嗟久癡瘕涕淚深微

忱付真漠遺老又銷沉日月常懸照千秋知己心

東海詩

吾師尚書公元氣所包絡剛大塞天地指揮動山岳歷

陟喉屏司重茲心膺托鈞軸預機要冊府領著作密殿

承顧問延賓廣酬酢家事皆靜治公度素關略名世得

姚宋內助亦鍾郝女宗夙有聞德配賢相若上則順尊

章下以撫稚弱珩璜饋問須篋管執事恪儼如國政肅

儉惟律躬約器識既闊遠文史尤淹博推獎俊又升抵

排道術駁退朝乘燕閑正論資商確箴魯論勞逸績漢

昭燉惡偉人挺間氣當代稱先覺振飭頽紀綱興復古

禮樂忠勲丹青育事業雲霄薄明穆在廟堂唱隨贊幃

幄豈比工組紉粗能治羹雁謝傳辭東山司馬歸西洛

景物更冲融門庭增式廓繞膝有五龍摩天盡一鶚日

下久徇翔淵中乍騰躍陶鎔如鑄顏琬琰出琢璞晉卿

對案尋詩集

卷八

六

弘靖貴人文未卓華敬姜憲英賢家風但麗朴盛事今

所傳前編亦不數慶開壽母筵班首命婦爵乳酒富清

淮銀鐙照碧落四座客垂魚十洲仙駕鶴曆算不思議

衡樽任斟酌舊勲焚鼎光新命絲綸渥曩者網羅收悉

此省臺擢頭角奮崢嶸篇翰恣揚推我觸檻奔機未中

巖廊桷師言默有契朝論謂無忤今獻躋堂觥尚歎銜

環雀

乙酉人日邀諸子魚菱莊看梅兼賞鑒書畫卷冊

鄙人于世味泊然寡所嗜法書及名畫事乃出六藝如

人溺聲色性命蓋不啻先世舊畱遺零落存一二中年

湖海遊賢儔皆命世與酣詩酒場涉筆一游戲波瀾生

動姿樹石磊落勢晦冥雲雷奔雄豪近放肆絹素紛填  
委勝以壁馬饋作吏治官書不爲稠濁廢公退衙齋閒  
度閣同清閑未遇賞心友幽懷失暢遂光怪終發洩豈  
敢自矜貴春煖花飛翻香清沁肝肺羣賢少長殊後先  
期畢至偕此淡蕩人領略煙光媚風前散卷挾花氣添  
穠粹疏密隨結撰濃淡看布置神明出孤迥肌理入細  
膩四座寂無言觀者得精意貧不任豐饌亦足充珍異  
側聞長安道高位有顛躓年年草堂中人日成故事不  
能遣騎迎預此郵筒寄芳辰勝友集茲會良不易

送酒詩

王子博園惠脚氣以酒解其  
本寂井作詩申意得十二韻

賓客獨荷禮筋骸小不仁愁霖卑濕中衰髻病魔新絕

謝集詩集

卷八

七

晚須扶掖與居滯屈伸貪偏逢儉歲涼漸入蕭辰覓友  
宜歡伯知君本恨人醞隨謀得婦饋未乞諸鄰能使襟  
期暢還添詩句醇園英攜問菊湖味佐羹蔬洪飲原無  
敵除疴最有神行看奔馬及功勝異蛇珍掃徑蒼苔淨  
虛齋燈火親簡編常共對剝啄不嫌頻

放歌行

前詩意有未  
盡又有此作

名士不飲酒何異驪龍脫頤珠驪龍脫頤珠豈能騰躍  
雲霧升天衢名士不飲酒豈能噴薄拄肚撐腸萬萬  
我友樛園先生卓犖士筆端碧海掣鯨魚天既付與  
卷書却使貧病家無僦石儲詩懷抑鬱詩腸枯我性不  
飲一豎儒青州從事無所須命兩役夫昇之趨滿眼

筒不用沽夏秋霖潦災東吳便恐思風言泉沸涌發倒  
灌三江翻五湖嗟乎先生少壯負氣老未除何妨使酒  
罵座如灌夫男兒眼光牛背上肯作局趣轅下駒吾愛  
先生才力放亦愛先生膽氣龕人之所棄吾所取嗚呼  
求之斯世斯人無

和汪又韓學博白秋海棠詩

海外仙姿自客槎冷然天骨洗鉛華春紅從此無顏色  
秋意今歸小草花簾幙隔疑風蝶舞釵梁摘押髻鴉斜  
至人珠玉揮毫就不用羅虬九錫加

又爲賦衙齋小景四絕句

論茗賦新詩圍棋賭酒厄隨方皆適可但未合時宜

謝集詩集

卷八

七

右宜亭

登眺供吟賞藍田華子岡風光邀勒住不放過鄰牆

右屏山

秋氣驚先到森森萬絲新只愁骨法換未便對時人

右竹塲

平生負志節萬里立奇功多少英雄老消沉種菜中

右菜園

靖逆侯二首

介圭入觀躬桓重錫土分封帶礪垂兩戒河山勞整頓  
一門忠孝繫安危風生細柳聞清角日出扶桑照大旗  
半壁東南長作鎮一皇家同立萬年基

彤弓盧天荷天休肺附宗臣器業優盡道歎名齊李郭  
若論文譽失應劉園林插架書連屋賓佐傳觴月滿樓  
諸葛武侯羊太傅無人得似此風流

小軒臨方池上王子樽園欲頽之曰舫齋貽詩二  
十韻過涉衿衞且以襲古爲嫌別取四更山吐月  
之景更之曰水明軒以四韻答其意

遂此煩襟滌還因幽意偏渾空先受月隱小可容天獨  
坐琴書冷終宵水鏡懸歐名吾敢襲杜句若爲傳

摘茉莉花朵貽曙暉堂補拙齋兩主人各以秋蘭  
鉗枝見答作小詩記之

露浥珠連排風抽玉幾藜只因臭味近常得有無通嘉

終集亭詩集

卷八

賦一片足芳鄰萬鑑同四時花信發各莫惜筠籠

時用咸先生以詩索拙集推許過當依韻酬答

歸田逸興寄魚魯不覺詩篇卷帙增敢借康瓠同寶鼎  
誤蒙片石取韓陵先生獎譽忘前輩君子阿私自一册  
贈句光輝蓬華甚虛堂蔚若曉霞蒸

送張樸村應省試

作者登壇我所師致身前此恨差池風雲奮迅蛟龍勢  
巖谷埋藏熊豹姿聖代起衰須復古名場決勝在于  
奇主司必遇歐陽子對策南豐更不疑

送陸紀雲應省試

靜裏能探義理根才情腕下欲飛翻一天星斗樞旋轉

萬里江河氣吐吞形勝金陵觀上國風流吳郡壓中原  
子雲亦有長揚賦科目朝家制舉尊

送外甥孫民書應省試

文章元氣自推移慘淡經營亦強爲絕妙辭從偶得句  
出人意每未經思賢甥似我真英物老子逢場記往時  
用力常如不用力丹頭休教外人知

郡伯吳公擎一生日余令定陶時公以青州司馬  
攝行兗郡事故有次章之云

循良漢代吳公最風雅蘇州刺史稱遠紹前賢知政美  
近傳輿誦已歡騰東南千里爲霖雨大小諸侯奉準繩  
琴鶴蕭閑鈴閣靜聯吟常許接賓朋

終集亭詩集

卷八

其二

曾署頭銜手板參拜庭每喜霽威嚴官今畫戟朱轡重  
地是襟江帶海兼騎竹有人迎郭伋問花送酒及陶潛  
欣逢惟岳生申日又此巖巖泰岱瞻

侯鳳阿屬友寫照畧倣歐陽文忠公意名六一圖

旁侍麗姝風致亦非人世有也名流題咏甚富余  
病懶久未就積雨坐水明軒見微風覺水紋作魚

鱗狀意有所觸走筆成之以謝諸貴凡十二韻

鳳阿隨仙人面若胡粉傳近挹霜潭清遠驚嶺月吐兀  
坐片席間風雅自流露楸梧寒雨翻巖岫白雲駐寂歷  
發高韻托寄殊淡素潤借書卷腴興得琴尊助曩哲以



自豪茲晨則已具西園圖家姬亦列賓朋數非溺溫柔  
鄉爲帶煙霞起廣平賦梅花會心不在樹芙蓉映初日  
詩格殆自喻先生漫解嘲此意亦無惡

丙戌人日舉淡成社以詩代簡

歲歲探梅出郭偏今年人日往來便少城舊有花谿宅  
剡曲無煩雪夜船陪醉能勝五合酒賣文贏得一緡錢  
翻嫌魚麥村莊遠冷落寒香野水邊

其二

曉晴定爲破輕陰早覺春和應玉琴泥飲豈須尹在口  
飛花莫爲候驚心風光閑得人間樂雲物祥知歲不稔  
白社醉吟乘暇好翠華指日又南臨

續集

卷八

臣

作前二詩時方晴煖至期雪甚又有此作

臘雪會聞此歲登却于此日燭威稜未妨吟眺酬佳節  
便恐陰晴協庶徵盡豁雲霾天有意助宣陽氣我無能  
娛賓且共杯中物莫漫憂時學杜陵

雨中用咸先生見招以肩輿來迂雨驟如注不能  
赴作詩道謝用前二首韻

比郭南城兩地偏衝泥未得盍簪便邀賓沾濕難騎馬  
嗔我扶攜不上船金谷罰辭百醖酒兜與枉費五銖錢  
悠然落月停雲意恍隔蓬壺闌苑邊

其二

十日韶光五日陰常違賭酒共彈琴孔融舉座皆名士

彭澤歸田有素心舊雨不來吁可怪新春如此亦爲稔  
尋梅畧待晴明色蠟屐城坳試一臨

雪久不霽不能登眺再用徵字韻

丹樓野望苦難登撲面飛花六出稜銀玉鋪張體有禁  
麥禾豐稔語無徵縱教凍解爲霖否更比霜嚴殺物能  
日氣尚沉風力盛連朝且受汝馮陵

題吳荻洲抱琴訪友圖二首

紗縠輕衫岸不巾尋詩遠蹋野塘春肩間帶有烟霞氣  
知是棠泉社裏人

把臂相將共入林先生酒癖我書淫攜琴莫向天涯去  
西海何人是賞音

續集

卷八

臣

題王西亭給諫抱膝圖二首

退老王官豈所宜斯人天下繫安危畫圖猶露峻峭骨  
想見延英伏閣時

度閣牙籤萬軸餘高懷便欲混樵漁宣公奏議流傳早  
自到忠州不著書

又爲題煙江圖二首

碧水黏天釣艇安千崖秋氣落風湍老楓屈鐵橫江出  
寫出臣心一寸丹

節概平生慕志完驚龍曾歷惡溪灘一丘一壑今休矣  
那比江天萬里觀

送申子遜之官南康



嚴疆特爲簡才賢嶺嶠風煙百越連祖帳時迎冠蓋使  
官廚例缺俸薪錢臣心無事常如水民氣同春得所天  
地煖定知梅信早聞香應在驛程先

樽園有懷松坪學士兼贈令子若望之作意有所  
感輒得二首

冊府羣材讓汝能將雛漸亦試飛騰官兼宰相神仙樂  
子以文章器識稱課讀預分藜杖火清銜仍合玉堂水  
通家更有殷勤語不但科名著作承

往事追思百感生君家世篤是忠貞興亡一代邊臣繫  
功罪千秋國史爭載筆正秉文獻足修書難及 聖明  
成從容 別殿承 清問可否披陳涕淚橫

續集亭詩集

卷八

五

餽魚

不給於鮮久未嘗鄰廚損惠我何當池亭水月知人意  
添送荷風一味涼

張甥實夫以畫扇及家藏定窰水中丞見遺余志  
其父南松先生墓故也以詩酬其意

百匹燈籠錦千金馬轡鞍古收人事有 昌黎有收王用  
韓弘人事謝狀  
今見物情難瓷盤荒林出秋山落木看何常承報蒼蟬  
覺愧衰殘

用千錢購夏蘭一缸有述

闔海千山隔湘江百嶂寬相思如遠客對此願休官到  
枕香穠粹分泉井冽寒閑來自抱甕每爲廢晨餐

栽荷

莊宅魚菱就林塘蟬雀棲疎花依水檻畫舫憶湖隄風  
月供吾賞琴尊任客攜孤芳愛者少敢便比濂溪

盆蘭止發一穗士友多折枝見貽遂得兩餅短章  
道謝

珍比珊瑚樹分從金剪刀手栽病懶廢枝折愧賢勞娟  
秀藏燕玉風情激楚騷荷亭避暑處倍覺水雲高

世忠堂西軒看蘭花卽席酬主人

入門香霧襲花氣一庭浮勝賞羣賢集清言五字酬無  
須下酒物此亦釣詩釣河朔稱高會當筵有此不

秋暑戲爲勸體東梅園補亭

續集亭詩集

卷八

五

雷不作雨雲成虹漫膚多汗無清風龍鍾人已齒九老  
牛喘身幸非三公草市味偶得江鱗豈棚鳴忽聞秋風  
先生湖海我丘壑此意未知同不同

秋興東溪成社諸子

林篠雨侵煙摺翠風潭水漾月生漪于焉嘉客相思久  
如此新涼忍負之漫說醉翁不在酒非逢高會總無詩  
昔賢赤壁扁舟興記取初秋旣望時

紺寒亭詩集卷九 古今體詩一百八首

嘉定趙 俞著

時期五孝廉自京師歸云館閣諸老齒及衰朽有招隱之意賦詩寄謝用道鄙懷得酬字二首

頽齡爲報舊同遊眼目昏花白髮稠骸骨許歸清潁尾夢魂不到曲江頭斬新詩句嫌寒瘦泥古文章嫌應酬容我疎頑甘放廢溪邊橫遶正騎牛

海內人文京國遊雍容侍從主恩稠定知要路能援手無意彈冠不裹頭家口忍爲垂老別師門險已殺身酬偷生視息人間世文繡終辭入廟牛

戲爲諸老作答二首用前韻

紺寒亭詩集 卷九

浮沉宦跡五年遊能爲官書理濁稠若是按圖才黑子便如膏藥遇烏頭羊皮賢者身曾鬻馬革男兒志亦酬却怪抽身歸計早月支自失糞金牛

卷阿今且試來遊供奉官多職掌稠冊府纂排依韻脚直廬宣索撰詞頭儒林有傳書生少畫錦名堂晚福酬神道他年知勅賜拽碑還許借村牛

張源雅有真定之行以詩留別次韻酬送

張子騷達性不羈快若天馬風入蹄涼秋遠走太行覺木棉裘重如鐵衣攢峰積翠意所戀那必登朝受主眷心胷浩落眼空濶白首青衫亦不怨江湖拍岸荻蕭蕭廣陵忽過廿四橋碧落銀河一萬里極目未覺遙天遙

江山助子筆奔峭迸出言泉飛百道才入辭賦極悲哀戰骨銷沉何處弔我亦東西南北人驅車曾歷滄沱濱讓子風懷才力壯遲子吟編格製新今者一尊話離別停颿冷浸半江月不用檀槽動鐵撥

爲席舍人漢庭題山莊圖

湖山深處著林廬不入仙班戀此居藏得標細三萬軸看來凝遠比中書

疊前韻

看竹肩輿許造廬交床相對水雲居開編知是三魚集不讀人間非聖書 舍人受業平湖先生

送徐宗頊廣文之任蕭縣

紺寒亭詩集 卷九

乍聚還教別酒傾片帆飛過閭閻城山從北固千峯出河自崑崙萬里迎人淡如花秋思遠詩清入骨宦情輕官齋自有閑風月指日吟編續刻成

糧儲道馬少參公生日 陝西武功人有序

伏惟明上通鑑明上比之明府蓋又尊矣紹衣前烈公尊人簡畀乃

心攬轡志在澄清提衡力能振刷宣昭義問敷布德

威明作大以有功簡肅安于無事輕裘緩帶鈴閣蕭

閑散帙投壺杯觴酬唱某自客冬曾蒙賓禮攝敬衣

冠叨陪樽俎既承密坐又枉高軒栗里菊松逕蒙陰

庇釣船蓑笠亦沐光輝茲值維岳之嘉辰敬祝躋堂

之純嘏千秋初度備陳五福之辭四韻俱成獲廁羣

賢之末微誠真同獻曝勺水豈足添波冒瀆尊嚴用  
塵清覽

物望羣山宗泰岱臣心秋月映清淮門施行馬尊街憲  
帶賜通犀近晉階重地上游雙節鎮朝天導騎兩籠街  
願加使相充藩輔江表軍民正畏懷

其二

歸田自分卧烟波野服蒙寬禮數苛吉甫賓筵張仲在  
嚴公小隊少城過武功天近瞻星斗吾谷楓顏照綺羅  
今日愧無朋酒獻敢陳一曲譜笙歌

時先生用咸王子樽園侯子鳳阿張子樸村集浴  
日堂得雁字限十韻

續寒事詩集 卷九

風簾辭霜柯凍泉溜石澗還夜耿孤迴橫天一行雁我  
友歲寒姿苦嚴如味諫況有秀眉人我比猶童非遺茲  
風物美而無人事患酒懷助壯浪詩墨互摧陷古歡良  
可尊情欲失婚宦擾擾榮利者梯空上雲棧駭機偶未  
觸富貴乃酣案一室萬慮消河海覺清晏

除夕以少資餽王子樽園辦椒酒又爲陸子維水  
供太夫人甘毳導之以詩

古誼稱分宅良朋共策肥聊爲斗酒具尚覺寸心違  
賦人情薄辭官家食微知君我未敢知我似君稀  
白華方逮養半菽佐承歡原憲幾病於陵矯亦難  
人我竊比孝子分應安料得高堂喜晨羞進一餐

盧子曾唯以硃砂箋盆蘭陸子紀雲以梅花三白  
酒金華臘肉餽歲小詩酬其意

瓷盎穉膏膩砂箋鶴頂侵械開迎日麗移處入山深給  
札登金殿思賢應玉琴故人珍重意婉我已無心  
不謂承嘉問還勞二馬軍清知從事美鄙自昔人云家  
少藏書借才看宰肉分仍應邀過我燈火共論文

丁亥人日舉淡成雅集以二律代東

賓朋未到句先成酒掃階除待送迎潭影碧涵雲石活  
庭柯寒入鬢蒼清圖書跌宕都忘老魚鳥飛潛各有情  
春興此中同領畧任他梅雪兩相爭

真率知交淡以成客忘修刺主忘迎吟酬物外煙霞契

續寒事詩集 卷九

標榜人嫌玉雪清開落花期無箇事差除邊報不關情  
坐中豈有機心在鎮日揪拏一局爭

補亭和詩見招再用原韻答之

宿醒乍解睡初成又是東鄰遣騎迎稚子知緣賓客喜  
梅花分得主人清舊遊白髮真如夢醉話紅裙亦有情  
所愧報章稠疊在小詩敢與綺霞爭

才華斂跡入又成久合韓刀帕首迎況是承家稱小許  
近聞待詔入西清

都無仕宦情便恐升沉踪跡異樽前一刻寸心爭

歸子嵩霄續舉社集再次原韻二首

童童嘉樹鬱葱成客到如張車蓋迎

京洛歸來聲譽滿楊公謂其從祖與子孫清司寇公剪燈重  
話今何夕對雪相思舊此情久別但爲文字飲定知此  
事少人爭

少長肩隨雁字成如磁引鐵兩相迎來尋米老西園會  
却得蘇髯入座清山水千重還有恨風花一片太無情  
春深鄧尉扁舟共勝事應須特地爭朴村適入城

同王子補亭張子樸村野步至金氏柳雲居追憶

往年授經其家花時月夕觴詠園亭今園主渭師

久捐館其長君南美次君增美亦先後物故然聞

其令子皆露頭角矣撫今懷舊四十年來恍如夢

境口占四絕蓋悲喜交集云

續集詩集

卷九

五

二美摧殘最可傷鵲雛聞亦各飛翔園丁可識看花客

我是即君大父行

憶昔花前共舉杯溟濛烟樹雪千堆飛翻花事還如舊

不見橫窓一老梅

水閣軒牕坐久之萬竿寒玉拂清池主人化鶴歸來否

舊友重來知不知

林廬清洒見遺風六世藏書在此中聞說鄰家歌舞地

更無蝴蝶過牆東

送歸南岑唐薇衡赴上江開府劉中丞幕

士苟抱志節宇宙可擔荷豈能懷其寶適此林泉卧單  
車走四方亦不爲窮餓歸子望所宗唐生名亦播吾衰

仗朋舊借以策頽情大夫領節鎮書幣辟戎佐蜀江萬  
里奔皖城天上坐二子贊謀議問君何所作呼去先之德  
惠敷兼用威力挫軍民衽席安賓主鹽梅和勳名炳旂  
常直駕古人過江峰插岸青雲煙一帆破曉曉廣陵潮  
明星如月大滄浪發高咏怒激江濤簸公府鈴閣閑詩  
篇卽清課吾黨卓犖才於今有若箇二妙聯翩行誰歎  
共切磋詎不顧其私但爲大夫賀

題藝菊圖卷二首

白髮垂肩老逸民滿園秋色鎖松筠籬邊自有悠然意  
不盼江州送酒人

歎息斯花愛者稀尋常剝啄不開扉爲花特地求知已

續集詩集

卷九

六

直待陶潛薄宦歸

荷亭文譙觀雲間孔東巖題堂額大字爲作長歌

孔侯腕力放縱膽力雄能役神鬼鞭蛟龍百鍊一字不

肯售賤直乃乞呼去田舍翁鳳皇自是千仞物豈便下與

雞鷺同丈夫飯牛牧豕亦可贍妻子令人笑殺童子鴻

我家廣堂殿四壁對面小山相拱揖水花紛敷香可吸

疎簷垂桂翠欲濕瀟瀟酒不放暑氣入題額字大圍三尺

孔侯躊躇四顧脫憤立袍袖淋漓盡墨汁筆勢直攪溟

渤翻怕有陰雲起霹靂飲君酒贈君歌滿堂賓客久摩

娒先生六十髯未曙方今盛開隱淪屠釣科會見召登

天子殿指揮近侍脫朝鞵聲價天球琬琰過吾輩及蚤

收拾得筆墨流落人間多

孝義行為同年葛見田尊人稚堅先生作題其畫像

崑山山小如卓錫王師南下時江南四郡一十有九城  
一十六城豎降旗崑山不豎降旗豎義旗一城人戶同  
日盡死者僵屍填塹谷生者皆癯瘦有一孝子五經師  
學成壯大猶嬰兒倉皇竄走不見爺傳言亂兵得之束  
縛將屠刳孝子痛切裂肝脾爺不得活何以人為麻鞋  
破綻決兩踵見爺歡喜作兒嬉直前抱頸吮其乳猛獷  
見之亦歔歔身願在伍供樵汲身願傾家佐軍資身尚  
有兄病白癰爺歸老癯須扶持嗚呼孝禮爭死前史美  
趙苞賊母義則虧求生害仁夫豈可危身奉親古人稀  
壯業事詩集 宋九

先生文章雲錦披丹山鸞鸞雲端蟠入對大廷見天子  
自陳不欲得一官但乞終身廬墓全其私今看圖畫髣  
已絲眼角低垂意有思先生哲嗣我年友筆墨之役我  
豈辭嗚呼先生美材高行多足錄錄其大者著之詩以  
爲萬古人倫規

東印子來譽

喜得芳鄰傍舊巢連林隔浦接烟梢人歸洛社香山裏  
地是康泉讓水交圖就輞川同畫卷移來鄰架借書鈔  
春秋佳日過從便欲返南村出近郊

自題課孫小照四絕句

儒緩衣裝解組身一編課讀不嫌貧五年宦海成何事

添得星星兩鬢銀

逸情托興在林皋目送歸鴻的高忽作解衣磅礴勢  
新詩吟就欲揮毫

孝秀書升出老農還憑世德起衰宗汝今師法當前是  
百疊清谿萬仞峯

插架縹緗手注成諸孫次第一經呈傳家莫道無官蔭  
少長都教擁百城

縮瑟行

景迹赤頭蛇也絳構頭赤幘一入杯槃人不食白鳥轟

雷待人血聚唾皮膚成窟穴蚰蜒百足須如繩王虺鬱  
律昂頭行蠟子江南舊無種主簿過江始作俑嗟余老

縮瑟事詩集 宋九

羸膽脆弱對之縮瑟前復却君不聞仕路舉足踟躕蟻  
肝腦塗地頂踵糜人生憂患豈必免但願得禍有深淺  
我今已脫萬丈潭毒螫雖毒亦所甘

胥江舟次邀補亭嘗蟹有詩枉投次原韻荅之

秋江夜傍孝廉舟却辱推篷話昔遊尊友如魚還逐隊  
無官有癖少監州霜空水月澄一色鄰舫笙簫坐兩頭  
歷數知交感慨外淡中滋味轉綢繆

補亭次前韻見投再依韻荅之

隨人栖泊也停舟偏覺星河照客遊當代風騷誰狎王  
古吳文物一雄州時名我遜居龍尾飲與君應亦狀頭  
明成祖謂魯學士榮卽論豈識烟江雲樹底有人燈火

話綢繆

王西亭給諫自青浦過訪席次枉贈佳什率爾奉

酬

倚檻看雲岸不巾軒車忽枉到松筠拒霜花笑如迎客  
印月潭空冷照人重話今宵疑夢寐清詩老境轉鮮新  
無多朋舊能相訪欲乞先生住一旬

西亭復投詩有歎老之句用韻解其意

曾上封章震大廷莫因雙鬢歎頽齡共期一節存清白  
不朽千秋有汗青出處遭逢明盛世平生誦法聖人經  
江湖歲月身強健焉用深山刷茯苓

送兩江總督于清端公入祠

續集

卷九

九

尚書德澤在軍民事久歌思涕淚新裴令河東光岳氣  
公山西梁公江左保釐臣輕裘緩帶家風紹剛鬣柔毛  
國典申吳下一時傳盛舉雙祠並祀兩賢人雖州湯宗伯同立祠  
府學中

又

儲胥長有風雲護史冊應同日月爭文武提衡兼將相  
始終大節一忠貞身騎箕尾精靈在像肖麒麟骨法清  
漢代于公今有後旌麾親得奉榮盛

戲投瓊手未拈盆中忽作六紅以四韻記之時冬

至後十日

六瑄陽生氣尚微休徵忽此發天機老兄欲答先成采

小物象思盡賜緋玉帶紫袍春夢隔金釵紅袖盛顏斗  
清門詩禮歸詒厥待遣秋風入棘園

樗園和詩以蒲輪賜緋相嘲次前韻自解

漫道江天有少微行年七十早忘機看花老眼常蒙  
曝日衰顏似映徘徊骨難憑占福應雄心尚悔壯遊非  
宅邊手種垂楊柳樹樹藏鴉大十圍

補亭得孫自和先世得曾詩韻見示輒步其韻

日躔星紀月初恒天上麒麟下百層庶子才華出鄭姑  
倫魁科目兆王曾四傳甲第添雙戟二祖門風又一燈  
外祖松家有長文常抱膝慈明敢便比聲稱

庭中南燭垂穗如絲囊預訂淡成同人人日集觀

續集

卷九

十

丁亥小

霜叢牆下翳蓬蒿陡起朱霞十尺高福鎮此邦留韞  
時方有說言故引光疑上苑出櫻桃賞心知己攜紅友  
用安宜尼升天事賦物詩人比木曹人日杯觴除夕訂不嫌名紙欲生毛

其二

蠲租詔下沐恩波不共為歡君則那畏友酷思張仲孝  
朴材方讀禮同人賢校竹林多丁丑春初集七物華瑤  
未往邀之人今漸推廣之物華瑤  
草琪花似才調騰蛟起鳳過追溯風流今一紀承平樂  
事莫蹉跎

東江考功過訪述懷卽事二十二韻別後却寄

君子行其道不以出處異出則社稷安處亦鄉邦繫考

功今儒宗人文天下最蓋亦器業優不但學養遂樂志  
歸田園桑梓蒙衣被凡有大興除昌言排衆議剛果能  
摺服州將每奪氣折衝亂萌銷極暴猛噬殪從容出片  
辭爲惠殆不費學者皆師法走亦所兄事骨齒壤地接  
各欲伸此義自分名位卑嫌怨亦不避別久忽相思單  
舸乘潮至庭階小草花霜中弄餘媚欄隙漏銀蟾深更  
照薄醉精思渺萬慮高論吐一切學術辨純駁趣舍別  
義利積此夢想勞頗謂曠懷遂名賢泄此邦邦君宜  
簪不具主賓禮詭辭云疾廢鳳皇翔千仞未可凡鳥  
先生笑不言莫能闕其際

樸村以祝京兆草書滕王閣序見貽走筆作長句

蘇東坡詩集 卷九

荅之

張子僻居橫港曲老屋荒村結古木夜有寶氣燭斗星  
不是紫磨千斤珠十斛乃是收藏名人手蹟三百軸黃  
金押頭錦作暉白玉之籤纔補遺初冬寄我雙鯉魚惠  
我京兆狂草書開械使我骨體發振頭髮間癢得爬  
梳雄姿怒蛟裂山谷微茫晴絲殿空虛筆鋒剗削刀劒  
氣行間變滅雲烟俱勝國書畫誰冠代吳中祝沈稱兩  
大文仇于時亦知名俯首帖耳皆下拜東坡論畫推摹  
詰道子雖工亦割愛歐公于書服君謨後乃襄陽擅一  
派畫妙意到筆不到鬚眉刻畫神不在書家雄秀獨魯  
公學者未可取姿態古今好尚有廢興彼此低昂互向

背朴村鑒別具清識其于草隸尤肆力愧我斯道昧白  
黑敢云千慮有一得吁嗟俗論真耳食何時共攜此卷  
南遊匡廬上絕壁俯看飛流直下三千尺

陸魯巖學憲八十壽詩

登朝弱冠此懸車壯者精強似不如仙骨輕於縶嶺鶴  
童顏尤照碧山魚盡收鄒魯諸生後未減機雲入洛初  
還待平章軍國重肯容高卧戀林廬

松坪學士置莊良鄉遣家口就耕貽書鳳阿欲同

志作詩歌發之 某首唱

伊尹耕莘野蓋以樂其道諸葛耕南陽意亦將終老及  
其奮風雲豈復謀溫飽子從田間躍天衢玉局琅函恣

蘇東坡詩集 卷九

搜討堂封官給祿賜豐正愁厭飫生苦惱云何田彼近  
畿田人飯脫粟馬芻粟麥旗秧馬督課誰主孟乃至煩  
丘嫂酒腸窄小救口急少種秫田種秔稻朝官于古有  
此無遠近傳聞皆絕倒卽此調變陰陽和地力天時成  
萬寶有厭其傑穉亦收立苗欲稀稠更好可能湯沐  
餘閑罷種秋香對晴昊我辭彭澤把鋤犁陶耕習耘不  
相保衙嗟學士官非小報荅國恩何日了我昔退耕  
已遲君若明農恐尚早

丁亥除夕言懷得二律

仕版初登艾已踰乞身便恐逼桑榆司空表聖王官谷  
五柳先生縣大夫酒最適情惟薄醉棋于收局未全

結廬廬市悠然得曠若扁舟泛五湖 右自幸

常循古訓攻吾短寡過於今却未然骨格每嫌時樣別  
文章深愧外人傳求名後世真爲累力障顏波也近偏  
此夕歲除除不盡切磋還仗友朋賢 右自規

西施乳四絕句 卽河豚白

塞上凝酥總不如腹腴定復勝前魚才教入口消融盡  
自此忠言骨鯁疎

豪俊風流范大夫當年禁鬻一嘗無輒溫便合銷魂死  
贏得江山已是輸

秦號諸姨卸晚粧夫差還讓李三卽就中滑膩知誰最  
翠被春寒一一嘗

雜事詩集 卷九

七

張蒼落齒已成翁那似當時飲啖雄若論色香風味美  
人情嗜好也應同

探梅卽事 二首

林逋高隱士何遜盛才名花以詩人重詩如花氣清人  
忙有底事我老尚問情未必宜搜句能同水雪明  
偶然乘興往幽盡亦隨還但得花閒趣何須湖上山孤  
情遊物外絕跡在人寰歸索橋花笑花神爲解顏

咏紅梅

染就胭脂別樣嬌孤山非復舊風標杏園一色春紅膩  
便恐寒香暗裏消

咏綠梅

帶得湘江色欲飛羅浮夢裏見依稀江妃真漫矜新豔  
自古風人怨綠衣

送時期五孝廉偕其高足入都卽留上春官 二首

積雨漲隨瓜蔓水輕橈香送藕花風一簾煙景青山外  
千里笙歌絳帳中館閣今添新集鳳京都傳說舊乘驄  
孝廉曾祖官錦衣還作萊衣舞迎養娛嬉百歲翁

風骨孤鶩肌理勻陳言擺落見真醇有聲場屋誰先子  
得手文章定八神捧日懸知霄漢近爲霖最是梓桑親  
江濱衰白存遺老扶杖還看事業新

贈洞庭陸聲遠

具區七十二峯藏都爲山人作一莊阿堵物揮與友共

雜事詩集 卷九

七

寧馨兒有衆材長傳家莫道清無業得句還推老擅場  
可許家泉同泛宅期願吟醉白雲鄉

苦雨歎 戊子五月作

嗟余蓬蓬姿白首守章句有子不課讀但使力農務饒  
窮既所資災稔能不懼甘雨貴及時淫潦則無度翻欲  
倒瞿唐溜如奔瀑布勁可七札穿擗若萬弩注席豹應  
戰慄天地爲拗怒淹旬無一休百瀆交橫驚坳堂渺湖  
泊咫尺須津渡收穫豈復望耕作何所措往歲愁旱乾  
皇仁大布濩側聞澤不究蓋亦物有蠹何天又降割斯  
人遂沉痾舊有薄田遺遺此類齡暮歲桂馥已苞曉蘭  
馨欲吐脫粟救口急擷蔬糗饌具便恐從此艱頓乃失



其素民生遭難濟我躬并耗數恤緯嫠婦宜憂天杞人  
誤抱膝起長嗟豈爲一身故

詠史六首

紀羣器業世應稀呂布梟雄亦暫留與曹公作佐命  
可能便解下邳圍

陳羣

北定中原事可爲襄樊摧破七軍時運籌帷幄何人在  
待出和山計已遲

諸葛亮

饋藥休言是睦鄰兩雄力抗且相親參吳便是吞吳意  
莫道羊公不耽人

羊祜

龍驤建業是奇功間道成都事亦同鄧艾沉寃千古  
文皇不似武皇聰

鄧艾

續東事詩集

卷九

七

洛下才人戀國榮同時吳彥一官輕論他飽食鹽魚膾  
還聽秋空鶴唳聲

陸機

禁旅頻麾白帟旂諸王喋血在宮門  
却保東阿得奉藩

八王

解嘲詩四首

有序

于禮懸車之歲不廢司馬之人所以逸老壽示優崇  
也余謝簪組獲遂林廬猥以頽齡諧茲稚齒綴之泉  
石之間畧爲烘染游之藝文之圃粗習校讎不知者

病其耄荒曲諒者許爲閑適若論風流儒雅聊以敘  
顰卽方古昔先民未爲蕩檢得詩四章用資一快

芙蓉秋水漾晴霞書幌輕明隔絳紗欲爲詩腸潤枯稿

却從粧鏡借穠華照人冰雪心空盡助我丹鉛日力加  
所惜未諳箋疏義還應慚愧鄭玄家

微尚原於世味恬一官常是守齋歸田歲月閑情在  
釣艇烟波老伴添寒對菊松殊有韻貧安蝦菜兩無嫌

風懷名輩差相似敢謂餘齡食蔗甜  
昔年歎逝似安仁哀樂關心事亦頻馬齒已推杖國老  
鹿門別有耦耕人如斯聚者今何夕得往參焉意轉親

粟桂山莊書屋裏堂前依舊敬如賓  
儒素家風給力便竹牕何意貯嬋娟助操井臼憐渠小  
爲抱衾裯覺汝賢笑比門生常問字閒隨居士共談禪

有時待月鉤簾土一聽嘯嘈鐵撥絃

續東事詩集

卷九

八

朴村留宿遺虎皮褥檢還以詩道意

薄暮欵柴荆老友踐宿諾燈影伴孤迴鴈聲入寥廓凌  
晨鼓歸棹霜枯江花落襍被裏未收突見雙睛之燥僮  
奴驚怖啼勢欲撲雙脚嗟余方病疴難覓功臣閣藉此  
威猛力可以鎮邪惡所患竟良已迅風掃秋籬先生講  
易用所須今者歸家何所作疇昔之夜意惘然別後相  
思殊不樂未知何日升講堂買舟直向君家楊柳灣頭  
泊

贈青浦令鮑非炎

鮑山東縣縣人與余舊治定陶

百里西南有樂如清風披拂到衡茅鳴琴昔忝知滕近  
傾蓋今成管鮑交照縣繁花叨接席連林息羽得安巢

往還採取與人誦甲乙分編手自鈔

蔡母沈太君六十

節母名閨一女宗動循禮法凜三從斷慈手自成分刊  
寄鮮家曾不啓封教子殷勤留范式過賓嗟賞敬茅容  
清修養志承歡足已抵他年祿萬鍾

送歸嵩霄入都赴禮部會試

七上公車廿載踰此行奮迅躍天衢東吳人物扶輿秀  
太僕文章近古無國典求賢科目重家風舊學老成須  
當今未少余文敏再識南中一宿儒震川先生嘉靖乙丑出余同儕之門

送王樹百入都會試并寄語松坪學士

三年南北定相思驚喜先生髯未絲知解金貂隨換酒

續集詩集卷九

便燒銀燭出新詩倘同館閣推前輩多恐春闈是王司  
內舉所親才望協事君合以古人師

輓潘羽參

鶴骨峻嶒老健稀道山無疾竟遙歸百年去住同遊戲  
一邑咨嗟失所依耆德特爲明府敬昌言每愧薦紳非  
居民巷哭私親似卿望於今屬布衣

賀周南諧舉子

王露軒華軒綺席開充閭佳氣鬱葱蔥抱騎銀鹿知歡  
喜探得金環是再來前歲周曾族姓并教緒秀貴闕  
留爲衆師才大常記取齋期過湯餅明年第二回

已丑人日淡成社集以詩代柬

二首

儉歲清門一倍艱眼看芳序又循環自治鮭菜粗爲具  
出典朝衫大破慳試問浮生何者樂未知塵世幾人閑  
過從更莫拘時節客到雙扉總不關

十二年中不定踪歡場人日七年同千秋杜叟空留句  
九老香山遜此風騷雅並驅皆國彥凋傷苦憶一宗工  
謂時周成名賢世美能相結坐上元方肖仲弓謂期五

已訂期汪又韓張芋巖二學博以督賑無暇改卜

初四日次原韵轉訂

嘉客臨期有後艱賢勞未得大刀環已騰笈素申前約  
敢撤壺觴便老慳三日先庚尋好會半旬休沐趁餘閑  
廣文猶爲冠簪絆我幸辭官免抱關

續集詩集卷九

卷九

六

羣賢此日繼芳蹤樂事雖同有不同梅盞未飄萬點雪  
客遲爲助一帆風張朴村盛二騶鄉  
直覺推移奪化工細菜春盤倘可待天邊纖月漸如弓

留別杭州太守同年張韋存

二首

神仙窟宅西吳最管領湖山南面尊蘇白重臨名勝郡  
韓崔同出大賢門十年契濶今傾倒萬頃空濛遠吐吞  
別去尚留一欠事孤山虛度月黃昏以積雨不得

青芻白飯已云饕敢冀瓊瑤報木桃太守清餘雙舞鶴  
故人寒待一綈袍分金鮑叔誠希有乞食淵明未損高  
爲載廉泉六井水歸舟欲發尚停篙

同年翁蘿軒少參爲仇家所中涉于吏議急往赴

之事已得解方探梅西谿喜而有作

風義今人與古齊曾援賤子拔塗泥祇知爲友相排解  
忽以無兄被巧詆赴難兼程衝白浪閑情出郭聽黃鸝  
東山絲竹忘憂喜名位終躋上執珪

聽歌二絕

風標玉映比檀奴水調歌喉一串珠坐客賞心我亦爾  
却忘身是白髭鬚

畫船載酒綠波明心怯篷窓雜雨聲喜得來朝花氣煖  
管絃今已報春晴

蘿軒邀同湖莊看花

莫教春事雨中過出郭煙嵐顛黛螺載樂還隨書畫舸

蘿軒詩集

卷九

九

移家遠入水雲窩花含蓓蕾如相待遊得詩篇便不磨  
湖上結廬曾有約買山無計欲如何

湖莊卽事

四首

名園須擇勝傑構此無雙嵐翠山山雨烟波面面牕清  
聲平拍岸樓勢遠吞江樂部教成就新翻入破腔

宵次藏丘壑經營絕垢氛浣花谿帶曲斤竹嶺中分適  
此林泉趣還同麋鹿羣宦游多著作欲共細論文

蝦蟆嶺上碧落瑪瑙名駁湖潯泉溜懸松頂鐘聲到水

心起蛟空有跡出蛟放鶴杳難尋山登眺成今古悠

然托寄深

樂惟賢者有典與古人諧近郭園基墅臨流畫舫齋山

川增秀發風雨未沉埋朝市今何似江湖且放懷

蘿軒畫便面并題詩枉贈輒依原韻奉酬

六橋分手是何年別緒追尋意惘然命駕相思鷺喚友  
挑燈重試虎跑泉過雲歌板江山麗帶雪谿梅鐵石妍  
我輩襟懷湖海濶旁人但以管窺天

再留別張韋存太守

明府苦教投轄住山莊又已放舟迎別來鎮日還相對  
石骨高寒水面平

白雲同宿翠微巖沾濕遊人短苧衫好比故人縫絳意

隨風遠送北歸帆

新晴蘿軒載樂同泛湖歷諸勝

蘿軒詩集

卷九

九

雨後無邊綠春深一抹濃晴巒初出浴粧鏡爲誰容歌  
微溪山響湖明月月鏐留連忘永夜遠寺已聞鐘

暝色

心似白鷗閑迴舟蕩漾間遙天看入水白霧忽沉山盡  
失巖頭翠微留日脚殷映林燈火出始覺抵柴關

杭守過訪湖莊主人留酌情話卽席口占奉呈  
山廚所餚具盤餐便許花間卸馬鞍愛我清詩常在口

看君逸興似無官天風拂水飛寒雨人語高空落激湍

說訝軒車稀出郭特因訪友到江干

同年新樂令張昆貽用公家錢盡收法書名畫詩

以壯之兼有所規

書畫一小道其妙乃入聖古有性所耽直與髮膚並破  
塚干法紀殉葬遺詔令此中得奇趣蓋亦未足病我友  
昆貽氏清標冰玉映醞釀放厥辭乳穴山泉迸出爲親  
民官治道一簡敬好蓄古卷軸自恨力不稱故相累世  
藏珍貴手鑒定蒐羅盡四海富有珍萬乘零落出人間  
質劑有市平呼先生發狂叫直視兩目瞪意非但領畧  
力且圖兼併盡用公家錢毋乃迫陷阱旁人交諫阻掉  
頭一不應豪者聲伎逐鄙或刀錐競所好別清濁可以  
觀性行同年翁廉訪彼此殆季孟士林挺卓犖秀靈所  
結孕一郡兩雄長他年互印證光怪忌太洩萬物憂過  
盛退之人物卷背爲侍御贈靈寶書畫舸識者且譏評  
謝東事詩集 卷九 五

呼二子負器業不久握政柄憂樂以天下于此偶托興  
君子于友道誼當規以正豈可務張大夫我敢爲佞  
已丑二月既望蘿軒攜樂載酒偕其賓從送余北  
歸至高亭山乾墩村鴈啄二日而別其地廣袤可  
六七里盡栽緋桃無雜木無隙壤內皆魚沼藕塘  
堤岸犬牙錯互高閣平臨則地衣作霞片輕橈深  
入則步障隔絳紗波光映發潄激皆成絳鞦人面  
相看唇口重傅脂芳華之麗囑絲竹之繁會于  
斯極矣爲賦一章以紀其盛

雨雲收捲幔初開照眼紅霞爛作堆灩澦還憑水蕩漾  
重最愛渚紆迴何當送客銷魂地却得繁花勸酒杯

別後篷窓紫夢寐未知何日再追陪

奉訪浙江學使同年彭諭德直上

詞伯舊推燕許手文星今照斗牛墟薄遊蹋雪飛鴻似  
懶性閑雲野鶴如詩社昔曾酬唱合交情寧以困窮疎  
剪燈重話巴山雨千里扁舟定不虛

王斗初索題張君度峨眉積雪圖爲張母某大君  
壽

丁亥旱乾海潮竭戊子霖潦河堤決總爲冬陽不固藏  
雷不收聲少冰雪今者何處得此漫空雪堆作白鹽山  
靠若雲母屑萬竅盡鳴號茁景皆變滅崇巘連谷白橫  
糊微覺窪隆作凹凸村店無煙飛鳥絕行人凍縮如伏

謝東事詩集 卷九 五

龍暮春花氣盡滇濛杜鵑蜀茶赤于血化工倏忽逞神  
奇奪此暄妍換凄切吾聞青城洞府在天上峰巒詭譎  
難名狀哀整層水夏不開平地積雪常一丈恨我年紀  
非少壯不得縱目一觀雲海盡畫家心手久醞釀移却  
蜀山上屏障不見天梯石棧相鉤連但見彌山絡野烟  
雪漲王秀才色清暢志力勇銳才情放愛我詩格殊雄  
宕請與此圖角筆仗衰翁此事能爾爲且爲壽母進一  
卮天地閉藏霜雪苦萬象從此迴春姿即君他日走  
長安看桃李莫忘九熊畫荻時

紉寒亭詩集卷十 古今體詩五十七首

嘉定趙 俞著

蘓臺懷古

亂雲羃山山未曉哀壑奔泉掛木杪昔王墓樹久丘墟  
金缸壁帶俱荒渺枯松枯死鶴巢空棠梨零落鶯聲老  
當年傑構瞰崇阿傾圮城藏窈窕羣峯羅列翠鬟圍  
萬頃空濛粧鏡小金粉銷沉付煙水蜀魂已化成山鳥  
響綠虛無香徑迷往日吳宮今作沼郡人爭拜子胥祠  
屬鏤劍氣騰縹緲此地荒涼麋鹿多士女春遊到者少

庚寅人日代東詩二首

人日邀賓成故事光陰過客去還來百年我願長為主

紉寒亭詩集 卷十

四座人看不厭陪大地春風落酒酸滿庭花氣易蕪苔  
出辰入酉相爲樂莫待參橫斗轉催

投壺散帙共清歡草具何嘗列食單友餉湖鮮魚秋鱸  
厨留鄉味蟹堆盤交情耐久如新少世事由奢入儉難  
敢仿前賢真率意風流傳與後人看

補亭人日未承枉赴元宵復次韻見招三過寒齋  
申訂再次原韻辭之

相招却似相迴避不往真成莫往來醴酒知爲小戶設  
驢壇許以老僧陪者雲晴日常飛雪人堂名畫幅秋林  
不點苔坐上清言心賞愜開尊授簡且停催

戶外先知三屢金雨餘遲我一車單辱蒙枉駕廬三

顧敢憚衝泥路百盤筋力衰還意興在才情退覺應酬  
難南城東郭過從數贏得兒童夾道看

白衣先生吳浩然休寧人明季金正希先生起義

兵有旁之共事者先生度勢不可走隱常熟山中  
著書不存稿學者重其風義其沒也立祠祀之四

方作挽詩者近千人余亦有作

勝國遺民隱去休難將一旅復神州書生未比文丞相  
鄉論何如滿武秋處士柴桑終係晉西山薇蕨不歸周  
尚湖萬頃光如練莫放清流映濁流

病起坐水明軒有懷朴村時奉開府張公聘在滄

浪亭修五經大全

紉寒亭詩集 卷十

高空新爽已如斯伏枕連旬却未知荷菱香清涼病骨  
梧桐秋老悵離思大夫禮幣能相下長史亭臺昔所遺

白露蒼葭歸信近說經定得解人頤

余病欬逆就痊而鳳阿患陰重久不相聞走筆問

訊

浴日仍貽兩家二老夫過從每互降階扶少陵肺氣隨  
年劇叔夜胞中畧轉無君富威儀有道象我衰顏面野  
僧枯只求鄰客消融盡常願追隨黃憲俱

夏蘭二架寄禪寺載歸得四韻

乍疑久客苦辛未似吾衰鳳羽毳毳舞蟻珠璣垂清  
風名士座芳澤美人貽冰雪當相守依栖更寄誰

自警四首

直每招人過於常術已能浮夸道氣淡觸撥禍機曾魏  
祖楊脩忌齊人國武僧汝今老髦及而顧不知微  
離垢心難淨搞辭性所詣未同羽化鶴自類吐絲蠶何  
肉周妻累沈詩任筆航至人空所有寒月落秋潭  
著作前賢遜前賢我豈過千金懸購少四庫覆瓿多悅  
口難同嗜吹毛易獨苛不須存敝麓異代望收羅  
正論言辭激剛腸血氣偏怨希聞古聖黨錮惜名賢陶  
令一官棄蓋卿萬死全鄉邦有臧否不到一青氈  
素患肺火觸暑復發金子民譽療治得痊紀以二  
十二韻

續集事詩集 卷十

人生具五行蓋亦肖天地金木乃體質水火實用事坎  
離對待立元氣非有二此縮則彼贏陽驕由陰穉歲旱  
甘雨澍災自消肥瘠豈必射九日盡使驂驪殪或欲撲  
其酸反恐助之熾金子古逸民沉冥類玩世水竹漾逖  
漪環居十畝翠天資既清妙多能不一試嗟余毛血衰  
欬逆困林第妻子相守護便慮蹈不諱憫我失治療許  
爲一診視具如上所云瞭若指掌示潛滋暗泉脉漸減  
燎原勢水火互長養龍雷皆伏制津潤得上行四體覺  
和碎計功旬日間安寢能食食倘不遇斯人老命幾賴  
堅從此保天年可以生死寄况與數晨夕編盡窺其  
無以報明德作詩志我媿

立秋夜雷雨大作夢中得一聯睡起足成之

金蛇掣起玉璫沉恰值農家望雨深疑是魚龍齊出水  
驚聞烏鵲已翻林輓輸漕穀三軍飽報賽田神八蜡歆  
聖世屢豐知有慶斗牛分野歲星臨

二弟自鄉莊來省視追話時昔紀以四韻所謂叙  
天倫之樂事者與

幼勞母氏湏先零少者三齡長八齡人事都忘甲子紀  
天文今應老人星微疴抱却增多壽薄宦歸仍守一  
經同受風霜摧折過餘年冀保歲寒青

小山下班竹漸成林有述

漸從牆角上坡陀放却清陰半畝過不殺籜龍教出屋

續集事詩集 卷十

已看林鳥暗藏窠敢誇家有貧簪谷待聽秋深絡緯梭  
攤卷一簾湘水映染成嫩色碧于螺

送王樹百應臬憲焦公聘赴省會 二首

禮文稠疊知交舊鄭重先生爲某來杜老肯爲入幕客  
嚴公自是出羣材登樓玩月傳觴集渡水尋山行馬開  
特借名賢收物望下看梁苑有鄒枚

綠水朱華香撲隄故人却正辱塗泥惱鄰鷺鴨偏相聒  
嚇腐鴟爲怖欲啼京國雲山入夢想鄉邦杖屨待扶攜  
懸知客枕相思夜秋耿明河鴈影低

自笑

自笑頭風失耳聰天非阨我未爲窮若蒙任使堪條佐

且享平安比令公聽澗如聞環佩響當歌還入綺羅裳  
世緣究竟成何有萬事都歸想像中

補亭爲余買一小鑪法須拭治而嬾不嫻習作詩  
寓慨

几按所須物熏爐間茗枕我非不愛此而病性疎緩良  
友爲覓置自謂得之晚馬槽方小隋鳧脰縮微短雙環  
貫兩耳腹下可辨欵售不索高價殆非世所罕揣量炭  
燥濕消息灰冷煖更防襍穢子手觸成面黥如姆伺飽  
飽飢如農虞水旱奴不稱任使性乃甚余嬾我以伴岑  
寂反此累閑散吁嗟乎商彝周鼎歸烏有破塚荒林今  
在否古來玩物喪志人其人與物皆已朽以身殉物良  
新集事詩集 卷十 五

足尤以物娛人則可耳世間功名富貴皆如此吾於小  
物亦云爾

惜硯詩 朴村遺硯材一方水斧帶惹白色二隅仿  
宋式製成愚豎失手碎於井作二詩嗟其  
幸不

片玉相貽自朴村盛侯製作巧無痕帶來泉脉肌生潤  
隱起雷紋勢欲奔蹉跌已知儻約負依稀尚有舊銘存  
萬錢不足論酬直夢寐懷人爲斷魂

伴君常得管城子活我還同負郭田倉卒如亡左右手  
棄捐恐付阿誰邊有成必毀夫何恨以鈍求全亦可憐  
瑪瑙千金曾不問我今猶愧古人賢

荷花爲夏潦所淹秋深始發一花喜作二絕句

會拂西湖麴院風今年花事已成空市中白藕如八臂  
却賞秋池寂寞紅

僊子凌波顛步播薄勾丹粉上鮫綃不須十里長堤偏  
一朶撩人意也消

賀上江潘伯馬公得子 馬公陝西武功人忠勤公  
子前任下江臬司

袞袞公侯此發祥驪珠掌上夜生光騰驤風骨追騏驎  
游戲聰明作鳳凰地脉全鍾西華岳家聲世紹北平王  
無緣得廁賓筵末瑜珥瑤環看弄璋

牧伯於今命世英階庭玉樹正敷榮家餘善慶忠臣裔  
天祚神明治獄平江濱遙霑千里潤渭川常映一門清  
他年史傳蟬聯及奕葉金貂盡有名

新集事詩集 卷十 六  
送太守陳滄洲被謫歸湘潭

吳民指日待旬宣切責驚傳得左遷 聖主知臣敢愛  
死兩姑爲婦豈能全生完要領真如夢身戀林泉少此  
賢無計攀惟 慟哭淚痕沾酒袞衣篇

再用前韻

簡在已聞口勅宣 九重喜怒一時遷高名避去居身  
穩微罪歸來國體全解郡但如韋刺史沉湘莫傲楚先  
賢賦詩只道漁樵樂漫和招魂哀郢篇

送邑侯許秋嵐被吏議歸新會

春風長養入人微不炫才名赫赫威嚴課只緣儒術誤  
慈闈正欲奉親歸到吳一試淞江水度橫仍披越苧衣

去後見思會有幾得如何武古人稱

訛傳太守陳公得 旨畱任喜而有作

太陽能爲破雲陰萬里東南在照臨人定勝天終有日  
臣清如水本無心須知 詔旨丁寧切正是 宸衷簡

在深 聖主求賢會入夢直教四海徧爲霖

所到皆成蔽帝陰具區笠澤許重臨危身奉上原無黨  
體國憂民鑒此心汲黯自知容我慙鄭侯未免避人深  
輿情便恐遷官速不得三吳久作霖

郡丞王念菴明府在顧草堂酷賞拙著且許以大

集惠教臨別有公餘索醉之訂以詩代簡邀之  
松筠門徑在驂駢漫道江天有少微野老許從禮數簡

續集詩集 卷十

七

達官容得看人圍乘車戴笠都忘分樽酒論文誰與歸  
還訂公餘損騎從不時來坐釣魚磯

天上文星是使星籍中我一空閑丁得親道氣皆書卷  
苦愛詩篇出性靈老瓦盆移池上酌無弦琴向月中聽

瑤章許惠何時到想見芙蓉舊仍青

念菴明府過我玩圖書竟口再用前韵

直駕兜輿不用駢賞奇汲古會心微龍驚起舞銀鉤字

粉墨生香金帶圍 家有名人 杜丹圖卷 久坐花谿小隊駐醉看竹

馬細侯歸向人若語今宵事兩到嚴灘上釣磯

治官書每戴晨星服愛吳儂識一丁聚處天文千氣象

吟成河嶽助英靈主賓皮陸能相和伯仲堦麓最可聽

中大夫孝廉補亭 頓覺寒林春意動一庭竹樹已回  
青 中翰與公皆出大原

辛卯人日淡成社集代東詩二首時張子朴村卜  
居南街

看看四美集靈辰意思欣欣已涉旬白社人無分洛蜀  
高陽里又聚荀陳擅場各自呈三絕比屋今添買一鄰  
但愧衰慵原唱怯後來居上積如薪

樓船下瀨兩將軍指日應傳露布文且辦鷄豚供報賽  
相攜筆硯共勸耘泥坑柑熟長三寸冰底魚又重十觔  
未厭紅裙助酒力無緣覓得左阿君

朴村移居入城與寒舍同巷

續集詩集 卷十

八

籠鶴攜琴及此辰梅花帶雪近中甸園林自屬少陵叟  
襖被無煩下榻陳杯酌隔籬應共我燭光鑿壁許偷鄰  
先生祕有神僊著乞與人間王積薪

來如雄壘厭孤軍便擬迎降拜表文獻歲定蒙丘嫂饋  
頓蔬方待翟妻耘炊爨就熟須更竈樓若添修自運觴  
陵節通才敢比金平生事事總輸君

客歲爲狂人所侮聞東江所遭事有類此者詩以

訊之

櫻糝箸笠混漁樵爲愛安閑怕折腰入坐却逢劉四醉  
中途常避向魁要於今學者皆宗愈何物狂且竟吹堯  
久別聞聲相問訊吾曹猶幸不登朝



教育

納納乾坤我也容出身田舍老歸農帝城曾作看花客  
故里今爲賣菜傭粒食久馴海大鳥泥蟠豈有人中龍  
百錢且覓行縵子去探西山紫翠重

自箴

科名忝竊未遭逢患難餘生一命恭苦畏虛聲如畏虎  
難降矜氣似降龍傳家清白羞標榜論古雌黃亦妄庸  
卑不辱身高不抗所師惟有郭林宗

勗孫用人日韻因補亭有詩枉譽故次章云云

汝乘朝氣及斯辰骨幹嶙峋近二句看我顛毛今種種  
譬之困栗已陳陳遺風自合追清獻時譽無須似照鄰

謝東亭壽集

卷十

九

器識勉支天下士傳經尚未是傳薪

老拙祇堪殿一軍敢言稚子搃能文六經腹笥何曾貯  
一頃山田正待耘聞說王家生有炬自知宋地本無斤  
余家宋室之雲霄志業兒曹事莫倚衰頽馬服君  
曾故借用之

贈上海學界

虛堂四壁圍圖書高梧落陰風竹疎有客升階被服一  
儒者長身白晢飄飄鬚鬚儀貌秀偉神明湛望若秋水一  
片盛玉壺座間凜冽撲肌膚自言願友天下士東江先  
生衆衆子頰聽金門午夜鐘歸釣煙波一江水有生見  
此二人者生不虛生死可矣乘潮夜發東江棹負劍已  
承恩詔知雄守雌老氏云是或一道不足道世人脂

韋骨鯁少養就風痺難治療明哲保身固有之殺身成

仁亦可蹈至人學問積諸躬卷舒自然合道妙董安于  
西門豹彼但矯枉救其偏亦是軌轍徇世好東江年高  
德彌邵能造聖域闢堂與我最行之稱同調試以復於

我老友莫逆於心相顧笑君今前去路漫漫何時重話  
巴山夜雨寒夢寐猶疑見顏色已覺微茫雲水寬

送印來譽赴粵東應開府大中丞聘

節斧通犀鎮五羊元瑜時屈佐戎行荔枝正薦江家綠  
燕寢遙凝海岸香海此岸香六銖價直碑到百蠻開霧  
雨書移一紙帶風霜南中名勝留題徧不羨平添陸賈  
裝

謝東亭壽集

卷十

十

同文翁七十壽詩

鸞旂在泮集羣英同隊魚中倍有情一姓宗盟應屬子  
五年齒長媿稱兄蕪湖經學尊安定天水家風比叔平  
未趙樂字叔平仕至執政年八十有八遲看宦成身尚健花間同挽鹿車  
行

勸朴村赴省試

有序

近代設科取士名世大儒皆由此出身與孟子不爲  
臣不見之義今昔異軌矣朴村先生抱道自守不赴  
行省欲以古人自處然而非盛代興賢之意也蓋  
士習頹靡有志者每以志節矯之高則高矣而尚非  
中道也儒者豈必苟異於流俗云爾哉惟聖人中庸

之道是歸而已願爲先生進一解焉以二小詩見意  
賢書非枉已制舉豈他塗世自有知者我生其已夫滄  
江雙鬢白吳分一星孤近代無徵辟今時與古殊  
積苦經生業涵濡六籍餘老生朴外秀暢得密中疎志  
以道爲鵠心原不在魚遭逢有定分更不問何如

辛卯九月朔燕集詩

匠門太史枉過洛日草堂畱小酌薄暮又集朴村卅  
勳堂紀事限用昌黎醉贈張秘書韻

嚶鳴在喬木空谷已有聞精神所感召昨宵夢見君君  
身備儒行而獨豪於文雄氣激海岳渺思入烟雲衆卉  
欽其華不敢吐芳芬來尋鴻雁序且狎麋鹿羣東西迭

謝東亭詩集

卷十

十一

酬酢賓主益不分詩既驚四座目已無三軍酒亦吸百  
川一石但微醺宇內英靈氣空中結氤氲宵無適俗韻  
語出古所云齒牙嚼冰雪玉屑落續紛庭餐桂之露厨  
却血與葦酒熱解羅襦談劇欬帽裙下視醜兒援提  
一飛蚊先生既鳳翥諸子皆蘭薰升朝秉鈞軸閉戶窮  
典墳室尚勤丹蘄種且待耒耜仰望日月際次第建高  
勛走也雖衰朽尚惜此朝暉

輓席思宋中書

早年三策對明廷忽訝天文限一星人悼陸公門下士  
師傳楊子草玄亭中書受業平湖先生先生儒林失  
嗟鳳凰原上孤飛看鶴鶴多少五陵裘馬客獨投文字

弔英靈

辛卯杪秋張漢昭北田莊燕集

名園邀勝侶二者蓋難兼况此良辰覲偏宜竟日淹孤  
鴻點秋意乾鵲應晴占楓染紅於錦雲堆白似鹽隔林  
疑井登拾級儼堂廉聞酒馨求入聽詩魚出潛厨香覺  
指動戶小但屏霜風顛花窺鴈歸移月清簷傳更消津  
燭汲古展牙籤泉壑一亭秀煙梢萬嶺尖就奇胸有  
衰老髮無黔撰屢躡跼步樞衣前後轡四山星照野一  
濯水明簾江迴橫飛鶴天空欲墮蟾荷亭依竹垞松徑  
返茅苦回憶軟娛地過從百不厭

謝東亭詩集

卷十

十二

戴水挾六十生朝有贈撫今追昔有痛定思痛之  
憶昔聖馳四十強若時弱歲已翔翔盛顏看亦添華髮  
壯志今皆返故鄉一片素心同思難廿年往事話悲涼  
銷亡精氣吾衰矣牛斗何人發劍光

袁湘亭以墨竹擅名來遊吾邑而殊少知己者詩  
以歎之

鷺溪走筆潑雲烟文老清風久不傳乞食野人徒得塊  
利毛終日豈成瓊相遭按劍君誠誤居後能軒世有賢  
贈我簫材何以報探囊剩一當千錢

壬辰人日淡成社代東詩二首

春陽早覺被嚴威人事生新興欲飛開網喜得寬

息機暫爲解戎衣余爲債家及  
松師所苦此日不飲士何事舊雨  
畢來人未稀雖乏嘉肴有酒在  
主忘日莫客忘歸  
無秋年似有秋年生菜春榮我  
獨先市上醉人已足瑞  
座中詞客況時賢脚靴手板成  
身累席帽麻衣最可憐  
何似疎簾映清景梅梢帶雪柳拖烟

新寒亭詩集十卷文集四卷

江西巡撫  
採進本

國朝趙俞撰俞號蒙泉嘉定人康熙戊辰進士官定  
陶縣知縣是集俞所自編詩格極爲適上但才鋒  
太銳少一唱三嘆之致文則縱筆而成傷於平易  
又不及其詩

杖左堂集詩六卷詞四卷

〔清〕孫致彌撰

首都圖書館藏清乾隆刻本

附《四庫全書總目·杖左堂詩

集六卷詞四卷續集三卷》提

要

往時余嘗侍匠門張先生聞其論孫學士松蘿先生詩才華富有格調工絕惜集未刊布所刊者近百首皆在非所所作一斑而已外間所見多晚歲酬應之詞非其佳者身後寥落孰有能定而傳之者乎爲之三歎越十餘年學士之子大令罷官里居家益貧余數與相見問之知家有藏稿余欲借而鈔讀之未暇也後聞學士有門人觀察樓公官於粵大令將往而謀剽剽焉中道病至粵遂不起家人崎嶇以其概歸故第摧頽大樹蕭瑟宿息縑緗半淪麵肆稿之歸於觀察與否不可得而詳也余友戴君機又獨有其全詩蓋尊人南邨先生向所輯訂文獻足徵用心可謂勤矣南華太史匠門先生族孫也今年春假沐歸里暇日呼余共卒讀之遶尤佳者錄爲二冊敢云定而傳之哉亦惟本匠門先生之意不以泛濫酬應者掩其真性情使世知學士詩飛騰綺麗力追古人工者如是不必取名位進年壽崇爲準的也機又欲即此刊之意良善嘗鼎一臠豈爲不知味乎抑未知觀察見之以爲何如也雍正十年冬日崑山後

學朱厚章拜手書

秋左堂集朱序

原序

同館松坪孫先生爲諸生時即被 知遇銜

命使萬里外未幾成進士 擢居禁近跡其生平

不可謂不遇乃忽以无妄去位浪跡江湖間今年冬

余得把晤西陂旅舍爲追敘已事不勝痛定思痛之

感而先生蕭然高奇飲酒賦詩初不以忻戚介意夫

避世无悶聖人每難言之况乎嬰患難歷艱險極人

世之所不堪而皆非其所自取則夫憂愁無慘感憤

不平之氣賢者當亦不免乃今讀其詩抒寫懷抱流

林左堂集原序

連景光溫厚和平深得小雅怨而不怒之旨豈惟言

詞之工足以不朽其人亦古之所稱有道者也甲戌

冬日錢唐汪霽題

馮鈍吟先生評吾師之詩曰蠶吐五采雙雙玉童樹  
覆寶蓋清談梵宮蓋謂絕好宋詩也不知其根柢經  
史全得力於六朝三唐或因熟精晉書南北二史其  
氣韻鮮新間似宋詩非拘拘規撫宋人也吾師嘗言  
其詩從劉隨州劉賓客入手今讀七言近體誠入二  
劉之室但五七言古體則又宗仰韓蘇硬語排界全  
非大曆之面目此亦少陵之轉益多師也曩與諸同  
人談藝謂飛騰而入餘波綺麗惟吾師可以當之良  
非阿其所好也嘉定戴子機又藏有遺稿金子叔良  
及吾師之外孫程宗傳雕板以傳命余叅詳迴環諷  
誦恍然如昔日之請業請益也西州之慟不禁涕泗  
縱橫矣乾隆改元花朝受業樓儼百拜謹識

扶左堂集樓序

一

孫學士松坪先生明登萊巡撫火東公之孫公以兵  
變死朝野共惜其才學士幼即能自樹立以詩鳴邑  
中耆碩皆推服之火東公撫軍時幕下偏裨多奇士  
入國朝皆以功名顯有薦學士於上者時方

命采詩東國以布衣賜二品服臨軒策遣士論  
榮之既成進士改官庶常入直禁省漸通顯矣無  
何邑奸民起折漕之難連染去官禍幾不測學士處  
之泰然吟詠不輟今所傳西臺和蘇諸作尤為奇傑  
者也獄漸解猶頌繫經年乃得釋旋復官再進秩眷

扶左堂集張序

一

遇尤渥以侍讀學士歿於京邸學士為人不沾沾細  
行而重然諾急友朋假貸於人入手輒盡故家常貧  
而懷抱灑落不稍挫於憂患之餘風流弘長至今尚  
可想見也學士詩聲調格律以盛唐為宗而雄放揮  
灑時出東坡放翁之間吾邑婁唐諸公而下殆不多  
見也平生不自收拾散佚良多南邨戴文集而藏之  
獨得其全今子機又携鈔本示予且請選定予與朱  
子以載共披讀之掇其尤可愛者另為六卷以便諷  
詠焉非敢刪學士之詩也然其性情流溢筆墨飛動

之縣亦略具於是矣

雍正十年壬子九月四日後學張鵬翀泊舟黃姑灣

燭下書

秋左堂集張序

秋左堂集卷一

嘉定孫致彌愷

送張仲垣歸雲間

芳草萋萋更送行那堪幽谷鳥嚶鳴  
門前楊柳愁中色潭上桃花別後情  
錦纜起鷗三泖水銀鞍走馬五茸城  
明朝便有雲山隔且共班荆盡一觥

秋感十二首

選五

黃菊于人強自開悲秋無處可登臺  
添愁每聽蛩聲急寄遠空瞻雁字回  
澤國偏逢寒氣早浮雲不使日光來  
烏皮小几堪長倚欲賦慚非子美才

其二

秦淮長繞舊時峰聞道鍾山尚鬱葱  
豈謂金人辭漢闕遂令玉殿比隋宮  
鳳皇臺榭荒煙碧龍虎關河王氣空  
最是傷心弓劍地蕭蕭陵樹起秋風

其三

十年寇盜徧江畿半夜欃槍近紫微  
洛水旗靡五馬渡鼎湖弓墮一龍飛  
朱旂空見秦師入黃屋難從蜀道歸  
玉盤珠襦零落盡通天奏表恨依稀

其四

逸海關門百二雄長城萬里憶先公儲胥自有風雲  
護部曲空成帶礪功一戰龍旗勞汗馬廿年貝錦怨  
藏弓不堪蔓草祈連塚况復銅駝恨未窮先中丞贊  
遠十載嘗  
奉龍文大蠡鼎革四王  
及黃鎮南筆告出麾下

其五

賢王擁篲重枚鄒客右相如暫為留巖府椰漿供設  
醴水程荔浦足維舟鴈書不到梅花嶺蝶夢長飛芳  
草洲雲白山青秋色遠無從陟岵且登樓時家大人  
客靖王墓

府

林左堂集卷一

二

詠史次王玠右先生韻四首

南都歌舞動雲霄回首燕臺王氣遙驚領何年馳鐵  
馬羊頭此日總金貂霓旌小苑明秋月錦纜長江泛  
暮潮龍虎親軍三十萬登壇空想霍嫖姚

其二

六朝遺恨水潺潺金殿繁華閉翠煙但聽臨春歌玉  
樹不聞清廟奏朱絃銅駝泣露飛鳴鏑鐵鎖沈江渡  
戰船虎踞山前明月在秋風愁絕李龜年

其三

煙花當日杳非今玉輦南來紫禁深四鎮鉦鐃喧建  
業六宮簫鼓醉華林黃龍塞遠無征馬赤鳳歌殘有  
賜金烽火臨江明大內君王別殿理胡琴

其四

金盆蟋蟀繞朱闌江左何人是謝安馬士英日與諸  
妾鬪蟋蟀論者  
方之賈  
似道太子犢車朝詣闕元戎蟒服夜登壇阮大鍼  
閱師衣  
素蟬玉帶見者  
詭為梨園妝束雲迷虎帳珠囊遠日閃龍旗玉袞寒  
遂使悲笳南牧馬漢家司隸夢中看

林左堂集卷一

三

得 大人家書敬賦以寄

綵服春郊憶送行高秋猶滯五羊城遙看楚澤占風  
色獨對吳雲計水程碧柳衡門應有夢清江遠道若  
為情定知飲餞賢王幕晏罷西園月正明

其二

尚無寒鴈集瀟湘忽報平安到故鄉彭澤阿舒原懶  
情杜陵驥子正淒涼浦逢荔子王門遠嶺隔梅花客  
路長遙想登高回眺處雲山冥冥失吳閭

其三



東籬黃菊未全開應待義皇高士回懷古好尋南越  
傳思家頻上尉佗臺故鄉遠夢池邊草客舍新詩嶺  
上梅聞道梁王親授簡兔園獨數馬卿才大人有靖  
府宮宴諸

雪後送仲垣歸雲間并寄原社諸子

送子紅亭雪未消離心歸路共迢迢青龍江上猶衰  
草黃耳祠前正落潮百里山川人勢闊三冬雲物日  
蕭條茸城同調如相問只說愁吟擁敝貂

長安雜詩追次陳大尊先生韻

秋左堂集卷一

四

閃日旌旗壯漢關禁城宮闕俯人間金臺斜映桑乾  
水玉殿回看碣石山坐見龍輿雲外出遙聞鳳吹月  
中還簞子羊馬猶南牧衛霍論兵未肯閒

其二

武皇甲帳鏢秋風百二山川極望中地曲黃河趨玉  
關天回紫塞抱金宮龍堆月照戎衣白虎帳雲傳燿  
火紅聞道薊門笳鼓急更從渭水獵飛熊

其三

九鼎重遷易水前皇都卜世幾千年珠旗雲罕朝高

廟翠蓋霓旌幸精田龍虎新軍榆塞外熊彫老將柳  
營邊清時萬國遵王制不賜銅山吳鄧錢

其四

雲雷雙闕鎖斜暉煙靄千宮望翠微郊祀白麟戎輅  
出銑歌朱鷺屬車歸花飛西苑留離輦月照南城卷  
寶衣鎖外荔枝隨貢使紅塵一騎鳥爭飛

其五

神京虎豹有重關紫蓋黃旗煙霧間塞外武功臨瀚  
海房中雅樂奏唐山鳳池日麗朝班入魚鑰星傳獵

秋左堂集卷一

五

騎還一自北平開帝闕金陵望幸綵雲閒

其六

桂殿椒房向曉風千條弱柳翠煙中雞人夜集長楊  
館虎旅秋屯五柞宮金屋月留芳草碧玉堦寒淺露  
桃紅連宵上苑移輕輦聞道君王試格熊

其七

鬱鬱諸陵風雨前昇平盛事屬當年但聞戰馬時乘  
墮不見伶人有賜田烏履青雲雉尾外旌旗翠靄風  
城邊金門侍從多才子競說文如萬選錢

其八

金河秋靜散清暉銀箭更深動紫微翡翠城邊羽仗  
出芙蓉苑外綵輿歸龍舟錦纜移蘭棹寶馬雕珂進  
裘衣遼海關門雖轉戰時聞麟閣捷書飛

集青並句寄有祕寶弓

二月都能幾日晴愁兼草色雨中生相思不及鷗飛  
去漠漠春寒水繞城

其二

深塘草色燕飛時掃閣焚香畫卷帷自入春來才思

林左堂集卷一

六

減感懷猶賦散人詩

其三

遠愁高樹共離離添得新成幾首詩江上琴書留滯  
久共誰來往問花枝

其四

水沒漁梁宿雨晴雙桐分蔭曉池清一春酒病稀游  
賞不似年時放浪情

其五

乍喜新晴覺病輕離間候客抱琴行江汀每恨無舟

渡借問風潮早晚平

其六

吟餘消盡篆煙輕幾樹斜陽帶鳥聲一塢綠楊雞犬  
靜思君欲放酒船行

和趙砥之偶論屈陶有感

彭澤湘江迹未陳郢都宗老晉遺臣大王風冷懷沙  
賦處士星高漉酒巾碧柳五株悲甲子紫蘭九畹怨  
庚寅兩賢惜不同時遇採菊餐英足自親

送喬殿史入都謁選

林左堂集卷一

七

射策燕臺是舊游落花時節送仙舟江南春過秋千  
曉薊北寒生簞篋秋綵筆題詩青玉案金門奏賦紫  
貂裘絲綸早晚需才子肯使喬立向外州

送喬茂上侍尊人殿史北行

河橋鶯語助離聲更著斑衣問客程落日晚依楊柳  
陌春雲晴鎖鳳皇城池邊芳草思兄夢隴上梅花寄  
友情駿馬金臺今在否盧溝曉月向人明

送公對翰臣兩先生會試北上

昔黔中告平  
特舉會試

虎符奏凱瘴煙清鳳詔徵賢赴玉京內史才華誰濟

美右丞兄弟早齊名文章金馬新王制荆棘銅駝舊  
帝城遙望盧溝一片月秋深應傍曲江明

杜鵑

子規啼血灑黃昏聞是當年望帝魂再拜何人如杜  
甫一身作客效王孫東吳風雨蠶叢遠西蜀山河驚  
令尊但道不如歸去好錦官冠蓋幾家存

舟次黃浦寄亦黃有祢圯上寶弓諸子

暖風輕拂越羅袍梅雨初添水半篙客舫晚依楊柳  
岸人家春遠蕙蘭暈日斜遠塢收雞犬潮落平沙散

林左堂集卷一

蟹螯咫尺江城煙霧裏相思空使夢魂勞

夜集懸榻齋劇談有感即席贈范亦黃屬寶弓

喝韻

離筵風雨共銀缸說劍論詩未肯降憂樂當年原自  
定文章今日恐無雙已悲精衛空填海欲采芙蓉便  
涉江更羨杜鵑佳句在錦箋染翰碧紗窗

少年行

不惜千金買寶刀十年心事恨雲高驕馳陌上青絲  
騎醉卧樓頭白錦袍擊筑燕臺悲易水吹簫吳市弔

江濤信陵公子思難報袖裏金椎敢告勞

寄陳孝岐黃門大尊先生子也

問訊雲間陳孺子風塵牢落近如何病中對酒懽娛  
少亂後還家感慨多三戶蟲沙隨鐵騎十年荆棘遶  
銅駝不須更讀王哀傳應自傷心廢蓼莪

夏日雜感

鯨海驚濤動漢旌連宵砲火震吳城龍韜殺氣三江  
合虎帳長風萬里生實有朱旗殷北斗應教烽火照  
西京憑誰爲問朝來雨可是天河欲洗兵

林左堂集卷一

九

其二

漢使遙分橫海符樓船十部擬吞吳龍驤將畧千帆  
影魚腹軍容八陣圖山迴雲屯金鎖甲潮迴風卷繡  
蜚弧傳聞江上烽煙急鐵甕城邊已獻俘

其三

短短朱纓剪剪風材官百隊楚江東人臨督井號茅  
經將逼危城問鞠窮五月波濤連海急一星烽火隔  
江紅鍾山王氣今何似聞說年來更鬱蔥

其四

廿年碧海尚稱干氣卷炎天落日寒校尉發孤新下  
壘元戎如意舊登壇軍中班馬宵相喚城上啼烏夜  
未闌愁絕金山遙望處拂廬猶滿舊長安

寄某

羅涇之濱 先公佳城在焉與□□丙舍相  
去數百武秋來同約避兵於此予以事未能  
而□□已扶病先往作此寄之以申卜鄰之  
約

煙樹千重水一方佳城丙舍兩相望君能扶病歸茆

林在堂集卷一

十

屋我欲題詩寄草堂澤畔行吟船載月籬邊縱酒菊  
爲裳徐陵定有悲秋句爲探奚奴舊錦囊

其二

清華水木繞村居甫里柴桑總不如挾彈花間驚翡翠  
放舟江畔亂芙蓉也知洗馬愁難破無奈文園渴  
未除早晚欲尋偕隱約望衡應許共揮鋤

秋夜感事

鼓角驚心夢未成猶餘落月向人明下江羽檄傳吳  
苑橫海戈船擁漢營裘馬五陵空結客風雲八陣漫

談兵劉琨此夜誰同舞聽盡隣雞第幾聲

其二

龍性相看未易馴吳鉤如水拭來新笳鏡夜動瓜洲  
渡燿火秋高揚子津浪說斗牛騰紫氣愁看京國暗  
黃塵請纓亦是吾家事莫漫桃源學避秦

次韻酬亡友王崑谷降乩見贈崑谷諱吳上洋人也與子友善

又同爲中翰徐公  
綽丁酉春疾卒

山陽短笛又飛聲王祭登樓有賦名天上龍鸞朝絳  
闕人間風雨閉佳城三秋酬對兼悲喜十載交期隔

林在堂集卷一

十

死生回首當年觴詠地空明閣外月空明王子故居有空明閣

寄徐有祊寶弓兩表兄文定公曾孫故有第七句

寒林蕭瑟氣悲哉況憶南州二妙才愧我風塵空伏  
枕羨君兄弟共登臺秋高鼓角江邊急日落帆檣海  
上來自有立成遺業在暫時豹隱莫興哀

訓喬圯上月夜見懷之作

十二珠簾卷素秋月光如水拂吳鉤江邊抱病長歌  
枕天末懷人獨倚樓白鴈數聲啼暮苑青楓一曲繞  
寒洲那堪極目煙波晚羌笛參差起遠愁

同駿思大年訪華天御先生

蒲帆片片帶斜暉，路轉蘼蕪興不違。  
白露爲霜楓欲脫，澄江如練鴈初飛。  
滄桑廿載衣冠在，猿雀三軍事業非。  
回首悲筵催日暮，新亭風景一沾衣。

會葬侯銀臺文節兩公及幾道雲俱智舍諸先生

白馬銀濤歇浦陰，風搖丹旆倚蕭森。  
一門先後全忠孝，累葉文章照古今。  
汨盡龍髯弓劍遠，封成馬鬣歲時深。  
平陵松柏重回首，未信鍾山紫氣沉。

林在堂集卷一  
寄曹秋岳先生 代家大人

霄漢功名憲府看，滄江一卧歲華殘。  
關西夫子存楊震，江左夷吾老謝安。  
世路風塵頻舉扇，江湖煙月幾投竿。  
倦游肯信王門客，短髮蕭蕭暮雨寒。

閒居八首 有序存四

予以壬寅春盡屏跡小園，魚鳥親人，煙霞自適。  
桃李被逕，居然庾信之園；楊柳垂門，即是嵇康之宅。  
故得支公坐隱，宗子卧游，菟纂茶經，嘯歌酒頌，訂新聲於珠柱，溫舊學於玉杯。

說劍則紫氣騰霄，揮塵而清風滿座，雖復遠漸金谷，近愧玉山，而竹林勝侶，屢造山陽，蓮社高人，輒尋彭澤，相與流連，永日愴惻窮塵，珠囊金鏡，覽衰謝於斯文，紅藥朱闌，感昇平之故事，投瓊報李，紙墨遂多，詎同梁父之吟，竊以洛生之詠云爾。

朱闌獨倚聽提壺，莫道幽居事事無。  
雨後苔應欺翡翠，雲中春殘花亦號珍珠。  
閒抄琴譜思中散，醉讀騷經哭左徒。  
更得君來同唱和，便堪繪作輞川圖。

其二

暈碧裁紅隔霧看，春愁飛絮雨漫漫。  
垂楊影裏宜吹笛，杜宇聲中悔倚闌。  
一鉢桃花供午飯，半杯松葉抵春寒。  
狂來更想韓湘藥，要向窗前染牡丹。

其三

池上春晴曉霧含，飛花漱漱柳毵毵。  
泉翻雪乳茶方熟，歌借鶯聲酒半酣。  
小賦忽成思范啓，清言纔罷憶劉惔。  
死生別恨難消得，若此文通更不堪。

其四

啼鳥聲聲改歲華小園風物似山家紅珠細雨櫻桃  
熟碧玉輕陰竹笋斜枕上不知身是蜨栢中忽悟影  
非她維摩方丈無天女時有春風與散花

奉和錢大宗伯八十壽筵紅豆花八首

此花素辦丹心

二十年一  
開出南海

瓊海名花小閣前稱觴花底即神仙上林別有長生  
樹烽火凋殘二十年

其二

瑤花容易落黃塵烏日山邊別墅春恰稱漢家遺老

林左堂集卷一

古

在丹心一點白頭人

其三

雕檻相思一顆紅黃圖遺事劫灰空炎風亦是天王  
地荔子休嗟命不工

其四

兩度花香對壽筵期頤還擬醉花前可知八百彭城  
老花落花開不記年

其五

暈白輕黃縷絳霞細枝黛葉半橫斜胎仙閣上重回

首腸斷隋宮玉樹花

其六

碧落紅泉子夜通吹笙人度萬花叢依稀夢裏清微  
洞却似芙蓉小院中

子嘗夢游清微洞

其七

花散春衣總不露湘簾綈几讀楞嚴若非梵苑娑羅  
法

見水經注那得天人帶笑拈

其八

一樹相思隔柳枝白華金穗共垂垂樓頭更羨韓湘

林左堂集卷一

主

在頃刻花題幼婦辭

謂柳夫人及蓮王也

再和紅豆十首

檀板金尊介壽初相思子落晚風餘玉盤傳出人爭  
羨白橘朱梅總不如

其九

尚父垂綸拂水前霽光此日正巍然南方草木餘紅  
豆搖落秋風也廿年

其十

應是天家雨露濃丹砂一點綴秋風傾離

只是尋

常種不及相思顆顆紅

其四

只合承恩植上闌蕭森玉露老江干金籠鸚武休輕  
啄留待玲瓏骰子安

其五

莫問崂嶺棗熟肯且將小劫算花期誰言紅豆非僊  
果六十年來結子遲

其六

湘中紅豆若爲傳記拍拋來也自圓綵筆休翻新樂

秋在堂集卷一

未

府傷心不獨李龜年

其七

的爍流丹殷畫闌摘來真合薦金盤莫因不入虞淵  
薄却作尋常草木看

其八

不隨玉樹共凋殘七寶闌前幾度看却羨荔枝生處  
遠紅塵一騎到長安

其九

瑤池雲散綺窗開阿母新妝玉鏡臺琪樹枝頭懸火

齊親教青鳥爲銜來

其十

清秋院落碧梧陰一粒相思百種心檢點啄餘香稻  
句祇應鸚武是知音

友人得山鳥白首朱喙而嗜桑甚或曰此鸚鵡  
也偶憶謝臯羽西臺慟哭記語賦此志感

朱喙雲端啖未休西臺慟哭古今愁日南消息堪頭

白漫擬桑林醉鸚鵡

過沈禹甸山居禹甸兄無咎名履素受知先

秋在堂集卷一

上

中丞登州之難無咎從京師間道重趼抵登赴  
難及城陷與其姊大潘于王雲柱死之

細雨輕寒弱柳垂滄桑廿載恨難追男兒南八指生

日義士臧洪並死時馬革未歸青燐合龍髯重墮紫

宮移點頭浪說生公石話盡興亡總不知

歐羅巴劍子歌

先中丞得歐羅巴雙劍以贈門人錢素昭

志

至今尚在感而作歌

神宗在御時清晏鯨海麟洲爭貢獻碧眼名工破浪

來螺舟遠致雙龍劍鋒鋌不讓鬼方刀珍異應過肅  
慎箭戰罷嘗懸遠未樓佩來每侍歐羅殿皆在西國奇恠

寧關珠玉裝光芒或恐蛟龍變漢家東北起煙塵慷慨

慨先公不顧身賈胡燈市尋常見神物終當屬異人

赤土鵜膏親拂拭相看志在伊吾北紫氣紅光暗蔽

虧貂冠蟒服生顏色先公累受此賜軍前百戰血長殷城上

一揮頭畢白別有陰符祖泰西神機用火稱無敵混

同江上奪龍旗長白山前消羽檄青油帳內越王孫

能草表宏倚馬文趨走銀鞍嚴武幕追陪珠履孟嘗

林在堂集卷一

六

門蓬萊閣外卷秋清畫燭論兵意氣豪送遠聊同安

石扇徵休兼侶呂虔刀須臾幕府風雲改長城萬里

今安在屬鏤遺恨動風雷碧血茫茫沉碧海風塵瀕

洞帝星移青蓋黃旗又一時石馬淒涼猶帶甲金人

哽咽自沾衣杜鵑啼血陰雲黑百花洲上招狂客寒

風凜冽白虹飛天矯虬龍挂君壁再拜摩挲涕淚漣

先公手澤尚依然茂先身後存龍劍敬德亡來剩馬

鞭龜鱗蛇色驚奇絕握中搖動青蒲葉百鍊翻如繞

指桑能穿七扎唐夷甲錢郎雪涕向予述自失先公

亡劍術至今風雨鬼燈青匣中長嘯聲悲咽酒酣斫

地歌莫哀霸金已付昆明灰頗登武庫雲臺仗綠沈

金鎖生青苔嗚呼吾祖經營苦絕漢名王畏孫武生

死關前飛將營神仙窟裡中丞府健兒帳下走黃劉

謂總兵龍靖南伯費副總兵惟正鎮南侯得功東平侯澤清孔侯良佐副將與祚壯士軍中

重王祖大將軍廷臣大壽遊擊可法孔吳已見際風雲定南王友德贈平西

王襄今平桂耿尚頻聞建旗鼓靖南王仲明平南王可喜自餘名將

不可數劇盜降丁或卒伍精正行梁山泊寨首孫克

未畧俱小西洋人白登庸王弘基張素吳進勝及黃劉輩皆起於卒伍昔與此劍皆同

林在堂集卷一

五

昔吾祖綸巾揮白羽一朝援卒變蕭牆駢戮麒麟縱

鏃輸金章北地化侯王玉帳南朝列苑土劍光空射

斗牛間祈連遺塚荒狐兔廟中直擬彥章槍隴上應

同諸葛弩重為告曰劍兮劍兮莫化延平龍吾將挈

爾凌長空却斬老嫫清海宇血鱗千片吹腥風冥游

八極意始雄君不見嗚嗚簾策射雕罷紫駟颯沓垂

楊下健兒爭買雁翎刀百寶妝成金錯靶雁翎以孔王所製為

黃

即席賦印生所畜白鵲歌



溪堂五月蓮花紅酒徒列飲如長虹坐中有客臂錢  
鷗曾擒白鵲歸雕籠昔聞羣鵲同栖止木石爭銜成  
壁壘田父訛言待鳳皇居人或見白鵲子此語相傳  
已數年君之籠中無乃是印生慷慨爲子陳此鳥亦  
曾爲至尊即看白羽白於玉亦如龍種殊常人夜鳥  
啼斷延秋門高臺獨足哀王孫陳後主時事蜚鴻遍野歸  
不得流離倦翮來江邨白鵲戢翼蒼鵲躍晉時京華  
烽火殘鳩鵲觚稜日炫相風烏蒼梧雲暗憑霄萑齊基  
有海水羣飛精衛愁風塵瀕洞羅平惡唐末越州有羅平惡鳥也

林名堂集卷一

主

乾鵲猶能奉鵲王休譏燕雀欣巢幙茸城媒雉羽林  
兵華亭喚鶴飛將軍附鳳爭看借毛羽化鵬即可乘  
風雲鳴鳴簾篋秋風急紫駟蹏踏鷹眼疾條綻一掣  
奮老拳羣兒爭笑鵲爭泣鳳池鵲驚罷趨蹌鵲鶴成  
行赴敵場深悔九重踈扈從盡拚一死報君王白鵲就擒  
衆鵲啄鵲爭捉生自落射雕手望絕雲霄但垂首敢  
之不勝而去塞外鷹背狗蓋座於鷹巢論玉爪海東青祇恨金鈴鷹背狗擊水  
搏風氣尚存毛衣摧剝類人髡飛騰已受枋榆笑飲  
啄聊分雁鵞恩吾聞此言重歎息開籠解縱何由得

瞭鷹臺畔日西斜頭驚晏罷風蕭瑟赤烏丹雀有無  
間控鶴山頭竟不還休言尚父鷹揚事腸斷鏡歌雉  
子斑南粵曾聞黑鵲貢西周白雉爭來送無復金天  
鳥紀官蠻雲萬里愁朱鳳猿雀三軍不可招永嘉空  
說海峯毛鸞歌鳳舞凋殘盡青鳥西飛弱水遙君不  
見黑風匝地吹海水崩雲壓日電光紫金翅劈海食  
龍子又不見雲夢秋天墮大鵬風毛雨血幾千里鐵  
羽凌霄各有時莫因成敗生悲喜蘭梅密網艾如張  
裂帛書歸半渺茫鵲鳴咽咽歌行路鵲武淒涼問上

林名堂集卷一

主

皇背芒又見西南微越鵲之南有背芒鳥棲必背日蓋不祥之鳥山林處  
處傷魂鳥亦不祥鳥王莽末有之不將言語媚侏僂只有金籠  
秦吉了有蠻人得秦吉了終不肯言遠不食而斃鵲鶴巢成事已非天津  
橋畔不勝悲更聞春燕巢林木相對汎瀾淚滿衣塔  
前魚鳥鵲同朱鷺印生索我題詩句鸚武慙無處士  
才鷓鴣敢並司空賦況子鸞翮不勝愁汝亦鳳羣狎  
海鷗傷心漫聽提壺醉極目真同謝豹羞南飛三市  
憐孤影空王頂上雙棲穩燕寢招涼扇早傳通侯玉  
印記何年填河每赴黃姑約立樹曾煩曼倩占爭及

雕陵傳異種雲飛玉立清秋前秦庭已誓烏頭白仙

山未見鳴青鵲太平則鳴莫愁憔悴寄樊籠多少奇毛恣

彈射吁嗟乎陳宮玉樹栗留聲羌管胡琴唱白翎悲

風落月鵲啼急也是金堂玉凡人

家園玉桃種出上苑家慈誕日園丁獻並蒂

桃一枚喜而有述

碧梧深院小瑤臺玉盤冰桃阿母栽應是並頭花結

就便教同命鳥銜來

其二

林左堂集卷一

圭

留核何須笑武皇玄都新種已成行一枚便抵金莖

露不羨仙家玉女漿

其三

漫說天家雨露濃上林草木劫灰空爭如竹塢菱池

畔子女團樂一笑同

友人欲見訪而不識傲居四次前韻以答之

平橋叢桂近諸天天香橋蓋因道園叢桂得名其西則法華菴也小菴垂楊

記隱仙卷舊名隱仙雨過清池常貯月雲深喬木不知年

皆傲居所有抱琴人立花香外洗研僮歸草色邊遲爾清

尊同嘯詠莫因興盡又回船

拙稿爲人竊去遂不可問詩以哭之

錦囊驢背日相隨誰道中途有別離寶玉何當歸大

盜寢門真似哭相知花飛月轉微吟夜香爐燈昏細

憶時已爲新詩添耗耗那堪重寫斷腸詩

林左堂集卷一

林左堂集卷一

圭

後學金惟駿叔良

外孫程宗傳說巖校

秋左堂集卷二

嘉定孫致彌愷似著

偶題三次明月堂韻

一桁湘簾卷碧天綠窗依約泛樓船檀槽曲響春雲  
外翠袖香消莫靄前竹影禁風緣底瘦菱花如月爲  
君圓玉臺詠就還多暇琴譜茶經次第編

贈拒翁次錦機韻

廿載滄江問息機偶呼吟伴啓雙扉孤采骨老何妨  
病野雀神清不稱肥龍漢劫餘新恨在華胥夢破舊

秋左堂集卷二

游非相過最愛西堂好荷芰參差好製衣

答拒翁問閩中花木再次前韻

草木重教疏陸機追思嶺表宿山扉荔枝樹暗紅蕉  
潤棕竹林疎白藕肥桐葉共驚風土別柑花還訂畫  
圖非春殘已有珠蘭放到處清香染客衣

寓意四次前韻

銀河何處問支機烏鵲橋邊玉女扉碧慮曉寒螺黛  
淺紅粧春暖麝薰肥阮劉去後桃花改王謝歸來鷺  
子非惆悵月明人不寐柳塘風露濕羅衣

夏臣移居索贈

水竹南邨久結廬忽歸城市復何如故人恰喜芳鄰  
近謂晚思名士無妨穢里居狂想程鄉千斛酒貧惟

楊子一牀書因君忽動移家興擬向深山學荷鋤

其二

不嫌湫隘寄蓬廬野雀閑雲信所如師友過從爭見  
句弟兄南北並移居漢臣近遷語香贈言成快枕中自秘淮王蹟

帳虛仍分仲任書不厭羊求來往數蓬蒿三徑共揮

鋤

秋左堂集卷二

惆悵詞十首

探釣纔罷又迷藏月下花前百種狂可但休文歌六  
憶教儂何處不思量

其二

莫笑清狂喚奈何愁多無邨爲情多月明袴褶雙丸  
髻腸斷林間一曲歌

其三

珠箔銀屏靜夜分玉容如月意如雲情知近日相思  
慣身在君旁也夢君

其四

瑤臺月下小神僊一夜罡風返碧天  
默對姮娥無意緒愛他光瑩妬他圓

其五

傾城名士兩心知密約離情數首詩  
莫怨無緣同翠被未曾相識已相思

其六

荷香剪剪碧梧陰並蒂花前思不禁  
記得夜珠臨水檻壁人纖手剝蓮心

秋香堂集卷三

其七

香爐燈昏薄醉時柔情如水淚如絲  
赤闌橋畔春楊柳不管團圓管別離

其八

夢裏凭肩繡幙前醒來燈影照孤眠  
已甘妾命如雲薄郎得郎心似月圓

其九

一幅蕉心宛轉封三秋消息託青鐘  
殷勤就裏無多語莫爲相思減玉容

其十

七夕來時信杳然銀河咫尺抵經年  
清宵酒薄難成夢寫盡芭蕉十樣箋

七月九日秬園世執招同西又亮文漢臣曉思  
民譽大年位共服尹元行會於歲寒亭并邀菊  
隱師掌亭姑夫翰臣世執克生表舅氏及家大  
人拈韻各賦一體是日秬翁改亭爲始學菴西  
又題額余得麻字五言排律二十四韻

秋香堂集卷三

四

亭館新秋好涼風灑碧紗一池清自照千樹綠交加  
尚想支機石初歸買月查偶移露運屐因命呂安車  
路轉荷香近橋迴柳色遮人倫推陸續耆舊重侯芭  
詞賦悲秋氣襟期感歲華白頭溫舊學青眼集名家  
蘊藉傳三絕才情競八叉興因尋水石病亦帶煙霞  
放達同張翰清狂即孟嘉美玉兼竹箭交許雜蓬麻  
共說從先進相知擬上邪機忘棋更賭情重酒頻賒  
斜日聞吹笛迴風憶聽過分題書藕葉促坐隱藤花  
萍動魚知樂林深鳥不譁千竿君子竹五色故侯瓜  
桂月銀缸焰松風石鼎茶論心推鳳鵠題額走龍蛇

訪道曹溪水游仙勾漏砂陣圖閒看蟻鼓吹久驅蛙  
霄漢期無阻乾坤信有涯壯心千里在伏櫪莫長嗟

又同大年覃字

應識楊雄宅新題始學菴殘編存夏五薄俗笑朝三  
砌暝蛩相語池涼酒半酣玄經如已就倘許示桓譚

又同曉思鹽字

新秋開竹徑微月坐湘簾才大論詩細名高取友嚴  
石欹應號醉泉小合名廉自覺塵襟遠無辭竟日淹  
將之閩中留別同學諸子

林在堂集卷三

五

春風啼鳥惜離羣廿載心期託數君明月名堂花深爭

覓句宜春名閩香暖細論文枕柳樹裏人千里楊柳樓

頭酒百分同學弟兄俱寂寞臨歧攜手倍殷勤

其二

共向丹青結勝緣曲闌深院會神僊春風按拍黃金  
縷夜雪分題碧玉箋錦障燈迴花不定珠樓簫轉月  
俱圓閩山萬里歸期遠拋撇韶華又一年

別母

何處難為別高堂拜老親行時添線密去後倚閭頻

身賤羞稱客時危轉幸貧歸期應不遠清淚莫沾巾

西湖偶題

垂柳溪頭款乃微淺堤芳草鶯雙飛春殘中酒心情  
倦客裡看花伴侶稀一水碧凝妝鏡曉萬山青鏤畫  
月圍玉津園畔多名勝陌上還歌緩緩歸

其二

湖上風光有舊期春城倚棹轉淒其碧山樓閣如看  
畫朱郎衣冠似奕棋故國煙花殘衣錦陰房枯柏閃  
靈旗客中無限興亡感酌酒平蕪有所思

林在堂集卷三

六

萬松嶺同二兄摘茗及野花作

放棹西湖上輕裝復此行萬松天籟遠孤嶂夕陽明  
坐石徵茶種逢人問草名南屏猶在望隱隱暮鐘聲  
富陽至桐廬道中偶成

夷猶雀舫寄漁灣野雀溪雲共往還欹枕終宵聽碧  
水推篷無處不青山桐花桑葉經春密紙碓魚邨盡  
日閑如此客游良不惡朝朝身在畫圖間

衢州

山報雞鳴近人從鳥道來扁舟輕似葉懸溜碧千苔

橘柚春煙合丹青晚照開定光遺蛻在幾見劫餘灰

過嶺

羣峰岬岬逕纔通縹緲藍輿侶御風但恠泉飛青嶂  
頂不知身在白雲中千盤石棧龍蛇屈百戰重關虎  
豹空懷古思鄉情併切鷓鴣聲裏杜鵑紅

其二

返照深松護遠村千山紫翠鏤黃昏上方直覺星辰  
逼下界虛傳雷雨喧疏鑿尚疑傷地脈夢魂應自近  
天門行裝恨少驚人句搔首青冥與細論

扶左堂集卷三

七

其三

飛泉百道界嶙峋野店繁花別有春蜂逐採蘭歸洞  
女犬隨挑筍趁墟人畚田綠草雞豚聚竹屋黃茆虎  
豹鄰箬帽邨翁看水碓輟軒蠻語自相親

其四

翠微遙望白雲重鳥道蛇盤失去踪環珮夜鳴千澗  
水笙簧晴響萬山松陰崖入夏多青虺宿莽先秋已  
亂蛩自是嶺南風土別參天楓桂綠陰濃

送靖南王子兵部耿近龍先生還朝

無諸臺畔挹清塵驛館東風柳色新綵服乍辭梁苑

月錦帆重指帝城春一時忠孝心俱切三世交親久

更真聖主若求詞賦客莫言司馬倦游人

其二

百年帶礪靜煙塵再世移封寵命新青史功名光日  
月雲臺圖像動星辰鶯花爛熳趨朝候貂錦從容報  
主身可但承明傳著作看君黃閣畫麒麟

福州道中

指點三山近輕雲護翠微曉煙榕葉暗春雨蔗田肥

扶左堂集卷三

八

野女脩椽笠溪人浣氎衣啼鵲苦竹裏爭道不如歸

侍家大人謁靖藩紀事十首

萬山迴抱越王都異姓真王再剖符紫葉崇封存帶  
礪百年窮寇靜孫盧牙璋夜掣旌旄擁玉帳晨開劔  
佩趨肯信朱門公譙晚獨將客禮待潛夫

其二

雲泥踪跡向誰論廿載琴書滯海濱總爲衛青容揖  
客便令王粲樂從軍自言忠孝先王志不負提攜故  
將恩幕下只今皆裂土幾人流涕過州門

其三

瑤池青鳥信初沈  
馭風飄不可尋  
太妃初薨旋有  
慈和皇太后之

變此日君親情併切  
向來忠孝感俱深  
璽書鄭重頭

成雪特旨哀詔淒涼淚滿襟  
報主更看威德遠  
島

夷今已貢南金  
荷蘭國  
王入附

其四

先王祠廟枕江皋  
褒鄂英靈間氣豪  
箕尾十年遺劍  
寫風雲萬里護旌旄  
紮朝玉檢絲綸重  
百戰豐碑姓  
氏高濟美只今推耿  
弇橫戈碧海靜波濤

林在堂集卷

九

其五

連營風卷繡旗孤  
突騎星馳金僕姑  
老將親提青雀  
舸健兒俱號黑雲都  
銀鞍驟裏嘶宛馬  
錦薦流蘇掣  
紫駝閩海共誇軍  
實盛好消烽火壯皇圖

其六

百粵威名節制同  
一時蓮幕聚英雄  
奇才豈獨收王  
猛大將還看拜呂蒙  
玉帳金貂新敵愾  
綸巾羽扇舊  
從戎相逢共話蓬萊閣  
蜃氣波光感慨中

其七

朱邱承家有鳳雛  
斑斕貂錦鯉庭趨  
藍田同種無非

玉滄海分流總是珠  
弓冶早看承爵土  
簪裾還見盛

文儒近龍中乙未進士更傳消息銀河述  
自識朝廷禮數殊

四世子尚主大  
婚卜於冬間

其八

旌門朱旭閃龍蛇  
小殿從容錦幙遮  
涕淚縱橫陳舊  
事髣髴蕭颯感年華  
氍毹玉簾邀同座  
酥酪金壺喚  
點茶自是王門恩  
禮重蒨緌何事苦思家

其九

隱隱湘簾小閣青  
殷勤重與話平生  
殿門雲護蛟龍  
氣閣道風殷劒戟  
聲畫卷書籤供笑  
傲筆牀棋局互  
縱橫內官更進雕  
盤饌推解恩深賦  
不成

其十

連雲甲第氣葱龍  
賜館深慚化寓公  
畫閣平臨修竹  
苑朱門斜對曜華  
宮衣冠笑詠金尊  
月簾幙深沈玉  
笛風珍重賢王頻  
授簡枚臯詞賦恐  
難工

上靖南王三世子  
哆囉額駙耿公

雲臺遺像動星辰  
系禁功名寵命新  
宿衛每瞻天咫

尺趨庭親捧帝絲綸雕弓夜控關山月彩筆晴搢上  
苑春最是先皇恩澤重年季陪宴到龍津

其二

芙蓉池上見陳思八斗才華七步詩裴几名香彈綠  
綺窗銀燭寫烏絲湖山逸興歸橫梁風月佳時算  
劫棋自愧應徐詞賦拙西園飛蓋許追隨

贈左翼徐凌圖都督

麒麟生面髯毛蒼一劍曾經百戰場解甲正聞歌秋  
杜彎弓直擬挂扶桑千軍組練歸油幕十步笙簫擁

林左堂集卷二

上

畫堂保障東南功不淺秋風碧海靜餘鯨

贈右翼右都督精奇尼哈番呂勒庭

玉帳威名兩粵同綠沈金鑲見英雄白衣夜渡珠江  
月赤馬秋騰劒浦風節制貔貅千里外從容貂錦萬  
人中仍聞天子開麇閣留待征南第一功

贈全閩提督三等侯馬小山

武林家世本專征絕域爭傳敵戰名大將別開都護  
府通侯新領伏波營鐘回白虎三軍合帳掩青龍八  
陣成萬里扶桑看紀績便移銅柱到榕城

送杜恭際都督提督全閩水師之任同安

鎮南方略久知名幕府風流屬老成豹隱十年存舊  
德龍驤千里重專征璽書春動旌旗色樓艦宵嚴鼓  
角聲自是 聖朝倚毗切指揮行見海波平

新正二日坐雨東大年及天立上人

荏苒俄驚歲序移簾櫳香暖晝遲遲梅花人日知何  
處芳草西堂又一時今雨柴門無客到夕陽竹院負

僧期東風消息燒燈近併入宜春絕妙辭

是歲試燈  
日立春約  
賦東風第  
一枝記之

林左堂集卷二

上

秋夜書感示賓臣大年服尹箕野

一夕涼颼百感生蕭蕭殘葉下簾旌挽車吾自悲龍  
具負鼎人誰享雉羹酒後當歌頻太息燈前顧影忽  
傷情向來哀樂元無主又聽晨鐘第一聲

其二

五岳崢嶸未易平龍淵知我亦龍鳴生如子羽甘頭  
責命似靈均少日成失意事多疑噩夢知人心遠認  
前生年華荏苒清狂減誰解王與此夜情

和歸孟游秋聲原韻四首與西又大年諸君同



賦

虫聲

清宵欹枕動愁思衰草空堦獨聽遲似有機絲催急  
 響若為琴軫叶新辭琴曲有燈殘山雨沉吟夜用唐  
中山果落燈賦就秋聲歎息時為爾淒涼眠不得豆  
下草垂鳴句花微月下疎籬

雁聲

霜信初傳悵失羣楓江荻岸往來勤長門燈暗仍秋  
 早湘浦沙明恰夜分何處相呼驚獵火幾行斜度叫

秋左堂集卷三

圭

寒雲瀟瀟風雨殘鐘外不是征人也怕聾

落葉聲

井梧搖落夢初回愁聽蕭蕭覆酒盃波起洞庭千樹  
 晚雲飛隴首數聲來時兼猛雨敲虛牖暗卷微風響  
 廢臺九月寒砧催不盡哀笳吹過拂龍堆

搗衣聲

誰家搗練對秋輝響徹寒空夕思依似訴葉砧虛破  
 鏡競催刀尺寄征衣玉關風好吹難盡錦石霜清聽  
 漸微因料流黃猶半卷空房還怯夜深歸

再和秋聲四首

虫聲

淒切如傳宋玉思衰桐斜月夜遲遲苔堦露井聽難  
 盡酒醒燈昏坐不辭更漏漸移吟倦後荒雞未警夢  
 回時徘徊別有傷心客清淚無端滴短籬

雁聲

紅葉關河自喚羣寒枝揀盡漫辛勤夜亭霜緊還低  
 度秋浦風高又遠分陣陣暗驚吳苑兩行行斜叫楚  
 峰雲憑誰譜入湘靈瑟一曲哀絃不忍聞

秋左堂集卷三

古

落葉聲

一別霜林更不回亭臯誰共把深杯稍飛樹杪羈魂  
 斷忽下簷前獨鳥來僊梵清機叅靜夜用李頎哀蟬  
 餘響落荒臺何堪楊柳蕭疎盡更有橫吹阿濫堆

搗衣聲

一片清砧競夕輝遼西無夢思依依誰家夜靜初停  
 杵何處秋深不授衣斷續自隨風遠近淒清如訴露  
 羅微無因燈下聞裁剪玉珮琤琮趁月歸  
 同介修孟游集元夫園居即事抒懷共得長句

七首

落木蕭蕭夕靄微  
浣花溪下叩吟扉  
澆愁竹葉頻中聖  
豎義松枝共解圍  
晚歲龍蛇宜蟄伏  
寒空雕鷲待高飛  
年來未覺清狂減  
歡劇先拚秉燭歸

其二

朱絃寥落賞音微  
尊酒論心靜掩扉  
遮莫文章供齒頰  
須愁病減腰圍駸  
駸七日堪千里  
大鳥三年始一飛  
醉拂吳鉤談轉劇  
主人忘送客忘歸

其三

林左堂集卷

五

雲霧江天隱少微  
猶存處士舊松扉  
蓬蒿卜築仍三逕  
楊柳當門已十圍  
剩有詩瓢隨筆冢  
豈知雌伏勝雄飛  
湘累一去餘芳草  
哀此吟殘竟不歸

元夫為叔達先生曾

孫是日讀三易集未刻稿先中丞祭文有之

其四

梁苑歸來意氣微  
蕉花榕樹憶山扉  
天魔小隊教盤折  
駿馬千蹄試打圍  
金盆檳榔心尚醉  
冰甌荔子夢還飛  
難忘朋舊螺江道  
手把將離掩涕歸

答介脩問游之問兼

懷幕府及三山諸子

其五

碧雲日暮轉霏微  
忽有離愁到竹扉  
鄧尉瘦筇孤月冷  
秋孫居羊腸匹馬萬山圍

西又之

鄉心西寄寒梅

發旅夢南隨候雁飛  
詩酒襟期餘數子  
賡酬還待遠人歸

懷西又秋孫燕簡侯王沈申諸子

其六

別裁偽體到纖微  
月下推敲侶有扉  
韻險疑登九折坂  
詩成如破萬重圍  
酒依金谷尋常罰  
觴擬杯湖遠近飛  
頗憶西鄰陳孺子  
紅箋同擘醉同歸

指又白也

林左堂集卷

去

其七

聽鶯橋畔月微微  
佛火齊鐘隱夕扉  
諸葛祠堂衰草合  
徐官保張杜陵茅屋斷垣圍

程先生故居

因思野客杯

同泛竹林院閣何處高僧錫  
鮮飛今古茫茫多少恨  
清溪相送夜深歸

醉後野步作

和陳又白梅花居雜詠原韻

卜宅南村更向南  
映門柳色碧毵毵  
畏人小築何辭遠  
奉母移家豈待三人淨  
機心如野雀室無塵  
事抵名藍年季夢斷梅花月何日從君仔細探

其二

白雲深處寄菴竹院花溪次第探風月平分懷仲

二謂清思西園煙霞獨徃待君三龍頭石鼎僊人白麈尾

松枝我輩談文義棋書都取去江東年少豈嫌貪

其三

結得蝸牛處士菴移文逋客早迴驂竹溪隱逸人同

六蒿徑過從友共三冠柳詞傳五柳宅別花人近百

花潭絕交書札裁還懶若此穉生更不堪

其四

林壑集卷十

七

雲北經過又水南江村幽事許誰諳丹青畫馬花成

五堅白論難足有三鐵杵夢因消痼疾金針詩法許

深談僊源豈羨藍田豐啼鳥窗間寢正酣

其五

花時無酒亦長酣聞道屠蘇別有菴春泛羽觴波曲

九夜邀明月影成三松窗卧石還名醉竹筧分泉併

號愁繡佛也應耽米汁不妨蠻榼並步浪反經函

其六

軍持曉汲井華甘剖竹符教便了擔穀雨焙來槍放

一清風生處盤傾三松濤乍入雞蘇味蘭氣薰從玉  
版叅他日相過無酒渴綠瓷花底暫停驂

其七

梵夾金經手自探六時彌勒與同龕蜂疑聽法拈花

一鶴伴經行繞佛三雲外空青延遠岫月來虛白印

寒潭衆香國裏機鋒少開遍寒梅始放叅

其八

喚作頑僊也自甘何當掃盡老生談訕欺溫尉又仍

八人愛方干拜止三還轉酒徒兼麴部懺除花福禮

林壑集卷十

八

魚籃高人別有關心事蘭風除來候土魃

其九

肯將捷徑問終南竹翠梅寒護草菴室比維摩纔廣

一樓如弘景未成三牛衣傍柳看收秫鴉嘴分畦課

種藍亦欲望衡同結隱逍遙秋水夜深談

其十

梅骨清寒柳態愁年華如此爾何堪詩書畫裏才名

獨水竹花前活計三得句豈須村姬解忘機聊共呂

昌減反見天隨子集郎談瑤華報我無餘話只道來禽未可函

試燈夜集張子齋中即事限韻

相顧真成耐久朋，歡場來往亦無憑。  
良宵杯酒重留客，淡月樓臺早試燈。  
老愛何戡歌一曲，陸名揚在座歌掌翁祇有何戡未白談傾管輅酒三分。  
題漫有飛揚意，頽玉樽前恐不勝。

十四夜二鄉齋坐雨分韻

不惜衝泥步屨遲，傳來折簡便相隨。  
詞人東閣淹裴迪，飲伴南鄰愛斛斯。  
好借新詩徵酒債，何妨微雨誤燈期。  
暗塵明月尋常事，此夜清歡未許知。

林在堂集卷三

九

元宵招賓臣夜話即事同用燈字兼寄大年

是日

愚兄弟議分抄先中丞遺集賓兄贊之甚力故有五句

逸興王猷此夜乘，故人難忝不嫌曾。  
良宵對酒堪無月，細雨宜花又礙燈。  
篋裏謗書空佞僂，尊前豪氣各飛騰。  
風流祇憶侯都講，共倒深盃擘剡藤。

次韻和宣平移居

移家喜趁百花朝，詩卷先憑蜀杖挑。  
自有才名傾杜牧，何妨蹤跡比王樵。  
綠波煖送螭頭舫，碧草春連雁齒橋。  
從此隔溪明月夜，醉吟還往莫辭遙。

其二

峴南衡宇互因依，咫尺芬芳孟母機。  
金井啼烏看反哺，玳梁乳燕待雙飛。  
幽蘭性本甘空谷，寸草心難忘夕暉。  
羨爾承歡圖畫裏，桃花春水坐漁磯。

其三

今朝真與汝為隣，任喚頑仙與逸民。  
公瑾醇醪堪共醉，庾郎鮭菜豈知貧。  
籃輿看竹拚侵夜，笋屐尋花肯負春。  
更待柳塘安畧約，荒園頻叩履綦新。

其四

質簪深鎖白雲隈，更乞官梅繞舍栽。  
五柳門前蓮社近，百花潭上草堂開。  
詩同平子酬金錯，書比蘭成號玉盃。  
莫道草玄還寂寞，問奇應自有人來。

其五

城市依然水竹居，絕交書就閉門初。  
清齋肯貸監河粟，委巷仍多長者車。  
花醪浮杯春甕滿，松肪泛研夜窗虛。  
良常問取陶貞白，連石分封總不如。

其六

黃磁綺石手親移，摒擋蔬畦縛枳籬。  
榻遠茶煙春雨

後窗橫花影夕陽時吹簫鳳女貽彤管點翰龍寶下  
墨池倘許閒門頻剝啄詩筒棋局共棲遲

其七

一枝聊此寄幽栖老屋疎籬不厭低勝地便疑斤竹  
嶺詩人多住浣花溪揅頭如意看雲坐劇藥長鑣趁  
雨攜閒凭藤輪仙夢穩綠楊春鳥莫輕啼

其八

苔花門徑薜蘿垣近市曾無車馬喧寒具閒窗同評  
畫春盤小塢又開尊流鶯欲傍簷牙語芳草偏宜屐

秋左堂集卷三

主

齒痕恰喜素心晨夕共底須卜宅向南邨

旅夜夢與西又大年談詩甚樂

憐惱情懷又晚春萍蓬聊寄旅游身敲窗急雨驚殘  
夜背枕孤燈夢故人無定恰如屯戍已不眠真似守  
庚申聯床差喜汪倫在潭水桃花一曲新

謂又新也

爲德符世執題方縣

百年喬木舊江鄉花不知名草自芳扶老杖攜筇竹  
瘦水田衣剪芰荷香一龕乍穩游仙夢十笏新營選  
佛場多少隔溪車馬客安心何處覓神方

其二

風景依然第五橋招尋不惜馬蹄遙花源雀下千林  
雪銀浦槎迴八月潮

槎浦以海客仙槎得名

綺里衣冠同隱逸

玄真僮僕也漁樵江村幽事憑君領不是詩筒即酒

瓢

江行雜詩

舊識錢塘路青春客興孤艱難隨旅食漂泊更長途  
陵樹消王迹江潮失霸圖荒煙迷遠望酹酒重躊躇

其三

秋左堂集卷三

主

一舸淹晨夕平沙艤落暉江潮晴湧月山火夜燒雲  
黑想蛟涎出腥愁虎氣聞明朝牽百丈回首白鷗羣

其四

挂席凌晨發江流百里平魚蝦爭水市豹虎近山城  
擾擾非吾土屬屬託此生浩歌風雨急欹枕怒濤聲

其五

返照吹煙合桐江見底清圓沙斜有路山縣僻無城  
淺草千花發深松獨鳥鳴老農微雨後短鰭話春耕

其六

溪山如畫裏曾此駐孤筇縹碧浮春浪空青斷晚峰  
穿雲尋上藥擊水殷沉鐘更訪煙霞去桐君或可逢

其六

鷺鷥村下路停策弔沈淪大義存睇髮高風緬補履  
明時甘浪迹亂世得全身搔首嚴陵瀨南陽有故人

過方干謝  
別故居

其七

赤制中興日羊裘理釣竿雙臺猶木末古廟自江干  
斜景青天逼驚湍白晝寒登臨誰灑泪朱噉喚雲端

過釣  
臺

林在堂集卷一

七

其八

輕舟憑弱纜曲折萬山中嶂合前川斷帆迴別港通  
澗泉晴作雨溪樹暗生風雙塔孤煙際亭亭落照紅

其九

暝色三河戍人煙灌木中磬沈山寺雨燈閃石樓風  
牢落無長策飄零任短蓬更思攜北釀霜信看丹楓

其十

稍覺蒲帆重遙窗雨氣昏亂雲吞遠樹曉霧失前村

市散山城閉林深水確喧白鷗波浩蕩此意與誰論

其十一

一線溪流急長年冒險行奔湍迎磧怒亂石過船鳴  
夾岸雷霆關中流尺寸爭乘流羨沽筏頃刻下江城

其十二

乘風欣上瀨數里又灘聲急峽船橫渡崩厓竹倒生  
嶺猿移樹捷野鳥篆沙明牧笛歸何晚斜陽犢背橫

其十三

月白蘭溪道真成鏡裏游波平如在地坐穩不知舟

林在堂集卷一

七

渡口明漁火雲邊認成樓菱歌何處發吳語動鄉愁

其十四

水口松陰合山腰竹塢分林泉如有待樵牧自為羣  
藤絡將崩石峰遮欲度雲懸厓堪置屋吾欲伴匡君

其十五

繞郭一江斜輕舟閣淺沙漁簑依橋樹酒旆出梨花  
姑蔑墟猶在龍丘跡未賒空林煙色晚疑是赤城霞

其十六

偃卧蓬軒下遙憐牽挽勞輕身嘗虎豹野性狎猿猱

歲月隨流水生涯託怒濤吾生亦何事漂泊又江皋

其十七

城迴浮雲外舟移亂石間波光能奪月灘勢欲驅山  
過險心猶悸思鄉髻欲斑君看松頂崔雲暝亦知還

其十八

不爲啼猿切臯魚泪自流萬義三逕廢風木萬山秋  
粉壁尋遺迹斑衣失舊游白雲隨處滿更念倚閭愁

其十九

客路風光好登臨憶謝公花深曾坐處山好夢游中

秋左堂集卷三

圭

句滿縹緲麗圖傳粉本工江天春樹遠節履與誰同

追憶舊游懷許青嶼侍御丙午夏同過三山有江行倡和

其二十

越江行欲盡小市枕山隅水次人家聚雲根鳥道紆  
往來鄉語雜川路客心殊揮手辭三老籃輿入畫圖

上駙馬耿正公先生

五年踪跡隔朱門蒯劍重親笑語溫贈繅難酬吳季  
子買絲只繡趙平原驚波似海仙翁夢湛露如天

聖主恩俯仰茫茫悲喜集夜闌秉燭與公論

其二

桐葉崇封白馬盟鳳皇樓閣更崢嶸百年志矢酬君  
父三世交偏重死生服御渾如寒士儉紛華直似老  
僧輕南宮圖像分明在奕葉重垂好峙名

其三

鈞陳宿衛掌期門副馬由來近至尊白羽射生偏  
見賞黃庭嚮榻獨承恩螭頭共載天顏喜鳳尾親  
題御札溫魚水千秋傳盛事漫泛戚畹論涼暄

其四

秋左堂集卷二

圭

龍津春宴寵親臣天語從容及隱淪詞賦濫叨陪

竹苑姓名何幸達樞宸千金骨正求良馬五石瓢

終愧散人寒暖自知同黍谷惟憑吹律轉陽春

秋左堂集卷二

後學金惟驥叔良

外孫程宗傳說巖校

杖左堂集卷三

嘉定孫致彌凱似著

四月初五日奉 命從御前大臣採訪東國文

獻恭賦紀恩三首

六字同書弘 聖治 九重錫命寵東藩徧收屬國

人文盛共識中朝統馭尊宿衛自來勤報 主草茹

何幸亦承恩採風曠典餘千載願把民依仔細論

其二

芒屨豈期瞻鳳闕朱軒旋許赴雞林鰲山未抵 君

杖左堂集卷三

恩重鯁海難量 聖澤深杖杜曰歸 天子命皇華

靡及小臣心曾聞文德能來遠會見梯航競獻琛

其三

兩使星慙益部看簡書容易戒征鞍仰聆 天語

勤切祇覺臣心報稱難東美玕琪歸冊府西清環玊

集儒冠還期早奏輶軒績努力彤墀對治安

奉 使至朝鮮

紮泥親捧下樽桑六月王程促戒裝路出陪京瞻王

氣書頒 秘府煥 天章朱蒙舊部依山險畠綠荒

江繞塞長鹵簿如雲迎漢節青衫何幸沐恩光

其二

小聚依然郡國開停車訪古一登臺檀君久跨金麟

去箕子重驅玉馬來漢俗半非猶俎豆商田雖在只

蒿萊軒轅雅樂從誰問羯鼓如雷木角催

其三

絕塞幾勞唐戰伐遺民曾入漢提封爭如 聖世聲

靈遠坐使藩臣禮數恭規外星辰還拱極海東溪壑

總朝宗三江湫畔豐碑在西靡青青萬樹松

杖左堂集卷三

欽 皇朝有  
誓碑在馬

其四

鵠塞龍灣叱馭過採風歷遍古新羅天邊共沐同文

化海外爭陳慕德詞甘父漫教從博望馬周只恐負

常何象胥笑指歸裝薄刺有書囊壓素駝

及正公  
太保

訓陳其年二首 選一

留賓頻卸紬袍袍典取真珠滴小槽醉裏不辭渾脫

舞月光寒閃赫連刀



飲酒三首 選一

軋軋鳴牀車葉葉搖酒旆多謝麥林人遠送新釀至  
馨香羅牀頭涎流不可制車子作好語留醉新及第  
咄嗟酒家傭使我發長喟吾聞古酒人往往薄名位  
但愛飲酒樂不慕僕射貴叔夜豈不達作吏此便廢  
不幸如若言其苦乃不啻身作三日婦車戶長閉置  
偃僂謁達官磬折復屏氣時或持一卮終日百拜跪  
矻矻窮晨昏何暇識酒味揮手謝斯人終宵不成寐  
捉鼻恐不免誤我麴蘖事凌晨聞撤棘幸不挂名字

林奎集卷三

三

將出都門書懷錄別八首

九陌驚飈撲面沙蕭蕭款段出京華只看燕子爭辭  
墨豈為鱸魚始憶家失意便愁生白髮得歸已覺負  
黃花懸知霜信牀門下幾度慈親望眼賒

其二

緒案煩題走馬成 龍顏一解即春生殊方曾遣徵

文獻下第猶蒙記姓名敢借他途希宦達難訓異數  
覺身輕滄江釣碣雖堪戀未許投竿負 聖明

其三

朱郎頻年寄嘯歌鳳樓花萼並巍巍金門薦士趨朝  
早錦席留賓被酒過明月暫教思夢隔青山難比舊  
恩多芙蓉池上時相憶定有新詩寄薛蘿

正公兄弟

其四

羽林上將應鉤陳奕葉元勳託懿親共向 九重承

林奎集卷三

甲

密詔相將萬里歷邊塵調來賜馬龍媒健脫贈征袍  
獸錦新歸去楓江眠夜月祇應猶夢鳳城春

公馬

別內府大臣

其五

折節都忘地望尊青衫直許素心論經過但見爭開  
閣汲引何曾待掃門多愧卜鄰招杜甫還聞落第惜  
劉蕢五雲回首三台遠俯仰難酬國士恩

別諸先達

其六

長鞍短轡去駸駸欲發還留戀賞音疊下聞琴知已

汨岩前泣玉古人心鑾坡待詔功名薄薇省含香歲  
月深師弟關情俱寂寞更堪驪唱促沾襟別山陰高  
容兩夫子  
山陰官檢討高容  
官中翰皆久不調

其七

舊雨閒門車馬來針投珀合絕無猜悲歌幾醉荆卿  
市懷古頻登郭隗臺蒿目每添憂國泪同心互許救  
時才應知有夢相隨去共向寒塘折野梅別同舉  
諸子

其八

銀粟香吹月樹枝榜花開處聚心知衍波箋上詩爭

林在堂集卷三

五

和錦瑟筵前醉不辭萬里空馳雞鹿塞八人先在鳳  
皇池同譜與館  
選者八人徘徊班馬愁難發直恐霜華點鬢絲  
別諸  
同年

過薛城有感

瘦馬青衫遡朔風獨攜村酒弔英雄三千客去雞鳴  
少六萬家荒兔窟空廢冢崔嵬殘雪後垆垣高下夕  
陽中崩縠此去將誰託慷慨寒郊任轉蓬

贈白梅菴評事

梅菴以戊午奉典試閩中之  
旨旋以用兵停試而止庚申補

行鄉試仍得  
主試焉

天書重疊簡宗工玉尺掄才海嶠同曠典特開兵火  
後奇才多出亂離中逃名士亦懷知已下第人猶感  
至公早晚看君膺上賞鳴珂應向日華東

長至後四日雲閒春蕊堂文謙即事分得東字

示越江敬峰

白苧城邊下短篷良宵恰喜盍簪同尊疊錯落消寒  
會吟嘯從容正始風江左才名歸阿士峴南耆舊拜  
龐公緹灰恰應陽回候指點璇杓漸向東

其二

林在堂集卷三

六

騷壇筆陣幾爭雄牛耳重歸谷水東千古機雲存舊  
跡百年陳夏見遺風文章聲價前賢畏師友淵源興  
地同不似尋常投紵縞醇醪心醉雪飛中

其三

新知舊雨一尊同說劍稱詩五夜中共許驍騰燕市  
馬休論得失楚人弓森羅列宿元環北沆瀣分流總  
向東滿眼紛紛餘子在誰堪杯酒送英雄

其四

論交珍重末流中擔荷斯文見兩雄天外寶光騰匣

劍囊餘奇響出焦桐從他俗學爭工拙肯向時人說  
異同努力相期三不朽狂瀾須障百川東

贈武教師君卿

武吏七十餘手臂屹如鐵其先出伍相變姓綿瓜族  
方其少年時壯志凌虹蜺所重樹節槩匪獨材武絕  
嘯侶逐荆高論交託毛薛片言一身許五步立濺血  
時當崇禎季心傷王澤竭杖劍去鄉縣九土相英傑  
豪鷹恥下隳猛馬不受絀食班聲子荆門盈信陵轍  
擇木無妄棲釣弋潛西浙毘陵陸使君備兵分憲節

林左堂集卷三

七

聞聲羅致之左右相提挈雖為帳下督實君實友列  
立見囊中穎小試劍首映南渡永嘉奔西顧宗周威  
慟哭臯羽臺聲吞涕空雪使君逐冥鴻叟獨不忍別  
保其百口家兵戈免騷屑適逢榕壇子授命常山舌  
更率俠少年收尸瘞邱垤埋名廣陵市知雌聊養拙  
狂唸衰鳳歌幸免猛虎啣抱影還故鄉若蟄坏其穴  
與我先君子把臂兩潏悅出其篋中書顏曰握機訣  
誰云手搏技闇合孫吳說先子手詮次與交悉剖抉  
什襲埃知音勿為匪人洩叟雖貧彌樂終不因人熱

然諾罕失口衣裾詎輕褻羊侃老猶勇井丹晚逾潔  
對之如宿儒纖兒不敢褻忘機得遁肥嫉邪筮央決  
念我故人子勉我毋磷涅相存輒移晷魚菽隨宜設  
當杯數英雄半逐雲煙滅激昂老驥心往往壺口缺  
勸叟且沉冥休老在昔城俯視塵壤中鑿天亂螻蟻

過煙雨樓

宿雨生煙黯未收老僧指點說疑樓范香令先生昔官於此題是額  
磯前無復釣鼇客洲畔誰移放霍舟增影遠浮千樹  
晚波光倒蘸滿城秋由來蝦菜堪招隱何日真從范

林左堂集卷三

八

露游

酬錢欽光先生次來韻

壯心嗟老驥千里骨權奇寥落遺民傳蒼涼變雅詩  
目逃秦劫火夢冷漢官儀掩涕秋原別非關善酒悲  
仲桓賓三之湖州送之兼呈家南陵先生

南湖煙雨共棲遲先去偏憐獨住時墨妙共尋松雪  
宅吟懷多在隱侯祠花生夢裏中山穎香泛秋深下  
若危倘過竹林相問訊騎驢小阮正相思

和賓三咏道場山薤菜詩

高雲客云此菜產日本能解毒彼人珍

之禁不得傳種出境有海客以鹽  
藏之歸故名鹽菜非其本名也

自別螺江路長憐薤菜稀僧房偏得種憚悅共希微  
玉版真同調金盞每讓肥明年須乞子生及柳依依

至日同游道場山訪神仙瀛禪師聯句二十韻

幽尋久夢問禪宗至日相將陟道峰風習固難忘

白業華亭張之屏大來恰喜應黃鐘宿醒豈獨思茗盞海上

活句還期對箭鋒身健有肩擔柳標編裝輕和鶴

共艤卿南浮碧浪湖千頃屏左揖歐餘翠幾重曾為

蘋香憐柳渾晉翻因肉食傲周顒移嵐翠層層轉

林聖集卷三

九

路入溪煙曲曲封苔繡遙知岩伏虎屏波消仍見

鉢藏龍精藍指點流傳舊晉野衲捐除禮數恭嶽立

人同山骨瘦編雲孤詩與世情慵堂緣悟後偏栽竹

厨為朋來特采葑樹向檐牙增磊砢晉埵於池面

現形容多生省憶非新契編小別丁寧訂再逢佛土

妙香餘靄靄屏仙橋止水澹溶溶當頭好月催歸屐

回首明霞失去踪漸聽客船喧近市編却愁道院

隔高墉勝游風日天公借屏良友襟懷間氣鍾不律

彩空從鬼乞晉夫須笠擬倩人縫著成卷帙宜藏石

彌貸取錢刀助買松快意無如丘壑裏屏依劉只合

傍臨印晉

榜後放言

十丈黃塵暗鳳樓和風麗日黯如秋人將失意驢先  
病主強開顏僕反愁散木幸無斤斧患冥鴻曾謝網

羅求玉河柳色西山翠且典貂裘爛醉休

和唐實君戲贈十二首選二

翠釜瓊酥煮露芽金荊淺碗泛桃花笑他茗酪分南

北玉腕調來便一家

林聖集卷三

十

其二

國語應教子細知南音彈舌學來遲他年翻譯驚詞

苑朱鳥窗前拜女師

送方田伯歸桐城田伯有躬耕養母岡

遠游頗負米長策讓揮鋤綿上能偕隱南陽有故廬

浮名輕綬冕真樂在門閭拜母他年約披圖識所如

其二

文章今哲匠忠孝昔清門腐鼠從教嚇冥鴻肯受樊

秋風吹白髮老淚滴青原尊人太史公避世地酒盡旗亭路魂

消無一言

其三

紹璫張北寺戎馬震東隅慷慨先公在艱難吾祖俱  
苦心消赤羽慟哭伏青蒲俯仰茫茫恨非關阮籍途  
今初中丞公偕先祖同官職方同  
忤璫見斥懷宗朝同賜環任邊事

其四

晚喜朋簪盡秋驚客袂分依人猶剩我有母不如片  
路指吳頭水山連皖口雲莫教迴雁過尺素斷知聞  
訓江村先生次來韻

林在堂集卷三

二

漢室凌雲久擅名文星高傍紫微行服勞廿載陪熊  
館拜賜全家住鳳城玉几頻窺天藻麗金華長浥  
露華清許身稷契平生志永矢訐謨答聖情

其二

講幄親題內相名九天霖雨待公行已從啓沃旌金  
筋豈待朝參避火城溫樹孔光難化慎澣衣平仲不  
如清三楊相業千秋事一德君臣共此情

其三

蔬香猶記舊詩名展卷如從畫裏行一代文章歸哲

匠五言格律避長城琢成楮葉人工絕開遍桐花鳳  
想清薇露盥來頻下拜雲龍真見古人情公有疏  
香集詩

其四

自笑荻蘆隱姓名曾邀綵筆擬行行珠光遠照三千  
里玉價高於十五城黍谷乍吹春便暖冰壺相映夜  
偏清騎驢席帽重投謁何限橋邊進履情

病中自遣疊前韻

淹留具素代檀餐磁枕難教旅夢安多愧衛青容揖  
客其如侯白不勝官容頭合讓猶將犬腫背從驚肉  
有鞍松柏自知花少艷祇應長願歲無寒

林在堂集卷三

三

其二

夢中水國禁將黃病髮如蒼視亦茫天上仙將年當  
日海邊人以臭為香塞鴻欲度呼同伴籬菊雖開異  
故鄉野雀心期麋鹿性挂瓢未忍避陶唐

用西塞先生韻與曹公衡

橫玉閒調盼睐椽鴟絃鴛管夜爭妍丁香關外苑亭  
下幾度新聲惱醉眠記同客琴  
山園中事

其二

西廂花影越溪紗尋夢人歸客借茶唱遍艷歌纖月  
落盤時忘却在京華

其三

新來樂句變伊涼供奉清華近十霜傳得霓裳天上  
譜研綃仙帽舞山香君曾供奉  
內府

其四

槽丘共擬築陳暄縱飲從他月滿軒好覓南鄰朱檢  
討典衣還醉刺梅園謂竹  
垞也

題王黃湄紅袖烏絲卷六首選四

林左堂集卷三

七

珮聲釵色總難分合還吳波雜楚雲冰麝暗吹堪辟  
蟲碧牙籤不借香芸

其二

抹麗田邊春信早青柯亭外月鈞斜詩成人在維摩  
室天女繽紛為雨花

其三

黃河明月開元曲未許旗亭取次傳贏得姬人間賭  
酒指螺殘粉印來圓

其四

分明千百二青鸞漫把死央七十看名士傾城難比  
並溫柔鄉裏紫真官

感舊示魏禹平

寒燈無焰醉膏騰獨對遺編感慨增複壁人曾藏北  
海墓門劔許挂延陵全家大節傳忠孝三世深交歷  
廢興郭隗臺荒荆棘裏茫茫振觸恨難勝魏忠節公  
被逮子敬  
先生從行先中丞獨匿之郎舍及忠節卒先公盡  
斥衣物佐其歸裝延陵許劔乃與子敬札中語也

駙馬耿正公先生四十壽讌詩一百韻

紫極符昌運朱門毓大賢克家承裂地報國翊中天

林左堂集卷三

古

好時勛名盛長興譜牒沿英靈鍾岳瀆材傑應星躔  
祖德三韓振軍容百戰先龍雲時際會魚水契纏綿  
白羽麒麟畫丹青琬琰鐫占熊渭水釣汗馬鄂公鞭  
一統皇圖泰三驅上將權蕭曹真並駕英衛或隨  
肩笏土鴻恩渥桐珪燕譽延雲雷侯用健帶礪  
無愆濟美先王烈銘功世祖年珠江開瘴癘瓊海  
靜戈鋌賜履無諸國揮戈楊僕船鯨鯢膏井鉞鉸  
避戎旄通冠孫盧掃天威方虎宣銷兵光日月蚌甲  
偃烽煙偉伐旂常紀詒謀弓冶傳公才何卓犖庭訓

風精研勁節洪園箭高標太華蓮卿材林是梓人瑞  
壁爲瑄早向金臺側長依斧衣邊子侯熊館直責主  
鳳樓聯特啓平陽第頻頒沁水田官花頻拂戶苑樹  
碧侵樓煙霧乘鸞客星河駕鶴仙家鄰雙闕迴澤被  
兩朝偏好爵桓信表懿親肺腑連屬車駟副馬法  
酒醉加蓬九就梳垂驚三能服應鱣豹茵文蔚若龍  
袞尾卷然別賜黃鞋帶重分寶相攜華翎駢孔翠會  
弁綴淮嶺蕭穆瞻清禁從容坐細氈論思趨象魏問  
道侍經筵虎旅期門卒鸞刀太室銓口傳芝檢誥手

林在堂集卷三

五

和柏梁篇輦路教承蓋僊槎許扣舷鈎陳參宿銜杓  
詣扈游畋夜雪龍堆外秋風雁塞巔六鈎強獨挽百  
步速能穿紫策雲爭箭張弧月並圓笑談擒乳臂指  
額下飛鳶矯捷今羊侃驍騰古石虔從禽聊小試禦  
侮即無前每得 天顏喜頻膺寵賚還峰駝金匱匣  
叱騷鉄連錢袞解豐貂暖衣裁獸錦鮮天章光爛熳  
宸翰勢蜿蜒鸞鵲封猶濕蛟螭炭欲煙夢蕭歌泥  
泥振驚鼓咽咽雨露施何厚風霜節獨堅魯葵心自  
切楚橘性難遷直以精誠格蒙將形跡捐陽和迴浩

蕩險阻失屯連周旦寧煩避安東已見漸賡歌情倍  
治心膂寄猶專異數看如此同朝莫比焉 君親恩  
並報孝友道彌全雁字行逾密移華鄂更翻音容追  
劒佩口澤戀栢棧至性敦彝紀澄懷味道玄心機曾  
未設世網孰能牽瀟灑凌霄霍清虛吸露蟬曠襟航  
樸實古處謝輕儇俯坐觀歌器提躬誌佩絃惠收田  
子馬德感信陵鷗澹泊同寒峻高閑類老禪簪纓身  
侶寄布素性翻便枋對庚辛啓籤分甲乙編稱詩陳  
抑抑學易筮乾乾汲古芸祛蝨窮經免忘筌錦城吟

林在堂集卷三

五

杜老墨沼慕臨川心正公權諫頭濡張旭顛儵然幽  
興愜邈矣俗情蠲詩竹分三徑藏書卜數椽和苔移  
野樹鑿壁引山泉臺廻觚稜葦池涵錦石拳梧桐遮  
檻碧薜荔繞窗懸藥甲生香鬻茶槍活火煎鐫鼎紛  
瑤璫書畫劇羅駢流水橫琴聽閒雲借榻眠過從唯  
脫畧禮數絕拘攣鸚武飛醇酎菖蒲劈彩箋蘭移空  
谷秀桂賦小山蟠却顧葑菲賤猶蒙管蒯憐應徐叨  
末座孔李篤前緣多愧雄文薦仍容屢舞隨卷簾秋  
瑟瑟照席月娟娟寒雨更房熟新霜菊蕊妍青雲干

律呂紫氣照幽燕崧嶽生申候瑤池介壽闌歌鐘張  
二八賓履集三千大業班伊呂脩齡友偃佺期頤爭  
善頌吐納玩真詮平格康公歲中書尚父銓連苞翔  
小鳳奕葉長芳荃東海還應淺南山本不騫一星朝  
北極長照上公綬

長洲公壽詩一百二十韻

鳳紀珠囊肇龍飛寶籤長君臣交一氣天地啟三陽  
帝賚丹青佐人推金玉相薪慙從世祖輔弼到  
今皇岳表生申峻星垂應鄴芒扶輿江海合炳耀女

伏元堂集卷三

上

牛疆建武侯封遠開元相道光清門忠孝萃儒術治  
弓良本叶熊羆兆仍徵鸞鶴祥名材鍾杞梓重器毓  
珪璋屏上神仙骨毫端錦繡腸軒軒霞欲舉皎皎月  
方將舊事輝青史先公擔皂囊直聲追汲鄭大節掩  
顏張果杲心懸日稜稜操凜霜天門多虎豹國是沸  
蜩蟬公抱聞雞志年才舞象強挺身馳薊北叩額向  
朝堂正性乎鄉衮精誠格帝闈孤忠邀贈卹盛典備  
煒煌歸稟三遷訓真成百鍊剛雄文花吐管端行蕙  
為纓是鳳家誇薛如珠譽並王材元推竹箭美更壓

林聖堂集卷三

太

琳瑯著作探金匱編摩徧石倉鵬搏卑鷗雀鶴立俯  
驚鷄執耳敦槃會論心翰墨場定交皆應阮約信及  
江黃鵠鵠南皮譙彬彬北杏裳云亭同仰岱清濁任  
分漳元愷名逾重君宗道自彰月明珠耀彩秋好桂  
霏香挾策金臺迴鳴珂玉署旁西清環珮集東觀校  
讎忙曉漏開鵲春池侶鳳皇承恩升茵閣應制賦  
芝房尊每霑醕酪裘曾賜鸛鵒談經門左掖待詔殿  
東廂槐市春風被鸛堂化雨滂璧雍人樂育石鼓字  
微茫密勿恭綸閣從容捧御牀更脩國府法兼領度  
支章介節齊威質許謨陋管商秉衡佐裴楷推穀藉  
王臧地峻風霜署天高昂畢綱堦前生屈軼柱後冠  
神羊執法于仁恕明刑臯贊襄宥三平肺石畫一措  
桁楊殊錫登司馬妖氛掃夜郎坐收綈綰布不缺斧  
鉞斯正席澄流品羣材辨楠栟選人唯器使除目盡  
明揚模楷崇虬戶雖皆見鳳岡救時勤獻替上策致  
安攘軍國勛庸懋經綸奏對詳海壖開採捕邦禁厲  
硝磺民氣投竿樂兵威擊鼓鏜秦川通節制蜀道免  
流亡直以鴻鴻雁寧唯峙糗糧勞臣功不世廉吏俗



多妨獨薦陶公覽終留召伯棠雲龍心更合魚水契  
非常琢野占持弩茲泉驗釣璜王商入圖畫傳說作  
舟航萬象台垣座千尋大厦梁黃扉虔穆卜玉鉉展  
烹湘霸越空金鑄平陳但寶妝詎如今特達重見昔  
廉颺瑞城卿雲縵璇題湛露灑火城宵煜燐沙路日  
趨蹌赤舄看仍几蕙珩聽有瑤身依天咫尺胸納海  
汪洋疇演箕陳武書追虺誥湯 經筵頻啓沃政本  
効劬勩迴幹乾坤正財成品物康功聞收島嶼教已  
訖要荒歲事調金木天工若雨暘冰壺懸藻鑒玉尺  
屢稱量在泚菁莪茂盈門桃李芳樹人搜礪報  
主共巖廊巨筆凌燕許長編繼漢唐蕉園 國史就  
藜閣秘書藏雅樂釐鐘呂朝儀肅表坊祖功鐫碧版  
帝系溯銀潢制作躋三代勛名巍一匡黃裳通地道  
朱紱受天閭命服羅貂錦 奎章耀縹緗持盈心抑  
抑積善福穰穰交泰彌乾惕揚謙孰頤頤慎過溫室  
樹性在蜀山薑下士師周旦留賓邁鄭莊翹材儲將  
相藥籠備溫涼無起樓臺地才餘雁鶩糧李衡慙種  
橘葛亮笑栽桑幾見公卿貴能令里閭忘清風傳魏

闕薄俗改吳鄉奕奕蘭芽秀森森瓊樹行丹山雛乍  
肅赤岬馬爭驤鉅鹿家留笏琅琊業有箱絲綸忻世  
掌冠蓋鬱相望喜氣乘龍近和鳴叶鳳鏘科名高甲  
乙館閣互迴翔樂事天倫具良辰燕喜當吹葭候氣  
琯泛酒引年萑仲寶頭仍黑華陽眼漸方周銘恭則  
壽魯頌熾而昌宣夜瞻南極耆英養上庠老年輕衛  
武百歲小張蒼平格齡方永期願樂未央豈煩餐桂  
柏始得比松篁自哂由之瑟曾窺賜也墻有孚難納  
約無貺悔承筐韓愈文爲戲枚臯賦類倡依人仍社  
燕砥志託河魴足耐陵陽則頭因伯樂昂如何夾袋  
內偏許吐茵狂謬獎微蟻蠱堪成老驕驕琴教彈賀  
若瓦獨賞香姜多愧淹錙末頻蒙拭劍鉞願斟千日  
釀長進九霞觴

醉後寫懷與越江再疊前韻

華言恥殖鑿垣蓬白兔號號西復東牛喘數驚吳苑  
月鷗飛猶退宋都風長康舉體無痴點李蔡爲人在  
下中欲破愁城唯賴子頻開蕉葉藕絲筒

秋左堂集卷三

後學金惟騷叔良  
外孫程宗傳說嚴校

秋左堂集卷三

主

秋左堂集卷四

嘉定孫致彌愷似著

題宋牧仲會事園亭

綠波村

關伯臺邊路魚天望渺然生煙葭莢外誰識舊平泉

釣家

家住雲水間不識雲水趣修琴整入城始憶垂綸處

芟梁

花好開如鏡絲長紐作衣小橋人過處影亂綠苔磯

秋左堂集卷四

緯蕭草堂

明瑟波光裏香卯結構殊白華詩卷在文康公有一白華堂集

一探驪珠

放鴨亭

匝檻萍裯綠開籠自喚名白鷗長作伴不受竹弓驚

和松庵

高吟倚長松謾謾清風動應知貞白心頻結華陽夢

送同年吳以巽之江寧兼寄巖公諸子

經年席帽滯京華又向烏衣擁絳紗名士無多偏易

別故園雖近未歸家六朝舊事埋芳草二月春寒勒  
杏花想到鳳皇臺上望國山如黛白雲遮

和澹軒公贈舊宮人楊氏原韻

茫茫龍漢劫餘時重見西崑舊玉卮清淺蓬萊看幾  
變笑他方朔髮成絲

送大文以衍聖公薦奉 詔纂修幸魯盛典暨

歸省親即席分韻得動字

長安城南春可憐江鄉筍蕨頻牽夢俞郎先我拂歸  
鞭荆高舊侶走相送未論別後千里隔且盡今宵一

林臺集卷

二

笑哄斫地休歌司直哀談天屢鑿張騫空投瓊盧雉  
喝好采藏鈎窰數矜奇中深杯百罰玉壺傾飲澗不  
殊渴帶螭使我窮途狂步兵軒渠暫忘迴車慟去年  
相逢杏花始花共著白衣充鄉貢芙蓉鏡下潛躍分蟾  
蜩難逐飛黃韉芳蘭竟體筆吐花嗟爾楚妃色殊衆  
祇應昂首上瀛洲却也低眉滯灰洞昨日孔融薦表  
來滿朝知己皆色動共喜囊中青鏤管好看牀首丹  
書襲 聖主崇儒邁百王陋彼唐宗歎衰鳳篋述得  
君燕許手典章禮樂煩折衷千腋成裘挈其領百囊

結網聯爲緩轡材愧我陪後車扶搖下視枋榆控噉  
嚙捧檄未敢前譬若痴蠅尚遭凍羨君作客仍趨庭  
忽束歸裝何恁德畫錦真堪慰倚閭不煩搯臂知心  
痛秦皇馳道芳草深柳花殷曉鶯啼勿耽雲臥誤  
吹黎早挂風帆趁解綬金壺墨汁殺青寫並遷雙固  
爭伯仲名山副墨倘見貽小學願比凡將諷即看奏  
御賞雄文拚典春衣桐馬漣還覓高陽舊酒徒醉打  
細腰騎屋棟

代上之回

林臺集卷

三

上之回九關魚鑰平明開千乘萬騎爭雜遝霓旌雲  
罕相徘徊宣武門西三十里拱極之城何崔巍虹梁  
橫跨渾河曲廣漠直接燕山隈是日 至尊親講武  
二十四旗羅列無喧阗赤羽如日白羽月瑀戈鎖甲  
霜皚皚別有火攻擅上策神機勝器梯航來遠及百  
里人莫測命中曾不差纖埃猛勢直教坤軸撼大聲  
欲震崑崙頽天資神器佐 聖主亦如造物驅風雷  
日烏風禽敢騁暴豐隆一奮枯朽推豈有神淵潛墨  
蛻但聞羽穴幽黃能餘威所震偏絕域白雉重譯天

馬徠外藩侍子鬢髭駐魂驚氣盡色死灰自言 天  
朝軍裝有若此蜂衙蟻壤之國何有哉歸語父兄婦  
與孩射汝貂鼯收汝駉雁臣歲歲修職貢萬一 天  
子憐且哀大閱禮成飲至舉 六龍駕動千官陪坐  
開明堂修禮樂不煩七萃勤行枚 陛下之壽千萬  
歲永矢文德懷挺垓

朱竹垞檢討錢越江編修招集喬石林侍讀一

峰草堂看花同陸辛齋周簪谷姜西溟查夏仲

陳叔毅湯西崖分得咸字

林堂集卷

四

檐牙乾鵲驚午夢長鬚剝啄傳魚緘故人招我醉花  
底足不及襪披春衫長街瘦馬鞭欲折名園舊識青  
山函園舊為西山書屋還移工部居此余與竹垞皆客焉入門芳樹變翁鬱當  
軒怪石存暫碧已枯泉眼曲池淺別通花氣苔垣墜  
蹴花飛燕窺網戶亦知識我相呢喃因依賓館潮嘯  
昔懸榻對下盃頻銜火前茶槍淪小鼎雨後菜甲挑  
長鑊鈎闌月白螭蛄弔筠籠果熟流鶯鷁興來得句  
倡必和似跨款段追驚颿十年樂事逐流水琴山南  
望千峰嶢今日何日復來過新知舊好少長咸汚南

耆舊見龐馬飽經冰雪留松杉幾人市駿碣石館有

客抱璞荆山巖提攜蠻榼共班草小亭花影斜陽嵌

山有海錯釘盤格大及麋鹿微蚶蜆易州菊釀清若

水芳冽笑彼燒春攪白波爭卷百分盡醉人謬誤難

爲監過申犯卯忘客主幕天席地逃譏讒軟紅飛不

到酒國疑有石扉鐫隔凡春來客愁亂春草忽逢鴉

背銛鋤芟醉歌更訝長句好落筆掃禿千秋龜耽奇

嗜僻詎屬饜過於染指蠹羹饒生活自甘作冷淡鹽

梅不美調酸鹹且將酒勛策盟府便掃醉石磨厓剋

林堂集卷

五

別門人耿賓王

四世論交六十年董帷馬帳共周旋琢成白璧知吾

拙鑄出黃金望汝賢家學勿忘無恤簡離情空寄繞

朝鞭重來只在歸鴻後莫爲驪歌重惘然

送楊筠湄由通政參議遷奉天丞兼以彭海客

周譽凡託之

聲教重陪京銀臺簡月卿 詔從丹鳳下路指白狼

行舊德關西著文星塞上明暨間東美在絃誦起邊

城

其二

地僻逢迎少官閒案牘疎黃羊秋縱獵白雁早傳書

永福園陵近隋唐壁壘餘登臨應有賦報我並瓊

琚

其三

絳節東行路朱軒吾舊游時平荒斥埃土滿失耰耨

雁戶儲胥少龍堆篳篥秋探囊餘智在更進徙薪謀

遼水左右皆沃野宜杭稻今鞠為茂草可隱駱駝即地力可知矣城壁燹燹亦傾圯殆盡流民保聚無所託非所以重根本成地城也余昔奉使歸具摺子謂宜課民墾田修城壁而積粟焉上頗首肯公往

在言路曾料吳三桂必反著曲徒錄

六

其四

遷客崔亭伯儒官鄭廣文飄零同絕塞歡喜得神君

土鏹炊煙續水天暖律分翻愁朝命速促駕返燕

雲

送馮文子歸杭州營葬兼寄九恒宇昭澗芳叔

穀西厓二首 選一

詩壇酒社共追隨溝水東西又此時懷抱中年堪聚

散交游古處重箴規持才心比藏鋒筆應舉文期脫

穎錐準擬春風燒尾後典衣相賀說相思

寄朱石戶丈兼示悔人四首 選二

忘機漢陰叟避世楚南公心遠北山北身閒東浦東

誰能招野鶴自愛逐冥鴻礪戶雲長鎖蒲輪未許通

其二

舊里傳冠蓋生涯只縹緲洛如花屢發書帶草應長

鴻寶枕中秘猶龍柱下藏五行洪範傳留取授郎襄

先生著羣書錄異十卷

上侍郎徐公四首 選一

林在堂集卷四

七

承明著作寫金壺密旨頻宣內相趨清禁親瞻溫

室樹御香新賜博山爐臣心啓沃千秋鏡王業艱

難七月圖醪酒晶鹽同此味古來魚水似公無 賜公上

游西苑以法琅香爐親炷香以賜有文記之

乾齋蒔洲以中秋即事詩見示次韻奉和

良宵又向客中過迢遞鄉心入夢多芳樹花禁秋露

冷畫樓人拜夜香和半塘橋外迴船酒千頃雲邊對

月歌惆悵軟紅塵土內獨將怨曲譜嬌娥 樂府有霜娥怨

其二

碧漲銀灣類影娥宣武門外河名銀灣王父安公所題最宜清夜試笙

歌紫雲曲記寬裳拍藍玉煙生錦瑟和庾亮興從樓

上發玄暉詩向月中多尋常屢醉留賓驛悔不衝筵

信馬過是夕蒞洲置酒徵歌余以事阻不及與會

重過容園追懷王文貞公兼上今相公兄弟

風亭月觀自逶迤憶侍尚書杖屨時問字頻傾桑落

酒論交不忘角弓詩還驚樹見新枝長行馬門容舊

客窺久向泥塗拚棄置雲霄猶許託心期

蒼蠅

秋臺集卷四

八

蒼蠅初生時不啻針芒微幸落豆田中食葉以自肥

蠅身日以壯豆葉日以稀食盡身亦露野鵲銜將歸

全身在樂土利盡蹈危機寄語遠游子慎勿戕所依

無錫道中大雪聯句五十韻賈臣謹似形右

朝辭亞字城朔風打雨寒凍雲低似墨雪片大於掌

漸凝蓬背重稍逐檐竿上散入粼粼波不作蕭蕭響

續紛點雪養纖纖拂鶴驚輕毳剪金鵝敗鱗褪玉蝶

橋危先沒菰屋矮易埋礫圭璧嵌林樹瓊瑤襲篠簹

蕭緘戰枯株微茫映書幌菌縮斂馬牛凌兢走題題

東峰快遙挹西神峻猶仰漁燈遠明滅樵徑差佛彷彿

臺榭益嶢嶢乾坤轉圯塊盱眙空萬里僵眠盈丈丈

軒豁露端倪曠聯迷象罔窗虛霽更明瞻照渙偏朗

寒威儼剽門積素疑上黨鴉飢噤不啼雀凍羞偏養

餘花壓枝垂宿麥抽萌強綽約思窺姑画圖憶周昉

如登羣玉峰乍揭蕊珠榜晶晶月殿娥皚皚雲臺仗

錯落天女花交加梵帝網凌鋪直剽茵霰集真儔駟

跨驢沒雙尖蠟屐剗幾緇巷陌罷過從朋知斷還往

心懷土室卧興異扁舟訪一彈桐絲悲側擬著草長

秋臺集卷四

九

郢歌和者誰梁苑游思曩撲髻白愁添鈞詩背初瘳

咄哉氷柱欹宛爾金莖沆蒙茸覺裘薄瑟縮嫌煖敞

僮奴睡思濃長年櫓聲強提壺泥長鬢買肉就廣額

蠻榼雜聖賢南烹和椒櫨絕勝劇黃精寧如煨芋橡

勿辭酌頻頻能使春盎盎貧拚典緼袍各亦解囊鏹

不愁客路遙且愛醉鄉廣沉冥向糟丘逍遙過蓬閣

吟朋况聯袂文陣各裨袂濡頭顱張旭箕踞老原壤

大郎翻齊魯小國鄆那蔣誰甘因壘降競博曳車獎

青女避遠巡白戰恣齒莽銀海浩茫茫天門跌蕩蕩

羽觴旨且多唾壺慨以慷飛揚孰可圖峻潔吾安放  
謔浪醉醒間因寄功名儻緬懷禁體詩古今共玄賞

釣突泉作

我昔志泉河源流考濟瀆戊午春余在葉學亭先生幕共修河泉志上溯

禹貢篇道沈自王屋濁河不敢清少見而多伏散之  
齊魯間百泉共一族茲惟小清河發於嶽山麓涌爲  
玉山渦噴作珠萬斛出濟實名漚入海滙爲灤掩卷  
結遐想未暇命我僕今年來海右步履歷城牧靈境  
近可探真源愜游目始知身所經過於書空讀仍聞

林左堂集卷四

十

廿載前騰上尋丈蟲狂瀾一蕩滴地脉有盈縮所悔  
塞裳遲大觀不可復明瑟俯石闌猶耽鑒寒淥驚波  
魚眼沸急响松風謾水草競喧淒先春有餘燠蓬勃  
面目塵欲頽詎敢掬載觀激湍字飛動星虹烜岫碑  
篆鼠舞岐鼓銘鹿速鼎足天壤間再拜心神肅自非  
靈異境何以紆輦轂吾本江海人樂水性所獨注意  
河東鄭味辨竟陵陸汲之夜瓢盈煮向石鼎熟投以  
紫筍萌一果鼯鼠腹土銼穩黑甜終宵夢濠濮

游明湖

昨醉釣突泉今日游明湖不知行役迫流覽貪名區

委巷徑偏仄平堤雜泥塗澄波渺千頃拍拍飛鷗鳬

枯柳表洲汴斷續相縈紆如以水田衣就此城堞鋪

歷下古亭在軒窗若乘桴宛在水中央下上波光俱

蒼煙鬱括柏突兀高臺孤策馬窮幽探拾級登元都

俯瞰濟南郡瀦水半其郭積翠環城南勢向闐闐趨

更聞華不注嵒山勝尤殊惜哉限北望安得丹梯扶

登臨易感慨興發翻嗟吁北海駐皂蓋名士今有無

賢王昔布金靈光亦榛蕪烈烈鏤與盛毅魄應可呼

林左堂集卷四

十

舉似老黃冠一一皆函糊驚聽襲客袂斜陽下城隅

何以遣茫茫速就當壚沽

送柯翰周應蕪湖樵部之聘

彩筆宜修五鳳樓無端席帽又驚秋長安棋局都看

破肯爲殘盃冷多留

其二

難兄擁傳下青冥春草詩成醉共聽夜向南天占紫

氣使星側畔有文星

其三

鴻茲吾亦經年住別後秋鴻五度飛今夜送君重感  
舊不禁清夢繞螺磯

其四

大江西上東天門采石濤聲互吐吞靈澤廟前須酌  
酒高皇詩句照乾坤

其五

赭山路接翫鞭亭破塔無風自語鈴聞道景陽人去  
後至今芳草不曾青

其六

林奎集卷

主

算縉官閣費常閑估客歡呼夾岸還料得水陽春酒  
熟尋詩頻上范離山

其七

小樓一面受春風最稱凭闌晚色中傍柵帆檣鄉語  
雜沿流簫鼓佛燈紅

其八

莫嫌從事一青衫商旅艱難仔細諳他日彤廷重對  
策首蠲租稅自江南

春暮病足請假閉關排悶雜詩

臥聽東風劈柳絲無端行步太欹危笑來趙女拚他  
日泣向荆山憶往時花影過輒頻乞假茶煙繞榻獨  
敲詩白驢可惜渾閒却辜負南鄰酒伴期

其二

小堂疎豁傍銀灣月夕鶯時鎮掩關僧作鄉音攜藥  
至僮經廟市買花還軟紅門外遮香土寸碧樓頭露  
好山寄語吳淞諸釣侶鳳皇城有一人閑

其三

跌坐藤輪煮妙香蓮華漏永晝偏長靜嫌宿鳥爭枝

林奎集卷

主

閑閑笑游蜂釀蜜忙觸忤春愁拋酒榼勾留午夢昵  
琴牀寸陰可惜成何事慚愧侏儒米一囊

其四

十笏渾同燕子龕支離聊得免朝叅書難上口吟徒  
苦事少經心夢易甘楔飲可能陪逸少東海夫子以  
不能清言唯是憶劉惔謂跨何當健走如黃犢笑歷

花南又水南

其五

何甥昨日理歸裝時遣張氏甥客夢先渠已到鄉魚



絕碧分清鏡浦雞栖綠暗讀書堂余所居在清鏡浦上庭前雞栖樹高百餘尺二百年前物也家林筍帶蘭花氣山寺茶爲豌豆香底事倦游還薄宦十年此味不教嘗

其六

殘梅疎影對饑燈倦不烏皮曲几憑向老知須幾兩履未衰先辦一枝藤飽嘗世味真如蠟略試官情早似冰兀坐漸看窗月轉疎鐘聲裏摸牀稜

賓臣過訪即事

笑如乾鵲鬧花梢知是鱸鄉卅角交訝我竟成憂一

林奎堂集卷五

南

足煩君爲撰履三交空群馬更嫺秋駕出近文見示格律頓進

出谷鶯終戀故巢細數歡場溫昨夢釣輪茶臼悔輕

拋

其二

隱仙深巷鶴槎傍每爲相思趁野航余家隱仙巷寅臣曾寓鶴槎山

詩老獨憐文筆健謂南詢朱丈市兒爭罵酒人狂書堂客

授鄰紅豆大年方授經虞山才鬼魂歸語白楊曉思歿二欲

續口號紀存歿三千驛路草茫茫

其三

城北繁花十里餘故人近即吾廬臨溪船過魚爭買並舍尊開酒不虛笑倩村翁扶斷竹醉將藥物當寒菹醉後以肉從蓉下酒至盡一梓而今穰李空如雪夜鶴還應怨索居記丙午春看花裏塘事

仲垣別葺書室疊韻爲贈

到處牽蘿自補茅好奇真似老居巢赤闌干好將花護白紙窗宜受葉敲兔盞茶膏來北苑鵲爐蓉炷出南交分明黃耳溪邊屋只少簷簷覆水均君舊有精舍在黃耳溪南

林奎堂集卷五

主

其二

曾分數葉許君茆許君上昇時飛白茆數葉以賜王長史別揀南枝越

鳥巢近局斜飛燈下覆隔窗方響月中敲宗門尊宿

張無垢君好內典鄉里神仙王可交王亦華亭人嘗入天台得仙莫負

落英堪泛酒持螯班草醉牆均

姪祥演歸兼示諸姪及兒子農祥

觸熱遠相視深秋歸尚難可憐吾祿仕未救汝飢寒杭稻先疇薄萍蓬客路單唯餘病枕夢相逐過江干

其二

清白中丞後曾孫止十人詩書勤歲月習俗慎風塵  
爾輩須繩武吾兒才負薪勉旃無別語祖德在安貧  
送座主大司寇徐公假歸省墓

清忠獨結 九重知暫去仍煩再疏辭自感烹蒿修  
馬鬣不緣謠啄妬蛾眉丹心戀 關秋衾夢朱紱還  
鄉書錦時共識大儒關世運出爲鳴鳳處鴻儀

其二

君臣一德契無鄰 溫旨傳來慰勞頻直恐冰霽侵  
遠道故留車騎過中春九天雨露濡金管萬丈光芒

林正堂集卷四

六

燭榜銀試問卿雲曆拜後古來恩遇更何人

其三

典冊煌煌耀直廬更携藜火向林居三長並集溫公  
局一統重編樂史書漆簡校讐除亥豕芸香熏染却  
蟬魚重來莫訝行裝重紅碧牙籤滿後車

其四

江湖心總繫嚴廊魚水恩深忍暫忘爲 國但將人  
樹木謀身未有地栽桑訐謨同氣調金鼎直節詒芳  
抗皂囊子弟功名堪報 主蒼生終望舍人裝

其五

歸帆初卸未春殘暖翠浮嵐認馬鞍良夜重溫姜氏  
被好風催長謝家蘭雲披玉檢藏書洞花滿金庭煉  
藥壇應向莫釐峰頂望天根直北是長安

其六

人倫一代仰君宗忽送公歸失所從無數孤寒勞吐  
握更誰冠蓋揖章逢負鹽甘老空群馬撓蓬難逢待  
叩鐘指點華星還復位重教桃李及春穠

其七

洪鈞陶鑄本無心寸草春暉感未深已作禿頭封後  
筆獨憐焦尾爨餘琴□□□□□三□觴詠賓筵醉  
二參忍向都亭斟別酒夢隨班馬共駸駸

其八

聖朝宵旰軫時艱倚毗良臣伊呂間參贊大猷安寓  
縣主持正氣肅朝班賜金漫比疏公去採藥寧容李  
泌還孖念 至尊長側席莫耽雲臥向東山

柳巷四首 選一

弄影青驄蹴淺沙好風催放鬱金芽隔林忽露酒旗

角春在一枝山杏花

秋左堂集卷四

後學金惟駢叔良

外孫程宗傳說嚴

校

秋左堂集卷五

嘉定孫致彌愷似

詠東洋夏菊次盛賓三韻

同李武曾王今詒作

異種流傳古帶方託根應傍海田桑花期不待重陽  
而人事偏逢六月霜泛酒蘭膏同薄醉插頭榴火讓  
微香吳兒未識東籬近枉向蓮塘買棹忙

其二

滄海應全隸職方異花先見貢樽桑不辭重譯經波  
浪豈料中華有雪霜徐市島邊故土羅含宅裏換

秋左堂集卷五

新香三年始遇餐英客辜負深

此花入中國三年矣

興販洋船有載春溜夏二汛

其三

名花一例出遐方壓倒伊蘭與佛桑不信卑叢偏耐  
日性喜烈日與中土種異未甘晚節讓凌霜人情自重非時種  
物性難移故國香河朔尊前添飲興葛巾漉酒為他忙

其四

消夏新來有樂方却將采菊續劉桑離邊但少蟲吟

露天外疑聞雁叫霜滿酌荷筍浮細瓣緩搖葵扇引  
寒香不知窮島花開日可似唐人能織忙彼土稱中國為唐人

其五

貪買奇花排孔方柳帆分種傲柴桑探支佳色當祥  
暑次第繁英接早霜紅茵茵羞班熱客紫葉黃笑後  
秋香等閒時物成顛倒未信天公有底忙

雨夜同仲垣維水歌虞作

淋浪檐溜熱梅餘愁緒難憑酒破除入夢曾占翁失  
馬留賓長笑食無魚講張世態志憂患心情越

林孝集卷三

絕書咫尺家園歸未得竹深荷客冬有失馬之夢元

旦入朝果失爾  
容所贈名馬

寄畢爾容

三箭威名警九邊布衣承寵至尊前論功退讓今  
馮異辭賞心期古仲連失意吾才思貨殖得時君好  
勒燕然汾陽未佩真王印更有何人救謫仙

獄中用蘇公韻十月初三日

但願陽回返谷春何嘗溫飽自謀身言誰信市  
虎一笑真成井有人頌繫不辭尊獄吏贖錫終恥巧

錢神升沉漫道渾如夢鼠穴乘車豈是因

其二

蔽日浮雲書慘淒牢愁山積貫城低得仙翻悔拖腸  
鼠失計真輸斷尾雞投匭累他耕鑿老却金賴有展  
屨邑中巷哭累日諸父老列狀為余訟冤株連繫獄者百餘人先是有以餘金餽者內子守余命  
力却而今却羨從軍樂夢想臯蘭西復西初擬戍邊復改重辟

初八日入郡獄再疊前韻

高潔雖慙井大春由來要路恥呈身分爭正灑元黃  
血中立難容慙直人松飽嚴霜增磊砢玉經猛火見

林孝集卷五

精神屈信自信儒門理不向禪宗印昔因

其二

家書苦語漫淒淒鐵漢眉難為汝低天意定憐求且  
鳥國恩終補失晨雞捫心幸免慙吾祖留舌猶堪  
示老妻祭罷畢陶還引滿瓦盆不羨玉東西天啓間奄黨議復吾邑漕運先中丞力請於聊城相公始得特旨永折邑人建永折祠以祀先公焉

雪中用右泉見訪因留小飲即事

乘興真同訪戴船足音空谷喜趫然攜將嶺表餘甘  
子共試中冷第一泉雲外鳥飛銀色界尊前人醉鏡

光天窮愁不廢閒觴詠莫怪爭呼作去謫仙

其二

矮窗低屋小於船土銼仍將獸炭然不是雪中來鶴  
壁誰從獄底問龍泉酒邊似接齊州壤裏難呼楚  
壁天穩向波吒聲渴睡祇應無奈此頑仙

寒宵即事示東臯右泉鄰初諸子

雪晴寒峭酒難賒貫索霜威一倍加老耳自鳴非蟋  
蟀嚴更相警學蝦蟆郝天挺唐詩鼓吹注云南添油  
方以木柝警夜號蝦蟆更

重炷琉璃火剪燭頻燒橄欖花此際清狂仍未減明

林彥集卷五

四

朝擬向故人誇

十二月初三日再和蘇韻

松柏凌雲豈望春蛟龍深蟄且存身禍來庸詎知非  
福天定還應可勝人笑歷羅鉗兼吉網熟看牛鬼更  
蛇神難將此輩心塵洗教誦楞嚴悟水因

其二

天到春迴杓自轉律從陽長炭先低屈信在我甘如  
蠶時且隨人笑比雞縱飲多情來酒伴尋花無計負  
梅妻不知博物張雷輩紫氣誰占茂苑西

莫訝

莫訝南冠已六旬眉頭何日不曾伸南史王玄謨  
未嘗伸眉香

憐越客分生結酒愛鄉僧餉老春殘雪自明無月夜  
寒花相笑背時人醉來一夢真奇絕清鏡塘西理釣

綸清鏡塘余  
所居也

觀棋五絕句次西潛上人韻

息盡機心寄草庵却將方罽代清談道人空觀原平  
等不道圖中北已三

其二

林彥集卷五

五

黑白分明部黨成左蠻右觸日相爭殺機對面談諧  
裏始信心為最憚兵

其三

斜飛聯絡鴈行長守腹侵邊勢各張獨有旁觀潛太  
息西南風急莫顛狂

其四

袖手冥心細算時真同碧落颺游絲勸君莫漫先爭  
勝拙速還應避巧遲

其五

如年長畫一枰過李遠詩長日唯消一局棋酣戰猶揮挽日戈休  
向燈前貪覆局驚他寒鳥數移柯

十二月二十日恭紀 聖恩四疊蘇韻

傳來吉語及新春徐甲重教有此身更聽雞竿申異  
命敢將貝錦怨讒人在原異姓如兄弟出獄先幾告  
鬼神獄神李王及楊忠惠公屢示吉兆却笑長沙悲服鳥始知禍福  
本相因

其二

歌笑聲喧失懽淒玉蟲雙穗向人低開年好聽催歸

林奎集卷五

本

鳥昨夜先鳴報赦雞獄中甲夜雞鳴必有恩赦性命苟全鈎黨籍  
飢寒相保灌園妻藥苗菜甲生涯足便把江東當灤

西余鄉居清浦鎮俗稱江東

後觀棋五首疊西潛韻

閒將九局覆雲庵絕勝兵從紙上談半子輸贏須早  
定笑他轉敗背城三

其二

墨守輪攻勢已成紛紜局外代人爭從來不少前車  
鑒看取貪兵共憤兵

其三

鐵網休誇淮堰長須防困獸爪牙張去如脫兔誰能  
拒莫漫當場喜欲狂

其四

生死相持劫急時心機織盡髮絲絲一籌誤下翻成  
拙此局全輸悔已遲

其五

修羅劫運局殘過斂子收奩暫止戈霸主由來弘大  
度不將手劍怨盟柯

林奎集卷五

七

元夜諸子過飲即事

黠黠浮雲漸漸收此中儘有地理憂星橋火樹雖無  
分綠酒明燈也自由世事從教風過耳人生難負月  
當頭滿城簫鼓春如海聽盡荒雞醉未休

春蘭歎

故人貽我蘭雙本玉花翠葉相參差此身久墮鍊圍  
獄忽如好友來追隨雖無黃磁及綺石蒔植灌漑頗  
得宜如何憔悴日復日葉梢焦卷花離披花神豈亦  
學世態見我慙軻來相欺夜來中酒不成寐彷彿有

客前陳辭王者之香古所貴芳馨采采貢玉璵不然  
便結美人夢不然便入騷人詞無端埋沒向狴犴寧  
可早逐秋風萎君固清狂能作達小草安能亦爾爲  
微君之故不及此反忍肆口相詆譏吾笑謂蘭汝則  
那貴賤榮辱寧可期必有忍乃其有濟白璧豈受青  
蠅緇汝雖孤芳終脆弱瓶中不見虬松枝已離本根  
三四月青蔥不改凌霜姿花神再拜謝不敏棟梁之  
材真吾師酒醒小童喜相報花花葉葉重倚倚

春日五疊蘇韻

林空堂集卷五

踰冬免死又經春長繫支離笑此身印首天乎寧有  
罪傷心老矣不如人醉翁易惑黎工鬼妒女難容洛  
水神一片燒痕青漸滿須知榮落定相因

其二

遲日暄風亦慘淒春陰那更壓城低人情已慣從呼  
馬生事無憊且祝鷄幸免斷蔥悲老母苦將脫珥累  
衰妻園扉不鎖游春夢踏遍青山郡郭西

客冬右緒姪聞余繫獄匍匐奔視時獄方急不  
得通賦詩見慰亦無由達新春其兄弟復來省

余悲喜之餘出以相示依韻答之

重得餘生笑口開酒酣斫地莫興哀仲文本是甘枯  
樹安國從人溺死灰浩蕩皇仁方泣罪猗猗獄卒  
也憐才須知微尚存松柏飽歷冰霽不受摧

其二

賸緩誰乞去呼太公泉餬口曾無負郭田人指福堂爲

玉署松陵周子有福堂爲玉署之謔自將佛火當金蓮醕醕且送遲

遲日雲霧終消湛湛天作達相期何處好竹林知在

余峰邊姪有丙舍在東余去吾邑不及百里擬卜鄰焉

林空堂集卷五

九

花朝遣興

棘叢住久便如家也有中春好物華唐詩中秋還不及中春但

少佳人同撲蝶唐人有撲蝶會儘多新水佐烹茶籠禽

有伴還相語野草無名各自花珍重雙魚傳老友須

拚美酒送生涯西又書來以勞力多與酒相勸

其二

年年裙屐競花朝莫遣今年便寂寥社後乍歸新燕  
子雨餘重吐舊蘭若軟塵叱撥湖邊舫綺陌秋千月  
下簫歷歷歡場皆在眼但愁魂夢惱春宵

題潘旭始梅野小築

齊女門邊結隱宜，梅花無數繞山茨。  
吟朋應愛林君復，畫手須尋楊補之。  
曲徑夜寒招鶴守，小窗香暖許蜂知。  
旁人錯比河陽縣，桃李春風總後時。

上巳

佳節蕭條又一年，赭衣相對淚淒然。  
清尊修禊嗟何及，紅袖湔裙最可憐。  
徹夜乍晴騎月雨，吳俗廿十廿八日遇雨則輕陰仍做養花天。  
二分春色憑誰惜，初二初三日亦然謂之騎月雨見劬南集蟾影如弓未上弦。

林左堂集卷五

十

春盡東臯有洞庭之游賦詩見別次韻送之

同吟同醉輒經年，清夢無端促放船。  
數日前東臯有夢游東山之作此去山中逢角里，何殊海上訪成連。  
絲絲莼菜流匙滑，白白鱖魚入網鮮。  
舊雨相於花信早，爲君爭解杖頭錢。

其二

金庭結夢亦多年，無計隨君上釣船。  
醉裏人將春並去，望中雲共水相連。  
莫釐山色粘天碧，橘社花枝過雨鮮。  
獨有離居延佇切，早期歸屐破苔錢。

非所春盡無花可看，西潛上人輟瓶花相贈詩。

以謝之。非所字見劉隨州集

蹉跎花事夢中闌，腸斷春風到牡丹。  
不是高僧能割愛，棘叢爭得一枝看。

其二

維摩丈室悟前因，吹下香風萎又新。  
結習盡來身不著，却將持鉢鐵圍人。

其三

硯頭瓶小插橫斜，便是諸天稱意花。  
却笑夜來春夢錯，枉隨蜂蝶過鄰家。

林左堂集卷五

十一

其四

嫣紅膩白鬬芳菲，拂拂天香細染衣。  
他日相逢應一笑，拈來重話祖師機。

送同年顧桐邨赴奉天兼呈座主華亭先生及

謫所諸公

中年別親友，懷抱輒作惡。況子遠謫居，值余淹貫索。  
離腸徒九迴，面別限城郭。當餐再三歎，夜夢驚屢蹶。  
何意壘簾好，從茲異南朔。春林多怨鳥，恐泥困屈獲。



鬱紆但拊膺有淚不敢落魂夢相隨無爲恨天各

其二

論交十五年心跡兩不異相期不朽業溫飽非所志  
寧知罹雉羅性命刀砧寄盜金直被疑竊食顏遭毀  
九閭遠難叫周內恣酷吏得禍良已奇莫問何由致  
玉甘猛火燒松冒嚴霜翠顛沛何足言俯仰自無愧  
去去勿伊憂天平豈終醉

其三

襄平古邊徼今乃爲陪京吾昔賦皇華星軺實經行

松蘿集卷三

七

我我醫無閭云云遼水清差不異中土沃壤宜香杭  
遷客多賢豪永天有遺聲往年刺人和尚與諸公  
結水天社偈和最盛吾

師世模楷蒙難如履亨子往侍函丈鑄回期有成惠  
州安蘇公龍場悟陽明願子愛玉體風霜慎遠征秋  
前多早鴻因之慰離情

其四

同時履虎尾君竄吾殺身吾罪得輸粟獨爲君酸辛  
丈夫豈避禍高堂有老親早悲陶嬰鵠屢遷孟母鄰  
鷗池得變化綽楔期嶙峋豈謂大耋餘壯子爲逐臣

聖朝崇孝治排雲叫紫宸天高聽則卑烏鳥情必  
申期君奉板輿共泛西湖濱綿上愜偕隱愛日蘭陔  
循重踐拜母約醉吾松醪春

寄題西潛聽鶯書屋地故戴顓宅也

南朝處士聽鶯地白足禪僧此結廬丈室鐘魚消歲  
月諸天樓閣湧空虛茶煙繞榻吟詩苦花雨侵衣梵  
唱徐吾欲携柑仍載酒攢眉蓮社定何如

審錄赴省夜過無錫小舟幾覆郭偉公在焉賦

以謝之兼示聞爾達杭省庵

松蘿集卷三

七

不道呼囚亦有名匆匆一葦促宵征自將忠信輕波  
浪却以艱危累友生脫險豈能甘旅夢剋期唯恐負  
王程故人同難勞延佇握手明朝喜復驚

望華陽隱居用許鶴沙先生題壁韻

三峰南望五雲開連石分封亦壯哉通隱風流光磧  
戶高真標格注丹臺最難天子能忘勢須信神仙總  
愛才吾欲聽松溫昔夢騾綱鈴馱莫相催

至江寧再疊前韻

蔽日浮雲已漸開先秋偏覺氣悲哉燕歸知入誰家

巷鳳去愁看舊日臺  
胥靡敢期通帝夢  
檻車羞比霸  
齊才炎敲苦憶涼  
颺好憑仗悲笳及早催

會勘日三疊韵

銀鑄三木笑顏開  
不藉醇醪沃怪哉  
怪哉蟲獄地寬氣所化以酒沃

之則幸有恩綸頒北闕  
便拈詩筆和西臺  
輿人也

自憐非罪聚觀者多為余泣下  
聖主何曾棄不才  
脫却赭衣

催結東深林  
休待子鵲催

歸舟口號

麻衣席帽漬風埃  
只當金陵下第回  
買得吳航真失

林奎堂集卷五

古

喜鄉音先入棹歌來

其二

歸歟依舊向園扉  
如此言歸不當歸  
國體尚存賢

太守委官押送得免短遠盧趙兩君力也  
免教歷徧鐵山圍

其三

有淚何曾灑路窮  
小船欹側逆流中  
科頭白眼傾卮

酒飽看人家使順風

其四

休憑百丈與風爭  
邪許聲喧篙櫓橫  
好向綠楊橋畔

泊明朝自在挂帆行

其五

秦越同舟用力齊  
號呼拜許賽神鷄  
中流且脫須臾  
命莫向船梢互勃谿

其六

大鰲我我壓浪花  
高帆腹飽勢橫斜  
須知風色朝朝  
變三老攤錢莫自誇

其七

石尤風息水消波  
雙櫓聲柔引夢多  
愛殺九龍山似

林奎堂集卷五

五

畫月明船向画中過

其八

機棹山塘碧樹遮  
樹陰深處故人家  
董新日新歸此便道訪之

行問我真何事訪友尋山與看花

六月十三日復入郡獄

離家九見月盈虧  
莫道園扉便可悲  
天豈終遭黃霧

塞心原不受黑風吹  
譬如幙客周防日  
只當禪僧止

觀時獨有君親恩未報  
幾回中夜起然疑

題秦淮水榭

赤闌橋外柳千條一曲清溪漲晚潮鵝管偷聲催月上不知何計不魂消

其二

南部煙花失舊聞都無歌笑有愁雲才人潦倒佳人老腸斷當年白練裙

其三

艷曲空傳燕子箋如雷羯鼓鬧燈船可憐三五花梢月曾向臨春閣外圓

其四

欵乃聲中酒半消水天閒話總無慘不須重數華胥夢衰柳秋風見六朝

秋日感懷

每逢白露暗傷神痛憶先公被禍辰屈指行年同大行驚心紀歲又壬申先中丞以崇禎壬申白露節遭變時年五十致彌今年亦五十有一誰憐瀕死非其罪自愧偷生有此身一事差堪見吾祖不曾搖尾向時人

中秋夜井農東墅偉公右泉東臯家弟濟九各攜酒饋過余歌飲竟夕即事次蘇公中秋月韻

其二

穆穆中秋月團圓生海東他時非不佳無如此夕中連蜷小山枝吹香入簾櫳羈愁一時盡但慮瓶罍空何意二三子載酒相過從傳觴壓五侯度曲勸九宮得過且須過吾師寒號蟲仰視天宇高淸輝浩無窮自古貫城內此樂應未逢勿笑少水魚喁沫頻噉嚼

其三

涼颼掃浮雲不遣滓太清前除若積水笑欲凌波行忽見南冠影方悟牢戶扃雖云嬰徽纒嘯歌有餘聲同難得老髯豪健如幽并謂定園也狂來擊唾壺醉後看青萍高會有如此不負今宵晴盈虧天道在翻覆人心輕被酒和短歌永懷良友情

八月晦日東臯以早菊見餉同賦絕句

可爲悲茹徹夜吹早催秋色到東籬却將九日義之  
帖寫入幽風剝棗詩右軍有米菊帖

其二

叢叢膩白間深黃雲外偏爭月樹香傲骨巖巖原未  
改莫猜早放避嚴霜

其三

花信何心競早遲寒香先發兩三枝總輸射馬臺邊  
種五月山塘索價時日本有射馬臺彼土菊花五月即開

其四

才聞白鴈報初寒便許黃花把酒看應念泉明瓶粟  
秋左堂集卷五

其五

罄天教早借落英餐余方絕糧  
多君特采傲霜姿伴我孤吟叢棘時却笑兩年才思  
短始終惟有菊花詩東臯戲語余云未申集以洋菊發端請更以早菊詩殿之  
出獄用蘇公韻九月十七日

鯉魚風信煖於春吹醒邯鄲夢裏身生死忽分天上  
詔悲歡相半路傍人餘年所負惟山志結習難忘  
向酒神歷盡驚波頻魔囈一彈指悟去來因

其二

誰傳古語散悲淒乾鵲喧檐蟬子低已死重生關里  
檜將烹復解杜陵鷄脫驂恩重師兼友祝網歡騰子  
與妻檢點秋衾今夜夢黃金臺下練祁西

其三

張甥適自都門歸

花前哭別帝城春豈料猶存現在身肉骨於今重有  
我關心舍爾更無人奪將性命離刀几用盡精誠動  
鬼神甥舅古來誰得似探環應憶弟兄因甥之生也亡妹夢幼弟來託生甥留都中二年爲余營救余之得免皆其力也屢感夢兆甚異

其四

痛定追思倍慙淒學他菩薩且看低偷生幸比能鳴  
雁矜氣徒勞索闔雞燕到秋深空挾子鳩當雨後枉  
呼妻諸緣遣盡君恩在夢斷瀛臺苑樹西

廿日仙照紫庭樗園鳳阿維水夜集秋左堂即  
事同用佳字廿八韻

繞徑秋花葉擁堦故人連臂歎荒齋牢愁乍向歌呼  
失歸信初占卜筮偕夢每易迷車入穴性終難改橘  
踰淮餘生重看娶媿始上策須將姓氏埋命脫庖厨

驚似鹿骨經吞咀瘦於豺三年飽識橫流味一笑先

寬舊雨懷鳳阿先慢戲本來師束哲逍遙偏喜記齊

諧楚聲歌罷仍相泣吳體吟成豈厭俳最憶紫簫吹

艷曲曾因金珥誤僮娃鄂君許共乘青翰溫尉能忘

賦錦鞋柳市閒消賒酒券菊籬細數記花牌皆郡中與鳳阿

游宴墊巾名士真同郭五樓園居宋比煮石仙翁也學

嫺紫庭以煮供奉詩情醒復醉仙照詩最捷右軍書法漏

兼石顏其齋園扉慶我逢黃雀彩筆憑君別紫蛙藍尾

休辭飛匱匝白頭應惜少朋儕寄愁地下還天上放

林亭集卷五

主

跡山顛又水涯但學圖南頻瞋睡何妨司馬輒言佳

霜中松挺蒼蒼鬢春到蘭抽冉冉荻帙散古香堪辟

蟲燈明新火正鑽槐狂名拚受兒童笑飲戶從分大

小差膾斫一雙西塞鰲拌空三九庾郎鮭扶頭醉索

家家釀撒手行過處庭屋鷗到忘機真可狎龍因介

懶誤稱乖垂綸只合尋孤棹緩轡誰教夢六街口數

料量添病鶴家緣艱澀肯枯蝸兒痴陌上宜擔糞婦

老田閒解曳柴吉語漫期鶯出谷虛名休信馬生注

升沉都付深杯裏棗地楓天不用排

賦庭前古樹限韻

依然豹影共龍形袒澤猶存陰廣庭先中丞題門云深影變文豹盤

根高臥龍蓋指此也蟠據真疑私地力扶疎直欲黨天青陰深

不受炎炎日落葉還藏嚙嚙星幸以散材逃世惠高

枝時見孔鸞停

其二

最愛童童車蓋形百年美陰落吾庭干雲鐵作膠枝

古溜雨銅如老幹青已分山中依櫟社亦曾天上伴

榆星丹成他日飛昇去尚擬攀緣為爾停劉綱上昇登雞棲樹

林亭集卷五

主

乃得去即皂莢也

大年復仍貽堂用韓韻志喜

上谷於國史忠節不絕書浩刳隨天步歸然獨此廬

靈光峙亂後碩果留剩餘堂祀鞠為草幸未鋤種蔬

鼪鼯及狙獼嚙竄之所於當時芝蘭室宿莽蟠根株

聳也實超群於吾如玄敷世說張玄謝敷中外兄弟也挈瓶念世

守卅年聞啼噓銖寸累脯脩復此宅一區後堂開機

杼前堂講玄虛友于奉節母三世仍同居田荆玉紫

抱謝樹滋扶疎重看戶外轍藹藹來簪裾作賦擬大

人著書準潛夫家集盛金薤編纂驅蟬魚立言必訓  
誥匡時必唐虞想像在天靈下視皆歡娛家邦有興  
廢轉旋握其樞三鳳與六龍况復箕裘如銀臺公兄  
三鳳之目先姑壻掌亭先生與記原文吾老每相對  
中幾道雲俱智舍諸公稱上谷六龍輒覺形神猶今者脫網歸煩子命酒徒引滿互稱慶  
頓使煩紆祛期吾成二老往來長耦俱出當為名臣  
處亦為大儒易哉念爾祖勿忘堂構初

風雨排悶有懷翠庭疊前韻

窮冬兀坐易蕭騷縱使晴明也鬱陶潤逼矮牕因雨

林左堂集卷五

五

暗聲喧老樹覺風高一生懷抱傾三雅半里泥塗險  
百牢安得南鄰愛酒伴相過把盞競揮毫

詠天竹子和龔筠丞韻

鐵幹亭亭耐朔風交枝翠羽鎮青蔥天教點綴窮冬  
景不受冰霜不肯紅

其二

瑣碎徒誇虎刺叢相思蠻樹阻炎風壓枝朱實誰堪  
並五月朝鮮馬宋紅

朝鮮馬宋樹子以五  
月熟成穗而紅

林左堂集卷五

後學金惟騷叔良  
外孫程宗傳說巖校

林左堂集卷五

五

秋左堂集卷六

嘉定孫致彌愷似著

李易宮招集南圃即事

居然鹿柴與欽湖賓從風流入畫圖下  
筍魚鮮勞筭簪傾杯酒美出壺蘆花當遲日  
爭相笑鳥得深林各自呼漢上汚南堪  
共隱望衡真許結鄰無

南圃雜題

九曲池

清渠環山茨宛似武夷曲但少鐵船峰  
倒影春波綠

宛轉橋

弱水限三山颺輪莫能度賴此小虹蜺  
直到花深處

含月堂

小堂收野趣散髮共疎豁林杪露清光  
名花夜含月

以繡毼花得名  
此花亦名含月

叢桂軒

老樹吹古香鼻觀通遠近高歌招隱篇  
未應無我分

護筍扉

籜龍有肖子未茁土先罇寄語渭川人  
斤斧直須赦

嘯傲軒

陶公薄塵纓幽興寄籬菊吾亦澹宕人  
脫巾酒共漉

梅塢

花開百廿株香來不知處寒酸孤山人  
只有三十樹

柿園

主人重秋實七絕乃其冠把觥待迎霜  
來賞頰虬卵形古甥從余京師患難相  
救曲盡心力其歸也葺其讀書之室顏曰  
繫槎賦詩以見意余亦有感而和之

秋左堂集卷六

二

萍共漂零葉共輕風波終日飽經行雖  
無飛渡帆檣力也免中流篙櫓橫處處  
含沙羞短蜮時時鼓浪避長鯨算來只  
合溪灣泊休羨遷喬柳谷鶯

其二

繫纜春波拍岸平回思塵劫喜還驚曾  
偕貫月經天上慣聽流雲作水聲拜罷  
浪婆隨地宿占來颺母逆風爭祇愁博  
望分龍節鑿空重教奉使行

書感疊前韻

何處衣魚更食鷗夢尋懸股路悠悠香  
醪見奪蝓蛇

足妙画能仙笑虎頭莫問兒童成項領頗哀老子得  
遨遊太真穢雜君休訝此是江東第二流

懸服之國衣魚食鵠

其二

五十平頭有二年健如黃犢變華顛也曾夢鹿蕉空

覆誰遣求魚木枉緣丹鼎鑄金無藥試藍田餐玉有

方傳何當却少成青髻若箇心誠肯見憐

古語云心誠憐白髮

玄

送泉民入秦

酒坐歌臺置驛頻玳簪珠履逐時新黃金散盡名園

秋堂集卷六

王

廢患難相從見幾人

其二

迢迢吳苑望秦關別後相思夢不閒憑向王刁仙窟

裏爲吾求藥駐童顏

華山王刁洞馬先生與先祖友善臨別有與公子孫異日相見

約之

夏日集大年仍貽堂同漢瞻追和文待詔壽白

村公詩原

贈兼示說舟準樹秉衡聲虞廢

百壽承諸弟姪

招尋夏淺勝春韶五世淵源祖澤遙魯殿獨存兵火

後秦松不受雪霜凋弓裘似續仍千卷堂構艱難閱  
兩朝三筆六詩同積玉瓊瑤可許報投桃

不老華酒歌爲吳茂舍壽

延陵君子今真儒逃名翫世壺公壺平生嗜華兼嗜

酒以華爲酒誠良圖侯爵得之分餉我不異金醴斟

仙厨延年直可比沆瀣却病豈獨如腐麻一酌使我

宿醒醒再酌使我病骨蘇便疑皺面復光澤頰白已

改鬢鬢髻譬若地黃飼老馬重教騰躍爲兒駒異哉

此花號不老名實乃爾真相符若非神仙親降授誰

秋堂集卷六

四

辨上藥埋榛蕪吾聞燭夜開嵩岳花中有酒如醍醐

又見醉頭化椰子至今漿滿如瓠膚此皆生成托造

化天地好酒良非誣往劫修羅燒帝釋欲釀海水爲

芳醪採採雜花投溟滓香紅豔白同糟餉就中應未

識此種空令烏鹵成鹽鹽神通雖具仙骨少安得快

飲如君乎請君得花多釀酒酒熟漉取相歌呼淮南

八公皆百歲化爲童子仍須臾況今七十若二十未

孩者心健者軀何當更擇社日釀卷荷葉免長函胡

君言重聽頗有益不入耳語何關吾達哉此中有妙



理列仙之儒真酒徒我託重表年孔欄以弟畜我如  
灌夫花晨月夕共勝引酒國熙皞過黃虞健若黃犢  
醒復醉不用靈壽桃枝扶兄酬弟勸甕間睡笑聽好  
鳥提壺盧

次韻酬玉友兼寄安士悔人崑繩禹平寅谷夏  
重叔毅冠文東發若華

幾賦懷沙向汨羅休論倚伏竟如何頭須白去生無  
用要領全來幸已多重把深杯疑好夢快吟佳句洗  
煩病非君筮子招魂魄誰問幽篁帶女蘿

林全堂集卷六

五

其二

丹雞要約歲寒時車笠心期兩自知人命屢驚朝露  
促后張越江相繼長往世情更比夏雲奇誰能咄咄如殷浩自

笑嘍嘍類牧皮欲張吾軍唯數子高飛早借上林枝

聽鶯書屋即事兼寄東臯地故戴顓宅旁有禁蛙池宋天然禪師坐

禪於此屢蛙鳴以朱點其吻至今產蛙皆朱吻而不鳴

望齊門畔叩禪扃画裏層樓俯鶴汀蛙受高僧絨口  
戒鶯留處士砭腸聽壺中頻促蓮花漏窗下閒披貝  
葉經細路如絲深竹外碧雲空憶小車停

贈顧辛峰

平生苦愛二癡詩曾記詩中說項斯却住江村秋水  
外來游山寺月明時愁吟未許分青鏤隱語多慙比  
色絲珍重神交餘廿載誰云傾蓋是新知馮先生班自號二痴  
君題余未申集云蠶吐五采雙雙玉童樹覆寶蓋清談梵宮蓋謂絕好宋詩也

題寓壁二首

選一

武止總是繁華地山北偏宜著病翁儘有煙雲供眼  
底更無硯礪在胸中錢刀似葉經秋兩賓從如鴉散  
曉風別定課程消寂莫推敲新句賦留窮

林全堂集卷六

六

小游仙廿首

選四

六一泥飛九轉煙伐毛洗髓不知年非緣上界多官  
府始向人間作地仙

其二

秘簡靈詮子細論窮探月窟刷天根王郎注易良辛  
苦博得青衣守洞門

其三

冠切浮雲袂剪霞閒騎白鳳過仙家問他借個新茗  
帚要向天壇掃落花

其四

結得工棲谷飲緣石牀孤擁白雲眠夢棺夢穢都無  
味家在清微小洞天

周還梅虞部邀恩南歸遇於虎丘置酒相賀有感

花前霜鬢各飛蓬把臂悲歡似夢中銜索枯魚離鼎  
鑊凌霄老鶴出樊籠枕邊乍醒騎驢客塞上真成失  
馬翁不是君恩深似海秋山那許一樽同

十月望九峰招同貢園墨鳴賓三看玉茗花集

林念莖集卷

七

山塘酒樓

冬淺尚疑秋嘯侶及休暇花擬唐昌春月似臨臯夜  
蕭閒水上樓煩君徵酒炙促坐皆素心歌吹雜號呶  
但恐杯行遲漸見參旗亞憑闌夜色奇倒影波光射  
尊傾拚典衣燭跋屢燒樺引滿起爲壽膝席不容謝  
酒國我分封詩壇君定霸彼哉復何人空以腐鼠嚇  
歸臥碧雲寮幃頭醉忘却

題挾彈圖

挾彈春風駿馬馳莫教錯認五陵兒箇中參取新詩

格正是王筠脫手時

北固晚眺

搔首危亭送夕陽客懷如水正茫茫英雄事去江山  
在書畫名留海岳荒煙火自南環雉堞風濤直北亂  
帆檣金焦頗引清游興咫尺愁無一葦航

獨酌

蕭蕭木葉走僧廊一盞香醪破悶嘗遠道短書勞悵  
望比鄰長笛喚淒涼閒愁易亂如衰草好客難留似  
夕陽只有寒蟾非世態照人沉醉到空牀

林念莖集卷

八

患難之後踰伏山野不與人事耿延平來云都  
門有傳余歿於楚游者月日甚具師友莫不悲  
悼賦此寄慰兼以志感

匿影山隅又海濱賦傳鵬鳥竟何因難酬祝予師恩  
重多愧招魂友誼真同死南豐訛遠信更生中壘只  
前身饑寒贏得添強健却望京華淚滿巾

生朝述懷戲用東坡詩爲起句

白髮蒼顏五十三今年真不負江南窺人新月絃初  
上索笑寒梅蕊尚含纖手玉盤過送菜星橋火樹待

傳柑明朝便有春光到準備青鞵次第探余以正月九日生今歲以十日立春

其二

白髮蒼顏五十三三年海岸早投簪敢從門氏希無  
愠自信嵇生本不堪結伴最宜游退谷干時幸免達  
空函玉堂天上渾如夢莫與癡人子細談中二聯一作敢將頑頓希無愠自信疎慵本不堪好共雲卿游退谷恥如殷浩達空函

其三

白髮蒼顏五十三行吟容易向江潭觸蠻戰處身親

林壑集卷

九

歷蛇犬圍中境飽諳家計無聊憑弋釣 國恩難忘  
夢朝參餘生底事關懷抱多少人曾解左驂

其四

白髮蒼顏五十三 君師恩重轉增慙未離疏僑先  
承寵偶備獲苓亦濫參雨露尚思蘇朽木泥塗終自  
念著簪臣之壯也猶難報况復衰遲漸不堪

其五

白髮蒼顏五十三壯游歷歷夢中諳驪江手捧鸞  
書過子嘗奉使朝鮮閩海身將虎穴探恢復廈門海澄之役子在軍中總督姚公

欲題敘子 大布衣真慙 異數半英雄只付空談欠  
力辭之 伸推却邯鄲枕穩臥屠蘇舊草庵孫思邈居名屠蘇庵

其六

白髮蒼顏五十三免教澗愧與林慙靜聽釀蜜蜂衙  
鬧笑看爭羶蟻戰酣號四宜休安我分宋孫昉號立四休居士  
三不朽讓人談艾歸況有同心約自憲岩棲野性堪  
石門吳肯壇侍御嘗相期年至五十便當解組築艾  
歸之堂以娛老侍御未及艾而歸子則適當其時

其七

白髮蒼顏五十三班荆相慰愧朋簪蓬生幸得因麻

林壑集卷

十

直水淡從知勝醴甘同調素兄兼灌弟比鄰周北與  
張南素絲撲滿勞頻寄剝把歸田錄共談

其八

白髮蒼顏五十三殘編時發枕中函書淫自愧非劉  
峻傳癖人還比鎮南枉祭長恩鑽故紙不成脉望笑  
枯蟬料無餘事堪驅使只有吟唔秉燭堪

其九

白髮蒼顏五十三吾衰甚矣興猶慙有明月即連宵  
坐遇好花須冒雨探吳體俳諧聊撥悶村醪斟酌也

成酣少年豪氣消磨盡休拂塵封舊劍鐔

其十

白髮蒼顏五十三任將倡樂議桓譚銀泥勘譜偷聲  
度玉手藏闔對局探花下採珠還拾翠酒邊墮珥雜  
遺簪逢場便作天魔舞竿木隨身且放參

其十一

白髮蒼顏五十三關心幽事老尤耽種魚經就溪翁  
乞鑿樹方留野客談退筆叢殘分作冢異書鈔撮合  
成函間中自懺多生業已斷嗔痴未免貪

其十二

秋室集卷六

土

白髮蒼顏五十三勞臣舊第俯澄潭

先中丞當明思宗時嘗蒙勞臣

之褒舊額猶存千尋綠暗雞栖樹十笏清幽燕子龕椎髻尚

留提甕婦蓬頭却笑卷書男壘鹽別有團圓話便算

人生蔗境甘

過彥方丈瑞年各出酒共飲花下同大年戡宜

冰撥宗子

是日就彥方壽藏席地微飲故有六句

春林初聽鳥相求最愛鄰園水竹幽雙屐乍移來舍

北一尊還喜過牆頭花如和靖亭邊好人向王官壩

裏游爛醉共眠芳草地不知何處著閒愁

婁江舟中

織女祠邊江岸迴蒲帆恰受午潮催小桃花放笑春  
晚新燕子飛衝雨來身老未輸黃犢健心閒猶恐白  
鷗猜此生久作虛舟觀一任旁人挽復推

湖上雜題次沈恪庭韻

重向蘇堤賞老春画中風景夢中身青鞋布襪來同  
調山色湖光是故人醉眼易迷黃葉亂機心久息白  
鷗馴抱琴坐愛高樓晚十二橋西月又新

其二

秋室集卷六

土

結伴遨遊每戴星南屏踏偏又西冷銷金剩說前朝

水飲綠難尋舊日亭

見石湖集

霜後柳如眠未起雨中山

似醉初醒浮生擬向湖邊老新買煙蓑別樣青

寒曉書感

衾鐵稜稜近五更霜華偏射破窗明蝸粘塵壁留蟲

篆鳥下寒汀作鬼聲梳酒竟無通夜力綈袍徒有故

人情

何梅莊為子製衣

重溫三十年前夢卅角曾煩節使迎

子幼時曾謁佟瀝白先生於此

和來譽庭陰小憩次原韻

能於執熱得清涼坊陌何妨近正陽肥馬空教塵瀕  
洞幽花不逐絮顛狂響泉琴挂朱絃靜騎火茶分紫  
筍香多少勞勞冠蓋客機心到此一時忘

其二

簾波不動簾紋涼散帙分題送夕陽自向閒窗耽傳  
癖任他熱客笑詩狂留人缸泛中山酒辟蠹書熏外  
國香剩欲從君溫舊學師丹無那老多忘

其三

故鄉水竹好追涼應悔衝塵走洛陽齊贅滑稽空自  
笑楚歌郢曲爲誰狂分龍雨過楊梅到船趕風來齒  
舊香料得清宵歸夢數黃姑灣裏路難忘

其四

欸段過從及早涼冰壺相映失秋陽君偏念我貧非  
病誰復容人老更狂幽砌雨添書草碧矮屏風遞墨  
花香客愁難倩萱蘇遣每到高齋得暫忘

畢爾榮生日餉以尊酒戲東

貴得鄰家下箸堙爲君揚解祝長庚英雄方肯安貧

賤邊塞初聞洗甲兵過節寒花千蕊綻隔宵新月一  
鉤生濁醪妙理無人會且共陶然醉太平

元朗招同漢瞻顓木友鹿德尹赤抒大臨蕉飲  
亮功拱樞揚孫爲消寒之集分賦得北酒

昔我初游燕南酒價方長泥封開一甕白金逾一兩  
利在衆所趨販者日浩穰以茲貴反賤北酒乃見賞  
謂言南酒醖不若北酒爽尋常杯鐺間遂有甘陵黨  
吾本類直人不作分別想今來值窮冬禦寒缺鶴觥  
流涎過酒家瓶罌壓車輶滄房深易剝青帘互標榜

入市命便了數錢不盈醵鴟夷何滑稽實歸愜虛往  
溫以楫拙爐細作松風響乾尊縱鯨吸意氣得豪上  
融如陽和迴春光播駘蕩快如倩鳥爪耙背失悶癢  
風力利於刀雪花大若掌賴此軟飽餘寒威失其強  
乃知北酒力足敵執燧象吾爲策酒勛欲與盟息壤  
南北雖異宜猶魯與邢蔣或重性情醇或矜氣個儻  
合之則雙美雪堂法可放便須作義尊傾注同一盃  
水火息分爭尋尺忘直枉拍浮了殘年陶然醉鄉廣  
詠冰豆腐同東田君山分得覓字

豆腐日用需措大性所癖或云鴻寶術神丹寄液瀝  
因之遭三劫冰雪坐凌轢遂使柔潤姿堅剛若瓊甌  
沸釜賜湯沐乃得奏刀暮蜂房紛嵌空敗絮糝羶歷  
肥釀及鹽鼓調和視所適能令老饕夢兩杖痛自擊  
吾思寒威嚴萬彙莫與敵瓶罌豐且岐頑礪磷以泐  
區區煮豆餘能不敗乃績孰知因其敗反獲薦鼎鬲  
吾如遭凍蠅又若退風鵠釜中欲生魚舍爾無可喫  
看囊餘一錢倍之即易覓願爲淡若交歲寒共岑寂  
題曹希文我與我周旋圖

林奎堂集卷

五

不辨陶公形影神丹青游戲與分身情知嗜古耽風  
雅世上元無第二人

其二

月下醉醒三太白水中心聚散百東坡拍肩把袂相隨  
去如此良朋一個多

寓長安胡將軍宅堂甚軒敞獨不宜於冬澄溪  
假余布幕施於右偏以爲臥室自題簾旌

吾生若楊花托根不著土爲萍逐水流何異因風舞  
水或遇坎停即是萍住所瑣碎等魚鱗根荻亂絲縷

因依蘊藻間欣欣慶安處所居諒匪久苟且亦無取  
既適坐臥便敢憚經營苦緬懷郭有道驅車過逆旅  
信宿必掃除吾亦猶行古

其二

一昨解鞍馱三伏炎蒸時稱意得小堂薤簟當軒施  
前除交綠陰北牖來涼颼流光疾如矢明月四五虧  
向來所欣快淒清異時宜好友同飢寒貽我大布帷  
周防拒朔吹南榮納朝曦盎然病骨蘇不假求秦璧  
因之感移奪三復羽扇辭

林奎堂集卷

六

其三

匹布聯若帆橫截界空濶明堂左个開漢土三分割  
其外羅客牀其中即閨闈近窗安棊几就地燃楮拙  
寒消酒盞深煖逼硯池活垂簾當閉關塵務資式過  
有如坏戶蟲又類蠹木蝎旣以靜見聞且欲事鈔撮  
幸恕老夫慵無爲苦相聒

車中連日遇雪即事用蘇韻

誰將綵仗闌穠纖玉節珠幢隊仗嚴穆滿築臺元是  
壁修羅釀酒却成鹽先春早見花飄樹亭午翻驚月

照檐小草似知生意動燒痕黑處強抽尖

是日方迎春

其二

平鋪岐路失三鴉不用重迴阮籍車怒馬踏開盈尺  
玉飢禽啄散滿林花茶爐豪讓將軍帳飯甕歡騰野  
老家自笑灞橋詩思短眼看飄瞥手頻叉

其三

隨風度隙白纖纖却恨擅帷裏未嚴入耳有聲非是  
雨到頭無味不如鹽紛紛漸欲封車戶片片時來撲  
帽檐簾下一駒增局促低垂唯露耳雙尖

林至堂集卷六

七

其四

隊隊畦東種麥鴉凍僵那復避行車且將農事占三  
白空記朝末點六花海上餐檀曾奉使春來蹟面莫  
思家只看玉戲縱橫甚應識天門少夜叉

其五

剪水裁冰恨太纖身輕無那朔風嚴似敲蝶板頻飄  
粉欲引羊車競灑鹽宿莽凍深埋麥隴修篁壓重亞  
茅檐南山比我頭先白不放青螺透遠尖

其六

如轡輪聲軋復鴉翻疑放艇忘乘車雖無道韞同吟

絮却有毘耶與散花銀色界中尋客路鏡光天外見

人家竹弓彈粉誰能解寫作新圖挂画叉

王叔明画  
岱宗密雪  
圖以竹弓  
彈粉爲之

其七

迴風態學舞腰纖却惹寒威分外嚴馬倦懶歎皇澤  
玉車遲疑負太行鹽歸鴻欲下迷平陸凍雀難飛聚  
矮檐幸有蜀薑堪煖老芳辛縷切淺紅尖

其八

林至堂集卷六

八

九轉丹成翫白鴉繽紛偏傍旅人車飄來玉刻霜林  
葉落處銀飛火樹花梁苑簡空懷往事剡溪舟欲訪  
誰家羨他猥騎凌風去霹靂弓聲試免叉

其九

曉來霜淞落輕纖風力如刀未解嚴望去林塘皆曳  
帛裝成牙爪即形鹽銀泥漸軟開車轍氷柱爭垂滿  
屋檐經凍褚蘿添瑟縮敝貂孤擁面逾尖

其十

同雲解駁湧金鴉滕六終須避日車漸許松迴霜後

翠遙憐梅試臘前花幾人能念袁安臥昨夜誰臨趙  
普家苦憶江鄉春水活便拋馬策挺魚叉

新春復雪再疊韻

鵝管輕明鳥毳纖未消積素凍逾嚴方圓任地成珪  
璧細碎疑天耐米鹽浪說春光迴舊臘尚遲晴旭照  
前檐欲憑金剪催花發多恐寒侵玉指尖

其二

寒光未曉射檐牙似妬尋春繡幃車豈有星榆還落  
葉忽看霜樹又生花吟成白戰傳詩老價長青錢負

林彥集卷

九

酒家縱是北風圖画好莫教重展玉鴉叉

其三

爲愛飛雲密復纖寒帷不避朔風嚴水非天上皆銀  
漢山豈巴東盡白鹽積徧平疇難覓路埋將矮屋漸  
齊檐寒光遙映千林表玉砌浮圖百尺尖

其四

琤琮凌澤響衝牙白鳳銚安引素車不信有人皆傳  
粉最憐無樹只飄花火中銀鋌仙娥術月下瑤臺阿  
母家何似寒威消一醉瓊林深處酒旗叉

庭中秋花四絕句

抹麗閨闌索價昂愛花空切笑空囊玉簪不用多錢  
買也得書窗夜夜香

其二

水荑解結三秋穗木槿唯矜一日榮慣向江鄉籬落  
見長安花市買人爭

其三

牆陰珠露濕嬌紅態比春林更不同葉似衣裳花似  
面可宜相對白頭公

林彥集卷

十

其四

瓦盆月季久離披勉強開時一兩枝恰似松坪老居  
士篋條籬肚苦吟詩

題余鴻容香奩詩

長年木落少心情甘首詩中百感生但見才人嫁厮  
養幾逢名士悅傾城口銜石闕元難語夢託蘅蕪竟  
未成剩欲題襟題不得一篇篇是斷腸聲

移居古藤書屋和雲岡原韻

一枝許寄即吾廬莫笑生涯瑣蛄如堂駐 翠華傳



太傅留銀榜憶尚書劇憐晨夕來同調免向江湖  
念索居暫得倦游相慰藉已愁清福暗消除

其二

就來老屋等遠廬便覺寬閒廣厦如隙地待添新種  
藥明窗好勘舊修書未論公瑾能推宅已勝湘纍賦  
卜居看取小春霜月下龍蛇交影動前除

其三

吾亦辛勤得此廬雲龍君便孟郊如聯詩詰屈爭疆  
韻隸事紛綸檢僻書朝市敢希稱大隱春秋莫漫感

快堂集卷六

主

閒居呼童且縛苔華帚一室低頭共掃除

其四

昨夢微茫記直廬誰憐消渴老相如曳裾依舊長爲  
客珥筆惟愁不中書甘向縹緲成脉望敢期鐘鼓樂  
爰居戲拈印史占佳讖第一先教痰疾除

其五

驅舫先生此結廬忘年念我弟兄如尋詩歸晚常連  
榻載酒來頻許借書春渚桃花牽遠夢秋風蕤菜悵  
離居當時醉態誰能記剩有青藤架未除

其六

何必南山歸敝廬閒門新闢故園如坐迎暖日冰消  
研行想濃陰綠映書歛戶每停高士駕閑關真作野  
人居地爐火活朋尊滿且共陶然樂歲除

題王阮亭先生琴嘯圖

閒吟輞川詩結想輞川境先生坐悠然心跡兩幽糞  
橫琴罷揮絃長嘯蘇門更希聲徽軫外餘響鼓吹競  
修簞交好風檀樂孤月映是中足逍遙幾忘事朝請  
誰知巖廊間自愜煙霞性披圖一神往頓覺心地淨

快堂集卷六

主

論詩陪夜直遠謝襄陽孟庶附崔裴徒從游和高詠

南邨五十

少日同將遠大期君年稱艾我稱耆斯人不信垂垂  
老往事何堪細細追江左才名原獨秀漢廷經術有  
專師於今却笑無嚴助忍見稽山拜守遲

同園雅集分賦金雀花

卑叢何青蔥春來吐黃萼翩翩具翅尾但未飛且躍  
何年美人釵尋芳習林薄采采將誰遺持飼報恩雀  
次韻送雲岡兼寄霖說用舟及羣從諸昆弟

因依半載共蝸廬蛩駟相須尚未如忍向短亭斟別  
酒愁看行笈裏殘書曲高人盡難爲和米貴吾方不  
易居離緒直同春草亂憑誰鴉嘴爲芟除

其二

歡笑都忘在客廬解憂賴爾杜康如每因衝席常聯  
轡曾爲移家共載書琴愛落霞彈正息賦傳雌霓賞  
郊居右軍別後興公嬾不向蘭亭更祓除

其三

愛爾城南修竹廬菩提雙樹畫難如紅牙慣向花間

秋至堂集卷六

五

聽粉壁猶留醉後書輞水倡調無俗客陸家兄弟本  
同居懸知華萼清歡夜只有停雲感未除

其四

難兄高臥舊林廬殉友忘身古孰如可但交情空紆  
縞直將道力驗詩書相期鳥亦爲同命却笑蟲惟愛  
寄居傳語慰君還自慰十年黨禁已全除

其五

門巷爭誇五鳳廬烏衣馬糞古今如百年科目傳家  
學兩代絲綸拜 賜書箕尾忽歸悲國老煙霞莫久

戀山居金刀世業期重振好共鳴珂上玉除

其六

誰能久不念田廬匹馬春風未得如迢遞空勞牽旅  
夢平安憑爲寄家書老拋鄉里同周甲貧刺僮奴共  
僦居早晚纔完鉛轡事歸帆相訪勝銓除

四月十二日起 暢春苑散館 御試恭紀兼

呈新舊館師

御苑風薰畫漏長相將橐筆柳衙旁枯株再被陽春  
澤老女重爲時世妝劉井柯亭多故事殷兄張丈少

秋至堂集卷六

五

同行館中同年三人長於余者唯葉亭耳 九重欲賞凌雲賦曾有何

人夢衣黃

其二

分班宣喚閣門開引對延英又一回得仰 眸容瞻  
日近頻傳 溫旨自天來引見時蒙 皇上諭館師  
云某學問最好又諭中堂  
日某肯讀書 書生却愧真非分 明主何曾棄不才  
人所難及

二十六年 恩未報髣雖成雪敢心灰受知 聖明  
已二十六年

題陸開情槎溪藝菊圖次西陂竹垞二公韻開

書以好義  
與子同難

傳延年可制顏齡養志深心見過庭歲種寒香三十  
暖劉蒙譜當竟陵經

其二

辛勤穀雨分秧遠繹絡重陽載酒來在莒願君心莫  
忘山塘五月見花開

辛未年始  
見夏菊

題杜紫綸花雨填詞圖次原韻

画小山落花人  
獨立微雨燕雙

飛詞

銀泥勘譜付華奴

元微之詩浙  
花奴習

顧曲風流入畫圖莫

快在集卷六

主

倚白衣卿相貴早來金榜聽勾臚

其二

減字偷聲子細知蓮鴻嚶唱補亡詞小山昨夢分明  
在羅扇蠅頭減酒時

其三

簾波詠偏帝城春結習雖除綺語新今日妝樓絲雨  
外不妨添箇散花人

君新獲麗人即春初  
為賦簾波詩者也

三月詠殘杏和丹思堦韻

柳眼初窺蠟蒂新

温飛卿詩融  
蠟作杏蒂

無端輕逐馬蹄塵喚

回博士歸來夢  
柯丹正為博士時虞集作風入松詞  
寄之有報遣先生歸也杏花春雨江  
南減却尚書句裏春  
宋子京以紅杏枝頭春意  
關得名時號紅杏尚書  
偏沾聞喜酒半飄還比卸妝人天公別有催花鼓判  
斷何曾愛笑嚬

秋左堂集卷六

後學金惟駿叔良

外孫程宗傳說嚴校

秋左堂集卷六

主

往余在都下謁松坪先生於古藤書屋首問作詞之法先生教以當學樂笑翁因舉只有空山近來無杜宇歎爲文外獨絕并述樂笑警句奇對與陸輔之詞旨互相發明余退而讀樂笑詞其源似出於淮海清真而旁及於玉局青兕後則變化於白石梅溪竹屋迨與同時之夢窗花翁草窗碧山日湖二隱山村學舟薰習最久清空騷雅直可與白石並驅不獨得音律之學於楊守齋徐南溪也及取先生之詞讀之其別花餘事則絕似東山東堂小山淮海其梅泚詞則又旁及於青兕而變化於樂笑其清空騷雅駁乎可追樂笑矣余三十年前從先生案頭鈔得梅泚詞藏之篋衍今先生外孫程說巖謀與余付之剞劂命予序之予學詞五十年毫無進步讀梅泚詞深有愧於師門之緒言也受業樓儼百拜

原序

讀文章而有情知其忠孝人也自左徒美人香草而後後之忠孝之士若杜工部李供奉蘇端明黃涪州辛制置之屬或托於詩歌或見於詩餘小令體裁不同此物此志爾故文章之道最尊上自謨訓疏奏箋表之類降而至於詩餘小令何異公侯五等之尊下視輿臺皂隸之賤也哉若夫宣其忠孝懇惓不得已而安之若命之心則疏奏箋表猶之冠冕黼黻之尊且華而詩餘小令猶之中裙單絞之賤且褻也夫其服愈嫚去體愈親其服愈賤其被愈廣此詩餘小令之作雖褻且賤而其製有不可廢耳孫子愷似所稱忠孝家兒也其祖中丞公自請纓開閩終身不忘爲國喪元之志而其下編裨廝養皆能以其材伎勇健樹勲名而建大業宜乎愷似之心益悲以深益壯以婉淒以切折而出於詩餘小令之作如羌之笛聞之砧令聞者讀者爲之黯然而銷魂悲哉而奪氣也士生菰蘆中讀書養志有所懷抱不得托之賈疏董策以稍申其痛哭流涕之情其所遇又多舊國舊都瀕

洞風塵之感宜其顛倒爛熳自托於滯哀曼怨而不  
辭其要歸於搖人之心動人之骨而彼亦不暇自知  
之而不知者方以謂近於婦人女子之音而傷學士  
大夫之概何異不痛者視痛者之呻而怪之也哉箕  
子曰欲哭不可欲泣謂其近於婦人夫天下微言要  
道高而及之聖人則每每至於嚴冷無言而止而夏  
之日冬之夜桃之灼灼柳之依依以及死生契濶異  
室同穴之情必至於婦人而後能極其學士大夫之  
所不暇言不能言者雖聖人以爲不及而亦不可棄

秋左堂集卷一

二

秋左堂集卷一 別花餘事

嘉定孫致彌愷似填

滿江紅 金治文四十初度

春到花朝漸九陌煙光似綺看嘯傲東山安石年華  
如此四十功名輕杖節三千賓客爭投履羨隱囊塵  
尾擅風流神仙侶 琉璃匣銀鈎字珊瑚架金荃製  
借酒兵澆盡胸中礪礪廣厦萬間歡杜老汪陂千頃  
思顏子笑當年不免爲蒼生徵書起

蝶戀花 送春

秋左堂集卷一

九十春光歸太速畢竟人間有箇春歸處忍淚問春  
春欲語春歸即在愁來路 春去愁來無計度打點  
心情索性隨春去訴與春光春亦許無端又被愁留  
住

滿江紅 漫形敬和岳忠武王韻

清淺蓬萊揚塵處五雲消歇歎一霎崩濤鼎沸罡風  
猛烈金翅餐龍頻劈海玉蟾騎兔還吞月向九關叩  
額幾時通丹心切 木石恨何年雪樓臺影須臾滅  
歎囊中七寶難修月缺幾處霞沉龍虎氣千秋碧湧

蛟螭血白虹飛魂繞舊仙山金銀關

浣溪紗

花底相逢一笑狂冰綃如水玉肌涼銀塘名字愛鴛鴦  
譜就偷聲教弄玉傳將小像刻沉香一春贏得  
費思量

滿江紅

夏日過箕野即事賦贈

綵筆烏衣美早歲休文聲價點綴些隱囊麈尾風流  
如畫景滌芳蘭仍馥郁宗之玉樹何瀟灑喜清心相  
映皎冰壺渾忘夏揮毫畢彈棋罷竹几旁湘簾下

林雪堂集卷一

二

想紅牙頰曲周郎流亞臺上瓊簫吹引鳳陌頭珠勒  
看盤馬待他年八詠繼東陽凌顏謝

鵲橋仙

七夕次張西又韻

瓊牕月瘦銀河波淺慵把春山黛掃多情多感為聰  
明願還却天孫餘巧金壺漏促璇宮夢短一霎佳  
期過了天孫若是巧偏多看夜夜渡河須早

前調

代

哭花情緒破瓜年紀多少閒愁未掃尋思無計可消  
除只索向天孫乞巧命薄於花愁濃於酒悔殺小

時了了傷春纔罷又悲秋也只為鍾情太早

前調

代

歷歷榆星溶溶桂月誰把瓊樓重掃經年纔得一相  
逢應反向人間乞巧夢為愁繁歡因別減絮語臨  
風未了不如淪謫在黃塵羨繡閣合歡早

浣溪紗

綃帳寒輕麝腦濃銀床冰簟玉肌融守宮多事褪春  
紅憐我病餘添護惜帶人嬌處小惺忪驚疑渾似  
夢魂中

林雪堂集卷一

三

前調

次韻和余潛心徵君五十自壽四闕

白髮平頭五十人原倡起用白香山句金門大隱是前身雷車  
閒棹婉衿嗔紫府餐霞勝白墮紅泉泛屐笑玄真  
碧桃花下又千春

前調

白髮平頭五十人忘機魚鳥亦相親生花才子司呼  
花神此日扁舟依茂苑何年雙劍合延津東山絲  
竹小經綸

前調

白髮平頭五十人魚龍蹤跡避風塵麻姑書信往來頻  
盧女門前芳草合臯家橋畔落花春頑仙文伯  
醉鄉民

前調

白髮平頭五十人一生詩酒見天真湖山隨地寄閒身  
天上琪葩仙種貴月中瓊樹艷歌新名花頃刻  
酒逡巡

菩薩蠻

芙蓉浥露銀牀冷月華涼浸真珠影夜夜深時花

懷堂集卷二

四

間頻夢伊夢來留不住夢去無尋處憶夢不成眠  
蛩霜泣曉天

浣溪紗

碧慮屏深月幌新蘭膏猶旁枕函聞玉簫聲斷奈何  
人好夢未成眠未穩最難消遣是黃昏從他薄倖  
也消魂

前調

紅浪濃香鵲尾薰碧虛清影月鈎分關心無那意中  
人才合眼時先入夢細思量處暗銷魂梅花小帳

喚真真

滿江紅

用曹顧菴學士湖上偕和韻送徐子懷之廣陵謁雷侍御同大年作

花月春江曾放棹碧流初漲憑問訊紅闌橋畔簫聲  
無恙玉樹新聲縉月下瓊花別種移天上想樊川小  
杜艷情多誰堪餉再楊岸蘭舟漾梅花解蘭箋唱  
蕙追陪柱史笑傾家釀寄遠漫題青玉案登臨共倚  
紅藤杖記平山山色有無中今何狀

蘇幕遮

玉蟲消金鴨冷雲幙沉沉隔斷嫦娥影莫道書生還

懷堂集卷二

五

薄倖中酒悲秋併做相思病翠衾單銀漏永悄喚  
卿卿少箇人兒應信是書生真薄命好夢無端也被  
風吹醒

醉春風

酒後有寄

繡榻花香細銀荷燈穗墜璧人密坐泥金卮醉醉醉  
纖手親携低聲細勸怎生不醉閒却鴛鴦被費盡  
珍珠淚瑣牕明月悄窺人睡睡睡衣上香濃枕前寒  
峭怎生得睡

醉花陰

小閣燈青微雨後紅影輕寒透寶枕夢難成酒醒香  
消依舊愁時候無端翠瑣雙眉皺淚染芙蓉繡人  
靜瑣窗寒兩箇傷春一樣相思瘦

玉蝴蝶 秋柳

一夕金風吹遍蕭蕭楚楚葉絲絲目斷煙消灞岸  
月冷隋堤點寒鴉孤邨流水送社燕遠樹斜暉繫相  
思疎砧翠幌怨笛金微休題有人惆悵一番搖落  
多少淒其夢斷魂銷多情多感慢題詩峭風霜禁持  
此日好鶯花辜負當時譜新詞莫將憔悴說與春知

蝶戀花

密約難從花下訂夢裏相逢料得卿須肯不道夢中  
還薄命卿來我去渾無定卿夢未來我夢等我夢  
來時又恐卿還醒安得蘅蕪香一餅相携踏盡梨雲  
影

千秋歲

題畫壽佟滙白中丞

溪山窈窕泰谷春光好泉石潤煙雲繞千重嵐翠合  
一道松風曉高臥處只愁又是鸞書到蕭相功成  
早整頓乾坤了過幾度中書考東山安石伎洛社耆

英老人共醉年年春色瀛洲島

點絳脣 旅中苦雨

倩酒消愁醉鄉却有愁先住不如歸去免得愁相遇  
縱使歸家不是無愁處偏相妒蕭蕭風雨慣把歸  
期誤

望江南 次沈箕野韻

人去也春好畫圖中金屈戌流花影月玉闌干殢柳  
絲風驚轉謝娘慵

前調

人去也簾局峭寒新簾外春光簾下淚惜花人似夢  
中人怎地不傷春

前調

人去也芳草畫樓前拾得沈郎腸斷句送行人淚落  
花天春恨又今年

前調

人去也人去夢難留半夜酒醒垂柳岸一聲長笛杏  
花樓樓下水空流

四換頭



同心雙姊妹絮語珠簾內話到合歡時紅潮各自低  
低頭閒自忖此際教儂怎驚喜又驚疑春風到玉

兒

殢人嬌 和張越九仿東堂體

春瑣寒窗紅珠小帳正兩地消魂一樣並蒂蘭花殷  
勤寄餉算今朝已在那人頭上芳草青迴晴波綠  
漲空夢斷渡頭雙槳朱樓春好休施簾障待柳外花  
陰片時偷望

浣溪紗

林在堂集卷一

八

艾納薰篝擁被池暖香留倦覺來遲春情無主落花  
時燈暗愁吟珠錯落笙調恨譜玉參差綠窗明月  
夢如絲

南歌子

同大年鄰園訪舊

青瑣重門掩流蘇小帳遮繁花如繡柳陰斜又是銷  
魂時候到君家鳳子偷黏粉鸚哥促喚茶盈盈水  
雪映窗紗不捲水晶簾箔對梅花

歸自謠

風流業多謝朦朧花底月潛身捱到昏鐘歇珠簾

欸揭心猶怯無多說雙雙含笑吹燈滅

滿庭芳

蛤枕寒輕鵲爐香煖柳絲深鎖妝樓春醒未醒鸚鵡  
喚梳頭正是海棠睡足扶不起一片春愁雕闌外楊  
花燕子肯爲玉人留朦朧尋舊夢水晶簾下曾共  
綢繆任豪犀塵滿鬢柔慵收漸老蜂黃蝶粉更何人  
識取風流還自勸休將閒恨感損遠山秋

菩薩蠻

賦得綠窗花影

林在堂集卷一

九

梅花春鎖層層雪瓊窗冷浸娟娟月花月兩徘徊玉  
人來不來屏山欹蛤枕今夜霜華緊無語斷腸時  
月斜花影移

點絳脣

賦得望陌頭楊柳

無限韶光離情只有垂楊綰枝頭風煖一夜黃金軟  
有箇傷春人在深深院珠簾捲闌干倚徧目送飛  
花遠

薄倖

和合肥公韻

娉婷小市試單衫輕黃杏子倚雕闌香肩低拍願做  
今生鄉里最無端幾箇黃昏梅梢柳外春如此縱草

解忘憂花能銷恨又被鶯聲喚起 玳瑁雙棲海燕

怎做得蜂媒蝶使怕帶眼頻移琴心難訴桃花消瘦

菱花裏春光有幾算芳心一寸結成千穗丁香紫桐

花么鳳拚似伯輿情死南史張彪呼其妻爲鄉里

滿江紅 春遊次箕野韻

吳苑春深端不羨桃源梅冶點綴些柳梢酒旆花陰

舞榭嫩綠池塘爭放檝軟紅泥土看調馬甚續紛蜂

蝶繞蟬衫黏蘭麝 闌干外秋千下圍棋倦吹簫罷

笑東風桃杏等閒偷嫁壁月慵繡江令曲遠山重昵

秋聲集卷一

十

張郎畫道釵梁新喜在明朝蛛絲掛

虞美人

青橋半捲花枝動蝶翅酣香重曲闌紅映綠波中又

是一聲鶯囀落花風 海棠午倦眠初足扶起眉峰

感水晶簾下儘思量獨自倚樓和夢送斜陽

摸魚兒 春暮

問啼鴉干卿何事催他春色遲暮驚迴一枕梨雲夢

輕逐春光同去無覓處但目斷萋萋芳草濛濛絮留

春且住又無那黃昏妒花風緊花落不知數 春去

路紆障千重難護多情偏惹愁緒添香重禮旆檀像

暗祝傷心一語顰眉嫵只願得無情免似多情苦瑤

臺月午看花影簾前如聞歎息也把斷腸訴

望海潮 和合肥公用宋韻

落紅如雨楊花飛盡春光只剩今宵斜背銅釭半欹

珠簾鏡中人影苗條寶袿褪纖腰奈愁偏昵要醉不

勝嬌獨倚朱闌紫簫吹斷月明橋 多情慣惹無聊

記銀箏勸譜瓊夏爭標酒態天斜睡情綺旎魂消昨

歲花朝青鳥信迢迢望碧城何處弱水何遙一寸相

秋聲集卷一

土

思捲成千疊小紅蕉

鷓鴣天 和廣平先生

畫裏風流夢裏神明珠爲價璧爲人鴛鴦社煖瓊簫

夜孔雀屏閒繡帳春 芙蓉秋石榴裙凝情小閣耐

斜曛東風偷送春消息豆蔻濃香隔幌聞

沁園春 漫興次王阮亭先生韻

小院春晴新桐初引清露晨流歎不律有神塵封五

簾太阿知我苔繡雙鈎文擬擲金隱須漱石衣被還

期遍九州空侘傺負前身許掾小字留侯 持螯弟

勸兄酬且消遣雄心大白浮縱胡粉帽頭干卿何事  
唾壺如意謂我何求劍客要離酒徒蔣濟來往須教  
似信鷗傾家釀拚成都市上典鷄鵲裘

前調

我欲避人愚公之谷華子之岡便單絞岑牟世皆欲  
殺虎靴桃杖自謂非狂勝作頑仙當須慧業貞白先  
生眼漸方涼風好且北窗跣脚一枕羲皇 白波墨  
瀋淋漓笑顛顛當年盛孝章漫授簡梁園才非枚馬  
扶筇將徑客是求羊扮演天魔插身丑淨竿木隨身  
戲一場回頭早只清微洞府元是吾鄉

林奎集卷一

主

賀新涼 賦別

柳月窺蘭席對離樽猛然長歎喚聲堪惜脉脉相看  
無一語怨殺萍蓬蹤跡忍辜負花前片刻有幾相逢  
旋送別拚青衫消受紅冰濕且爛醉金釵側 浣花  
箋紙桃花色譜新詞殷勤寄語征途將息夢裏不知  
人去也要問歸期端的又只怕鱗鴻難覓明日關山  
今夜酒黯銷魂同並闌干立芳樹暗暮雲碧

玉蝴蝶 舟中讀箕野贈行作次韻奉酬兼寄曉思大年

此夕離情何似飄零飛絮搖漾遊絲回首江城漸遠  
綠柳長堤映疎簾青山倒影迎画舫碧樹斜暉最相  
思詩才謝朓画筆王微 休題無邊客路無窮別淚  
無限淒其酒醒燈昏無慘空檢斷腸詩暖風香棟花  
開也清音暗榕葉濃時寄將離休教別夢遠向天涯  
南史王微自言吾性知画  
後人誤為摩詰語非也

念奴嬌 西湖坐雨

小樓如画對瀟瀟暮雨朱闌重倚山翠湖光煙霧外  
西子朝酣未起月棧收燈花橋罷舞淨把鉛華洗何  
人解識西湖真色如此 休問桂子荷花興亡多少  
一片空濛裏人與湖山俱是夢贏得閒愁如水蘇小  
墳邊岳王祠畔兒女英雄淚千鍾若下今夕為君沉  
醉

林奎集卷一

主

水調歌頭 登湖心亭

蘭葉隨風去飛閣倚晴空檻外湖光如鏡螺髻繞諸  
峰隱隱紅樓紺宇歷歷雕鞍画舫倒影綠波同拍手  
吹橫玉長嘯一樓風 棟香暖梅雨歇柳陰濃画圖  
遠近不知身在水雲中喚起大蘇蘇小携取金蓮金

樓同醉水晶宮何似瀟湘曉一片白雲封

漁家傲

香鴨箭濛銀箭永杏煙濕髻梨雲冷春夢如絲飛不定誰驚醒水晶簾外芭蕉影人面如花俱薄命春風幾日紅相映一夜落花和雨聽鶯紗靜等閒添上相思病

江城子

五月福州道中舟行見柳絮作

多愁生怕絮漫漫到春殘淚頻彈開遍葵榴人過九龍灘正是嶺南風土異榕樹暗荔枝丹驚看晴雪

林奎集卷一

南

散炎天帶蠻煙舞風前回首隋堤吳苑一淒然賺我傷春前日淚重灑透越羅衫

江城梅花引

榕城飲席

乳蕉花底遇卿卿似多情似無情手撚花球獨自繞花行輕拍香肩呼小字偷送眼又斜身倚繡屏繡屏繡屏背銀燈酒漸醒月漸明去也去也撇不下秋水盈盈拚得今宵魂夢殢園亭只恐書生緣分薄今夜雨滴梧桐夢不成

東風第一枝

丁未試燈日立春效梅溪體何匡山少叅坐上賦

柳眼偷窺蘭心暗動珠簾深處寒淺小樓昨夜東風綵勝宜春乍剪星橋火樹恰映著黏鷄貼燕喜扶頭婪尾初醒幾處燈街影亂纔逗得春光一點早圓了銀蟾一半裁紅暈碧心情明月暗塵庭院酒旗歌板把兩樣風光齊占還準備挑菜青鞋過了燒燈消遣

秋左堂集卷一

秋左堂集卷一

主

吳鉞典成

後學錢元台彭齡校

戴范雲機又

秋左堂集卷二 梅汧詞上

嘉定孫致彌愷似填

行香子

小小房櫳陣陣東風恨韶華直恁匆匆詩囊畫卷茗  
椀誰供有輞川人樊川子玉川翁 花謝樓東人醉  
樓中帶梨雲倦眼朦朧斷腸曲子還與誰同似張三  
影柳三變應三紅

南鄉子

花下小紅橋醉昵朱唇暖玉簫並倚香肩低按拍魂  
銷惹得餘香在錦袍 消息又花朝麟帶蟬衫總寂  
寞想得那人春睡起無聊羞把腰肢鬬柳條

調笑令

昭華小史十五餘一生花底花不如喬家碧玉妒  
不得金篦秋月眠甍甍可憐流落吹簫處西子湖  
頭寒食路陌上花開緩緩歸雙雙携手求仙去  
仙去消魂處羊車芳草西泠渡鄂君青翰今何許綉  
被春寒暮雨相携好向天台住並蒂玉桃分與

虞美人

惜花忍見花成陣淚眼先偷搵玉窗風雨又瀟瀟拚  
得輕魂特地為花銷 枝頭百舌無言語也到傷心  
處多情多感易傷春願得來生做箇薄情人

浪淘沙

把酒勸飛花且住為佳秋千牆院綵繩斜畢竟蛛絲  
留不住飛過檐牙 簾外即天涯休掩鸞紗春心一  
點落誰家只有綠楊金穗好依舊藏鴉

高陽臺

燕剪裁煙鶯梭織雨晴絲難綰春光又是清明匆匆  
蝶粉蜂黃軟簾深掩東風急繫柔腸搖曳垂楊倚闌  
干多少傷情一片斜陽 章臺往事怕思量奈蘼蕪  
好夢還帶紅窗飛盡桃花負他前度劉郎芭蕉漫捲  
心千疊解不開百結丁香最無端花外冰弦錯認求  
凰

百字令 題陳瑩菴三教圖

風塵回首遂初衣瓢笠飄然五岳誰把平生蕭瑟意  
寫入幼輿岩壑便腹耽書撚髭覓句神采清於鶴洛  
生梁父當時心事如昨 只今名列樵陽青厓白鹿

且賣韓康藥投老孤峰圖作佛藤杖蒲團芒屨三十  
年中未來過去遊戲供行樂舉觴一笑麒麟空畫黃  
閣

### 漁家傲

點點檐花和淚落傷心人聽霜天角打疊思量圖睡  
著難忘却難忘却也難忘却既是書生緣分薄如  
何花底輕相諾畢竟紅綃虛密約從今莫從今莫也  
從今莫

### 風流子

次箕野韻為人催妝

林左堂集卷三

三

玉梅臨繡閣春光好彷彿小羅浮羨並蒂初開花如  
人艷三眠乍起柳似情柔鴛鴦社釵梁留白燕帳額  
隱青牛吹玉秦臺綵鸞頻下傳香賈袖銀鴨旋收  
海棠春睡足靚妝鵲鏡雙影嬌羞須信蘭香張碩  
本是仙儔看闌草扶來粉粘麟帶踏青歸晚紅膩綉  
鉤應笑西川眉史枉記牙籌

### 湘月

疊韻送雁市

秋花夾岸悵西風錦纜乍牽蘭葉怪煞斜陽衰柳外  
攬送吳郎輕別露白江空天高月小柔櫓波聲咽相

尋夢裏画屏山翠重疊卧聽銀浦流雲芙蓉泣露  
金井啼蛩切細想樽前歌笑處似隔蕊珠宮闕青雀  
飛迴紫騮嘶去須有來時節花間攜手紅牙還唱湘  
月

### 滿江紅

寫生次歸元恭韻

磊砢長松笑和嶠森森千丈任道上揶揄羣鬼綠毫  
無恙聲價從他分沈宋英雄未肯齊瑜亮便鳴珂絕  
粒李侯歌吾何讓精廬小須重創醉鄉近時酣暢  
愛紅牙鐵板旗亭爭唱禮法豈知爲我設老莊正可

林左堂集卷三

四

增其放記薦肩火色困新豐終騰上

### 沁園春

寄題沈詩思離垢園

問訊梅梢小堂疎豁水木清華正澡影軒前魚牀碧  
漲凝香樹畔燕壘紅遮罨画溪流蕭閒精舍繡佛長  
齋禮木义春雲渡望平坡笙鶴咫尺煙霞桐陰竹  
翠交加恰午睡棠梨繞徑斜羨鳳嘯嚙臺邊嘯詠  
鶯歌蝶拍岩際趺跏蓮泛紅衣藤羅紺雪同野堂鄰  
二仲家應相笑甚年年雙屐辜負梅花

### 意難忘

次宋荔裳觀察韻寄宛西較書

奉贈瑤華記枇杷門巷初試蟬紗歌喉鶯宛轉酒態  
柳天斜眉暈月臉銷霞腰細楚宮娃苧蘿村比方西  
子沒甚爭差 何時重過卿家更綠楊繫馬烏白聽  
鴉仙郎簫共擲狂史鼓頻過繡艷曲對名花心事訴  
琵琶又何須鑿空博望銀浦乘槎

江南春

洞庭翁李霖屬和倪高士韻

三月吳儂競籃筍傾都遊冶房櫳靜墜粉飄香滿大  
堤綠波人面爭花影藕絲裙受蟬衫冷臘脂淚染西  
施井濛濛飛絮撲紅巾綠楊香夢迷芳塵 酒旗輕

林奎堂集卷五

五

錫鼓急杏煙低卷梨雲濕花朝幾日清明及醉眼瞢  
騰眩朱碧韶華欲去空於邑柳塘怕倚危闌立天桃  
片片逐流萍耐春鶯燕徒營營

鵲橋仙

七夕次韻

昨宵人去今宵星聚京兆雙螺誰掃天孫離別動經  
年算薄命皆因太巧 思他難睡招他無計央及雕  
籠吉了休隨靈鵲共填河學杜宇催他歸早

鷓鴣天

題別花舊稿

九髻旗亭記往時麝熏春暖玉簫遲紅牙解顧周郎

曲羅扇曾誇小晏詞 拋酒使謝歌兒樊川心事落  
花知秋燈重點香檀拍便恐明朝鬢有絲

虞美人

賦得蟬蟻也知春色好倒拖  
花片出宮牆題瓜步女子畫

棠梨泣露啼鶯咽一夜霏紅雪多情游蟻惜餘芳不  
似蜂爭粉蕊蝶爭香 玉臺纖手東風裏寫出傷春  
意頻娥想像對飛花多少飄零柳絮不如他

減字木蘭花

馬上和關桂度

垂鞭低鞚玉驄難載春愁重窄袖蟬紗金鏗深藏小  
樣靴 拋鞍忽去目斷綠楊芳草路解事香塵不上

林奎堂集卷五

六

盤鴉兩道雲

前調

車中

春風繡幃微寒小露芙蓉面眉語偷傳玉色郎君墜  
馬鞭 去如流水滿路猶餘香旖旎輕輾輕雷恰似  
柔腸宛轉迴

柳梢青

亞字城西無邊柳色綠蘸清溪幾日春來一番雨過  
數點花飛 新裁白越單衣喜柳標穿林共携載鶴  
船開闢茶僧去賞酒人歸

蘇幕遮 詠布帳贈大年

竹牀低蒲薦細誰護詩仙安穩秋宵睡憑仗并刀裁  
吉貝六尺柔藍恰稱孫弘被掩餘香宜薄醉送暖  
留春絕勝梅花紙錦幄羅幃爭得似夢醒松風吟思  
清於水

采桑子

友人有美歸雁者戲為賦之

行行白雁春雲外慣惹淒其恁得如伊歲歲逢春便  
得歸從他過盡君休問欲寄相思畢竟無知不向  
南飛向北飛

枕堂集卷三

七

前調

阿蓮曾向紅橋見花底清陰月底瑤琴消受春宵一  
刻金歌雲夢雨匆匆散直到而今芳信沉沉却悔  
當初著意深

賀新郎

用辛稼軒憶陳同父韻送徐扶令歸婁

把劍為君說且揮鞭歸家莫問馬驢王葛白面談兵  
無用處此恨千秋須雪怪卯歲早生華髮好向嵩山  
分玉斧待磨將七寶修明月休漫浪鼓齊瑟更無  
清淚沾離別算從來延津神物雙龍終合秋老江鄉

看負米星沒寒波生骨笑溫嶠衣裾輕絕百斛葡萄  
澆壘塊奈難消一寸臣心鐵髯如戟背皆裂

前調

疊韻寄不菴書士

醉看黃花說想淵明此時為汝淋漓巾葛地老天荒  
多少淚頻向樽前揮雪歎卅載西臺晞髮且喜秋來  
雪葉淨好酣歌酌取將圓月小海唱湘靈瑟青山  
對酒清江別記幾番從衡抵掌孫吳都合只怕橋邊  
空進履未是留侯仙骨但些子心腸癡絕人世算來  
無可願願神貌食盡刀兵鐵還煉石補天裂

枕堂集卷三

八

前調

送陳子萬入都三疊前韻

咄咄從誰說甚年華侵尋誤了黑頭諸葛斑馬一聲  
何處去貂帽蒙戎衝雪望直北青山如髮十丈紅塵  
眯客眼笑經年三踏盧溝月擊筑罷意蕭瑟窮途  
更作窮秋別論我曹中年懷抱非開離合天庖飛龍  
今有幾珍重黃金臺骨莫漫學郇模悲絕爐鞴紛紛  
唯鑄錯問人間誰是錚錚鐵請纓去關繻裂

前調

下第後送楊星源南歸兼寄不菴四疊前韻

駢駢從君說算年來風塵歷盡酸梅寒葛失意人分



啼鶯候那更玉蛾翻雪恰掩映綠楊絲髮芳草喚愁  
花迸淚照離筵偏是團圓月吹竽好漫操瑟 鷗波  
釣侶三秋別悵佳人碧天無際暮雲空合卸却蒲帆  
煩傳語無恙昭王臺骨笑泣玉荆人癡絕五木梟盧  
何憑準甚盤龍大叫顏如鐵離樽盡唾壺裂

前調 午日次路湘舞韻送戴離軒南歸

共憶江南路羨朝來梅霖初歇斑驂先去笑我渾同  
春絮墜幾度欲飛還住空夢想碧簫消暑杯酒英雄  
閒比並甚而今氣短如兒女看七首寸心許 蒲帆

林至堂集卷三

九

一葉凌秋渚問誰同龍潭邀月駕湖聽雨柳外銀箏  
花底笛隨分憑君教取向此際能相思否最苦歡場  
攬別恨聽越吟顛倒成吳語愁歷亂五絲縷

前調 送周惟念之洮岷幕

燕筑風騷屑喜相將旗亭賭記黃河明月忽漫揮鞭  
行萬里去逐崆峒旌節正洮水珠凌初合舍利裘輕  
蘆酒美擊黃羊醉獵鳴沙雪笳鼓競烽煙歇 壯游  
自可輕離別但故人浮沉京雒素衣塵黥席帽騎驢  
成何事冷淡毛錐生活望隴首泉聲鳴咽賸有梅花

堪寄遠奈難逢驛使空攀折相思苦雁能說

浣溪紗 山塘送春即事四闋

曲曲朱闌映綠楊搖搖画舫近山塘千人何事斷人  
腸 柳絮風尖花歎息芹芽泥軟燕商量爲他憔悴  
爲他忙

前調

千頃雲邊笑語來苔痕偷染踏青鞋相扶紅袖下瑤  
堦 畫扇戲粘蝴蝶粉花闌賭記牡丹牌賀他嬉子  
上金釵

林至堂集卷三

十

前調

未解相思學避人慵開笑口易眉顰不知何事不宜  
春 稱撥香弦纖指爪怯迴珠級小腰身賺他寶馬  
一逡巡

前調

新綠陰中酒旆招石場絃管画樓簫留春無計索春  
饒 醉倚檀槽調淨婉戲拋瑤笈泥櫻桃輕魂禁得  
許多銷

滿庭芳

送徐章仲至單父言別彼此黯然賦以  
錄別兼訂明春再晤於任城也

雨候愁深月梁夢斷相逢忍即分携長堤衰柳策馬  
漫相隨遮莫狂歌雅謔便深盃百罰誰辭琴臺畔當  
年高李曾和杜陵詩臨岐渾忘却紅牋覓句共比  
紅兒奈一聲哀雁喚起離思車騎匆匆南北悄無言  
各自淒其休辜負南池春早重醉柳如絲

前調 看凌小史舞戲贈次章仲韻

繡幕燈搖畫屏香煖櫻桃初試新聲霜濃月淡何處  
轉流鶯最愛天斜舞袖暗銷魂何必傾城含情處春  
愁無那殘夢牡丹亭深更還促坐蟬聯私語微習

枕堂集卷二

土

釵纓便淳于一石值得鶯鶯準擬謫仙樓畔喚羊車  
重醉蘭生又只怕同雲釀雪天也妬多情

洞庭春色 用蔣竹山體贈陸天范山人

我不讀書不知古人阿誰似之看鴻爪行蹤亦通亦  
介蟬縷活計非惠非夷高比少文癖如元鎮還剩多  
情領愴癡渾閒事笑玄門橐籥禪子撻槌平生僻  
性耽奇莫漫擬前身老畫師愛石鼓殘碑親曾摹拓  
太山絕頂方肯題詩一領田衣三年燕市不受京塵  
半點潯松江岸放煙波釣艇彷彿天隨

前調 丁巳元日同顧從伯客南旺

又把屠蘇荏苒風塵三十六年正望裏雲飛吳淞江  
畔臥來雪擁南旺湖邊春入燒痕河分岡勢臨水登  
高益惘然寒窗下賴同心促膝軟語纏綿無端醉  
拍龍淵算只合歸尋二頃田辦一領羊裘臺前釣月  
一頭黃犢隴上耕煙種菜人閒散花人至共酌乾樽  
酌劍仙從吾好笑新豐客舍火色滿肩

前調 題邵生小像

枕堂集卷二

土

若有人兮拍担科頭鶴骨翛然想好句吟安花前自  
賞異書鈔得林下重繙羽扇輕搖羨歐淺酌滿澗真  
同玉樹看斯人者蓋幼與巖壑伯仲之間溪山佳  
處盤旋問誰伴逍遙礪戶邊但綺石新栽蘭香裊露  
龍鱗舊種松老參天冰雪聰明煙霞標格妙手丹青  
與細傳江南好約他年歸去共醉瓜田

多麗 甲寅秋南池送沈單九兼懷譚左羽朱錫  
也徐勝力陸武園次單九留別原韻

酷相思把臂翮添心惻破征衫對君倦櫓舊遊休問  
羈候且班荆典衣小飲免華圓莫虛今夕池上籌花  
亭邊挑菜可憐誰譜艷歌昔昔問燕市酒人吟侶蹤

跡夜深述也應向山東念我落魄孤客 趁放牖奔  
流十丈峭帆斜掛三尺好秋光盡歸詩畫風味殘香  
手親滌路轉杉青林添楓紫故人思夢定相覓只愁  
近鷗邊驚斷三弄釣船笛何時許移棹柘湖共醉溪  
側

太常引 聞歌

香檀金縷駐行雲虧殺醉中間不是醉中間怎捱這  
迢迢夜分 嬌泥人憐誤邀人顧無計不銷魂若要  
不銷魂除非是吳兒木人 用賈充稱  
夏統語

念奴嬌

丁巳九日 汴梁客舍同顧于豐葉武東  
作次韻

蕭條逆旅這情懷不稱黃花佳節倦馬垂鞭塵撲面  
殘照西風陵闕良岳基荒夷門市冷懷古心空折酒  
酣搔首頓添幾許華髮 那更獻賦無媒鯤池浪湧  
欲濟無舟楫濕透征衫雙淚眼忍聽陽關三疊繡譜  
曾傳金針早度好在鴛鴦帖相期努力明年同補明  
月

前調 汴梁道中次于豐韻

不如歸去更誰能虛左夷門迎客濁浪黃塵移浩劫

空想宮雲五色剗劒孤彈荒雞並舞愁鬢絲堪織  
嶺五岳方寸如何平得 回首城闕悲笳霜風淒緊  
衰柳遮天碧茅店寒燈披故帙腸斷夢華消息廣武  
猖狂新豐飄泊痛哭無人識村醪雖薄與君且共浮  
白

前調 望梁山濤同于豐戲和舊韻

宣和舊事記流傳稗說幾多豪客誰使英雄悲失路  
空爲綠林生色泥馬南奔青羖西走恨不曾相值若  
歸駕馭梁米何須求得 即今驚外遙山鷗邊寒水

念奴嬌

南

依舊連天碧督井頽垣何處問六六雁行消息屠狗  
曾封髡鉗可將只要波斯識茫茫今古頭鬚一夜堪  
白

前調 疊韻有贈

蓮花旋舞有小顰能品清謳娛客雪態雲容看不定  
難辨珮聲釵色秋水爲神春山如笑十斛明珠值梁  
州遍徹去也怎生留得 惆悵燭影猶紅衣香未歇  
醉眼迷朱碧馬滑天寒歸路遠好教玉人將息柳帶  
深盟櫻桃短夢脉脉芳心識愁吟誰伴銀蟾一暈初

白

水龍吟 題顧從伯小像

道人抱膝悠然無人解識長吟意林泉寄跡溫柔託  
興漫供游戲揮塵清言聞鷄狂舞聽鶯沉醉似捩羈  
猛馬縈牽俊鶻難消盡英雄氣 探徧瑯函秘旨更  
諸侯爭先擁篲依紅泛綠至今猶夢吳山越水子種  
高松雖成大鶴歸來活計倩虎頭好手他年重寫入  
香山會 潘陽范公撫浙時  
舊客故有吳山句

齊天樂

鄒翔九故尉馬榮康公裔也同客南陽  
公墓中者五年相得甚歡戊午春予將

松堂集卷三

北游出其小像  
索題賦此以贈

因依五載如兄弟忘形遮莫爾汝樓憶青蓮池尋杜  
老幾共狂吟醉舞心期互許記說劍燈殘論詩月午  
吟喔荒雞夜深時傍短檠度 沁園猶剩朱戶羨仙  
爽吹簫風流如故朗澈須眉蕭閒巾被試向畫圖看  
取傳神阿堵待翠壁旁邊松陰深處添上蘭芽幾枝  
春帶雨

水調歌頭 別恨

日落馬行急風剪黑貂裘惆悵紅亭別處忍淚各凝

昨多謝青山無數遮斷離愁來路今夜可無愁薄酒  
醒偏易欹枕數更籌 憶前歡尋好夢又從頭此情  
誰見窺人殘月恰如鈎辜負章臺弱柳懊恨王孫芳  
草腸斷望京樓何日携繡被再共越人舟

臨江仙

家喜夫州牧署中同路于復蕭騰九路  
秦封侯大年李伊人雅集即事

官閣中春春正好樽前別樣繁華霓裳小部錦屏遮  
歌聲留月住舞態與雲斜 却愛焚香同宴坐竹爐  
親試新茶紅牋小令笑相誇捲簾招乳燕把酒勸飛  
花 捲簾句善夫新詞把  
酒勸飛花予舊作也

松堂集卷三

前調 贈劉子竹

名士古來推汝穎更看公幹經奇朱霞白鶴見風規  
屠龍曾淬劍倚馬便題詩 湖海神交心互許喜同  
月樹高枝秋燈蕭寺舞荒鷄期君天下寶休負少年  
時

清平樂

題包山翁養齋課子圖

雲深玉柱羨爾幽棲處瓊樹森森隨杖履閒課花前  
章句 大兒解讀奇書小兒也識之無待取鳳雛鵲  
起共君老作樵漁

沁園春

榜發之次日 午門謝恩京兆賜宴即事口占次張直臣韻

日炫舳舨塵消輦路珠榜初開看北海鵬搏扶搖擊  
水南陽龍起天矯驚雷萬里王程三條官燭有客青  
衫絕域回空自笑漫凌雲獻賦貼月非才 帝城秋  
色佳哉更法酒筵開疊鼓催喜穩稱黃鞋錦袍重賜  
低籠席帽彩勝新裁小字泥金紅箋好語先報高堂  
與玉臺春明近待芙蓉鏡下走馬歸來

前調

疊韻贈李丹壑

紫殿春晴句牘曉唱五色雲開正雛鳳初飛丹山迎

林奎堂集卷三

七

旭潛虬纔躍碧海聞雷玉映清標花生彩筆走馬銅  
街得意回人爭羨有長源仙骨太白仙才 家聲弓  
冶良哉看世掌絲綸後命催喜蓮燈夜半龍香親浥  
花磚日午鸞詔重裁車笠盟深塤篲好叶許我論交  
上吹臺金魚珮倘時能換酒肯惜頻來

漢宮春

贈韓雲用棠村先生送子萬韻

燕市逢君又柳映青帘花黏彩索春衫拚典聊復行  
歌相樂封侯時命漫縈懷問他王朔喚荆高屠沽舊  
侶且向酒壚酬酢 探取別來囊橐但笑看牆角榆

錢淹泊杜鵑聲裏夢繞江南村落魚天碧漲負三年  
撈蝦草屨笑底事騎驢席帽空走高門縣簿

前調

春怨疊韻

晨晨青梅怪無賴東風輕搖鈴索畫長人靜但聽鳥  
烏聲樂雕籠睡穩羨雙雙迷離撲朝謝鏡中多情瘦  
影伴我依依酬酢 塵鎖笙囊繡索恨輕魂易逐柳  
綿飄泊苔錢點點綠遍茶蘼院落春泥鴛印夢難尋  
細鈎錦扇向此際紅垂玉筋珍重桃花臉薄

解連環

己未秋客長安將歸留別同學諸子次式曾韻

林奎堂集卷三

八

吟殘零雨問淒其西候誰憐孫楚早著破萬里征衫  
笑何事馬蹄不如歸去檢點頭銜依舊署釀王麴部  
趁鮑香膾美綠泛蘭生菊蕊開處 京華昔遊記否  
有幾多同調酒龍詩虎共贈我冠柳新詞似寒露迎  
風滌人袪暑牽惹離思又一似游絲縈絮排秋袞別  
夢頻飛帝城尺五

前調

疊韻送路湘舜由中州南還

長安今雨倚荒臺極目煙寒平楚忍更向禾黍西風  
倩班馬離鴻伴君歸去樂府新題攜一卷補亡南部

過李門市上訪我酒壚舊醉眠處 重陽故鄉到否  
想登鱸詠史依稀素虎漫回首京洛浮沉共荷露招  
涼若縻逃暑且泛蘋洲任船尾荻花吹絮笑樊川枉  
賦阿房博他第五

前調 秋夜感舊三疊前韻

豆花微雨傍虛牕孤影做成酸楚枉怨悵春帶愁來  
怎解事秋風不吹愁去方響誰家細按微雲藍小部  
正涼欺瘦骨舊夢未成醉夢騰處 歸舟字能認否  
只燒香汲井分明蟾虎悄記得茉莉香中伴玉漏聲

林左堂集卷三

九

沉冰肌無暑仙袂蟬紗映淡月輕如綸絮怪嫦娥不  
為人圓看看四五

前調

歸計已定忽為敏中刺史請於都尉公邀  
入鍾離郡幕期以明夏復入都門四疊前  
韻示諸兄弟

剪燈窗雨奈東吳歸計又淹西楚依舊跨短轡長鞦  
趁殘月盧溝唱陽關去路鬼揶揄但碌碌隨人按部  
向鍾離城下宿莽淡煙漢陵荒處 休論尚存舌否  
歎秦川漂泊畫難成虎纔受盡破帽西風便準備明  
年締衣衝暑自笑無端來往似匆匆萍絮問何如驢

背尋詩學他鄭五

花發沁園春 贈同年王梅峰新婚

巷記烏衣人看春柳王郎地望如許袖拂天香纔把  
秦簫吹向鳳樓深處青桐乍乳早結就同心花莖笑  
碧落靈匹年年流雲空限銀浦 最是合歡芳樹稱  
鸚鵡雙栖玉漏休曙木瓜漬粉豆蔻熏衫淡泞遠山  
眉嫵麵桃詠絮應和徧香奩佳句更問訊髻影彈琴  
長卿新賦成否

八犯玉交枝

范奇玉招飲張氏園亭予以事阻  
未赴寄此且索補醉

林左堂集卷三

十

松醞堪携茗牋乍約先夢城南韋曲錦石參差幽徑  
小密樹深藏書屋鷗飛鷺浴更皎鏡秋塘鴨頭新染  
平波綠最稱柳堤狂飲花裊眠熟 良朋勝地此遊  
共判秉燭紅螺浮白相屬擲橫笛聲噴霜竹任燕筵  
吳簫爭逐只無那葭難倚玉翻教歡賞成蕉鹿且補  
賦新詞憑君重罰依金谷

曉轡金井

送許潛壺歸里兼寄同學諸子

叫雲鴻陣向長安催送江南霜信斑馬頻嘶又攙成  
離恨鱸香蓴嫩冠掛了綠蓑眠穩魚鮓波涼蟹胥月

暗菊花開近 燕臺漫論市駿只先生少室價高莫  
問我亦飄零早敝貂金盡故人相訊道秋興霜添潘  
髻荻岸帆移楓林帘捲歸舟須認

江月晃重山 題東田詞稿

百轉金衣曉曉千絲碧藕玲瓏薛家新樣粉牋紅香  
檀拍親點付蓮鴻 山抹微雲女壻月移花影郎中  
笑他殘酒唱松風清平調題取牡丹叢

丹鳳吟

長安客舍苦熱適得張子西又書有荳  
花棚下喫菱角唱吳歌之約遠想慨然  
韻寄之

林彥堂集卷三

主

長記故園消夏紫對庭軒碧環池閣黃梅雨足染就  
綠陰成暮食單移向竹深荷淨薇露杯香水漿碗薄  
覓句爭題柿葉送盡斜陽新月旋掛樓角 悔煞五  
更起舞惹將別恨長作惡龍藏朱門裏耐炎威灰洞  
金石堪鏤桃笙歸夢繞編豆花籬落欸乃歌中菱米  
嫩料松枝同握也應念我猶恁漂泊著

明月棹孤舟

題徐電發楓江漁父圖

幽素已從屠釣舉夢猶戀舊垂綸處錦樹霜酣絮花  
風緊曾伴呂郎軟語 儂亦吳淞江尾住愛欸乃綠

叢細雨乍展新圖頓教鄉思先逐白鷗飛去

如此江山 輯朝鮮采風錄偶成題其後

疏窗展卷涼蛩靜依稀舊遊重省鷓鴣塞沙黃龍堆草  
白青鎖摩天高嶺驪江淥淨趁野渡楊花片帆風正  
果下驕嘶亂松翠拂帽檐影 關尋太師故井帳金  
麟一去酒巖苔冷碧落孤雲香奩蘭雪幾許好辭投  
贈霜華玉瑩剝淡墨旁行欲斜還整却對秋燈似華  
胥夢醒 楊花渡箕子井酒岩皆在朝鮮其先有檀君  
與堯同時乘金麟上昇如中國所傳鼎湖事  
崔孤雲唐進士仙去許蘭雪  
明時閩秀皆有集霜華紙名

林彥堂集卷三

主

八聲甘州

過周還梅處部寓酣飲連曙追念舊  
遊慨然有作全錫堯左羽融谷草九

衡公

記斜街西畔冶春餘百遍泛觥船正河豚初上山桃  
乍吐醉聽鷓鴣絃一霎書傳白羽叱馭日南天漢節梅  
花外荏苒三年 愁絕當時賓客鎮相思目斷瘴雨  
蠻煙喜子卿無恙頭與壁俱還向秋窗深宵剪燭任  
花冠啼徹五更前容易過驚波如海好夢重圓  
步蟾宮 陸敬峰寓齋聽陸君賜弟子弦索

檀槽膩滑蛇皮暈稱鹿爪香絃細輓一聲聲

聲有幾許彈頭簪搵 六宮遺譜從誰問情紅豆傳  
他分判休教更唱白蘋風怕惹起江南秋恨曲譜通其聲以

媚之謂之簪搵君學之  
定北曲六宮譜甚詳核

### 天香

絮惹花魂香迷蝶夢青帘葉葉斜捲雁齒橋橫魚鱗  
波皺草綠裙腰如剪鴛鴦頰白嘶過了垂楊西岸風  
顫鞦韆綵索吹來碧桃千片 最憐乳鶯學囀巧相  
和鳳笙鵲管悄記年時挑菜討春游倦纖手曾分團  
月奈一帶紅牆似銀漢目斷殘陽平蕪自遠

林聖堂集卷三

圭

### 偷聲木蘭花

白蘋風緊重陽近一行雁字催霜信錦樹初殘秋夢  
闌時報峭寒 獨眠人起聞偏早淺黛愁蛾描未了  
怕有書回簾捲層樓試望來

### 好事近

過松陵悼山子弘人聞夏元禮諸君子

風緊画眉橋吹皺一湖寒碧載得詩愁多少減楓江  
帆力 蘆花半吐雁初飛秋色太明瑟正恁感時懷  
舊更斜陽漁逐

垂絲釣舟行瀾溪有懷惟念

短蓬小艤樵風吹送如葉菰米雲沉菱花波貼天水  
接乍錦鱗撥刺驚鳬唼 記旗亭款洽周郎約我相  
期乘興舟楫紫鱸綠鴨誰解傳書割漁唱無人答碧  
雲暮合但玉簫自擲

### 羽仙歌

季仁山職方席上觀劇同張仲垣作

索郎旅語愛新正才破小隊紅牙夜偷過向米家燈  
影下一串珠喉早惹住聲絮春雲千朵 情塵消欲  
盡不道今宵便要無情也無那漫形相人間那有舞  
鳳歌鸞除非是畫裏海山吹墮七十二仙娥按霓裳

林聖堂集卷三

圭

還未抵者番斷腸真箇

### 摸魚兒

題益都相國萬柳堂用元人圭塘欸乃集韻

買陂塘旋栽楊柳夔龍翻幕隨務廉公萬樹秋煙冷  
重沐東山霖雨鷗泛渚稱退食忘機瀟灑題孤嶼萍  
烟鴨語愛嫩綠陰深軟紅塵遠日涉漸成趣 沙隄  
路手筆人看燕許從教年近姜呂白頭才力真強健  
寫遍午橋佳句花釀醕喚蝶拍鶯歌絕勝紅牙譜風  
流今古穀雨菊苗分寒香晚節還待醉秋圃詞陵國以柳花

爲酒見西陽雜俎



金菊對芙蓉 別茂叔喬瞻兩弟且酬姪

暮歷藤陰扶疎梧下相過便醉醇醪愛兄酬弟勸不  
待招邀林間小阮詩才健共擘牋銅鉢爭敲剪燈聽  
雨攤書映雪幾度良宵 念我耗耗無聊看一鞭欵  
段獨向河橋正雲低雁斷風緊蓬飄回頭尺五城南  
路這離懷別樣難消謝池好夢也應隨我飛渡金焦  
青玉案 泛舟橫塘作用賀方回韻

秋左堂集卷三

十年不踏行春路重載酒尋山去曲曲疎林帆影度  
鷗邊寒水雁邊斜照多少關情處 生煙一抹鱸鄉  
暮紅葉休題怨秋句青筠綠蕤心久許終須買箇楸  
頭船子醉聽雙橋雨

秋左堂集卷二

外孫壻汪 榆錦峰  
後學程宗俊恬士校  
姪孫 烈介繁

秋左堂集卷三 梅詩詞下

嘉定孫致彌凱似填

過龍門 醉後示  
顧子豐

鯨吸擽千鍾面鐵難紅掀髯長嘯海天空四十年來  
無所恨最恨秋風 蹤跡鎮飄蓬劒吼雙龍可憐隨  
我尚塵封莫把神仙為退步誤了英雄

清平樂

夜香消袖樺燭懸紅豆坐聽蓮花催刻漏怎避愁來  
時候 乾樽對影孤傾沉吟薄醉難成凝做還家好

秋左堂集卷三

夢奈他梧葉秋聲

琴調相思引 夢念齋侍講  
席上觀伎

瞥見驚鴻下錦茵輕於迴雪軟於雲綠么聲裏飛盡  
杏梁塵 綺席可堪人落魄嬌歌偏引客消魂這回  
沉醉不獨為芳樽

夏雲峰 夏日謝心航山  
道院用樂章韻

亂松深映解籜新篠萬綠沉沉乘興漫携柳標散步  
溪澗石扉雲鎖嵐翠滴暗濕衣襟絕頂聽瑤天鶴駕  
吹下仙音 坐來漸減塵心對紅槿一枝將謝難禁

多少壞牆醉墨兩剝苔侵小年長日誰伴我鳥語蟬  
吟準擬向蒲團夢蝶消受清陰

驀山溪

雪後過仙霞嶺作

越溪帆卸屏障圍群岫正殘雪初晴聽遠近琤琮鳴  
溜紅紛綠駭寒樹尚青蕙梅花瘦蘭芽秀不似嚴冬  
候虎牙吹笛恰喜消兵後石磴失巉巖歎重來關  
山非舊徘徊今昔欲勒景陽銘休回首須臾口且醉  
番茹酒

聞人以紅薯釀酒謂之番茹酒

夜行船

已未冬南歸京江登舟一夕便過浙野喜而有作

秋聲集卷三

十

浮玉峰前蘭棹艤喜而今果然歸矣雁齒橋低魚鱗  
浪淺漸有鄉音入耳一夜風添帆腹駛報郵籤看  
看鶴市應是天公也憐遊子早使倚閭心慰

步蟾宮

用山谷體題趙承哉小像

龍鱗樹老濤聲細碧浪外千竿鳳尾看依然人在水  
晶宮只欠个鷗波亭子科頭拍袒閒游戲領略徧  
煙霞滋味但愁他蟾窟桂柳衙花又催入軟紅塵裏

江神子

題紀將軍廟

靈風蕭颯古祠幽倚荒江枕寒流曾記榮陽黃屋早

安劉綰締黥彭誰不死君一死獨千秋楚歌聲斷  
楚江頭地全收恨才休何事高皇恩薄未相酬須信  
英雄拚報國原不爲覓封侯

憶秦娥

東堂體

恨恨恨斷無來信書回又惹愁蛾皺不開相逢雖  
約燒燈夜只恐因循也歸遲莫怪鸚哥解罵伊

霜天曉角

遠寺疎鐘更霜前早鴻幾許暗蛩心事都說向月明  
中寒空聽不窮怪他牕外風不去天邊吹恨來枕

秋聲集卷三

十

畔響哀桐

好事近

效樵歌漁父圖

夾岸軟塵紅不到水蒨花側只有白鷗黃鸝當煙波  
賓客醉來暎網枕寒流夢冷罷橫笛苦被碧翁央  
我管江天秋色

其二

獨把釣魚竿畫裏晚秋時候錦樹白蘋佳處壓尋常  
花柳煙蓑雪笠足生涯一醉復何有但愛綠沉江  
水變松醪春酒

其三

明月上蘆花忽照打魚船尾驚起綠蓑秋夢向浴鳧  
沙蒲 粼粼淺碧縠紋平天影淨如洗只道海槎浮  
去入廣寒宮裏

其四

黃雀雨才晴懶婦舞風爭拜吹起拍天腥浪只漁舟  
無碍 片帆轉側任西東蓬底舵牙在隨分北垞南  
堰有青帘堪買

其五

雪壓短篷偏陡覺夜來寒峭騰有瓦盆殘酒把竹罌  
傾倒 一天水墨淡模糊雲外雁聲小雖不得魚也  
可且寒江垂釣

其六

潮信過中秋湧起雪濤如屋繫纜荻花洲畔看鷗群  
爭浴 生來幸不讀詩書小海是何曲聽說鐫鏤遺  
恨也淚珠盈掬

其七

薄暮起簑簪比目膾殘無數別有錦鱗淺潯向漁翁

林文堂集卷三

四

如訴 醉中冷眼識蛟龍決網放教去一任藥師騎  
却到人間行雨

其八

生不識城闔只在綠波生長夢到萬松深處聽插門  
潮響 呂郎入市換柴歸粒粒午相餉說道画堂都  
改但烏蓬無恙

其九

先世父隱居江上  
自號爲楓笠釣叟

楓笠舊家風泛宅那論近遠買个釣輪如月趁虹蜺  
爲線 茫茫那處是珠宮狂客不須伴直擬跨他鰲

背問蓬萊清淺

其十

才逐早潮來又趁晚潮回去鄉里別無名號老松江  
漁父 羊裘不著釣無鉤閒却賣魚鼓笑把半生心  
事度黃洲新譜

洞仙歌

辛酉  
中秋

桐庭影薄受蟾光斜漏點綴雲消皎如畫記尋常庭  
院親捧潘輿而今但贏得啼痕沾袖 客中曾幾度  
對月無眠夢斷門閤恨迢迢甚家園花下恁好良宵

林文堂集卷三

五

却誤我舞綵今生難又較不及年時在他鄉還有個  
歸來再逢時候

清平樂

賀友新婚

團圓人說比似雲中月子細形相還自別只恁長圓  
無缺 合歡暈綠成陰熏風輕拂珠琴恰有蓮花並  
蒂伴他梳子同心

解連環

大年以南歸贈言見示慨念舊遊五疊  
武曾韻題其後兼寄呈見懷諸君子

乍收梅雨把一編驪唱頓添悽楚漫屈指京雒遨遊  
惹春渚桃花夢魂來去東閣西清更柏府梧垣水部

林左堂集卷三

六

記車茵吐後笛步醉餘共論心處殷勤問無恙否  
只五湖三畝城鄰鰕虎摒擋取松醪桃笙就竹影荷  
香拍浮消暑回首停雲恰細擘一天晴絮最難忘白  
傳宮綦吾正格五

洞仙歌

調高  
桂客

熏爐鳬藻借南枝香遠社結駕鶴自春暖有飛迴青  
雀錦字銜將油壁駕迎取秦簫仙伴佳期頻屈指  
莫呪紅輪已是寒天恁般短却扇促題詩漬粉研螺  
也儘妝妝樓消遣便再向樽前遇娟娟料不暇憐他

翠釵花辨

慶清朝

漳州酬李  
理菴司馬

蟬葉煙深鳬花香醲相逢汶上春晴留髧飲散無端  
燕雁分征一自驅車鴨綠君旋叱馭向蠻城遙相憶  
夢魂無據月黑楓青誰料丹霞喚裏對木棉紅萼  
重話離情矛頭浙米仍聞橫槊詩成偏念儒冠誤我  
年年芳草喚愁生荷蘭酒馬軍頻送分付愁醒

賣花聲

送初  
月

林左堂集卷三

七

眉樣碧彎環未穩雲端柳梢斜掛不禁寒慣向酒闌  
勾客夢舊板橋邊歌罷想夫憐影澹霜天照他離  
思上吳船莫怨難圓偏易缺缺了還圓

滿江紅

如此江山歎都付高臺獨足斜陽外烏衣燕去樹殘  
靈谷野燒已消鍾阜紫東風猶染秦淮綠剩傷心狎  
客舊紅牙春燈曲神識在殘碑讀軍書棄降旛續  
笑雒陽青蓋整矜南北不待金將龍虎厭枉教并被  
臙脂辱聽前潮夜夜打空城歸鵲哭

瑤臺聚八仙

寄方叔翁  
用玉田韻

虬浦西灣萬徑小水檻寫遍苔牋浣花詩思多在第五橋邊漢鴈芸編親勘了漁磯每繫剡溪船柳吹綿冶春樂事偏愛斜川 晚秋避人那處趁白鷗一一飛入湖煙釀就松脂吟朋又滿樽前分題鶴鳴子和問何似圭塘與月泉鳩茲客望少微星遠雲霧江天

喝火令

粉厭芙蓉撲衫拋豈惹熏鳳絃鸞鏡任凝塵偏是曉驚時節偏恁不宜春 曾寄刀環約曾迴織錦文也曾紅淚裹羅巾怎不思歸怎不寫書頻怎不瑤姬祠

林奎堂集卷三

下借采夢中雲

踏莎行

庚申夏客三山用高雲容韻寄傅自述廖案如開禹書甫田家翰先諸子

客思蒼騰歸期擔擱愁看迴雁沙邊落六千里外瘴煙深高飛不及雲中鶴 帔冷西華履殘東郭蠻雲朔雪相思各應憐潘髻不禁秋鏡中華髮多於昨

其二

綺陌秋千芳郊煙九一春辜負持螯手俊遊渾似隔他生倦眠支盡垂楊肘 梅雨晴來榕煙暗後子規血盡慵開口饒燈燼暗玉瓶欹釣龍臺下空搔首

金縷曲

辛酉冬過蘇軒故居哭之兼示越江仍用湘舞韻

淚盡山陽路愧平生素車白馬因循遲去小別早知成永訣悔不留君同住才判袂兩回寒暑雪夜舟來人何在影堂空但泣中郎女千古恨遽如許一枉教思夢牽春渚掩雙扉塵凝苔鎖淒涼今雨聞道天公嫌才子名壽不教兼取又未信天真嫌否鄰笛聲中斜陽短最傷心只共錢髯語誰更忍唱金縷

醉春風

竹笑青鞭嫩絮舞香毵小樓長似鳥窺籠悶悶悶吐綬貪眠画眉慵喚一般兒悶那有清歡分只與閒愁近小牕還似女懷春困困困關草遲歸吹花無力更添些困

林奎堂集卷三

九

邁陂塘

題鑑湖可園圖

未須論千峰萬壑湖天別領幽趣樵風欸乃烏蓬小吹入藕香葭露鷗與鷺愛鑑曲煙波慣傍苔磯住仙橋細路認林隔柯亭堰連沉釀沿月棹歌去 奚囊句鄉夢近來無數偏驚櫻筍時序柳綿飄盡秧針短負却書樓聽雨難忘處第一是趨庭把卷揮鋤語憑

教画取問可許吳門逃名市卒來此對衡宇

湘江靜寄王良輔  
寧零陵

玉螭橋西煙柳細小紅鴛傍花頻繫嬉春消夏過申  
犯卯記番番沉醉斷雁忽南飛照孤影吳淞江尾楓  
凋蟹舍桃烘燕簾書謾寫倩誰寄結授初登啓事  
向蠻城碧湘清泚愚溪舊徑唐亭勝賞看風流須繼  
舞石拂晴雲動多少酒懷吟思祇憑好夢尋君共問  
武陵源水

八歸鄭桐源為我馬  
松坪梅泚圖

林玉堂集卷三

十

羅浮月下天台橋畔仙夢幾時飄墮樓上飲谷真吾  
事還愛健松蘿掛瘦梅苔鎖小築團焦香雪裏向謾  
謾濤聲中坐怕舍北綠漲桃波舴艋再添箇多謝  
襟期鄭老丹青深意却替山靈招我鶴巢高樹雀爭  
疎影但少幽人雲臥歎因循旅食算盡歸期甚時果  
閒商略結廬何處只有潭西溪山如画可

邁陂塘驢括琵琶行

向潯陽江頭秋夜荻花催送行客忽聞水上琵琶語  
添酒迴燈呼出聽掩抑漸切切嘈嘈暗恨幽愁極江

心月白正裂帛聲停東船西舫人語夜深寂平生  
事整頓衣裳重述紅綃無數消得空船老嫁浮梁估  
舊夢闌干頻憶絃轉急况同是天涯淪落傷遷謫相  
看掩泣但最有青衫江州司馬襟袖淚痕濕

占春芳

楊柳月桃花雨第一可憐宵恰稱合歡窗畔壁人並  
倚鸞簫九子玉鈴搖穩雙棲翡翠蘭苔黛螺斟酌  
遙山碧親寫眉梢

甘草子述輝

林玉堂集卷三

土

春夜月上花梢轉過朱闌也但照海棠開莫照櫻桃  
謝髮濕杏煙梅妝卸最怕被風光牽惹誰傍牆匡  
太無藉把玉笙吹者

傷春怨

解事垂楊樹不肯輕吹香絮直到春將去繆徧鈿轡  
來路襯他細鈎步小立天桃暮春不為人留人却  
被花留住

梅子黃時雨贈可園

梅雨廉纖看樓角揀花時胥蛛網笑覩北人閒孤吟

誰賞紫筍茶香紅象管故人好事頻相餉憐疎放軟  
語夜闌同抱霞想 歸夢長隨烏榜問煙波一曲鷗  
鷺無恙料綠浸漁磯葡萄新漲花露浮缸菰菜滑約  
他年定緣溪訪傾家釀共聽鑑湖漁唱

臺城路 寄王璞菴

慈仁松下班荆醉分飛便逾三載賣春吹簫吳根越  
角何處偏多感慨煙波欸乃有劒客詩仙幾人同載  
脫贈純鈎至今猶繫開裝在 應憐狂態未改但無  
端歌哭深意誰解筑斷燕臺樽空魯國贏得西州淚

林孝堂集卷三

主

灑牢愁念解算只合從君白蘇頻買孫楚樓邊亂紅  
春似海 劉乾如歿於燕葉亭歿於魯皆吾兩人知己也白蘇金陵酒名

漁家傲 用杜安世體

燕尾輕船剪綠波黃姑灣路也無多聽盡芭蕉梅雨  
過歸未可流螢又上絺衣坐 縱使新秋得去麼荷  
花生日已蹉跎辜負碧筒傾白墮真是錯從今莫受

雕籠鎖

吳俗以六月二十四日為荷花生日

望海潮 夏日曹綠岩招集南園同孟繹來官論作

鄭公鄉畔香山池上幽探別啓岩扉扶杖問花移牀

就竹薜蘿共挂絺衣雁齒小橋低映曲廊倒影千萼  
紅薇暗水通潮碧痕新漲上苔磯 相携不醉無歸  
笑黃塵蹤襪多少炎威金谷酒籌香檀曲譜銅池佳  
景看棋荷淨納涼時把旅懷愁夢都付深卮一任斜  
陽背人轉過數峰西

滿庭芳 前題

密樹吟蟬迴塘浴鷺畫中人在溪堂共携葵扇隨意  
留荷香河朔偏宜避暑紅螺殘滿泛鵝黃窮經史閒  
搜雅令調笑打占相 清狂醒復醉嘯歌互答客主

林孝堂集卷三

主

俱忘愛微雲疎雨句續襄陽一一鶴聲何處暮煙鎖  
樓外垂陽蒼鵲去桃笙角枕猶夢綠天涼 園有度鶴樓

掃花庭

同孟繹來史簡菴朱拜石曹綠岩集張弘軒樹滋堂即事

清溪曲曲映綠樹濃陰閒門如画柳邊繫馬記頻投  
井轄拍浮消暑置驛留賓肯問江東米價與蒲瀨愛  
象鼻碧彎翠液香乍 素馨初滿架傍夾竹桃花幾  
枝低亞卷波散打便呼盧也似晉人風雅未了清歡  
別館羊燈早掛醉吟罷看新蟾又窺簾罅

祝英臺近

八月十四夜山塘舟次戲以酒令作起句

月朦朧雲靄靄青雀半塘待不掩紋紗不掃遠山黛  
看伊骰子逡巡觴飛千匝總不似曲中情態 画橋  
外多少銀粟香毬燈下就船買懶插蟬雲却把酒籌  
代可憐落魄鴟夷黃金未鑄先博得苧蘿同載

甘州

朱拜石曹綠岩張弘軒招陪史簡菴及王西園朱倚園張學山集南園珠來閣即事

和  
西園作

記溪堂消夏共分題十樣浣花箋向荷香乍歇蕉陰  
未減瀟灑涼天恰喜山公倒載同醉習池邊多少高  
陽侶重聚樽前最好西樓西畔正香吹金粟月樹  
連蜨漸林梢露滴蛩語咽秋煙任銀虬頻催蓮漏算  
人間清賞此宵偏迴欄外拚教茗芋枕石高眠

露華

詠蕉  
花露

綠天徑暗見鳳尾斜分嫩萼低斂淡沔藕絲羞學美  
人紅艷迎秋一瓣才舒早被露華偷染同心好瑤簪  
十二香芭齊占 蓓花蜜勺休探便荔液蘭膏都讓  
芳釀漢掌一杯涼浸玉屑曾泛鏡檻雀粉初調慣惹  
玉纖親蘸休錯認銀塘半開菡萏

燭影搖紅

辛酉冬過採花徑  
有懷安士寄此

夜雪舟移龍潭東畔寒潮淺小軒井轄慣留髭香泛  
紅螺殘閒把名花品遍笑尋常嬌鶯穉燕樺煙消處  
醉墨爭題羊欣裙練 趙北燕南十年踪跡萍蓬遠  
玉京賣賦暫相逢柳市舒青眼縱向風亭月館總不  
似家鄉繾綣問何時再祈膾羹白波同捲

減字木蘭花

送盛晉人  
重遊燕

去年攜手玉螭橋邊桑落酒故里分題五色巴牋冠  
柳詞而今別我又向鳳凰城下過緩轡春風試數  
宮花幾樹紅

沁園春

和錢越江韻  
贈陸抑存

宣武門邊弟灌兄素填笮互吹自侯嬴市上君尋屠  
狗無諸城下我策斑駁地北天南楓青月黑魂夢相  
隨不暫離重携手看蘇裘同敝潘髻添絲 休嗟寒  
鳥因依且醉拂松枝玉屑霏倩蓉炷名香濃熏繡被  
蘋雲艷曲擊碎銀篋哀樂無端點癡各半似此疎狂  
塵世稀生涯事任熊肥蛙瘦驚飽鸞飢

鳳棲梧

宋聲求席上  
同亦座戲作

水碧煙綃籠鳳鴛桃葉桃根雜坐觴飛匝催唱六么



花十八明珠一串瓊盤撒 握手目眙甘百罰藥味  
杯香笑吸秋雲滑菊影莎階逃酒踏露棲翠羽驚啼  
雲

燕山亭

為南康太守祖文水題西園圖園在京  
邸有步祇園如是開晚聽軒染香室諸  
勝晉人屬  
余賦此

韋曲精廬寫入畫圖一片蒼煙鎖祇樹影邊錦石周  
遭隨意草亭添箇小閣珠龕愛繡佛燈光中坐知麼  
有梵夾繩牀六時清課 還拓晚色軒窗聽空外潮  
音珮環聲過藤輪慰煖巖桂爐熏曾約白雲同臥柱

林左堂集卷五

七

笏匡山向蓮社重尋香火無那這歸夢故園頻做

東風齊著力

和曹綠岩  
七十自壽

亭築三休圖開九老管領煙霞籬邊嘯傲松菊似陶  
家却憶芙蓉鏡下紅塵軟幾踏東華飛鳬舄燕南越  
角種遍潘花 應笑後棲鴉看晚節寒香蔗境堪誇  
百城坐擁脉望作生涯未要鳩筇扶醉揮松塵解散  
籠紗樵陽錄地仙留識早應龍沙

壺中天

小春過也喚蓮鴻試按鶴南飛曲共羨懸車邱壑裏

肯受塵纓拘束硯北清吟構前新闌娛老風流足白  
公池上笑窺鬢影猶綠 最是蟹舍鱸鄉花開燭夜  
缸面醅初熟弟勸兄酬情話好鳳子麟孫如玉寄暢  
蕭閒忘機爛熳愛伴鷗群浴蓬萊五色書雲長進華  
祝

滿清雨

壬子九月陸曾菴招同諸公集丹鳳樓  
分題已一紀矣今秋葉蒼蒼若學使復有  
登高之約予事阻吳門不赴雨中  
放棹石湖言念今昔慨然賦此

丹樓臨極浦有當年老鐵醉留題記天橫白雁霜酣  
紫纈菊綻東籬曾共山翁把酒彈指失前期倦馬風

林左堂集卷五

七

塵外每恨歸遲 却喜石林詞伯返秦關使節暫訪

幽棲愛吟朋飲伴秋襖重

去  
呼相携向龍山幾人吹帽

笑與公落拓阻追隨吳山路博羊船散寒雨沾衣

九日有博  
羊之戲

甘州

酬孔匡秋兼  
寄朱漪園

鯉魚風葉葉布帆輕南浦訪君來向蒹葭曲港豆花  
委徑閒賦秋懷無那同心易散潮落長年催昔昔相  
思夢長傍蕭齋 歸鶴營蘇能寄愛周情柳思雪剪  
雲裁奈迴車阮籍蹤跡只堪哀羨江鄉蟹胥鱸膾和

樵歌頻醉酒如淮春光近還期携手臥竹浮梅

解語花

寒夜集艾相庭齋小史燕迴初清在座夜分寒甚座客爭解裘覆之戲用樂笑

詞補

月地留春霜天借暖解語花雙笑燕嬌鶯小銀燈背  
一簇衣香紫袍歌雲舞草肯閒放玉觴空了憑仗伊  
翠被鸞篋盡把清愁掃艾納鑪煙縹緲算醉狂如  
許可忘昏曉漏籤聲杳貂裘卸眉語壁人心照多情  
熱惱怕寒逼禿襟年少拚半生酒困花迷便向溫柔  
老

林杏堂集卷三

蘇山溪

雲間舟次重送龔之才章涵之還會稽

太

秋光如此忍送歸帆去鑑曲縱非遙又爭似而今且  
住相留無計一舸漫相追漸離筑繞朝鞭匆匆軍城  
鼓萍漂流水風捲蘆花絮蹤跡任天涯只炯炯寸  
心堪許人非鹿豕那得鎮同群珀取芥劍成龍會有  
重逢處

摸魚兒

買陂塘旋栽楊柳晁元咎摸魚兒起句也元人主塘欸乃集皆用此語發端後人或更調名為過陂塘直是買字詭耳滿洲佟調元參江寧將軍事築精舍於鍾山之陽燕雀湖畔讀書其中取唐人深柳讀書堂之語類之亦與元咎語有

合乃用圭塘韻填此調以墨其素壁云

買陂塘旋栽楊柳經心那有塵務依紅泛渌還多暇  
消受三餘窗雨臨釣渚架鹿角匡牀散帙當花嶼松  
梢鶴語道秋樹根頭夜藜影裏無此讀書趣平生  
志水鑑由來相許毋忘伯仲伊呂不求甚解英雄事  
肯學崔徐章句封陸酤更料理茶經藥對修琴譜情  
深望古待燕雀湖邊揮鉏把卷吾亦學爲圃

尉遲盃

范武功填此詞題拙稿謬以夢窗見推且云以錄詞本蕭寺雨夕次韻奉酬兼示周永持屬其爲我藏拙也

林杏堂集卷三

尤

敲窗雨暈矮檠紅豆僧寮暮淒淒斷續蛩聲只傍青  
桐凋處歌頭琴緒夢忽到喚鶴灘西渡愛菖蒲五色  
巴牋醉墨巾箱留貯蕪詞屢誤羊芋唯應比陰晴  
喜怒鳩婦粉點花蕙風鬢雨鬢不惹段津神妬江楓  
句更何須數漫唐突霜華銀泥譜囑相將顧曲周郎  
莫向旗亭傳去

玉燭新

乙丑下第遇彭椒岩於都門屈指言別已及五年偶見談未竟查聲山有賀其得子之作輒依韻以贈

班荆晴雪後記白苧城西月泉吟就尚書久賜雙鳬

烏底事未尋勾漏紅塵紫陌正連臂踏歌時候却為  
我泣玉情懷鮫珠濕青衫袖殷勤且住為佳問寒  
食花前定成行不鳩喧蟻闌依舊笑惠子白驢空瘦  
菊芳蘭秀刺添得好詩千首算更有吉夢輸君鳳將  
雛奏

邁陂塘送周惟念歸吳江  
即為嶺南之遊

笑周郎勾留七載祇應偏愛香土秋風忽送還鄉夢  
吹傍垂虹煙雨真箇去更不念敵貂孤客誰為侶蒲  
帆卸處想華髮迎門夜深別有昵昵枕前語江楓

林亭集卷三

主

冷好倩蕤絲牽住休教便逐蠻府枕柳樹底收紅豆  
一一相思須數臨桂浦把金橋生香蕉葉青花譜奚  
囊載取但莫向花田輕拚三斛歸惹綠窗妬

臺城路

送漢瞻歸里兼寄西又賓臣文饒服  
尹秋森方廣樊補諸子次竹垞韻

霜前白雁傳秋信鄉心頓驚孤館驢背囊輕牛腰卷  
重我亦思尋歸伴旗亭飲散羨買得吳船便如操券  
望盡飛雲牽衣真慰倚閭眼練江片帆初卸正黃  
花迎棹低映楓岸藜杖歌商綸巾墊雨酒客吟朋相  
見拖樓晚飯有八跪傾筐四腮堆碗應對寒林共嗟

歸鶴晚漢瞻有  
望雲圖

渡江雲送高雲客  
還侯官

螺江雲葉暗芳蘭寄遠別夢五驚秋相逢悲復喜芍  
藥花前沁水水更同游雲中犬吠刺蕭條桂樹小山幽  
騎瘦馬居庸古塞老淚為誰流淹留哀蟬聲咽斷  
鴈行疎又淒涼時候還拚擋縹緲蟬粉旋買扁舟歸  
歎綿上堪偕隱肯教他猿鶴生愁應念我依人猶賦  
登樓余客閩時雲客館中蘭花  
始放嘗折數枝馳餉江干  
撥香灰客若侍中索和  
楊如山人韻

林亭集卷三

主

流鶯並坐花枝亞簾影動合歡窗下綠繡竿囊紫玉  
簫稱鹿爪調絃馬宣和宮袂崔徽挂恰側畔有人  
如画幾許傷春夢雨愁都付與鸚哥話

貂裘換酒

同用儀雨稼次韻送實均  
道積南歸余亦將出都矣

雁叫清秋節笑無端驪駒互唱鬢絲添雪懷袖漫藏  
三歲字淡墨濃香不減最惆悵斑駁先發風鐸郎當  
琉璃渡料雲帆楊柳灣頭歇蓬窗映下弦月霜空  
唳鶴驚離別縱南池還期酒券市樓同折爭奈短亭  
今夜夢心比丁香百結愁城暈秋灰難缺變徵新聲

銀泥譜付紅兒度入陽關疊人半醉砌蛩咽

羽仙歌

詠木瓜爲卡儀之水部題詩南交函

霜林影薄見枝頭黃露五色東陵笑非伍記喚名能  
却病底事湘山轉觸忤遠客心情酸楚 玉梓鄰鏡  
檻慣惹春纖妝罷蘭膏幾迴撫最憐他雙蛾画了崔  
粉同勻真珠滴香散小槽紅注情好手丹青寫雲藍  
伴鼠李鴨桃瓊琚報汝

滿江紅

乾納鴈侍衛

搔首青天問何事偏嫌才子休比似秋蘭易謝琉璃

秋玉堂集卷三

三

多脆剪雪揉春人淡宕裁雲縫月詞清麗想謫仙不  
耐住黃塵人間世 斑虬駕青鸞翳蓉城主瑤樓記  
共雲將雀躍丹霄遊戲笛弄斜陽愁客聽琴孤流水  
因君碎忍埋將玉樹著青山情何已

又

蘭綺家聲看朱戶榮傳伊陟向早歲句臚唱第宮雲  
五色鳳詔宣傳螭陞上龍津曲宴難翹側掌期門三  
十侍中郎東方戟 桃花騎蚤珂勒蓮花鰐蛟珠室  
羨山川聚米烽消沙磧玉塞功名追定遠金城方略

思充國看他年生面畫麒麟千秋績

又

瑤殿春晴見給札凌雲奏賦搖彩筆 至尊親賞文  
場獨步紫鳳天吳光煜燦珊瑚玉樹根蟠互問年來  
待詔滿公車誰堪伍 頌酒德歌琴緒桃竹杖松枝  
塵笑人間漫詫酒龍詩虎共許錦從江今乞還期袞  
待樊侯補甚蒼生望絕士林悲摧天柱

醉春風

題答元彦贊酒圖

秋玉堂集卷三

五

繫馬垂楊樹金甌才飛絮文君鑪畔颺青帘去去  
風軟香濃花熏酒醺不如休去 恰比藍橋路纖手  
瓊漿度回眸一笑慣留人住住住玉杵慵尋珊鞭輕  
拂肯教留住

風入松

題辛峰小照旁有美人侍立

錦峰雙屐尚湖船詩酒少年緣書成樹作龍鱗老向  
漁村蟹舍高眠慵把諸侯上客換他行地神仙 科  
頭拍袒聳詩肩心事画中傳逍遙避俗携冰雪算知  
音只許嬋娟好賦比紅新句千金博取嫣然

秋左堂集卷三

內姪孫徐來鼎變元

後學張錫爵擔伯校

姪孫 敬道岸先

秋左堂集卷三

三

秋左堂集卷四 神琴詞

嘉定孫致彌凱似填

南鄉子

秋夕感懷偶集詞句似西又實臣大年笑野索和

弱水路三千

史遠祖風流子當日佳期鵲誤傳晏幾道鵲橋天乞巧

樓頭雲幔捲

陽修年周邦彥滿庭芳繡線金針不忍穿

柳永減字木蘭花

畢竟不成眠秦觀菩薩蠻怎得而今在眼前

瑞鷓鴣只有關山今夜月

謝逸江城子看看高深甫惜分釵不管

人愁獨自圓

辛棄疾南鄉子

賣花聲

集東坡句戲贈

秋左堂集卷四

新月與愁煙

昭君怨歲歲年年訴衷情相逢一醉是前緣

浣溪沙願作龍香雙鳳撥

南鄉子撥弄么絃減字木蘭花彈

破碧雲天

訴衷情燭下花前訴衷情曲終紅袖落雙纏浣溪

莫使匆匆雲雨散

江城子歸去無眠

南歌子

客中春盡有懷故園

檉柳枝枝弱

杜甫昌蒲葉葉齊曹女湖桃李斷腸時白居易

易吠犬鳴雞幾處

皇甫冉燕銜泥韋應物今日思歸客

溫庭筠高樓倚莫暉

李商隱離魂漸逐杜鵑飛韋莊惆悵青

山綠水

韓易送春歸

少年遊 藤花

花南水北雨濛濛 盧綸 高樹亞東風 元稹 布葉垂英 蕭穎士

絲纏露泣 韓偓 照在綠波中 張仲素 一枝低帶流鶯睡

鄭魂逐牡丹叢 元稹 淑景遲遲 章樂 春融艷艷 韓偓 沽酒待

新豐 賀李

菩薩蠻 至夜被酒不寐

年年至日長為客 杜甫 家在碧江歸不得 羅隱 今夜月明

前 白居易 青山隔故園 杜甫 旅魂驚北雁 元稹 酒勸盃須

滿 李商隱 歸思欲沾巾 杜甫 高堂有老親 王維

秋寒

前調

長安一夜殘春雨 鄭谷 風吹楊柳絲千縷 劉兼 有酒共誰

傾 白居易 相思芳草生 韓翃 一春春事好 韋莊 為客無時

了 杜甫 何日到江東 白居易 開樽綠酎濃 李商隱

臨江仙 有寄

白玉堂中遙見後 韓偓 花開花謝相思 同上 篴香消盡別

時衣 錢珝 只應明月見 杜牧 化作綵雲飛 李白 試問酒旗

歌板地 李賀 何年更是來期 韓翃 玉壺春酒正堪携 岑參 憶

君長入夢 王維 寂寞酒醒時 白居易

阮郎歸 日涉園花下醉作

一年春盡送春時 杜牧 春風帽帶垂 李賀 相逢且欲醉春

暉 李白 香牋詠柳詩 韓偓 煙淺淺 溫庭筠 月微微 張泌 風花

高下飛 杜甫 懶將紅燭草堂歸 元稹 穿花露滴衣 元稹

羅敷令 憶舊

去年花裏逢君別 韋應物 夕柳光馳樂 章山 鳥群飛 王維 風

捲殘紅錦作堆 劉兼 無端又被春風誤 韓愈 覺坐而思

上 同 閒院支頤 耿湋 花落黃昏悄悄時 白居易

小重山 偶見

秋寒

一曲霓裳按小伶 白居易 隔牆花影動 鶯鶯 月初生 王建 碧

天如水夜雲輕 溫庭筠 閒徙倚 吳融 花袖雪前明 李端 玉

榼酒頻傾 馬戴 手持雙豆蔻 李商隱 識君情 張潮 春腸易斷

不須聽 白居易 相思苦 王勃 愁與醉無醒 杜甫

卜算子 柳

人道最天斜 白居易 獨有垂楊樹 李益 天遣多情不自持

步 非 寒食江村路 杜甫 羅綺競秋千 張仲素 春葉參差

吐 謝靈運 立馬煩君折一枝 楊巨源 不覺愁春去 王建

蝶戀花 戲贈

夜向蘭堂思楚舞溫庭筠明月流光盧照鄰玉漏三星曙

李賀百媚桃花如欲語溫庭筠風吹仙袂空中舉李白恐

向瑤臺會作女魚元風月相知上官婉兒欲得周郎顧李端

唱到竹枝聲咽劉禹錫已成殘夢隨君去顧況

添字昭君怨集調名

一片垂楊綠意庭院深深朝霽洞庭春色意難忘夢

橫塘南浦漁歌撥棹簇水瑤花芳草貂裘換酒最

高樓踏青遊

漁父家風

春風嫋娜柳含煙杏花天大江東去江南好如

夢向湖邊留客住怨朱絃拍闌干無愁可解望遠

思歸鵲踏花翻

如夢令禽言

枝上嘯鵲無數又聽鷓鴣哀訴行不得哥哥畢竟不

如歸去怎處怎處惱得画眉無語

扶左堂集卷四

外孫程宗魯繼肅

孫壻王夢蘭香祖校

孫敬禮雅傳

杖左堂詩集六卷詞四卷續集三卷

江西巡撫  
採進本

國朝孫致彌撰致彌字愷似嘉定人康熙中被薦以

太學生

賜二品服出使朝鮮採詩戊辰成進士改庶吉士官至翰

林院侍讀學士歿後詩稿散佚雍正中張鵬翀朱

厚章得抄本於戴璣家始選而刻之詞凡三種曰

別花餘事曰海芹曰衲琴皆其門人樓儼所定續

集附詞後則未詳何人編次也致彌以書名得重

其昌之法詩則以跌宕流逸爲長而率易亦所不

免



# 過江集四卷

〔清〕史申義撰

吉林大學圖書館藏清康熙刻本

附《四庫全書總目·過江集四

卷》提要

過江集序

比在直廬

上遣中使傳問今之詩人孰與爾等比今或未然其後可與有成者爲誰悉以聞維時以

綸旨優異惶恐幾不能對頃廼言今之大官才士皆爲

上所深知臣皆弗能如後進之士臣交游絕少以今所僅而知者則翰林史某周某某其人也蓋桐塋之詩其始聞於韓慕廬宗伯而蕉飲則惠然貺我以篇章者也予以才小任重退居深念蕭然閉門不能盡交天下之賢豪至如二子者或聞而知之或惠然貺我以篇章則固予所欣然自慶樂從之游將賴其劇切討論以自策勵使不至於耄老而無成者也夫詩之爲物發乎情止乎禮義其至者足以動天地而格神元窮性命而明道德雖不能至然心竊嚮往焉豈不亦甚盛矣乎而終以窘陋少暇坐荒如此然二子果天下之賢豪間出者也桐塋久在翰林而蕉飲改官給事中掌垣事今請急將歸維揚示我以前後所爲詩洋洋乎風人雅頌之遺音矣其氣淵若本乎性也其言藹如約乎

情也可以字句求而不可以字句盡也

上嘗有是言矣

賜廷敬詩序有曰清醇雅厚非積句累字之學所能窺也於戲此風雅之本原詩人之極致廷敬何足以當之其惟吾蕉飲乎昔周之盛以文王周公之聖化行俗美其時名卿賢士廣揚雅頌播諸朝廟下至兔置考槃之野人逸民莫不能詩太史采之順其音節被之管絃蓋詩之爲教弘矣今者運值休明人思復古風人之遺未嘗不在兔置考槃間也蕉飲歸而涉逵林探澗谷與野人逸民咏吟嘯歌以適其樂而予且歸老於田間茅簷竹簟以其餘日引觴點筆遙爲屬和用以忘老至之憂亦以見友朋遭際之隆皆

上之明賜將永矢勿替焉而前所云窮性命而達天人者於蕉飲乎望之予老矣弗能幾及已康熙四十又七年如月辛巳澤州友人陳廷敬書



一代各有一代之詩而今之言詩者尊唐則斥宋尊宋則斥明聚訟紛紛迄無定論大抵尊唐斥宋者固屬過執或者尚講求聲調格律間而尊宋斥明者矢口成詩究其根柢則枵然無有但掇拾宋人纖巧之句刻意摹仿自謂發抒性靈輒嫚罵明人爲癡肥板重嗚呼詩自三百篇而下漢魏六季三唐以逮宋金元明正變源流確有次第善學者囊括百家籠蓋萬有方能成一代之作家否則空疎淺陋如野戰之無紀律如村謳之無節奏徒供識者胡盧求其爲癡肥板重何可得也詩教所繫甚大顧可不學而能乎哉廣陵史公蕉飲今代詩文作家也公天質超邁又篤學嗜古博極羣書凡歷代詩派之盛衰高下莫不辨析其雅俗而窮研其旨趣先是官翰林日著有蕪城集旣已傳誦一時迨典試滇南有使滇集風格道上尤稱擅場前年奉

特旨改授給諫先後數年復成過江集彙爲如干首屬余序余反覆吟諷深歎公之詩義托風騷感均頑豔清新雄偉無所不包殆作家之傑出者歟往余官京師每與王阮亭先生相倡和旣乃與湯

西厓給諫論詩最合及余出膺外任未敢云此事  
便廢而舊雨寥寥不免離羣索居之歎茲閱公詩  
自注云阮亭先生酒半撚髭語客曰西厓蕉飲皆  
傳吾衣鉢之人也夫

本朝詩人雖夥羣推阮亭爲正宗而公與西厓並  
稱入室弟子有李翱張籍之目于以振興斯道挽  
浮靡而歸諸大雅詎非壇坫一盛事哉惜乎阮亭  
還山旣久西厓方視學吾中州公又善病請沐行  
歸里居而余亦以老疾侵尋上章乞身蒙

恩予告不獲與公等倡和如曩時有餘憾焉瀕行

過江集序

二

而序公之詩能無益滋聚散之感乎後有識者論  
定當代之詩大江以南知必以公首屈一指而世  
之尊唐而斥宋尊宋而斥明者讀公之詩而亦可  
翻然悔憬然悟也夫康熙戊子初夏西陂宋犖識

頃寓直 禁苑獲見澤州相國爲蕉飲先生詩序  
述其嘗以能詩名稱於

上前竊歎相國之知人而又多其雖有薦拔而人  
不知以爲深得古人薦賢之體夫世之一長一枝  
之士咸欲得有大氣力者爲之先容而名相壓勢  
相軋者又不勝其忌且嫉是以文人詞彥多至老  
死巖穴而無聞即或倖得一官而隨俗進退淹沒  
不彰者何可比數如先生之詩名垂二十年天下  
之士方樂誦而習之而相國復於稠人之中傾心  
愛慕微名

過江集序

十

當宁是相國之有容而先生之知遇爲不可及也  
余往在太學即從先生遊已而先生舉京兆余亦  
廁名副榜辱先生不以爲不肖而棄之同時一榜  
諸豪雋如西厓元朗皆朝夕相聚論文飲酒以爲  
笑樂其後先生與西厓俱出入承明而余方自憐  
其驚馬下乘顛躓長安後十年始繼塵詞館中間  
浮湛上下踪跡稍疎比年來復遭羅茶苦牧馬岷  
山旋被

恩命校書邦上東西奔走靡有定居而先生與西  
厓元朗皆改官諫垣未得相見昨歲始復侍

內直晨入暮歸欲一求先生之詩讀之而不可得  
日者扈行塞外倉卒南歸始遇先生於汶上艤舟  
待闌岑寂無聊先生始出其過江集一編即相國  
所爲作序者也尋繹玩索其溫柔敦厚所謂發乎  
情止乎禮義者於先生之詩得之宜相國以爲風  
雅之本原詩人之極致心維而口詠之也今先生  
暫爾告歸不日還朝以載賡補袞之什西厓先  
生則視學中州清苦刻勵不異太學蓋鹽之日而  
元朗乃不幸逝矣悲夫余素不能詩幸得交於先  
生與諸君子後近復日侍相國之側嘗竊聞其緒  
論因承先生命序於簡末并道其曩昔歡會之樂  
如此云同年後學汪士鉉序

江都史蕉飲先生自定其庚辰以後詩爲過江集  
如千卷而命在文書其簡末在文學詩未深何能  
推明先生之萬一顧嘗誦習遺經窺尋古作者之  
意而妄謂近世之治詩者何其異於古所云也聲  
歌之道上與政通而下統乎謠俗按詩小序篇名  
三百其言必有所繫自變風終於陳靈而詩亡後  
見於內外傳者聘會燕饗多賦詩相酬答而不必  
已出其間若子產叔向晏平仲吳季子之倫皆宗  
工秀人言辭進退動中風雅而亦未嘗自名一詩  
以傳於後此非其不能詩亦非爲之而盡淹沒  
也嘗攷參汾之對祝史之辨刑書之論觀樂之贊  
皆深得乎詩之意而不必以協宮商被箎弦者爲  
詩蓋其人旣具閱覽博物之材而又吐辭矜慎英  
華流露前有輝後有光故凡言之近於風雅者均  
可謂之詩而僑盼諸賢即春秋詩人之首選也且  
夫讀詩而已則不足以爲詩周禮大司樂以樂語  
教國子九歌六詩無所不習而又合舞合聲旁及  
旄人鞀鼓氏之掌爾雅詁訓蟲魚纖悉亦釋詩者  
居多學記所謂博依者是也其後變而爲騷流而  
爲賦屈馬揚班之徒雄擅天下其覃精畢慮旁羅

并苞往往兼六經之奧盡萬物之理於一篇之中而六朝宗仰陳思唐人宗仰李杜其所爲人倫周孔光燄萬丈者亦以上下貫穿洪纖畢具而鏗鏘陶冶出神入天然則博極而致其精乃風雅之正則而自古作者之指歸也學博思深雖不爲詩而詩具學不博思不深終日言詩而詩亡矣如第分別流派矜尚聲調局於詩之中而不知古人學問之大全更或守其一說曲而不賅習其枝辭浮而不實憫然設立門戶號召徒衆用取虛譽於目前則得矣若通于百年作者而論之其果可謂之詩

通鑑序

二

者歟先生之詩蓋博極而致其精者也其取材之富則七畧四庫之遺文無所不探其構思之密則三才萬象之端倪無所不歷至於研練沈深情寄遇永合離風雨戰鬪鬼神往往聲諧於正始而興超於迹象難并美具斷然自成一家之書其信今傳後宜矣在文初見蕪城集至京師見使滇集今又獲讀是卷精華充溢與年俱進而嘗數從先生遊見其討論詳核駁辯雄偉搜奇抉奧意滿色飛眉頰之間皆有文章醞藉比來閉門謝病擁卷危坐憔悴專一過於寒畯間有所作衆聽震鐙咸媿

歎以爲不可及蓋凡古人立言諸體先生盡入其突奧不專於詩而詩尤博且精故在文竊謂春秋士大夫之流風餘韻暨漢唐作者之用心皆可於先生得其槩良不爲過也夫先生以詩撫楷天下垂二十年其盛名上徹

天聽今皆不具論而獨推言學問之指者俾當世治詩之家去其沾沾自喜而從事博學深思以望見古人之大全庶幾合乎風雅之正則是即先生之詩教也夫康熙戊子閏三月後學宜興儲在文謹序

通鑑序

二

過江集卷一

江都史申義叔時

客去示兒

竟夕惜惜語都忘飯作糜無心理頭鬢只是賞音辭

四十生日六首

憶庚午賦三十初度詩輦下屬和甚盛驚

心老大荏冉十年更歷事故不能悉以告人

復慨焉有作

霜鬢驚添四十春聲名官職總因循生雛黃口中

過江集卷一

年事校士朱衣萬里身愛翫景光無價寶貯藏磊

塊不平人無由制得皋魚淚風木顏凋掩鏡輪

蓬山散秩十春秋宣索空聞玉殿頭少日賦才傾

沈范同時文筆薄枚鄒譯成五色書中字快作三

清頂上遊丁丑七月以國書散館特蒙天語寵褒仰視積薪惟一笑駸駸幾

見度驂驪

桂子香濃說丙丁予舉丁卯距兄丙子凡十年秋風豈意撼文星青

衫淚未乾殘照白簡聲俄起迅霆門戶那堪遭破

碎文章無處哭精靈一年冤獄湔消後物論人情

百怪經

枯魚銜索過三年笳鼓荒山送紙錢華表不聞招

鶴舞漆燈知否映牛眠松根埋骨無香徑草際傷

心葬翠鈿李亡內淺土近母墓側心頭不了事愁殺白楊聲不斷水風甘

四古橋邊

揀得真珠破寂寥花迷秦客路迢迢春生荳蔻情

原淺秋入梧桐怨可消只分鴛央常待闕誰今烏

鵲亂填橋流離家室難陳訴依約前身認孝標

山窮五嶺海窮滇銅狄摩挲五百年記客姓名多

錯誤題詩日月任流傳關河戎馬沾襟地歌舞樓

臺對酒天懷古思鄉半生過不須辟穀慕神仙

過江集卷一

驚聞姜西溟獄中計信

海內風流墜於公泣獲麟高文無二手臚唱屈三

人班傅名難右鍾張筆絕倫勁松千尺折崩石想

嶙峋

老作斯文主何知獄吏尊冤哉書牘背逝矣跳天

門恨與鴟鴞集愁連虎豹屯薰蕕十年臭湔洗後

人論

汗青金石錄天子不呼名慢世如司馬思吳類

季鷹雄心耗場屋衰鬢入承明倔強老猶昔清風

茗雪生

曲室蟬連語忘年契分真冷灰殘燭夜經卷藥爐  
身篋有還書帖先生雖借一門辭送酒人蘭焚香不滅  
終古望音塵

悼查荊州

天奪斯人速魂兮作鬼雄筆嘗扛巨鼎氣可貫長  
虹得路桑榆裏知名犴狴中男兒振門戶幾處哭  
秋風

騎驢燕市客文忽挾天庭冠帶登高第鐘鏞震五  
經填門交遂廣應使札無停未了官家事如何赴  
杳冥

悲嘯青燈夜書空咄咄奇才思壓班馬官欲侶皋  
夔妖魅纏花石方移居疊小山有竹木之勝龍蛇合歲時存亡有消  
息地下詎無知

哭劉鴻臚後齋

官貴金添正黑頭隱囊紗帽散風流諫書篋裏多  
詩藁丸藥奩邊有酒籌忽遣修文同卜子不教辟  
穀學畱侯君嘗言養氣術遙尋風月空淮海歌管梁園一段  
愁

謝傳門庭聚戟孤赤簫吹急咽天都重瞻棖桷人  
何往却喜芝蘭砌未枯丹穴好搏雛鳳翼滄波難

網老龍珠竹林遊處吾曾忝忍過黃公舊酒壚

與客談淮陰事題本傳後

一飯千金萬古名當時胯下氣應平市門帶劍行  
疑怯大將登壇事可驚不聽蒯通空有恨終羞亭  
長亦無情一般巾幗逢淫雉遂使英雄判死生

古怨曲

紅豆一斗多顆顆鍼穿孔爲郎製和衣泣處目盡  
腫  
儂覆合歡衾兩足火浣布到底心不灰一任郎點  
污

直項銅琵琶龍唇親拂拭上安古時弦與君彈不  
得

人從郎邊來前月在武昌今晨寄雙鯉猶未下潯  
陽

持底雙荷葉露珠圓易碎妾身繫明璫與君莫相  
棄

堂前棗樹上鵲飛天未曙儂是分明人間歡何處  
去

爲君作鋪糜君嫌薄如乳黃檗種井邊可識儂銜  
苦

虎坊橋寓爲興化公舊邸偏南三楹有臺俯

梁家園面西山予丁卯假館其內不知幾

易主復僦居來此不勝今昔之感因題爲

丁卯書屋係之以詩

書籤蛛網筆牀塵入閣青山見故人枯樹兩株曾

識面婆娑笑我苦吟身

冷螢無焰照秋齋隨我匡牀一對鞋牆外春聲非

昨日重提賃廡惱襟懷

催花絃管亂春風東閣重窺蠟炬紅曾侍今孤吟

錦瑟畫堂今作主人翁

過江集卷一

綺縠梁園颭綠波涼宵風露散朱荷斷橋艇子無

尋處瑟瑟斜陽喚奈何

縞紵韋弦處處逢愛才幾輩得相容回思壯武書

車客只有雲間陸士龍

憶陶  
穎儒

席帽衝塵未判年招提更習繡龕禪

向去此即  
寓僧寺

影堂一

閉曇花散舊地經行總惘然

可堪草色妬青袍花裏尋聲聽百勞月出紅樓看

上馬泥人酒態鄭櫻桃

家近江東丁卯橋愛題好語上書巢點蒼萬里看

行脚三宿何妨再打包

祀竈日朱悔人陳子文李寅谷嚴寶成查夏

重德尹潤木聲山吳震一王赤抒湯西厓

錢亮工吳元朗集飲齋中

宴年逼改臘煬竈吐青輝松明火煜煜栢子香霏

霏東鄰報釀熟西家封豕肥豔雪不墜戶春風行

吹衣華省裘帶客結隊來欵扉共言罷朝暇清歡

樂庶幾中厨乏嘉旨銅爐列長圍生菜捧饅切割

炙羽觴飛意洽語笑喧開襟情無違塵遞白玉柄

渠拂黃金徽慰予萬里役萍蓬天雨歸昆明水渺

瀾點蒼山我巍林寒鳥有託冰凍魚相依同心悅

過江集卷一

芝蘭名理聯珠璣吳楚各一天驅車來京畿如以

膠投漆綢繆無是非坐深不忍散街鼓爲停揮交

柯仄流月素色穿簾幃華燈盛歌鐘庭燎揚其威

縱橫富文雅此樂帝輦稀出門雞喔喔金闕瞰飛

輦

送朱劭孺之諸暨任

江上楊梅熟青林看下車人家美竹箭盤饌有鱸

魚與客言琴奕觀山了簿書夷光定相笑越女白

何如

試問西陵渡移船橫素琴名山剡中盡溪水若耶



深飼雀公餘事繙書吏隱心清名滿巖谷一聽越人吟

送郡司馬周燕客之任

二分明月十三樓正好春帆挂御溝君是五陵貴公子梅花官閣稱風流

雄藩旌旆自司農猶有棠陰遶故宮頭白州民下車拜當年竹馬舊兒童

宅枕青溪一日還多年管領六朝山石城艇子蕪城柳只隔秦淮大小間

紅橋一帶舊名小秦淮

喜晤吳天章

龍門耕牧地史筆玉霄懸一代蓮洋手論文配腐遷

錦瑟才難盡餘香覆玉谿半山延一瓣重覩浣花題

讀晴川集悼馮大木舍人

泉石風流使節閑武昌柳更誰攀看君今日騎黃鶴直證蓬瀛寂上

班君文章與汪文漪趙仲符孫子未前輩素名而以木入史館為憾

葉淵發營葬文敏公寓書京師求賻并將以詩

大鳥飛何日金蠶掩淚看表應天祿賜魂到首丘

難世業箕裘墜清風劍履殘嗟公埋骨晚一紙控長安

送楊且園之廬州

汝陰城郭仙人宅丹井芝田處處通若向劉安訪遺事盡驅雞犬入雲中

花下行春越布衣浦邊簫笛夜船歸廬江小吏煩相問何處東南孔雀飛

送郴州杜太守

百粵征蠻境千峰路向西山看木棉綻春厭子規啼藥轉須防瘴刀畊亦有畦素駝能種樹郡舍莫嫌低

呈尚書新城公

金貂七葉漢門庭族望崔盧甲二京越國繞朝先贈策出郊聲子早班荆細旃廣厦身平上玉敦

珠盤狎主盟東海栽桑如昨日曾拈碩果見錢鏐

漁洋集廬山詩文并首

瞿唐奔馬兩遊秦南海明珠入篋新叢桂八公尋藥遍錦帆帝子聽歌頻果然詩得江山助信有人

兼仙佛身慧業天生還下謫登朝弱冠領簪紳愛閑多病自中年履舄尚書聲聞然門異瞿公容

捕雀口同夷甫不言錢情多淚下童烏歲哀極腸  
摧錦瑟弦可獨橋南荀令冷姜肱長擁被孤眠有殯  
亡之戚於西樵東亭  
兩先生痛逝尤深

遭遇文章萬載名編詩河嶽萃菁英貴臣奉詔交  
亭伯 天子同時得長卿價賤何曾別奴婢眼明  
原不識杯鐙雲霄逸翮瞻鸞鶴齊物都無寵辱驚  
清儉身惟萬卷隨泰山滄海大宗師平生子弟羞  
恩澤一代風騷作總持逢掖造門親倒屣珊瑚映  
屋達求碑貝多閒展旁行卷十笏村迎愛赤髭  
一言半夜欲傳衣黼黻文明更不疑公曾酒半慨然曰西  
屋舊欲曾傳吾衣鉢

也之人可備鑄陶僵籍湜略能鼓吹上軒義廟堂大手  
誰前輩風雅師承有見知枕藉六經遊冊府雪深  
一尺記歸遲

### 得天津藍總戎書

神京臂指直沽東鎖鑰津門重鎮雄勛在旂常先  
九牧文成帶礪視三公繡旂平展關雲紫畫戟光  
凝海日紅把酒江天重感慨素心冰雪託鱗鴻庚午  
夏

諱子座主崑山尚書徐公  
於金山騎吹軍容甚盛

### 送朱悔人之石泉

晚作折腰吏陰平道路艱蠻花供老眼羌月照配

顏人逐江油尉詩吟石紐山羚羊挂角處萬里待  
生還

### 哭三弟

君年正四十生日在冬仲我齒長二歲襁褓合乳  
渾稍長呼郊君生祭弱即不好弄未執魏家戟詎蠟  
王郎鳳上樹探雀巢打鼓騎屋棟琢丁羣兒戲挺  
立不爲動讀書就家塾一縈兄弟共粘身八案間  
懇苦日記誦爲文航精理援筆少豪縱選場童子  
試屢蹶不命中坐此嬰羸疾機慮易悵懷所以中  
廢學是君終身痛君性本沉靜立身貴簡重殫其

### 織智才堪當世用米鹽算凌雜不使嗟屢空寧

缺倉廩儲官糧急賦貢嫺親慎然諾臧獲卹飢凍  
文飾謝軒裳遊賞絕賓從獨欲振門戶無忘易簣  
慟悼昔藐諸孤薄田寡栽種營辦君一手何曾有  
齋送死孝刲股肉血漬衣麻縫中間報反哺亦竭  
魚菽供更事識大體耿介不諧衆嫉惡嚴鐵石悔  
吝每內訟清白愛遺體胡然醒大夢雞骨久支牀  
鬼伯催倥偬不瞑視嬌女四大俄解鞵天道壽善  
人悠悠難引控歸山矚望我官進有餘俸種豆爲  
荷鋤灌園與抱甕此意竟不愜先返華陽洞生世

不堅牢飛塵祇一闕百哀塞我胸淚泉土填壅大  
招那成吟些聲亂屈宋

侍郎德州公座上作

老鶴樊籠不受羈廣平鐵石一稱詩鈔書喚吏青  
箱側對月看賓白眼時性傲清芬擣薑桂文雄赤  
手捕蛟螭歲星可有東方叟畫溷漢廷相詆欺  
節鉞三吳徙夜郎駐顏求藥種山蘊祇思蠹食神  
仙字肯與燈爭魑魅光天上春愁生鶴髮匣間夜  
嘯戰魚腸不平心事知多少鵠白烏黔莫較量  
金粉南朝裂眼爭溫邢河北有呼僮彈丸句異王

遺集

元禮鱸膾心隨張季鷹當宁不能畱衮繡侍臣惟

是薄金莖公以不官翰林常快快懶殘煨芋言將驗衣白山人少

宦情時話歸田甚切

平提玉秤動天文童州旌麾冠一軍應重字試公按第一司隸門

高御荀爽侯芭字古問楊雲閣羅一笑無關節伯

樂星精掃馬羣舊學可憐封殖少重尋書圃待鋤

耘

孫松坪招集胡茨村觀察同園

斜街花事早逕轉習家池蠻榼隨時釘胡牀散坐  
攜侵簾雲羃羃粘展雨絲絲無用然官燭催成半

格詩

送相國桐城公予告歸里

元老承恩久晨昏禁籥隨鴻文 天語授清德  
聖人知密勿全終始林泉慰渴飢賜金園子就筋  
力未衰遲

賜第五雲邊彤樓接御烟全家入霄漢人望擬神  
仙官監分珍饌行廚酌玉泉潭潭丞相府兩世受  
恩偏

每到端揆暇深宮造膝回扶天多密奏為國惜人  
才殿閣垂雲蔭芝蘭帶土栽九齡風度達金鏡

遺集

聖顏開

特許宮門路從容列八駟老臣寵車騎才子接弓  
裘性靜疎絲竹心閑夢鷺鷥還應溫室樹一步一  
回頭

壬午五月二十五日

召同大學士九卿及科道諸臣集 保和殿 賜  
御書臣申義得臨米芾綾詩一幅凡六十三字恭紀

恩寵

清扇葵榴 殿閣陰薰風玉斧晝沈沈聲交履舄  
千官擁影動蛟螭九陛森爭捧驪珠盈袖彩環瞻

仙露滴盤金登牀常侍無拘檢難寫爲歡 聖主心

六尺吳綾水樣平淡頰顏色彩霞輕行間美玉量無價腕底神龍態自生好句風牀憑展卷閑情尤藥聽啼鶯微臣善病兼吟癖似有精誠達 聖明

詩係杜甫水閣朝霽簡嚴雲安作

爲寶成悼馬少君

一顆輕明掌上珠春風吹鬢笑相於蓬萊香散晴雲裏遣伴文昌映玉書

奪得人間解語花真香絕艷不妖邪燈前擁髻樊

通德寵怨無端哭趙家

冷澹歡娛各種情病來心事似分明教郎擣盡千

金藥但覺花前笑不成

妙擅金閨十萬家一泓秋水浸明霞琴川狂客真

奇福抱定仙人萼綠華

道場鐘鼓上方聞小像沈香晝夜熏久向空門學

禪定不妨施我縷金裙

呈尚書長洲公

履望尚書重宏才禮樂優嘯歌忘貴仕文酒領清流書愛抄三篋門羞識五侯滄溟絕涯涘心事泛

虛舟

代有星精墜人爲河嶽光中朝相司馬多士禮歐陽品列圭璋右身依日月旁金莖沾灑近容我挹天漿

文章一華國四海乞餘馨名已高千佛奎曾聚五星清姿眇鸞鶴雅度上丹青董子天人策真儒立

漢廷

邊幅罕修飾威儀人具瞻清嘗減騶從貴尚理壺鹽四壁塵無掃千金產未添巍巍重名德一節在

勞謙

山川靈秀氣才藻到三吳典冊張平子歌騷宋大

夫賡颺來館閣翊贊備公孤八代起衰手羣言望

海趨

豈有風人句公平誦百僚公每於廣坐吟鄭詩恩深國士待妬衆

一生招謠詠蛾眉斂慙惶狗尾搖文章那得力起

舞感中宵

喜梁藥亭來京

君家住海南我家住海西中隔湖與江五嶺插天齊憶初與君別乃在淮之涯時維己巳春我病故里棲君老得一第天邊乞身歸執手文選樓醉君

金屈卮雷塘一月住重上吳公臺詩人汪倫墓

蛟門先生

平山草萋萋汲水第五泉反駮以弔之旋踏瓜步  
湖江平如玻璃金焦兩點耳鐵甕一何低徑訪闔  
閭城有女如花枝裹以紅絲錦掠以白玉釵擗擋  
陸賈金傾囊為聘資調朱與弄黛自復染髭鬚挾  
之騎五羊老典忘顛癡劉王多美人爭得如吳姬  
羅浮十載戀官爵等塗泥迫我踰大庾訪君仙湖  
街六瑩堂後路竹木開秋齋紫檀雕作牀螭文雜  
雲雷云此彌勒龕六時香火偕眉雪壓稜重察君  
氣已衰委巷尋子見客袈裟衣猶聘談天口

盛氣揚旌麾陳曳

元孝

獨塞默長髯一尺垂日作八

分書筆勢懸孤錐嗟哉與梁子名大相排擠奮思  
遊天閭此語半信疑離襟在丙子玉盤啖荔支電  
雹又七載紅塵溷京師時時夢梁月難定會面期  
連晨鵲噪簷三五查查飛棗花滿院香當有佳客  
攜不謂故人駕萬里窮丹梯髮禿不遮帽存者無  
黑絲酒邊作細字兩眸已昏眊獨苦譯天書鸞龍  
蟠之而顛倒着朝衫曳履黃金階館閣謁後輩何  
啻看嬰孩我思戊辰榜人多才且畸黃州陳仲子  
仲子纓鞋王謝兒一閑江閣卧永與金張辭墳筑好

兄弟連翩掇元魁肥遁堅不出涕唾科名遺五茸

沈四丈

南李

遭際重腫知便殿時召對丹青任娛嬉

辭榮乞身去從遊黃冠師燒丹兼彈琴一舸飄鷗  
夷蟬腹吸風露二子邈難追伯鸞慕高潔志豈異  
於斯垂暮入長安所處蓋足悲衣冠古可厭文雅  
俗所疵相如病見薄馮唐老招欺太白語誤人金  
散無復來君尤揮霍慣不念溺死灰南海新署令  
惡橫如虎豺驅逼出嶺海窮乃投京畿且住為佳  
耳一笑開雙眉天街七月涼當覓細馬騎

和新城公早春四詠同西厓作

花下

連集卷一

末

年來哀樂鎮相尋頭白花前感易深藥玉一卮雖  
在手聽歌金縷已無心

春日憶樊川舊遊

花月樊川命酒時寺門迴馬一題詩天桃也似知  
人意絕念清狂杜牧之

雪中梅花

梅花卅外姿不與凡艷近玉妃吹縞衣婀娜來相  
映

二月七日即事賦得明月照積雪

庭砌餘殘雪東牆月正明晚添風肅肅光亂水盈  
盈照戶姿流艷穿簾氣關清詩人意騷屑從倚欲  
三更

題當壚圖

不向臨邛憶故夫解憐消渴到成都春風鬢影彈  
琴罷擅盡風流是酒壚

一生福盡爲琴心況賺長門買賦金那更茂陵眉  
黛好相如真媿白頭吟

題李蒼存觀穫圖

我愛陶靖節早刈西田稻山中風露清鳥雀柴門

噪爲農豈不佳稼穡從吾好李生淮西彥經典聲  
懷抱詩成萬珠圓一一玉盤照得名三十年京塵  
吹破帽眼底萬事輕商略及畊釣士生起隴畔有  
志踐廊廟蹉跎計不諧拂衣忍高蹈願得百里地  
手揮五弦妙斤斧恤瘡痍汪濊流井竈公家事粗  
了賓從迭吟嘯雅量萬頃陂詎爭手板傲循良漢  
廷相夜半天書詔海內倉廩盈青山首可掉

輓靜海勵侍郎前輩

宮禁深嚴地謨謀二十年天庖日分遣中使夜傳  
宣典重文章體弘和魚水緣可堪黃髮老遽掩白

雲篇

善人爲國紀天子輟朝哀運盡龍蛇歲廷虛棟  
石材高名惜燕許才子得鄒枚謂李式接代承殊眷恩

榮禮數該

至德可師處虛恬守素風看人弄威福心自竭貞  
忠身歷清班上名超黨論中蓋棺定人品儉節一  
褒崇

題汪悔齋前輩遺照

國有棟梁器人歸風雅師精神摧霹靂談笑却熊  
羆海日光常湧松風勁自吹壺揮知已淚不盡老

成悲

贈趙東籬

蘭芳亦可佩菊英亦可餐之子蘭亭彥負笈來長  
安讀書慕東籬杯酒交豪賢采采黃金花媚此首  
猶盤清風緬千載五柳相追攀猛虎衛藜藿飢鳳  
食琅玕素心獲微尚孤節良獨難

與張弘蘧夜話

點如黃鷄氣超騰口吃譚詩醉後能甘載昔遊忘  
不得白門風颭讀書燈

幕府山頭墜大星猶看勛望照丹青幾人慟哭扶

風帳皂帽烏衣感斷萍

悼詹子明  
徐詒孫

汪民長書來以先集見屬作序策古句寄答  
逍遙綜琴書清才復道上潘楊有世親省書情悽  
愴

集句示道流

年華有情狀墳壠無由謁泉堂施浴衣綺語洗晴  
雪山桃落晚紅猶憐未圓月未敢笑丹經虛心處  
冲默

通鑑卷十一

无

過江集卷二

江都史中義叔時甫

癸未正月初三日

召至南書房 賜松花江石硯恭賦

東風閭闔轉三晨柳眼花鬚欲放春正好笙歌娛  
上苑早蒙橐筆 念儒臣斲材星漢靈根遠比德  
琅玕匠體新袍袖裹來還蹈舞願函綈錦作家珍  
綠玉新瑩切鵲鵲照襟圓璧與方圭中官捧出刀  
球重 禁殿擎來琬琰齊江水濕疑龍伯獻松花  
香滿 聖人題如槌十指慚思澤也泛雲烟春一  
犁

通鑑卷十一

送翁康飴視學粵東

君才冠京輦名聲驚海內彩筆動 天顏御雲光  
發隼文昌厲芒角五嶺騰精英霏霏明珠落艷艷  
珊瑚生昔我遊南海過盡春風夜桂花二月開桃  
李經冬謝此邦才雋多不獨花枝馨人能誦文選  
清辭貫六經君也實人傑所愛在佳士車馬盈門  
庭冰雪好心事風義邾可及情至滄海深友朋患  
難際往往輕千金我懶閉門多輩流無冷熱敬君  
中心藏豈欲事言說人生膠漆意不在握手時蘭

芳與玉潔所貴心相知將整羊城騎先念梁鴻貧  
謂樂亭一笑萬里至驚倒長安人屈陳吾故友零落秋  
原草遺文可掇拾翠貝非君寶

王令詒生兒

烟動藍田美玉生繡綳擎出鳳雛輕愛河老淚初  
乾處痛定年來舐犢情君先有西河之痛

孔釋迎門親捧將犀錢玉果洗來香略能識字予  
何讓湯餅前頭寫弄璋

宜男春信隔宵催眉黛情添玉鏡臺好是風光三  
月半不寒不暖蚌珠開

通鑑卷三

二

解尋梨栗兩男兒海果難漆載遲子產兩雄十年來不更舉子矣莫  
是婆娑生意盡笑君勇過少年時別一姬又將振

門戶他時看爾高驪聲羊酒喜初遭烏生九子成  
何用罕得人間是鳳毛

萬金風骨自天閑對客楊梅孔雀間年小綴文期  
眼見讀書聲徹陸機山

座主宛平太傅公輓詞

應運真人佐中台出帝都在家作霖雨築館接  
蓬壺朝宁平恩怨嫺鄰計有無當公奄化日輦下  
夜驚呼

寵冠丹青上先朝顧命臣太平基手定登極  
禮身親幹局勞機務威名懾遠人代言通國體雙  
鑠望如神

樓臺盛音樂休沐一登臨連屋延年酒成堆雇笑

金雲霞侵玉軸麝粉雜鴛衾嗚咽簫聲斷誰爲燕  
子吟

廿載持鈞軸全家擁節旄官階六曹遍風度九天  
高蛻遽傷龍骨池還占鳳毛山頽木壞日弟子祇

攀號

朱邸馳雕輦簫笳帝子來直郡王奉旨臨奠天香熏畫簷

通鑑卷三

三

御酒酌金杯鶴駕翔遙返龍顏慘未開空嗟魚  
水契歌薤萬人哀

和西厓見題使滇集四絕句

滇風黔雨畫冥冥屈指三年兩使星君以丙子入黔萬里驛

程子較遠點蒼一百短長亭由京師至雲南會城恰一百站

女蘿山鬼洞庭西日暮湘君展畫旗沉芷澧蘭吟

唱遍此行都是避君詩

荆襄蒼莽磨長劍辰靖幽荒寫練裙直過五谿雲

水白竹郎祠下雨紛紛

掌上虹霓鐵索橋穿雲不覺馬蹄遙劫灰提起昆



明話今日殘魂爾爲招

新城公席上咏琴魚

跨鯉清溪日仙人善鼓琴至今水西寺髣髴有遺  
音春岸紅桃發漁簑綠竹陰花光映鬢鬢碎滿  
潭金

三十六鱗裏誰憐春網疎玉盤開宴早華館簇燈  
初策策何多種迢迢可寄書固應鹽豉下風味敵  
鱸魚

書子文札尾

點黠翩翩筆絕倫臨池法已妙通神書成青李來

禽帖自是欽奇歷落人

送江太守之西安

往者秦地歲告飢縣官亟發大倉粟勸人捐穀賑  
流亡半爲官糧補不足權宜利便始關隴四海侵  
尋遍荼毒三輔冠蓋日傍午遊客奸人踵相續輦  
金日索子公書驚人不避陳遵牘遂令負販走僕  
王不獨狐狸潛輦輟朝移夕竄亂官階醉李僵桃  
填鬼錄將軍告身兒戲耳墨勅斜行聯幾幅太學  
紛將假牒充株連一路千家哭亡命爭藏複壁傭  
上書未見秦關逐公私歲月劫奪深逋開一網計

尤酷大盜誰何白晝行鵠鵲夜啄人家屋金縉玉

帛車脫輻眼厭銅山如奕局歌兒舞女走咸陽十  
萬管弦震山谷毬場獵地秦樓轟縱飲擣蒲兼蹴  
鞠刊章投檄捉富人膾截有如礮八肉胃脯洗削  
諸下賤許史金張爭品目車騎偏誇刁氏奴笞筆  
略記王褒僕時平未遽烹弘羊運熾何人窺博陸  
西安潭潭首大郡京兆扶風重良牧君才拔授出  
九重蒼鷹脫鞵狐兔伏稜稜鐵面古刺史大吏聞  
聲先頸縮辟道多置五色棒夾車不用七星鹿勾  
稽簿牒百千人檢校倉庾萬億斛晴郊露冕恤三  
農哀鴻盡變陽春曲搏擊徐張虎豹威摧殘實憚  
風霜肅盡誅不逞捕豪猾墨吏鉅鎗看赤族豈直  
秦中洗冤獄普施寓內蒼生福水旱盜賊災稔消  
萬寶咸登調玉燭行祝君爲八州督

送程太守之大名

直走邯鄲道天雄五馬馳登城看洹滑伏軾展熊  
羆境有探丸猾心無拔薤疑冰堂春熟日好訂補  
亡詩

送劉太守之真定

名城三十二官渡問漳沱屠狗英雄盡彈箏慷慨

多土風存儉嗇吏道尚平和飲馬清泉足陴牆映  
芰荷

送子文之石阡

夜郎古有謫仙人君去苗民望若神躡屐龍坪揮  
醉墨石阡江上月如銀

黔山黔水悵天涯椎髻腰鐮自一家爲問蠻中小  
男女幾看銀杏夜開花

送許不棄之陳畱

古郡陳畱甲汴京一官驅馬外黃城繁臺花月多  
歌舞憑向空桑曉課耕

送王士曾守漢中

南鄭旌旗漢水頭專城年少傲諸侯連雲棧聳三  
千關入谷陰交子午流校獵秋風吹大散課農驛  
路按金牛還須借問褒城道有女如何自古愁

同人集季秋圃梨花書屋送李松嵐南歸

短簾長簫綠樹陰酒徒一半是知音杯因惜別淋  
浪苦話到忘機感慨深秋水城隅看浴馬夕陽花  
葉動鳴砧劇憐戚畹何平叔能寫江淹賦裏心時丁  
心爲雪

觀察借其韻酬  
入座援筆成詩

送藥亭回粵東

南海老子驚倒人筆幹滄溟驅萬怪森開天骨立  
霄漢役使風雲入纖芥詩成寸燭每恨遲賦名六

合猶嫌隘泉源隨地剡天漿剪綵作花羞蠟蒂干  
金何惜購異書利產善田輕斤賣腕底蛟龍纏大

字雲烟肯把僧牆芥澄心自有摩尼珠安禪喜受  
菩薩戒五嶺萬樹梅花海香狂春麗非人界上清

官府我不知君家即是神仙廨昔予浪跡五羊城  
此膝獨爲君下拜深冬明月好天氣花間常有單

衣曬坐君之牀讀君詩飲君之酒清如瀟湘澤沾  
襟助放顛筆毳沸耳寧知蹟狂遊一別六年強重

聚長安論詩派景星鳳皇那易見朱霞白鶴人稱

快可憐唾手擲盧成豈料掉頭看戲壞一麾便作  
水雲仙三黜無傷士師介請君常釣一尺魚請君  
多種兩畦畦卧向仙湖飽喫飯擾擾輪蹄任行邁

腐鼠從教嚇鳳雛廟犧未可輕畊牯

疊韻贈繆湘芷

吳陵繆子髮未燥落筆長老已驚怪稍長日誦數  
萬言視取青紫如拾芥愛者雖多忌亦衆里兒從  
古眼孔隘早親風雅益多師惟我數君共根蒂十  
年獻賦雖未收長門價賤寧遲賣揚馬騰騰氣翕

雲嚴徐戢戢多於疥問事不答良有以轉嘆觸諱  
應須戒華蟲別館淨纖塵下簾便隔人天界有酒  
不醉當爐家有馬不踏大官解但從中散玉山頽  
豈比黃門望塵拜蔡邕只愛帳書多高鳳何知庭  
麥曬秋窻夜半月淪連步影空塔沾沆瀣天街萬  
戶靜無聲白日方知雙耳聾君看喧寂各異時便  
識淄澠不同派吟魂欲闕冰雪清疾馳底羨驂  
快白玉無玷飛蠅欺金堤最固穴蟻壤處世當爲  
伯高慎守已莫移徐邈介自愛幽芳空谷蘭休蒙  
不潔連畦礎他時詞賦看老成回首妙年憐俊邁

通江集卷二

八

翻嗤多事蒲山公漢書一帙騎黃牯

送隴州牧宜君

函谷東西紫氣連青崖關迴見秦川宇捫石鼓磨  
崖讀雞響陳倉按轡前鸚鵡飛中分百里魚龍釣  
處過三年莫嫌隴坂高無極人在琴堂流水邊

送胡蘭渚之秦州

成紀軒轅路飛旌入上邽麝香天水遠弩勢木門  
低帶劍原遼左鳴琴越隴西可應栽橡栗閑覓少  
陵題

送陳堯凱之耀州

沙堤才子最淪謫玉清身官不輕州府遊先遍蜀  
秦君先知  
筠連文章臺閣舊政績管弦新殺祠城邊水遙  
憐獨酌春

送總憲興化公歸里

忽抗歸田疏明時早乞身班資壓華貴品格愛端  
公雅敬慕  
蘆先生樹石平泉舊江湖漁艇新回思百僚上多  
少受恩人

青蠅何遽集白髮漫相侵秋水還鄉夢浮雲去國  
心紀綱時論黍放逐主恩深神禹功成地菰蘆  
託短吟

通江集卷二

九

相門盛瓜瓞公肯念宗支恭謹心無競平和語及  
私分財給婚嫁計口恤孤嫠丘壠常相守青山杖  
屨隨

角巾歸第日門館且蕭閑稼穡關言論儒生樂往  
還海邊松有蔭烟際鶴難攀待下三公詔安車正  
好顏

送成都殷太守

五丁開蜀國千騎入成都錦水箋憑覓郛筒釀慢  
沽行春聞杜魄芙蓉舍指魚鳧須問濠西樹草堂存  
幾株

與客垣話舊

髭鬚平生舊曾分屋幾椽狂探魏郎戰唾拭袞師  
弦共截篋簪日同偎燈火年無何成弱冠已關錦  
囊篇

倔強君無畏東西尉有名言曾忤上相官不薄司  
城緹騎威同凜朱衣吏敢輕一麾蠻府去花月錦  
江程

聞在成都日經營有草堂琴臺容放誕卜肆混行  
藏杜宇聽偏苦魚鳧跡已荒麻衣下三峽愁別果  
園坊

匹馬皋蘭驛言從關隴來荆高邀擊筑嵇阮拉衙  
杯柳下金城泣弦彈蜀國哀叅軍知已在油幕為  
君開

予亦倦行役昆明萬里歸蠻天瘴癘重驛使尺書  
稀斗每憐金紐塵荷上素衣桑間尋十畝早為築  
巖扉

憶羅浮舊遊

昔聞麥鐵杖曾過浮丘山阿耨清於眼誰霑法雨  
還

賣酒田荒否無心攜玉壺祇思共香尉南澗採葛

蒲

同湯西厓劉陂干薄聿修過王潛夫若園和

西厓壁間韻

謝公弦管咽堤沙羣從芝蘭盡長芽方丈維摩通  
別院園鄰憫  
忠寺小山叢桂不多家柳絲踈地春調馬人

影當樓夜捧茶莫向秋風感搖落金尊檀板舊生  
涯

答陂干見投二首

閱盡恒河數比沙世間多事木添芽詩人鄰下纔  
分席公子秦川忽憶家避路頗騎桓典馬安心且

喫趙州茶府中正恐啼鳥繞難乞閑身水一涯  
無端射影恨含沙惡草難鋤易有芽心事分明照  
雲水流光迅速謝官家泉鳴秋雨看欹笠歌滿春  
山和採茶塵事較量歸亦好回頭雙闕即天涯

即事東西厓

輩流擾擾盡蟲沙惡木繁枝要剗芽往事軍興空  
垆馬新聞利藪惱天家中心清似方斲酒老性森  
如久釅茶玉立長身好男子封章一下喜無涯  
二頃謀難似聚沙喜君卜築有根芽板橋夜市人  
人展春水烟帆處處家樓上衣衫都惹蝶廟前土

女盡煎茶九龍山下真珠窟樂事隨身未有涯君方

卜居深谿

### 病中

涼風吹簾滿塵沙愁有根荏病有芽不調十年羞

作宦曾遊萬里苦無家年來先人歿花疎隙地思栽藥

烟起空庖喚煮茶寄語繙經兩兒子兒輩方讀詩易莫將蟬

蠹作生涯

### 偶贈

新詞點筆浪淘沙香散輕雲玉茁芽鬢惹桂枝因

拜月梁空秋燕感離家畫屏圍燭親調黛綺閣流

通江集卷三

七

塵細碾茶記與寶兒同卧起兩年萍轉在天涯

### 寄懷元朗

何處風霾何處沙靈和新柳發新芽喚回噩夢初

離枕買就歸帆未到家哀樂情傷如中酒苦甜味

轉似嘗茶廟堂正用丹青手寫遍山顛與水涯

### 懷隨 駕塞外諸子

虛聞帳殿入邊沙秋長陰山苜蓿芽鷹脫錦韉摩

瀚海鹿銜瑞草獻天家射生賜出金盤餽桐乳擎

來玉盃茶莫遣書生輕諫獵健兒身手樂無涯

### 聞王赤抒下世

哀怨空彈雁落沙已亡書法學薑芽嫌看紅杏簪

新帽君未由科

悔放斑駁離過別家所權陸官以掖垣驚墮

淚目連為恨

詩畱塵壁愛煎茶君題西厓煎茶圖詩最工寢門一慟無

由得誰築菟裘傍水涯

### 題後園集

鏤冰綴蠟劃浮沙生意曾無一寸芽安過黃初七

才子平看大曆十名家浩如積水輕乘艦快比沈

疴醒啜茶瀛海有人堅壁壘酒酣奪敵喜無涯

### 懷宜興儲中子

勁腕能將錐畫沙春妍五色筆生芽鼎鑊球貝窺

通江集卷三

七

三代綈錦珠璣炫百家此客稀如龍種竹幾時獲

賜鳳團茶葭菼白露秋行晚誰遣伊人滯水涯君在御

溪中尚未入都

偶與顧書宣感里中三汪先生及後進輕薄

### 輒成兩絕

流傳啗點幾篇詩仰絕冠纓不自持君豈能畱敬

容客我何知有蔡充兒

惟有憐才一片心萬年瀛海不消沈山林晝晦風

濤湧欲就成連一鼓琴

### 答殷彥來見簡四絕句

滄海今寧有刺珠漢廷彩筆半三吳憐才狗監非  
難覓怪爾凌雲一字無

太學諸儒半見猜橋門聽講又空回襴衫利市真  
難脫長伴先生苜蓿來

當路公卿總好文朱門賓客爛如雲善題鸚鵡才  
原有誰向筵前更記君

忍使驂驪逐後塵清河藻鑑歎如神  
韓城在江南顧  
檀公明之譽東

闌干

帳裏餘香袖裏詩晚臨明鏡出簾遲  
中獨凭闌

千角常到歸鴉接翅時

阿輕

額覆青絲笑未成畫廊幾曲斷人行  
十三年紀渾無忌時倚屏風喚阿輕

架上書被鼠嚙甚有拉入穴中者

衣遭擣捨憐商隱集被穿窬歎隱侯  
鼠輩拖腸行剽掠青囊縹帙總添愁

蛙

股脊長伸善跳梁腹蟠目睥睨披猖  
饒伊鼓吹公私界井底多年看子陽

螢

映竹穿花一點光也知偷襲扇紈香  
獨憐腐草前身賤照見車公字幾行

蟻

九探赤白自成軍快意蚍蜉也策勛  
十萬伏屍輸一戰報仇擒敵古紛紛

蟻

赤絲牽綴笑盈腮傍着溫家玉鏡臺  
目矚釭花聊爾戲無過酒食賺人來

蟻

幻身遺孽長兒孫遊處全憑阮籍禪  
人物吾思王景略口邊談笑手邊捫

惡之

畜一雞報曙多年養成鷲猛其聲甚厲  
意頗赤幘牆頭自惡聲定遭急縛定遭烹  
快須打殺長鳴者卧聽秋蟲訴月明

送陸澄齋之大姚任

我攬滇雲遊萬里濯衣只用昆明水  
子長既往子淵逝光映山川賴文史金馬  
龍聰有轡搖石鯨鱗甲因秋起五華山寺  
記題名醉墨龍蛇七年矣君

今綰綬入蠻天正落龍坑厓箐裏椎髻時時遇  
人帶刀處處逢苗子採銅鑄山政不惡煎井爲鹽  
利無比畫局拈來玉子輕金盤捧出檳榔美此行  
況擁妾如花放衙安穩黃紬底期會無煩慮簿書  
拊循不用加鞭箠青袍見我舊門生若箇感恩若  
知已瘴烟毒霧侵肌骨爲說先生病跛踣邊遠何  
愁食俸難才多易得上官喜一朝飛騎到天邊徵  
書夜半宣黃紙

雜憶

燕啄香泥畫棟輕蘭房前面水盈盈牽衣只向花

過江集卷一

十六

叢走不愛燈明愛月明

珠串催歌悵綺筵迷闌心動夢難圓臨明一陣花

梢雨瘦着羅衾枕手眠

斗帳明珠看若空新垂長袖海棠紅芳塵不近層

層幕攏鬢熏香鏡子中

罷彈綠綺七絲弦坐隔楸枰玉子邊也爲太常齋

日近紗燈疊夜禮金仙

小齋

窓外丁香樹前年病裏栽石廊行藥處又見長青

苔

無題

玉府仙郎下直廬雷轟常碾內家車門前綠樹調  
蕃馬閣上黃雲繞御書侍史暗能疏客語美人多  
半占樓居賜莊百處連州郡恐輦銅山鑄不如用五

書平  
原事

得牟東山別駕書却寄

太原公子自虬髯河上逍遙擬判年用來書  
中語畚鍤捷

薪勤檢校那能爛用水復錢

題喬介夫牛屋雞棲圖

君有國士風雅尚謝升斗篤念劬勞思祿養志非

過江集卷一

七

苟胸藏四庫書身未離龍畝顧懷康濟才於物亦

寧厚牛飲清泉底雞鳴柴門右吟餘寧戚飯招用

朱翁手牧豎爾何知天寒風雨驟月出高樹巔操

作不可後築宮與樹柵眼底忘好醜啄我場圃餘

循我阡陌走優哉復游哉歲功庶無負

送李太守之梧州

雲滿蒼梧桂水平伏波鳶墮記南征新來五馬雙

旌導何憚孤帆九曲行勾漏丹砂窺井秘鬱林奇

石壓船輕定知合浦珠還日不使天門瘴霧生

傲香奩體

蘭蕙衣襟雪月姿春山淡盡一雙眉何人愛我能  
忘得此後相逢更不疑路遠空憐行躑躅病深難  
託藥醫治東風流轉無消息愁結丁香又一時  
見時常得十分憐語到心知豈偶然促坐正當巢  
燕處催歸常在燭花前頻推酒盞何曾醉只負衾  
香慣獨眠朗月閑房畱不得去來車子是因緣

過江集卷三

江都史申義叔時甫

送魯蒼舒之裴眉任

青衣江上月倒影說裴眉君去經三峽臨流一弔  
之琴堂山黛染畫幕海棠垂酒向文君取開箱棟  
玉卮

送汪庚齊之金華任

蕭梁沈隱侯隸事妙無儔體洩四聲秘才高八詠  
樓神仙來傲吏衿帶集名流花月嚴扉裏閑聽犬  
吠幽

通鑑卷

催科輕上考踏屐看山來箸飮花豬肉香傾藥玉  
杯絃歌油幕捲橘柚訟庭栽治行知稱最君寧百  
里才

送宋穉佳觀察之泉州

鮫綃飄處漏騎吹海風和翠羽紛堪拾鯨牙久偃  
波熏衣蘭蕙賤饋客蛤蜊多官閣千颿上微聞賈  
舶歌

乙酉十月初六日

召見乾清宮蒙

恩親遴改授給事中恭賦



帝眷詞曹重親除諫議臣材先儲法從立易近天

紳清選無雙寵深恩第一奉選在排雲上閭闔簪

紱頓時新

瀛洲十八載花裏別羣仙補袞初無關封章敢上

天瞻垣近梧竹避路指鷹鷂風采朝行裏誰當審

謬傳

玉墀宮禁杳咫尺覲龍顏環珮開雙扇貌貅散

九關只畱常侍護未肅宰臣班是日中官捧硯誰似無

封駁先教弄印還初授垣中掌印蓋出異數

送石門吳學士還里時兼官總憲

通江集卷

網紀持平領北門文章地望一時尊老成擘畫勤

勞見前輩風流笑語存萬頃量難窺海濶四時氣

獨備春溫即看臺閣人才起稽古榮兼報主恩

虎頭燕頤貌魁梧光燄能辟萬夫鳴珮略如山

嶽動垂紳難是殿廷趨迴翔三島隨鸞鳳鉤纂羣

書備典謨風采激揚心力瘁罷朝怯聽府中烏

帝念臣勞許乞身難忘丞相吐車茵公每召宴集可能風

紀論思地更有休明鼓吹人烟兩入樓尋醉墨駕

央理楫濯衣塵上林枝上新栖鳳好送清音到紫

宸謂漢

懷錢塘汪少司農前輩

壇坫縱橫國士風剛腸疾惡幾人同心知義分風

霜烈天與精神龍象雄定笑畱侯如婦女合驚呂

尚卜熊羆朝堂警效威生處寫入凌烟是上公

賜坐恩從天上來朝章國故學原該文成御榻

無加點笑逐天顏歎異才一歲超遷公輔亞中

宵召對直廬開班姬紈扇將藏篋寵極分明結怨

胎

秋風禍起主文昌競噪歐公馬首狂翠羽明珠空

瑟瑟青天碧海兩茫茫頗聞虎豹當關怒忍見虬

蟬大樹傷便脫朝衫理烟艇所嗟惟欠午橋莊

酒地花場命銛隨興酣老子放顛時口如曼倩多

諧謔文比揚雄有罵訕官貴久將豪氣飲名高那

與宦情宜謝墩不用笙歌伴太傅閒心一教兒謂

充無已兄弟

讀唐實君東江集題卷首

文人才命古相欺十倍於君怨數奇宰相吹噓猶

未達蓬山趨走竟何爲恩邀筮仕風塵日吏議甄

材註誤時落拓一官身縱老詩窮造化更推誰

喜家兄篁谷成進士末首感榜下事

賢書十載歎迤邐歡喜重占邁丙年

兄以丙子舉北榜今又邁丙戌

得榜回如換世催排宴去似登仙門庭撐拄非當日文字酸辛了宿緣苦憶傳經人化鶴淚痕猶漬

舊青瑣

先子七困棘闈

泥金鸞鵲到家時垂白堂前略展眉俗尚魚鹽紛仕進冶遊紈綺薄書詩科名光彩看如此祿養寒

酸槩可知重對燈花語諸婦佳兒玉雪有歸期

祖德清勤族姓誇甲科頻掇里門華可知塲屋關

陰隲敢誦文章出世家天遣秋霜零雁羽人逢春

雨泣棠花獨應憐我無能者張口猶如逐飯鴉

南宮魁首不堪論

會元秦人

廷對何知日月尊

殿試日士有踞

者忍看析楊連座主

兩主司廷鞠職欲加刑者屢矣

愁聞貫索入公門

房官下西曹看守

殘魂一第驚濤定雪涕空囊破硯存風

義平生重仙牒海天空濶想酬恩

大家宰商丘公枉過見示苑中啟事與澤

州相國郊館倡和之作次韻四首

鈞天迭奏兩篇詩春麗鯨鏗世豈知五夜星辰封

事早于官劍珮擁歸遲尚書清節題襟處相國風

流點筆時應共漁洋歎三絕清風朗月寄相思

公懷新城公也

清香畫戟坐刪詩歌吹吳閨了不知出鎮旌麾原

最久還朝霖雨未嫌遲東西江水登樓日吳楚山

光柱笏時誰識繪圖麟閣意早勞良弼聖人思

十載絲津一尺詩蕭閑風味我應知羊公鈴閣人

常少謝傳山堂駕每遲澄敘百僚無事日莫安四

海太平時清風江左連江右何限東南去後思

平津賓客學吟詩曾遣微名禁籞知弱水風帆吹

易遠焦桐音響聽偏遲半生得路驅馳日上相憐

才吐握時重遇我公勤拂拭春風一坐使人思

次韻答商丘公見投二首

野鶴山雞自弄姿忽逢香象渡河時淫哇鄭衛當

刪者已被宣尼採作詩

行窮水洩與山顛王宋齊名萬口傳解向西陂求

識字略摹蠶尾不成篇

晚涼次韻答商丘公

閭闔涼風至藤陰入早秋八鷗忘赫奕一榻愛清

幽客早謝門外詩常挂口頭天廚授方法

謂御用菽乳

鼎實已調否

螢飛月暗夕蟬噪兩涼秋一逕草花密東偏門巷

幽苔侵金屈膝香潤玉搔頭肘後楞伽在跣跣得

諦否

贈胡玉林

聳人聲價重連城第五先高驃騎名衣襲蘭芳慕  
公子路看巾折效諸生丹青日月瞻三象詞賦樓  
臺敵兩京自賞風流多寄託時時楚雨一含情

呈尚書吉水公

清威世德重朝端仙樹根荻勢鬱蟠久豔班聯同  
沈范早傳述作敵歐韓名高廬阜千尋表量納潯  
陽九派寬向拜冬官天眷渥司徒重此領春官  
跨嶽凌霄孰可攀鄴侯仙骨自珊珊憑陵日觀天

過漢臺

木

門上竊窺明星玉女間北渡滹沱吹律去南遊溟  
渤弄珠還神人朝野懽欣日風俗文章造化關  
垂紳咫尺到黃扉外論猶嫌燮理遲太傅笙歌羞  
入耳平泉花木不縈思 天書 御榻中官授密  
詔深宮半夜知雅度無營亦無競丹鉛老易鎮相  
隨

掃盡門前車馬塵朝回樂事篤天倫含飴孫有芝  
蘭氣乞墅甥爲珠玉人簪笏盈牀成鳳穴圖書繞  
屋走龍賓七經分授閑無事只許侯芭問字頻

與雪上人

金粟初叅壞色衣前因後果幾人知待消劫累醫

王手中笈何緣覓本師

毘耶長者給朝昏蒔果疏泉杖鉢存却笑山僧來  
乞米雪中重趼夜敲門

送張韋存之杭州任

兩浙東西第一邦俊人於此駐旌幢卧聽山寺鐘  
初動起放湖亭鶴幾雙歌滿長堤栽柳遍威行強  
弩壓潮降東方千騎來天上風度何甘讓曲江

上相國澤州公

高名蓋代領文昌五十年來夾輔光身在火城拜

過漢臺

七

龍衮手提相印理陰陽別承 溫旨深宮裏常

賜名花玉輦傍中使宣傳無暫歇 天書奇字要

商量

終賈紛迎雨露新 聖皇全倚老成人總裁各館

才無敵寵遇 諸王禮絕倫身是相公殊錫慣子

官學士拜 恩頻退朝門却閒車騎兩袖天香暖

似春

太行天井爛文星第宅雲霄帶午亭澤潞水光搖  
檻白并汾山氣擁牆青馬騎內殿皆天庾手寫新  
詩上 御屏上黨人參新作釀麝香紅色號延齡

等身文集自編排不許門生校勘來經術漢庭齊  
馬鄭賦辭梁苑引鄒枚 青宮已免呼名拜深夜  
常聞放 敕回豈是尋常黃閣老但誇虛位近三  
台

呈高中丞公

清剛特立萬夫前炯炯孤心日月懸節鉞威名驚  
海外詩書門第倚 天邊流言那免羣邪散大節  
常邀 聖主全萬古難磨忠孝字海楊風烈慕前  
賢 公嗜讀剛峯椒  
山兩公文集

嶺海歸來意自平皖江重鎮益孤清任逢疆禦

過漢臺

八

心無畏說到苞苴色便驚水旱每勞天下計官寮  
肯博一時名 用傳同官  
為寮語 憂民愛國河防策何日淮黃  
始告成 公熟練河  
工事務

東山絲竹廢清音燕寢凝香炷水沈性儉羞為子  
孫計名高難釋廟堂心芳蘭自以無言潔滄海何  
從比量深粗識我公風力在棟梁不受雪霜侵

哭顧書宣

江漢悲秋氣文昌隕大星名難磨萬古譴遂集三  
靈日月空詞賦英華散闕廷湘風泛瑤瑟何處最  
峯青

逝已同黃鶴人誰擁素車風流王太令消渴馬相  
如行哭應無婦 君家累畱江  
上未達署 藏棺祇有書招魂江上  
權忍食武昌魚

仙班初曳履名姓 聖人題肘正懸金印魂俄感  
白雞深深埋玉土杳杳上天梯可惜同鄉縣蜚聲  
李郭齊

承明君易倦茅屋逐江開人每輕先達天方起異  
才宮衣攜玉尺駿馬下金臺攀折西門柳銘旌拂  
岸回

青箱畱鼠跡忍取寄書看錯愕眠常魘龍鍾淚欲

過漢臺

九

乾援琴長夜盡攜手九原難衰髮初添白逢人說  
棄官

題王紫詮焦麓剔銘圖

水涸月隋空江船沈碑露脊沙痕穿絕幽穴險驚  
龍眠露裏不怕飢蛟涎驪珠到手神光圓華陽真  
逸誰代仙浮丘丈人差拍肩胎禽遺蛻如輕烟想  
當騎背摩青天夕遊瑤島朝芝田玄裳縞袂乘蹕  
躋豈料埋骨寒潭淵丹翠削壁當空懸綸衍欲壓  
濤波喧神仙有情淚如鉛作銘記瘞忘歲年水聲  
風聲冷泠然清暖彷彿山之巔駐慘白雁愁黃猿

山鬼躑躅江妃憐插江玉笏龜蚌堅籀奇磔古魚  
蜃纏珠堂貝闕晶瑩連雷霆迴馭不敢鞭玉霄仙  
客來紫裕海門三過尋焦先嘯震林木歌扣舷狂  
搜寶蹟荒江邊陰靈秘怪相迴旋龍公水府紛擎  
拳人力椎鑿何能前願君寶此輕瓊璫爛鼎缺鼓  
同編爛束以綈錦包以氈勿使六丁下取騰龍泉  
焦麓金薤長畱傳

風木圖二絕句

聲起長林颯颯中紙錢寒食幾東風枝頭誰灑啼  
烏血雪颭麻衣淚點紅

過集卷一

蜀道抽回叱馭身一吟風木一傷神村隣不敢脩  
春社自古王郎是恨人

正月七日得西厓書

遠自洛城寄隔年冰雪餘相憐爲同病情至感離  
居輦路笙歌動春寒料峭初梅花人日裏第一把  
君書

草木有臭味推襟二十年無猜似明月三歎在朱  
絃中散蘇門嘯蒙莊濠上篇至人遺物妙金石保  
身堅

送唐次衣歸里

十年京輦客三月故園心酒價傾燕市才名滿上  
林閒騎果下馬嬾問篋中金射策身方貴名山莫  
戀深

春晚雷塘路楊花靦作毵君聽烟外笛應上水邊  
樓舊侶尋何遜新妝看莫愁玉勾斜畔月先爲照  
歸舟

金輿巡幸後到日脫征衣巷口櫻桃賤槃中豆莢  
稀盆花當晝發江燕近人飛若見吹簫伴言予倦  
欲歸

謂王季羣  
又昭諸昆季

題太傅園亭

過集卷一

花迷露氣濃初日画屏風樓閣晴雲裏笙簫淺水  
中牡丹堆院落

李山甫牡丹句暮  
烟情態恨成堆

鸚鵡戲簾櫳忽散芳

林綺明霞有斷紅

清明日三絕句

盡日簾垂盡日風棠梨孤館百花空錫簫節冷還  
飄雪一領孤裘戀此翁

垂垂屋角柳拖絲道韞風情合有詩睡起酒痕猶  
在靨杏花紅色上軍持

燕蹴簾鉤翠幕閑分明對我訴春寒東風狼藉無  
休處勒住紅芳芍藥欄

三月晦日王方若劉大山蒼存齋中小集

未聽輕雷響三月盡無雷還憐夢雨稀塵隨花裏轡香滿

客中衣江鮑邀聯句羊求許欵扉低迷扶一盞特

地錢春歸

隔歲病維摩支離廢嘯歌暖添花氣重閒覺鳥聲

和藥品抄方遍詩題感舊多琴牀一再鼓樽酒邈

山河

春盡病中三首

房中經卷與繩牀問疾文殊共道場鄭珠江前並時過訪乍喜

堦前舞紅藥慣聽燕子語空梁判年不蠟春山展

長日惟熏繡被香要識口銜黃藥在兢兢平地是

羊腸

拄到苔堦杖一枝繞牀幾步亦遲遲尚堪策馬過

金埒未可看花待玉墀栗里門生扶欲醉平原美

女笑相窺謳吟抱膝從來慣疾走何心關小兒東坡

詩世上小兒誇疾走

夔雖一足有蛇憐閑即跣趺古佛邊跛者何妨儕

卻克半人差亦愛苻堅歡場踴躍仍如昔要路趨

趨久不前回憶碧雞持漢節崎嶇萬里上青天

輓吳元朗都諫五首

門閥戟枝重平聲華婁水東班揚熟朝典王謝染

家風珥筆歸天祿談經拜侍中堪憐掖門左劒珮

一時空

罷官畱闕下豹尾屬車隨文豈朝端重名應海內

知氣摧登第日君謫唱第第一未食始入貲時君不就外吏為果已館選復失筆記二十卷

誰復雄文藻舍香替左司在戶曹者左司

長平檀玉樓筆騎鯨返帝居子雲無祿位司馬有

遺書誰挂生存劍難迴腹痛車煌煌經國手差免

註蟲魚

星輶南奔日哀纏到蓋棺直應為寂寂誰料棘樂

樂吉利憐難肋文成誤馬肝黃泉見母處啼血白

衣冠

杵臼交偏早同君弱冠年甲子歲應總管于公碑集金陵書院每逢金谷

宴憶上白門船厄遽龍蛇值詞須日月懸河清竟

難俟無計問高天

清和六日李後園顧俠君王符躬儲禮執徐

亮直蔣靜山丘珠厓胡元方唐次衣郭于

宮方近雲金軼東蓮西讌集

錢春未達花飛茵芍藥壓檐香滿闌粉嬌露洗各

殊態如疊繡被堆紅巾看花眼為脚所絆豐臺欲

往愁逡巡履襪不洗積泥垢兩足略似陰子春諸  
君裙屐忽翕集瘞者徑起雙眉伸潤開酒場大合  
樂哀絲豪竹驚東鄰教坊老輩非小部曲妙入破  
疑有神敬新磨與黃幡綽善謔宜笑還宜嗔腰鼓  
十面響頓歇風定不敢飛梁塵窈窕當場長袖出  
王郎獨立真天人春山蛾黛感愈好一點略綻櫻  
桃唇如鈎纖月巧相映畫簾半捲光穿銀渚于霑  
襟動薌澤金盃莫放香醪醇三吳此時錦世界龍  
舸鳳舶迷江津沸天弦管百萬戶定開一笑天顏  
新吾儕歌舞傍輦轂麴塵偶碾攀花輪檀槽指碎

過江集卷三

古

惜不得鶯翻蝶鬧逢佳辰誰狂能作鸚鵡舞爲我  
酒盡畱諸賓尚書有約那須赴花月二者方關身

贈生日三首

記下香車十五時紅窗曉日畫雙眉鋪衾顛倒蒲  
萄錦酌酒高低鵲鵲厄今日華年添一倍當初偕  
老有前期明珠論斗情無盡讀爾長生寶月詩

有寶月  
軒集

嵇男左女璧人雙形影身邊鬬短長香過花間百  
和水步來月裏六銖裳應官禁省聽金鑰贈藥仙  
人滿玉箱不向焉支弄顏色祭星私愛道家粧

浴佛蘭湯香暗飄曼陀花雨第三朝綺紈底簾  
初捲櫻筍廚邊釀易消翠幃雕輪來袞袞銀箏金  
管奏迢迢一吟夏淺勝春句倍覺流年物色饒

與方若話舊率贈

景運初昌六十年江淮光氣斗杓旋地因靈寶生  
才子印奪文章壓散仙龍虎風雲開萬象蓬萊日  
月麗中天瓊林直作三元看小讓秋輪竊化權

鄉薦  
第六

拓戟僧樓酒共醺長干夜半覓紅裙此情減自中  
年往吾輩狂應海內聞乍可金門隱方朔憑將鉛

過江集卷三

五

槩事楊雲男兒作使錢刀勢寂寞何心只論文

偶作倣劍南體

清風晝午意翛然那慮明朝糴米錢紅袖慣能添  
藥劑蒼頭忙是送詩箋衰常近火熏籠熱飢即歇  
牀角枕偏蜂蝶忽時穿樹至領予行過戟門邊  
人天帝釋鑒修熏清磬齋時和白雲入夢遠遊吳  
越地教兒重理漢唐文蜨丸轉穴何勞撲蛙鼓鳴  
官不願聞青髻無情上微雪的應難入少年羣

東大山

儒者風流臺閣中愛熏班馬得香濃同來舊雨人

三個

謂方若蒼存

傳寫新詩月幾封願鑄閬仙呼作佛思

逢

隨東野變爲龍六朝佳麗旁邊住桃葉桃根可一班裏常參少去蹤漳濱卧病偶然同生兒他日精文選好色無人解國風句愛清言一何綺馬遲行步自然工獨應鈴索停宣喚彩筆無慘賦惱公

送蓮西回里

罷充燕國駿忽鼓孝廉船酒態周公瑾鄉心王仲宣新音調白雪舊物惜青瓊曾有倫兒之厄上苑雙枝杏重來插帽偏

通鑑卷三

未

送喬無功假歸

玉堂諸故事銅狄見多年君早歲以總庭客京最久怕索長安米耽耕負郭田琴邊看髣髴榻上繞茶烟自得神仙趣風流一畫川

塵事經心少居閑不似官對人忘冷熱問法別鹹酸錦古包書帙瓶香貯藥丸逍遙第一義約就兩蒲團子亦有求歸意

寓興

紗幘簪簾枕生凉那許飛蟲近鬢旁稚女解塗官庫紙大兒教上佛龕香任橫筆在珊瑚架時落泥

聞瑋瑋梁一倩旁人了公事朝衣五色疊空箱

一囊粟任訕侏儒風味依然住石渠時事指陳慚子政病軀潦倒困相如守爐但解看丹藥發篋何曾有諫書瞻仰山龍無補處可容瑣闥步徐徐

小閣

湘簾長晝雨小閣更無人香嚙茶甌印巾揩藥杵塵步搖臨鏡古條脫試衣新常念多羅偈拈花結淨因

六月十五夜

一兩直五日今宵當月圓陰雲忽解駁樹杪玉輪

通鑑卷三

未

懸

水盈蛙閣閣風起樹騷騷屋漏痕如此銅爐火未消

東同垣諸公

五色絲誰上舜衣夕郎奏對事應非黃門封駁文書少青瑣奔趨騎吏稀解豸何須求識字督郵惟見寄當歸閑身投効休嫌晚濯足滄浪有釣磯

予甲戌秋患瘧幾殆誓絕婚宦自號前閑居士今復嬰沈痼之疾謂非自招可歸怨神明乎感賦二十韻



十三年已署前閒天意應嗔老子頑鶴自入籠宜  
鍛羽馬仍食豆可辭錄費桐削似衾中臂瘠竹凋  
於鏡裏顏懣過未離邴茂女移文難近孔珪山枯  
魚蠹爲臨河泣蝴蝶飛常繞夢還擾擾閑林疑蟻  
戰昏昏舉盞誤弓彎顛時磨墨濡頭上卧處爲文  
踴壁間刮几之無兒學字解包粉黛女挑鬟封胡  
過未無多見卷稷充融一例刪交到蕭朱猶怕晚  
門非孔李肯輕板賓朋鳥雀家須判文史笙竽位  
豈班蹉跎泥塗嫌鼈跛朦朧眼界憫魚鰥簾窗暮  
戶時防冷熠玉流金不耐屏錯是然犀窮物怪剛

通鑑集卷

本

能鑄鼎寫神姦何分巧拙爭鳩鵲底關輸贏較觸  
蠻事貫千年披故紙身馳萬里半塵寰羅浮履買  
山雙笏嚴瀨淩賒水一灣大馬年將知境改笠簑  
人莫說綠慳林風野水浮青鹿涼月長天放白鷗  
有日看經思絕粒勅令家事勿相關

示慧曉思話

讀書識字勿相輕肯誤聰明自後生摹寫偏傍尋  
點畫吟哦清濁辨音聲經文賈鄭師儒授史例遷  
彪父子成但免襟裙誚牛馬折腰亦不愧淵明  
生之夕母皆夢  
人送五斗米

邱中望家兄不至

雪飛如掌薊門迴堅約春登市駿臺東閣梅花誰  
翫賞北堂護草好扶栽倚閭暫免腸回曲捧檄方  
教口笑開自是君心絕西向車輪那得角生來  
直沽春水落帆遲已過津門二月時屏屨糧糧原  
易辦犧牲玉帛待何辭病添兒女三生戀老負交  
遊一諾期可憶惠連池上草西堂終日夢相隨  
京與友  
人有約

哭同年朱子綠

身世關河歲月深晚登一第二毛侵燕秦衣食嘗

通鑑集卷

九

奔走紀傳龍蛇感陸沈

君諱漢粵末  
造事甚悉

飢饉交游半奇

傑飛揚才藻露清襟杜谿光皎文難滅可獨聲名

限禁林

凜冽冰霜松柏姿癡癡忍見斧斤揮蔡邕所至人

成市庾信生來腰十圍美錦剪零無繡段么絃彈

急損金徽劍芒不用瞻牛斗昨夜天庭隕少微

自古高明畏鬼神懷才無命劇酸辛丘公仕宦身

不進執戟文章家更貧蹈海無仙拋浩劫呪天有

眼見斯人九泉莫抱頭銜恨玉局金鑾一聚塵

壯夫也解愛雕蟲吟賞詩篇競病工席地衣分庭

草綠倚窗酒泛蠟燈紅共嗟婚嫁時難了不信山林轍已窮要是生天要成佛茫茫誰與訴鴻濛

奉懷海寧都諫陳公

鵬鶚風霜肅九霄侍中三十冠金貂尋公劍履窺西掖阿閣巢痕尚未遙

焚餘諫草幾行存只向天邊憶舊恩誰料傳經三

子者都將賤奏捧黃門

令詒元朗及子皆出公門下

過江集卷四

江都史申義叔時甫

集古題署柱

僕本不平人攝官青瑣闥松栢有本性寄聲謝明月

題畫桂枝贈玉林

金粟穠香殿角開嫦娥雖寡亦憐才月輪似減婆娑影帶得吳剛玉斧來

有感作

長日詎諧一段奇體中原具虎頭癡誰云有窟能

藏免何必成璫要刮龜土偶木神聊爾戲驚雷疾電豈無時具文磔鼠非難者智量張湯有小兒

王桐孫過訪

閑坊人卧病驄馬肯相過步屣憐傾側詩篇一和歌抱枝蟬噪少落地燕泥多涼雨聲聲入如聞打綠荷

不爭聲赫赫相對意閑閑白簡嗟藏篋朱門笑掩關心知聯雁序情話接鷄班此去無多日秋牀夢故山

晴

半月平堦雨涼風喜晚晴簾旌朱戶暗窻紙碧油  
明泥草濕螢影庭柯乾鵲聲東牆弄弦索銀甲響  
鐸鐸

無事

坐卧一穉瑜形容山澤臞粥香和蕙苾鐺火菴菖  
蒲行銷鮎緣竹文傷鵬止隅頗有哀  
觀之作更慚無事作盡  
不及牧豬奴

七月初五日作

劫習多生在觀空得性靈敢持無鬼論常檢淨名  
經宿火香畱幌橫枝水溢瓶鵲橋期又到惆悵女

牛星

既霽雨還作略無三日晴經龕烟易結醺甕醺時  
生衣熨憐金斗匳開弄水精後門花月路時聽展  
泥聲

題李義山集後

苦日憐秦痔懷人藥轉時無慘毛女態梳掃玉房  
遲

赤簫吹未極流艷鈿篋篋如水燈光裏金蟾蠶鎖  
愁

黃竹孤生慣秋琴別屋眠嬋娟雙姊妹輕命想夫

憐

呈相國京江公

江左台星正吳天第一家黑頭先作楫黃閣重宣  
麻仙骨人難老高門福正遐傳經有才子直犯斗

牛槎謂公子  
天門

太和鍾國老與世慶昇平社稷匡扶壯陰陽化理  
成三公時論道四海久銷兵燕許文章在賡歌翊  
聖明

旋馬棲遲地籤牌滿席塵門稀題鳳客牀絕散花  
人儉德高千品清風煦四隣遠函無餽餉真見相

公貧

凌雲花萼起四照盡琳瑯代仰科名盛家稱學術  
良堤生蠲忿草爐蕪辟邪香青瑣承封事看公上  
建章

悼蔡瞻岷

芰荷還野服盡浣帝京塵博辯根羣史分才了十  
人客通游使廣家忘布衣貧埋骨青山底堂堂七  
尺身

青眼看吾子洪厓拍左肩衢難騁驥足匣已喪龍  
泉奇氣孔文舉英姿魯仲連清渠彈一曲中絕廣

陵弦

呈尚書華亭公

瞳矐海日滿扶桑早卜公使五世昌  
橈櫓佐堯平水土山龍拜舜補衣裳  
風詩大雅陳魚藻清譙承平起栢梁  
壯歲台星已相逼不教北府羨荀郎  
王商震竦漢儀刑眉宇天人映御屏  
骨重神凝爲國器芒寒色正列瑤星  
廟堂門戶初何判丹楫波濤可易經  
怨李黨牛無着處始終恩禮在明廷

通鑑集卷四

四

鳴珂未曉到龍樓掌記天家四庫收  
旁獵莊駱文體富比良遷固史才優  
忠勤解作一生事結納曾無第二流  
親荷元公加吐握可知一顧本難酬  
八座駢肩呵殿喧三株瓊樹盡天關  
股肱心膂朝無匹水火工虞位獨尊  
圓渚恩波濯紈綺春陰別殿長蘭蓀  
謂小阮麟照橫雲山下瞻星物五色真龍屢繞門

七夕

良宵風露眇愁予河鼓天星驗有無  
顙顙毛笑靈鵲縈纏杯案憫蜘蛛  
生涯似我年年拙踪跡尋人處處孤  
且共摩挲小兒女戲陳瓜果到庭隅

七夕調閨人

錦機常日看牽牛鍼線遲拈又早秋  
自爾離家到銀漢七年塵網曝衣樓  
閨人樓居庚辰九月北上

消夏

消夏憐瘠渴難憑七椀茶客貽青鏤  
管婢臨綠沈瓜古砌滋苔色涼泉汲  
井華朱朱與白白缸裏種荷花

七月十日中午伏盡明當立秋毒熱不解忽雲  
起大雨奔注夾以雷電晚涼甚有秋意天  
公不欲苦人直易事也

通鑑集卷五

五

中伏炎威熾宵來吟立秋破空雷雨兩壯決陣火雲  
收龍氣腥畱樹雲霾黑壓頭電飛逞着蟬孤魅爾  
堪愁

遂免河魚患旋看重腿輕窓應無夕照樹已帶秋  
聲茶火風爐展衾香畫篋生羣雛爛熳睡雞唱管  
天明

女奴爲蠍螫戲作

青粉牆隅月半尺女奴汲水瓶罌側絳縹裙拖半  
扶壁正嫌苔滑花陰窄猛抖一聲行不得驚吠將  
無猢猻犬咋啞嚶叱咤轉狂號燈照乃知遭蠍螫豚

脉歧歧走無跡何處尋仇手批摑肌瑩半作守宮  
赤墨點寒教膚粟生毒淫氣逼針芒出須臾火攻  
出下策熏灼有如車輶炙只弄琵琶終夜泣

京師俗  
諺牆上

琵琶彈不  
得謂也

往聞燕冀地高亢不比江南苦卑濕蜚蠊蝻蟲

豸生何密晝拍蠅蚊宵蚤虱打窓未晚飛蝙蝠屋  
梁仰隨蜘蛛織蠟乎含毒自土產一笑鉤人未爲  
急射影猶勝逢鬼蜮我語女奴勤守職汝自招災  
良有說不聞蠶蠶罰滿百十指懸槌無紡績倚侍  
閑廊剔指甲洗硯何曾墨漬乾燒香動見青烟直  
曬書丸藥亦生疎疊被熏衣恣唐突此痛或者天  
所罰少待雞號痛旋釋劣腕烘霞淨如拭從此須  
防行路黑

通江集卷四

本

### 次韻答蒼存見懷

棄繻才豈誤終軍絕代詞人最惜君琴指蒼涼彈  
古調酒顏駭賦賞奇文春殘花舞當簾見燭地歌  
遲隔座聞觸撥懷人寫秋怨暗香白練認羊裙  
院落梧桐夜雨清感時愁緒住春明馬蹄知爾能  
尋句蟬翼憐子已禁聲藥畧堆如新置堆書籤亂  
似欲降城官身病客秋閨裏蹤跡應煩仔細評

### 題澤州公楮窓圖次元韻二首

丹禁成陰俯萬間雕鐫玉葉笑人頑子垂枝熟千  
九彈瀝染牋香五色斑天外鳳皇容刷羽省中槐  
柳略齊班閤門靜鎖繡章奏知愛綃頭意度閑  
招搖仙種植根深四照花穠殿閣森端合棟梁思  
丙魏却聯觴詠到何陰宮槐蔭綠分溫室闌藥堆  
紅接上林抱朴駐顏楮實好添調鼎鼎入長吟

### 送客歸越

秋入淮南淺吳關草尚青霜鐘揚子渡烟勝語兒  
亭桂月照衣薄杉風吹酒醒漁簫際夜起汀火達  
星星

### 題商丘公聽泉圖

龍瀑瀉九天冰玉照人吟喬松與大壑謾謾風貌  
整我公夔龍身心尚託箕穎文章鐘鏞懸勛業丹  
青炳顧以幽絕意直造無人境清氣滄鬚眉古香  
上衣領至哉賢達人巖棲自天秉區中軒冕緣輕  
與烟露等山林決獨往襟趣破孤鯁神驥躡電馳  
老鶴鳴秋警我我萬官雲維山青露頂古時梁王  
圍雪彌輟輟嶺追攀訪名嶽願爲負笻筇

### 入署回感賦

病後身輕稱小車曉衝烟露聽嘔啞趨朝自笑脚

有鬼判字猶欣眼未花奴暗去如秋社燕客稀來  
似後棲鴉風沈簾押長廊暗阿對泉香一點茶

題蒼存張園遊讌詩後

韋杜城南尺五天五陵裘馬鬧華筵心情老大王  
修楔特爲兒郎一放顛

凍雀今年隨紇千玉河風色詫奇寒園亭花霧春  
如海直得王郎半醉看

白壁黃金買笑時頗聞豪客散家貲誰憐薄相還  
同我剛有纏頭一首詩

幾尺屏風護錦茵秦宮花底認前身未應看到腰

肢軟浦口劉郎要怪人

送客垣之成都

昔遊叅幕府名落錦官城自愛詞人賦何慚入蜀  
行雲流灩澦峽春散杜鵑聲美酒成都市那箇好

細傾

與查德尹話舊

何堪與君別五歲阻關河邸第人非昔征裘淚易  
多語及赤杆元  
則書宜諸君宵寒無穩睡酒薄有哀歌執手幾相見

馬蹄須重過

風雨雞鳴夕吾憐湯惠休西屋貞心貫松栢清節凜

陽秋名自刊青史交堪守白頭眼中吾子在膠漆  
豈輕投

退飛拚六鷁偶礙是方輪小住憐今夕臨岐見故  
人米困寒雀噪吟筆古梅春惟憶鴛湖叟鈔書不

救貧謂朱竹  
蛇先生

移病 請告歸有日矣澤州師相疊賜哈蜜

瓜諸色方物懷恩戀別輒成斷句九首奉

呈

絕塞佳瓜 大內珍黃封天賜秉鈞人絳紗弟子  
分殊寵滿屋金莖沆瀣春

經年病斷掃門踪恩禮偏勞出相公一夕枯株有  
生意我師雨露與天同

跪蹄焦鬣厠高軒剪拂雖頻未報恩誰肯已離華  
廐馬重施芻秣與溫存

時平暫喜諫書稀竊祿終慚 聖主知要與師門  
表風節滄江歸卧敢多時

病顏桃李負東風地僻城西車馬空一事四鄰都  
駭說往來丞相遞詩筒

手炷名香悅百靈繩牀藥日語丁寧本師真意吾  
難負肘繫楞伽四卷經公念申義清嚴諱諱  
命以讀內典斷房室

名花選遍百芳叢早奪東皇造化功付與色香春

入骨一年只戀海棠紅

去冬除日公手詩以採  
春海棠四花樹見鉤

西域矍瑜火色新織成繡段耀麒麟婦驚不敢窺

刀尺折福平生等吐茵

籠頭紗帽惹茶烟何日從公淪玉泉八餅難輕天

上賜只教飯禮武夷仙

### 頭痛三十二韻

佛氏說諸苦救護如頭目不死修崑崙黃庭有秘  
錄我何雁百災飄隨頭痛國未滿子羽責較甚老  
瞞酷眩轉一爬梳悶痺具熏沐如潮來有信似瘧

通江集卷四

不能逐杪秋免冠來五月困茵褥初焉苦岑岑如  
中許后毒既乃大擊撞崩與不周觸風纔發土囊  
燒已延林木泗水淪周鼎雷霆劈漢栢極其掀簸  
力壑糜隨坑谷危於燔湯火慘於遭劫戮思欲抱  
而竄忽若梓之伏女啼誦梵唄婦歎尋巫卜引睡  
怕文書縫枕貯杞菊百藥不一靈露胸乍食粥相  
如睨柱險玉川添丁辱我省平生愆或有科頭瀆  
漉巾非淵明濡首達張旭鏡衰潘岳鬚御此行父  
禿惟當嫉惡時衝冠髮怒轟斬焉露頭角崢嶸憎  
織俗聲頭鼠目輩對之雙眼白大笑祖叅軍屋漏

來局促此遭神明惡聞者宜頸縮隔年陵陽泣患

傷子春足兩脚鬼已遁方喜免躑躅如何踵換頂

叢怨到體觸地水風火聚四大如轉燭思惟懺往

因欲問老尊宿有頭亦佳乎妙語當捧腹

大山頻示頭風方試之小愈感謝代東用轆

### 轆體

二豎公然橫見欺鏡邊衰鬢目低迷將看齒豁頭  
童日不是腸肥腦滿時檢與神方教鄭重合成靈  
藥問刀圭書來便是陳琳檄枉為曹公惜華醫

### 哭查聲山

通江集卷四

禁苑悲風起臣勞盡命時魂應覓亡耦目不暇孤

兒今子恒僕  
正抱病報

主身難贖登仙事可疑惟嗟郭有道

辭義好刊碑

寵絕官僚裏多年侍玉皇才堪叅密勿妙詎擅

文章交集軒裳盛名隨翰墨香可憐心力瘁天不

療膏肓

無最鍾王手空留五色書致身艱稷契視草罷嚴

徐尚藥封盈案中璫淚滿裾迢迢浙西水愁絕

子雲居

城外弔君者嘶羣馬易哀凍雲迷玉塞枯柳閉金

臺暖骨春將到殘宵鬼竟催無情閑草木忍逼上陽開

讀左傳作

虎狼壓境計安出含垢包羞詭却秦十二牛中開  
指點弦高原是鄭商人

江天秋色畫幀爲德尹題

清江紅樹楚天秋千尺蒼巖百尺流沙烏洞庭南  
畔路當初親見繫孤舟

正月十一日邀德尹友鹿蒼存元方小酌各

賦四絕句

月照西軒似漏銀圍官早韭剪來新憑添爐火多

溫酒十日東風未算春

立春在十三日

冷澹詩篇細酌論不知弦管咽朱門探支佳節非

無與已點春燈作上元

燈火天街要蹋歌江南花信竟如何可能米價春

前減緩取紅粧細馬馱

正嗟愁鬢入新年安穩歸心要好眠六日羽書驚

急遞訛聞海上擁戈船

澤州相國乞身 溫旨慰畱有紀 思之作

見示即和原韻

堂皇六載坐中書祇惜明農日月除水旱陰陽天  
下任皋夔稷契幾人如角巾縱有烟霞戀玉几難  
教寤寐疎珍重昇平賢相國正和梅實萬年初

次韻和德尹

蛾眉妬易見昭陽羽獵看君從武皇

日者言君不日應辟

說與病

夫成昔夢廿年起草負明光

角觝魚龍不曙天迢迢銀箭幾壺傳揮杯擲塵銅

荷側儘放形神作散仙

醉舞吟歌卷折稜琉璃自定一龕燈逃禪繡佛真

良策蘇晉長齋我漸能

粗給朝餐辦夕食人天十地誓酬恩諸君舊共三

生石好約春風數

入簾欵門

次韻和友鹿

皎月疎燈白石闌都忘簾外有春寒喫人橋破初

如霧削指葱尖巧簇盤

幻出浮屠號萬回能欺粟顆渡浮杯妖聲謔出都

休管清影嫦娥伴客來

海山風霧晝茫茫星日何知有大唐封豕長蛇橫

島外孫盧能得幾時狂

丹詔驩騰萬竈紅郵馳江左疾如風太倉雀鼠容



偷食一飽從教百想空

次韻和蒼存

改年人病乍能興喜看銅溝欲解冰月破春宵須  
縱酒客來花市好張燈

去畱無計訴匆匆顛倒多時聽化工乞與玉河春

水活柳條弄色半帆風

蔬笋供來異大庖數錢坊市貫香醪頗聞醉語

羞簪紱只道拋官見亦高黃滔詩五湖高士是拋官

門外笙歌聽向微香車早碾暗塵飛百花開日空  
相憶燈月明明肯放歸

答陳禮叔學士贈別

學士弱冠餘影纓帝左右天駒雲滿身騰起九

霄驟實惟富文雅不獨矜門胄相公屬上德傳家

六經舊君美璫璫器材早重堂構遊好非綺紈廟

廊作領袖名聲機雲上事業章平後唐書宰相表

當爲午亭構顧我門闌士臨分念彌厚投贈雜璆

琳金聲飄九奏擬尋採藥人春烟事耕耨松根刷

茯苓寄爲東閣壽花泉託微吟君已離氛垢才子

本神仙天香依袞繡廣陵五兩帆別酒潮平候

和呈家溧陽官詹公七絕句

廿年前擬黑頭公才地人文帝眷濃不肯康莊  
馳駿足九華冠珮步從容

彩筆家承第一流庾徐父子兩無儔也知朱雀喧

闌甚底要車前關八騶

殿上方需柱石材柳楓合抱亦何哉冰霜澗壑峙

嶠日紅杏偏教帶笑開謂微弦檢討

裙展翩翩一姓中過江門第有家風封胡過未雖

才俊襟度惟難勝謝公

使節光華絕妙詩山川宮闕遍題天香秩祀趨

山左玉海文章按浙西

看歌瓠子築宣房忠結臣勞格上蒼可但起家儒

術舊要將經畫重朝行

退食惟貪讀賜書典墳丘索恣耽漁猶遲少日爲

霖兩百斛龍文壓石渠

藤花廳詩奉和商丘公

紫藤艷敵百花然吏部亭軒接九天共說甘棠歌

召伯可知嘉樹譽韓宣朝班威壓千官坐祖德清

垂萬曆年變理餘閒書在手南華秋水動成篇

病起訪田嶢山侍御同年論詩道故一首

我昔訪君湏陽峽夜半蠻江停畫楫列炬照岸登

我舫共把銀樽酌江月十分意氣肝膽熱持贈黃金不論百陸生寶劍照歸裝翡翠明珠爛箱篋三年治行擢高等海外清名古循卓天子特召宰相賀正氣英風壓臺閣豸冠殿上自峻嶒驄馬街頭看蹀躞我改夕屏掌章奏與子九卿聯坐席衆中心事兩稠密直外形骸鑒毛髮狂吟獨取騎鯨客耿耿星文呼太白咸陽劉生妙風格謂相與談詩豁胸臆歎惜延陵好詞伯九重泉路埋仙骨謂眼中公等皆人傑一判升沈感存歿使我啼痕鵲帶血我前一病衰可惜行步欹危脚無力梟鳥侵陵鬼彈射君也怒張髯如戟離立起座聲嘖嘖市上那容攫金賊驚寔立奪纖兒魄扶持善類須正直愛君敬君數疇昔一上華堂談促膝袖中詩卷互披緡更破笑顏心莫逆

送郡太守趙旭升由中書 特詔知揚州

才雄掌誥在黃扉重鎮淮南借一麾星自天邊移劍履風來江上肅旌旗勲庸茅土承家大綸綽功名典郡奇駐蹕幾回龍虎地看公霖雨滿車隨上游吳楚控江濱半壁天南要重臣漢相祠亭看下馬隋堤楊柳待行春須知當寧疇咨久正觀雄

藩寵命新節鉞一門分伯仲願居開府第三人早持政體得寬嚴暖日霜風譽望兼定護宮牆安誦讀肯容市井重魚鹽兩城俗變嬉遊侈九邑官從治行廉第一貴農先積粟不虞水旱到窮簷文章太守續歐陽梧竹風清六一堂山色隔江雙塔映濤聲通井五泉香梅橫官閣吟情遠簫起紅橋水調長青瑣自驚畱滯日心隨竹馬走雷塘

呈座主通政贛州公

門掩雙藤靜書傳洛下聲位今崇九列人尚比諸生醇樸鄉情重寬閑勢分輕惟應章貢水抵得此

心清

往往傳呼寵停騶問疾頻遷除冠卿尹眷注異儒臣眉頰皆清氣襟懷實過人醉翁門下士箇箇感恩真

入境臺邊路清風絕代看何曾炫親舊詎似貴長安田宅無心買僮奴不倚官嬌兒挽鴉髻新誦五經完

送商丘冢宰公子告歸里

藻火梅鹽第一官偶思休沐離朝端午橋暫許來裴相別墅旋知起謝安鎮靜勛名江介大包容福

德海天寬昇平社稷臣勞著歌詠還同野老歡

某水吟來復某丘重尋雪苑舊風流也須鍊藥朱

生頗未害看花白上頭漁洋懷公詩開府江南雪滿頭四海詩名尊老

宿一朝人物數中州應知出處安危繫痼疾烟霞

得少瘳

相門才子接諸郎謂山言辭佳諸君中外官階祖德昌經世文

章歸政府亢宗功烈在封疆球圖代有天家賜寶

玉輕分越海裝置酒鄉人共高會都忘劍履步朝

堂

東汪文升

斜日垂楊酒半醺唾壺塵尾坐論文碧山亭館迴

車地慟哭羊曇祇有君長洲尚書置酒處君家安公東山皆遊矣

機雲入洛滿朝驚伯氏論文老更成謂今兄武曹何遜幾

曾聞不遜髯君才筆自縱橫懷杞瞻也

纔編詩帙歸天祿又纂圖經攝禁林八駿瑤池陪

輦立愛文惟覺主恩深

更衣上馬當時句擊鉢聯吟雅擅場敢望井華傳

汲處重尋醉墨有零香往隨尚書與臺縣王侍郎德清胡侍郎錢塘汪侍郎諸前輩及楊尚木查夏重

秋立人周漁璜諸子碧山堂燕集子有香濃屏後更衣覺醉久風前上馬消之句一時擊賞今逸其稿矣

行年

行年四十有七八嫁女婚男管輅傷僕病未能疲

耆欲臣精竊歎漸銷亡固宜海鳥驚鐘鼓合逐征

鴻覓稻梁服氣長生那可學略謀安穩黑甜鄉

頗懷徙宅白下之意批家書尾示五弟

阮家南北巷陸氏東西屋非惟蔽風雨亦以長喬

木年深易腐蠹雀鼠難盡逐努力門戶計阿奴羞

碌碌陰德高垣墉活人需千百遊從大父行祖澤

聞已熟吾祖歲掩枯荷施福枌無算子如勤堂構宅前奮旗纛便跨

青溪居南朝多鼎族傳家有賜書插架當遍讀無

爲裙屐嬉餘務守畊穫嗟哉馬糞王空黍烏衣目

吾從逐仕來丘壘荒樵牧年年逢寒食遠想烏銜

肉祿米給親黨此念亦空蓄淮海金錢府大賈壓

車軸高樓連洞戶椒蘭厭芬馥歡華養子孫茲爲

殃與福環堵一畝宮私願數椽足江干竹葦多採

刈助版築欸段尋少游一笑脫邊幅

過江集四卷

兩淮馬裕  
家藏本

國朝史申義撰申義字叔時號蕉飲江都人康熙戊辰進士選庶吉士散館改給事中時新城王士禛方以詩名海內嘗稱申義及湯右曾足傳其衣鉢見集中自註

聖祖仁皇帝嘗以後進詩人詢澤州陳廷敬廷敬以申義及周起渭對見廷敬序中其官翰林時有蕪城集典試雲南時有使滇集此則官給事中時前後數年作也